



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search


Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

HD WIDENER



Hw P98N S

C  
1276  
3.3



HARVARD COLLEGE LIBRARY  
FROM THE LIBRARY OF  
JOHN CHIPMAN GRAY  
CLASS OF 1859  
PROFESSOR OF LAW 1875-1913











# THEOLOGIA

## MORALIS

ILLUSTRISSIMI AC REVERENDISSIMI

D. ALPHONSI DE LIGORIO,

OLIM EPISCOPI S. AGATHÆ GOTHORUM,

ET RECTORIS MAJORIS CONGREGATIONIS SS. REDEMPTORIS,  
A PIO VII, 15 SEPTEMBRIS ANNI 1816 BEATORUM FASTIS  
ADSCRIPTI, ADJUNCTA IN CALCE PERUTILI INSTRUCTIONE  
AD PRAXIM CONFESSARIORUM, UNA CUM ILLUSTRISSIMI  
AC REVERENDISSIMI JOANNIS DOMINICI MANSI AR-  
CHIEPISCOPI LUCENSIS EPITOME DOCTRINÆ MORALIS ET  
CANONICÆ EX OPERIBUS BENEDICTI XIV.

EDITIO CÆTERIS CORRECTIOR.

TOMUS TERTIUS.

*Continens Tractatus de Contractibus et de præceptis parti-  
cularibus certo hominum statui propriis.*

---

ANTVERPIÆ,

Æ PRELO JANSSENS ET VAN MERLEN, IN PLATEA  
CORIARIORUM.

1822,

C 1276.3.3  
✓

HARVARD COLLEGE LIBRARY  
FROM THE LIBRARY OF  
JOHN CHIPMAN GRAY  
GIFT OF ROLAND GRAY

SEP 4 1984



---

# THEOLOGIA MORALIS.

## CAPUT III.

### DE CONTRACTIBUS.

#### DUBIUM I.

Quid in genere sit contractus ?

- 707 *Quid est contractus , et quotuplex ?*  
708 *Quotupliciter contractus perficitur ?*  
709 *Quid , si quis contrahat sine animo contrahendi ?*  
710 *Quid , si sine animo se obligandi ?*  
711 *An contractus sine solemnitatibus obliget in conscientia ?*  
712 *An oriatur obligatio ex contractu de re turpi ? Et cui  
facienda tunc restitutio ?*  
713 *An , quando actio est debita , sed non ex justitia , pre-  
tium sit restituendum pro illa acceptum ?*  
714 *Quando dolus vel error irritet contractum ?*  
715 *Quid , si dolus fuerit circa rei qualitatem , sed dederit cau-  
sam contractui ?*  
716 *An metus gravis injustus reddat irritum contractum ipso  
facto ?*  
717 *An metum passus possit rescindere contractum pro suo  
arbitrio ? Quid , si contractus sit irritus per metum re-  
verentialem , aut per preces importunas ?*  
718 *Quid , si per metum levem ?*  
719 *An metum passus possit rem repetere à tertio possessore.*

» **R**ESP. Est pactum , sive consensus duorum , quo 707.  
» scienter , liberè , et legitimè uterque se vicissim ,  
» vel nimirum saltem una pars se alteri acceptanti  
» obligat , quocumque signo externo id fiat : ut v. gr.  
» in contractu mutui , ex una parte mutuans se obligat  
» ad non repetendum mutuum antè certum tempus ; ex  
» altera parte mutuatarius se obligat tunc ad illud red.

» dendum ; et sic de aliis. In promissione autem , vel  
 » donatione absoluta , una pars tantum obligatur post  
 » alterius acceptionem. »

Prænotandum , alios esse contractus nominatos , ut sunt emptio , mutuum , etc. Alios innominatos , quorum *ex l. Naturalis, ff. de Præscript. verb.* quatuor dantur species , scilicet : *Do ut des : Facio ut facias : Do ut facias : Facio ut des.* Notandum deinde , alios esse contractus nudos , alios vestitos , nimirum stipulatione , juramento. Pro nudis autem regulariter non conceditur actio in foro externo.

708 Sed quæritur 1. quot modis contractus perficiantur ? Resp. quatuor modis , I. *Consensu* , ut in emptione , locatione etc. Et si in istis convenitur de scriptura , ista magis ad probationem , quam ad constitutionem deserviet , *ex § Un Ins. de Obl. ex cons. et l. S.C. de Trans.* Excipe , nisi partes intendant suspendere consensum , donec scriptura fiat ; et hoc esse indicatur , quando ab initio de scriptura conveniunt , *l. Contractus , C. de Fide instrum.* II. *Contractus perficiuntur verbis* , prout in stipulatione. III. *Scriptura* , ut in contractu censûs. IV. *Traditione* , ut sunt mutuum , donatio , depositum , commodatum , pignus : qui omnes contractus , nisi tradita re , non perficiuntur. Ità communiter *Lugo , Less. Mol. etc. cum Salm. de Contr. c. 1 n. 5.*

Hinc in contractibus , qui solo consensu perficiuntur , nequit una pars , alterâ invitâ , resilire ; Secus , si contractus scripturâ , aut traditione indigeant. Cæterum in foro conscientiæ contrahentium intentioni standum est ; Ità communiter *DD. apud Salmanticens. ib. n. 6 cum Less. lib. 2 cap. 17 n. 19 Covarr. Gom. etc.*

709 Quæritur 2. an , si quis externis signis contraheret , sed sinè contrahendi animo , in conscientia teneretur ad contractum ? Resp. negativè ex communi cum *Sanch. de Matrim. l. 1 disp. 9 n. 5 et Lug. Sylv. Prado cum Salm. ib. n. 7.* Excipe , nisi in aliquo contractu oneroso alter contrahens jam partem suam præstiterit ; tunc enim tenêris tu implere tuam , etiâ si fictè

promiseris, juxtà dicta de stupratore fictè promittente Matrimonium, vide *dict. n. 642*.

Quæritur 2 an qui, sciens obligationem contractûs, 710  
velit quidem contrahere, sed nolit se obligare, remaneat obligatus in conscientia? Adest duplex sententia probabilis. *Prima sententia* affirmat cum *Less. Soto, Dic. Pont. etc. apud Salm. de Matr. c. 1 n. 20. Secunda* verò *sententia* probabilior negat cum *Sanch. de Matr. lib. 1 D 9 n. 5 Bonac. eod. tit Qu. 1 p. 1 n. 5 et Salm. dict. n. 28 cum Pal. Con. Avers. Villal. Bec. Cornejo, etc.* Ratio, quia conditio appositâ contraria substantiæ contractûs, contractum invalidat; quâ ratione in *cap. fin. de Condit. appos.* dicitur, quod conditio contraria substantiæ matrimonii ipsum annullat, licet adsit intentio contrahendi. Vide dicta *de Juram. pag. 121 vers. An autem; et de Voto pag. 126 Quæritur II.*

Quær. 4. utrùm contractus sinè debitis solemnitatibus celebratus obliget in conscientia? Triplex datur probabilis sententia. *Prima* negat; quia leges irritantes tales contractus fundantur in præsumptione non solum doli, sed etiâ periculi; et idè potest Lex humana omninò tollere naturalem obligationem contractûs initi: Sic enim Ecclesia nullum reddidit Matrimonium sinè Parocho, et testibus contractum, Ità *Less. lib. 2 c. 19 n. 35 Lugo D. 22 sect. 9 n. 252 Salm. de Contr. c. 1 n. 50 cum Vasq. Trull. Bon. et aliis.*

*Secunda* sententia omninò opposita, quam tenet 711  
*Sotus de Justit. lib. 4 quæst. 5 Mol. D. 81 Sa v. Contractus n. 1 item Abbas, Innocent. S. Antonin. et alii apud Cabass. Theor. Jur. l. 6 c. 3 n. 2 et meritiò probabilem vocant Lug. Less. et Salm. n. 50 et 52 affirmat, hujusmodi contractus obligare, quia in illis humana lex, quàmvis neget actionem civilem, non tamen tollit naturalem obligationem, ad quam solus quidem consensus sufficit. Tertia sententia, quam sequuntur *Sanch. Con. lib. 4 cap. 1 d. 14 cum Henr. Lop. etc. Cabass. l. cit. cum Bann. et Beja* (et his se postmodum adjungit *Sotus loc. cit. q. 5 art. 3*) docet,*

in his contractibus præferendum esse possessorem , donec per sententiam judicis condemnetur ad restituendum ; et probatur ex *c. Cum sunt , de Reg. Jur.* ubi : *Cum sunt partium jura obscura , reo potius favendum est , quàm actori.* Hanc sententiam non solum puto probabiliorem , sed in praxi omninò tenendam , eòquod ( juxtà principium in hoc libro toties statutum ) , cum possessio jus certum tribuat , nequit possessor re expoliari , nisi constet de jure alterius. Hæc autem tertia sententia supponit secundam satis esse probabilem. Sed primæ sententiæ Auctores possent objicere exemplum suprà relatum Matrimonii clandestini , sinè Parocho et testibus initi , ex quo nulla remanet naturalis obligatio , cum ab Ecclesia in Tridentino *Sessione 24 cap. 2* omninò invalidum declaratum fuerit. Sed respondetur , hujusmodi contractum multum differre ab aliis , respectu enim ad Matrimonii contractum , cum ipse ad Sacramenti dignitatem elevatus fuerit , singularis potestas à Deo impertita est Ecclesiæ , solvendi scilicet ab omni obligatione Sponsos , qui sinè debitis conditionibus ab Ecclesia præscriptis Nuptias ineunt ; nam et Ecclesia , licet nihil mutare possit circà Sacramentorum materiam , et ideò nullum potest invalidare Matrimonium legitimo consensu contractum , attamen benè præscribere valet , et declarare , illegitimum esse consensum illum , quem Sponsi apponunt contrà legem ab Ecclesia propter commune bonum Christianæ Reipublicæ sancitam. Procul tamen dubio tenetur possessor stare sententiæ Judicis , si damnetur ad restituendum , ut benè addit *Cab. loc. cit. n. 5 in fine.* An verò possit Judex eo casu judicare contrà possessorem , si probabilior sit Judici opinio possessori opposita ? Probabilius nego , juxtà dicenda *lib. 4 n. 210 v. Quæritur II.* Hic autem notandum id , quod habetur in *l. Etsi inutiliter , C. de Fideicom.* nempè , quod , si hæres jam tradiderit rem ex fidei commissio relictam in testamento non solemniter , nequeat postmodum eam repetere hæc præcisè ratione , *cum non ex sola Scriptura ( verba textus ) sed ex con-*

*scientia relictæ fideicommissi defuncti voluntati satisfactum esse videatur. Hinc ponitur in Argumento: Agnoscens minus solemnem voluntatem, et solvens, non repetit.*

« 1. Si alteri promisisti, aut donasti interiùs tantum, aut si externo signo quidem, altera autem non acceptavit, non fuit contractus, nec obligaris.

» 2. Invalidus est contractus, si contrahentes sint inhabiles ad contrahendum, vel si jus positivum resistat. Vide *Less. l. 2 c. 37 d. 8.*

» 3. Item si materia contractus sit illicita, ut si sit peccatum; vel illegitima, ut si fur vendat rem alienam.

Quæritur I. An inducant obligationem pacta de re turpi, puta de patrando homicidio, adulterio, furto, sacrilegio, fornicatione, et similia? Certum est, quod antè patrationem peccati nullus sit contractus, et nullam pariat obligationem, quoniam justitia nullo modo potest obligare ad illicitum; unde certum est, quod eo casu nec promittens teneatur dare pretium conventum, nec alter retinere possit pretium acceptum. Dubium est, an post opus illicitum præstitum sit obligatio solvendi pretium promissum, et alter possit illud retinere? Quoad meretrices commune est, et oertum inter DD. quod possint retinere pretium meretricii præstiti. Ità *S. Thom. 2 2 qu. 62 art. 5 ad 2* ubi docet: *Cum quis dat meretrici propter fornicationem . . . . . mulier potest sibi retinere quod ei datum est. Sed si superflue aliquid per fraudem vel dolum extorsisset, teneretur eidem restituere.* Et ità *Continuator Tournely tom. 1 pag. 330 sect. 4* et omnes alii communiter: Et probatur ex *l. 44 ff. de Condit. ob turp. caus.* ubi dicitur: *Sed et quod meretrici datur, repeti non potest... quid licet turpiter faciat quod sit meretrix, non tamen turpiter accipit, cum sit meretrix.* Pro aliis verò maleficiis, puta pro ferenda sententia injusta, vel patrando homicidio, adulterio, fornicatione, etc. duplex est sententia probabilis: *Prima* negat esse obligationem solvendi pretium, aut posse illud retineri; ità *Adrianus in 4 de Rest. §. Restat Comitok*



*lib. 3 D. 5 Jo. Med. Cod. de Restit. Nav. Man. cap. 17 n. 38* (quàmvis *Less. et Lugo* asserant *Navarr.* alibi mutasse sententiam) *Continuator Tournely l. c. pag. 330 ac alii ap. Concinam t. 7 pag. 147 n. 5* et probabilem vocant *Less. lib. 2. cap. 14 n. 60. Roncagl. de 7. Præcept. c. 6. quæst. 4. et Dian. part. 2. tract. 2. Misc. R. 40.* atque huic adhæret *Gonc. loc. cit.* Probatur 1. hæc sententia ratione, quia actio illicita nullo pretio digna est, cum peccatum non sit vendibile. Probatur 2. ex *l. Mercedem. C. de Conduct.* ubi dicitur : *Ob turpem causam ex stipulatione contra bonos mores interposita denegandas esse actiones.* Item ex *l. Pacta. C. de Pactis.* *Pacta, quæ contra leges constitutionesque, vel contra bonos mores fiunt, nullam vim habere ; indubitati juris est.* Si igitur pactum antè impletionem est nullum, non potest per impletionem validari ; regula enim communis est quod illud quod ab initio non subsistit, tractu temporis convalescere nequeat. Censentur autem leges istæ non solum prohibere actiones ipsas illicitas, sed etiã solutionem pretii pro illis, eò quod solutio fomentum præberet similibus sceleribus. Accedit, quod leges, quæ non nituntur falsâ præsumptione, benè obligent in conscientia. Undè *S. Th. 2 2. quæst. 32 art. 7 ad 2* ait : *Apud illos, qui sunt hujusmodi legibus obstricti, tenentur universatiter ad restitutionem.* Et *quæst. 62 art. 5 ad 2.* *Ille, qui accepit contra legem . . . non debet sibi retinere.* Juxta autem hanc sententiam dubitatur, cuiam faciendâ sit restitutio accepti ? *Sotus, et Covarruvias* censent, faciendam esse illi, qui dedit : Sed probabilius et communius tenent *Less. n. 61 cum S. Anton. Navarr. et alijs*, erogandum esse pauperibus, vel locis pijs ; absurdum enim est, et contra mentem legum, ut illi fiat restitutio ; quem potius leges punire, quàm juvare intendunt.

*Secunda* verò probabilior sententia et communis, quam tenent *Sanch. Dec. l. 3. c. 9 n. 27 et 28 Less. l. 2 c. 14 n. 52 et l. 18 n. 18 Salm. de Rest. c. 1 n. 154. Croix l. 3 part. 2 n. 692 Viva de Rest. quæst. 1 art. 1 n. 3 Lugo de Just. D. 18 n. 59 cum Vasq. Sol. Mol. Turr.*

*Covarr. Cajet Arag. et aliis communiter*, docet, tenêri promittentem solvere pretium, et contrâ, recipientem non tenêri ad restitutionem. Ratio, ut quidam dicunt, quia opus malum, etsi pretio dignum non sit, quatenus est malum, est tamen pretio dignum, quatenus est alteri utile, vel delectabile. Sed hæc ratio tenuis mihi videtur, nam, ut docent communiter DD. cum *D. Thoma*, nullum pretium meretur res, quæ cedit tantum in utilitatem emptoris, et ejus privatio nullum affert incommodum venditori pretio dignum. Nec valet dici, quod præstans opus illicitum justè pretium accipiat pro rectitudine, quâ privatur; hujus enim rectitudinis privatio, cum sit res merè spiritualis, nullo modo videtur esse pretio æstimabilis. Ratio potior mihi est, quia in quocumque contractu oneroso, *do ut des, facio ut facias* (ut statuimus ex communi sententia *n. 644*), lex naturalis dicat, quod, cum quis partem suam præstiterit, teneatur alter suam implere, quam licitè præstare possit. Undè, si alter opus suum (etsi illicitum) jam præstiterit, tenêris tu pretio promisso ei satisfacere. Sed dices: hoc currit quando utraque pars est pretio æstimabilis; at hîc actio illicitè præstita nullo pretio digna est. Respondéo: actio illa peccaminosa nullo quidem pretio est digna, quia illicita est; sed benè pretium meretur, quâ est temporaliter laboriosa, vel ignominiosa, vel periculosa illam præstanti; pretium enim et actio tunc conveniunt saltem in genere rei temporalis. Et quamvis ignominia illa, sive periculum, nullo pretio compensari possit, et antè pactum nihil compensare tenearis, cum sint res diversi ordinis, inter quas nulla datur proportio; et idè qui famam alteri abstulit, non tenetur pecuniâ infamiam compensare, si nequeat famam restituere, ut ex probabiliori sententia diximus *n. 627*. Posito tamen contractu, et præstitâ ab altero actione peccaminosâ, tenêris tu pretium promissum solvere, non jam ad compensandum damnum alterius, sed ad implendam obligationem naturalem, ex qua (ut diximus) quis-

que tenetur suam partem promissam implere, postquam alter suam præstiterit. Aliàs (rectè ait *Lugo loc. cit.*) non videtur, quomodò possit obligari stuprator, qui virginem violaverit sub facta promissione matrimonii, ad eam ducendam, ut diximus *n. 643* ex communi sententia. Ad leges autem civiles pro prima sententia allatas respondet *Les. dic. c. 14 n. 57*, quod licet ipsæ rescindant hujusmodi pacta, et auferant omnem obligationem civilem, ob quam possit peti in judicio promissum, tamen non irritent acquisitionem rei ex tali causa. Et hoc satis significat lex in principio hujus quæstionis relata, quâ declaratur, meretricem posse retinere pretium sui meretricii, *quid, licet turpiter faciat, quod sit meretrix, non tamen turpiter accipit, cum sit meretrix.*

Quæritur II. An, si vir donet aliquid foeminæ ad extorquendam copulam, possit illa id retinere, copulâ non concessâ? Si adfuerit pactum de copula explicitum, vel implicitum, tunc certè tenetur restituere; Secùs verò, si donum datum sit ad animum alliciendum, quia datio illa fuit omninò liberalis; quemadmodum si quis det pecuniam Episcopo tantum ad eum alliciendum, ut conferat Beneficium, justè potest Episcopus eam retinere, si non conferat. Ità communiter *Lugo D. 18 n. 49 Mol. t. 3 D. 737. Roncaglia de 7 Præcept. c. 6 quæst. 2 et Salm. de Restit. c. 1 n. 165 cum Prado, Tap. Vill. Dic. Reb. etc.* Benè tamen advertunt *Salm. ibid.* difficulter excusari mulierem accipientem tale munus à peccato scandali, quia munere accepto vir ardentior et audacior redditur ad eam concupiscendam. Undè dixit *D. Thom. lib. 4 de Erudit. Princip.* ex *D. Hieronymo: Matrona non est casta, quæ, cum rogatur, munera accipit.*

713. Quæritur III. Si actio sit debita ex alia virtute, quàm ex justitia, puta jejûnium in Quadragesima, an restituendum sit pretium pro illa actione acceptum? Affirmant *Les. Medin. etc. apud Croix l. 3 p. 2 n. 295.* Sed communius et probabilius negant *ibid. Sot. Lugo, Bann. Tambur. Dian. et alii.* Ratio, quia præsens pretium tunc acquirit jus, quo antea carebat.

- « 4. Item si contractus sit factus vi, dolo, vel errore versante circa rei substantiam, v. gr. si acetum pro vino, vitrum pro gemma vendidisti.
- » 5. Non est invalidus contractus (etsi aliquandò ob 714 injuriam possit rescindi), si error vel dolus interveniat circa qualitatem, aut circumstantiam accidentalem v. g. emisti vinum Mosellanum, putans esse Rhe- nanum: nisi fortè intentio contrahentis fuerit conditionata non obligandi se, nisi existente tali qualitate, aut circumstantia; qualis virtualiter fuisse censeri potest, si error versetur circa circumstantiam valdè immutantem objectum, et nimis excessivam ejus existimationem, ut notat *Laym. l. 3 t. 4 c. 6.* »

Contractus est nullus, si dolus, vel error sit circa substantiam contractûs. Est commune; *Less. l. 2 c. 17 n. 27 Salm. c. 1 n. 19 cum Trull. Bon. Vital. etc. ex S. Thom. p. 3 q. 51 art. 2 ad 7.* Et hoc, etiâsi dolus, vel error non dederit causam contractui, idest etiâsi, patefacto errore, pars adhuc contraxisset: quia semper deficit actualis consensus, *Salm. ibid. cum Sanch. Bon. Con. Trull. Avers. etc.* Communis è converso est sententia, quod, si error sit non circa substantiam, sed circa qualitatem rei, et non dederit causam contractui, contractus sit validus, *Less. ib. n. 28 cum S. Anton. Soto, Caj.* Hinc ait *Less.* quod, licet una pars decepta fuisset in pretio ultra dimidium, contractus non posset rescindi, alterâ nolente, sed solùm ad æqualitatem reducendus esset; *Salm.* tamen *c. 1 n. 20 cum Molin.* dicunt, contractum posse rescindi.

Sed majus dubium est, si dolus, vel error fuerit 715 tantùm circa rei qualitatem, sed dederit causam contractui, ità ut, illo manifesto, pars non consensisset, utrùm validus contractus remaneat? Negant *P. Concina tom. 7 p. 246 Basil. et alii apud Salm. de Matrim. c. 10 n. 12 et Præpos. cum Medina apud Salm. de Matr. l. 7 D. 18 n. 17 et Salm. de Contr. c. 1 n. 21* probabile putant. Ratio, quia licet qualitas in esse physico sit quid accidentale, in esse tamen morali habet ra-

tionem substantiæ Oppositum tamen est communiter traditum à DD. et probabilius cum *Lug. D. 22 n. 92 Sanch. de Matr. l. 1 D. 64 n. 3 Less. loc. cit. n. 29 Laym. l. 3 tract. 4 c. 5 n. 3 Pal. tract. 14 D. 2 p. 5 n. 19 Ronc. de Contract. quæst. 5 R. 2 Tourn. t. 1 p. 415 Salm. loc. c. cum Mald Prado, Trull. etc.* Ratio, quia contractus hic non est invalidus neque de jure positivo, neque naturali. Non de jure positivo, cum ex *Inst. l. 4 tit. 13 de Except.* sic habeatur: *Si metu coactus, aut dolo inductus, aut errore* (intellige circa qualitatem) *lapsus stipulanti Titio promisisti quod debueras promittere, palam est te jure civili obligatum esse et actio qua intenditur, dare te oportere efficax est: Sed iniquum est te condemnari, idèdque datur tibi exceptio, quod metùs causà, aut doli mali, etc.* Non de jure naturali, nam ad contractum validandum sufficit animus voluntarius quoad substantiam, licet sit involuntarius quoad accidentia: Nisi (ut benè advertunt cum *Busemb. hinc n. 5 ut suprà Tournely loc. cit. et Sporer de 7 Præcet. n. 86 cum Sanch. ac Laymann*) contrahens expressè consentiat sub conditione, si talis adsit circumstantia, quia tunc qualitas transit in substantiam. Communiter autem DD. ut ait *Concina cum Busemb. Les. Spor. Tour. etc.* docent semper posse irritari talem contractum à decepto ratione injuriæ, et defectûs consensûs, et tenèri deceptorem ad damna ex deceptione orta, ex *l. 13 de Act. emptoris.* Et quando res adhuc integra est, ajunt *Less. loc. cit. Laym. n. 6 Pal. n. 23 Sporer de 7 Præcept. c. 2 n. 98*, quod, si error fuerit invincibilis, non teneatur deceptus in conscientia implere contractum, etiàm onerosum, postquam noverit veritatem, quæ si ab initio ei nota fuisset, minimè consensisset: Ratio, quia hæc est tacita mens contrahentium, non se obligandi ad contractum, quando se deceptos deprehendunt: idque dicit confirmari à consuetudine recepta. Quando verò res non est integra, nempe si altera pars jam impleverit, tunc si illa non erat conscia erroris, licet tu non habeas actionem ad rescissionem, adhuc tamen



contractum potest rescindere in conscientia, si res est magni momenti, et deceptio fuit causa contractûs, ut *Sylv. et Navarr. apud Less. cum Laym. et Bus. dict. n. 5 in fine*. Si autem altera pars conscia erroris erat, tunc potes contractum irritare, ut suprâ, etiâ in judicio. Notandum tamen, quod in conscientia altera pars errorem tibi manifestare non teneatur. Itâ *Less. loc. cit. n. 33*. Intellige, modò non decipiat, sive ipse non sit causa erroris, prout dicit idem *Less.* loquendo de Donatione, vide *infr. n. 737 in fin.*

« 6. Nec est invalidus contractus, sive onerosus, »  
 » sive gratuitus, ex metu, licet gravi, injustâ incusso,  
 » cum adhuc simpliciter sit liber, et voluntarius: licet  
 » cet possit à judice rescindi pro arbitrio metum passi.  
 » Itâ communiter *ap. Sanch. d. 8 n. 4 Card. Lugo d. 22 Laym. loc. cit. c. 5*. Excipiuntur tamen aliqui  
 » contractus, qui ipso facto sunt irriti (saltem ex jure  
 » positivo), si ex metu gravi fiant; talis est 1. Contractus  
 » matrimonii, etiâ si juramentum accesserit, *ex c. Cum loco, et c. Veniens.* \* (Utrum currat  
 » idem in sponsalibus? *Affirmant Salm. de Matr. c. 1 n. 62 cum Sanch. Advers. Cov. Bec. At probabilius Con. Trull. Dic. Hurt. Led. dicunt sponsalia esse tantum rescindibilia. V. de Matr. l. 6 n. 844*) \* 2.  
 » Professio religiosa, *ex c. 1 De his. 3*. In aliis quibuscumque votis. \* (Etiâ si vovens noluerit se obligare. *Salm. de Contr. c. 2 n. 12 ex communi. Vid. dict. n. 197.*) \* 4. Contractus dotis promissæ, vel solutæ, qui in hoc sequitur naturam matrimonii, cui accessorius est. *Leg. Si mulier. §. Si dos, ff. Quod metûs causâ. 5*. Promissio, vel traditio, in rebus Ecclesiæ, *c. 15 qu. 6* 6. Auctoritas tutoris per metum extorta. *Leg. 1 §. ult. ff. de Auctor. tutor. His addunt alii plures, ut promissionem, et donationem gratuitam, renuntiationem beneficii; jurisdictionem per metum extortam. Verum hi controvertuntur, vide C. Lugo de Just. d. 22 n. 115 et seq.* »

Quær. 1. An contractus per metum gravem initus 716

sit ipso facto invalidus? Adest triplex sententia probabilis. *Prima* sententia affirmat; Ratio 1 quia si hujusmodi contractus naturaliter esset validus, ex injustitia oriretur justitia, cum ex contractu per injuriam extorto oriretur obligatio, quæ est actus justitiæ. Ratio 2 quia, si contractus valeret, utique transferretur dominium rei traditæ, et metum incutiens eam retinere posset, saltem usque ad Judicis sententiam; sed hoc omnes negant; ergo contractus per se est nullus, saltem de jure positivo, ex *l. Qui in carcerem*, 22 ff. *de eo quod metus causâ*, ubi dicitur contractum ex metu initum, nullius esse momenti. Ità *Mol. t. 2 D. 326 Fel. Pot. de Contr. n. 2359 cum Vill. Dian. Leand. item Syle. Rebhel. et alii apud Salm. de Contract. c. 1 n. 10*, qui probabilem vocant. *Secunda* sententia tenet, contractus gratuitos esse invalidos, non verò onerosos. Ità *Sot. in 4 D. 29 q. 1 art. 3 Pont. de Matr. l. 4 c. 6 n. 4 cum Medin. Arag. Reb. etc.* et quoad donationes hæc videtur esse *D. Th. 2 2. q. 89 art. 7 ad 3* ubi ait: *Talis obligatio tollitur per coactionem, quia ille, qui vim intulit, hoc meretur, ut ei promissum non servetur.* Ratio, quia ad liberalem donationem, ad differentiam aliorum contractuum, requiritur de jure naturali voluntas omninò libera. *Tertia* verò sententia probabilior et communissima, quam tenent *Lugo de Contract. D. 22 n. 115 Less. l. 2 c. 17 dub. 6* qui vocat ferè communem, *Salm. dict. c. 1 n. 11 Roncaglia de Contract. cap. un. quæst. 4 R. 1 Fill. tract. 33 c. 2 n. 32 Azor. t. 1 l. 1 c. 11 Renzi de Contr. c. 5 quæst. 3 Viva q. 1 art. 3 n. 11* et alii innumeri, docet, talem contractum esse quidem rescindibilem, non verò invalidum, neque de jure naturali, neque positivo. Non naturali, quia metus non tollit simpliciter voluntarium, ut *D. Thom. 1 2 q. 6 art. 6*. Non jure positivo, dum in *l. Si mulier ff. de eo quod metus etc.* præcipitur Judicibus ut tales contractus rescindant; ergo per se lex habet eos ut validos.

Excipe tamen Matrimonia per metum gravem inita, quæ certè per se sunt nulla ex jure Canonico. Vide

*de Matr. l. 6 n. 1054.* cui adjunguntur : I. Professio Religiosa *c. 1 de his quæ v.* II. Electio Prælati, *cap. Periculum. §. Cæterum, de Electione in 6.* III. Auctoritas Tutorum extorta per metum, *l. 1 § ult. ff. de Auctor Tut.* IV. Traditio rerum Ecclesiasticarum, *ex c. Peruenit de Jurejur.* V. Jurisdictio Ecclesiastica per metum acquisita, et etiã civilis, *l. 2 ff. de Judais.* VI. Absolutio à censuris (non verò infliccio illarum.) VII. Renuntiatio Beneficiorum, vide *Less. c. 7 d. 6. a n. 37.*

Quær. 2 An metum passus possit pro suo arbitrio rescindere contractum sinè auctoritate Judicis? Negat *Croix l. 3 p. 2 n. 638* et eum sequitur *Mazz. de Contr. t. 2 p. 40* qui dicunt, hoc prohiberi, ne jurgia multiplicentur, si cuilibet liceret rem repetere propriã auctoritate. Sed affirmat communis sententia tenenda, quam tradunt *Less. dict. c. 17 n. 38* et vocant communem *Sporer tr. 6 c. 2 n. 123 Fill. loc. c. n. 33 Laym. de Contract. c. 6 n. 2 Pal. tr. 2 D. 1 p. 12 n. 6 ad 2. Viva loc. cit. Salm. dict. c. 1 n. 16 ad 2. Renzi loc. cit. Roncag. dict. q. 4 R. 1 cum Mol. et Reb.* Undè inferunt, quod metum passus benè possit occultè sibi compensare; intellige, si petat, et alter nolit contractum rescindere. Et contrà qui metum incussit, tenetur restituere rem extortam, statim ac alter petat. Ità *Pal. loc. cit. Viva dict. n. 11 in fin. Less. n. 38. Fill. n. 35.*

Idem autem, quod dictum est de contractibus initis ob metum gravem, dicendum cum *Pontio de Matr. l. 4 c. 11 n. 3 et 4.* de initis per metum reverentialem. (Etsi *Pontius d. p. 3* teneat, contractus merè gratuïtos, juxtà suam sententiam ut suprà in quæst. 1 esse non solùm irritandos ad nutum, sed ipso jure irritos). Alii tamen DD. tum tantùm id admittunt, cum metui reverentiali adjiciuntur etiã verbera, aut minæ, aut diuturna indignatio, sivè torvus aspectus, dura verba, et similia, quæ verè gravis mali timorem immittant. Ità *Sanchez de Matr. l. 4 D. 6 n. 14. Viva de Matr. q. 4 art. 3 n. 7. Salm. eod. tit. c. 9 n. 33 et 34 cum Pal. Dic. etc. communiter.* Idem in substantia sentit *Pontius*

sed meritò ait *l. 4 c. 5 ex n. 3 cum aliis*, metum reverentialem per se esse gravem, quia aliud est operari ex reverentia Superiori debita, aliud ex metu reverentiali, qui necessariò induit timorem alicujus gravis damni imminentis ex obedientia non præstita, puta diuturnæ indignationis, etc. ut suprà. An autem preces importunæ constituent metum gravem? Affirmat Pontius *ibid.* n. 17 cum Nald. Lugo, etc. Sed veriùs negandum, nisi preces addantur metui reverentiæ ergà Superiorem: Ità *Sanch. l. 4 D: 7 n. 7 cum plur. et Sal. loc. c. n. 37 cum Pal. Bonac. Covarr. Dic. Hurt. et plurib.* Et benè advertit *Sanch. ibid. n. 8* non omnes preces assiduas dici importunas, sed tantum quæ sunt instantissimæ, et sæpiùs inculcatæ. Quarum autem personarum respectu detur metus reverentialis? Ultrà proprium Patrem, Episcopum, Magistratum, dicit *Sanch. l. 4 D. 5 ex n. 26 cum aliis*, dari etiàm respectu Soceri, Avi, Curatoris, Matris (si tamen sit austera, et minas soleat exequi); et etiàm Fratris majoris, aut Patruis, si cum eis habitetur, et ab eis alimenta præbeantur.

- 718 Sed quæritur 3. utrùm contractus ex metu levi initus sit rescindibilis arbitrio metum passi? Prima sententia affirmat in foro interno; nam in externo non datur actio *ex lib. 6 ff. de eo quod metus etc.* Ratio, quia quicumque metus injuriam infert, ex qua incutiens commodum reportare non debet; undè sicut ipse tenetur in conscientia relaxare promissionem tali metu extortam, sic contrà promittens in conscientia non tenetur illam adimplere. Ità probabiliter *Less. l. 2 c. 17 n. 46 cum Navarr. Sot. Syl. etc.* item *Sanch. de Matr. l. 4 D. 19 n. 6. Pal. dict. p. 12 n. 6 ad 2 et Salm. de Contract. c. 1 n. 14 cum Mol. Trull. Dic. et Reb.* Benè tamen excipiunt Matrimonium (juxtà nostram sententiam, vide *de Matr. l. 6 n. 1056*), et Professionem religiosam. An etiàm votum? Vide dicta *de Voto n. 167. Secunda* verò sententia mihi probabilior, quam tenent Pontius *de Matr. l. 4 c. 10 n. 5. Tamb. Dec. l. 1 c. 2 § 6 n. 4 et Viva de Matr. q. 4 art. 2 n. 6*

*cum Per. Med. etc.* dicit, neque in foro externo, neque interno rescindi posse contractum initum ex metu levi. Ratio, quia non præsumitur consensisse ex metu, sed verè spontè, qui noverit esse levem, et cum facile potuisset, non rejecit. Excipienda tamen censent *Salm. loc. cit.* omninò esse sponsalia, quæ etià per metum levem contracta rescindi possunt per judicis sententiam, ex maxima libertate, quam sponsalia requirunt.

Quær. 4 utrùm si interfuerit metus gravis injustus, dans causam contractui, et res pervenerit ad tertium possessorem bonæ fidei, possit metum passus ab illo rem revocare, et ille teneatur restituere? Negat *Laym.* Sed rectè communiùs affirmant *Salm. de Contr. c. 1 n. 15 cum Lugo, Sanch, Sylvest.* Quia res semper transit cum vitio suo, etià si metus non sit ab illo tertio incussus; Et patet *ex l. 14 §. 3 de Eo, quod metus, etc.* ubi: *In hac actione non quæritur, utrùm is, qui convenitur, an aliùs metum fecit? Sufficit enim hoc dicere, metum illatum.*

« 7. Non possunt contrahere, qui bonorum suorum »  
 » administrationem non habent: quales ferè sunt »  
 » prodigi, furiosi, filii familias, uxores, religiosi, »  
 » pupilli, minores; exceptis quidem casibus, de »  
 » quibus *V. Less. l. 2 c. 17 d. 4. et infra hic c. 4 d.* »  
 » 1. ex n. 918. »

## DUBIUM II.

Quid in specie de Promissione, et Donatione?

720 *An simplex promissio obliget sub gravi? Quid, si promissio reddatur nociva, vel si accidat mutatio?*

721 *Qui sint inhabiles ad donandum?*

722 *An debitis gravati?*

723 *Quid, de donatione inter conjuges?*

724 *Et inter Patrem et filium?*

725 *An obliget donatio antè acceptionem?*

726 *Quid, si donatio sit facta ad pias causas?*

727 *An donatio firmata juramento possit revocari antè acceptionem?*

Tom, III,

2



728 *Quando obliget donatio facta absenti?*729 *An possit acceptari donatio post mortem donantis?*730 *Quid, si mandatum fuerit, ut donatio fieret à nuncio, et ipse eam omisisset?*731 *An mortuo donatario antè acceptionem, possit hæres acceptare?*732 *An requiratur traditio ad acquirendum dominium rei donatæ?*733 *An donatio ultrà summam 500 solidorum teneat?*734 *An sit obligatio implendi modum sive finem donantis?*735 *An promissio prodiga sit valida?*736 *Quid, si donatio fiat ad alliciendum?*737 *Quid, si ob causam falsam? Et quid, si causa sit secundaria?*

720 « **R**ESP. Quæ hùc spectant, facilè colliguntur ex  
 » dictis suprà de Voto l. 3 tr. 2 c. 3.

*Ex quibus, et doctrina præcedentis dubii resolvitur.*

» 1. Promissio acceptata à promissario, si materia  
 » sit notabilis, an sub mortali obliget secundùm se  
 » spectata? Non convenit inter Doctores, *Caj.* negat  
 » quem sequitur *Marat.* 2 de just. d. 19 sect 10. Alii  
 » (fortè probabiliùs) affirmant cum *Vasq.* 1 p. d. 65  
 » c. 7 n. 4 *Fill. Mald. etc.* Dixi secundùm se, quia  
 » certum est, quod per accidens possit obligare sub  
 » mortali, v. gr. ratione gravis damni, quod aliàs  
 » promissarius pateretur: ut si promisisses ei te datu-  
 » rum mutuum, et ille tibi confisus aliundè sibi non  
 » prospexisset. Vid. *Less.* l. 2 c. 18 d. 5.

» 2. Tota hæc obligatio communiter dependet ab  
 » intentione promittentis. Circà quod notat *Sa*, vix  
 » quemquam promittentium intendere se obligare,  
 » aut alteri dare jus exigendi, nisi addat juramentum  
 » aut faciat instrumentum: sed plerumque tantùm  
 » intendere declarare suum propositum. V. *Escob.*  
 » t. 3. c. 6 et *Mol.* Hinc, ut in foro externo censeatur  
 » valida promissio, requiritur præter acceptionem,  
 » ut exprimatur causa, propter quam promittitur;  
 » alioquin præsumitur errore, vel joco facta; *Trull.*  
 » l. 7 c. 16 art. 7. ex *covarr. et Vill.* »

In hac quæstione tres sententiæ adsunt omnes satis probabiles. *Prima* dicit, quod quævis promissio acceptata obliget sub gravi et ex justitia, quia fidelitas promissa jus præbet promissario ad rem promissam. Ità *Sanch. de Matr. l. 1 D. 5 n. 20 Laym. tr. 4 c. 12. n. 1 cum S. Anton. Covarr. Pal. Trull. etc. ap. Salm. de contr. c. 4 p. 79. Secunda sententia* dicit, quod, qualis sit obligatio, pendeat ex voluntate, quam promittens habuit. *Bus. hic n. 2 et Lugo D. 23 n. 89 Spor. n. 64 et Holzm. n. 702 Mol. Vill. Reb. Reg. etc. ap. Salm. n. 80 et 81. In dubio tamen, ait Lugo, non censeri factam obligationem, nisi per verba obligatoria sit expressa; vide Lugo D. 23 S. 6 n. 39 imò Sa, ap. Bus. nisi addatur juramentum, aut instrumentum. Cæterum in dubio, an quis voluerit se obligare ex justitia, vel ex fidelitate, an graviter vel leviter, probabilissimum mihi dicendum videtur cum Lugo D. 23 n. 90 Mol. tom. 2 D. 262. Spor. de 7 Præc. c. 2 n. 69 Holzm. tr. 3 n. 702 eum non esse obligatum nisi sub levi. Et hæc advertunt Sanch. de Matr. l. 1 D. 6 n. 24 Spor. n. 68 et alii communiter apud Tourn. tom. 2 p. 556 v. Fatentur tamen, ad constituendam materiam gravem in promissione requiri materiam quadruplo majorem, quam in furto mortali, quia promissor agit de proprio, fur de alieno. Tertia sententia, quam tenent Salm. ex n. 82 cum Ban. Caj. Led. Henr. Dian. etc. dicit, simplicem promissionem non obligare, nisi sub levi, quia tantum obligat ex fidelitate, et probant ex S. Th. 2 2 q. 88 art. 3 ad 1 qui docet, promissionem obligare tantum secundum honestatem, non autem secundum jus civile, id est secundum justitiam, ut explicant Salm. Et insuper probant ex L. Juris gentium §. Si cum null. ff. de Pactis, ubi dicitur, quod nuda pactio obligationem non pariat. Et huic adhæret P. Conc. tom. 7 p. 637 n. 13 sentiens, raro esse obligationem ex justitia in simplici promissione.*

Notandum autem est ut certum, quod quævis promissio, etiam acceptata, non obliget, si postea promissum reddatur impossibile, seu valde nocivum,

vel illicitum, vel inutile : Et generaliter loquendo, quoties supervenit notabilis mutatio rerum, quæ si prævisa fuisset, non fuisset facta promissio : Quia semper promissio facta præsumitur sub tali tacita conditione. Ità communiter *Viva de Contract. qu. 8 Art. 2 n. 16 et Salm. c. 4 n. 78 Continuator Tourn. tom. 1 p. 558 n. 5.* Idque expressè docet *D. Th. 2. 2 q. 110 a. 3 ad 5* ubi loquens de obligatione promisoris ait : *Si verò non faciat quod promisit, tunc videtur infideliter agere per hoc, quod animum mutat. Postest tamen excusari ex duobus ; uno modo, si promissit id, quod manifestè est illicitum.... Alio modo si sunt mutatae conditiones personarum, et negotiorum : Ut enim Seneca dicit (l. 4 de Benef. c. 34 et 35.)* Ad hoc quod homo teneatur facere quod promisit, requiritur, quod omnia immutata permaneant.

721 « 3. Donare non possunt 1. Carentes usu rationis.  
» 2 Muti et surdi nati, secùs si tantùm sint surdi, vel  
» muti, vel licet utrumque, si nòrint scribere. 3. Senes  
» deliri, sivè bis pueri, secùs si sint judicio vegeto.  
» 4. Pupilli, vel impuberes (nisi ad pias causas) do-  
» nationes tamen eorum in foro conscientiae sunt  
» validæ. (V. infrà c. 4 d. 1) 5. Damnatus criminis  
» capitalis. V. *Dian. p. 5 tr. 6 R. 3.*

» 4. Qui præsumt Civitatibus, Universitatibus,  
» Reipubl. etc. non possunt facere donationes, nisi  
» remuneratorias, vel in eleëmosynas, *Sanch. Dian.*  
» *p. 8 t. 6 R. 18.* Imò si Reges, et Principes nimis  
» sint profusi in donationibus, in præjudiciùm Regni,  
» vel statûs (præsertim si debitis gravati iis satisfa-  
» cere non possunt, vel subditi nimium graventur  
» exactionibus) possunt eæ revocari à Successore,  
» *Hart. Lugo etc. cum Dian. p. 8 tr. 6 R. 18 et 123.* »

722 Adde. Neque donare potest debitis gravatus. Sed  
hic quæritur, utrùm licitè possis tu à debitis gravato  
accipere donum ? Affirmant *Lessius l. 2 c. 20 n. 168*  
*Mol. 1. 2 D. 328 Nov. l. 3 c. 4 n. 217* item *Trull. Diana*  
*cum Laym. in p. Sanch. de Contr. c. 4 n. 91* et probabile  
putant *Lugo de Just. D. de n. 116 et Pal. de Just. tr.*

32 *D. 1 p. 14 n. 7.* Hi dicunt, te non peccare contra justitiam, et ideo non tenêri ad restitutionem, nisi induxeris ad donandum, esto scias, propter hoc donantem fieri impotentem ad solvendum. Ratio, quia ille benè potest dominium transferre, cum adhuc sit verus dominus rei, quæ donatur; et tu rem acceptando uteris jure tuo, justitia enim non obligat, ut renuas accipere donum ob damnum alterius vitandum, cum illud per accidens eveniat, et tu non sis causa motiva damni, sed tantum permissiva, quæ non obstringit ad restitutionem. Additque *Lessius*, cui adhæret *Molina*, neque peccare contra charitatem, quia charitas non obligat, ut repudies commodum tuum ad servandos creditores indemnes. *Secunda* tamen sententia verior, et communis, quam tenent *Pal. l. c. Bonac. de Restit. D. 1 q. 8 p. 2 Lugo l. c. cum Cajet Sot. Nav. Sylv. Palud. Ang. Cov. et Reb. ac Salm. l. c. n. 92 cum S. Anton. Prado, Salon. et Arag.* docet, donatarium malâ fide accipientem omninò tenêri ad restitutionem damni, quod obvenit creditoribus. Ratio 1 quia creditores etiâ personale jus habent ad bona donata, nam licet in debitis personalibus directè sit tantum persona obnoxia, tamen creditores indirectè habent etiâ jus ad rem, sive ad bona debitoris, ut probabilius dicunt *Lugo d. D. 20 n. 158 Croix l. 3 p. 2 n. 403 Roncaglia. de 7 Præc. c. 8 q. 6 Salmanticens de Restit. c. 1 n. 246* alii relati *n. 690* contra *Pal. et alios ibid.* Et quamvis debitor donans sit dominus rei, quæ donatur, attamen (ut ait *Pal. cit. p. 15 n. 7*) habet illius dominium infirmum, sub onere solvendi, quod debet, adeò ut nequeat de re illa ad suum libitum disponere; quapropter dominium illud, sicut est in debitore, sic transit cum eodem onere in donatarium. Ratio 2 magis urgens, et convincens est, quia sicut donans lædit justitiam, se reddendo impotentem ad solvendam (quod nemo dubitat), ita etiam lædit accipiens, qui positivè cooperatur actioni donantis injustè cum damno creditorum; quod lædit donatarium non sit causa motiva, est.

tamen vera causa influxiva et efficax alienationis rei in damnum creditorum : contractus enim donationis (ut dicemus infrà n. 725) non consistit in sola voluntate donantis ; sed etiã in voluntate acceptantis , quã contractus constituitur , et sinè qua nulla existit alienatio , sive donatio. Notandum autem hîc 1 quod de jure positivo creditores infrà annum à die scientiæ habeat actionem contrà recipientem titulo sive lucrativo , sive oneroso ; ad vindicandam rem scienter acceptam in ipsorum fraudem , nullo restituto pretio , ex *l. Quia debitorum* , *l. Qui autem* , §. *Similis* , ff. *Quæ in fraud. etc. ac l. penult. Cod. eod. tit.* Notandum 2 nihil posse accipi titulo lucrativo per ultimam voluntatem à debitore in præjudicium creditorum , ex *l. Qui autem* , ff. *tit. cit.* Vide *Jugo D. 20 n. 107.*

723 Adde : inter conjuges , quamvis alii contractus sint validi ex *l. 5 ff. de Don. inter vir. et ux.* donatio tamen est nullius momenti , *l. 2 §. Secundum. ff. eod. tit.* Potest tamen conjux retinere , vel distrahere rem donatam , si donans sciat , et non contradicat. Ità *Sanch. de Matrimonio l. 6 D. 11 num. 2 Salm. c. 4 n. 100 cum Pal. et Villal.* Semper tamen talis donatio juramento firmatur , ut *Less. l. 2 cap. 18 num. 88 Sanch. ibid. num. 2 Salmant. num. 101 cum Sylv. Tapia , etc.* Firmatur etiã morte donantis , modò iste antè donatarium decedat , et modò res in vita tradita sit , *Salm. d. num. 101.* Imò ab initio valida est donatio inter conjuges , si sit remuneratoria ; vel fit causa mortis , vel si ex illa donans non fiat pauperior , nec donatarius ditior ; item si vir sit prodigus , vel si uxor donet viro , ut consequatur aliquam Dignitatem , etc. Vide *Salm. num. 102.*

724 Præterea invalida est donatio inter Patrem , et filium sub patria potestate adhuc manentem , *l. 2 C. de inefficiosa donatione.* Sed est communis , quod firmatur juramento , vel morte Patris. Econtrariò similiter est valida in casibus ut suprà mox enumeratis pro donatione inter conjuges : vel si fiat causâ studiorum , ut *Bus. hic. n. 5.* vel si fiat causâ Matrimonii ; vel si

filii sit tantum naturalis; vel si Pater fructus peculii adventitii filio donet. Hæc tamen intelliguntur, nisi donatio sit inofficiosa (vide *n.* 740) scilicet lædens aliorum filiorum legitimas, vel creditores, *Salm. n.* 104 cum *Nav. Sylv. Tugia et Less. n.* 90 qui notat, donationes factas à matre, vel à filiis Parentibus per se firmas esse.

« 5. Donatio patris filio facta studiorum causâ est  
» valida, nec filius tenetur computare in legitimam,  
» tum quia fuit loco alimentorum; tum quia, si de-  
» trahatur, jam non fuit donatio contra hypothesein.  
» *Wading.* et 6 alii cum *Dian. p.* 8 *t.* 6 *R.* 23 et 29.  
» Sed *Trull.* limitat, nisi constet, contrariam intentio-  
» nem patri fuisse. Quod si tamen de ea non con-  
» stet, præsumendum esse de pietate patris, ideòque  
» tales expensas ordinariè post mortem patris non  
» venire in collationem bonorum, nec debere confer-  
» ri in commune, nisi pater protestatus fuerit, se  
» velle in legitimam computari. Ità etià *Wading.*  
» *ex l. si Pater 2 ff. familiæ ercisc. \** (*Vide n.* 955.)  
» 6. Si Pater officium filio emit, debet pretium  
» computari in divisione cum fratribus: non autem,  
» si illud gratis à Principe obtinuit: uti neque quæ  
» filio intuitu meritorum patris sunt donata, quia  
» sunt quasi castrensia, *Mol. Fag. Dian. p.* 8 *tr.* 6 *R.*  
» 127 et 128.

» 7. Donatio antè acceptationem non parit obligatio-  
» nem, ne naturalem quidem; potestque revocari, etià  
» si voluerit se absolutè obligare. Præsenti autem, et ta-  
» centi facta, censetur ab eo acceptata, quia in favora-  
» bilibus habetur pro consensu, *Mol. et alii. 8 Dian. p.* 8  
» *t.* 6 *R.* 89, 98 et 108. Pro altero verò nemo potest  
» acceptare, sinè speciali commissione, nisi donatio  
» fiat Ecclesiæ, vel causæ piæ; nam hanc sinè ac-  
» ceptione valere, et irrevocabilem esse, probabile est  
» *Laym. Dian. l. c. R.* 106, et *p.* 3 *t.* 5 *Res.* 107. Mul-  
» tis tamen casibus, dummodò verba dirigantur in  
» præsentem, potest pater, vel mater pro filio, etià  
» emancipato, tutor pro pupillo, curator pro mino-

» re, filiusfamilias pro patre, servus pro Domino,  
 » monachus pro monasterio; imò etià, secundùm  
 » multos, quicumque alterius curam gerit, ut Præla-  
 » tus pro Religioso, maritus pro uxore, Dominus  
 » pro servo, etc stipulari. Deindè idem jura permit-  
 » tunt Judicibus, et Notariis publicis, *Sanch. Mol.*  
 » *Trull. etc. Dian. p. 8 t. 6 R. 97.* »

Communis est sententia (quidquid dicat *Dian. p. 5 Res. 116*), quod donatio, antè acceptationem, nullam obligationem inducat, ità *Lugo de Contr. D. 23 n. 38 Tourn. de Promiss. p. 557 Habert de Contract. tom. 4 p. 3 c. 18 q. 1 Conc. tom. 2 l. 9 Dis. 5 n. 13 Wigandt tract. 8 c. 4 n. 53 v. Dixi 3 Antoine in Decal. c. 2 p. 1 Cunil. Decal. c. 2 §. 1 n. 2 Franzoja de Præc. Decal. c. 3 Animad. 2 Less. l. 2 c. 18 n. 34 Soto de Just. l. 3 q. 3 Sanch. de Matr. l. 1 D. 6 n. 10 et Salm. de Contract. c. 4 n. 68 cum Pal. Prad. Tapia, et aliis. Et hoc veriùs est, ut probant *Lugo, Sol. Less. Sanch. et alii* (contrà *Molin. etc. ap. Less.*) provenire non ex solo jure positivo, sed etià ex jure Naturæ, vel saltem Gentium, ut probatur ex *l. Absenti, ff. de Donat.* ubi dicitur: *si nesciat* (Donatarius) *rem, quæ apud se est, sibi esse donatam, donatæ rei dominus non fit, etiàmsi per servum ejus, cui donabatur, missa fuerit; nisi ed mente servo ejus data fuerit, ut statim ejus fiat.* Ratio est, quia nequit contrahi obligatio à Contrahentibus sinè alterutrius consensu, ut enim sapienter ratiocinatur doctissimus *Card. de Lugo*, nemo de jure naturali potest acquirere ullum jus in rebus alienis absque ejus consensu; quamobrem absque acceptatione donationis nullum transfertur jus in donatarium super rem donatam; et ideò, cum Donans immunis remaneat à quacumque obligatione, antè donationis acceptationem, poterit quidem ipse pro libito eam revocare. Nec obstat *l. Si argentum, §. final. si autem. C. de Donat.* nam ibi nihil aliud dicitur, quàm quod donatio valeat, etiàmsi res tradita non fuerit. Nec obstat *l. Nec ambigi, ff. de Don.* ubi habetur, donationem absentibus factam satis valere; respondetur enim (ut*

explicat Glossa ) id intelligendum , cum donatio acceptata fuerit per Epistolam , aut Nuntium , aut Servum , ut habetur in *l. Si aliquid* 13 ff. de Don. l. Etiam per interpositam 4 C. eod. tit. et l. cit. Absentem. Neque demùm obstat jus Canonicum in c. Qualiter , de Pactis , et c. Si tibi absenti , de Præbend. n. 6 nam in primo textu tantùm dicitur , quod donatio per nudum pactum teneat , etiãmsi nulla interfuerit stipulatio , quod negari non potest : Sed ibi nullum fit verbum de donatione non acceptata. In altero autem textu agitur de Beneficiis , ubi dicitur , quod , si Episcopus conferat Clerico absentialiquod Beneficium , ipso ignorante nequeat collationem revocare ; sed alia est collatio Beneficiorum , circà quæ Episcopus aliam non habet facultatem , quàm ea conferendi , et ideò factâ collatione , nequit ipsam revocare : alia verò est donatio , quæ nullam habet vim antè acceptationem. Advertendum tamen cum *Sanch. de Matrim. l. 1 D. 6 n. 11.* , et *Villal. D. 3. n. 4* quod , si donatio facta sit Infantibus , valeat ipsa etiãmsi antè acceptationem Donatarii , quia pro Infantibus lex ipsa acceptat. Idemque docent *Less. c. 18. n. 36. et Laym. c. 1. n. 2.* de donatione facta Civitati ad ædificia reparanda.

Sed quær. 1. utrùm donatio facta ad pias causas antè <sup>726</sup> acceptationem valeat ? Affirmant *Less. loc. c.* et probabile putat *Busemb. ut supra cum Laym et Diana* . item *Molin. Felin. etc. apud Sanc. de Matr. l. 1. D. 6 n. 16.* Ratio istorum , quia acceptatio requiritur tantùm de jure positivo , et civili ; non autem de jure naturali , et Canonico. Sed probabiliùs negant *Sanch. loc. cit. cum Cov. ac Salm. c. 4 num. 69. cum Pal. Vill. Reb. etc.* Ratio , quia ad donationem de ipso jure naturæ , ut mox dictum est suprâ , requiritur acceptatio , sinè qua nulla adest donatio. Secùs verò dicendum , si donatio sit facta Deo , videlicet : *Promitto Deo , me daturum tali Ecclesiæ , etc.* Quia , cum intentio feratur in Deum tunc donatio valet ut votum , prout dicunt *Sanchez , et Salm. cum Sylv. Ros. Ang. etc.* Non autem , si promissio immediatè sit facta Ecclesiæ. Notant tamen



*Salm. l. c.* quod donatio Ecclesiæ facta possit à quocumque particulari acceptari nomine illius. Notant præterea *Lugo l. c. et Sanch. n. 17*, in dubio de intentione donantis præsumi, eum habuisse animum vovendi, quia in causis piis, dum in absentia promissio fit, communiter intentio fertur in Deum. An autem eo casu possit Episcopus in tali donatione adhuc acceptatâ dispensare, sinè loci pii consensu? Probabile est, vide *de Voto, n. 255 v. Dubium*.

727 Quær. 2 utrùm antè acceptionem revocari possit donatio juramento firmata? Negat *Laym. tract. 4. c. 1 n. 3. cum Covarr.* quia juramentum servandum est semper ac sinè peccatò servari possit. Sed communiter affirmant *Sanch. de Matr. l. 1. D. 7 n. 24. Viva de Contr. q. 8. art. 2 n. 3. cum Trull. Bon. Salm. ibid. n. 70. cum Pal. Gutt. et Mol.* quia juramentum sequitur naturam actûs, scilicet donationis, quæ de se revocabilis est, donec acceptetur *ex l. finali, C. de non n. pec.*

728 Donatio facta absenti, si per nuntium fiat, potest revocari, donec coram nuntio acceptetur: non enim sufficit, si acceptetur coram aliis, *Less. l. 2. c. 18 n. 43. Viva dict. art. 2. num. 9 cum Sancio, et pluribus contrâ Sylv. et alios*. Si verò donatio offeratur per literas, *Viva* dicit sufficere, ut literæ ad donatarium perveniant: At *Less. ibid. n. 43. et Salm. c. 4 n. 73.* dicunt, requiri ampliùs, ut remittantur litteræ, vel nuntius acceptionis, ut donatio sit valida.

729 Quær. 3. utrùm post mortem donantis possit donatio validè acceptari; Distinguit *Less. l. 2. c. 18 n. 44. vers. Petes, cum Mol.* Si donatio jam facta sit, et donans antè mortem mittat nuntium, aut epistolam, tunc censet, eam posse acceptari. Ratio, quia donatio permanet virtualiter in literis, vel nuntio misso. Et idem probabiliter tenent *Sanch. de Matrim. l. 1. D. 6 n. 5. atque Salm. c. 4 n. 75. Lugo D. 23 n. 75. et 81. Viva dict. art. 2.* Sed probabiliùs hoc negant *Lopez, Isern. Tiraq. Decius, et alii apud Sanch. ibid.* et probabile censet *Salm. dict. n. 75.* quia post mortem donantis

nequit voluntas ejus uniri cum donatarii consensu ,  
 ut ad acceptationem requiritur. Hic dubium oritur ,  
 an donatarius possit rem retinere , si donationem  
 acceptaverit post mortem donantis? Ex his sententiis  
 ambabus probabilius meo judicio infero , quod , si  
 acceptaverit bonâ fide , cum jam acquisierit legiti-  
 mam possessionem , justè possit retinere. Secus , si  
 cum mala , vel dubia fide , juxtâ dicenda *n. 761.* ubi  
 tenuimus , non posse cum dubio , etiâmsi positivo ,  
 inchoari præfatam legitimam possessionem.

Si autem , ajunt *Lugo n. 75 Les. n. 46 et Sanch. 730*  
*ibid.* donatio nondum sit facta , sed sit mandatum , ut fiat  
 à nuncio , per illum etiâ munere misso , tunc donatio  
 post mortem donantis ampliùs acceptari nequit ; ex  
*l. Inter causas ff. Mandati etc.* ubi expressè declaratur ,  
 mandatum expirare post mortem mandantis. Hoc  
 tamen non obstante , dicit *Sa* , donationem posse  
 acceptari , quia hîc mandatum , cum sit quædam gra-  
 tia facta , non expirat morte mandantis ; et hoc *Less.*  
*ibid. et Viva n. 11 cum Sporer , et Tamb. ap. Croix l. 3*  
*t. 2 n. 220* meritò probabile putant. Hinc juxtâ primam  
 sententiam dicunt *Sanch. n. 8. Spor. de Rest. cap. 4*  
*n. 21. Croix l. c. et Less. ibid. cum Mol.* quod , si res  
 culpâ nuntii non sit tradita antè mortem mandantis ,  
 nuntius teneatur ad duplicem restitutionem , nempe  
 hæredibus defuncti ratione rei , quæ ad ipsos pertinet ;  
 et donatario ratione dâni illati. Sed juxtâ secundam  
 sententiam , tenetur tantùm restituere donatario , ut  
 dicunt *Sa v. Donatio , Tambur. l. 8 t. 4 c. 1 § 5 n. 11*  
 et probabile putant *Sporer et Less. l. c.* Advertendum  
 tamen cum *Lugo n. 78. Mol. ac Sanch. ibid. ex ead. l.*  
*Inter causas* , quod , si donatio facta fuerit à nuntio ,  
 inscio mortis mandantis tam nuncio , quàm donatario ,  
 tunc donatio valitura , ut clarè colligitur ex *ead. l. In-*  
*ter causas* , ubi subditur : *Si tamen (mandatum) per*  
*ignorantiam impletum est , competere actionem utilitatis*  
*causâ dictâ.*

Quæritur 4. An , mortuo donatario antè acceptatio-<sup>731</sup>  
 nem , ejus hæres possit donationem acceptare? Affir-

mat *Sanch. eod. loc. n. 6 cum Mol. Suar. Tiraquell. Covarr. etc.* quia hæres repræsentat personam defuncti. Negant tamen probabilius *Less. l. 2 c. 18 n. 35 et Salm. c. 4 n. 74 cum Pal. et Rebell.* Quia hæres succedit in jura realia defuncti, non autem personalia, ut est jus acceptandi donationem. Concedit tamen *Less. dict. loc.* quod, si hæres sit filius donatarii, ex æquitate posset acceptare, cum talis præsumenta tunc sit mens donatoris.

732 « 8. Etsi acceptes donationem verbalem, quæ tibi  
 » Cajus v. gr. dat equum absentem; non acquiris jus  
 » in re, et dominium equi antè traditionem. Undè,  
 » si interea Cajus det, aut vendat eum alteri, eique  
 » tradat, is dominium acquirit; tu autem habes ac-  
 » tionem in Cajum pro injuria ratione juris, quod  
 » habebas ad rem. At sic donatio purè verbalis antè  
 » realem, hoc est rei traditionem, vix differt à pro-  
 » missione, ut *Less. loc. cit. dub. 2.*

733 » 9. Donatio, uti et remissio debitorum liquidorum,  
 » unâ vice et uno animi motu, uni, aut pluribus fac-  
 » ta, ultrâ summam 500 solidorum (quæ summa  
 » hodiè ad 700 vel secundùm quosdam ad 800 aureos  
 » Italicos excurrit, ut ex Claro, etc. notat *Laym. l. 3*  
 » *tr. 4 c. 12 n. 15*) non tenet quòd hunc excessum,  
 » sed lege ità statuente, ob commune bonum, potest  
 » à donatore pro arbitrio repeti. Excipe nisi Judici  
 » donatio ea insinuata sit, aut juramento firmata, aut  
 » facta ad pias causas, aut ad redemptionem captivo-  
 » rum, aut ad reparationem ædium incendio, vel  
 » ruinâ destructarum, aut sit remuneratoria benefi-  
 » ciorum, aut fiat in remunerationem jurium, saltem  
 » speratorum, vel denique fiat militibus à belli duce  
 » ex bonis propriis mobilibus, vel hostium spoliis.  
 » Vide *Less. l. c. l. 2 c. 18 n. 102. Laym. l. 3 t. 4 c. 12*  
 » *n. 15. Tanner. d. 6 de Just. q. 2 dub. 2 n. 15 ex Mol.*  
 » *Claro, Rebello, etc.* quare, si tunc repetatur, quod  
 » absque iis conditionibus, vel ultrâ dictam summam  
 » datum est, tenetur donatarius reddere ipsi, aut  
 » hæredibus repetentibus; si non repetatur, potest.

- » retinere. Vide *auth. cit.* \* (*Idem dicitur de donatione*  
 » *omnium bonorum. Salm. cap. 4 n. 97, 98 et 99.*) \*  
 » 10. Si donationi apponatur modus, tacitè, vel <sup>734</sup>  
 » expressè, non quidem obligando, quo spes detur, etc.  
 » aliquid alterum facturum; vel animo eum ad hoc  
 » inflectendi, valet donatio, etsi finis non sequatur :  
 » v. gr. dat aliquis puellæ ad ejus consensum elicien-  
 » dum : si postea non consentiat, non tenetur datum  
 » reddere : nam, etsi non dedisset, si scivisset eam  
 » sibi non consensuram, tamen dedit absolutè sinè  
 » obligatione alia, ut supponitur. Secùs esset, si verè  
 » intendisset eam obligare, et sub hac conditione  
 » dedisset. *Less. c. 18 d. 16 et 17.* »

Ità *Less.* etiàm l. 2 c. 18 n. 124. et *Salm. de Restit.*  
*c. 1 n. 165 cum Mol. Dicast. Lugo Tap. etc.* Vide dicta  
*p. 193 v. Quær. II.* Benè autem hìc advertunt *Salm.*  
*ibid.* quod puella accipiens donum post illicitam pe-  
 titiõnem, difficulter excusanda sit à peccato scandali,  
 ex *S. Thom.* Addit *ibid Lessius* cum *Mol.* quod, si le-  
 gatum sit relictum puellæ, ut nubat, possit ab illa  
 retineri, etiàm si maneat cælebs; et, si moriatur antè  
 nuptias, legatum transeat ad hæredes puellæ. Quandò  
 autem donans intendit ad aliquem finem obligare, si  
 finis est principalis, debet donatarius illum præstare,  
 nisi ab alio impediatur. Si verò finis sit secundarius,  
 tunc donatio non est irrita, sed potest à donante ir-  
 ritari. Ità *Less. n. 126 cum Medin.* Imò addit, quod,  
 si detur aliquid Monasterio sub aliquo onere, non  
 possit repeti, si onus non impleatur, sed tantum cogi  
 Monasterium ad implendum, si possit.

Quæritur utrùm promittens prodigè aliquid fœmi-<sup>735</sup>  
 næ ob copulam, teneatur id post copulam dare? Affir-  
 mant *Lugo, Fill. Sanch. ap. Salm. de Rest. c. 1 n. 166.*  
 Quia, posità promissione, datio tunc est debita, non  
 prodiga. Negant autem probabiliùs *Sotus, Bann.*  
*Trull. etc. cum Salm. n. 167* etsi adfuerit juramentum,  
 quia promissio non tollit dationis prodigæ illicitea-  
 tem; ideò res promissa reducenda est ad æquali-  
 tatem, juxtà communem æstimationem, et si res est

indivisibilis nihil debetur. Vide dicenda de *Matr. l. 6 n. 85* v. *Cum autem*. Non negandum tamen, quin fœmina honesta pro usu sui corporis possit recipere quantò plus, ut docet *Less. l. 2 c. 14 n. 53*.

- « 11. In similibus donationibus allectivis potest  
 » aliquis, v. gr. prædicta puella, acceptare, etsi non  
 » intendat præstare quod donator sperat, cum dona-  
 » tio sit absoluta, animo alliciendi, non obligandi.  
 » Undè, si spe frustratus repetat, dicens, se non  
 » dedisse, nisi sub tali obligatione, non tenetur  
 » puella credere: quia eò ipso, quod donator non  
 » expresserit conditionem, præsumitur sinè ea dedisse,  
 » et repetere vel animo vindictæ, vel ut consensum  
 » extorqueat, *Less. loc. cit. Dian. p. 1 t. 2 m. R. 40*.  
 737 » 12. Non tenet donatio ob causam præteritam, vel  
 » præsentem quæ verè non est, ut v. g. si dem tibi aliquid,  
 » quia apud Principem meam causam transegiisti: vel  
 » quia pauper es, et reverà non ità est; teneris resti-  
 » tuere, cum sit error in formali causa, et principali.  
 » Undè qui mentiuntur se pauperes, cum non sint,  
 » debent aliis pauperibus eleëmosynam restituere.  
 » Aliud est, si error sit tantùm in causa secundaria;  
 » ut v. gr. si verè sint pauperes, et simulent insuper  
 » sanctitatem, ad hominum misericordiam provocan-  
 » dam: quia tunc primaria intentio dantium est  
 » dare pauperi. *Bon. Less. v. Dian. p. 8 t. 6 R. 89*. »  
 Docet tamen *Less. l. 2 c. 18 n. 129* quod, si error  
 sit circà causam secundariam, licet donatio non sit  
 irrita, sit tamen irritabilis à donante; imò, si do-  
 natarius sit causa erroris, tenetur ipse errorem dele-  
 gere, nisi donans ità sit affectus, ut censeatur non  
 revocare donationem, etsi errorem agnosceret. In  
 dubio autem ait *Less.* restituendum esse pro rata  
 dubii. Vid *Less. ex n. 131*. Sed *Croix n. 61* adhæret  
*Bus. cum Dic. etc.*

## DUBIUM III.

## Quibus casibus donatio possit revocari?

738 *Quid, si donatarius sit ingratus?*739 *Quid, si donanti nascatur proles post donationem?*740 *Quid, si donatio fuerit inofficiosa?*

» **R**ESP. I Donatio inter vivos, hoc est, quâ quis<sup>738</sup>  
 » vult, se vivo, rem absolutè alterius esse, potest  
 » revocari (etsi res jam tradita sit) tribus casibus;  
 » nisi tamen donatio fuerit remuneratoria, aut facta  
 » sit Ecclesiæ, vel Monasterio.

*Sunt autem hi Casus.*

» Si donatarius enormiter ingratus sit: ut si donanti  
 » atroces injurias inferat, si inopiâ pressum non alat,  
 » etc. Quod notandum pro filiis, quibus parentes om-  
 » nia donârunt, et eos postea negligunt. *Sylvest.*  
 » *Less. Bonac. Trull. c. 17. d. 12.\** (*Adde, si dona-*  
 » *tarius adulteretur cum uxore, vel filia donantis. V.*  
 » *Salm. c. 4 n. 107.*) \* Neque valet pactum, ut do-  
 » natio non possit ob ingratitudinem revocari, *Bar-*  
 » *tol. et alii 8 Lug. Dian. p. 8 t. 6 R. 57.* Debet tamen  
 » ingratitudo coram judice probari, antè cujus sen-  
 » tentiam donatarius non tenetur restituere, *Molin.*  
 » *Lugó, et alii 4 Dian. loc. cit. R. 58* post eam verò  
 » etiâ fructus perceptos post litem contestatam,  
 » *Mol. Dic. Dian. R. 58.* Ab hæredibus autem non  
 » potest revocari ob eas causas, ob quas donator ipse  
 » potuisset, si eas ipsas scivit, et tacuit; secus, si  
 » ignoravit, *Gom. Hurt. Wading. Lug. Dian. loc. cit.*  
 » *R. 54.*

» Et quidem revocatio etiâ habet locum in legato  
 » respectu legatarii, si defunctum testatorem gravi  
 » injuriâ afficiat, v. gr. uxorem ejus carnaliter cog-  
 » noscat, *Mol. Dicast. Dian. loc. cit. R. 58.*

» 3. Non habet autem locum I. In donationibus  
 » factis Ecclesiæ, tametsi Prælati, vel Clerici fue-  
 » rit ingratus, quia facta est ob bonum animæ testato-  
 » ris, et principaliter Deo, qui ingratus esse non  
 » potest, *Less. Lug. Hurt. Hun Vad. Dian. loc. cit.*  
 » R. 56. II. In donatione remuneratoria (v. gr. pro  
 » beneficiis aliis non debitis, et aliquo modo æqui-  
 » valentibus) quia potius est remuneratio, quam do-  
 » natio. Remuneratoria autem censetur 1. si donator  
 » in ipsa donatione expressè meminerit meritorium;  
 » vel 2. si de meritis constet; 3. in dubio, *Dian. loc.*  
 » *cit. R. 115. 116. 17. 19. 20. ex Barb. etc.*

739 » 4. Si quis prole carens magnam partem bono-  
 » rum donaverit, et postea nascatur proles: quia ex  
 » juris dispositione inest donationi hæc tacita condi-  
 » tio, nisi nascentur mihi liberi. Et quidem, si facta  
 » sit extraneo, revocari potest tota: si alicui ascen-  
 » dentium, ut patri, vel avo, vel Ecclesiæ, aut causis  
 » piis, tantum revocari potest, quantum necessarium  
 » est, ut filii habeant legitimam. Quamquam rectè no-  
 » tat *Lessius*, ad ædificationem expedire, ut, quod  
 » Ecclesiæ, vel Monasterio datum est, Prælati to-  
 » tum restituat. Porro etsi juraverit se non revocatu-  
 » rum donationem, adhuc potest, liberis natis,  
 » revocare; quia hoc iuramentum non excludit dic-  
 » tam conditionem. Excipe, nisi expressè etiã hanc  
 » conditionem excluserit: tunc enim ipse revocare  
 » non posset: possent tamen ejus liberi post mor-  
 » tem patris, *Bon. Less. cap. 18 d. 14.* An autem hæc  
 » revocatio locum habeat, si filii nascentur illegitimi,  
 » qui postea legitimentur? Vid. *Dian. loc. cit. R. 63*  
 » *et 64.* Item, an in donatione remuneratoria, *Res.*  
 » 65 ubi cum *Mol.* et aliis sex negat, nisi excedat  
 » causam \* (*Potest tamen donatarius retinere rem,*  
 » *donec illa à donante repetatur, Less. lib. 2 cap. 18*  
 » *num. 110 Pal. Vill. cum Salm. c. 4 n. 110.*) \*

740 » 5. Si donatio fuerit inofficiosa, contra officium  
 » paternæ pietatis, ut si pater tantum donet, ut filii  
 » priventur sua portione legitima: tunc enim post

» mortem patris possunt filii revocare, *Navarr. c. 26*  
 » *Less. loc. cit.* licet donatio fuerit juramento confir-  
 » mata, *Megal et alii 5 Dian. p. 8 t. 6 R. 66.* Imò  
 » etiàm vivente patre; licet enim antè mortem patris  
 » non debeatur legitima ut tradenda, debetur tamen  
 » ut conservanda. Hinc, si pater bona dissipet, potest  
 » à filio per judicem cogi, ut servet legitimam, nè is  
 » post mortem patris careat alimentis. Ità probabiliter  
 » *Dian. loc. cit.* ex aliis 6 contrà *Less.* etc. An autem  
 » et quandò donatio rescindenda in totum? vide *Dian.*  
 » *loc. cit.* »

Notandum, quòd donatio, si est inofficiosa tantùm  
 re, infirmetur quòdā partem, in qua filii fraudantur:  
 Si autem re, et consilio, scilicet animo fraudandi filios,  
 tunc tota infirmatur, quandò fit extraneis; quandò  
 verò fit aliis descendantibus, vel piis causis, etiàm quòdā  
 partem tantùm infirmatur, *Less. lib. 2 cap. 18 n. 112*  
*Salm. c. 4 n. 111 cum Vill. et Gom. Dian. p. 8 tr. 7 Resp.*  
*66 P. Concina tom. 7 pag. 441 n. 13 Cabass. lib. 6 cap.*  
*29 n. 1 ex Bartolo lib. 1 D. de Inoff. don. et ex l. Si totas*  
*5 ac l. Si Mater. 7 C. eod. tit.* Notandum autem, quòd do-  
 natarius in tali casu antè sententiam Judicis nō teneatur  
 restituere filiis. Ità *Salm. ib. cum Pal. et Villal.* Deindè  
 notandum cum *Laym. lib. 3 tract. 4 c. 12 n. 18 Nav.*  
*c. 26 n. 39 etc.* quòd Parentes, licet nequeant dona-  
 tionibus minuere filiorum legitimas, possint tamen  
 contractibus onerosis, et donationibus remuneratoriis.  
 Imò *Cardenas cum Lop, Rodr. Navarr. Vega, Cord.*  
*apud Croix lib. 3 p. 2 n. 812.* dicunt: Patrem posse  
 insumere sua bona in opéra piā, etiàm in præjudicium  
 legitimæ filiorum, modo illi non priventur alimentis,  
 jure naturæ debitis, quia jās civile nequit præjudicare  
 causæ piæ. Sed huic opinioni contradicunt *ibid. Sanch.*  
*Gutt.* idemque sentiunt *Less. Salm. Diana, Concina,*  
*et alii,* ut mox suprà diximus. Utraque sententia vi-  
 detur probabilis.

» 6. Per supervenientiam liberorum, ut probabi-  
 » lius affirmat *Diana p. 8 tr. 6 R. 78* ex aliis 4 contrà  
 » quosdam. Si tamen pater non revocaverit, non po-



» test à filiis postea natis revocari, nisi pro ratione  
 » Falcidiæ, sive ex testamento, sive ab intestato suc-  
 » cesserint, *ib.* »

#### DUBIUM IV.

Quid sit donatio mortis causâ? Et an possit re-  
 vocari? Et quomodo, et quibus competat?

741 *Quando donatio causâ mortis censeatur revocata?*

742 *An valeat hæc donatio in absentem?*

743 *Qui possint donare causâ mortis?*

741 • **RESP. I.** Donatio mortis causâ, quâ quis sic  
 » donat, ut velit rem esse alterius primùm post suam  
 » mortem, ut si dicas, do tibi hoc post mortem  
 » meam, vel cum moriar, vel quia timeo me nunc  
 » moriturum, revocari potest etiã tribus casibus  
 » his: \* (*in dubio donatio est censenda inter vivos, et*  
 » *irrevocabilis, Lugo, Prada, Sylv. Vill. ap. Salm. c.*  
 » *4 n. 113.*) \*

» 1. Si donatorem poeniteat, sive expressè, sive  
 » implicitè, ut si rem illam donet alteri, *Less. loc. c.*  
 » 2. Si dedit intuitu alicujus instantis periculi, ex  
 » quo metuit mortem, hoc ipso, quo periculum eva-  
 » sit, censetur tacitè revocata donatio; ut si quis det  
 » in gravi morbo, vel instante prælio. *Bon. disp. 3*  
 » *quæst. 13 p. ult. num. 20.*

» 3. Si donatarius moriatur antè donatorem, ipso  
 » jure revocata est: ut etiã accidit in testamentis,  
 » et legatis. Secus est in promissione, et donatione  
 » inter vivos, quæ transit ad hæredes. Quod si dona-  
 » tor promiserit se non revocaturum, transit in do-  
 » nationem inter vivos. Vide *Less. c. 18 d. 14 n. 116*  
 » *Mol. d. 286 et d. 288 Azor. l. 11 c. 11 q. 4 Bon. l. c.*

742 • **Resp. 2** Hæc donatio fieri debet in præsentem,  
 » *Diana loc. cit. R. 66 et alii 5.* Nec valet in absentem,  
 » sinè nuntio, ad hoc destinato, vel epistola: licet

- » valeat, ut fideicommissum, si fuerint adhibiti testes, *Dian. etc. loc. cit.* Valet autem probabiliter, » etsi donatarius præsens tacuerit.
- » Respondeo 3. Donare mortis causâ possunt omnes, 743 » et soli, qui possunt testari, excepto filiofamilias, » qui, licet testamentum condere nullo modo possit, » cum hoc sit juris publici, donare tamen mortis causâ, » cum id sit juris privati, potest, si adsit patris consen- » sus expressus: imò sinè hoc donare eum posse, non » tantùm de castrensibus, sed etiâ de adventitiis » probabile censet *Dian. l. c. Reg. 68 et 69.* \* (*Si » nimirum filius ex concessione Patris habeat de istis » usumfructum, et administrationem, ut Salm. cap. 3 » n. 116 cum Pal. intelligunt.*) \* Hinc donare sic pos- » sunt minores 20 annis, etiâ sinè consensu sui » curatoris. *Dian. l. c. Res. 71 ex Mol. et aliis.*
- » 4. Non autem usurarius, nisi priùs usuris satis- » fecerit, vel cautionem præstiterit; Potest tamen ad » causas pias, *Dian. ibid. R. 73 ex Fagund. et aliis 6.* » Nec surdus, et mutus à natura, secus si à casu su- » perveniente (vel si surdus sit, aut mutus tantùm) » licet donare inter vivos possit secundùm quosdam, » *Azor. Dian. p. 5 t. 6 D. 12.* »

## DUBIUM V.

### Quid sit Commodatum, Precarium, et Depositum?

- 744 *Quid est Commodatum?*
- 745 *Quid Precarium? Et quando cesset Precarium?*
- 746 *Quid depositum?*
- 747 *Vide casus de Commodatario.*
- 748 *Vide de Depositario. Quomodo peccet Depositarius utens re deposita; et quid teneatur restituere?*
- 749 *An isti teneantur ex culpa tantùm juridica?*
- 750 *Ad quid tenentur artifices, quibus res traditur?*
- 751 *An in dubio præsumatur culpa?*

752 *Quis teneatur salvare rem alienam potius quam suam ?*  
*Vide alia ibid.*

753 *In quibus casibus depositarius possit rem denegare ?*

744 **R**ESP. Commodatum est contractus, quo res ali-  
 » qua mobilis, vel immobilis quoad solum usum  
 » gratuitò conceditur, atque ad aliquod certum tem-  
 » pus explicitè, vel implicitè determinatum: expli-  
 » citè, ut si dicas, commodo tibi hunc librum, vel  
 » domum ad unum mensem; implicitè, ut si dicas,  
 » commodo tibi librum, ut eum describas; quia tunc  
 » implicitè tantum temporis determinatur, quantum  
 » necessarium est ad commodè describendum.

745 » Precarium est, quo conceditur petenti res uten-  
 » da, non ad certum tempus, in quo differt à com-  
 » modato, sed donec concedens repetat, sive expressè,  
 » sive tacitè, ut si det alteri, aut vendat, *Laym. lib.*  
 » 3 t. 4 c. 14. ».

Precarium cessat per mortem accipientis, non au-  
 tem per mortem dantis, si ab hæredibus non revoce-  
 tur, *L. Cum Precarium, ff. de Præc. V. Viva de Con-*  
*tract. q. 9 art. 2 n. 9.*

746 » « Depositum est, quo aliquid traditur custodien-  
 » dum, ut integrum reddatur. Et communiter est res  
 » mobilis, vel se movens, ut vestis, equus, etc.

*Undè circa hæc resolvuntur.*

747 » 1. Commodator non potest repetere absque in-  
 » justitia antè definitum tempus. *Layman. l. 3 t. 4*  
 » c. 14.

» 2. Quod si tamen commodanti damnum impen-  
 » deat, potest repetere, licet simile damnum impen-  
 » deret commodatario ex rei antè tempus repetitione,  
 » ut habet *Less. c. 27 d. 5* quia, ut ait *Navarr.* in  
 » commodatione intelligitur tacita hæc conditio, nisi  
 » interea contigerit rem esse necessariam commodan-  
 » ti, *Laym. loc. cit.* ».

Nota cum *Viva ibid. n. 7* quòd in re commodata expensæ ordinariæ debeant fieri à Commodatario, ut alere equum, etc. expensæ autem extraordinariæ à Commodante. ex *l. In rebus, de Commod.*

« Si depositarius bona fide existimet depositori non displicitum, si re deposita utatur, licebit uti, alias non. *Less. l. c. d. 2.*

» 4. Si depositum sit res usu consumptibilis, ut triticum, vinum, pecunia, quæ exponendo absumitur, eaque tradita sit certo numero, pondere, et mensurâ, non videtur depositarius peccare, saltem graviter, iis utens; si certus sit, se tantumdem ejusdem bonitatis habiturum, quando repetetur, *Less. loc. cit.* Secus, si pecunia tradita fuerit sacculo, vel arcâ inclusa, vel munita sigillo. *Sylvest. Azor. Less. Bonac. v. Trull. c. 25 d. 1.*

Ita etiâ *Viva loc. cit. n. 4 cum Mol. vers. Notat.* Deindè notandum, quòd Depositarius, malâ fide utens re depositâ, teneatur restituere valorem usûs; at si eâ utatur bonâ fide, tenetur in quo factus est ditior, dum intellexerit id domino displicuisse. Ita *Viva n. 3 cum Hurt.* Quando autem dominus concesserit usum rei consumptibilis, et saltè tacitè; tunc depositum transit in mutuum, ex communi cum *Less. Mol. etc. ib. contra Hurt.* Saltè quando depositarius re actualiter utitur ex consensu domini.

« Verum si is, cui res commodata, locata, deposita, et pignorata est, negligenter custodiat, ita ut pereat, negligentia autem non sit theologica culpa mortalis, probabile est, quod dixi ex *Soto, Sa, non tenèri ad restitutionem in conscientia.* \* (*Ut etiâ tenent Salmanticens. de Restitut. c. 1 n. 32 cum Lugo, Led. Roncaglia, Cabass. lib. 6 cap. 9 n. 2 etc. vide dicta n. 554.*) \* Alii tamen aliter sentiunt, nimirum tenèri restituere, qui juridicam culpam in custodiendo contraxerit, si ea fuerit lata; et subindè si levis tantum, imò et aliquandò sit levissima, nimirum quando depositio facta est in commodum utriusque, et si pretium pro custodia accipiat. Vide

» *Less. cap. 7 d. 8 Laymann tract. 4 cap. 25* ubi docet depositarium tantum tenêri de dolo, vel culpâ crassâ, quæ dolo æquiparetur.

» Dicitur autem juridica culpa lata, seu crassa, cum quis facit, aut omittit, quod ut plurimum non facerent, vel omitterent in ea re homines suæ professionis; ut v. gr. si quis rem apud se depositam relinquit in loco publico, etsi inadvententer. Levis autem dicitur, cum quis facit vel omittit, quod facerent, vel omitterent homines suæ professionis diligentes, ut si quis depositum relinquit in suo cubiculo, sed negligit ostium claudere. Levissima dicitur, cum facit, vel omittit, quod non facerent homines diligentissimi; ut si quis ostium quidem obserârit, sed neglexerit tentare manu, an esset benè clausum.

750 » 5. Sartores, molitores, et cæteri artifices, quibus res traditur polienda, vel immutanda, item nautæ, cauponès, apud quos res deponuntur, tenentur ex levi culpa, quia depositio fit etiâ in commodum ipsorum; imò *Sylv. v. Nauta*, vult eos tenêri ex levissima: *ex lib. i ff. Depositum*, idque cautum esse ad vitandas eorum fraudes. Quod etiâ *Less. et Trull. c. 25 art. 1* putant esse probabile in utroque foro, si quis eis rem expressè tradiderit custodiendam: si autem ipsis tantum videntibus deposuerit, v. g. in diversorio, navi, etc. ne ex lata quidem tenêri. Vid. *Bon. Trull. Diana p. 1 t. 8 R. 74*.

751 » 6. Si depositarius (idem est de commodatario) dubitet, an depositum suâ culpâ perierit, non tenetur in conscientia ad restitutionem, *Sanch. de Matr. lib. 2 d. 41 n. 18* quia in dubio non præsumitur delictum, ex *l. Merito. ff. pro socio. v. Dian. p. 2 t. 9 R. 49*. In foro tamen externo, si res depositarii manserint incolumes, præsumitur de dolo, nisi depositarius probet, depositum casu periisse, et non potuisse simul cum rebus suis (imminente v. gr. incendio) servari: tunc enim non teneretur, quia præsumptio doli cessaret. Vid. *Pal. tom. 1 de Cens. d. 3 p. 4 Trull. c. 25 d. 1.* »

Hic pro regula generali distinguitur cum *Viva ib.* 754

n. 2. Quando res perit in incendio, naufragio, etc. si contractus sit in favorem dantis, et res est minoris, vel æqualis valoris, quàm tua; tunc poteris rem tuam præferre, et salvare: At si res alterius sit longè pretiosior; eo casu potes petere compensationem pro re tua deperdita. Si verò contractus fuerit in commodum tui, rem domini præferre debes, nec potes petere compensationem, *Less. n. 27 et Viva q. 9 art. 2 n. 2 cum communi.*

« 7. Si domino repetenti depositum remiserit per hominem, qui fidelis habebatur, isque sibi retinuerit, vel perdidit, Domino periisse dicit *Molin.* citatus ab *Escob. V. Trull. l. c.*

» 8. Deponens rem, usu non consumptibilem; potest à depositario pro ejus usu aliquid accipere; quia is est pretio æstimabilis (licet eo casu non depositi, sed locati, et conducti, contractus sit dicendus). Secus, si sit usu consumptibilis: tunc enim depositum, eo ipso, quò depositarius incipit eo uti; induit naturam mutui, ex quo (seclusa ratione lucti cessantis; etc.) nihil licet accipere, ut v. *dub. seq. et Bón. d. 3 q. 13 p. 3 Trull. l. c.* »

Notandum hic; quò depositarius in quatuor casibus possit depositum domino denegare: 1. Si per sententiam sint addicta omnia bona depositantis. 2. Si comprehendat certò rem esse furtivam. 3. Si habeat ipse certam causam compensationis. 4. Si prudenter certò timeat illum abusurum re deposita contrà justitiam; puta gladio ad occidendum; quia tunc peccaret, gladium reddendo, contrà charitatem, ut *Viva de Rest. quæst. 4 art. 5 n. 1.* Imò *Less. lib. 2 cap. 16 d. 4 Salm. et Viva n. 2 ac Tamb. contrà Mol.* putant verius, quòd peccaret etià contrà justitiam: quia valdè proximè cooperaretur ad homicidium. Vide dicta n. 697. Dixi tamen certò timeat, nam in dubio, vel pari probabilitate de damno, gladius restitui debet nisi dominus sit furiosus, ita ait *Viva ibid.* Sed illi, pari probabilitate, non acquiesco, nam proximus etià

possidet jus ne lædatur in vita, undè videtur potiùs præcavendum malum illius quod est majus.

Dubium est, an idem currat, si dominus abusurus sit re non contrà justitiam, sed contrà alias virtutes? Negant *Sanch. et Bon. q. ult. p. 1.* Sed adhuc peccare reddentem contrà charitatem verius dicit *Les. l. c. cum S. Th. 2 2 quæst. 62 art. 5 ad 1* cujus verba retulimus n. 697. Nisi non reddendo grave timeat incommodum.

## DUBIUM VI.

### Quid Mutuum?

754 Quomodo mutuum distinguatur à permutatione, pignore, etc.?

755 Quando restitui debet mutuum, si non est præfixus terminus?

756 An repeti possit mutuum datum Ecclesiæ, Universitatì, vel Minori? 757 Quid, si detur filiosam?

754 **R**ESP. Est contractus, quo rei alicujus numero, pondere, vel mensurà constantis dominium à mutuante in mutuatarium transfertur, cum obligatione restituendi eandem, vel similem specie, et bonitate. Propriè autem mutuum ferè est in rebus usu consumptibilibus, inter quas etià est pecunia: quæ, licet non absumatur, nec pereat in se, perit tamen exponenti, Distinguitur à permutatione, quòd in eà reddatur res alterius speciei; item à pignore, hypothecà, deposito, commodato, et locato, quòd dominium in iis non transferatur, sed usus tantum. *Bonacin. disp. 3 q. 3 p. 1.*

### Undè resolves.

- » 1. Mutuans obligatur monere de vitio rei, alioqui ad damnum tenetur in conscientia.
- » 2. Item non repetere rem antè tempus, nisi ipse sit in pari necessitate. »

Si non sit præfixus terminus ad restitutionem, de-<sup>755</sup>  
bes, mutuum reddere, dùm à mutuante interpel-  
lâris : Intellige post aliquod tempus competens arbi-  
trio prudentum, nam aliàs mutuum potius tibi obes-  
set, quàm prodesset. At tenêris reddere etiàm non pe-  
titus, si non petatur ob oblivionem, reverentiam, aut  
distantiam : Mutuans verò non petens, cum facilè pos-  
sit, censetur indulgere dilationi. Ità *Laym. tr. 8*  
*c. 15 n. 2 Pal. Rebell. cum Salmanticens. de Contr.*  
*c. 3 n. 4.*

« 3. Item præstare casum fortuitum mutuarius  
» tenetur, cum penès hunc rei dominium sit, et rem  
» eadem quantitate, et qualitate reddere suo tempore.  
» 4. In vero mutuo lucrum aliquod accipere non  
» licet, quia est usura, de quo *dub. seq.* »

Sed hîc notandum 1. quòd mutuum, præstitum Ec-<sup>756</sup>  
clesiæ, causæ piæ, aut Universitati non possit repeti;  
nisi probetur in utilitatem illius conversum fuisse, *l.*  
*Civitas ff. Si certum petatur.* Et idem dicitur de mutuo  
dato Minori, qui aliàs non tenetur, etiàm major factus,  
restituere, *lib. 3 C. Quandò facto tut.* Si tamen Præla-  
tus cum consensu Capituli (et idem dicitur de Gubern-  
natore cum consensu Officialium) recipiat mutuum  
nomine Ecclesiæ, ipsa semper tenetur solvere; cùm  
Prælati, cum Capitulo rectè alienare possunt res mo-  
biles Ecclesiæ, *Less. lib. 2 c. 20 n. 13 Salm. ibid. n. 6*  
*cum Laym. Mol. et Pal.*

Notandum pariter 2. quod mutuum datum filiisfam.<sup>757</sup>  
ut tales habitis, et carentibus bonis castrensibus, sinè  
saltem tacito consensu parentum, ab illis postea res-  
tituendum non sit, saltèm in foro externo, *l. 1 C.*  
*de S. C. Maced.* Quo privilegio filii uti possunt, etsi ei  
renuntiârint, *Less. cap. 20 n. 8. Salm. n. 7 cum Pal.*  
*Dic. et Bon.* Excipitur 1. Si mutuum sit in aliis rebus,  
quàm in pecunia, de quâ lex loquitur. Excipitur 2.  
Si filius juraverit solvere : quàmvis post solutionem  
habeat actionem ad repetendum : imò potest relaxatio-  
nem juramenti sibi procurare. *Salm. cum cit. DD. n. 8.*  
Excipitur 3. Si mutuum datum sit, seiente et non con-



tradente patre, aut si conversum sit in utilitatem patris aut filiorum in rebus, quas pater eis præbere tenebatur: item si res mutuata adhuc extet; vel si pater solitus fuerit solvere debita filiorum; Ita *Salm.* n. 9.

Dubium est, an filiisfam. in primo casu posito liberi sint à restitutione mutui, non solum in foro externo; sed etiam interno? Negant *Bon. Dic. Covarr. et Rebell. ap. n. 10.* quia Jus Civile non tollit obligationem naturalem. At satis probabilius affirmat *Less. dict. c. 20 n. 8 et Sanch. Laym. Pal. etc. cum Salm. n. 10* quia lex bene potest cum justa causa naturalem obligationem auferre, et sic fecisse judicatur in hoc casu ad providendum damno parentum, et nequitiam fœeratorum advertendam: Non videtur autem posse negari, quod Potestas suprema humana, ob altum dominium, quod habet, bene possit propter bonum commune transferre dominium rerum ab uno in alterum, ut patet in lege præscriptionis: Vide *dict. n. 517.*

## DUBIUM VII.

### Quid sit Usura?

- 758 Quando committatur usura?  
 759 An usura sit mala de jure naturæ?  
 760 An mutuans possit aliquid exigere, si obligetur solutionem expectare per longum tempus?  
 761 De usura mentali. Qu. I. Quando ex ea oriatur obligatio restitutionis? Qu. II. Utrum mutuans possit retinere id, de quo dubitatur, an gratis sit datum?  
 762 An liceat dare mutuum ob spem lucri?  
 763 An mutuans possit retinere quod mutuatarius dedit ex timore, ne alia mutuatio ei negetur in futurum?  
 764 An obligatio antidotalis possit in pactum deduci? Vid. alios casus *ap. Bus.*  
 765 An possit exigi aliquid ob Periculum sortis? Quid de Montibus Pietatis?  
 766 An liceat pactum Pœnæ conventionalis? 767. An dicta pœna debeatur antè sententiam?  
 768 An et quando possit aliquid exigi ob Damnum emergens,

*vel ob Lucrum cessans? 769. Quot conditiones, requirantur ad hoc interesse exigendum? An in contractu oporteat monere mutuatarium de damno emergenti, vel alio justo titulo? An possit mutuans tale interesse exigere, si ipse offerat ad mutuandum?*

770 *An liceat mutuanti pacisci ab initio de certa pecunia solvenda pro damno, vel lucro incerto?*

771 *An possis exigere lucrum cessans, si aliam substituas pecuniam ad negotium non destinatam?*

772 *Quid, si dicas: Negotiarer, nisi essent mutuum petentes?*

773 *Quid, si aderat justus titulus aliquid exigendi, sed mutuans bona fide inierit contractum usurarium?*

774 *Quæ pacta liceant in mutuatione?*

775 *An sit illicitum pactum Legis commissoriæ? 776. An fructus pignoris debeant restitui? Quid si pignus datum sit pro dote?*

777 *An teneat pactum, ut reddatur aliquid debitum, sed non ex justitia. An, ut desistatur ab injuria?*

778 *An valeat pactum, ut injuria condonetur?*

779 *An pactum, ut conferatur officium?*

780 *An pactum, ut præstentur debita ex gratitudine?*

781 *An pactum remutuandi?*

782 *An pactum, ut res in eadem specie reddatur?*

783 *An usurarius acquirat dominium lucri usurarii?*

784 *Quid de fructibus rei usu consumptibilis?*

785 *Ad quid teneatur præbens consilium, aut dans pecuniam pro mutuo usurario?*

786 *An peccet deponens pecuniam apud abusurum ad usuras?*

787 *An Principes, etc. cooperantes, ut solvantur usuræ, teneantur ad restitutionem?*

788 *An liceat creditori mutantis exigere usuras?*

789 *An peccent famuli cooperantes Dominis usurariis?*

790 *Quomodo hæredes Usurarii teneantur ad restitutionem?*

*An liceat petere mutuum ab usurario: Remissivè ad l. 2 n. 47 v. Secunda, et n. 77 v. 4 Licitum.*

791 *Vide alios casus apud Bus.*

792 *Quæ obligatio, et pœna usurariorum?*

- **RESP.** Est lucrum immediatè proveniens ex mutuo: 758
- ità ut mutuans suprà sortem, id est, summam capitalem, lucretur aliquid, quod sit pecuniâ æstimabile, ità ut lucrum tale præcisè intendatur ratione mutui. Quod planè iniquum est, et grave peccatum.

» contrà jus humanum, et Divinū; cū mutuant  
 » acquirat lucrum ex re jam non ampliù suā: quia  
 » res mutuata jam transiit in dominium mutuatarii,  
 » ut patet ex definitione. Et regula generalis est: Omne  
 » pactum, vel gravamen, sive onus additum mutuo  
 » præter id, quod ei proprium et intrinsecum est,  
 » reddit contractum usurarium, *Bon. d. 3 q. 3 p. 3.*  
 » *Cardinal Lugo, etc.* »

759 Certum est, quòd usura etià de jure naturali sit  
 illicita, quòdque pro usu rei mutuatae non possit  
 aliquid ultrà sortem exigi, ut communiter dicunt Theo-  
 logi, et Juristæ cum *S. Th. 2. 2 q. 78 ar. 1 ex c. Super  
 eod. de Usuris*. Ratio est, quia, ut docet *S. Th. loc. cit.*  
 licet in re, quæ usu non consumitur, prout in domo,  
 equo, possit usus à re distingui: in re tamen usu con-  
 sumptibili, ut in vino, tritico, pecuniâ, non adest  
 usus rei distinctus à dominio, cum usus rei sit ipsa rei  
 consumptio, et ideò in mutuo ex sua natura transfertur  
 rei dominium in mutuatarium: Si igitur aliquid exi-  
 geretur pro usu rei consumptibilis, injustè quidem  
 exigetur, ait *S. Thom.* et omnes, quia exigetur pro  
 re, quæ non extat. Quidam autem Neotericus in libro  
 recenter edito laboriosè conatus est probare, pecuniam  
 de se non esse sterilem et infructiferam, sicut aliæ sunt  
 res usu consumptibiles; cum ex communi commercio  
 hominum, ut asserit, quamplura lucra ex pecunia  
 observemus oriri. Hinc infert, præcisis justis titulis  
 periculi, damni, etc. de quibus infrà dicemus, licitè  
 posse aliquid exigi à mutuo pecuniæ ultrà sortem,  
 modo lucrum sit moderatum, et modo mutuatarius  
 sit dives, et pecuniam illam in augendis bonis suis  
 impendat. Sed meritò hæc nova opinio interdicta est  
 ab hodierno nostro Summo Pontifice Benedicto XIV.  
 in Epistola Encyclica, edita ann. 1545, quæ incipit:  
*Vix pervenit*, et extensa afferetur in fine *Tom. III.*,  
 vide *n. VII*. Ratio certa est, quia lucrum, quod recipi-  
 tur ex pecunia, totum oritur, non ex ipsa pecunia,  
 quæ, cū omninò sterilis sit, fructum parere haud  
 potest, sed oritur ex mera industria hominum: Nec

pro eo, quòd mea pecunia alteri proderit ob suam industriam, possum ego ultrà sortem aliquid ab eo exigere; pariter ac, si vendo rem, quæ emptori valdè utilis erit propter industriam suam, non possum propter hoc aliquid recipere ultrà justum rei pretium. Ratio de se patet, et alia declaratione non indiget. Ad illud autem, quod opponitur, Judæis Deum permisisse ex *Deut.* 28. fœnerari ab alienis, respondet *S. Th. ap. Ps. c. 3 n. 27* quòd tunc non permiserit Deus usuras, sed concesserit hoc modo accipere Gentium bona, quæ Dominus Judæis largitus est. Lege *P. Conc.*, qui peculiari volumine hanc falsam opinionem fusè et perdoctè confutavit.

Hic autem notandæ tres Prop. damnatæ. Prima ab Innoc. XI. n. 41. dicebat: *Cùm numerata pecunia pretiosior sit numerandâ, et nullus sit, qui non majoris faciat pecuniam præsentem, quàm futuram, potest creditor aliquid ultrà sortem à mutuatario accipere, et eo titulo ab usura excusari.*

Secunda ab eod. Innoc. n. 42. *Usura non est, dùm aliquid ultrà sortem exigitur, tamquàm ex benevolentia et gratitudine debitum, sed solum si exigatur tamquàm ex justitia debitum.*

Tertia ab Alex. VII. n. 42. *Licetum est mutuanti aliquid ultrà sortem exigere, si se obligat ad non repetendam sortem usque ad certum tempus.*

Sed quæritur, an pro obligatione, cui se submitte-<sup>760</sup> ret mutuans non repetendi mutuum, nisi post multum tempus; possit aliquid ultrà sortem exigere, etiamsi nullum incommodum ex dilatione ei eveniat? Adsunt tres sententiæ. *Prima sententia* communis negat, et hanc tenent *Less. l. 2 c. 20 n. 127. Viva in d. prop. 42 n. 10. Laym. l. 3 tr. 4 c. 16 n. 7. Lugo D. 25 n. 17* qui vocant contrariam falsissimam, et communiter ab aliis reprobata. Ratio, quia talis obligatio est intrinsecè annexa mutuo, quòd non repetatur statim; sicut igitur non potest aliquid exigi ex eo, quòd solutio expectetur pro aliquo tempore, ità nec pro tanto tempore; aliàs, dicunt, facile tali modo multoties usura

palliari posset, illam exigendo non pro mutuo, sed pro obligatione expectandi solutionem. Et huic videtur favere damnatio secundæ Prop. allatæ.

*Secunda sententia* dicit, quòd, licet in mutuo sit obligatio expectandi solutionem per aliquod tempus; quandò tamen obligatio est de non repetendo, nisi post multum tempus, puta per triennium, tunc, cum illa non sit intrinseca mutuo, possit aliquid licitè exigi. Ità *Medina de Rest. q. 32 §. Indè, Serra, Led. ap. Ps. n. 25* ibique probabilem putant *Trull. Henr. ac Bassæus*, atque non improbabilem putat *Sporer de 7. Præc. c. 4 n. 71*. Et hæc sententia verè non videtur sua probabilitate carere; si enim licitè aliquid exigere possit, qui obligatur ad mutuandum infra longum tempus, ut docent DD. communiùs cum *Mol. apud Viva in d. prop. 42 n. 5* cur non possit, qui obligatur non repetere suum, nisi post diuturnum tempus? Vide mox infra dicenda.

*Tertia sententia* parùm huic secundæ dissimilis, quam tenent *Salm. ibid. n. 26 cum Bann. Prado, Arag. et Caram.* dicit, quòd, licet adhærendo primæ sententiæ, exigere aliquid præcisè pro tempore sit usura, attamen, cum sit moraliter impossibile, quòd per multum tempus expectando mutuans non patiat aliquod periculum, damnum, vel incommodum, aut saltèm non impediatur ab exercendo aliquem actum liberalitatis, aut alterius decentis operationis, idcirco possit aliquid ultrà sortem recipere, et pacisci.

Sed dices 1. Obligatio expectandi per aliquod tempus inest cuilibet mutuo, undè, sicut in mutuo ad 15. dies adest obligatio non repetendi intrà 15. dies, ità et in mutuo ad tres annos est obligatio per tres annos non repetendi; quia tunc obligatio illa expectandi per tres annos est intrinseca tali mutuo, aliàs mutuator venderet suam commoditatem: Nec talis obligatio expectandi per tantum tempus dici valet pretio æstimabilis, cum ipsa non procedat ex justitia, sed ex eadem liberalitate, ex qua procedit beneficium mutuandi. Sed responderi potest: Cuilibet mutuo inest

quidem intrinseca obligatio expectandi per aliquod tempus ordinarium; verumtamen mutuo in particulari, cum pacto expectandi per tempus extraordinarium, non est intrinseca, sed omninò extrinseca talis obligatio; et ideò illa non procedit ex liberalitate, sed ex justitia ratione pacti quod ex justitia obligat ad expectandum pro tanto tempore. Hinc, si mutuans aliquid accipiat pro tali obligatione, ritè accipit, non ratione commoditatis quâ privatur, sed ratione oneris ex pacto sibi impositi, quod onus utique est pretio æstimabile, ut fatetur ipse *Lugo loc. cit. n. 24 cum aliis*. Dices II. Obstat tertia Propositio proscripta mox suprâ relata, ex qua videtur omninò vetitum aliquid exigi pro obligatione expectandi *usque ad certum tempus*. Sed respondetur: Dicta Propositio meritò fuit damnata, quia per illa verba nimis generalia comprehendebatur cujuscunque temporis expectatio, etià ea quæ mutuo est intrinseca: non autem ibi prohibetur aliquid exigi pro obligatione expectandi per tempus extraordinarium; quæ obligatio est mutuo extrinseca. Et hîc obiter notandum, nonnullos induci ad reprobandas cunctas opiniones, quæ aliquam similitudinem habent cum Propositionibus damnatis, ineptè putantes, eas ita generaliter proscribi, ut nullam patiantur exceptionem, vel justam interpretationem. Quod reverà est contrà naturam Propositionum damnatarum; juxtà epim omnium DD. consensum non sunt clausis oculis rejiciendæ omnes opiniones, nisi expressè aut virtualiter in proscriptis contineantur. Cæterum, regulariter loquendo, Propositiones damnatæ intelligendæ sunt uti jacent, et in sensu riguroso, atque ab Auctoribus illarum intento. Præterquamquòd quædam opiniones (prout dici potest esse hanc de qua loquimur) damnatæ sint, quia nimis generaliter loquebantur; et ideò non sint extendendæ ad omnes casus particulares, qui propter aliquam momentosam circumstantiam distinguuntur.

¶ 1. Peccat graviter ex genere suo exercens talem  
 ¶ usuram, etsi sit mentalis tantum, sinè externo

» pacto. Dicitur enim usura mentalis, cùm quis intentionem habet accipiendi aliquid ex mutuo ultrà sortem, etsi exterius pacto id non exprimat: sicut realis, sed exterior usura dicitur, cum quis intentionem illam per pactum aliquod exprimit. Quod aliquandò tantum implicitè fit in aliquo contractu, et vocatur, usura palliata, cum videlicet contractantes prætendunt alium contractum emptionis, locationis, etc. in quo tamen reverà usurarium quid intervenit. Vide exempla apud *Tolet l. 5 c. 31*.

Hinc non est sermo de usura mentali, quæ in solo animo sistit sinè datione mutui, hæc enim ad nullam restitutionem obligat: Sermo autem fit de usura mentali, quæ conjuncta est cum mutuo sinè tamen pacto expresso vel tacito lucrandi aliquid suprà sortem, ad distinctionem usuræ realis, quæ oritur ex pacto. Quæritur I. Quandò ex hac usura mentali oriatur obligatio restitutionis? Dicimus I. Quandò usura mentalis est ex parte utriusque, ità ut mutuans accipiat lucrum tamquàm pretium mutui, et mutuatarius ut tale etià solvat, tunc certè lucrum restituendum est. Dicimus II. Quandò usura mentalis est ex parte solius mutuatarii, qui dat lucrum ut pretium, et mutuator accipit bona fide ut gratis datum, tunc non tenetur hic restituere ex injusta acceptione, sed tantum ex re accepta, cùm noverit mutuatarium non gratis præstasse. Dicimus III. Quandò contrà usura est solum ex parte mutuantis, eo quòd mutuatarius dederit gratis, et mutuans receperit ut pretium, tunc, si noverit illum liberaliter donasse, potest retinere.

Quæritur II. In dubio an mutuatarius dederit aliquid ultrà sortem gratis, vel ut pretium mutui, utrum mutuator possit illud retinere? Certum est, licitè posse mutuantem accipere à mutuatorio dona liberalia, ut docent omnes cum *D. Thom. 2. 2 quæst. 78. art. 2. ad. 3* Si verò dubium sit, an mutuatarius dederit gratis, vel non? respondent *Less. l. 2 c. 26 n. 45. et Salmanticens. c. 3 n. 31.* quòd, si mutuans acceperit munus bona fide, possit superveniente dubio

illud retinere ; secus verò, si acceperit cum dubio. Sed quid, si acceperit cum dubio positivo, sivè cum probabilitate veræ donationis. Admittit *Sporer de 7 Præcept. n. 80.* posse retinere, utens opinione probabili ; sed communiter, et rectè id negant *Less. loc. cit Concina t. 7 p. 559. n. 3. Continuator Tournely t. 1 p. 515 v. Cum dubia, et Sal. tract. 14 c. 3 n. 31. cum Soto, Bonacina, Covarr. Prado, Arag. etc.* Ratio, quia cum tali dubio nequit mutuator inchoare possessionem rei alienæ ; Item, quia in dubio mutuarius regulariter præsumitur coactè dedisse, quia difficulter homines gratis sua largiuntur, ut fatetur ipsemet *Sporer n. 77.* Cæterum in hoc dubio deferendum est illi parti, pro qua est potior præsumptio ; hinc ajunt *Salm. d. n. 31. Sporer l. cit. Less. c. 20 dub. 6.* præsumendum esse mutuarium moraliter certò donasse, si non sit pauper, aut avarus, aut non dederit impulsus ex metu, neque ex molestia, vel petitione mutantis. Idemque dicunt *Salm. n. 43 cum S. Antonino*, si mutuarius per scripturam asserat, liberaliter se donasse, nisi constet in fraudem usuræ id scripisse. Oppositum verò præsumitur cum *Salm. n. 42.* si mutans antè donationem significarit se aliquid, tamquam sibi debitum, velle ; aut si mutuarius sit pauper, vel non soleat donare, vel si solvat antè redditionem mutui : quia tunc facile præsumitur dare, ne citò cogatur ad mutuum reddendum. Idem rationabiliter censi dicunt *Nav. et Med. apud Salm. contrà Dicast.* si mutuarius acceperit mutuum ad usus necessarios, quia talis necessitas tollit, vel saltem infirmat præsumptionem, quòd ille omninò gratis donaverit.

« 2. Non est usura si mutans nihil intendat ut, »  
 » pretium, sed tantum speret aliquid ex gratitudine, »  
 » et ea intentione illi aliquid donetur ; licet illud ut »  
 » finem principalem intendat, *Mol. t. 2 p. 305. n. 5* »  
 » *Lugo D. 25.* »

Quæritur I. An liceat dare mutuum sub spe lucri ?  
*S. Thomas 2. 2 q. 78. art 2 ad 3.* sic distinguit : *Si aliquis ex pecunia mutuata expectet vel exigat, quasi per*  
 Tom. III,



*obligationem pacti taciti vel expressi, recompensationem muneris ab obsequio, vel à lingua: perinde est ac si expectaret vel exigeret munus à manu.... Si verò munus ab obsequio vel à lingua non quasi ex obligatione rei exhibetur, sed ex benevolentia, quæ sub æstimatione pecuniæ non cadit, licet hoc accipere et exigere, et expectare.* Hinc inferunt 1. *Caj. Pal. Prado, Trull. et Vill. apud Salm. c. 3 n. 34* in foro conscientiae non esse signum usuræ mentalis, quòd quis non mutuaret, si crederet mutuatarium nullam recompensationem redditurum. Inferunt 2. *iidem Cajet. Prado ibid. cum Trull. Serra et Salas*, posse mutuantem licitè talem spem mutuatario etià manifestare; sed benè advertunt *Salm. l. c. cum Lugo etc.* hoc non carere vehementi suspitione usuræ, juxtà dicta *de Simonia n. 51*. Undè rectè dicunt *Salm. et Viva in prop. 42 Innoc. XI. n. 15*. taliter mutuantes ordinariè censendos esse usurarios.

Sentiunt autem *Bus. ut sup. Sal. c. 3 n. 33 et Less. c. 20 n. 37 cum P. Nav. ex Soto*, non esse illicitum mutuantem dare mutuum sub spe lucri, etià si talis spes sit principale motivum mutuandi. Sed veriùs puto cum *P. Concina t. 7 p. 462 n. 10* hoc esse omninò illicitum, ex textu *Lucæ 6* ubi præcipitur: *Mutuum date, nihil inde sperantes*. Si textus hic non explicetur saltem de hac principali spe, nescio in quo alio casu explicari possit. Ratio autem nostræ sententiæ est, quòd, si non liceat dare mutuum principaliter ob lucrum ex mutuo percipiendum, etià non liceat mutuare principaliter ob spem lucri. Id omninò confirmatur exemplo simoniæ, quæ pari quidem passu incedit cum usura: Circà enim simoniam jam probavimus *n. 51 v. Cæterum, et n. 54* quòd, si quis det temporale solo intuitu obtinendæ rei spiritualis, tunc censeatur habere intentionem saltem virtualiter simoniacam, ut patet ex *propos. damnata 46 Innoc. XI* quæ dicebat, non esse simoniam dare temporale pro re spirituali, *etià si temporale sit principale motivum dandi spirituale*. Idem dicendum in mutuo, quandò etenim mutuum datur principaliter ob spem lucri,

tunc ipsum lucrum speratum, cum sit principale motivum mutuandi, virtualiter convertitur in pretium mutui. Et hoc clarè colligitur ex *cap. Consuluit de Usuris*, ubi sic habetur: *Consuluit nos tua devotio an ille usurarius debeat judicari, qui (non aliàs mutuo traditurus) eo proposito mutuam pecuniam credidit, ut, licet omni conventionem cessante, plus tamen sorte recipiat. Verùm, quia quid in his casibus tenendum sit ex Evangelio Lucæ manifestè cognoscitur, in quo dicitur: date mutuum nihil inde sperantes; hujusmodi homines pro intentione lucri quam habent, cum omnis usura prohibeatur in Lege, judicandi sunt malè agere, et ad ea, quæ taliter sunt accepta restituenda in animarum judicio efficaciter inducendi.* Hinc sapienter dixit Sanctus Raymundus: *Qui sub tali spe mutuavit, quidquid postea (etiàm gratis oblatum) ultra sortem acceperit, usura est.* *Tract. de Usur. § 3.* Benè autem ait *Concina p. 460 n. 6* minimè peccare mutuante, qui mutuum dat ad captandam alterius benevolentiam, etiàm si hæc benevolentia sit principale motivum mutuandi, quia beneficium gratuitum ex se pertinet ad conciliandam mutuam benevolentiam. Imò addo, etiàm si secundariò speraretur aliquod lucrum, ita ut lucrum sit causa impellens ad mutuandum; (non tamen, si hac spe deficiente, mutuum non daretur, quia tunc saltem præsumitur animus usurarius). Ita ex *D. Th. 2. 2 quæst. 78 ad 2* ubi ait: *Si (mutuans) accipiat aliquid non quasi exigens, nec quasi ex aliqua obligatione tacita vel expressa, sed sicut gratuitum donum, non peccat, quia etiàm antequàm pecuniam mutuas- set, licitè poterat aliquod donum accipere, nec peioris conditionis efficitur per hoc quod mutuavit. Recompensationem verò eorum quæ pecunia non mensurantur, licet pro mutuo exigere, puta benevolentiam et amorem ejus qui mutuarit, vel aliquid hujusmodi.* Et in *Disp. de malo quæst. 13 a. 4* dicit, licere mutuanti adhuc hujusmodi donum sperare; modo (intelligendum, ut diximus) hæc spes non sit causa finalis mutui; nam, licèt speculativè loquendo, differat sperare lucrum ex benevolentia; et sperare

ex justitia, in praxi tamen facillimè hæc confunduntur.

763 Quæritur II. An mutuans possit retinere, quod mutuatarius dedit non ex mera gratitudine, sed ex timore, ne alia mutuatio ei negetur in futurum, aut ne æstimetur ingratus? Negant *Caj. Molina*, *Nav.* et alii apud *Dianam*, cum *Viva in prop. 41 n. 10* qui oppositam sententiam putat speculativè, non practicè probabilem. Sed affirmant *Laym. tr. 4 c. 16 n. 1* *Lugo Pal. Sot. Dian. et Salas apud Salm. c. 3 n. 35* quia ex *S. Th.* et communi, requiritur ad usuram, ut detur vi pacti, sive ut debitum ex justitia; dari autem ex tali timore non efficit, ut detur in pretium: Lex enim mutui non prohibet, ut alter nolit ingratus apparere; *Salmant.* autem, licet primò dicunt, talem donationem difficulter non esse usurariam, cum rarissimè præsumenda sit merè voluntaria, attamen reverà postea primæ sententiæ adhærent, dicendo quòd, si donatio verè fuerit gratuita, benè possit retineri: Etsi enim illa sit alioquin involuntaria, nequaquam tamen tale involuntarium illam irritat, cum non proveniat ab extrinseco cogente, sed ab intrinseca necessitate, vel voluntate ipsius mutuarii. Ità *Salm. n. 36 cum Serra, Trull. Prad. et Soto*, qui advertit discernendum semper esse, an mutuans recipiat ratione amicitie, vel an ratione mutui.

764 « 3. Quòd, si tamen intelligeret sibi aliquid donatum, » non gratis, ut putabat, sed ut debitum ratione mutui, teneretur restituere, quantum indè ditior evassisset, ut habet *Sa, v. Usura, Card. Lugo, d. 25 sect. 3.* »

Adverte hîc prop. 42 damnatam ab Innoc. XI. quæ dicebat: *Usura non est, dum aliquid ultrà sortem exigitur ex benevolentia, et gratitudine debitum, sed solum si exigatur tamquam ex justitia debitum.* Rectè notat *Viva in d. prop. n. 6* quòd in illa verba *ex gratitudine debitum* cadat damnatio, nam mutuatarius non tenetur bonis suis satisfacere obligationi gratitudinis, cum possit satisfacere, mutantem laudando, pro eo orando, etc. An verò obligatio antidotalis, seu gratitu-

dinis possit umquam in pactum deduci? Omnino negandum, ut clarè infertur ex præfata propositione, nam id, quod in pactum deducitur, jam dicitur debitum. Vide dicta *de Sim. n. 53.*

» 4. Nec est usura dare mutuum, alterius amicitiae  
» captandæ causâ, atque alterius indesperare officium;  
» quia amicitia non æstimatur pretio, *Card. Lugo l. c.*

» 5. Pactum tamen de oblinendo à mutuuario  
» (vel ejus operâ) officio aliquo, illicitum est, et usurarium. Itâ cum communi *Mol. p. 310 Less. Salm. C. Lugo. \** (*Cum Viva in Prop. 42 Innoc. XI n. 15 et Salm. c. 3 n. 58 communiter,*) \* contra *Navarr.*  
» *Etsi Salas de usura d. 9 n. 4* eum excuset, qui mutuatur aliquid pacto, ut statim præstetur aliquod  
» Beneficium ex gratitudine. Vid. *Trull. l. 7 c. 19 disput. 7 \** (*Excusatur quidem qui mutuatur cum pacto ut alter remutuet in præsentem: Secus, in futurum. Vide dicta de Sim. n. 57 et dicenda n. 781 ex D. Thoma.*)

» 6. Pactum, ut mutuuario conferatur beneficium  
» Ecclesiasticum, est usura (et simonia), quia cogitur is subire novum onus.

» 7. Non est usura, cum quis, non potens sua recuperare, mutuatur, ut sibi reddantur sua, vel ne  
» sibi iniquè noceatur: quia hæc jure jam antè debetur, et sic non facit lucrum, nec imponit novam  
» obligationem, *Bon. quæst. 3 t. 3 n. 15 ex Azor. Reg. etc. \** (*Vide dicta de Simon. ex n. 98 quæ dicuntur etiam de mutuo*) \*.

» 8. Nec est usura exigere aliquid ratione periculi  
» recuperationis, difficultatum, vel expensarum, quæ  
» erunt, vel metuuntur in recuperanda sorte, quia  
» pretio æstimari potest, quod quis se in tale periculum, et difficultatem conjiciat, *Con. d. 3 q. 3 p. 5.*  
» Necesse tamen esse, ut periculum istud, etc. deducatur in pactum expressè, vel tacitè, docet *Laym. l. 3 t. 4 c. 16 n. 9. ex Medin. Val Mol Less. etc.*  
» Idem dicit *C. Lugo. n. 80.* Et sic liciti sunt *Montes Pietatis*, ut vocant, hoc est thesauri quidam, qui  
» in refugium pauperum à Republ. vel Principe re-

» ponuntur, undè pauperibus gratis mutuetur, ità  
 » tamen, ut parum retribuant pro expensis, quæ  
 » fiunt in ministros, et conservationem talium mon-  
 » tium V. *Tol. l. 5 c. 18. Less. l. 2 c. 20 Bonac. l. c.*  
 » p. 13. »

Magna agitur quæstio, an ratione periculi amittendæ sortis liceat aliquid suprâ sortem exigere? *Prima* sententia negat, eamque tenent *Nav. c. 23 n. 81. Sot. l. 6 q. 4 a. 1 ad 1. Tol de 7 Præc. c. 11 Nat. ab Alex. l. 3 a. 5. Reg. 3. Genett. tr. 4 c. 7 q. 3.* Rationes hujus sententiæ infrâ exponemus in objectionibus ad secundam sententiam, quam sequimur. *Secunda* igitur sententia probabilior, et satis communis, quam tenent cum *Bus. ut suprâ, Less. l. 2 c. 20 n. 111. Sylvius in 2 2 q. 77 ar. 1 quæst. 4 Sylvester v. Usura, Continuator Tournely t. 1 p. 499. Wigandt tract. 9 Ex. 8 Resp. 9. Fagnan. in c. Naviganti l. 5 tit. de Usur. Petrocorensis t. 2 p. 387. Cabassut. Th. J. l. 6 c. 8 n. 2 Lugo D. 25 n. 77 et 79. Salm. c. 3 cum Mol. Val. Salmant. Trull.* et aliis innumeris, affirmant licitè posse aliquid moderatum accipi propter periculum sortis: Dummodò 1. periculum sit verum et extraordinarium, non autem commune, amittendi sortem, vel eam non recuperandi sinè magnis expensis, et laboribus, nempe si detur mutuum homini dubiæ fidei, vel pauperi (intellige, si ipsi des mutuum, præter id quod tu præcisè tenêris ex præcepto illi mutuare, ad ejus præsentem inopiam sublevandam). Dummodò 2. non recuses assecurationem sortis, si tibi offeratur per pignus, aut fidejussionem, et non cogas mutuatarium ad tale periculum transigendum, ut rectè notant *Less. n. 39 et Salm. n. 85. in fine.* Cæterùm benè exigere potes à mutuatario id quod alter tibi daret pro assecuratione sortis, licet mutuum postmodum integrè tibi reddatur. Ratio, quia te exponere tali periculo, verè est pretio æstimabile. Id confirmatur 1. Ex Concilio Lateranensi *Sess. 10. sub Leone X. ubi pro usura damnatur quodlibet lucrum ex re infrugifera perceptum, æcluso tamen titulo laboris. aut sumptûs, aut peri-*

cili : *Quando videlicet* (verba Concilii) *ex usua rei quæ non germinat, nullo labore, nullo sumptu, nullove periculo, lucrum, fætusque conquiri studetur.* Confirmatur 2. ex doctrina *D. Thom. Opusc. 75 c. 6. (ap. Petrocor. l. c.)* ubi S. Doctor sic ait : *Res quæ extrâ periculum possidentur ejusdem speciei, plus æstimantur, quàm eadem existentes in periculo; et ided ad naturam rei convertitur recompensatio, quæ propter periculum æstimatur plus vel minùs valere.* Confirmatur 3. ex Declaratione S. C. de Propag. Fide, quam referunt *Cabassutius et Tournely ll. cc. ad Bancel Sum. Mor. v. Usura.* Casus fuit hic : Apud Sinenses lege statutum erat, ut in mutuo acciperentur 30. pro centum, sinè respectu ad damnum emergens, vel lucrum cessans : et quia in recuperanda sorte erat periculum fugæ debitorum, aut tardæ solutionis, vel repetendi pecuniam cum onere recurrendi ad Judices, quæsitum fuit, an hoc liceret. Respondit S. C. approbante Innoc. X. (et hæc Declaratio an. 1645. Romæ typis demandata) *Censuit S. C. Cardinalium S. Rom. Ecclesiæ, ratione mutui immediatè præcisè nihil esse exigendum ultrâ sortem principalem; Si verò aliquid recipiant ratione periculi probabiliter imminētis, et qualitatis ejusdem, ac servata proportionē inter periculum et id quod accipitur, etc.* Deindè Pontifex præcepit omnibus Missionariis sub excommunicatione latæ sententiæ, ut omnia hujus Decreti observarent, et illis uterentur. Nec obstat dicere, quòd non constet de hac Declaratione, ut ait *Henricus à S. Ignatio apud Tourn. l. c.* Nam *Thomas Hurtadus Ethica p. 402* affert exemplar hujus Declarationis authenticatum per Notarium Apostolicum. Opponit deindè idem *Henricus* præfatam Declarationem non esse approbativam, sed tantùm tolerativam; Sed respondetur, quòd S. C. dicat ibidem, mutuantes *non esse inquietandos, dummodò habeatur ratio probabilitatis, periculi*, quæ utique verba non meram tolerantiam, sed positivam permissionem significant. Præterea quòd Pontifex, ut diximus, positivè præceperit observantiam hujus Decreti; Undè (benè ait *Tournely*) inaudita

fuiſſet hæc agendi ratio , ſi Pontifex præcepiſſet Decreti obſervantiam , cùm haberet ſibi perſuaſum aut dubitaret hanc eſſe uſuram. Demùm opponit prædictus *Henricus* id valere in caſu extraordinario periculi longè majoris quàm periculi communis. Reſpondetur, quòd S. C. reſpondeat de periculis, de quibus fuit quæſitum , nempè fugæ , tardæ ſolutionis , et difficultatis exigendi , quæ pericula inter extrinſeca non ſont extraordinaria.

Objicitur I. Fur , cùm reſtituit ablatum , non tenetur reſtituere pretium periculi : ergò tantò minùs tenetur illud reſtituere mutuarius : Si enim periculum amittendæ ſortis non eſt titulus qui furem obſtringat ad aliquid ultrà ſortem Domino ſolvendum , nec etiàm mutuanti erit juſtus titulus exigendi ; nudum enim pactum titulum non præſtat. Sed reſpondetur : Nemo dubitat, quia ob damnum poſſit mutuans aliquid ultrà ſortem exigere , et tamen , ſi damnum non ſit deductum in pactum , nihil poſteſt exigere , quia deeſt pactum ut dicemus *n. 769 v. Sed dubitatur.* Ergò damnum emergens etiàm non eſt titulus aliquid accipiendi ultrà ſortem , ſed benè eſt titulus juſtè deducendi in pactum exactionem. Ità à pari , periculum ſinè pacto non eſt titulus percipiendi aliquid ultrà ſortem , ſed benè eſt titulus juſtè paciscendi , cùm mutuans in gratiam alterius in ſe ſuſcipiat periculi onus , quod per ſe eſt pretio æſtimabile. Fur autem , quia inter ipſum et Dominum nullum pactum interceſſit , ideò nihil ratione periculi ultrà ſortem tenetur reſtituere. Undè pro concluſione regula certa ſit , quòd , ut mutuans licitè poſſit aliquid ultrà ſortem exigere , requiratur , ut pactum juſtum intercedat , ut autem pactum ſit juſtum , requiritur , ut mutuans aliquod onus extraordinarium in ſe ſuſcipiat. Sicut ergò ipſe poſteſt juſtè pacisci aliquid exacturum ob damnum emergens certum , ſic etiàm , ut exigat aliquid (eſti minus ) ob damnum probabile , quemadmodum eſt damni periculum. Ideò benè ait *Tourn. p. 500* quòd creditum periculolum non poſſit tanti vendi , quanti creditum ſecurum.

Obijciunt II. textum in *c. Naviganti de Usuris*, ubi sic dicitur : *Naviganti vel eunti ad nundinas certam mutuans pecuniæ quantitatem, pro eo quod suscipit in se periculum, recepturus aliquid ultrà sortem, usurarius est censendus.* Huic textui multipliciter respondetur. Respondent 1. *Laym. Barbos. Palaus, et Cabass. l. c. n. 3* ibi mendum irrepisse et omissam esse particulam *non*. Hancque interpretationem benè fieri posse dicit *Tournely* ex contextu Canonis præfati, ubi, cùm sermo deindè immediatè fiat de mutuante granum, aut vinum, qui aliquid exigit ob dubium decrementi pro tempore restitutionis, subditur : *Ille quoque qui dat decem solidos, ut alio tempore totidem sibi grani, vini etc. non debet ex hoc usurarius reputari.* Idem igitur dictum censetur pro primo casu, particula enim *quoque* id satis ostendit; Aliàs (ait *Tournely*) potius debuisset Pontifex apponere particulam *sed*, si contractum illum usurarium declarare intendisset. Respondetur 2 cum *Fagnano in dicto c. Naviganti, et Salm. de Contr. c. 2 n. 145* quòd præfatus textus intelligatur tantùm pro foro externo, ubi talis contractus pro usurario habendus esse decernitur; et ideò non dicitur ibi illum esse usurarium, sed quòd *usurarius sit censendus*. Proùt pariter ait *Fagnanus*, si Episcopus accipit gratuitum munus ab aliquo, cui postea gratis confert Beneficium, in foro externo censebitur simoniacus, sed talis utique non erit in conscientia. Respondetur 3 cum eodem *Cabas. item Lugo D. 25 n. 78 Less. c. 20 n. 116 Salm. c. 3 n. 92 cum Laym. Pal. Covarr. Tap. Villal. et aliis communiter*, textum intelligi pro casu, quo mutuans vi ipsius mutui obligaret mutuatarium ad talem contractum assecurationis ineundam; Vel casu quo (ut sentit *Petrocor. t. 2 p. 338.*) mutuans intendat omninò ex mutuo lucrari, ità ut aliter non mutuaret. Idque expressè sentit etiàm *D. Th. Op. 75 c. 6* (apud eundem *Petrocor.*) ubi dicit : *Quod si mutuans non sperat lucrum pro mutuo, sed onus periculi, quod suscipit, petit sibi compensari id, ut esset dispositus ad mutuandam gratis pecuniam*



*si tale periculum in se non sumeret, certè tunc non peccat.*

Circà autem *Montes Pietatis*, quos meminit *Busemb.* mox suprà, advertendum hos approbatos fuisse à Concilio Lateranensi sub Leone X sub hac limitatione: « ( Concedit tantum accessionem ad solas ministro-  
rum expensas, et aliarum rerum ad illorum conser-  
vationem, ut præfertur, pertinentium pro eorum in-  
demnitate dumtaxat ultra sortem, absque lucro  
eorundem Montium ). » Hinc advertunt *P. Con-  
cina t. 7 p. 581 n. 4 et Tourn. t. 1 p. 521.* quòd, ut  
licitè tales Montes erigantur, tres conditiones requi-  
rantur: I. Ut pecunia tradatur pauperibus intrà li-  
mitem certæ summæ, pro tempore determinato  
restituendæ. II. Ut pignus à debitoribus exhibeatur,  
illudque custodiatur à ministris, et tempore præfinito  
vendatur sub hasta, ac retento pretio, quod Monti  
debetur, reliquum restituatur Domino pignoris, vel  
pauperibus, si hic inveniri nequit; vel etiàm eidem  
Monti, ut ait *Roncaglia de Usur. quæst. 3 in fine*:  
Quod etiàm admittit *Concina p. 382 n. 5* si Mons sit  
pauper, et prematur necessitate succurrendi paupe-  
ribus, ut concesserunt aliquibus Montibus Sixtus V  
et Clemens X. Hic autem notandum cum *Concina loc.  
cit n. 6* peccare divites, qui sinè necessitate accipiant  
mutuum à Monte, ut aliàs lucrentur, et ideò tenen-  
tur illicò pecuniam restituere. Hoc autem intelligen-  
dum dicerem, si Mons esset pauper, quia tunc deficeret  
subventio pauperum, pro quibus isti Montes sunt  
instituti. *Pasqualigus* autem apud *Concina n. 7* affert  
quasdam Litteras Pauli III quibus asseritur, licitè con-  
cedi posse aliquam annuam accessionem iis, qui pecu-  
niam otiosam in præfatis Montibus collocant. Sed *P.  
Ballerinus ib.* clarè et meritò evincit has litteras apo-  
cryphas. Adducit tamen *P. Concina t. 7 p. 483 n. 9*  
alias Litteras ejusdem Pauli III Julii III et Pii IV in  
quibus id conceditur, sed cum hisce limitationibus,  
ut deponentes pecuniam id faciant zelo charitatis ergà  
pauperes, et alias paratas habeant emptiones, ex qui-  
bus licitè lucrari possent. An verò sit licitum etiàm

privatis hujusmodi Montes instituere? Affirmant *Less. l. 2 c. 20 n. 194.*

« 9. Nec est usura, si timens difficultatem, aut  
 » fraudem mutuarii in reddendo tempore consti-  
 » tuto, paciscaris, ut, si tunc non solvat, aliquid  
 » det præter capitale loco pœnæ, quæ pœna licitè  
 » exigetur, dummodò non fiat alia intentione, quàm  
 » ut mutuarius sic quasi constringatur, ne sua cul-  
 » pa fallat. Undè, si mutuarius absque sua culpa  
 » non possit solvere, non licebit pœnam exigere, ut  
 » habet *Tol. sup. c. 32* qui ait, manifestum esse ar-  
 » gumentum prævæ intentionis, si optes non solvi tibi  
 » præfixo tempore, ut pœnam recipias: ac simpliciter  
 » usuram fore, si certo sciens alterum non valiturum  
 » solvere, adhuc tali pœna oneres. V. *Bonac. d. 3*  
 » *q. 3 p. 7. Mol. t. 2 d. 317. Less. l. 2 c. 20 d. 15.* »

Licitum est igitur in mutuo pactum pœnæ *conventionalis*, ut tenent communiter *Lugo D. 26 sect. 6. Sot. l. 6 q. 1 art. 3. Tourn. t. 1 p. 511 cum Henr. à S. Ign. Holz. de Contr. c. 3 n. 756. Wigand tr. 9 Ex 8 q. 3 ad 13. Cab. Th. J. l. 6 c. 7 n. 1. Les. l. 2 c. 20 n. 128. Anach. q. 4 n. 38 et Salm. c. 3 n. 75 cum Scot. Trull. Vill. etc.* Ratio autem cur hoc pactum sit licitum, est, quia talis pœna apponitur, ut contractûs firmitati consulatur, et avertatur negligentia mutuarii. Ad licitè verò hoc pactum apponendum requiritur 1. ut mora debitoris sit notabilis, et culpabilis. 2. ut absit animus lucrandi per pœnam appositam, qui animus præsumitur, si oneretur debitor ad restituendum pro tempore, quo scitur solvere non posse. Ità cum *Bus. Salmantic. n. 75 et 76.* Adde 3. ut pœna sit moderata, et culpæ proportionata. V. *Salm. d. n. 76.*

An autem dicta pœna debeatur antè Judicis sententiam? Negant *Sanch. de Matr. D. 37 n. 4 et Pal Dian. etc. ap. Salm. ib. n. 77* quia ratio generalis de pœnis est, ut non debeantur antè sententiam. Oppositum tamen tenent probabilius *Continuator Tournely t. 1 p. 512 Holz. Less. l. 2 c. 10 d. 14 in fine et Sylv. Villal. et alii cum Salm. n. 77.* Quia hæc pœna magis habet rationem pacti, quàm pœnæ.

- 768 « 10. Nec est usura, pacisci, et accipere aliquid ratione <sup>et</sup> damni emergentis (si quidem mutuum verè illius causa sit), aut lucri cessantis, vel cessaturi, dummodò de hoc præmoneatur mutuarius: ut si volebas domum reficere, aut poteras nunc commodo tempore emere triticum, privando autem te tuâ pecuniâ in dando mutuo, corrui domus, et postea carius emes triticum. Item non poteris lucrari cum tua pecunia, quod poteras, et volebas negotiando, itâ ut mutuatio sit verè causa lucri cessantis. Ubi notat *Tol.* supponendum in hoc titulo lucri cessantis, 1. Quòd verè volueris cum ea pecunia negotiari, et non habeas aliam. 2. Quòd malis negotiando, aliter verè lucrari, quàm sic mutuando, itâ ut mutues tantum in gratiam mutuarii. Ut minùs exigas, quàm lucrari poteras, et deductis expensis, quia lucrum cessans non est actu, sed in potentia, et variis adhuc eventibus obnoxium: Undè ad arbitrium viri prudentis, pro majore, vel minore ejus certitudine, æstimare id poteris, et sic cum mutuuario de eo pacisci. *S. Th. art. 1 ad 2 Mol. d. 324. Sal. dub. 26. etc. Card. Lug. d. 25. sect. 6. Bonac. q. 3 p. 4.* Hinc qui non habuit animum negotiandi, vel si non erant, nec brevi sperabantur merces, vel non erat moraliter certus de lucro, nihil potest accipere ultra sortem: quia mutuatio ista verè non fuit causa lucri cessantis. Eadem ex causa usura est, si mercatores credito vendentes aliquid ultra pretium rigorosum accipiant titulo lucri cessantis, verbi gratia, rem tantum valentem 100. vendant pro 105. numerandis post annum: quia vendendo ad creditum (quod est virtualis mutuatio) plures habent emptores, pluresque res vendunt, et sic compensatur lucrum cessans, atque adeò illud non cessat ratione hujus venditionis, *Dian. p. 2. tr. 24. Trull. c. 19. d. 9. vid. dub. seq.* Hac in re perlege *Propos. 41. inter proscriptas ab Innoc. XI.* »

Certum est ob titulum *Damni emergentis* licitum esse mutuantì exigere id, quod sua interest, causâ mu-

tui. Ità omnes cum *D. Thom.* 2. 2 *quæst.* 78 *art.* 2 *ad* 1 qui rationem dat, inquit : *Hoc enim non est vendere usum pecuniæ, sed damnum vitare.* An autem id liceat ob titulum *Lucri cessantis* ? Dubitat *Sotus* l. 6 q. 1 *art.* 3 et absolutè negant *Scotus*, *Durandus*, et alii apud *Azorium* ; hisque videtur adhæsisse idem *S. Thom.* l. c. ubi subdidit : *Recompensationem verò damni, quod consideratur in hoc, quod de pecunia non lucratur, non potest in pactum deducere, quia non debet vendere id quod nondum habet, et potest impediri multipliciter ab habendo.* Sed communiter alii DD. affirmant, ut *Cajet.* 2. 2 *quæst.* 62 *art.* 4. *Sylvius* 2. 2 q. 77 *art.* 1 q. 5. *Less.* l. 2 c. 26 d. 10. *Gennetus* tom. 1 p. 233 q. 1. *Petroc.* tom. 2. p. 399 q. 12. *Wigandt* tr. 9 *Ex.* 8 q. 2 *Resp.* 8. *Continuator Tournely* t. 1 p. 501. *Anacl.* qu. 4 n. 36. *Salm.* tr. 14 c. 3 n. 79 cum *P. Nav.* *Laym.* *Val. Bon.* *Reb.* etc. Hunc titulum approbat l. 13 ff. *Rem. ret.* hab. et expressè videtur approbasse SS. noster Pontifex *Benedict.* XIV. in *Epist. Encycl. de Usuris* (vide *Epist. VI. fin.* Tom. II.) dicens : *Neque item negatur posse multoties pecuniam ab unoquoque suam per alios diversæ prorsus naturæ à mutui natura contractus rectè collocari et impendi, sive ad proventus sibi annuos conquirendos, sive etiàm (nota) ad licitam mercaturam et negotiationem exercendam, honestaque indidem lucra percipienda.* Ratio nostræ sententiæ est, quia, ut docet idem *S. Th.* 2. 2 q. 62 *art.* 4 dupliciter potest aliquis damnificari, uno modo auferendo ei quod actu habebat : *Alio modo impediendo, ne adipiscatur quod erat in via habendi ; et tale damnum non oportet recompensare ex æquo, quia minus est habere aliquid in virtute, quàm habere actu.* Idque in *Resp. ad* 2 dicit *S. Doctor* valere etiàm pro lucro quod aliquis sperat ex sua pecunia, en verba *D. Thomæ* : *Nam ille qui semen sparsit in agro, nondum habet messem in actu, sed solum in virtute et similiter ille qui habet pecuniam, nondum habet lucrum in actu, sed solum in virtute ; et utrumque potest multipliciter impediri.* Nec officit, quòd *S. Doctor* id intelligat, ( ut habetur ex *objectione* 2. )

de lucro cessante ob moram mutuatarii non solventis tempore præfinito ; nam sive lucrum cesset ob moram mutuatarii, sive ob causam mutui, eadem ratio currit exigendi lucrum cessans, cum tale interesse non debeatur mutuantî, nisi ob compensationem damni, quod in utroque casu æquè illi obvenit. Ad textum autem *D. Thomæ*, primo loco relatum, respondet *Sylvius l. c.* S. Doctorem negare ibi, quòd mutuator possit exigere integrum lucrum assequendum, non verò partem ejusdem ; et meritò sic respondet, cum ipsemet S. Doctor in secundo loco, suprà allato, doceat : furem tenèri compensare damnum, *non autem ex æquo* ; rationem adducens, *quìa minus est habere aliquid in virtute, quàm habere actu*. Si ergò fur teneatur recompensare Domino lucrum cessans ex furto, juxtà tantum æstimationem spei ; cùm juxtà eandem æstimationem mutuator non possit exigere lucrum cessans ex mutuo ? Id maxime confirmatur ex Bulla Benedicti XIV. vide in fine *Tomii II ad n. III* ubi dicitur justè posse aliquid exigi ex mutuo, si concurrant justì tituli, nempe si pecunia aliàs collocanda fuisset ad licitam negotiationem.

269 Ad hujusmodi tamen interesse exigendum tres conditiones requiruntur : I. Conditio, ut interesse ab initio in pactum deducatur ; nam post contractum mutuans nihil petere potest, etsi immemor fuerit de sui damni : Nisi vi, metu, vel fraude coactus sit à mutuuario, ut *S. Th. d. q. 78 art. 4 et ad 2<sup>a</sup> Less. n. 79 et alii* : Vel nisi involuntariè coactus sit ad mutuandum, quàmvis licitè, v. gr. à Rege ad bonum publicum. Pariter tenetur mutuarius ad damnum, et lucrum cessans, si justè interpellatur ad solutionem ; vel terminus præfixus elabatur, et ipse culpabiliter non solvat, *S. Th. d. l. ad 1 et Salm. c. 3 n. 82*.

Sed dubitatur hîc : an in contractu sit necesse præmonere mutuarium de vero damno, vel alio titulo justo, pro quo possit exigi aliquid ultrà sortem ? *Prima* sententia negat, quam tenent *Lugo D. 25 n. 74 et 182 cum Sot. Salas, Aragon Salon. etc.* item *Cujet.*

*Tap. Vill. ap. Salm. c. 3 n. 83.* Ratio, quia mutuarius nequit rationabiliter allegare suam intentionem ad titulum injustum, sed debet contrahere juxta capacitatem materiæ, et in titulum justum consentire. Maximè quia regulariter mutuarius non repellere-  
 tur à contractu, ex eo quòd nosset justo titulo lucrum exigi. *Secunda* tamen verior sententia (licet olim contrariæ adhæserim) docet monitionem esse necessariam; ità cum *Busemb. ut suprà, Less. c. 20 n. 110. P. Concina tom. 7 p. 406 n. 4 et p. 465. Continuator Tournely tom. 1 p. 505 v. Quarta, Salm. l. c. cum Laym. Pal. Dic. etc.* Ratio, quia mutuarius, putans contractum usurarium, non consentit in contractum justum, in quem fortè consensisset, si novisset justum titulum; putans enim titulum esse injustum, fortè contrahit sperando se non soluturum usuras, vel solutas eas sibi compensari, vel saltem quòd alter tempore mortis restituat; alioquin, benè ait *Concina*, posset fortè evenire, quòd ille majus detrimentum ex mutuo, quam commodum, retraheret. Sed ratio magis universalis est, quia ad contrahendum non sufficit voluntas interpretativa, sed conditionalis, ut dicemus *n. 773.* sed requiritur voluntas actualis, aut virtualis, aut saltem aliquandò habita; et non retractata, juxta dicenda *l. 6 de Sacrament. Miss. n. 324.* Ergò mutuans, si lucrum sibi cessat, imputet suæ negligentiae; ait enim *S. Thom. q. 3 de malo art. 4 Debebat sibi cavisse, ne detrimentum incurreret; nec ille qui mutuum accipit, debet damnum incurrere de stultitia mutuantis.* Secùs verò dicendum, si reverà existeret titulus justus, tam mutuans quàm mutuarius in contractum consentirent, omni meliori modo quo possent, ut mox dicemus in quæst. IV. *n. 773.*

II. Conditio est, ut non plus exigatur, quàm sit lucrum, quod speratur ex alio contractu licito, juxta æstimationem spei, et periculi, et deductis expensis, *V. Salm. n. 84.* An autem deducenda sit æstimatio laboris in tali lucro impendendi? Affirmant probabiliter *Caj. Tap. Villal.* Sed probabilius negandum

censent *Less. n. 89 et Salm. d. n. 84 cum Bon. Trull. Pal. Dic. Salas*, quia non tenetur mutuans detrahare æstimationem cessationis laboris, quem ipse libenter subiturus esset. Aliàs, si labor compensandus esset, rarò à mercatoribus aliquid exigi posset pro lucro cessante. Verùmtamen ex æquitate censeo aliquam detractionem faciendam esse casu, quo esset cessatio à magno labore, à quo mutuans ut se liberaret, probabiliter aliquid impenderet.

III. Conditió est, ut mutuum verè sit causa damni, vel lucri cessantis; nam, si mutuans aliam habet pecuniam, quàm ad negotiandum substituit; vel si lucrum, quod amittit ob mutuum ex mercatura faciendâ, potest et vult sibi comparare ex alia via, aut arte, cui mercando non potuisset vacare; tunc nequit exigere aliquid, nisi esset pro majori molestia subeunda in illa alia lucrandi. Vide *Less. c. 20 n. 89. Salm. c. 3 n. 85 cum Pal. Trull. etc.*

An autem mutuans licitè exigat interesse damni emergentis, vel lucri cessantis, si mutuet non compulsus alterius precibus, sed ipse se offerat ad mutuandum? Negant *Conradus*, et alii quidam apud *Less. l. 2 c. 2 n. 101*. Quia cum mutuator non rogatus, sed spontè mutuum obtulerit, lucrum non cessat causâ mutui, vel mutuatarii, sed ipse mutuans lucrum sibi impedit. Sed probabilius affirmant idem *Less. Lugo D. 25 n. 107 cum Mol. Nav. Tol. Bann. etc.* Ratio, quia mutuator tunc non offert mutuum absolute, sed sub conditione, ut ei compensetur lucrum cessans; et sic mutuatarius acceptando mutuum, est vera causa cessationis lucri, verèque impedit, cùr mutuator ex sua pecunia justè non lucretur: Proùt si quis in gratiam alterius offerat omittere jactum re-tis, licitè exigit pretium spei jactus illius, quia alter est vera causa, cùr captio piscium sperata illi impediatur.

Sed hic plures quæstiones sunt enucleandæ.

370 Quæstio I. An liceat mutuatario pacisci ab initio de certa pecunia solvenda, quando damnum emer-

gens, vel lucrum cessans est incertum, seu tantum probabiliter futurum? Distinguit *P. Conc. to. 7 p. 408 n. 5 et p. 438 q. 4*, et dicit, quod, si certum sit damnum eventurum, vel lucrum cessandum, nempe quia occasiones lucrandi sunt actu vel proximè præsentes, et solum dubitatur de ejus majori vel minori quantitate, tunc bene possit taxari arbitrio prudentum; et in pactum deduci quantitas solvenda. Secus verò, si damnum non sit certè eventurum, vel si occasiones lucrandi tantum probabiliter occurrere possint. Ratio, quia his casibus posset accidere, quod damnum non eveniret, vel occasiones non occurrerent, et tunc mutuator ex solo mutuo lucraretur. Sed veriùs censent *Salm. c. 3 n. 84. cum Malder. Vill. Gutt. Tap. Tamb. Dec. l. 8 fr. 3 c. 8 §. 3 n. 4 et 14. cum Nav. et Salas*, item *Sylv. et Decoq. ap. Tournely to. 1 p. 506 v. Quæres*, licitè posse mutuantem pacisci de aliqua certa quantitate solvenda; debita servata proportionè juxta timorem damni, vel spem lucri futuri. Ratio, quia debita æqualitas jam benè servatur; nam sicut, damno non eveniente, lucraretur mutuans, ita contrà, eveniente damno lucrabitur mutuarius. Nec refert, quod damnum eventurum postmodum non accadat: quia pactum de auctario non fit pro damno futuro, quod fortè eveniet, sed pro periculo ejus probabili quod actu supponitur, et actu est pretio æstimabile: Prout si quis vendit jactum retis, non vendit quidem pisces, qui fortè non capientur, sed vendit spem eorum probabilem, quæ jam de facto existit. Objicitur *l. Quemadmodum, §. Item Labeo, ff. Ad l. Aquil.* ubi statuitur, quod, si quis frangat retià, nihil teneatur solvere Domino pro spe piscium capiendorum, sed solum damnum retium. Sed respondetur cum *Glossa* (id verbo *Fieri*) quod tunc Dominus præcisè ex Lege Aquilia nullam habeat actionem pro impedita spe captus piscium: sed benè habet aliundè actionem ex *l. Si jactum 13. ff. de Act. empt. et vend.* ubi sic dicitur: *Si jactum retis emero, et rete jactare piscator noluit, incertum hujus rei æstimandum est.* Subdit *Glossa*: *Æsti-*



*matur quantum est verisimile, quod esset captum.* Undè apparet licitè posse compensari damnum probabiliter ex mutuo eventurum, quàmvis incertum.

Ob eandem rationem probabiliter ait *Bon. D. 3 p. 4 n. 13.* mutuatorem, qui non certò, sed tantum probabiliter erat destinaturus pecuniam ad negotiationem, posse aliquid exigere pro rata probabilitatis. Sed dices: si potest aliquid exigi pro probabilitate applicationis pecuniæ, ergò posset etiàm aliquid exigi pro possibilitate applicandi. At respondeo negando paritatem; possibilitas est mera potentia, sed non repugnantia applicationis: undè mutuator ex ea nullum habet actuale, et positivum fundamentum lucri futuri, sed tantum negativum. Econtrà probabilitas futuri lucri habet quidem positivum fundamentum talis lucri, sive spei istius, et ideò est pretio æstimabilis. Quid si mutuator solùm animo pendeat, velit an non negotiari? Adhuc affirmant *Tamb. l. 9 tr. 1 c. 3 §. 4 n. 3 et Lugo D. 20 n. 2 cum Salas*, eum posse aliquid exigere, quia pariter est pretio æstimabile, privare se in gratiam mutuatarii hac potestate deliberandi, destinandique pecuniam ad negotium, cum non teneatur gratis ea spe et potestate privari: Prout si quis hæreat, utrum cras velit vel nolit piscari, benè potest aliquid exigere, si in gratiam tuâ se obliget ad non piscandum. Et hoc non improbable videtur, cum hæc privatio obligatoria, cum teneatur mutuator non repetere mutuum per aliquod tempus, sit aliquo pretio æstimabilis.

Quamvis autem sub initio liceret in pactum deducere, ut diximus, damnum eventurum, vel lucrum cessandum incertum; numquàm tamen licebit ab initio per pactum exigere huiusmodi interesse, ut communiter docent *Lugo D. 25. n. 106 Azor 3 p. l. 5 q. 3. Concina to. 7 p. 446. n. 8.* Ratio, quia si mutues centum, et pro lucro cessante accipias decem, non jam mutuas centum, sed nonaginta: privare autem mutuatarium ex pacto antè tempus commoditate pecuniæ mutuatae, onus est, et illud imponere est usura. Con-

cedit tamen *Az. l. c.* posse exigì sub initio lucrum conventum in alia specie : Sed rectè hoc etiàm reprobabat *Conc. l. c.* quia privare mutuatarium illa re antè tempus , etiàm onus est.

Quæstio II. An possis exigere lucrum cessans ob 771  
mutuum pecuniæ destinatæ ad negotiandum , si aliam pecuniam habeas non destinatam , quàm tamen negotiationi substituere posses ? Et quidem , si illam aliam pecuniam reservasses ad usum familiæ , nimirum ad familiam alendam , filias dotandas , senectutem solandam , vel ne tuum statum periculo exponas , tunc licitè exiges lucrum cessans , quia non tenèris ratione mutui tuam providentiam negligere. Ita *Less. l. 2 c. 20 n. 87 cum Nav. et Salm. c. 3 n. 86* ut certum supponunt. Sed dubium est , quid si sinè tali incommodo posses aliam pecuniam supponere ? Negant probabiliter alii tunc posse aliquid exigere , quia tunc tibi non cessat lucrum ex causa mutui. Sed *Less. l. c. Pal. D. 4 p. 15 n. 7 Tamb. l. 9 tr. 1 c. 3 §. 4 n. 2 Spör. de 7 Pr. c. 4 n. 44 cum Mol. Laym. et Lugo, Croix l. 3 p. 2 n. 86* item *Valent. Trull. Vill.* (et meritò probabile putant *Salm. ib.* ) affirmant quòd , posito , quòd statueris illam solam pecuniam negotiationi , et periculo exponere , licitè possis petere lucrum cessans , quia verè mutuatio est causa , cur tibi cesset lucrum speratum ex illa pecunia ; nec tenèris in gratiam mutuatarii pecuniam , non destinatam negotiationi , exponere. Hoc tamen non admitterem , nisi , dùm mutuum das , verè habeas animum pecuniam illam reservatam negotiationi non substituere.

Quæstio III. Utrùm , si pecuniam non destinaveris 772  
absolutè , sed conditionatè ad negotium , uti si dicas : *vellem negotiari , nisi multi peterent mutuum* , tunc possis exigere interesse ? *Less. l. 2 c. 20 n. 90* dicit probabile esse , quòd possis , nam etsi ob multitudinem mutuum accipientium nulla mutuatio sit causa de se , sed omnes simul sint causa lucri cessantis , attamen verum est , quòd tu , ut isti mutues , jam de facto lucro priveris , et ex alia parte mutuatarii in hoc

non putant injuriam sibi fieri. Et idem sentiunt *Laym.* l. 3 tr. 4 c. 16 n. 8 *Tamb.* l. 9 c. 3 §. 4 n. 4 *Spor. de 7 Pr. c. 4 n. 44*. Sed dices : iste usuram committit, quia efficaciter vult lucrari ex mutuo, et ineffaciter ex negotiatione. At responderi potest : isle, quamvis habeat voluntatem inefficacem negotiandi, vult tamen efficaciter justè lucrari, et quia jam potest justè lucrari ex negotiatione, ideo justè lucratur ex mutuo, cum mutuum sit huic vera et efficax causa, ut lucrum ex negotiatione ipsi cesset. Rectè verò advertit *Less.* n. 95. non facile hoc admittendum ob periculum palliandi usuras ; Nam (ut notat *Bus.* hic cum *Tol.*), ut quis ab usuræ labe sit immunis, malle debet lucrari negotiando, quam mutuando : et mutuare debet tantum in gratiam mutuatarii.

773 Quæstio IV. Utrum, si quis bonâ fide ineat contractum usurarium, et lucrum exigat ; re postea cognitâ, possit illud retinere, si verè contrahere potuisset ex justo aliquo titulo, nempe ratione periculi, lucris cessantis, etc. ? *Prima sententia* affirmat, quia quisquis bonâ fide contrahit, semper intendit contrahere modo licito, quo potest. Ideò enim hoc tali modo contraxit, quia licitum putavit : quare virtualiter intendit contrahere quocumque licito modo, quo contractus cohonestari poterat. Ità *Lugo disp.* 25 sect. 9 et *Sa. Dian. Tanner op. Salm. c. 3 n. 38. et Tamb. l. 8 c. 8 §. 3 n. 21*. *Secunda* tamen verior sententia, quam tenent *Salm. c. 3 n. 39 Less. c. 20 n. 104 Conc. to. 7 p. 465. Contin. Tourn. to. 1 p. 515*. negat posse eo casu mutuatores lucrum perceptum retinere. Ratio, quia minimè dici potest ipsum voluntatem virtualem sive implicitam habuisse, cum non de alio contractu quam de usurario cogitaverit. Eo casu tantum habuisse voluntatem interpretativam, quæ non sufficit ad contrahendum, diximus suprâ n. 769. v. *Sed*. Nec obstat dicere, quòd mutuator iste possit retinere lucrum, tamquam possessor bonæ fidei, qui tenetur tantum ad id in quo factus est ditior ; nequit autem dici ditior factus ille, cui ratione mutui cessavit lucrum,

quod justè percipere potuisset. Nam respondetur, quòd ad justè exigendum in mutuo aliquid ultrà sortem, omninò requiratur, ut mutuarius de justo titulo moneatur, ut diximus suprà *l. c. n. 769 v. Sed.* Aut saltem, ut tam mutuator, quàm mutuarius expressè vel implicite consentiant in titulum justum, saltem explicitè intendentes contrahere omni meliori modo quo possint: quòd ècontrà sat probabiliter sufficiat ad exigendum id, quod licite exigì poterat ex illo justo titulo, quàmvis non expresso; ut dicunt *Croix l. 3 p. 2 n. 924. et Salm. Tourn. l. c.* ac probabile putat *Less. n. 105.* Cæterùm SS. noster Pontifex Bened. XIV. in sua Bulla *de Usuris* (vide ad calcem *Tom. II. Epist. Encycl.*) ubi postquàm dixit n. III. *Per hæc autem nequaquam negatur posse quandòque una cum mutui contractu quosdam alios (ut ajunt) titulos, eosdemque ipsimet universim naturæ mutui minimè intrinsecos, forte concurrere, ex quibus justa omninò causa consurgat quiddam ampliùs suprà sortem ex mutuo dubitam ritè exigendi.* Deindè ad significandum quales sint tituli justì aliquid exigendi ex mutuo, statim subdit: *Nequè item negatur posse multoties pecuniàm ab unoquoque suam, per alios diversæ prorsus naturæ contractus rectè collocari et impendi, sive ad proventus sibi annuos conquirendos, sive ad licitam mercaturam exercendam, honestaque indidem lucra percipienda.* Tandem ait n. V. falsum esse, quòd semper et ubique præsto sint justì tituli, vel contractus, undè sic monet: *Quisque igitur suæ conscientiæ consultum velit, inquirat priùs verè ne cum mutuo justus alius titulus, verè ne justus alter à mutuo contractus occurrat, quorum beneficio lucrum omnis labis expers, et immune reddatur.* Postea sapienter sic instruit: *Qui ab omni usuræ labe se immunes et integros præstare volunt. . . admonendi sunt, ut contractum instituendum antea declarent, et conditiones inserendas explicent, et quem fructum ex eadem pecunia postulent.* Et hìc sedulo animadvertendum est id, de quo in eadem Bulla Pontifex monet Confessarios: *Ab extremis longè se abstineant; etenim*

*aliqui tantâ severitate de iis rebus judicant . ut quamlibet utilitatem ex pecunia desumptam accusent. Contrâ verò nonnulli indulgentes aded sunt, ut quodcumque emolumentum ab usuræ turpitudine liberum existiment. Suis privatis opinionibus ne nimis adhæreant, sed priusquàm responsum reddant, plures Scriptores examinent, qui magis inter cæteros prædicantur. Deindè eas partes suscipiant, quas tum ratione, tum auctoritate planè confirmatas intelligent. Quod si disputatio insurgat, dum contractus aliquis in examen adducitur, nullæ omnind contumeliæ in eos infligentur, qui contrarium sequuntur; Neque illam gravibus censuris notandam asserant, si præsertim ratione, et præstantium Virorum testimoniis minimè careat. Hoc ut adverterent, cuperem, qui in Scriptores non humilis notæ non dubitant plurimis conviciis sæpius insultare, eò quod eorum sententiis contradicant.*

774 Quæstio V. Quænam pacta licitè apponi possint in mutuo? Præ omnibus in hoc attendenda est generalis illa regula tradita *a. S. Thoma 2 2 q. 78 art. 2.* quod omne onus pretio æstimabile impositum in mutuo, tamquàm debitum ex justitia, vera sit usura. Secùs, si exigatur res quæ pecuniâ non mensuratur, ut benevolentia, amicitia, et similia: ità S. Doctor. Item certum est, etiàm non esse usuram exigere ex mutuo rem aliàs ex justitia jam debitam; Hinc licitè in mutuo potest exigi, ut alter cesset à vindicta privata, à vexatione injusta, etc. secundùm dicta *de Simon. ex n. 98. Ità Less l. 2 c. 20 n. 57. Salm. c. 3 num 54 cum Pal. Trull. Caj. etc.*

775 Sed dubitatur 1. an in mutuo possit apponi pactum *Legis commissoriæ*, scilicet quod, non factâ solutione pro certò tempore, pignus acquiratur à mutuante? Communiter negant DD. *Pal. Navar. Bonac etc. cum Salm. n. 47.* Nisi pignus non valeat pluris, quàm sors, vel nisi sit pactum (certè licitum) ut, si tali tempore non fiat solutio, vendatur pignus, et de pretio mutuans retineat tantùm suam sortem. Utrùm autem valeat pactum, ut in pœnam non impletæ so-

lutionis amittatur pignus, etsi pluris valeat? Negant *Vasq. Palao, et Covarruv.* Sed probabiliter affirmatur cum *Bonac Trull. Azor, Reg. etc. apud Salm. n. 48.* juxta dicta *n. 766.* ubi poena conventionalis licita jam fuit probata.

Notandum est autem, quòd, si mutuator accipiat loco pignoris rem fructiferam, teneatur fructus ejus in sortem commutare; Et ideò pactum, quo creditor uti possit pignore, ejusque fructibus frui, donèc debitum solvatur, dictum *Antichriseos* (vulgò *Contratto à godere*), communiter rejicitur de se, præciso alio titulo, tamquàm usurarium: Est certum cum *S. Thom. 2 2 q. 78 n. 2 et communi*; contra *Dianam*; quia, cùm res adhuc remaneat in domini mutuatarii, illi soli fructificat, *ex c. 1 et 2 de Usuris.* Imò tenetur mutuator reddere fructus illos, quos suà culpà negligit colligere. Vide *Salm. c. 3 n. 46.*

Excipitur tamen pignus pro dote promissà datum, ejus fructus non computantur in dotem, ad onera Matrimonii sustinenda, ut *Conc. p. 467 n. 6 et Petroc. p. 389 q. 7 ex c. Salubriter, de Usuris*, ubi dicitur: *Generum ad fructus possessionem, quæ sibi à Socero sunt pro numerata dote pignori obligatæ, in sortem computandos, non esse obligandum.* Et hoc currit, etiamsi fructus pignoris onera Matrimonii excedant, quandò pignus conceditur absolutè, et tempore, quò dos constituitur. Secùs tamen, si detur tantùm in dotis securitatem, aut dote jam constitutà; Secùs item, si gener onera Matrimonii non sustineat. V. *Salm. c. 3 ex n. 40.*

Dubitatur 2. an possit in pactum deduci, ut red-  
dantur à mutuatorio, quæ ab eo sunt debita, non ex  
justitia, sed ex charitate, aut Religione? nempè ut  
Medicus medeatur, si alius non adsit: ut advocatus pa-  
trocinetur: ut dives succurrat in necessitate gravi; Item,  
ut, qui vovit eleēmosinam, eam præstet: ut Missam  
præceptam audiat etc.? *Azorius 3 p. l. 5 c. 7 q. 15.*  
*Bon. D. 3 q. 3 n. 7.* item *Cov. Salas., Trull. Reg. etc.*  
*apud Salm. c. 3 n. 55.* negant id posse fieri sine labe

usuræ, quia pactum addit onus justitiæ, quod prius non aderat; et hanc tenet *Viva prop. 42 Innoc. XI. n. 15* dicens: omne pactum, novum onus imponens mutuatario, usurarium esse. Contradicunt tamen *Lugo, d. 25 sect. 5 n. 49 Less. l. 2 c. 20 d. 8 Concina tom. 7 p. 468 n. 2 Tourn. p. 509. Salm. d. loc. cum Valent. Pal. etc.* quia, ut inquiunt, talis obligatio superaddita, non meretur pretium, cum sit in utilitatem tam mutantis, quam mutuatarii, qui implendo exoneratur ab obligatione, quam jam habebat. Addunt, si ex sententia omnium possit deduci in pactum mutui, ut alter desistat ab injuriâ inferendâ homini; tantò magis ab injuriâ inferendâ Deo. His non obstantibus, huic secundæ sententiæ, pace tantorum Doctorum, numquàm valui acquiescere, quia omne onus, quod imponitur mutuatario ex pacto, tenetur ipse præstare ex justitia, et ideo evadit quidem pretio æstimabile; ita ut si post tale pactum Medicus ille non medeatur, Advocatus non patrocinetur, tenebitur utique ex justitia compensare damnum, quod eveniet ex omissione medelæ, vel patrocinii præstandi, ad quod damnum resarciendum prius certè non erat obligatus. Quid ergò refert, quòd pactum impositum cedat, vel non, in utilitatem mutuatarii, cum usura in hoc consistat, quòd exigatur ex mutuo onus pretio æstimabile? Et miror, cùm *Salmant.*, qui loquentes de simonia *cap. 1 n. 41.* (et ut diximus *n. 59.*), tamquàm certum asseruerunt ex *D.Th.* simoniam committere illum, qui det aliquid alicui cum obligatione præstandi aliquod opus spirituale, licet illud non sit in commodum dantis, eò quòd esset contractus onerosus; hinc verò teneant non esse usuram, similem imponere obligationem; cùm ex communi axioma dicatur: Quod in spiritualibus est simonia, in temporalibus est usura. Cæterum omnes rectè docent non inferre usuram pactum solvendi id, quod jam prius erat debitum ex justitia, vel tollendi injustas vexationes; quia tunc nihil exigitur pretio æstimabile, vel de quo mutuatarius pretium petere potuisset; ita *Concina p. 468 n. 1 Tournely tom. 1 p. 509. et alii.*

Dubatur 3. an possit deduci in pactum, ut mutuarius faciat injuriæ condonationem, ad quam non ex charitate tenebatur, sed poterat justè satisfactionem petere? Affirmant *Sot. Nav. et Sylv. apud Salm. c. 3 n. 57* quia læsio tunc ratione amicitiae naturaliter condonari solet. Longè tamen probabiliùs et veriùs negant *Lugo d. 35 s. 8 n. 38 Laym. Bon. Pal. apud Salm. ibid.* Quia adderetur obligatio verè pretio æstimabilis. *Lessius* autem *l. 2 c. 20 d. 7 et Salm. l. c. cum Trull. Serra, Prado, etc.* adhærent secundæ sententiæ, dùm esset pactum justitiæ, Secùs verò, si esset foedus amicitiae, ut loquuntur, quā exigitur, ut alter libenter injuriam remittat; Sed benè advertunt, hoc palliatæ usuræ periculo non carere.

Dubatur 4. an liceat pactum, ut mutuanti officium conferatur? Alii dicunt, quòd, si hoc petatur ex justitia, esset quidem usura, et est communis cum *S. Th. 2. 2 q. 78 a. 2 ad 3* et aliis contrà paucos *ap. Salm. c. 2 n. 38* Secùs verò si petatur ex amicitia, aut gratitudine; *Salm.* autem *ib* dicunt hoc practicè non posse admitti, nisi fortè in aliquo casu raro. Sed ego absolute numquàm admittendum esse dico *ex prop. 42. Innoc. XI. ut suprà allata*, ubi ab usura excusabatur aliquid ultrà sortem exigì, tamquàm ex gratitudine debitum. Hinc officium sic recipiens, teneretur illud resignare ex justitia, vel pretium officii in sortem computare, nisi mutuarius hoc nolle præsumatur; cùm aliàs collatio jam valida existimetur. Vid. *Less. l. 1 c. 20 n. 62 Lugo n. 42 Salm. n. 59.*

Dubatur 5. an liceat obligare mutuatarium ad ea, quæ ex gratitudine tenebatur præstare, v. g. ut emat sibi necessaria à mutuante, suam domum locet, agrum cum justa mercede colat, etc.? Omninò negandum cum *Bus. n. 12* non solùm, si hæc exigantur ut debita ex justitia, sed etiàm ut debita ex gratitudine, juxtà eamdem *prop. 42. ut diximus: Salm. autem c. 3 n. 271* dicunt, quòd simpliciter rogare mutuatarium ut hæc liberè præstet ex amicitia, de se non esset illicitum; Et in hoc videtur expressè consentire *S. Th. 2. 2 q.*



78a. 2 ad 3 ubi dicit: *St vero munus ab obsequio vel à lingua non quasi ex obligatione exhibetur, sed ex benevolentia quæ sub æstimatione pecuniæ non cadit, licet hoc accipere, exigere, et expectare.* Hæc autem doctrina currit speculativè loquendo, sed in praxi, rectè dicunt *Salm. loc. cit.* esse valdè periculosam. Nec admittendum id quod ait *Laym. l. 3 tr. 4 c. 16 n. 3* licitum esse obligare mutuatarium ad hæc præstanda, si obligatio imponatur non ut onus, sed ut conditio sinè qua non daretur mutuum, quia, acceptatâ conditione, reipsa jam onus imponitur, et mutuatarium obligatur ad illud: quod numquam licet ex *D. Th.*; vide *n. seq.*

78i. Si pactum autem sit remutuandi, *S. Th. 2. 2 q. 78 art. 2 ad 4* sic docet; *Licet simul mutuanti unum, aliquid mutuum recipere, non autem licet eum obligare ad mutuum in posterum faciendum.* Licitum igitur est mutuatarium obligare ad remutuandum eodem tempore mutui, quia potes ab altero petere officium amicitia: quod ille à te postulat; modò illud non sit ipsi magis onerosum: Et sic pariter posses petere, ut eodem tempore domum tibi locet, frumentum vendat, etc. Secus autem, si eum obligares in futurum; ità cum *S. Th. Less. l. 2. c. 20 n. 53* et *Salm. c. 3 n. 62* et 74 cum aliis, contra *Bann. et Rodr. etc. n. 63* qui excusant ab usura pactum adhuc in futurum remutuandi, sed improbabili-  
ter.

782. Dubitatur 6. an liceat pactum, ut reddatur res mutuata in eadem specie, et quantitate, quandò creditur pluris valitura?

In hoc certum est 1. quòd liceat, si æque dubium sit, an valor rei sit augendus, vel minuendus: Vide *Less. l. 2 c. 20 n. 145*. Certum est 2. quòd, si rem servaturus esses usque ad tempus, quo ejus valorem augendum esse certò credas, possis petere, ut reddatur res in eadem quantitate, vel ejus incrementum, deductâ tamen æstimatione periculi, vel expensarum in reservandâ. Ità *Habert to. 4 p. 242 in fin Concina to. 7 p. 471 n. 11* item *Bon. Dic. Reb. etc. cum Salm. c. 3 n. 67*. Certum est 3. quòd liceat mutuare vetus frumentum

ut reddatur novum, quod non creditur pluris valiturum, nec melius vetere. Ità *Salm. ibid. cum Pal. Mol. Trull. etc. cum Bus. n. 11.*

Quæstio igitur est, an possis petere, ut tibi reddatur res, quam non es servaturus, in eadem quantitate eo tempore, quo credis, eam pluris valituram? Affirmant *Sot et Mol. apud Less. d. c. 20 n. 154* Et his adhæret *Bus hic infr. n. 18* quia, ut dicunt, hæc est natura mutui, ut res in eadem quantitate reddatur, et quia per mutuatarium stat ne res reddatur antè illud tempus. Sed docet *Less.* hanc sententiam tunc esse probabilem, cum fuisset dubium, an pretium foret augendum, vel an tu rem servasses (quo in casu etiam puto, rem valore jam auctam cum aliqua detractioe reddendam esse, juxta prædicti dubii æstimationem, ne quid ex mutuo lucreris: posito quòd non fuisses certò rem servaturus); nam alioquin rectè dicit *Less.* se non videre, quo jure possis æqualem mensuram recipere. *Salm. autèm num. 70 cum Bon. Azor. et Trull.* prædictam sententiam approbant, si vi pacti attendatur tantum ad rei substantiam præcisâ consideratione valoris, et incrementi. Sed hæc præcisio non video quomodo licitè possit fieri, quando res non foret servanda pro tempore redditionis, et certò, vel probabilius pluris valitura creditur; pretium enim rei de se necessariò semper pertinet ad rei substantiam.

Certum autem puto è converso cum *Salm. n. 76* quòd, si certò, vel probabiliter res tempore restitutionis censeatur minùs valitura, possis majorem mensuram petere, ut te serves indemnem.

Hæc dubia tamen locum habent, quando cogitatur et creditur res pluris valitura. Si verò bonâ fide nulla habeatur consideratio de incremento, vel decremento rei; benè poteris pacisci, ut res in eadem quantitate tibi reddatur. Ità *Less. c. 20 n. 149 P. Conc. l. c. ac Laym. etc. cum Salm. n. 72.* Hoc tamen non dici posse de mutuo pecuniæ, tenent *Salm n. 73 cum Sa, Pal Trull. Tol. etc.* quia in pecunia principaliter attenditur valor. Sed *Azor. Nav. et alii apud eosd. Salm. n.*

72 *in fine cum Bus. infra n. 17* ajunt : benè valere pactum, ut reddatur pecunia in eadem specie, et numero monetarum, quando nullum cogitatur, nec intenditur incrementum, et ità expressè sit conventum : Horumque sententia est mihi probabilior, saltem si commune sit periculum incrementi, vel decrementi, ut sentit *P. Concina tom. 7 p. 473 n. 14*. Pactum autem reddendi pecuniam in alia specie, quàm traditur, omninò usurarium est, quia imponitur onus pretio æstimabile, ut dicunt *Salm. c. 3 n. 74 Concina l. c.* et alii communiter. Usque adhuc de pactis ; circa quæ benè advertit *Anach. de Us. q. 4 in fin.* cum aliis communiter, quòd contractus, in aliqua Regione usitatus, et à viris probis celebrari solitus, non sit facile dammandus. Sed procedamus ad alias quæstiones, quæ supersunt.

783 Quæstio VI. utrùm usurarius acquirat dominium lucri usurarii ? Affirmant *Lugo D. 25 n. 206 ac Scot. Sa, Nav. etc. apud Salm. c. 3 n. 106* quia mutuarius quàmvis coactè det, et ideò usurarius teneatur ad restitutionem, dat tamen liberè, et transfert dominium, sicut transfert qui metu coactus rem vendit. Sed oppositum tenendum cum *S. Thom. 2. 2 q. 78 ar. 3 et communi cum Salm. c. 3 n. 107 Conc. to. 7 p. 534 n. 4. Tourn. tom. 1 p. 514*. Et ratio est quia contractus usurarius est omni jure nullus ; Nuda autem traditio rei dominium non transfert, ut habetur in *l. Numquàm ff. de Acquirendo rerum dominio*.

784 Circà fructus autem acquisitos per usuras acceptas, docet *ibid. S. Thom.* quòd, si percepti sint ex re, usu consumptibili, tunc restitui non debeant, quia sunt fructus industriæ ; Secus, si percepti sint ex re non usu consumptibili, puta ex domo, agro, quia (verba *D. Thomæ*) sunt fructus rerum, quarum alius est dominus, et ideò ei debentur. Et hoc valet, etiàmsi usurarius fructus non percipiat, si aliàs dominus percipisset. Quid de fructibus, quos dominus non fuisset percepturus, sed usurarius percepit ? *Lugo d. 25 sess. 11 n. 209* dicit non esse restituendos, quia ex sua

sententia usurarius dominium usurarum acquirit, et tantum tenetur mutuatarium indemnem servare. Sed nos contrarium in nostra sententia, quam suprà exposuimus, putamus cum *Salm. n. 313 Tournely l. c. et Conc. n. 5.*

Quæstio VII. utrùm dans consilium pro usuris, ut, <sup>785</sup> præbens pecuniam usurario, ut mutuet, teneatur ad restitutionem? Negant *Lugo D. 25 n. 217 et Sa, Tol, Sylv. Med. etc. apud Salm. c. 3 n. 115*, quia hi non sunt causa efficax damni: cum possit postea debitor solutionem usurarum negare. Sed respectu hujus rationis longè probabilius (saltem, dico quoad suadentem usuras tenèri) affirmat *Bus. hic cum Less. l. 2 c. 20. n. 178. Lugo D. 25 n. 116. Salm. ib. cum Pal. Bon. Trull. etc.* quia verè ipse tunc est causa injusti contractus; et licet debitor possit non solvere, si tamen solvat ex causa sua, injustè solvet. Commune autem est *ibid.* quòd non peccet, nec ad restitutionem teneatur, qui in gratiam mutuatarii illa faceret; Et idè ex alia ratione prima sententia est satis probabilis, quia rationabiliter in illis mutuatarius præsumitur consentiens, ut ait *Lugo l. c.* Quoad eum autem, qui tradit pecuniam usurario, ajunt *Concina tom. 7 p. 534. n. 7 Less. c. 20. n. 178 et Salm. l. c. cum Bon. Trull. etc.* eum peccare et tenèri ad restitutionem; quia proximè cooperatur ad damnum mutuatarii. Sed *Lugo eod. n. 116* rectè excipit ob eandem rationem, nisi præstet pecuniam in gratiam mutuatarii. Vel nisi, addendum dico, non possit ipse pecuniam tradens eam negare sinè damno superioris ordinis, quàm esset mutuatarii damnum, juxtà dicta *n. 571 v. Secunda.*

Quæstio VIII. an peccet, et teneatur ad restitutionem <sup>786</sup> deponens pecuniam apud eum, quem scit abuturum ad usuras? Respondet *Less. l. 2 c. 20. D. 21 et Salm. c. 3 n. 116 cum Pal. Lug. Bonac et Trull.* quòd is peccaret utique contra charitatem, si usurarius non haberet alias, undè usuras exerceret: Sed non teneatur ad restitutionem, quia in hoc injuriam non irrogaret mutuataris. Tenèri tamen sentit *P. Concina*

to. 7 p. 535 n. 8 ex D. Thoma 2. 2 q. 78 ar. 4 ad 3 ubi dicit : *Quod si quis committeret pecuniam suam usurario non habenti alias undè usuras exerceret, vel hac intentione committeret, ut undè copiosius per usuram lucraretur, daret materiam peccandi: ut et ipse esset particeps culpæ.* Undè si talis deponens esset particeps culpæ, non erit quidem particeps alterius culpæ quàm injustitiæ, quam perpetrat mutuator. Sed hoc non obstante, verius mihi dicendum videtur, quòd deponens non teneatur ad restitutionem: ejus enim actio non est injuriosa sed potius gratiosa mutuatorio, cùm hic potius gratiam habeat, quàm ægrè ferat depositionem pecuniæ, ut in necessitate sibi providere possit. Posito ergò quòd mutuarius in hoc non sit invitus, deponens, licet sit particeps injustitiæ, quatenùs lædit virtutem justitiæ in generali juxtà sententiam quam tenuimus in *Tract. de Charit. n. 45 v. Tertia*, ubi diximus præbentem occasionem peccandi, non solùm lædere charitatem, sed etiàm virtutem, ad quam lædendam proximum inducit; non tenetur tamen ad restitutionem, quia non lædit justitiam in particulari, nempe peculiare jus alterius, nec ei injuriam irrogat, cùm ille respectu deponentis non sit invitus. Et sic intelligi potest S. Thom.

787 Quæstio IX. an Principes, Judices, et Advocati, qui sunt causa, ut usuræ solvantur, teneantur ad restitutionem? Respondetur tenèri: sicut tenentur etiàm illi, qui non excludunt à suis locis usurarios: Imò excommunicantur ipso facto in *Clem. Ex gravi de Usuris*; nisi tamen ob bonum publicum hoc permittere expediret. Ità *Less. n. 179 Salm. c. 3 num. 117 cum Pal. etc.*

788 Quæstio X., an si usurarius sit tibi debitor, possis tu licitè exigere usuras, quas ille tibi assignat exigendas à mutuatorio? Negat: atque si exigis, tenèris ad restitutionem; modo tamen tibi constet illud debitum esse pro usuris, *Salm. c. 3. n. 118*

789 Quæstio XI. an peccent famuli cooperantes dominis usurariis? Certum est, quòd famuli minùs principa-

les , qui tantum scribunt , enumerant pecunias , deferunt pignus , et similia , non tenentur ad restitutionem , nec peccent. Ita *Salm. c. 3. n. 118. Croix l. 2. n. 368. Tambur. Dec. l. 5. c. 1. §. 4. n. 49. et Bus. circa fin. hujus dubii.* Dubium est de iis , qui exigant usuras , et ad solutionem cogant , an teneantur ad restitutionem ? *Sa , Sylv. Tabien. Vega apud Salm. ibid.* licet dicant , eos peccare , excusant tamen à restitutione , quia isti non sunt verè causa exactionis , vel tantum sunt materialis , et remota ; *Salm. autem ib. cum Pal. Val. Med. Salm. etc.* putant eos tenèri , cum verè sint causæ injustæ proximè cooperantes : Et hoc videtur probabilius cum *Tamb. eod. loc.* si ipsi cooperantur in re ingrata debitoribus , prout esset , si cogerent eos ad solutionem , subscriberent apodixas : Secus , si in re , illis non ingrata , nempe si eos hortarentur simpliciter ad solutionem , vel exigent usuras sine coactione ; quia in hoc debitores non censentur invitati. Sed non excusarem exigentem à peccato cooperationis ratione solius famulatus.

Quæstio XII. an hæredes Usurarii , vel alterius debitoris teneantur ad restitutionem in solidum ? Distinguendum : Si debita sint hypothecaria ex contractu , communis est sententia , omnes in solidum tenèri. Dubium est , si debita sint personalia defuncti ex delicto ? Adhuc tenèri in solidum docent Canonistæ cum *Sylv. , Salas , Lopez , Major , etc. apud Continuat Tournely tom. 1. pag. 518* Idque arguunt ex *c. Tua nos. 9 de Usur* ubi dicitur : *Filii ad restituendas usuras ea sunt distractione cogendi , qua parentes sui.* Sed satis probabiliter *Tournely l. c. cum Azor. Cajet. Tol. Bon. Bann. Med. Habert , Pontas , Sambov. etc.* dicit : hos hæredes tenèri solum pro rata , nisi ipsi delicto defuncti cooperati fuerint : Et probatur ex *l. 1 C. de Delictis defunct. l. 4 tit. 17* ubi dicitur : *Post litis contestationem : eo quia vim (seu damnum) fecit defuncto , successores ejus in solidum . alioquin in quantum ad eos pervenit , conventi juris absolutissimi est.* Rationem dat *Cajetanus* respondens ad textum *Tua nos* , suprà oppositum ,

et dicit: « (Filii tenentur sicut et Pater obligatione scilicet personali suorum bonorum: Sed in hoc est differentia, quod Pater est tota illa persona, ac per hoc habet totam obligationem; quilibet tamen hæres (scilicet filius) est pars illius personæ, et consequenter partem tantum obligationis subiit. ) »

Quæstio XIII. Huc etiam pertineret quærere, an licitum sit petere mutuum ab usurario, et illas ei offerre? Sed de hac satis dictum est suprâ de *Charitate* l. 2 n. 47 v. *Secunda*; et n. 77.

791 « 11. Mutuare frumentum; vetus cum obligatione, »  
 » ut restituatur novum. ( præsertim certo tempore )  
 » est usura, si mutuans sciat novum fore melius, et  
 » majoris pretii, *Sylvest. Nav. Truh. d. 15 n. 11.*

« 12. Est usura ex communi sententia, si des mu- »  
 » tuum ut postea mutuarius ex debito civili oblige- »  
 » tur tibi rursus mutuare, aut vendere, vel apud te »  
 » in tua officina emere merces, aut operas suas loca- »  
 » re: quia talis obligatio est res pretio æstimabilis, »  
 » cum privet mutuarium potestate alibi emendi, et »  
 » locandi operas, *Iess. l. 1 c. 20 d. 8. Card. Lugo d. »*  
 » 25 n. 46 V. *Laym. l. 3 t. 4: c. 16 n. 3. Bon. l. c. p. 3.*

« 13. Usura est, mutuare principi, vel Reip. eo »  
 » pacto, ut interim, dum non solvitur, sis liber à »  
 » tributis vel oneribus justis solvendis, *Salas, C. Lugo »*  
 » n. 64 ex communi.

« 14 Item mutuare eâ lege, ut mutuarius eam »  
 » pecuniam exigit à debitore mutantis, à quo non »  
 » facile extorquebit. Quod addo quia, si sponte onus »  
 » illud suscipiat, eò quod facile possit obtinere, non »  
 » erit usura. *ib. et Bon. l. c.*

« 15. Item, si frumentum, quod alibi habes, des »  
 » mutuum, obligando, ut tibi reddatur hîc, vel alibi »  
 » (cum majoribus sumptibus, vel laboribus) plus »  
 » valet, *ibid.*

« 16. Usura etiam est, obligare mutuarium, ut »  
 » partem mutui accipiat in mercibus, quibus non in- »  
 » diget, *ibid.*

« 17. In mutuo pecuniario, nisi aliter conventum

» sit , si quis det mutuo , v. g. 100. florenos , non  
 » potest exigere plus quàm eorum pretium , et valor  
 » tunc fuerit. Undè , si eorum valor tunc augeatur ,  
 » non potest repetere 100. quia reciperet aliquid  
 » suprâ sortem. Quòd si valor decrescat , debet mu-  
 » tuarius reddere plus , quàm 100. quia aliàs non  
 » restitueret ad æqualitatem. *Vid. Less. l. 2. c. 20. n.*  
 » 149. *Laym. l. 3. t. 4. c. 16. Bon. l. c. p. 3. \** ( *Vide*  
 » *n. 782. vers. Hæc dubia.* ) \*

» 18. In mutuo tamen aliarum rerum , ut vini , tritici ,  
 » etc. aliter se res habet , quia , si quis v. g. mutuet  
 » alteri 10. modios tritici , sive pretium crescat , sive  
 » non , potest repetere 10. Ratio disparitatis est , quia  
 » in pecunia non spectatur ordinariè ( nisi aliter con-  
 » ventum sit ob certas , et licitas causas ) nisi valor ,  
 » sive pretium. Undè non debet restitui nisi pretium  
 » æquale. At verò in frumentis , etc. spectatur ipsa  
 » materia , quia non petitur mutuum frumentum  
 » propter pretium frumenti , sed propter ipsum corpus ,  
 » et substantiam : ergò , etsi crescat pretium illius , po-  
 » test repetere tot mensuras , quot dedit mutuo. Interim  
 » tamen quidam de his rebus eodem modo loquuntur ,  
 » quo de moneta. V. *Laym. l. c. n. 14 et Bon. l. c. \**  
 » ( *Vide dict. n. 782* ) \*

« Quæres : Quæ obligatio , et pœna sit usurario-  
 » rum , et cooperantium ?

« Resp. 1. Usurarius , etiàm non manifestus , ac hæ- 793  
 » res tenentur restituere ; imò etiàm omnes ii , qui  
 » ex parte usurarii cooperantur efficaciter : v. g. ju-  
 » dices , domini temporales , notarii , famuli , advo-  
 » cati , qui quovis modo juvant , vel cogunt mutua-  
 » tarios ad solutionem usurarum. Dixi ( positivè , seu  
 » efficaciter ) quia habendo se negativè , possunt per-  
 » mittere usurarios , ob justam causam , et necessita-  
 » tem pauperum. Propterea in praxi , ex præsumpta vo-  
 » luntate mutuatariorum , ferè excusantur minùs prin-  
 » cipales famuli. \* ( *Vide dicta suprâ n. 789 et l. 2 n. 78.* )

« 2. Usurarius publicus , sive notorius non debet  
 » admitti ad Communionem Altaris , nec absolvi ,



- » donec restituat usuras , nec sepeliri in loco Sacro ;  
 » et qui scienter sepelit , ipso facto est excommuni-  
 » catus. 3. Addit *Laym. l. c. n. 21.* ejus testamentum  
 » ipso jure irritum esse , nisi antè mortem restituerit.  
 » V. *Less. Bonac. Trull. cap. 14 d. 22 \** (*Item usurarii*  
 » *sunt infames. Salm. c. 3 n. 125.*) »

## DUBIUM VIII.

### DE EMPTIONE , ET VENDITIONE.

#### ARTICULUS I.

### Quid sit emptio et venditio ?

- 793 *Quando venditio est justa ?*  
 794 *An requiratur determinatio pretii ? An datâ arrhâ , liceat à contractu resilire ?*  
 795 *An requirantur scriptura , et traditio ?*  
 796 *An , ad transferendum dominium , requiratur solutio pretii , vel fides de illo ?*  
 797 *Ad quem spectent fructus , cùm compleatur conditio emptionis ?*  
 798 *Ad quem spectent fructus rei venditæ , sed non traditæ ?*  
 799 *Cujus sit res emptæ pecuniâ alienâ ?*  
 800 *An valeat contractus , si vendatur res aliena ?*  
 801 *In quibus casibus res suo valore crescat , vel decrescat ?*  
 802 *Quid de merce ultronea ?*  
 803 *An taxa obliget in conscientia ?*  
 804 *Quotupliciter pretium varietur ? an res pretiosæ habeant majorem latitudinem ?*  
 805 *An deceptio semper obliget ad restitutionem ?*  
 806 *An liceat pluris vendere rem utilem emptori ?*  
 807 *Quid , si adsint alij justj tituli ?*  
 808 *An res extraordinariæ possint vendi quanti plurimi ? An communis æstimatio variet pretium ? Et an venditio sub hasta , aut per venditrices ?*  
 809 *Quid , si res vendatur minutim ?*  
 810 *An res possit varius vendi ob dilatam solutionem ? An ratione periculi , vel quia res pluris esset valutura ?*  
 811 *An res ad creditum carius vendi possit ?*  
 812 *An et quando liceat vendere cum pacto retrovendi ?*

- 813 *An licitum sit pactum reemendi, ad arbitrium emptoris? Quid de contractu Mohatra?*
- 814 *De Monopolis.* 815 *Quot modis fit Monopolium?* 816 *An unus, vel pauci, qui annonam emunt; ut carius vendant, peccent contra justitiam?* 817 *An mercatores inter se conspirantes, ut merces vendant pretio summo, teneantur ad restitutionem? Et an facto Monopolio à Mercatoribus, liceat aliis mercem eodem pretio vendere?*
- 818 *An irritet contractum vitium occultum?*
- 819 *Quid, si vitium sit circa substantiam?* 820 *Quid, si vendatur ut pura res mixta perfectior aliis? Quid de vino mixto cum aqua?* 821. *An sit injustitia vendere quid pro quo?*
- 822 *Quid, si vitium est circa quantitatem?*
- 823 *Quid, si circa qualitatem?*
- 824 *An sit illicitum vendere pretio ordinario debitum, cujus debitor non est solvendo; vel mercem mox minuendam?*
- 825 *An tradita tibi re ad vendendum pretio designato, possis retinere superfluum? Et an idem dicendum de eo qui emit nomine alieno?* 826. *Quid de Sartoribus vilis pannum ementibus?*
- 827 *Si res vendatur duobus, cui acquiratur dominium?*
- 828 *Si res pereat ante traditionem, cui pereat? Quid, si post traditionem?*
- 829 *An liceat vilius emere chirographa, seu credita?*
- 830 *Vide alia apud Busemb.*

« **R**ESP. Est contractus, quo pretium pro merce sol-  
 » vitur; completurque mercis traditione. Venditio  
 » contra. Justitia ejus in hoc consistit, ut pretium sit  
 » justum, sive exæquet valorem rei, et contra. Aliàs,  
 » si sine legitimo titulo secùs fiat, committetur injus-  
 » tia gravis, vel levis pro gravitate excessus; qui  
 » proinde, ad restitutionem in conscientia obligabit;  
 » etsi in foro externo ad restitutionem ferè non co-  
 » gatur quis, nisi ultrà dimidium defraudaverit. V.  
 » *Laym. c. 17. Bon. d. 3. q. 2. p. 1. et 4.* »

Notandum I. Quòd, ut contractus emptionis sit va-  
 lidus, requiratur determinatio pretii, quæ, si remit-  
 tatur ipsi emptori, nullus est contractus, *l. Quod*  
*sapè. ff. de Contrahenda emptione.* Secùs, si remitta-

tur tertio , *l. ult. C. eod. tit.* sivè iudicio Prudentum , ut rectè ait *Dicast.* An autem valeat emptio facta pro justo pretio , sinè determinatione ? Affirmat *Palaeus disp. 5. p. 1. n. 2. Salm* autem *de Contr. c. 2 n. 2.* negant cum communi , nisi pretium sit jam à lege taxatum. Et sicùt pretium , sic etiàm ( ut valeat contractus ) res debet esse determinata , saltem in spe , ut quandò venditur hic jactus retis. V. *Salm. ib. n. 3.*

Quæritur hñc , an , quandò data sit arrha , liceat danti resilire à contractu cum jactura arrhæ ? Respondeo cum *P. Concina tom. 7. p. 267. n. 2.* quòd licitè possit ex consuetudine , quæ regulariter talis est. Excipitur , nisi arrha data sit pro majori securitate contractùs jam initi. Utrùm autem in dubio , an arrha data fuerit pro securitate , liceat danti resilire ? Videtur negare *La Croix l. 6. p. 2. n. 134. ex Onnate de Contr. t. 2. D. 34. sect. 1.* quia natura hujus contractùs arrhæ est , ut detur pignus ad statuendam obligationem ad non recedendum à contractu sub pœna pignus amittendi. Sed affirmat *Concina l. c.* Et hoc verum mihi videtur in iis contractibus , ubi regulariter talis est consuetudo ; quisque enim præsumitur velle contrahere juxtà consuetudinem , quā regulariter fiunt contractus.

795 Notandum II. Quòd contractus emptionis solo consensu perficiatur , nisi antè emptionem conveniant partes conficere scripturam , ex §. *un. Inst. de Oblig. ex cons. et §. Emptio. de Empt. et Vend.* Dominium autem rei non transit ad emptorem , nisi factà traditione , ut est commune , contra *Pal. Nav.* et videtur certum esse ex §. *Utique. Inst. de Empt. etc.* ubi : *Qui nondum emptori tradidit rem , adhuc ipse dominus est.*

796 Imò nec transfertur dominium rei , etiàm emptori traditæ , donec ab emptore pretium solvatur , vel offeratur , aut saltem præstetur pignus , vel fidejussio , aut saltem fides de illo , ex §. *Vend. Ins. de Rerum divisione* , ubi dicitur : *Venditæ verò res , et Traditæ non aliter emptori acquiruntur , quàm si is venditori pretium solverit , vel alio modo ei satisfecerit veluti ex promissore , vel pignore dato. Sed si*

is, qui vendit, fidem emptoris secutus fuerit, dicendum est emptoris fieri. Quæstio autem hîc fit, an gabella debita pro venditione, solvenda sit Gabellario tempore contractûs, vel tempore traditionis? *Vasquez, P. Nav. etc.* apud *Salm. cap. 2 n. 4.* dicunt tempore traditionis. Et probabile putant *Salm.* Sed rectè probabilius censent oppositum cum *Pal. Vill. Prado, Bon. Dic.* et idem tenent *Less. l. 2 c. 21 n. 1 Lugo D. 26 n. 5 et Continuator Tournety t. 1 p 338.* Ratio, quia contractus emptionis solo consensu perficitur, ut habetur ex §. un. *Inst. de Obl. ex censensu*, ubi dicitur: *Consensu sunt obligationes in emptionibus, locationibus...* Idèò autem istis modis obligatio dicitur consensu contrahi, quia nequè scripturâ, nequè præsentid omninò opus est; at nec dari quidquam necesse est, ut substantiam capiat obligatio.

Notandum III. Quòd, quandò venditio est conditio- 797  
nata, impletâ conditione, contractus retrahatur ad diem venditionis; idèòque fructus, interim percepti, pertinent ad emptorem. Hoc tamen est, quandò conditio adjuncta est casualis: secùs, si protestativa, scilicet cujus impletio sit in potestate emptoris. Ità *Less. Mald. etc. cum Salm. n. 25.*

Notandum IV. quòd periculum, et commodum rei 798  
regulariter spectent ad dominum rei, sed in contractu venditionis, emptione perfecta, spectat ad emptorem semper ac est vendita res determinata: etiâsi res non sit tradita, vel tradita sinè habita fide de pretio (quibus casibus remanet res in dominio venditoris, ut dictum est mox suprâ n. 796.), nisi aliter conventum sit. Ità ex §. *Cum autem 3 Inst. de Empt. et vend. l. Id quod 7 ff. de Peric. et comm. et l. Post perfectam. 1. Cod. eod. tit.* Excipe tamen, si venditor sit in mora trahendi; tunc etiâ ad ipsum pertinet periculum, ex *l. 17 ff. de Per. et comm.* Idem, si culpâ venditoris res fuerit destructa, vel deteriorata, ex *l. 2. eod. tit.* Vide *Croix l. 3 p. 2 n. 605.* Perfectâ autem emptione, si aliter conventum non fuerit, fructus rei pendentes spectant ad emptorem, ut communiter do-

cent *Less. l. 2 c. 21 n. 100. Spor. de 7 Præc. c. 5 n. 93. Cont. Tour. t. 1 p. 450. Lugo D. 26 Sect. 14. Croix l. c. n. 977. cum Mol. Laym. etc.* Et hoc currit etiàm pro foro conscientiae, ut *Spor. cum Mol. et communi.* Dicit tamen *Tourn.*, cum *Lugo*, quòd hoc valeat quòd aestimationem, quam habent fructus tempore emptionis: Si verò fructus tempore venditionis essent immaturi; cùm postea sunt maturi, certum est, quòd, re non traditâ, eorum incrementum debeatur venditori, ut *Less. et Mol. apud Lugo D. 26 n. 212. ac Tourn. loc. cit.*

Ità quòd fructus pendentes; Quòd fructus verò futuros rei, dubitatur 1. Ad quem spectent ipsi, re non traditâ, vel traditâ sinè pignore, aut datâ fide de pretio, ità ut dominium rei adhuc fuerit apud venditorem? *Prima* sententia, quam tenent *Tournely tom. 1 pag. 451 n. 4 et Bon. de Contr. D. 3 q. 2 p. 7 §. 1 n. 4. cum Cov.* dicit, eos spectare ad venditorem, ex regula illa generali, quòd res suo domino fructificet. *Secunda* tamen sententia communis et verior, quam tenent *Less. lib. 2 cap. 21 n. 109. Croix lib. 3 p. 2 n. 978. Salmanticens. de Contr. cap. 2 n. 17. cum Sylvest. Tap. Mald. Spor. de 7 Præc. cap. 5 n. 94. cum S. Antonin. Arm. P. Nav. et Laym.* docet, fructus spectare ad emptorem, nisi aliter conventum sit. Ratio, tùm quia, cui debetur res, debentur etiàm fructus tamquàm accessorii; tùm quia æquum est, ut ad eundem emptorem spectet commodum fructuum, ad quem spectat rei periculum, ut mox suprâ dictum est. Nec obstat regula enunciata, quòd res domino fructificet; nam respondetur hoc intelligi de domino absoluto, non autem de domino rei, quæ debetur alteri, ad quem rei periculum spectat. Nec deindè obstat dicere, iniquum videri, quòd emptor percipiat fructus, et venditor non possit pretio frui; Nam respondetur, hoc commodum emptoris benè compensari cum periculo rei ab ipso assumpto; Cæterum pretium solvendum per se æquale est pretio persoluto, nisi ex mora solvendi venditor patiatur aliquod interesse ratione

damni emergentis, vel lucri cessantis; tunc enim emptor sanè teneretur illud ei resarcire, ut omnes docent cum *Spor. n. 96*. Certum autem est. quòd, si venditor intenderet non ratam habere venditionem, nisi postquam pretium solvatur, eo casu tam periculum rei, quam commodum fructuum ad ipsum spectet, ut *Spor. l. c. P. Nav. et Laym.*

Diximus autem, *nisi aliter conventum sit*, nam si res non sit tradita, vel tradita sit sinè pignore, aut fide de pretio; tunc dubitatur 2. an possit venditor pacisci, ut fructus ad ipsum spectent, donec pretium solvatur? *Prima* sententia negat cum *P. Concina tom. 7 pag. 269. n. 11 et S. Antonin. Sylvest. Major. Arm. Gabr. etc. apud Dian. p. 4 tr. 4 R. 139.* qui probabilem putat. Ratio, quia venditor, concedendo dilationem ad solvendum pretium, nequit per hoc tempus proveniunt exigere; compensato tamen interesse ab emptore, si tempore præfinito fuerit in morâ solvendi. *Secunda* verò sententia communior, et probabilior affirmat, eamque tenent *Mol. D. 368 n. 9. Fill. tr. 35 c. 8 q. 2 n. 177 cap. 7 dub. 21 n. 3. cum Nav. Ang. Tab. Castr. etc. Bon. D. 3 q. 2 p. 7 §. 1 n. 5. cum Covarr. Gom. et Reb. et idem tuetur Petrocor. tom. 2 pag. 393.* Ratio, quia venditor justè potest dominium directum transferre in emptorem, et reservare sibi dominium utile, ut fructus percipere valeat, usquedum pretium solvatur; et tunc non exigit fructus ratione solutionis delatæ, sed ratione ipsius venditionis, hoc pacto initæ. Hoc tamen casu benè ait *Petrocorens. loc. cit.* quòd, si prædium pereat, vel deterioretur, non possit venditor exigere id, quod ratione præfatorum fructuum emptor promiserit ei correspondere.

Quæritur 1. cujusnam sit res empta pecuniâ alienâ? <sup>799</sup> Respondetur, emptoris, si emat nomine suo, ex *l. Si eo. C. de Rei vindicatione*: ubi dicitur: *Si ex ea pecunia, quam deposueras, is apud quem collata fuerat, sibi possessiones comparavit, ipsique traditæ sunt... ab eo invito in te transferri injuriosum est.* Excipe, si pecuniam sit Ecclesiæ, minoris, et militis, ut *Boia*

*Rebel. Sylv. etc. cum Salm. c. 2 n. 29.* Quia tunc illis res acquiritur.

300 Quær. 2. an valeat contractus, si vendatur res aliena? Resp. ex *l. Rem alienam*, 28 ff. de Contr. empt. validum esse quodam translationem dominii, non quidem rei, sed pretii: unde vendens malâ fide acquirit dominium pecuniæ, sed tenetur emptori omnia damna restituere: qui autem vendit bonâ fide, non tenetur ad damna, neque ad evictionem, ut dicunt *Salm. de Contr. c. 2 n. 31.* cum aliis, quibus consentit *Pal. tr. 33 D. 5 p. 28 §. 1 n. 1* sed tenetur quidem pretium restituere emptori, etiâsi cum eo convenerit non tenêri de evictione, ut exprimitur in *l. Emptorem §. Qui autem. ff. de Action. empt. nbi: Idem esse dicendum, etsi aperte in venditione comprehendatur nihil evictionis nomine præstitum iri, pretium quidem deberi re evictâ.* Æquum enim non est, ut venditor lucrum faciat cum jactura emptoris; vide *Palaum l. c. §. 4 n. 2.* Sed excipitur 1. nisi expressè fuerit conventum de non restituendo pretio, ut *Pal. ib.* Excipitur 2. nisi venditor in nihilo factus sit ditior, eo quod nimirum bonâ fide in largitiones fortè, aut in lusus pretium insumpserit, ut ajunt *Salm. dict. n. 31.* Excipitur 3. nisi emptor scienter rem alienam vel alteri obligatam comparaverit; tunc enim ipse, nisi expressè de evictione convenerit, in pœnam sui criminis nec etiâ pretium potest repetere, ut sancitur in *l. Si fundum. C. de Evict.* Vide *Pal. l. c. n. 16.* qui deindè *n. 18.* benè advertit, ex hoc non inferendum, quod pretium eo casu possit à venditore retinêri, nam in foro conscientie illud emptori restituendum est, in foro autem externo Fisco adjudicandum.

Refert autem hîc aliqua adnotare de obligatione evictionis. Debetur evictio, non tantum in venditione si res ab emptione evincatur ex *l. 1 et seq. de Evict.* sed etiâ in permutatione, datione in solutum pro debito, constitutione dotis æstimatâ, transactione, divisione hæreditatis, et in quolibet alio contractu oneroso, ut fusè probat *Pal. tr. 33. D. 5 p. 8 §. 1.* Non

verò in contractu lucrativo ; undè donans non tenetur ad evictionem , nisi fortè donatio incœperit à promissione rei indeterminatæ , et postea tradat rem quæ evincitur : vide *Pal. l. c. ex n. 11*. Ut autem emptor possit de evictione agere , tenetur litem motam , antequàm tempus probationum elabatur , venditori denunciare ex *l. Emptor , C. de Evict.* et *l. Si rem , ff. Eod.* A qua tamen denuntiatione excusantur Minores , et Ecclesiæ : *Pal. l. c. §. 3 n. 5 et 6*. Factâ autem denuntiatione , tenetur venditor præstare emptori documenta pro defensione ; sed non tenetur defendere , nisi id promiserit ; *Pal. ibid n. 9 et 10*. Tenetur tamen ad expensas litis , ut dicit *Pal. cum aliis* ( contrâ aliquos ) *§. 5 n. 4 et 5 ex l. Si plus , §. Nota ff. de Evict. et l. Qui absentem. ff. de Procurat.* Si verò malitiâ , aut culpâ Judicis , aut vi alterius , aut negligentia emptoris res evincatur , venditor ad nihil tenetur ; periculum enim fortuitum ad emptorem pertinet , ut rectè ait *Pal. §. 5 ex n. 11*.

« Quod spectat ad emptorem , is potest emere vi- 801  
 » lius , quàm res valeat , si ei non sit commoda , vel  
 » emat in gratiam venditoris , ac similes sint circum-  
 » stantiæ , quæ rem faciant viliorem. Nec obstat , quòd  
 » venditor , necessitate , ductus vendat vilius ; quia ven-  
 » ditio manet voluntaria , inquit *Cajet. Vid. Bon. l.*  
 » *c. n. 21 et 23*. Potest nihilominus graviter peccari  
 » contrâ charitatem , si quandò pauperculi extrema ino-  
 » piâ res suas vendere coguntur , nimis viliter ab eis  
 » emas , *Laym. l. c. n. 10.* »

Notandum est 1. quòd res in manu mercatoris ratione sui laboris et operarum pluris æstimentur , quam in manu alterius. Propterea tamen non est illicitum alteri rem vendere tanti , quanti venditor à mercatore. *Less. l. 2 c. 21 n. 24. Salm. c. 2 n. 21. cum Lug. Bonac. etc.*

Notandum 2. quòd concursus emptorum , et penuria mercium augeat pretium rei ; paucitas contrâ emptorum , et copia mercium minuit pretium , *Salm. cap. 2 num. 102. cum communi. P. Concina. tom 7 p. 301 n. 101. Tourn. tom. 1 p. 442.*



802 Notandum 3. quòd pretium rei decreseat, quando res est parùm utilis emptori, et hic in gratiam venditoris emit. Est communis sententia cum *Tourn.* tom. 1 pag. 443. et *Salm. c. 2 n. 103 et 105. in fine cum Bon. Dic. Reg. et alijs*. Hinc fit, quòd merces ultroneæ licitè possint viliùs emi, ut communiter docent *P. Concina. t. 7 pag. 301 n. 18. Tourn. l. c. Diana p. 1 tr. 8 n. 36 et Salm. n. 105.* cum alijs communiter, contrà *Roncaglia de Contr. c. 3 q. 5 R. 4.* qui ait ex hoc solo capite, quòd res ultrò à venditore offeratur, non esse causam, ut pretium rei decreseat, nisi accedat alia circumstantia, nempe paucitatis emptorum, vel pluralitatis offerentium: Sed veriùs alii DD. communiter, ut diximus, contrarium docent, quia regulariter in hujusmodi ultroneis venditionibus pauci inveniuntur emptores. At dubitatur. 1. Quanti vilescat res ultrò oblata. *M. Serra 2. 2 q. 77 a. 1. dub. 3 cum Conrad. et Reb. Salas, Palac. Barth. à S. Fausto, et Magala ap. Dian p. 1 tr. 8 R. 78* sentiunt vilescere usque ad dimidium. Sed probabiliùs *Cajet. 2. 2 q. 77 art. 1. Bon. D. 3 q. 2 pun. 4 n. 23. Fill. tr. 35 c. 4 n. 79. Sporer de 7 Pr. n. 22. Diana l. c. R. 36. Mazzot. t. 2 p. 111. Tamb. l. 8 tr. 3 cap. 7. §. 4 n. 6.* censent vilescere tantùm pro tertia parte. Dubitatur 2. An idem currat, quando vendantur merces ob paupertatem? *Prima* sententia affirmat; eamque tenent cum *Busemb Cajet. d. a. 1. Conrad. Res. cas. p. 1 q. 157. Bon. l. c. cum Soto, Sa, Vasq. et alijs; Dian. d. R. 78 cum Nav. Terr. et Vill.* Ratio, quia res ultronea de se pretio decrescit juxtà communem æstimationem; inopia autem venditoris non efficit, ut pretium mutetur. Negat autem *secunda* sententia, quam tenent *Tournely t. 1 pag. 442 et Salm. cap. 2 n. 105. cum P. Nav. Reg. Dic.* Ratio, quia hoc videtur adversari caritati, et justitiæ, emere viliùs à paupere, qui, necessitate coactus, vendit. Excipiunt *Salm. et Conc. ll. cc.* si res ematur tantùm in gratiam venditoris, ità ut aliàs non emeretur. Hæc *secunda* sententia est quidem æquior et omninò suadenda; sed spectatà ratione, *prima* sententia non

videtur improbabilis. Dummodò excipio, quòd re emenda non sit de iis; quæ communiter emuntur et offeruntur, ut frumentum, oleum, vinum: Secùs de aliis, quæ non ità facile venduntur. Nequè in eo casu officit, quòd emptor re illà indigeret, quia id per accidens esset, et casus non mutat pretium rerum. Quando verò alter vendit necessitate coactus, et tu non emis merè in gratiam suà, facile potes peccare contrà charitatem, ut benè ait *Mazotta l. c.* emendo tam vili pretio, quàm emeris merè in gratiam venditoris. Qui autem venderet in gratiam emptoris, sentio non posse vendere plus pretio supremo, nisi concurreret aliqua extraordinaria circumstantia, nempè raritas rei, multitudo emptorum, incommodum venditoris, vel specialis ipsius venditoris affectus ad rem, ut dicemus infra: Aliàs, si adesset tantum commodum, vel affectus emptoris ad rem utique non liceret augere pretium, ut dicemus cum *S. Thom. n. 806*.

Notandum 4. quòd, si tam emptor, quàm venditor ignorent pretium rei, tunc justum futurum sit pretium illud, quod convenitur, quia uterque tunc exponitur periculo jacturæ. Ità *Tournely tom. 1. p. 446 cum Ban.* Itèm notandum cum eodem *Tournely p. 447* quòd, si aliqua res minoris valeret in uno loco, et majoris in alio, possit majoris vendi in loco minoris pretii, dummodò venditor assumat in se periculum transvehendi rem ad locum pretii majoris.

« 2. Emptor potest emere minoris, ex eo quòd  
 » multa simul emat; quia tunc venditorem liberat  
 » multis curis, et expeditum facit ad alia nova com-  
 » paranda, undè meritò pretium decrescit. *Bon. loc.*  
 » *cit. pag. 4 n. 13 ex Less. Regin. \** (*Est commune*  
 » *cum Less. c. 21 num. 38. Lugo etc. ap. Salm. num.*  
 » *149.*) \*

» 3. Quòd ad venditorem, is communiter debet ven- 803  
 » dere secundum pretium taxatum à lege, vel magis-  
 » tratu; quod, si nullum est, id censebitur justum,  
 » quod morali hominum æstimatione imponitur. Quod  
 » non consistit in indivisibili, ut anxie scrupulari

» oporteat, sed dividitur in infimum, medium, et  
 » summum, sivè, ut alii vocant, pium, moderatum,  
 » et rigorosum, ità ut intrà latitudinem hujus pretii  
 » vendere, et emere liceat, nunc summo, nunc in-  
 » fimo.»

Notandum est 1. quòd taxa facta pretii à Republica obliget in conscientia, ut *S. Th.* 1 2 q. 96 a. 1 ad 3 cum communi, etiàm Ecclesiasticos (licèt sit probabile alias leges non obligare Ecclesiasticos), *Salm. c. 2 n. 118*. Intelligitur tamen, nisi notabiliter res mutantur, ut *Less. c. 21 d. 2 Salm. ib. cum Reg. Trull. Dic. etc.* Vel nisi taxa à majori parte Populi non servetur, sciente Principe, et non puniente, *Salm. n. 116 et 135* vel si annus sit sterilis, ut mox subdetur. Utrùm autem tunc res optima possit carius vendi, vel misceri eum alia, ità ut fiat sicùt aliæ res communes? Affirmant probabiliter *Salm. c. 2 n. 128 et 130. P. Conc. t. 7 tr. 306 n. 29 et Tourn. t. 1 p. 447*. Ratio, quia Princeps, taxando pretium, respicit tantùm valorem mercis ordinariæ. An verò venditor possit cogere emptorem solvere in determinata specie pecuniæ? Probabile esse, quòd possit, dicunt *Salm.* Negat verò *P. Conc. l. c. n. 28*. Ego censeo posse cogere ad solvendum pecunià usuali; nempè æneà pro rebus vilibus, argenteà pro rebus magni valoris. Probabile autem est in annis valdè sterilibus, taxam non obligare, ut *Nav. Bonac. Mol. Covarr. Pal. etc. contra Ledes. Ban. Tap. Azor. etc. Vide Salm. c. 2. ex n. 132.*

304 Notandum 2. quòd pretium variari possit, ratione temporis, et loci, debet enim attendi tempus, quo res traditur, et locus, ubi est res quæ venditur, non autem ubi fit contractus, nisi venditor conveniat huc rem transferri, *Salm. c. 2 n. 98 et 99 cum Lugo, Dic. etc. ac Tourn. ut sup. n. 802 in fin.* Hinc res pretiosa potest parvi emi, ubi parvi æstimatur; et res vilis magni vendi, ubi magni æstimatur. Vide *dicenda n. 808*. Econtrà venditor non potest alicubi rem vendere pluris, quàm ibi æstimatur, licet emerit carius, et multum expenderit ad illam vehendam, ut docet *S. Th. Less, Bon. etc. cum Salm. n. 100.*

Notandum 3. quòd pretium rerum vilium minorem latitudinem habeat, quàm pretiosarum; vinum enim, aut simile quod valet 5 potest vendi 6 vel 4. Aut si valet 10 potest vendi 12 vel 8 ut dicunt *Tournely tom. 1 pag. 442 et Caj. apud Salm. n. 79 in fine*; Aut si valet 100 potest vendi 105 et 95 *Less. c. 21 n. 10 et Concina tom. 7 pag. 294 n. 2*. Domus autem, aut villa, quæ fortè vendita est pro 20 mille, post annum emi poterit pro 12 mille. V. *Salm. ib n. 80 cum Less. Lugo, etc.*

Notandum 4. quòd, licèt in foro externo non invalidetur venditio, nisi deceptio sit ultrà dimidium justì pretii: In foro tamen conscientiæ etiàm deceptio infrà dimidium obligat ad restitutionem. Et ità omninò dicendum (contrà Juristas aliquos) cum *S. Th. 2. 2q. 77 a. 1 ad 1. Less. l. 2 c. 21 n. 21. Lugo D. 16 n. 81 et Salm. c. 2 n. 85 cum communi*. Et hoc etiàmsi contractus fuerit initus bonà fide; tunc enim decipiens tenetur saltem ad id, in quo factus est ditior.

Quòd si, ut suprà notavimus cum *Tourn. t. 1 pag. 446 et Salm. 2 n. 88* tam emptor, quàm venditor rei valorem ignorent, et uterque sorti se committant, ut lucrum vel damnum spectet ad eum, cui sors contingeret, tunc valet contractus, etiàmsi postea inveniatur deceptio in dimidio, quia tunc sibi invicem censentur cedere excessum, ut rectè ajunt *AA. cit.*

Hic etiàm advertendum, quòd communiter non præstetur fides mendaciis vendentium, dum satis noscuntur hæc esse communia stratagemmata; undè ipsi regulariter non tenentur ob id ad restitutionem, ut *Salm. c. 2 n. 84 cum Trull. Bon. et Reb.* Dixi regulariter, quia si aliquandò venditor certè animadverteret, emptorem mendaciis credere, et ideò majoris emere, tunc quidem ab injustitia is non est excusandus.

« 4. Si quid emptori valdè utile sit, non licet hoc solo nomine rem vendere ultrà pretium justum: quia utilitas emptoris tota est ipsius, non venditoris, *Bon. l. cit. n. 27. ex Less. l. 2 c. 27 d. 4. Fill. t. 35 n. 77.*  
 » \* (Ut communiter *Salm. c. 2 n. 91 cum S. Th. 2. 2 q. 177. art. 1 qui ait: Si aliquis multum juretur ex re*

» *alterius quam accepit, ille verò qui vendit, non dam-*  
 » *nificetur carendo re illa, non debet eam supervende-*  
 » *re: quia utilitas quæ alteri accrescit, non est ex ven-*  
 » *ditione sed ex conditione ementis.*

807. » 5. Licet autem vendere cariùs, quam valet pretio  
 » currenti, si alii boni tituli adsint, et simul de hoc  
 » emptorem moneas: quia tunc illi non fit injuria.  
 » Tales autem sunt, v. g. lucrum cessans, aut dam-  
 » num emergens, aut incommodum, vel molesta tibi  
 » obventura ex rei venditione: aut affectus in eam  
 » singularis, ut si acceperis à majoribus, à Principe.  
 » Item si res sint novæ, raræ, et singulares; ut v. g.  
 » peregrini flores, aves, feræ, monumenta antiqua,  
 » picturæ; numismata, *Laym. l. 3 t. 4 c. 17 §. 5 n. 10.*  
 » *Con. l. cit. n. 15 ex Less. Reg.* •

Certum igitur est posse rem pluris vendi ratione  
 damni emergentis, vel lucri cessantis causâ venditio-  
 nis, ex *D. Th. 2. 2 q. 77 art. 1.* Modò de his emptor  
 moneatur, ut communiter docent cum *Busemb. ut*  
*suprà, Less. l. 2 c. 21 n. 26. Lugo D. 26 n. 89 et Salm.*  
*c. 2 n. 89 cum Bon. Soto, Trull. Bann. Mald. etc.* Et  
 hoc etiãmsi pretium sit à Principe taxatum; quia taxa  
 respicit rem tantum secundum se, ut *Salm. l. c. cum*  
*Trull. et Salon.* An verò possit hujusmodi interesse  
 exigi à venditore, si ipsemet se offerat ad vendendum?  
*Negant Tourn. t. 1 p. 444 in fin. et Bann. ac Trull. ap.*  
*Salm. l. c.* Quia tunc ipse venditor, non jam emptor,  
 esset causa talis damni. Sed probabilius mihi est op-  
 positum, juxta dicta *de Usuris n. 768 v. An autem,*  
*in fin.* Ratio, quia emptor, acceptando contractum,  
 jam ipse est vera causa damni venditoris.

Quæritur I. An autem ratione specialis affectus,  
 quem habet venditor ad rem, possit eam pluris ven-  
 dere? Negat *Tapia ap. Salm. cap. 2 n. 90* quia ob hoc  
 res non fit magis æstimabilis, cum id nihil commodi  
 afferat emptori. Sed communiter, et veriùs affirmant  
*Less. Lugo, ac Salm. ll. cc. cum Bon. Trull. Vill. et*  
*Mald.* Ratio, quia privatio rei, erga quam est quis  
 specialiter affectus, verè est pretio æstimabilis. Si au-

Item valeret ratio *Tapia*, nec etiã ob damnum emergens, aut lucrum cessans, posset res pluris vendi, quia neque illa afferunt emptori aliquid commodi.

Quæritur II. An res, quæ non sunt necessariae ad communem convictum, ut gemmæ extraordinariæ, equi pretiosi, aves indicæ, picturæ singulares, et similia possint vendi quanti plurimi? Idem quæritur de cantu, saltatione, labusu mulieris? Affirmant *Diana p. 1 tr. 8. Res. 56 cum Sot. Tol. Ban. Reg. Serra; Val. Arag. etc. Et Salm. c. 2 n. 92* rectè probable vocant. Ratio est, quia cum res non habeat pretium nec legitimum, idest, à lege taxatum, nec vulgare, nempe juxta communem hominum æstimationem, illud putatur justum, quod convenitur. Altamen probabilius negandum puto; ut tenent *Lugo D. 26 n. 47 Less. c. 21 dub; 3 Tourn. l. 1 p. 441 et Salm. n. 93 cum Bon. etc.* Quia, tametsi pretium talium rerum magnam recipiat latitudinem, æquum verè est, quod habeat quandam taxam; juxta arbitrium prudentum. Exeipio tamen ex his mulieris honestæ usum, qui, cum sit pretio inestimabilis, sinè injustitia poterit illa pro eo quamplurimi accipere.

Notandum autem 1. cum *Lug. n. 48 et Salm. n. 94* <sup>808</sup> cum *Pal. Bon. et Prado*, quod communis æstimatio rei in aliquo loco reddat justum qualecumque pretium, prout apud Japones magni æstimantur speculæ, cultelli; etc. Notandum 2. cum *Lugo D. 26 n. 45. Tourn. p. 446. Conc. p. 299 n. 13. Salm. n. 95 cum Dicast Trull. Bon. Bann. Dian. etc.* quod res, quæ venduntur sub hasta, aut per venditrices, possint quanti carius vendi, et quanti vilius emi, ex *l. 2 C. de Resc. vend.* Modo absit fraus, et pretium non sit à lege taxatum. Ratio, quia tunc Potestas publicæ approbat pro justo pretium illud, quod publicè emptorum concursu probatur. Idem dicitur de redditibus beneficiorum, Commendarum, etc. quæ locantur sub hasta, quia tunc, si emptores concurrant, res fit æstimabilior, si non concurrant, fit vilior. Et non satis probabiliter videtur huic contradicere Auctor *Petrocor. l. 2 p. 349* qui enixè

conatur probare, quòd, si res adjudicetur offerenti pro pretio notabiliter minori, deberet ipse legitimum pretium adæquare. Nam si hoc esset, dico, casu quo emptor in licitatione offerret ultrà pretium supremum, teneretur dominus rei excessum restituere; et hinc sequeretur, quòd res non possit adjudicari ultimo offerenti, si primus offerens jam supremum pretium obtulisset; sed hoc nemo dicet. Ergò, si res adjudicatur offerenti ultrà pretium summum, hoc certè evenit, quia leges decernunt illud esse justum rei pretium. Ergò, si dominus potest retinere excessum, etià emptor potest rem, pretio minori quàm infimo emptam, retinere.

Diximus, *modo absit fraus*, quæ vel potest intervenire ex parte venditoris, nempe si celet occultum vitium rei, aut si immittat fictos licitatores; vel ex parte emptoris, si dolo, minis, aut precibus importunis impediat, ne alii plus offerant. Hi enim peccant et tenentur ad restitutionem, donec ad justum pretium perveniatur; ità communiter *Tourn. t. 1. p. 446. Lug. D. 26 n. 45. Dian. p. 4. tr. 4. R. 17. et Salm. c. 2 n. 58. et 96.* cum aliis passim. Idemque rectè docent de Proxenetis, vel aliis quibus commissa sit venditio rei, qui merces vendendas, aut bona Hastæ exponunt eo tempore, quo sciunt paucos emptores esse adfuturos, ut res amicis suis adjudicetur.

Sed dubium 1. fit, utrùm, exposità re ad licitationem, possit emptor alios rogare (precibus tamen non importunis), ne plus offerant, ut ipse pretio infimo rem obtineat? Negat *P. Megala 2. 2 l. 2 c. 6 q. 5 n. 146* cui adhæret *Cobass, Th. Jur. c. de Empt. et vend*. Quid, dùm alii parati erant plus offerre, venditor impeditur, ne majus pretium consequatur? Et huic opinioni favet *Lessius l. 2 c. 21 n. 46 v. Dico Tertio*, ubi ait: *Pari modo emptores contra justitiam peccant, quando conspirant, vel rogant alios, ut non liceantur rem justo pretio, sed minori; ratio, quia venditores (nota) jus habent ad pretium majus.* Affirmant verò communissimè *Tourn. dict. p. 446. Lugo D. 26 n. 45. Dian. p.*

1 tr. 8. R. 76 cum Villal. Reg. Vega, Rodr. Arag, Conrad. et P. Nav. ac. Salm. c. 2 n. 58 cum Pal. Trull. Tap. et Dic. Ratio (ut ajunt), quia emptor licite hoc casu utitur sua diligentia, ut sibi consulat.

Dubium 2. fit, an liceat emptori pacto convenire cum aliis licitatoribus, ne plus offerant? Videtur Diana dicta Res. 76. cum aliis citatis pariter, affirmare, adducendo verba Petri Nav. (de Restit. l. 3 c. 2 n. 84 et 85.) qui sic tradit: *Non enim meo judicio quodcumque monopolium mercatorum, ut nonnisi certo pretio emant, est iniquum, si revera illud est justum. Atque idem est, si quis in publica licitatione roget amicos, ne plus dent, ut ipse justo pretio (infimo tamen, vel mediocri) rem habeat juxta illum forum; iste enim utitur industria, ut res justo pretio detur, timens in emendo augmentum magnum in pretio.* Sed mihi, et aliis doctis Junioribus videtur oppositum dicendum, saltem casu quo per sententiam Judicis res ad subhastationem exponitur. Ratio, quia tunc Dominus rei tenetur omnino rem tradere plus offerenti; ideoque injuriam ei emptor irrogat, si solum pretium infimum, aut medium offerendo impedit venditorem a consecutione pretii supremi, ad quod jus habet, scilicet ne impediat ab illo consequendo. Sicut igitur talis venditor constitutus est in periculo tradendi rem pretio parvo, si nullus alius emptor inveniatur plus offerens; ita jus habet, ne privetur spe obtinendi pretium majus, si plures interveniant oblatores, qui æmulatione ducti pretium augeant: Id enim videtur requirere jus, et natura licitationis, ut æqualitas servetur. Et idem videtur sentire Lugo d. 26 n. 45 in fine, ubi, licet permittat rogare, non tamen admittit pactum inire.

« 6. Qui res minutim, et in parva quantitate vendunt, possunt aliquantò carius vendere, quam qui in magna quantitate, quia debent majores labores, expensas, etc. impendere ad eas conservandas; et sic quidem excusant caupones, et stabularios, qui avenam, foenum, paleas, etc. carius vendunt, quam alii; dummodò pretium iis non sit taxatum. Salas.



» *Trull. d. 15 n. 11.* \* (*Est commune apud Salm. c. 2*  
 » *n. 149 cum Less. n. 38 et Lugo*) \*.

810 » 7. Non licet carius vendere præcisè ob dilatam  
 » solutionem, aut vilius emere, ob præcisè anticipa-  
 » tam solutionem : quia in venditione, quæ fit cre-  
 » dito, vel in anticipata solutione est virtuale mutuum,  
 » ideoque usura, si quid suprâ sortem exigatur. Quod  
 » intellige, ne interveniat alius titulus ex suprâ enu-  
 » meratis de usura : vel nisi aliundè crescat pretium,  
 » v.gr. ex frequentia emptorum, etc. *Bon. l. c. ex Less.*  
 » *Regin. Fill. etc. V. super. dub.* »

Potest igitur de se res carius vendi ob dilatam solu-  
 tionem, vel emi ob anticipatam, ratione damni emer-  
 gentis, vel lucri cessantis, dummodò de his emptor mo-  
 neatur. Notant tamen *Salm. c. 2 n. 241 cum Bann. et*  
*Villal.* non excusari, qui tantam habent copiam mer-  
 cium, quòd opus eis sit partem earum ad creditum  
 vendere; vel qui habent superabundantem copiam  
 pecuniæ, ut semper servant aliquid in deposito. (Sed  
 de hoc vide *dicta suprâ d. 771.*) Rectè notant deindè,  
 rarò his venditoribus contingere hoc lucrum cessans,  
 quia, si venderent pecuniâ numeratâ tantas merces  
 non distraherent; et sic jam lucrantur pecuniâ cre-  
 ditâ, quod lucrarentur numeratâ. Ex quo dicunt, eis  
 satis esse vendere ad creditum pretio summo id, quod  
 aliàs infimo vendituri essent, sed non ampliùs.

Ratione autem periculi in exigendo pretio, etiàm  
 carius res licitè vendi potest, eodem modo ut dictum  
 est suprâ de usura *n. 776.* Sed in venditione certum  
 est de his titulis monendum esse emptorem, ut *Salm.*  
*ib. cum Serra.*

Certum est etiàm, rem posse carius vendi, si pre-  
 tium tradendum sit tempore, quo res pluris est va-  
 litura, modo à venditore usque ad illud tempus res  
 esset servanda; sicùt contrâ potest vilius emi, si res  
 tradenda sit tempore quo minoris valebit, *Salm. c. 2*  
*n. 146 et 147.*

811 Quæritur, an juxtâ consuetudinem loci, præciso  
 quocumque alio titulo, liceat carius vendere rem ad

creditum, quàm venderetur pecuniâ numeratâ? *Prima* sententia negat, eamque tenent *Nav. Man. c. 23 n. 82* item *Val. Medin. Garc. Cord. etc. ap. Salm. c. 2 n. 150* quia, quidquid exigitur ob dilatam solutionem, est usura. *Secunda* verò sententia probabilis, quam tenent *Less. l. 2 c. 21 n. 56. Lugo D. 26 n. 107 cum Mol. Cano, Tolet. Vict. etc. Spor. de 7 Præc. n. 24 et Salm. cum Soto, Pal. Sanch. Trull. Serra, Bann. Reb. Vill. etc.* asserit licitum esse. Ratio, quia communis æstimatio justum reddit pretium rerum, quæ communiter ad creditum venduntur, cum plures emptores ad sic emendum conveniant, et ideò res pretio augetur. Nec obstat, quòd emptores cogantur ad sic emendum à sua necessitate; nam hoc per accidens se habet: cæterum verificatur, quòd eo casu concurrat emptorum multitudo, quæ justam reddit talem adauctam ætimationem. Tantò magis, quia in multitudine emptorum impossibile est non subesse aliquod periculum amitendi pretium. Nec valet dicere, quòd tunc non multitudo emptorum, sed modus sic emendi auget pretium, et hic modus est usurarius; Nam respondetur, quòd reverà non modus det titulum augendi pretium, sed multitudo aliorum sic ementium, licet multitudo ex tali modo oriatur. Ex dictis pariter est probabile licitum esse rem vilius emere numeratâ pecuniâ ob anticipatam solutionem, si talis alicubi sit consuetudo. Ratio, quia tunc pauci sunt emptores qui emunt anticipata solutione; et contrà multi sunt venditores tali modo vendentes, ex quo oritur, quòd merces de se crescant. Ita *Less. c. 21 n. 61 Lugo D. 26 n. 120 cum Mol. Tol. Cano, Turr. Vict. Salon. Reb. etc. item Salm. c. 2 n. 153-154 cum Sanch. Bon. Pal. etc. contrà Ban. Az. Valent. etc.* Nec obstat id, quod objicit *Habert t. 4 p. 277* nempe: quod ad hoc, ut valeret ratio paucitatis emptorum, oporteret, ut hæc raritas adesset tempore traditionis rei, quandò perficitur venditio; sed tempore traditionis non habetur hæc supposita paucitas emptorum. Nam respondetur, quòd contractus emptionis non perficiantur tempore traditionis, ut

supponit *Habert*; sed tempore contractûs initi, licet dominium rei non transferatur, nisi post traditionem, juxta dicta *n.* 705. An autem chirographa possint minoris emi ob anticipatam solutionem? Vide infra *n.* 829.

- 612 « 8. Licitum est vendere rem cum pacto de retro-  
 » vendendo, id est, ut emptor teneatur tibi statuto tem-  
 » pore, vel cum volueris, eam revendere; modo vera  
 » et non ficta emptio fiat, nec palliata usura interce-  
 » dat, *Mol. d.* 375. *Less. dub.* 14 etc. Qui addunt,  
 » juxta æstimationem illius operis, ac pacti pretium  
 » esse imminuendum. *V. C. Lug. d.* 26 *n.* 189. »

Plures condiciones requiruntur, ut venditio cum pacto retrovendendi sit justa. I. Ut pretium minuaturs juxta æstimationem gravaminis, quod sic emptori imponitur. Hinc pretium rei venditæ cum pacto retrovendendi, alii dicunt decrescere usque ad quartam partem, alii usque ad tertiam, alii ad arbitrium prudentum, ut *Salm. c.* 2 *n.* 59 cum *Less. Bon. et commun.*; sed *n.* 67 dicunt decrescere usque ad infimum pretium, non ultra: Sed parum probabiliter, nam hoc revera decrementum dici nequit, quia emptor ad pretium infimum, etiam sine tali pacto, jus habet. II. Conditiõ, ut non apponatur pactum, quod pluris, vel minoris retrovendatur; licitum autem est pactum, ut retrovendatur eodem pretio, licet res pretio augeatur, ut *Less. l.* 2 *n.* 115. *Bon. et Vill. ap. Salm. n.* 64. Ideo enim minoris emitur, quia venditor libertatem habet reemendi rem eodem pretio, quando res pretio augetur. III. Conditiõ, quod non imponatur, ut periculum rei venditæ sit apud venditorem, cum illud per se spectet ad emptorem; nisi augeatur pretium juxta æstimationem periculi. Ità *Salmanicens. n.* 65. Vid. *n.* 842 et 849. IV. Conditiõ, ut res retrovendatur sicut traditur, vel vacua, vel cum fructibus. *Salm. dict. n.* 65. Probabile autem est, quod, ob pactum retrovendendi, venditor habeat actionem in rem, etiam si emptor alteri eam vendiderit. Vid. *Less. n.* 121 et *Salm. n.* 66.

Si in venditione apponatur *Retractus Gentilitius*, sive pactum, ut consanguineus proximior venditoris jus habeat infra certum tempus rem reemendi, non poterit is rem reemere, ut aliis tradat; cum hic *Retractus* tantum institutus sit, ut bona conserventur in Familia; ita *Tourn. t. 1 p. 465. Conc. t. 7 p. 290 n. 7. Spor. de 7. Præc. c. 5 n. 100 et Cabassut. l. 6 c. 9 n. 11 cum aliis, ex l. Dubium 14. C. de Contrah. empt.* Si autem emptor velit rem vendere, tenetur monere consanguineos, qui, si per duos menses noluerint emere, potest ille cuilibet vendere, ut *Spor. loc. cit.* Quando autem res venditur, consanguineo irrequisito, iste poterit rem retrahere intra annum, et diem; ita *DD. ib. communiter, ex l. 2. Feudorum ap. Laym.*

An sit licitum pactum reemendi ad arbitrium emptoris? *Prima* sententia negat, quam tenent *Habert t. 4 p. 267. Cont. Tourn. t. 1 pag. 463. Concl. 2.* Ratio, quia, licet hujusmodi contractus fiat sub nomine venditionis, revera tamen res non videtur vendi, sed tantum in pignus dari, ita ut emptor percipiat fructus ex sua pecunia, quam potest recuperare ad suum libitum. Eandem sententiam sequuntur *Salm. c. 2 n. 61 cum Vill. et Tap.* Modò tamen limitant, nisi de pretio tantum minuatur, quantum valent fructus; vel nisi sub initio contractus vendatur prædium cariori pretio, juxta spem fructuum per aliquod tempus designatum percipiendorum. *Secunda* verò sententia communissima affirmat, et hanc tenet *Less. l. 2 c. 21 n. 113. Lugo D. 26 n. 200. Mol. D. 377. Pal. tr. 33 D. 5 p. 13 § 1 ex n. 1. Spor. de 7 Præcept. c. 5 n. 101. Viva de Contr. quæst. 2 art. 3 n. 12. Mazzotta t. 2 p. 124. Bonac. D. 3 quæst. 3 p. ex n. 2 cum Cov. Azor. Fill. et Garcia; item P. Navarr. Malder. et Sylvest. apud Salm. n. 60.* Hanc secundam sententiam certè probabiliorē puto, cum his tamen conditionibus. I. Ut adsit verus animus emendi, et vendendi, non autem fœnerandi. II. Ut emptor majus pretium solvat, juxta estimationem hujus oneris quod imponit venditori, reemendi rem quandò ipsi emptori placuerit; in quo

omnes conveniunt. Hoc autem onus putant aliqui apud *Viva l. c.* æstimari usque ad tertiam partem pretii. III. Ut non obligetur venditor reemere eodem pretio majori quod recipit, ut docet *Less. n. 118*. Quidquid postmodum subdat, scilicet hoc excusari posse ex communi usu et æstimatione hominum; quod mihi minimè probatur. Hinc censeo non posse ab emptore in tali contractu obligari venditorem, nisi ad solvendum solum pretium, juxtà valorem rei tempore venditionis; et, si res sit deteriorata, juxtà valorem rei tempore reemptionis; excessus enim justi pretii datus venditori, totus ad illum spectat, ratione oneris ipsi impositi reemendi ad arbitrium emptoris. His conditionibus servatis, nequaquam illicitum mihi videtur præfatum pactum reemendi: sicut enim licitum est pactum retrovendendi in beneficium venditoris cum diminutione pretii, sic contrà cum pretii augmento licitum dici debet pactum reemendi in beneficium emptoris, cum ità gravamina utrimque compensentur. Neque dicatur hoc esse mutuum virtuale, cum sit vera emptio et venditio, disparem quidem habens naturam à natura mutui, in mutuo enim res oppignorata perit mutuuario, sed hîc, si res pereat, emptori perit, aut deterioratur.

Nota hîc vetitum esse contractum *Mohatra*, scilicet quando quis emit à te mercem majori pretio credito, cum pacto explicito, vel implicito, ut tibi retrovendat minori pretio numeratâ pecuniâ. Adest de hoc *prop. 40. damn.* ab Innoc. XI. *Contractus mohatra licitus est etiam respectu ejusdem personæ, et cum contractu retrovenditionis, præviò inito, cum intentione lucri.* Ratio, quia patet esse palliatam usuram. Cæterum, si res sinè ullo prævio pacto retrovendatur, etiam pretio infimo, eidem venditori, de se contractus licitus est, modo absit animus usurarius. Ità *Les. l. 2 c. 21 n. 130. Tour. t. 1 p. 464. Salm. c. 2 n. 70. cum Tol. Nav. Pal. Bon. et communi.* Addit imò *Lugo D. 26 n. 208.* non esse illicitum venditori, si creditor vendat mercem, et dicat emptori: *Si volueris eam viliori pretio vendere pecuniâ numeratâ, ego para-*

*tus sum emere.* Speculativè loquendo, hoc nequè videtur illicitum, sed practicè puto difficillimè hunc venditorem carere animo usurario.

• 9. Monopolia, id est, cùm unus, vel plures id 814  
 » efficiunt, ut ipsi soli aliquid vendant; vel cùm mer-  
 » catores conspirant, non minoris vendere, non sunt  
 » contrà justitiam; modò non conspirent ultrà jus-  
 » tum pretium vendere. Ità contrà *Rebell. Navarr. etc.*  
 » docent *Mol. Less. etc.* Qui tamen concedunt, esse  
 » contrà charitatem. Vid. *C. Lugo d. 26. sect. 13.* Porro  
 » Principum, vel Magistratùs est, cùm uni, vel  
 » paucis tale privilegium conceditur, ut soli aliquid  
 » vendant; iis etiàm pretium taxare, et sic providere  
 » ne subditi graventur. Vid. *Less. c. 21 d. 20. Card.*  
 » *Lugo l. c. et Trull. c. 20 d. 18* ubi rectè notat *ex*  
 » *Navarr. etc.* etsi alia monopolia ex justa causa, auc-  
 » toritate Principis, vel Reipublicæ concessa, taxato  
 » pretio, sint licita, v. g. bibliopolis, ut nemo alius  
 » talem librum vendat, vel ut tantum sit unus, aut  
 » duo tabernarii in aliquo loco; nihilominus quandò  
 » unus, vel pauci proprià auctoritate ea constituunt,  
 » v. g. emendo merces certi generis, ut frumentum,  
 » vinum, oleum, etc. ut ipsi deindè arbitrato suo  
 » vendant cariùs, peccare semper etiàm contrà jus-  
 » titiam cum obligatione restituendi. •

*Monopolium* idem sonat ac venditio unius, nam *Mo-* 815  
*nopolis* sonat unicus venditor. Quatuor igitur modis Mo-  
 nopoliam contingere potest. I. Si Princeps alicui con-  
 cedat privilegium, ut solus vendat aliquod genus mer-  
 cium; et hoc certè licitum est. II. Si mercator impe-  
 diat, ne aliæ merces advehantur, ut ipse merces  
 suas vendat cum damno Reipublicæ; et hoc est certè  
 illicitum, et tenetur ad damni restitutionem. Et idem  
 dicendum de eo, qui falsam notitiam spargit, naves  
 esse submersas, aut similia mendacia. III. Si unus vel  
 pauci omnes merces emant, ut deindè vendant quanti  
 plurimi. IV. Si venditores conspirent inter se de pre-  
 tio, ut non minoris vendant. Sed circà hos duos mo-  
 dos, hic ultimo loco adnotatos, duæ magnæ agitan-  
 tur quæstiones.

816 Quær. I. An unus vel pauci Mercatores, qui tempore messis aut vindemiæ emunt omne triticum, aut vinum pretio vili tunc corrente, ut postea carius vendant, peccent contra justitiam? Certum est 1. id licitum esse, si emanatur merces non necessariae ad vitæ sustentationem, vel ad communem Reipubl. statum, ut sunt gemmæ pretiosæ, equi generosi, ornatos mulierum, et similia. Certum est 2. licitum esse emere triticum, vinum, etc. ut postea vendantur Reipb. pretio communi, quo venderent alii negotiatores, ea de longè adportantes; vel ut vendantur civibus moderato lucro, postquam cives jam emerit sibi necessaria, et convenientia, Ià *Bon. D. 3 q. 2 p. 2 n. 3. Salm. c. 2 n. 45. cum Trull. Tap. ac Villal.* et sic etiam docet S. *Antonin. p. 2 t. 1 c. 23 §. 15.* ubi ait: *Licite potest Mercator annonas illas emere messis tempore, carius postea venditurus, ut sic honestum per opera sua lucrum reportet.* Quæstio igitur est de eumentibus omnes illas res necessarias ad sustentationem, ut postea vendant carius ad suum libitum, an isti teneantur ad restitutionem? *Prima* sententiâ negat, et hanc tenent *Less. l. 2. c. 21 n. 151. et Mol. D. 145. in fin.* Ratio, quia hujusmodi emptores, quamvis peccent contra justitiam legalem, non tamen lædunt justitiam commutativam, cum emerint pretio currenti; Aliàs, ut dicunt etiam eam læderent emptores, qui concurrendo simul caritatem inducerent, quia sic etiam ipsi essent causa, ut pretium angeretur. Hæc tamen sententiâ minime mihi videtur probabilis, quia constitutio pretii non pendet à privato arbitrio venditorum, sed à communi æstimatione civium; Nec obstat paritas adducta emptorum concurrentium, quia tunc actio pretii evenit per accidens; et hic pretium augetur ex sola venditorum voluntate. Unde rectè *Sanctus Antonin. l. c.* sic docuit: *Si autem annonas temporis emit, et tantum congregat, ut postea compellantur homines emere ab uno ad placitum suum, et ided vendit carè ut vult, enormiter peccat contra proximum, et Communitatem.* *Secunda* igitur sententiâ communis, et vera, quam tenent So-

*tus l. 6 de Just. q. 2 a. 2. Sylvest. v. Emptio, q. 10. Contin. Tournely c. 1 p. 477. Viva q. 2 a. 4. Croix l. 3 p. 2 n. 946. Salm. c. 2 n. 44. cum Trull. Bann. Tap. et Vill. docet hos emptores teneri ad restitutionem damni arbitrio prudentum cæteris emptoribus, et Reipubl. si merces vendant carius quàm juxtà fori æstimationem pretium curreret, si ipsi Monopolium non fecissent. Ratio, quia isti sunt causa, cur pretium injustè augeatur. Eandem sententiam sequitur etiàm Lugo D. 26. n. 176. modo tamen pretium augeatur suprà summum, quo merces venderetur, si factum non fuisset Monopolium. Cæterum probabiliter censent idem Lugo n. 177. Bon. D. 3 q. 2 p. 5 n. 4. Fill. tract. 35 c. 8 n. 214 Holzmann. de Contr. c. 4 n. 805. Croix l. c. n. 946 et apud Lugo d. n. 177. Bann. Arag. Eman. et Vega; non peccare contrà justitiam tales emptores si vendant pretio summo, quod curreret, si monopolium non præcessisset. Ratio, quia quisque jus habet ad rem suam vendendam pretio riguroso. An autem hujusmodi venditor (si unus sit qui merces illac congregarit) peccet tunc saltem contrà charitatem? Affirmant plures, sed negant Holzmann c. 4 n. 805. et Lugo D. 26 n. 178. cum Mol. et Less c. 20 n. 168. Modo alios non inducat ad carius vendendum; nam alioquin nemo tenetur negligere commodum suum, ut damnum alienum evitet, quandò non tenetur avertere.*

Quær. II. An Mercatores inter se conspirantes, ut<sup>8,17</sup> merces vendant pretio cariori, teneantur ad restitutionem? Certum est tenèri, si convenient vendere pretio ultrà supremum; sicut pariter peccant contrà justitiam artifices illi, et similes, qui inter se conveniunt de non locando operas suas, nisi pretio summum excedenti, ut Less. l. 2 c. 21 num. 147. Salm. de Contr. c. 2 n. 58. cum aliis communiter. Quæstio igitur est, quandò conventio fit, ut merces non vendantur, nisi pretio summo, an peccetur contrà justitiam? Prima sententia affirmat, quam tenent Layman l. 3 tract. 4 c. 18 n. 43. Sor. l. 6 quæst. 2 a. 3. Tournely l. 1 p. 477. Spor de 7 Præc c. 5 n. 103. Ronc. de Contract.



c. 8 q. 2 R. 3 et Reb. ac Dic. apud Salm. Ratio, tùm quia ex l. un. C. de Monop. hoc graviter prohibetur sub privatione omnium bonorum, et perpetuo exilio; tùm quia hujusmodi Mercatores per medium iniquum cogunt alios emere pretio illo supremo. *Secunda* tamen sententia dicit: hos non peccare contrà justitiam, et hanc tenent *Less. l. 2 c. 21 n. 145. Lug. D. 26 n. 172 et 173. Viva de Contr. quæst. 2 a. 4 n. 2* (qui vocat communem) *Fill. t. 35 c. 8 n. 232. Holzm. c. 4 n. 805. Tambur. Dec. l. 8 c. 3 §. 12 n. 11 cum Mol. Bonac. et Salm. c. 2 n. 56 cum Tap Bann. Reg. et probabilem vocat Laym. l. c. n. 42 cum P. Nav.* Prima sententia est quidem probabilis; sed hæc secunda non minùs probabilis videtur, et fortè probabilior, tùm auctoritate DD. tùm ratione; quia non aptè dicitur, quòd venditores convenientes vendere pretio summo cogant alios ad sic emendum, cùm isti voluntariè emant; si coguntur, non coguntur à venditoribus, sed à sua propria necessitate, quæ non potest dici vera coactio ex parte venditorum emanans. Rectè igitur loquendo, dicendum per talem conventionem emptores potiùs impediri ab emendo pretio minori. Cùm autem sic impediuntur, non irrogatur eis injuria, nisi impediuntur minis vel mendaciis, sicut accidit in omni alio contractu: Aliter etiàmsi aliquis tantum suaderet venditori, ut venderet pretio summo etiàmsi peccaret contrà justitiam, et teneretur ad restitutionem; quod iidem Contrarii negant. Hæc ratio sumitur ex regula generali, ut diximus n. 582 et 584. Sicut enim non infertur injuria alteri, cui sinè vi vel fraude impediatur, ut testator relinquat hæreditatem non debitam, etiàmsi testator erat determinatus ad eam illi relinquendam; ita in casu nostro. Licèt igitur talis conventio sit illicita, quia est prohibita jure positivo, non est tamen injuriosa jure naturali. Nec valet dicere, quòd ipsa conventio venditorum, cùm ipsi mutuo obligentur ad non vendendum nisi pretio summo, cogeret emptores ad sic emendum: Nam respondetur 1. quòd hoc pactum, cum sit spontè initum, non sit in

illo nec vis, nec fraus. Respondetur 2. quòd hujusmodi conventio, cùm sit illicita, et contrà charitatem, ut infrà dicemus, nullam possit inducere obligationem, ex Regul. Jur. 69. in 6. ubi *In malis promissis fidem non expedit servare*; juxtà dicta n. 172. Hinc, posità probabilitate hujus secundæ sententiæ, probabilius est hos venditores non tenèri ad restitutionem, prout diximus n. 669. Non dubitatur autem, quin Judex eo casu possit pretium supremum reducere ad medium, ut *Lugo* n. 177. Nec dubitandum quin præfati venditores sic conspirando graviter peccent contrà charitatem, ut docent *Less. c. 21 n. 143. Salmantic. dict. n. 56. et Lugo* n. 175 cum *Mol.* et communi, à qua, ait *Lugo*, non recedendum. Ratio, quia licet charitas non te obliget ad vendendum infrà pretium summum, videtur tamen te obligare ad non dissuadendum aliis, ne mitiori vendant: Sicut, esto charitas non te obliget ad dandam eleemosynam, videtur tamen te obligare ad non dissuadendos alios, qui eam largiri velint.

Sed hinc aliud dubium fit, an facto monopolio de pretio injusto à mercatoribus, liceat aliis merces eodem pretio vendere. Negent *Tapia, Reb. et Dic. apud Salmanticens. c. 2 n. 57.* quia pretium illud injustum est. Sed affirmant *Salmanticens. ibi cum Bonac. Trull. Reg. Medina, et Diana.* Ratio, quia illud pretium jam commune est, et currens; per accidens se habet, ut ex injustitia aliorum adauctum sit. At prima sententia mihi omninò melior videtur, semper ac (intelligo) pretium sit ultrà supremum. Ratio, quia pretium illud per injustitiam adauctum, semper, et per se injustum est, et ad justitiam reducendum. Illa autem minimè est dicenda justa æstimatio, quæ injusta deprehenditur, et ex injustitia est orta; imò neque æstimatio dici debet, sed potius deceptio et fraus. Ità rectè *Conc. t. 7 p. 286 n. 5.*

- « 10. Venditor debet emptorem præmonere de notabili vitio rei, quod ei obesse potest, v. g. si equus sit furiosus, domus ruinosa, oves morbidæ, pan-

» nus adustus, etc. alioqui tenetur de fraude, et dam-  
 » no secuto: saltem si defectus fuerit in substantia,  
 » vel quantitate, v. g. si deficiat in pondere, vel men-  
 » sura, aut vendiderit rem unam pro alia: et sic pec-  
 » cat mortaliter cum obligatione restituendi. 1. Qui  
 » frumentum venditurus ponit prius in loco humido,  
 » ut intumescat. 2. Qui vino Rhenano miscet Franci-  
 » cum. 3. Qui carnes bubulas vendit pro vervecinis,  
 » etc. V. *Less. Bon. Dian. p. 1 t. 8 R. 51. Trull. d. 11.*  
 » Quando autem venditor possit justè tacere vitia  
 » qualitatis rei, quæ venditur, sinè obligatione res-  
 » tituendi pretium, vel rescindendi contractum, vide  
 » *Card. Lugo d. 26 sect. 8 n. 128. et Trull. t. 20 d. 11.*  
 » ubi notat venditionem factam ab ignorante vitium  
 » rei esse validam: rescindendam tamen, vel redu-  
 » cendam ad æquitatem, nisi venditor contrà hoc ex-  
 » ceperit. »

Triplex igitur vitium potest esse in re vendenda; I.  
 circa *Substantiam*, ut si vendatur stannum pro ar-  
 gento. II. circa *Quantitatem*, si dentur 5. modia pro  
 10. III. circa *Qualitatem*, ut si vendatur vinum cor-  
 ruptum, pannum adustum.

819 Et I. si vitium fuerit circa *Substantiam*, certè contrac-  
 tus est nullus, et venditor tenetur vel contractum  
 rescindere (si alter, vitio manifestato, non emisset, ut  
 docet *Less. l. 2. c. 21. n. 87.*), vel saltem excessum  
 pretii reddere. Idem contrà, si emptor emat gemmam  
 pro vitro, tenetur supplere pretium, saltem infi-  
 mum, si ipse dolum non adhibuerit, *Salm. c. 2 n. 171.*  
 Excipe, si uterque sorti se committant ob ignoran-  
 tiam valoris, ut diximus *n. 802. v. Not. 4.*

Sed dubitatur, an licitè quis emeret scienter  
 argentum pro stanno, petendo a venditore ignorante,  
 ut condonet, quod amplius valeat? Omnino negan-  
 dum, contrà aliquos, quia talis donatio, cum procé-  
 dat ex ignorantia, nulla est. Ità *Tamb. l. 8. tr. 3. c. 7.*  
*§. 11. n. 39. cum Salas, et Salm. c. 2. n. 172. Less. n. 84.*

Idem, si venditor ob ignorantiam rem venderet  
 infimo pretio, etiàmsi venditor non interrogaret emp-

torem de rei valore ( nam , si interroget , certè tenetur emptor valorem manifestare.) Ita *Salm. ib. Lugo D. 26. n. 137. et Tamb. n. 38. in fin.* Ratio , quia venditor tunc ob ignorantiam facile pretium infimum acceptat. Excipit *Less.* nisi ignorantia esset communis in aliquo loco , per quam res vilius aestimatur. Sed huic sententiæ nescio acquiescere. Non nego , quod , ratione illius donationis , nihil emptor retinere possit , quia non est vera donatio , quidquid dicant *Cajet. en Arm. ap. Lugo* ; At nescio , cur non valeat huiusmodi contractus , ut vera venditio ? Ex una parte enim emptor justè emit , infimum pretium solvendo ; ex alia non valeo intelligere , undè ipse obligationem habeat certiorandi venditorem ( sive interroget venditor , sive non ) de rei valore ignorato , quando nullo modo eum positivè decipit , aut cogit ad vendendum : Quòd autem venditor ignoret pretium illud esse infimum , per accidens se habet , et ipsi imputandum est.

Si verò res mixta venditur ut pura , dùm verè<sup>820</sup> sit res perfectior aliis , et post mixtionem aliis non sit deterior , probabiliter vendi potest , vitio non manifestato , pretio communi , *Salm. n. 138. Less. n. 83.* et consentit *P. Conc. p. 307. n. 30.* cum sententia ferè communi , ut asserit ; modo , facta mixtione , merx verè adæquet alias , quæ communiter venduntur. Sed dubitatur 1. an idem possit dici de vino mixto cum aqua ? Negant *ib. Salm.* sed fatentur graves DD. hoc admittere , ut reverà admittit *Less. d. n. 83. cum Lop. et aliis , ut infrà.* Et satis probabile videtur , nisi ex mixtione vinum acesceret , vel servari non posset ab emptore , qui ad servandum emeret , ut ajunt *Tamb. n. 27. Serra 2. 2 q. 77 a. 2 cum Soto , et Conrado , Jo. de la Crux ; et Dian. ap. Moyam.* Saltem in hoc non videtur esse gravis injustitia. Id confirmat S. Antoninus dicens : *Cum aliqui sophisticant ea , quæ vendunt , ut se servant indemnes , et cum aliquo lucro congruo , quia , si venderent puras res , emptores non velent dare justum pretium , quia alii vendunt alia sic mixta minori pretio ; videntur posse excusari , dummodò non*

*fiant mixturæ quæ noceant corporibus in his, quæ venduntur in cibum, et potum, et præcipuè in medicinalibus. P. 2 tit. 1 c. 17 §. 4. Confirmatur id etiã ex S. Thoma, qui ait: Cum usus rei est conveniens empiri, si venditor propter hujusmodi vitium subtrahat quantum oportet de pretio, non tenetur ad manifestandum vitium. 2. 2 q. 77 a. 2.*

821 Dubitatur 2 an sit injustitia vendere quid pro quo, ut solent pharmacopolæ, si quod traditur, sit æquè, vel ferè æquè utile? Negant probabiliter *Spor. c. 5 n. 74. Salm. c. 2 n. 174 cum Lugo, Sot. Dic. Medin. Salas; et Tamb. l. 6 n. 9* dummodò exigatur justum pretium rei traditæ. Ratio, quia tunc non adest diversitas substantialis quoad finem emptoris. Rectè tamen advertit *Tamb.* quòd, ut venditor in hoc excusetur, debeat esse certus, non dubius de taliæqualitate virtutis.

822 II. Si vitium est circà *Quantitatem*, quæritur, an excusetur qui utitur mensurâ diminutâ, ut consequatur justum pretium, aliàs non consecuturus ob injustam taxam, vel injustum monopolium emementium? Valdè probabiliter affirmant *Lugo D. 26 n. 125. Laym. l. 3 tr. 4 c. 17 § 2 n. 15. Pal. D. 5 p. 22 n. 5. Spor. de 7 Præc. c. 5 n. 76 cum Sot. Val. Tol. et Salm. c. 2 n. 175 cum Reb. Salas, et Dic.* Ratio, quia tunc iste vexationem suam justè redimit.

823 III. Si vitium deniquè est circà *Qualitatem*, quandò est de se patens, non tenetur venditor illud manifestare, ut *S. Th. 2. 2 q. 77 ar. 3 cum communi.* Notant benè tamen *Salm. c. 2 n. 176 cum Lugo. Laym. Dic. et Pal.* quòd, si venditori constet ignorantia emptoris, teneatur in conscientia vitium manifestare, vel damnum compensare; quamvis cæterùm (*ut dicit Tambur. ib. n. 19 cum Less. et Mol.*) contractus sit validus; nisi, excipit *Les. lib. 1 c. 17 n. 33* res adhuc sit integra. Excipitur item, si qualitas transierit in substantiam, puta, si emptor expressè dixerit, *nolo vinum, si non est vetus, Tambur. n. 21 cum Dic.* qui etiã notat *n. 22* quòd venditor dolo decipiens emptorem cir-

cà qualitatem, si res æquè illi non sit, vel ferè æquè utilis, teneatur vel contractum rescindere, vel damnum resarcire ad arbitrium emptoris; et idem dicit *Habert l. 4 p. 281. quæst. 3.* Quandò autem vitium rei occultum, et nocivum sit emptori; ut si equus sit furiosus, domus ruinosa, rectè dicit hîc. *Bus. cum Viva art. 5 n. 3* tenèri ex justitia venditorem illum de vitio monere. Notat etiàm *Viva quæst. 2 art. 5 n. 3 cum Less.* quòd, si emptor interroget; an res habeat certum defectum, teneatur venditor manifestare: aliàs venditio est nulla: Secus autem, si interroget in genere, tunc, si res est utilis ad finem emptoris, venditio est valida. Deindè notat *Tamb. d. §. 11 n. 29* quòd, si venditor protestetur, se nolle rationem dare de quocumque defectu, sed vendere uti vulgo dicitur: *A sacco d'ossa rotte*; tunc ad nihil teneatur. Undè meritò approbat *Tamb.* consuetudinem, quæ alicubi viget, præsertim in nundinis magnis, quòd ità vendantur animalia, etiàm si vitia sint occultissima. Ratio, quia ad tollendas lites ob commune bonum satis hoc cõonestari potest à consuetudine: Dummodò, intelligendum, non vendatur res ultrà justum pretium, saltem supremum, quanti valet res, habita ratione illius vitii occulti.

- « 11. Si scias occultè debitorem tuum non esse <sup>824</sup>  
 » solvendo, injustum videtur, iis, qui id nesciunt,  
 » debitum illud vendere pretio ordinario; tùm quia  
 » est dolus, tùm quia vitium intrinsecum crediti non  
 » revelatur, *Bon. l. c. p. 10. Less. c. 21 d. 10. Fill. etc.*  
 » 12. Etsi venditor sciat pretium mercis mox mi-  
 » nuendum, licet tamen vendere pretio corrente, et  
 » non dicere emptori (secluso tamen dolo, fraudi-  
 » bus, et mendaciis, quibus emptorem allicere ad  
 » emendum ei non licet); quia pretium currens sim-  
 » pliciter adhuc est justum, *Bon. q. 2 p. 5 n. 12 ex*  
 » *Az. et Fill. etc.* »

Sed de hoc dubitatur inter DD. Alii enim, ut *Rodr. Med. Gob. etc. c. 2 n. 107* negant posse vendi pretio currenti rem, quæ scitur mox minoris valitura, quia tunc res illa ex tali circumstantia minùs valet: Et

hanc rectè *Salm. cum Pal.* probabilem vocant. Alii tamen affirmant, ut *cum Bus. Less. c. 21 n. 40. Tournely t. 1 p. 448. Salm n. 108 cum Caj. Bon. Pal. Sot. Trull. ex S. Th. qui 2. 2 q. 77 art. 3 ad. 4* expressè hoc docet, inquiens: *Venditor qui vendit rem secundum pretium quod invenit, non videtur contra justitiam facere, si quod futurum est non exponat.* Ratio, quia non est respiciendus valor futurus, sed præsens, qui non variatur ex notitia particulari, sed ex communi æstimatione: Et hanc sententiam veriorē censeo, si verè notitia sit particularis, non autem si communis. Sic pariter contrà, benè ajunt *P. Conc. t. 7 pag. 302 n. 20. Tourn. pag. 447 cum. Bann. Caj. Mald. et Salm.* licere cuique emere merces pretio currenti, scienti pretium brevi augendum, quàmvis hoc ignorent venditores, ut probatur exemplo Josephi *Gen. 41.* Item dicendum cum *Tourn. p. 449 et Conc. pag. 303 n. 21* benè te posse emere pecunià, quam privatè scis brevi prohibendam; modò, semper intellige, absint mendacia, vis, aut fraus. Utrùm autem emptor, aut venditor eo casu peccent contrà charitatem, qui venderet rem illam alicui cum tanto ejus damno? Resp. *S. Thom. l. c. Si tamea.... de pretio subtraheret, abundantioris esset virtutis.* Sed, si non minuatur, regulariter non peccat ut dicunt *Tourn. dict. p. 449 et Salm. ib.* quia sicille consulit rebus suis, licèt damnum per accidens alteri eveniat: Certum autem est non tenèri cum suo damno rem manifestare, ut *Contin. Tourn. t. 1 p. 44. Ronc. de Contract. c. 5 q. 6 R. 2 et Salmantic. c. 2 n. 108 cum Less. Bon. Trull. etc.* Ratio, quia ex una parte non lædit charitatem, qui utitur jure suo justè consulens rebus suis, quàmvis alter per accidens damnum ex eo patiatur; ex altera parte non tenètur notitiam illam manifestare cum suo incommodo, ut ajunt *Less. l. 2 c. 21 n. 40 et iidem Salm. ib. cum Sot. Caj. Bann. Pal. Bon. Nav. etc. communiter.* Dictum est regulariter, nam excipiunt *1 Tourn., et Ronc.* si tali venditione emptor reduceretur ad extremam, vel gravem necessitatem; sicut enim charitas præcipit, ut subveniamus

proximo graviter indigenti, sic vetat, ne in paupertatem ipse redigatur, ut nobis divitias comparemus. Excipit 2 *Ronc.* si ille causâ talis notitiæ venderet in majori quantitate, quam foret venditurus, cum gravi damno emptoris; nisi iste adhuc eandem quantitatem eodem pretio empturus fuisset ab aliis: At *Salm. l. c.* merito sentiunt hanc exceptionem regulariter non valere. Excipit 3 idem *Ronc.*, si is posset mercem suam pluribus vendere, et vendit uni; vel si posset vendere alicui, qui statim iterum venderet aliis rem consumpturis, et venderet alteri rem servaturo usque ad tempus diminutionis pretii. An autem in his omnibus casibus venditor semper graviter charitatem læderet, dubito, si attendatur ratio ab iisdem auctoribus citatis, nempe: quod charitas non vetet, ne sibi quis consulat utendo jure suo, licet alteri per accidens damnum obveniat.

« 13. Si cui datum est aliquid vendendum pretio, 823  
» v. g. infimo, vel moderato, et is vendat rigoroso,  
» probabile est, ut habet *Ang. v. emptio*, non teneri  
» restituere, sed posse retinere excessum, cum suâ  
» industriâ acquisiverit. Aliud tamen est de famulis  
» mercatorum, quibus indeterminato pretio traditur  
» meliori modo vendendum, quo possunt, in utilita-  
» tem domini: V. *Less. d. 18 C. Lugo d. 29 §. 9.* »

Quæritur, an traditâ tibi re ad vendendum, pretio designato, possis tibi retinere id quod plus ex ea retrahas? Certum est nihil te posse retinere, si sis famulus stipendiatus domini rei, sive pretio conductus ad vendendum. Alioquin, duo adsunt sententiæ: *Prima*, quam tenent *Bus. mox supra cum Ang.* et probabilem putant *Viva de Contr. q. 2 art. 3 n. 5 ac Mazz. t. 2 p. 122 q. 4.* affirmat posse retinere, si ex tua industria vendas ultra pretium assignatum, quia excessus ille non rei, sed tuæ industriæ fructus est. *Secunda* tamen sententia vera quam tenent *Less. l. 2 c. 21 n. 138. Lugo D. 26 n. 150. Sporer Complem. de 7 Præc. c. 5 n. 38. Ronc. de Contr. c. 9 q. 1 R. 2. Tamb. Dec. l. 8 tr. 3 c. 7 §. 9 n. 10. Tour. t. 1 p. 473. Conc. t. 7 p.*



293 n. 13. *Salm. c. 2 n. 72 cum Sylvest. Pal. Vill. et Fagund.* (qui apud Renzi de 7 Præc. c. 6 q. 10 primam sententiam putat improbabilem) negat te posse retinere illud pluris quod ex venditione retrahis. Ratio, quia assignatio illa facta est à domino ne infra, non autem ne supra pretium res vendatur. Excipiunt verò *Salm. n. 71 et Ronc. l. c.* consentitque *Croix l. 3 p. 2 n. 114* si dominus commiserit vendere in uno loco, et tu, factâ ibi diligentia, plus vendas in alio valde distante. Sed meritò id negant *Lugo l. c. v. Quarto, Spor. Tamb. et Tourn. ll. cc.* tunc enim tantum potes retinere pretium tui laboris, non autem totum excessum retractum ex re, quæ semper domino suo fructificat. Et idem dicendum sentio (quidquid dicant *Salm. n. 76*), si tibi aliter commiserit aliquid tanti emere, et tu minoris emas, adhibitâ diligentia extraordinaria; eo casu, præter valorem tui laboris, non poteris plus à Domino exigere, quam impendisti, cum ejus nomine, non tuo rem emisti.

Benè autem poteris excessum ex re vendita retractum tibi retinere in sequentibus casibus. I. si res tuâ industria sit meliorata, et ideò pluris vendas, ut concedunt *P. Conc., et Tourn. ll. cc. cum Salm. n. 71.* Ratio, quia, ut communiter docent *Mol. Dic et alii cum Croix l. 3 p. 2 n. 213.* fructus mixti, scilicet provenientes tam ex natura rei, quam ex industria, non debent restitui domino à possessore tam bonæ quam malæ fidei, nisi in quantum respondeant naturæ, non verò in quantum respondeant industriæ: fructus enim illi non sunt rei, sed hominis, occasione rei, vel per rem tamquam instrumentum sibi lucrantis. II. Si tacite cum domino conveneris, nihil te ei daturum ultra pretium designatum; ita *Lugo Disp. 26 n. 150 et Salm. cum Pol. Salas, Led. etc.* Quod utique intervenire asserunt, dum dominus pro tuo labore nullum assignet stipendium. III. Si lucrum sit parvi momenti, ut *Spor. et Tamb. ll. cc.* quia tunc facile præsumitur dominus consentire, ut modicum illud lucrum tibi retineas. IV. Si tu, factâ communi diligentia, et pretio majori non

invento, rem tibi emas, et postea pluris vendas, solvasque domino solum assignatum. Ità *Lug. dict. n. 150. v. Quinto, Less, c. 21 n. 139. Tourn. p. 174. Viva l. c. et Salm. n. 75. cum Vill. et Mald.* Et idem ait *Lugo n. 251.* si alter tibi commiserit aliquid emere tali pretio, et tu invenias rem pretio minori; poteris tunc rem tibi emere, et postea eam vendere illi alteri pretio majori, dummodo postea, adhibitâ diligentia ordinariâ, non invenisses occasionem rei emendâ, nisi illo majori pretio. Additque *Lugo n. 152.* tunc censeri, quod tu voleris rem tibi emere; aut vendere, quoties habueris animum retinendi tibi excessum, et simul assumendi periculum rei, si forte periisset. Id tamen benè advertit *Lugo*, non esse licitum Clericis, quibus interdicta est negotiatio, si ipsi ideò emant, ut postea non mutatam cariùs vendant, ut in *Dub. seq.* fusiùs declarabimus.

Quid, si tu gratis, te obtuleris ad vendendum, vel emendum? Nihil te posse retinere dicunt *Mol. D. 363. et Less. c. 21 n. 138.* Sed *Ronc. l. c. Spor. n. 41. cum Fagun. Tamb. n. 6.* dicunt: posse tibi retinere pretium tui laboris, si non habueris animum donandi; Sic enim fuisti quidem mendax, et non fidelis, sed non fuisti injustus, cum tuus labor jam pretio esset dignus. Et hoc probabilius mihi videtur, modò dominus jam priùs statuisset vendere rem illam, et modò alter non fuisset, qui gratis rem domino venderet.

« 14. Quando Sartoribus ementibus pannum pro  
» iis, quibus vestes conficiunt, minoris venditur, quàm  
» aliis, eo quod sint Parochiani mercatorum, vel sæpè  
» ab iis emant, possunt partem pretii remissam sibi re-  
» tinere dummodo aliàs fideliter agant, quia nulli  
» fit injuria: et cum mercatorum plurimum intersit,  
» ut talis ad ipsorum potiùs, quàm ad aliorum offi-  
» cinas veniant, censetur in ipsorum gratiam remit-  
» tere, iisque donare eam partem, *Filliuc. Dian. p. 1*  
» *t. 8 R. 26.* Negat tamen *Salas*, eo quod mercatores  
» falsò dicant se remittere, ut alliciant. »

Cautè igitur, ut benè advertit *Cont. Tour. t. 1 p. 464. v. Colliges*, permittendum est Sartoribus ementibus pannos

pro aliis, retinere aliquid de pretio; nam aliquandò mercatores reverà potius simulant ipsis donare, quàm donent, ità ut si dominus ipse adiret, pro eodem pretio rem obtineret. Cæterum; si Sartor fideliter negotium domini gerat, et mercator ei aliquid donet verè gratis, quia suam officinam ille frequentet, vel ut eum alliciat ad suam officinam frequentandam, licitè Sartor posset retinere donatum, modò moralem diligentiam adhibuerit ad emendum ab aliis mercatoribus pretio minori, ità *Tourn. l. c. Spor. de 7 Præc. c. 5 n. 37. cum Bus. mox supra, et Salm. c. 2 n. 76. cum Fill. Trull. Dian. etc.* Præterea advertunt *Salm. ib.* nihil posse exigere Sartores ob lucrum, quod iis cessat, cessando ab opere, causà adeundi mercatores ad vestes emendas; quandò ipsi ultrò ad emendum se offerunt; Hoc intelligendum, si alioquin alter non deesset, qui gratis domino emeret, ut diximus mox supra *num. antec. in fin.*

827 « 15. Cùm res duobus in solidum est vendita, is » dominium acquirit, cui tradita est, dummodò is » pretium solverit. Si neutri tradita sit, debetur ei, » qui prius tempore emit, et alter habet actionem in » venditorem. Si quid tamen vendatur, aut detur Ecclesie, vel aliàs piis locis, acquiritur dominium » antè traditionem. Vid: *Less. loc. cit. et Card. Lugo » d. 26 sect. 9.* »

Si res igitur sit vendita uni, et postea tradatur secundo emptori, istius fit. Excipe 1. nisi hic secundus emptor sit conscius prioris venditionis; Ità *Less. l. 2 c. 19 n. 142. cum Gloss: in c. Si tibi de Præb. in 6. P. Conc. t. 7 p. 267 n. 4. Salm. tr. 14 n. 10. cum communi;* Et hoc etiã si hic secundus emptor sit persona privilegiata, ut *Tourn. t. 1 p. 456. Conc. loc. c. Salm. ibid cum Less. et aliis communiter;* Tunc enim iste tenetur rem tradere primo emptori: sed non antè sententiam, si fortè ipse induxerit venditorem ad rem ei secundo vendendam, ut *Less. Salm. et Tourn. ll. cc.* Excipe 2. si primus emptor sit privilegiatus, nempe locus pius, aut Universitas; *Tourn. p. 455. Conc.*

p. 267 n. 4 et *Salm. n. 9*. Excipe 3. si res secundo sit tradita titulo gratioso, nam hic debet rem sibi traditam restituere emptori, qui jus habet ad rem, ex l. *Ignoti C. de Revoc. his quæ etc.* Hæc tamen restitutio non debetur, nisi alius emptor petat intra annum, ex l. 1. *D. Quæ in fraud. Ità Less. Tourn. et Salm. loc cit.*

« 16. Si res pereat antè traditionem, et sit certa, <sup>828</sup>  
 » ac determinata, v. gr. hæc domus, hoc dolium vi-  
 » ni, perit emptori, nisi aliter expressè conventum  
 » sit, aut venditoris culpâ pereat. Si autem res sit  
 » indeterminata ( ut si quis emerit 10. modios triti-  
 » ci ex granario, oves ex grege ) aut si emat rem de-  
 » terminatam quidem, sed ad mensuram ( ut acery-  
 » vum totum tritici uno floreno in singulas mensu-  
 » ras ), tunc antè rei traditionem, aut mensurationem  
 » periculum spectat ad venditorem. Vid. *Less. d. 12*  
 » *loc. cit. Card. Lugo, d. sect. 14 n. 216. Laym. l. 3 t.*  
 » 4 c. 17 §. 2. *Bonac. q. 2 p. 8.\** ( Excipe, si emptor  
 » sit in mora, ne res sit dimensa, ex l. *Lector D. de*  
 » *Peric. Nota tamen, quòd incrementum, et decremen-*  
 » *tum rei etià interminatæ spectet ad emptorem. Salm.*  
 » *c. 2 n. 13 cum Less. Bon. etc.)\*.*

» 17. Si res vendita pereat, aut deterior fiat post  
 » traditionem, perit emptori; licet pretium nondum  
 » persolverit, quia res Domino perit, *Laym. Bon. ll. cc.*

• Quæres 1., an, et quomodo liceat emere chiro- <sup>829</sup>  
 » grapha, seu credita alterius?

» Resp. Si credita inposterum exigenda ( sive jus  
 » quod habet alter, ut ipsi in futurum aliquid solva-  
 » tur ) sint certa, ea minoris emere, solutione anti-  
 » cipata, est usura, secluso tamen lucro cessante, et  
 » damno emergente, *Bon. d. 3 q. 3 p. 10. ex Mol.*  
 » *Less. Tol. Fill.* quia accipitur aliquid suprâ sortem  
 » ex mutuo; nam mutuatur implicite minorem pecu-  
 » niam pro exigenda majore. Dixi certa, quia si cre-  
 » dita sint incerta, periculosa, et litigiosa, at cum  
 » difficultate exigenda, licite is, qui non est causa  
 » istius difficultatis, minoris emit, prout difficultas,  
 » vel incertitudo solutionis minor est, vel major quia

» cum tali periculo, et difficultate minùs valent, *Bon. loc. cit. Trull. l. 7 c. 20 d. 8.* »

Creditum incertum, vel difficilis exactionis licitè potest minoris emi, etsi ementi sit facile illud integrè exigere: quia pretium sumitur à communi æstimatione, non ex circumstantia particularis ementis, ut dicunt ex *S. Th. 2. 2 q. 77 art. 1. Less. l. 2 c. 21 n. 78. Lugo d. 25 n. 84. Salm. c. 2 n. 156 cum Mol. Bon. Trull.* contrà alios. Sed in dubium revocatur, an creditum liquidum possit licitè emi minori pretio quàm infimo? *Prima* sententia affirmat, quam tenent *Caj. v. Usura, Arm. eod. v. n. 33. Nav. c. 17 n. 231. Sanch. Cons. l. 1 c. 7 d. 17. Tol. l. 5 c. 31 in fin Auctor in Add. ad Anacl. de vendit. q. VI. Tamb. Dec. l. 8 tr. 3 c. 7 § 8 n. 3 cum Dic.* et probabilem putant *Lug. D. 26 n. 95 adhæretque Az. t. 3 l. 7 c. 10 q. 5 v. In hac, cum Abb. in c. Ex parte de Alien. mut. et S. Bern. Sen. p. 2 Serm. 34. Diana p. 1 tr. 8 Res. 49 cum Sa, Malder. Philarcho, et Fab. item Innoc. Bannez, Trull. et Serra ap. Salm. c. 2 n. 159 refert Less. l. 2 c. 21 n. 66* sic docuisse Loyanii Cardinalem Bellarminum. Ratio, quia hic contractus non est mutui, sed emptionis, quia non emitur pecuniâ, sed actio ad illam; et ideò justum censetur pretium, quod communiter negotiatores pro talibus chirographis solvere solent. *Secunda* verò sententia negat, eamque tenent *S. Th. Opusc. 68. Less. l. 2 c. 21 n. 67. Lugo D. 26 n. 96. Salm. n. 160 cum Pal. Sylv. etc. Croix l. 3 p. 2 n. 984. Laym l. 3 tr. 4 c. 17 § 5 n. 33. Azor. loc. cit. Viva de Contr. q. 2 art. 2 n. 8. Spor. de 7 Præc. c. 4 n. 49* et alii plures. Ratio, quia actio ad creditum liquidum reverâ, cum nullum adsit periculum, aut sumptum pro eo recuperando, tanti valet quanti ipsa pecunia debita; undè emere vilius actionem illam anticipatâ solutione, quando nullum intervenit incommodum, est virtualis usura. Hæc sententia est quidem suadenda, ut communior et tutior, sed primam, tum ob auctoritatem DD. tum ob rationem, cum *Azor et Lay.* eam reprobare non audent ita neq ego, modo absit omnis animus usurarius; Res

enim naturales, ut benè ait *Petrocor. tom. 2 p. 348* pretium non habent, sed tanti valent, quanti ab hominibus aestimantur, ex *l. Pretia 62 D. ad l. Falc. apud Cabass.* Constat autem (ait *Laym.*) quòd, cùm talia chirographa ad venditionem exponuntur, minoris communiter aestimentur, quàm presentes pecuniæ, et hæc diminutio aestimationis oritur ex difficili exactione, à qua communiter præfata chirographa solent non esse immunia. Undè iidem *Lugo loc. cit. n. 99. Croix, et Spor.* licèt secundam sententiam sequantur, dicunt tamen, quòd ea speculative loquendo sit vera, sed non practice, nam in praxi communiter hujusmodi credita vix sunt libera à periculo exactionis, vel saltem à molestiis, et sumptibus. Cùm autem in praxi communiter hæc credita sint obnoxia hujusmodi periculis, et incommodis; idcirco non improbabile videtur, pretio ipsa decrescere juxtà communem hominum aestimationem et idèò minoris emi posse. Alia autem est ratio mutui, alia emptionis; ex mutuo enim nihil præter sortem exigi potest, nisi titulus, extrinsecus ipsi accedat; in emptione autem sola aestimatio hominum constituit, justum pretium rerum, hicque præbet titulum minoris emendi.

- » 1. Usuram committunt. 1. Ministri Regum, 83o
- » Principum, etc. qui, ut anticipatam faciant solutionem, aliquid accipiunt à creditoribus, 2. Qui aliquid accipiunt à debitoribus, concessa dilatione ad solvendum; quia accipiunt aliquid ultra sortem pro mutuo virtuali, *Con. loc. cit. Nav. Mol. Salm. etc.*
- » 2. Minoris emi possunt regulariter credita, et stipendia, sive salaria debita militibus, aut famulis nobilium, quia habent adjuncta incommoda, pericula, et molestias in exigendo, quam ob causam idem licet, etiãsi credita illa tempore præsentis, vel etiã præterito fuerint solvenda. *Bon. loc. cit. ex Regin. Mol. etc.*
- » 3. Si ipse est causa difficili solutionis, peccat contra justitiam emendo minoris, et tenetur ad restitutionem: tum quia ipse est causa damni, cùm

» ipsius culpa creditum valeat minus; tùm quia alio-  
 » quì præmium ex delicto suo reportaret. \* ( *Hoc*  
 » *certum est apud omnes, v. Salm. c. 2 n. 157.* ) \* *Mol.*  
 » *d. 313. Füll. Bon. loc. cit.* Hinc Quæstores Princi-  
 » pum, ad quos solutio pertinet, quandò ipsi sunt  
 » causa difficilis, et malignæ solutionis, non possunt  
 » chirographa, vel credita emere minoris, ut docent  
 » *Auct. cit. Additque Salas et Mol. l. c.* non esse libe-  
 » rum quæstoribus, etc. quibus incumbit solvere Ma-  
 » gnatum debita, uni potius solvere, quàm alteri  
 » ( nisi quis fortè jus præ aliis habeat: Vide suprà de  
 » ordine restit. ): sed tenèri omnibus solvere pro  
 » rata, *Bon. l. c. Vide Trull. l. c. d. 10.* »

## ARTICULUS II.

### Quid sit negotiatio, et quibus illicita?

831 Quando Clericis negotiatio sit graviter illicita?

832 Quid, si Clericus negotietur per alium?

833 Quid, si negotietur nomine alieno? Et Vide ibi sancitum  
 ex Bulla Benedicti XIV.

834 An liceat Clerico, aut Religioso emere animalia, ad ea  
 vendenda saginata in pascuis suis?

835 An liceat emere pecora ad ea saginanda ex pascuis alie-  
 nis?

836 An liceat emere agrum cum fructibus? An vendere ca-  
 rrius, ut ematur vilius? An emere lanas ad vendendum  
 pannum?

837 An liceat Clerico absolute negotiari pro necessitate sui,  
 vel familiæ?

838 An aliquandò Laicis negotiatio sit illicita? An liceat Cle-  
 ricis gerere negotia, sive procuraciones Secularium?

831. **R**ESP. Ea est, cùm quis rem sibi comparat eo  
 » animo, ut integram, et non mutatam \* ( *secus in*  
 » *melius mutatam. S. Thom. 2. 2 q. 77 ar. 4 ad 1* ) \*,  
 » carius vendendo, vel permutando lucretur. Quòd,  
 » quia obnoxium est periculo multorum peccatorum,  
 » et valdè distractivum, ac indecens statui Clericali,  
 » sic lucris inhiare, severe prohibitum est Clericis

» constitutis in Sacris \* (*Constitutis in Sacris tantum,*  
 » *ut Salm. c. 2 n. 37. Lugo D. 26 n. 25. Less. c. 21 n.*  
 » *4 et alii communiter, ex c. Secundum 6. Ne Cler. vel*  
 » *Mon. id affirmat etiam de Novitiis Tur. ap. Lugo,*  
 » *sed Lugo merito de hoc dubitat, quia Novitii in odio-*  
 » *sis non veniunt nomine Religiosorum) \* ; ita ut mor-*  
 » *taliter peccent \* (Ut habet communis (sed non con-*  
 » *tra justitiam). Et incurrunt suspensionem ; et excom-*  
 » *municationem, ferendae tamen sententiae ; Salm. ib.*  
 » *De immunitate gabellarum autem, vide Salm. l. c.) \* ,*  
 » *si multam negotiationi dent operam, ut ait Less.*  
 » *quem v. l. c. d. 1. Laym. l. 3 t. 4 c. 17 § 7. Bon. de*  
 » *contr. d. 3 q. 1 p. 5 C. Lug. d. 26 s. 3 n. 19. »*

Communis igitur est sententia, non prohiberi negotiationem Clericis in minoribus. Ita *Contin. Tourn. t. 1 p. 467 n. 1. Habert. t. 4 p. 288. Conc. t. 7 p. 279 n. 5. Lugo D. 26 n. 25 et Salm. tr. 14 c. 4 n. 37.* Dubitatur autem, an vetetur Beneficiatis in Minoribus ? Negant *Mol. D. 342 et Trull. apud Salm. l. c.* qui id probabile putant cum *Fill. t. 2 tr. 36 c. 1 q. 8 n. 20.* Sed melius tenendum oppositum cum communi sententia, quam tenent *Lugo D. 36 n. 26. Salm. Tourn. Conc. Habert. ll. cc. item Sa, Tap. Reb. Salas apud Lugo, ex c. Placuit 3 C. 21 q. 3* ubi prohibetur negotiatio non solum Presbyteris, et Diaconis, sed etiam Clericis: quod saltem de Beneficiariis in Minoribus intelligendum est; nec intelligi potest de Subdiaconis, cum in tertio saeculo, quo peractum fuit Concilium Carthaginense III. cujus est praefatus Canon, nondum Subdiaconatus ordo inter sacros connumerabatur; etenim adhuc tempore Urbani II. (qui vivebat anno 1031.) tantum Ordines Presbyteratus, et Diaconatus erant sacri, ut patet ex Conc. Benevent. *Dist. 60 c. 4 apud Tourn. t. 10 p. 250.* Ratio autem, cur Beneficiarii negotiatio sit interdicta, est, tum quia Beneficiarii ex officio debent Deo vacare, utpotè addicti Ministerio ecclesiastico, tunc quia ex Bullis Pontificum, ut asserit *Lugo*, Beneficiarii, non solum in Majoribus, sed etiam in Minoribus constituti, expoliantur



bonis acquisitis ex negotiatione; ergò etià iis negotiatio est interdicta. Sententia autem contraria, nescio quo valido fundamento nitatur.

« Si Clericus semel, iterumque tantum negotietur,  
» in materia non gravi, v. g. libros, cruces, etc. emat,  
» ut occultè iterum vendat cariùs, non est mortale.  
» *Less. Mald. Fill. Dian. C. Lugo l. c.* »

Non peccat graviter Clericus bis, vel per exercens negotiationem non turpem, nec in magna quantitate, quia Jura loquuntur de exercente. Ità *Less. l. 2 c. 21 n. 4. Lugo d. 26 n. 24. Salm. de Contr. c. 2 n. 38 cum Fill. Trull. Vill. etc. ex c. Multa 1. Ne Cler. vel Mon.* ubi prohibetur Clericis, *negotium injustum exercere*. Hinc, etià si semel in materia gravi negotietur, nec etià peccare graviter, probabiliter tenet *Caj. Salas, Delbene ap. Croix l. 3. p. 2. n. 1003*. Imò *Caj. Michael de Palao et Rod. ap. Salm. ib.* dicunt non esse grave, etià frequenter negotiari, quandò fiat sinè scandalo, et negotiatio non sit turpis, nisi præcedat monitio; sed *Salm.* hoc rectè inquit minimè admitendum, cùm jura antè monitionem graviter negotiationem prohibeant: monitio autem tantum requiritur ad pœnas incurrendas, non verò ut hujusmodi exercitium sit illicitum, cùm illud à lege interdicatur, utpotè statum Clericalem per se dedecens.

832 Notandum hîc ex Bulla *Ben. XIV.* contrà Clericorum negotiationem, edità Romæ 25 *Feb. an 1741* quæ incipit, *Apostolicæ*, statutum esse, quòd Constitutiones, et pœnæ contrà Clericos negotiantes intelligantur etià pro Clerico, qui non suo, sed alieno nomine quomodolibet illicitam negotiationem exercet. Item quòd negotia à Laicis incepta, si ad Clericum quovis titulo deferantur, statim sint dimittenda; quòd, si non possint dimitti sinè detrimento, permittatur continuatio, sed tantum ad tempus, et per interpositam Laici personam, ac de licentia S. C. Concilii (aut Ordinarii, si sit extrà Italiam); Aliàs incurret Clericus eamdem Spolii pœnam.

833 Plures autem AA. dicunt: non peccare graviter Cle-

ricos, qui per alios negotiantur, dantibus ipsis pecuniam, aliis ponentibus industriam; nisi eorum superintendentia esset tanta, ut ipsimet negotiari viderentur; ita *Salm. de Contr. c. 2 n. 38. Lugo Disp. 26 n. 36 in fin. cum Laymann et Castr. apud Croix l. 3 p. 2 n. 1009.* Sed hodie oppositum omnino tenendum ex Bulla Benedicti XIV. *Apostolicæ*, edita 25 Febr. ann. 1741 ubi statutum est: poenas inflictas adversus Clericos illicitos negotiatores, extendi etiam ad Clericos illicite (verba Bullæ) *sub alieno laici nomine quomodolibet negotiantes, perinde ac per seipsos, ac proprio eorum nomine negotia ipsa illicita exercerent.* Quod intelligitur (ut ipse Benedictus clarius explicavit de *Synodo t. 2 l. 9 c. 6 n. 4 et 5*) de Clericis, qui per laicos negotiantur, lucrum pro seipsis acquirendo. Quod patet sic esse intelligendum etiam ex eadem Bulla, ubi Pontifex immediate post relata verba declarat, quod bona sic à Clericis alieno nomine sibi acquisita ad spoliū poenam subijciantur. Præterea ex Bulla Regnantis Clementis XIII. *Cum primum*, data 27 Sept. ann. 1759 confirmatur Bulla Benedicti, et rursus expressè prohibetur Clericis, ne negotientur per interpositam personam, et præsertim ne per alios *cambium activum* contrahant. Insuper in hac Bulla Clemens præcipit, quod, etiāsi adsit necessitas Familiæ, Clericus nequeat negotiari sinè Dispensatione Sedis Apostolicæ, si sit intrā Italiam; Episcopi verò si extrā Italiam. Præterea addit, si de aliquo contractu negotiationis dubitetur, an licite possit à Clerico iniri, vel ne, *expeditissimam esse viam scribendi ad S. C. Concilii, quæ dubium decernet.*

- « 2. Non est negotiatio Ecclesiasticis, vel Religiosis 834
- » prohibita, si emanant pecora, quæ pascuis suis sagi-
  - » nata vendant, quia vendunt fructus suorum præ-
  - » diorum, vel agrorum, *Mol. Less. C. Lugo sect. 3 n.*
  - » 29. Uti nec si greges alant, ut foetus, lac, lanam
  - » vendant, *C. Lug. l. c.* Ubi tamen negant licere iis
  - » conducere agros, ut fructus vendant, eo quod (li-
  - » cet non sit negotiatio propriè dicta) specialiter il-
  - » lis sit prohibitum in *Concil. Carthag. 2 l. c.* »

835 Certum est non esse licitum Clericis vel Religiosis conducere agros alienos ad vendendos fructus. Ità cum *Bus.* ut suprà *Lugo de Contr. D. 26 n. 29. Less. l. 2 c. 21 n. 6. Laym. de Contr. c. 13 § 7 n. 40. Ronc. de Contr. c. 2 q. 4 R. 2 etc* Ratio, quia, (ut dixit *Bus.*) quamvis hæc propriè non sit negotiatio, tamen vetitum est à *Conc. Chalced.* (non *Cartag.*) ut habetur in *c. Pervenit 1. caus. 21 qu. 3* ubi sic dicitur: *Pervenit in S. Synodum, quia de eis in Clero connumerantur, quidem propter turpis lucri gratiam alienarum possessionum conductiones, et causas seculares suscipiunt; et seipsos quidem à ministeriis sanctis per desidiam separant; ad domos autem secularium concurrant, et substantiarum eorum gubernationes avaritiæ causâ suscipiunt. Decrevit igitur S. Synodus neminem deinceps eorum, sive Clericum, aut Monachum, conducere possessiones, aut Misceri secularibus procurationibus.* E conversò licitum est Clerico emere agrum cum fructibus jam maturis, et illos vendere, quia tunc vendit fructus agri proprii. Ità *Salm. loc. cit.* cum *Mol. Fill. et Bus.* ut mox infrà. Licitum esse etià emere pullos equinos, ut postea domitos vendat, dicit *Pal. tr. 16 D. 4 p. 13 §. 3 n. 3. cum Gutt. et Lassarte*; Sed hoc parùm mihi arridet.

An verò liceat Clerico emere pecora, vel porcos, ut vendat saginatos, vel ut foetibus, lacte, lanâ lucrum faciat? Communiter id admittunt DD. si in propriis prædiis animalia saginentur, vel alantur, ut *Less. l. c. n. 6. Lugo n. 29. Pal. n. 3. Laym. n. 40. Salm. n. 41. Ronc. l. c. R. 1.* Sed dubitatur, an liceat ea alere ex prædiis alienis, ut postea vendantur? Si ad hoc conducantur prædia aliena, censeo omninò dicendum, quòd non liceat, ex citato *Conc. Chalced.* (nisi alicubi contraria vigeret consuetudo). Ratio, quia, si ibi prohibetur conducere agros ad vendendos fructus, tantò magis videtur id vetitum ad animalia sanguanda. An autem liceat Clerico emere fructus alienorum agrorum ad animalia saginanda, et saginata vendenda? Generaliter loquendo, id concedunt *Viva de Contr. q. 2 art. 4 n. 7. et Salm. n. 34.* modò absit scandalum. Sed

negant *Laym. l. c. et Spor. tr. 6 c. 5 n. 102*. Verumtamen nequeo intelligere, cur hoc absolutè sit illicitum, cum ex una parte hæc non sit negotiatio; emere enim rem, ut in melius mutata carius vendatur, certum est non esse negotiari, sed *præmium sui laboris accipere*, ut docet *D. Th. q. 77 art. 4. ad 1. cum aliis*. Ex alia parte nullo Canone hoc vetitum invenitur. Et regula generalis est, licitum esse quodcumque non constat à Lege prohibitum, ut fusè probatum est *l. 1 n. 48*. Dicit *Laym.* hoc prohiberi, quia dedecet statum Ecclesiasticum. Sed respondeo, vel dedecet per se, vel propter scandalum aliorum: Quòd per se dedecet, nequit dici; nam si hoc esset, etiàm Clericum dedecet animalia saginare in prædis propriis, quod communiter DD. cum ipso *Laym.* permittunt. Si verò ob scandalum, ergò, secluso scandalo, non est illicitum.

« 3. Non peccat Clericus 1. Si emat agrum cum  
 » fructibus jam maturis, illosque vendat; quia ven- 836  
 » dit fructus agri sui; *Card. de Lugo l. cit. ex Molin.*  
 » *Filliuc. etc.* 2. Si id, quod ad proprios usus eme-  
 » rat, postea, quia non indiget, vel mutato consilio,  
 » carius vendat, *ibid.* »

Notandum est deinde, quòd, ut negotiatio Clericis vetita sit, requiratur animus vilius emendi, ut vendatur carius; undè licet eis vendere carius, ut emant vilius, *Salm. n. 42*. Sic pariter non est vetitum Clericis, vel Monachis aliquid emere ut consumant, et postea vendere, si pretium illius crescat, ut vilius simile emant, quia hoc non est propria negotiatio *talis commutatio* (ait *S. Th. 2. 2 q. 77 art. 4.*) non proprie pertinet ad negotiatores sed magis ad *Æconomicos, vel Politicos, qui habent providere vel domui vel Civitati de rebus necessariis ad vitam*. Item nec prohibetur iis emere plura pro securitate suæ provisionis, et quod semper est licitum etiàm carius vendere, quia emunt ne provisio deficiat, ut ajunt *Lugo D. 26 n. 32. Mazzott. tom. 2 p. 128*. Licitum etiàm est Clericis emere ferrum, ad vendendos gladios: colores, ad vendendas picturas: lanas, ad vendendum pannum; modo tamen ipsi pannum conficiant, non

autem per operarios conductos, quia aliter hoc valde accederet ad negotiationem; ita *Lugo n. 34. Salm. cum Mol. et Malder.* Et hoc affirmant, etsi lanæ essent propriæ; de hoc tamen dubitat *Lugo*. An verò liceat conducere equos ad eos locandos? Negat adhuc *Mol.* sed concedunt *Lugo, et Salm. n. 42.*

« An verò, et quomodo Clericis liceat negotiari per » alios non famulos, præsertim in necessitate? V. C. » *de Lugo d. 26 s. 4 n. 36. Trull. l. c. d. 19. Barb. de jur. un. l. 1 c. 40 art. 1. »*

- 837 Commune est apud DD. licitum esse Clerico negotiari pro sua vel suorum necessaria sustentatione. Ità *Less. l. 2 c. 21 n. 6. Lugo D. 26. n. 37. et Salm. c. 2 n. 39. cum Mol. Sa, Nav, etc. ex c. Multa 1. Ne Cler. vel Mon. ubi dicitur: Nec tamen justum negotium est contradicendum propter necessitates diversas etc.* Sed hic dubitatur, quænam necessitas requiratur, vitæ, an status? Nimis rigidè *Laym. c. 13 §. 7 n. 39* requirit necessitatem ad vitam sustentandam. Sed communius et probabilius *Pal. t. 16 D. 4 p. 13 §. 3 n. 8. Spor. tr. 6 c. 5 n. 102. Croix l. 3 p. 2 n. 1006 et Maz-zot. de Contr. c. 3 p. 127 in fin.* dicunt sufficere necessitatem gravem ad statum decentem, nempe si aliter Clericus cum sua Familia commodè sustentari nequeat. Ratio, tum quia Lex ecclesiastica non obligat cum gravi incommodo; tum quia prohibitio, cum facta sit ob decentiam status, non censetur prohiberi id quod necessarium est ad decentem statum servandum suum vel suorum.

- 838 Notandum est ultimò, quòd negotiatio, licet tantum Clericis prohibita sit, adhuc tamen laicis aliquandò illicita erit: nempe si unus, vel pauci mercatores emant in magna quantitate res necessarias ad victum, vestitum, vel ad usum communem civium, antequàm hi sufficienter de illis sibi providerint, ut postea vendant pretio majori, quàm juxta fori æstimationem venderentur. Ità *Salm. c. 2 n. 44 et 45 cum Trull. Sot. Sylv. etc.* Et addunt in hoc peccare eos contra justitiam, et tenèri ad restitutionem. Sed op-

positum non esse improbabile ait *Less. l. 2 c. 21 n. 151* cui adhærent *Palaeus. Mol. Dic. et Dian. ap. Salm.* dicentes, quòd isti potius peccent contrà charitatem, et contrà Justitiam legalem, non autem contrà commutativam; quia non peccant emendo, nec peccant non vendendo statim, cum nullus teneatur vendere res suas. Excipit tamen *Less. n. 152* si pretium, spectato tempore venditionis, esset irrationabile; sed vide dicta *n. 815*. Admittunt autem *Salm. d. n. 44. cum communi* posse mercatores vendere merces pretio majori, si emant eas, antequàm in Urbem invehantur. Sicùt etiàm admittunt, quòd dives in urgenti necessitate civium, possit emere frumenta, ut moderato lucro postea vendat, et sic eorum necessitati subveniat.

Valdè refert hìc ultimo loco quærere, an liceat Clericis gerere negotia, sive procuraciones Secularium? Certum est illicitum esse Clericis exercere officium Tutoris, Curatoris, aut Procuratoris pupillorum, item Tabellionis, et quaecumque aliud officium publici ministerii, ex quo teneantur rationes reddere de justitia, vel de bonis administratis. Et ob hanc causam tales Clerici fiunt irregulares ex *c. un. de Obligatione ad Ratioc.* Advertit tamen *Mazzot. de Irreg. t. 4. p. 463. cum Tamb. Ugolin. et aliis*, quòd, si à Clerico suscipiatur administratio post Ordinationem, non incurratur Irregularitas, cum hæc non inveniatur expressa in jure. Deindè advertunt *Salm. de Censur. c. 9. n. 63. cum Pal. Bonac. Cornejo, et Sayro*, quòd, ut Clericus, qui hujusmodi officia exercuerit, possit ordinari, sufficiat, quòd, deposita administratione, idoneam fidejussionem de gestis præbeat. Imò (ut addunt iidem *Salm. cum Pal. Suar. Bon. etc. ib.*) sufficit, quòd reddat rationes, et administrationem deponat, etiàsi debita non solverit. Communiter autem DD. cum *Salm. n. 74.* docent, quòd Administratores locorum piorum, aut viduæ, aut pupilli indigentis, qui causa pietatis tale onus susceperint, benè possint ordinari etiàm antè redditas rationes, argumento ex *c.*

1. *Ne Clerici, vel Mon. c. 6. q. 1. clariùs ex c. Peruenit, 1. Cap. 21. q. 3. acc. Indicatum 5. dist. 39.*

Ad quæsitum veniamus ; communiter docent *Less. l. 2. c. 21. n. 6. Pal. de Censur. D. 6. p. 13. n. 8. Bon. eod. tit. p. 4. n. 4. Salm. eod. tit. c. 9. n. 28. cum Suar. Laym. et aliis*, illicitum esse Clericis procurationem gerere personæ secularis privatæ non miserabilis, cum obligatione reddendi rationes, ut habetur ex *c. Sed nec 4. Ne Cler. vel Mon.* ubi sic dicitur : *Sed nec procurationes villarum, ut juris dictiones etiãm seculares. ... Clericorum quisquam exercere præsumat. Si quis autem adversus hæc venire tentaverit, quia contrã doctrinam Apostoli dicentis (ad Tit. 2.) : Nemo militans Dêo implicet se secularibus negotiis ; ab ecclesiastico fiat Ministerio alienus, pro eo quod, officio Clericali neglecto, fluctibus seculi, ut Potestatibus placeat, se immergit.* Ex præfato autem textu infertur 1. talem Clericum incurrere suspensionem ab Officio, sed non nisi ferendæ sententiæ, à qua excusabit ignorantia, etiãmsi fuerit crassa : cum ibi appositum sit verbum *præsumat*, quod importat commodam contumaciam per scientiam censuræ, ut dicemus *l. 7. n. 47.* Infertur 2. cum *Ronc. de Contr. c. 2. Reg. in praxi 5.* illum Clericum seriò increpandum esse in hac materia, qui ita se immergeret in hujusmodi procurationibus, ut sua ministeria cogeretur negligere, prout deducitur ex verbis textûs allati, *officio clericali neglecto, fluctibus seculi se immergit.* Hinc non auderem damnare de mortali Clericum, qui ob talem procurationem sua ministeria non negligeret : Maximè si id non faceret avaritiæ causâ, sed ad decentiùs statum suum et familiæ conservandum.

## DUBIUM IX.

Quid sit Contractus Censûs, et an liceat ?

839 *Quando census est licitus ?*

840 *An liceat census super personas ?*

- 841 *An pereat census, pereunte re censuata?*  
 842 *An liceat apponere in censu pactum assecurationis?*  
 843 *An sit licitus census redimibilis ex utraque parte?*  
 844 *An et quando liceat census vitalitius?*  
 845 *Quæ conditiones requirantur in Bulla Nicolai V?*  
 846 *Conditiones requisitæ in Bulla S. Pii V. Conditio I. Ut census constituatur super re stabili, et designatâ. II. Ut pecunia numeretur. III. Ut non fiat pactum de solutione anticipatâ. IV. Ne obligetur censuarius ad casus fortuitos.*  
 847 *Dub. hic 1. An, pereunte re, extinguatur census? Dub. 2. An reper certum tempus non dante fructus, debeatur pensio? Dub. 3. An, pereunte re specialiter designatâ, maneant obligata alia bona hypothecata? Conditio V. Ut censuarius non privetur rem alienare. VI. Ne apponatur pœna pro pensione non soluta. VII. Ne census creetur ex pensionibus non solutis. VIII. Ut censitor non possit pretium repetere, et ut censuarius possit redimere. IX. Ut non vendatur aliis census majori vel minori pretio.*  
 848 *An Bulla S. Pii obliget in conscientia?*  
 849 *Et an obliget; ubi non est accepta?*

» **R**ESP. Is est, cùm certa summa pecuniæ, v. gr. 839  
 » 100. florenis, emo à te jus percipiendi quotannis  
 » ex bonis tuis, aut certa aliqua re tua utili, sive  
 » fructifera certam aliquam pensionem, seu censum,  
 » v. gr. florenos 5. annuos, vel 6. prout consuetudine,  
 » vel lege taxatum erit: Ità ut hîc non sit mutuum,  
 » et usura, si aliàs pravam intentionem non habeas,  
 » sed vera emptio, et venditio quia emitur non præ-  
 » cisa ipsa pensio, sed jus eam percipiendi \* (*Ità*  
 » *Salm. cap. 4. n. 24.*) \*, quod longè minùs valet,  
 » ideòque minoris emitur; licèt post multos annos  
 » pretium longè superet. *Mal. Less. Laym. l. 3. t. 4.*  
 » *c. 18.* et cæteri communiter. Rectius tamen *C. Lugo*  
 » *d. 27. s. 2. n. 20.* probat, ad excusandum censum  
 » ab usura, dicendum esse, non emi pensiones, ne-  
 » que jus ad illas, neque fructus, sed potiùs partem  
 » usûs fructûs talis prædii, super quo census consti-  
 » tuitur; ità ut dominium totum directum prædii  
 » maneat apud venditorem, dominium verò utile,



» seu jus usûsfructûs ex parte vendatur : Undè sol-  
 » vuntur sequentes Casus , qui etiàm ex natura emptio-  
 » nis , et venditionis solvi possunt.

» 1. Hic contractus est injustus , si non servetur  
 » pretium justum à Lege , vel consuetudine proba-  
 » tum , quomodò pro Germania constituit Carolus V.  
 » ut jus ad 5. tantum pro 100 ematur.

- 84» 2. Non solum licitus est census realis , id est con-  
 » stitutus super re aliqua , ut suprâ dictum , ex cujus  
 » utilitate pensio extrahatur , ità ut ad quemcumque  
 » res transeat cum illa obligatione , et onere : sed  
 » etiàm ( saltem ex natura rei , et seclusa prohibitione  
 » legis positivæ ) personalis , et constitutus immédia-  
 » tè super persona , quæ suâ operâ , et industriâ uti-  
 » lis sit , et fructum aliquem pariat , vel bona in spe ,  
 » vel re habeat , undè pensio duci possit : alioqui enim  
 » jus , quod venderet , non esset pretio æstimabile ,  
 » et sic contractus fictitius. Ità probabiliter *Cov. Less.*  
 » *Salm. dub. 3. n. 2. etc.* contrâ *Næv. Mol. C. Lug. d.*  
 » 27. n. 25. ubi census merè personatum illicitum  
 » esse , docet esse probabilius , et prolixè probat :

An census personalis sit licitus de jure naturali ?  
*Prima* sententia negat , et hanc tenent *Lugo D. 27. n.*  
*25. cum Mol. Ang. Reb. Lop. etc. P. Concina t. 7. p.*  
*576. §. 3. cum Panorm. Næv. Sylvestr. etc.* Probant 1.  
 quia persona non potest vendi , ex *l. Ob æs alienum.*  
*Et l. seq. C. de Action. et Obl. ac c. 2. de Pignor.* Pro-  
 bant 2. ex *Extrav. 1. et 2. Martini V. et Callixti III.*  
 qui solos census reales approbârunt ; et clariùs ex  
*Bulla S. Pii V. in sua Extrav. de Censibus* , qui ex-  
 pressè statuit census super re immobili , et non aliter ,  
 constitui posse. *Secunda* verò sententia communior et  
 probabilior docet esse licitum. Ità *Less. l. 2. c. 22.*  
*dub. 4. Sot. l. 6. qu. 5. art. 1. concl. 4. Pal. D. 6. p. 11.*  
*n. 2. Abelly p. 376. n. 2. Merb. tom. 1. p. 354. q. un.*  
*Habert. t. 4. p. 324. Cabass. l. 6. c. 12. n. 5. Continuat.*  
*Tournely t. 1. p. 540. Wigandt tr. 9. Ex. 8. n. 4. R.*  
*1. Ronc. de Contr. c. 2. q. 4. R. 1. Anacl. eod. tit.*  
*dist. 3. q. 6. n. 78. et Salm. c. 4. n. 26. cum Cov. Bann.*

*Trull. Prad. Salas, etc.* Probatur 1. ex *Const. Nicolai V.* in sua *Extrav. de Censibus*, ubi videtur clarè approbari census super personis, ut notant *Pal. Tournely, Salm. et Wig. ll. cc.* Hæc sunt verba Bullæ: *Cum opportund contrahentium securitate, ac potestate vendentis, personas earumque proprietates, redditus, jura etc. census et omnia, et singula mobilia et immobilia bona obligandi, et obligari faciendi etc.* Idemque confirmasse Gregorium XIII. testantur *Palaeus, et Wiganet.* Probatur 2. ratione, quia, si quisque possit operas suas locare, potest etiam et vendere. In tali autem contractu propriè non emitur persona, sed impropriè, nam propriè emitur jus super industriam personæ. Sic ut enim in censu reali non emitur prædium, sed emitur jus super fructus percipiendos ex prædio; sic in censu personali non emitur persona, sed jus ad percipiendos fructus industriæ et laboris personæ. Nec valet dicere hujusmodi contractum esse quoddam mutuum virtuale; nam in mutuo cogitur mutuarius reddere eandem sortem, sed in censu capitale fit demortuum, et tantum reddi potest ad arbitrium venditoris. An autem sit licitus census personalis redimibilis ex utraque parte? Vide mox dicenda in *seq. n. 843.* Ad Bullas autem Martini V. et Callixti III. respondetur, quod ibi minimè reprobetur census personalis, sed quia ibi tantum agebatur de censibus realibus, de quibus quæsitum fuerat, an liciti essent; ideo Pontifices eos tantum approbarunt. Hinc bene ajunt *Cabass. l. c. Less. n. 47. Salm. n. 29. et 33. cum Pal. Sot. Vill. Prado, etc.* præfatas Bullas non obligare, cum non sint præceptivæ, sed tantum approbativæ conditionum in iis expressarum. In Bulla autem S. Pii V. præcipitur quidem non constitui census nisi super re stabili, non tamen declaratur census personalis illicitus de jure naturali. An verò hæc Bulla S. Pii sit ubique recepta? Infra videbimus *n. 848.*

- » 3. Iniqui sunt venditores, seu censuarii, qui emptoribus, sive censualistis obligant rem non potenter reddere fructus, saltem tot, quot pensio exi-

» git, aut reddentem quidem, sed jam aliis censibus  
 » venditos, *Bon. dub. 3 q. 4 p. 1 n. 9 et 13.*

841 » 4. Sicut in emptione res perit damno emptoris,  
 » sic etiam in censu reali, si res, super quam im-  
 » positus est census, pereat, vel fructus ejus absque  
 » culpa venditoris, tunc enim perit census, ita ut  
 » emptor, sive censualista non possit amplius reci-  
 » pere fructus, sive census: quia qui emit, suo pe-  
 » riculo emit, *Bon. l. c. Fill. c. 35 p. 2 n. 225. \* (V.*  
 » *n. 847.)* \* Unde ad hoc incommodum cavendum  
 » inventus est sequens modus.

842 » 5. Licitum est, ut probat *Tol. l. 5 c. 46 et Less.*  
 » *c. 21 d. 11.* contractui census adjungere aliud pac-  
 » tum assecurationis, ut si res, super quam fundatus  
 » est census, pereat, id fiat damno venditoris, ideò-  
 » que nihilominus obligatus sit vel super aliis bonis  
 » suis eum statuere, vel restitutâ sorte eodem pretio  
 » ridimere. Debet tamen hoc pactum venditori com-  
 » pensari, augendo pretium census, vel quod eodem  
 » recidit, minorem pensionem designando, *Bonac.*  
 » *l. c. n. 30. \* (V. infra n. 847. Dub. 2.)* \*

843 » 6. Ex natura rei licitus est non tantum census  
 » irredimibilis, sed etiam redimibilis, tum ex una  
 » parte, tum utriusque, ut patet ex terminorum ex-  
 » plicatione: quia irredimibilis census dicitur, cum  
 » venditor non potest illum pro suo arbitrio redime-  
 » re: redimibilis autem, cum potest, reddendo emp-  
 » tori eandem summam, quam accepit, atque ita rur-  
 » sus sibi emendo, quod antè vendiderat. Utrunque  
 » redimibilis dicitur, cum ita conventum est, ut tam  
 » emptor, quam venditor possit emptionem factam  
 » resolvere, et summam, quam dedit, repetere. *Less.*  
 » *d. 10. Dian. p. 2 t. 5 m. R. 76. \* (Vide dicta de pac-*  
 » *to retrovendendi, et reemendi sup. n. 812 et 813.)*

» 7. Nihilominus, quia contractus census redimi-  
 » bilis, ex parte emptoris, est res periculosa, suaderi  
 » non facile debet: nam in Constit. Martini V. et Cal-  
 » lixi III. PP. uti Caroli V. Imp. et usurarius con-  
 » tractus judicatur. Verum id intelligi debet secun-

» dùm præsumptionem fori externi : præterquam  
 » quod illæ Constitutiones multis locis eatenus non  
 » sunt receptæ, quatenus prohibent ea, quæ juri natu-  
 » rali non adversantur, ut notat *Laym. l. 3 t. 4 c. 18.* »

Quæritur, an sit licitus census redimibilis ex utraque parte? Adest duplex sententia probabilis. *Prima* sententia negat, quam tenent *Sot. l. 6 q. 5 a. 3 concl. 1. et Salm. c. 4 n. 41. cum Cov. Tap. Vill. etc.* Ratio, quia ubicumque traditur pecunia cum pacto eandem rursus recipiendi, est mutuum virtuale, undè, quidquid ex eo percipitur ultra sortem, est usura. *Secunda* verò sententia affirmat, et hanc tenent *Less. l. 2 c. 22 d. 10. Laym. l. 3 tr. 4 c. 18 n. 8. Pal. t. 6 tr. 32 D. 6 p. 24 §. 4 n. 2. Spor. de 7. Pr. c. 7 n. 21. item Val Salas, Diana, et a. S. Fausto ap. Sal. n. 40.* Hæc sententia, spectatâ rei naturâ, satis probabilis mihi videtur, modò observentur limitationes, quas adnotavi circa pactum redemptionis *n. 813*. Nam reverà non potest assignari ratio disparitatis in venditione prædiorum, et in hac venditione censuum. Gratis autem asseritur hoc esse mutuum virtuale; cùm hic contractus omninò differat à mutuo, in mutuo enim, si perit res oppignorata, mutuatario perit, hîc autem, si perit res censuata, censitori perit. (Vide omninò quæ diximus dicto *n. 813*.) Idque dicunt *Less. Laym. et Spor. ll. cc.* valere non tantùm pro censu reali, sed etiàm pro personali; quod non est improbable, si debita proportio servetur. Cæterùm, ut benè advertunt iidem *Lay. et Spor.* hujusmodi contractus non caret periculo usurariæ intentionis.

» 8. Census vitalitiis, quia est virtualis sponsio, <sup>844</sup>  
 » et nititur eventu fortuito, licitus est. *Fill. Dian. p. 7 t. 9 R. 70. \** (Et communiter *Less. c. 22 D. 6. Salm. c. 4 n. 28. cum S. Th. Pretium hujus census vitalitii constituitur juxta rationem ætatis et sanitatis: Hinc dicunt Bon. D. 3. q. 4 p. un. n. 18. et Cabass. l. 6 c. 12 n. 8. quodd, si censitor possit ad annum 60 pertinere, poterit quotannis exigere aureos 10. pro 100., Sed Less. l. 2 c. 22 n. 74. cui adhæret Croix l. 3 p. 2*

» *n. 123 et Mazz. t. 2 p. 142. dicunt posse exigere*  
 » *unum pro septem vel octo, quod importat in circà 12 vel*  
 » *14 per 100. Et alibi (in Auctar. v. Societas offic.) ait Les.*  
 » *posse exigere aliquandò usque ad 16. pro 100.)* \* »

845 Hic videndum, quæ conditiones requirantur ad licitam censuum constitutionem. De jure naturali, ut ait *Less. l. 2 c. 22 n. 74.* duæ tantum conditiones desiderantur: prima, ut sit æqualitas inter censum et pretium; secunda ut pacta præter naturam censûs adjecta, justè compensentur. De jure autem Canonico duæ habentur Bullæ, in quibus plures assignantur conditiones pro censibus instituendis. Prima est Nicolai V. incipiens *Solicitude*, edita anno 1452. pro utraque Sicilia: In hac approbatur census solitus institui in præfatis Regnis, etiã cum pactis et poenis appositis pro securitate; modò servantur hæ conditiones, I. Ut census constituatur specialiter super re certa, et generaliter super omnibus bonis censuarii. II. Ut adsit pactum retrovendendi eodem pretio. III. Ut pensio solvenda non sit ultrà decem pro centum. In hoc autem ait *Viva q. 7 art. 3 n. 14.* standum esse consuetudini locorum.

846 Secunda Bulla posterior est S. Pii V. quæ incipit *Cum onus etc.* edita ann. 1568. In hac plures aliæ conditiones præscribuntur; Et I. Ut census constituatur super re stabili fructiferâ, et designatâ: Undè excluduntur census personales, etsi cum hypotheca celebrentur, et ut veriùs tenent *Viva de Contract. Q. 4 a. 3 n. 4 et Salm. comm. c. 4 n. 41. contrà Nav. Lop. ap. Viva*, putantes in Bulla præscindi à censu personali. Res autem stabilis reputatur domus, ager et etiã officium perpetuum, et census perpetuus irredimibilis, unâ etiã redimibilis, ut contrà *Mol. et Az.* probabiliter tenent *Pal. p. 14 n. 3. BonReb. Aurt. ap. Viva l. c.* Notat tamen *Viva*, quòd, licet res debeat designari, hoc tamen non tollat, quin possint obligari alia bona ad securitatem pensionis, quæ tamen pensio utique periret, pereunte re specialiter hypothecatâ. Vide *n. seq. 847.*  
 II. Ut census ematur pecuniâ enumeratâ coràm

Notario, et testibus. Sed hîc quæritur 1. an hæc conditio non obliget in foro interno, ità ut liceat in conscientia constituere censum ex pecunia antecederet debità? Affirmant *Less. l. 2 c. 22 n. 80. Nav. de Usur. n. 88. Dian. p. 1 tract. 8 R. 44. cum Megala, Mald. Val. Jo. de la Crux, etc.* et probabile putat *Tamb. de Contr. l. 9 tr. 2 c. 6 §. 2 n. 4.* Negat vero *Pal. tr. 33 D. 5 p. 16 n. 8. cum Med Lop etc. item Mol. D. 390. Lugo D. 27 n. 83. cum Salon. Reb. et aliis pluribus.* Ratio, quia, cum Bulla sit justè constituta ad vitandas fraudes, si in aliquo casu particulari cesset fraus sive injustitia, non cessat tamen ejus periculum. Hæc quidem secunda sententia est probabilior, sed prima non videtur improbabilis, casu quo omninò abesset in casu particulari fraus aut injustitia: Licet enim probabilius sit Legem non cessare, cessante fine legis in casu particulari, contraria tamen adhuc videtur probabilis cum *Caj. Sylv. Ang. Val. Carden. Sa, Viva, Salm.* et aliis pluribus, ut diximus *l. 1 n. 199.* Si autem (loquendo in casu nostro) venditio rei frugiferæ per pecuniam creditam certè sit valida et justa, cur injusta censenda esset venditio censûs realis, quæ procul dubio vera conditio est, cum vendatur jus ad fructus fundi, in quo census constituitur, ut benè arguit *Lugo l. cit. n. 80. cum Sot. Salas*, ad probandum quòd jure naturali minimè sit illicitus census constitutus ex pecunia credita. Quæritur hîc 2. utrùm venditor censûs, si sit læsus in pretio, possit minuere pensionem, aut ipsam integram teneatur solvere, et censitor teneatur supplere pretium? Utraque videtur probabilis. Vide *Viva ib. n. 5.*

III. Ut solutio pensionis non fiat anticipatè, aut sic in pactum deducatur. Probabiliter tamen ait *Bon. de contr. D. 3 q. 4 p. un. n. 26. cum Mol. D. 390. Fill. Reb. Salas, Less. Az. et Salon.* quòd, si censuarius spontè vellet solvere anticipatè, hoc non prohibeatur ex Bulla. Illicitum est autem obligare Censuarium ad solvendam pensionem suis expensis in domo Censitoris, quia hoc onus esset extrà naturam contractûs,

ut rectè ajunt, *Viva q. 4 ar. 3 n. 6 et Bon. l. c. n. 35. cum Reb. Salas. et aliis*, contra *Rob. Intellige*, nisi propter hoc onus pretium minuatur.

IV. Ne obligetur censuarius ad casus fortuitos; Hinc, si res hypothecata perit, nequit Censitor petere, ut alia substituatur, secùs, si res reperitur aliena; vel si reddatur infrugifera culpâ censuarii, ut *Less. Nav. etc.*

- 847 Sed dubitatur 1. an, præcisa Bulla S. Pii, pereunte re, de jure naturali pereat etiâ census? *Prima sententia* negat, et hanc tenent *Pal. tr. 33. D. 6. p. 31. n. 3. cum Sot. Cov. Palac. item Salm. c. 4. n. 48. cum Salas, Mercad. Rodr. Martin. etc.* Ratio istorum, quia in censu præcipuè obligatio imponitur personæ, et accessoriè rei, quæ tantum obligatur pro hypotheca, sive pro assecuratione pensionis solvendæ; Hinc asserunt, quòd, pereunte re hypothecatâ, non pereat obligatio personalis censuarii. Sed venerando tot DD. auctoritatem, mihi omninò tenenda videtur *secunda sententia*, quam tenent *Less. l. 2. c. 22. n. 34. Lugo D. 27. n. 103. Tol. l. 5. qu. 39. n. 4. Mol. D. 383. et 394. dub. 3. Laym. l. 3. tr. 4. c. 15. n. 4. P. Conc. t. 7. p. 594. n. 4. Ronc. de Contr. c. 1 q. 4. R. 5. Anacl. n. 75. item Val. Reb. Med. Vill. etc. ap. Pal. n. 2 et ap. Salm. n. 47.* Ratio mihi potissima videtur, quia in censu realis pensio non super persona constituitur, sed super re; ad cujus fructus jus venditur; Undè *Lessius* rectè dicit falli *Sotum et Covarr.* dicentes, rem ibi obligari tantum pro hypotheca debiti personalis; Nam reverà in censu non obligatur res pro assecuratione pensionis solvendæ, sed venditur jus percipiendi fructus ex re censita: Hinc sicut, pereunte re, amittis jus servitutis quod super illa haberes, puta transeundi, colligendi glandes etc. Ità etiâ amittis jus percipiendi fructus per contractum censûs tibi acquisitum, et eo casu venditor ab omni obligatione liberatur. Ità *Less.*; Admittit tamen ipse *Less. ib.* et consentiunt *Spor. tr. 4. c. 6. n. 14. et Tamb. c. 4. §. 3. n. 1.* pactum adjectum solvendi pensionem, adhuc, re pereunte, susti-

neri posse , si contractui censûs adjiciatur alter contractus assecurationis , dummodò pensio illa proportionatè moderetur. Sed neque opinioni isti acquiescere valeo ; Licet enim probabilem censeam sententiam *Lugonis* , et *aliorum* , ut mox dicemus *v. seq. Dubitatur* 2. quòd liceat pactum exigendi integram pensionem, etiãsi fundus per aliquot annos non dederit fructus , modò pretium minuatur , quia per pactum illud virtualiter compensantur pensiones minores solvendæ annis sterilibus , cum pensionibus , quæ solvendæ fuissent pro annis fertilibus , et hæ relaxantur ; et sic jam adest æqualitas. Attamen in nostro casu , cùm pactum apponitur solvendi pensiones , etiã , re pereunte , nulla æqualitas esse potest , dùm pensiones solvendæ remanent in perpetuum ; fructus enim anteriores relaxati , quacumque relaxatione facta , non possunt adæquare pensiones , quæ in perpetuum solvi debent.

Dubitatur 2. an, si res per certos annos non det fructus , attentâ Bulla , debeatur integra pensio ? Negant *Less. l. 2. c. 22. n. 82. et Mol. t. 2. D. 390.* ex hac Bulla *S. Pii* , ubi prohibentur *conditiones directè vel indirectè obligantes ad pensionem in casibus fortuitis eum , qui aliàs ex natura contractûs non tenetur.* Sed probabiliter affirmant *Lugo D. 27. n. 71. cum Sot. Sa , Val. Salas , etc. item Nav. Bon. et Reb. ap. Viva l. c. n. 7.* modò compensetur pretio periculum , quod venditor in se suscipit. Ratio , quia licitum est contractui censûs realis adjicere alium contractum assecurationis , qui eo casu virtualiter censetur appositus. Pactum autem hoc assecurationis minimè videtur reprobatum à Bulla , nam Pontifex ibi prohibet tantùm pacta præter naturam contractûs qui celebratur. Quamvis enim in tali contractu pactum solvendi pensionem , etiã casu quo res non fructificet , non sit juxtà naturam contractûs censualis , est tamen juxtà naturam alterius contractûs adjecti assecurationi , ut dicetur infrà de Contractu Trino. Putat autem *Lugo n. 103.* quòd , si pars prædii facta sit infructifera in perpetuum ,



tunc non debeat integra pensio, etiãsi pars remanens reddat fructus sufficientes ad pensionem. Sed probabilius mihi videtur oppositum, quod decretum fuit in quadam Decisione Rotæ Romanæ (quam refert idem *Lugo n. 105.* idque non negat esse probabile), nempè, deberi totam pensionem ex parte prædii remanente, nisi fructus ejus ad pensionem non sufficiant, et ita tenet *Ronc. de Contr. c. 1. q. 4. R. 5. cum Duard.*

Dubitatur 3. An, pereunte re, specialiter designatâ, de jure naturali maneant obligata cætera bona venditoris in contractu generaliter hypothecata? Affirmat *Habert t. 4 p. 324 vers. Verum*, et videtur ei favere citata Bulla Nicolai V. ubi conceditur posse constitui census super re certa, et generaliter super omnibus aliis bonis venditoris. Sed mihi videtur probabilius negandum cum *Azor. p. 3 l. 12 c. 5 q. 5 et P. Conc. t. 7 p. 595.* Quia, pereunte tota re, totus census perit, juxta mox suprâ dicta *Dub. 1.* Nec obstat, quod in hujusmodi contractu soleant substitui omnia venditoris bona: Nam cautio hæc solùm valet ad reddendum fundum securum ab evictione, ut benè ait *Concina*, nempè si ille sit gravatus aliis censibus, vel fidei commissio, etc. Non autem, quod, si fundus pereat, census permaneat super aliis bonis. Et sic etiã intelligi, ait *Az.*, Bullam Nicolai. Dicit autem *Ronc. de Contr. c. 1 q. 4 R. 1* ad constituendum census satis esse designationem fundi, vel plurium aliquot fundorum in aliqua via, aut villa, quin necessaria sit designatio alicujus fundi in individuo, et testatur ita pluries decisum fuisse à Rota Romana, ex *Clericato in Decision. Miscell. Dec. 73 n. 8.*

V. Ut non privetur censuarius rem posse vendere, aut donare. Debet tamen iste, si vendere velit, monere censitorem, num velit ipse emere eodem pretio? Et ideò debet expectare per mensem: Vide *Viva n. 8 et 9.* Præcisa verò Bulla, licitum esse pactum non alienandi rem, dicunt *Salm. cap. 4 num. 49 cum Sot. Cov. Pal. Salm. etc.* Sed, quando tale pactum non adest, prædictam monitionem semper faciendam esse

asserunt cum *Val. Scl. et Pal. n. 50*. Imò semper æquum esse putant, ut censitor in emptione præferatur.

VI. Ne constituatur pro non solutâ pensione alia pœna, aut interesse lucri cessantis scilicet extrinseci. Puta, si præstandum erat triticum tempore, quo valebat duobus aureis, et reddatur tempore, quo valet uno, ut *Mol. et Hurt. ap. Viv. n. 20*. Sed jure naturali appositio pœnæ proportionatæ non est illicita, *Salm. n. 38*. Item de jure naturali ex dilatione solutionis benè potest exigì interesse; sed ex Bulla, ob fraudem usurariam nequit illud in pactum deduci, ut docet *Less. l. 2 c. 22 n. 85*. In foro tamen conscientiæ ob dilationem culpabilem tenetur debitor ad interesse etiàm extrinsecum, *Less. n. 83*.

VII. Ne ex pensionibus non solutis novus census creetur. An autem id sit illicitum de jure naturali? Benè ait *Lugo D. 27 n. 98* hanc quæstionem pendere ex aliâ suprâ enunciâtâ (vide dicta *n. 846 vers. II. Ut census*), nimirum an liceat constituere censum ex pecunia debita?

VIII. Ut censitor non possit pretium umquam repetere, et contrà possit censuarius semper redimere censum, facta denunciatione per bimestre. Pactum autem quòd census non possit umquam redimi à censuario, compensato pretio, per se non est illicitum, ità *Less. l. 2 c. 22 n. 26 et Salm. c. 4 n. 43*. qui ajunt: hoc omnes docere: Sicùt enim censuarius potest vendere fundum, vel servitutem, super illo in perpetuum, sic etiàm jus ad ipsius fructus; et ob eandem rationem licitum quoque est constituere censum cum pacto, ut non possit redimi, nisi infrà certum tempus, ut communissimè docent *Less. c. 22 dub. 9. Sot. lib. 6 q. 5 art. 3 Concl. 3. Pal. D. 6 p. 24 § 1 n. 4 et Salm. d. n. 43 cum Salas, Arag. et Reb. contrà aliquos: Modo (intelligendum) pretium proportionatè minuatur. Communiter etiàm docent P. Concina, et Salm. c. 4 n. 44 cum Lugo, Soto Pal. Prado, etc. (contrà Nav.) licitum esse pactum, ut census non per partes redimatur, sed*

totum simul : Justum enim est , ut sicut emptor totam summam numeravit ; Ità etiàm totam simul recipiat.

IX. Ut non vendatur aliis census majori vel minori pretio , quam ab initio constitutus fuit. De jure autem naturali certum est , ut dicunt *Salm. c. 4 n. 35* census non liquidum posse minori emi. Et etiàm , attentà Bullà , probabilissimum videtur hoc fieri posse , ut ait *Viva q. 4 art. 3 cum Less. et Mol. et Bon.*

- 848 Quæritur I. an hæc Bulla S. Pii obliget in conscientia ? Negat *Habert. t. 4 p. 324* (dicens Bullam obligare in solis locis Sedi Apostolicæ subjectis) *Salv. Census, n. 3. Megala 2. 2 l. 2 c. 7 q 2 n. 57.* item *Nav. Salm. Mol. ap. Bon. de Contr. D. 3 q. 4 p. un n. 45* et probabilem putant ipse *Bon. et Tamb. l. 9 tr. 2 cap. 6 § 2 n. 4.* Ratio , quia in foro interno illæ tantum conditiones requiruntur , quæ jure naturæ ad constitutionem censûs sunt necessariæ : Bulla autem est constituta ad tollendas fraudes ; undè , ubi fraudes absunt , Bulla non obligat in conscientia contrahentes , sed tantum Judices , ne in foro externo contractum admittant. Probabilius tamen affirmant præfatam Bullam obligare etiàm in foro interno *Salm. c. 4 n. 31. Lugo D. 27 n. 83. Bon. l. c. n. 46. Less. l. 2 c. 22 n. 100. et Viva de Contr. q. 4 n. 3. cum Salon. Trull. Hurt. et communi* , ut asserit. Ratio , quia , licet contractus ex rei natura non sit usurarius , lex tamen positiva benè potuit illicitum eum reddere ob periculum usuræ. Vide dicta suprâ *n. 846 v. 2 II. Ut census.*

- 849 Quæritur II. an prædicta Bulla obliget , ubi non est recepta ? Negant communiter *Less. c. 2 D. 13 Tournely t. 1 pag. 540. Mol. D. 395. Bon. p. 4 n. 43 Lugo D. 27 n. 61 cum Sot. Nav. Salas , et aliis.* Et sic tenendum censeo , quidquid dicant *Salm. l. 4 n. 32.* Ratio , quia , licet veriùs sit leges Pontificias non indigere subditorum acceptione , prout (contra *Less. l. c. et Cabass. Val. Bon. ac alios*) tenuimus *l. 1 de Leg. n. 97 in fin. et 138 cum Suar. Laym. Pal. Croix , etc.* Attamen communis est sententia , quod ,

ubi lex non est recepta, et per sufficientem desuetudinem est derogata, etsi primi legem non observantes peccaverint, præsentes verò ad eam non obligentur, ut tenent ipsi *Salmant. de Leg. c. 1 n. 106 cum Azor. Bonac. Granad. item Suar. l. 4 c. 16 n. 9. Pal. tract. 3 D. 1 n. 13 n. 5 et Less. loc. cit.* ubi cum *Cov.* asserit certum esse, quòd lex adhuc ecclesiastica desinat obligare, si per solum decennium non sit recepta, ut pariter diximus *d. l. 1 n. 139 cum Bus. Nav. et Az.* Bulla autem S. Pii non est recepta in duobus Regnis Siciliae, ut testantur *Less. l. c. n. 99. Salas ap. Viva l. c. item Verde Inst. Civ. de Censur. lib. 3 n. 2389 cum de Marinis, de Ponte, etc.* Nec est recepta in Hispania, ut dicunt *Salm. l. c. n. 32* Nec in Belgio, ut *Spor. tr. 6 c. 6 num. 11 et Less. ib.* Nec in Germania, ut idem *Less. Habert, ac Tanner. Ills. Phir. et Platell. ap. Croix l. 3 p. 2 n. 1010.* Neque in Gallia, ut *Less. et Platell. ap. Croix ibid.* Nec etià in Romæ observatur, ait *Tourn. pag. 541.*

## DUBIUM X.

## Quid sit cambium ?

850 *Quid sit Cambium, et quotuplex ?*

851 *An liceat Cambium minutum ?*

852 *An Cambium per litteras ?*

853 *An Cambium reale ?*

854 *Quid de Cambio ficto, seu sicco ? An liceat Cambium cum Recambio ? Quid de Cambio Francofurtense ?*

855 *An liceat pecuniam adulterinam expendere ?*

856 *An liceat famulo lucrari commutando pecuniam Domini ?*

\* **RESP.** Cambium, quod permutationem significat, <sup>850</sup>  
 » hic accipitur pro sola permutatione pecuniæ. Et  
 » est contractus, quo Campsor aliquis Campsario  
 » volenti cambit pecunias, cum lucro aliquo præter  
 » sortem. Quod, si sinè intentione usuraria fiat, ob  
 » titulos justos, tali lucro æstimabiles, patet non esse  
 » malum. Undè, cum quatuor sint cambiorum gene-

- » ra, nimirum 1. Cambium minutum; seu manuale,
- » 2. Cambium per litteras 3. Cambium reale, 4.
- » Cambium siccum, seu fictum; \*

*Circà ea resolvuntur.*

- 851 » 1. Licitum est Cambium *minutum*, in quo dantur  
 » pecuniæ minores pro majoribus, vel contrà: quia  
 » hîc sunt justi tituli aliquid lucrandi, nimirum labor  
 » Campsoris, in numerandâ pecuniâ, item diligentia  
 » in pecuniâ omnis generis conquirendâ, ut Camp-  
 » sariis quibusvis sit paratus; item puritas materiæ,  
 » et commoditas, ut cum aurum, vel alia moneta  
 » commoda datur pro minuta, et incommoda, *Laym.*  
 » *l. 3 t. 4 c. 19 n. 4\** (*Idque licet etiam eis, qui offi-*  
 » *cium cambiendi non habent, Salm. c. 4 n. 8 cum*  
 » *Pal. Nav.)\**
- 852 » 2. Licitum est item Cambium *per litteras*, cùm  
 » scilicet Campsor hîc, v. g., Monasterii prior accipit  
 » pecunias, quas postea litteris datis alibi, v. g. Fran-  
 » cofurti refundit per suos factores; quia hîc etiam  
 » sunt justi tituli, scilicet virtualis trajectio pecuniæ,  
 » et ejus assecuratio. Tantumdem enim facit, ac si  
 » Campsario pecuniam ejus Francofurtum transferat  
 » sinè periculo. Minus tamen Campsor exigere debet  
 » quàm si realiter transtulisset, *Laym. l. c. Bon. d.*  
 » *3 q. 5 p. 1. Nav. Less. etc.\** (*S. Pius V in Bulla de*  
 » *Cambiis, ad usuras amovendas, statuit non protrahi*  
 » *tempus solutionis cambii, nisi ad primas Nundinas;*  
 » *et solutiones esse faciendas ubi determinatæ sunt,*  
 » *ac juxtâ tempus communiter taxatum de uno alio*  
 » *loco. Vide Salm. c. 4 n. 12.)\**
- 853 » 3. Item licitum est Cambium *reale*, cùm Campsor  
 » hîc Monasterii prior dat pecunias, ut per suos ali-  
 » bi eas recipiat à Campsario, qui alibi habet pecu-  
 » nias, sed eget nunc eis hîc. Titulus hujus Cambii  
 » est item translationis, et assecurationis: tantumdem  
 » enim fecit Campsor, ac si pecunias Campsarii ab-  
 » sentes sisteret hîc præsentes, vel ut alii ajunt,

» ac si præsenti pecuniâ emeret absentem, quæ uti-  
 » que minus valet; *Laym. l. c. n. 6 et 7. Bon. l. c. \**  
 » (*Probabiliter ait Croix l. 3 p. 2 n. 1031 cum Less.*  
 » *Laym et Spör. quod licitè potest Campsor accipere*  
 » *lucrum cambii, esto translatio pecuniæ sit ipsi utilis,*  
 » *quid in communi æstimatione hæc translatio est di-*  
 » *gnia pretio, cum communiter in ea incommodum adsit,*  
 » *commodum autem Campsoris tunc per accidens se*  
 » *habet*) \*.

» 4. Illicitum est Cambium *fictum*, seu *siccum*,  
 » quod nihil aliud est, quàm titulus lucrandi; ut v.  
 » gr. Titius indigens pecuniis, petit à Campsore sibi  
 » dari 100. Campsor autem non aliter dat, nisi Fran-  
 » cofurti, v. gr. vel alio loco distante solvendos, pe-  
 » titque ab eo pretium quod solet dari pro locis si-  
 » milibus. Titius ergò accipit, et tamen verè non  
 » cogitat reddere in istis locis, imò forsan nec habet  
 » istic correspondentem, idque constat Campsori:  
 » contractus hic est Cambium fictum, ac reverà mu-  
 » tuum, ideòque palliata usura. Excusabitur tamen  
 » Campsor, si lucrum illud exigat titulo lucri ces-  
 » santis. Plura vide apud *Tolet. l. 5 c. 52. Bon. d. 3*  
 » *q. 5 p. 1.* »

Quæritur hîc, an sit licitum cambium cum recam-  
 bio, vulgò *Cambio collaricorsa*? Casus est: Tu accipis <sup>854</sup>  
 Neapoli centum nummos à Campsore solvendos in Si-  
 cilia, sed quia non habes ibi nec pecuniam nec pro-  
 curatorem, qui pro te solvat, rogas Campsorem, ut  
 tibi concedat procuratorem suum in Sicilia residen-  
 tem, ut nomine tuo solvat debitum ipsi Campsori cum  
 lucro Cambii, Campsor autem scribit ad suum pro-  
 curatorem, ut tamquàm procurator tuus solvat sibi  
 Campsori cambium cum lucro, et tamquàm procura-  
 tor ipsius debitum recipiat: At, quia tu non habes pe-  
 cuniam in Sicilia, procurator ille rescribit Campsori,  
 ut hîc exigat tuum debitum Neapoli cum alio lucro  
 recambii, *Tamb. l. 9. tr. 3. c. 5. §. 3.* dicit hunc con-  
 tractum probabiliter esse licitum citatque *Nav. Sa,*  
*Less. et Lugo.* Sed meritò hujusmodi contractum re-

probant *P. Conc. t. 7. p. 549. n. 2. Cabass. l. 6 c. 10. n. 7. et Spor. de 7. Pr. c. 6. n. 44.* qui ait saltem practice hoc esse cambium siccum duplicatum : Atque ego censeo etiã speculative, cùm reverà in eo casu neque tu intendas pecuniam acceptam restituere, nisi Neapoli ubi accepisti ; neque contrà Campsor intendit exigere pecuniam creditam, nisi Neapoli ubi tradidit, ut ità ex sua pecunia lucrum percipiat. Nescio quomodò à labe usuræ manifestæ id excusari possit.

» 5. Quod attinet ad cambium *Frankfurtense*, » in quo mercatores dantes Cambium ad proximas » nundinas, quo magis eæ distant, eo plus exigunt ; » si ideò præcisè plus exigatur, quia solutio diutius » differtur, usura est ; si autem ratione alterius tituli » justi, v. gr. lucri cessantis, cùm pecunia mercatorum sit instrumentum lucrandi, quo si diutius carent, carent lucro, et quo longius est tempus, eo » plus cambium petunt, ideòque crescit valor pecuniæ, tunc lucrum est justum. *Laym. l. c. n. 9. ex Mol. Less. etc.* \* (*Hoc cambium puto licitum, dummodo Campsor verè patiaturs interesse. Sola autem dilatio solutionis non erit certe causa justa augendi pretium, ut rectè notat P. Conc. t. 7. p. 557. n. 2.* ) \*

855 » 6. Qui cambiendò, vel aliter, pecuniam adulterinam accepit, sivè ex ignorantia, aut inadvertentia, non potest illam expendere : quia res vitiosa non potest tradi alteri, vitio non defecto, ut suprà *de Vendit.* Neque ex eo, quod ipse deceptus est, potest decipere alios, cùm actio, qua deceptus fuit, nullum ad hoc jus tribuat, *Bonac. d. 3. q. 5. p. 1. ex Azor. Sanch. etc.* »

Sed alii distinguunt : Si moneta non sit materialiter falsa, nempe si impressa sit signo Principis, et materia sit bona, ejusdemque ponderis, poteris eam expendere, cum nullum alteri inferas damnum : ità *Spor. de 7. Pr. c. 5. n. 30. et Croix lib. 3. p. 2. n. 960.* Si verò moneta adulterina sit etiã materialiter falsa, tunc certè non poteris illà uti. Dubitatur autem, an, si eam expenderis bona fide, tenearis ad restitutio-

nem? Negant *Sylvest. et Ang. ap. Dian. p. 3. tr. 6. R. 3.* qui probabile censet. Sed veriùs affirmant *P. Nav. ap. eundem Dian. et Croix l. c. Spor. ib.* qui ait in hoc omnes consentire. Ratio, quia tunc ad restitutionem teneris vi ipsius contractus, quo obligaris solvere justum pretium pro re empta; cum autem pecuniam stanneam pro argentea tradis, minimè justum pretium solvis.

Utrum famulus recipiens pecuniam auream à domino, ut satisfaciatur creditoribus domini, possit lucrari, illam cum aenea commutando? Affirmatur, quia est fructus industriæ; nisi sit contra expressam, vel tacitam domini voluntatem, *Salm. c. 4. n. 7. cum Lug. Pal. etc.*

## DUBIUM XI.

### Quid sit Locatio, et conductio?

- 857 *Vide diversos casus apud Bus.*  
 858 *Quando locator potest conductorem expellere ante tempus expletum?*  
 859 *An successor locatoris expellere possit conductorem?*  
 860 *An ob sterilitatem debeatur colono remissio pensionis?*  
 861 *An liceat pauperi elocare jus mendicandi?*  
 862 *An Nuncius proficiscens ad eundem locum, possit accipere à duobus duplicatam mercedem?*  
 863 *An conductor obligatus ad meliorationes, illas debeat facere expensis suis?*  
 864 *An debeatur salarium famulo ægrotanti? Et an expensæ curationis?*

• **R**ESP. Est contractus, quo quis personam, vel rem aliquam mobilem, vel immobilem alteri ad tempus utendam, vel fruendam concedit, certo pretio, aut mercede, seu pensione constituta. Utenda conceduntur, v. gr. elocata domus, equus, servus, etc. fruenda conceduntur, elocata vaccæ, capræ, fundus, pomarium, etc.



*Undè, consideratâ hujus contractûs naturâ, et jurisdispositione, resolvuntur sequentes Casus.*

- » 1. Si res locata antè traditionem pereat, contractus dissolvitur, et conductor liberatur.
- » 2. Si, absque culpa conductoris, usus, vel fructus rei cesseret, v. gr. quia domus ruinam minatur, infestatur spectris, vel ob periculum pestis (nisi tamen quoad hoc consuetudo sit contraria), aut belli, tutam habitationem non præstat, liberatur conductor à solvenda pensione pro tempore, quo non potest inhabitare, vel aliâ re conductâ uti, vel frui, ut v. ap. *Laym. lib. 3. t. 1. c. 23. Less. l. 2. c. 24. d. 2. etc.*
- » 3. Servo, aut laboratori conducto non debetur stipendium temporis notabilis, quo æger decubuit; nec ægro, nisi expensæ modicæ: nisi tamen aliter sit conventum, aut consuetudo ferat. V. *Sa, v. Conductio. \* (Vid. n. 864.) \**
- » 4. Propter modicum damnum, vel infortunium, nihil remittitur colono de pensione: secus, si magna sit clades. Quod si tamen antecedentium, vel sequentium annorum fertilitate damnum compensetur, non remittitur, *Laym. n. 7. Less. l. 2 c. 24 d. 4 \** (*Vid. n. 860*) \*.
- » 5. Si pluribus annis ob cæli clementiam (secus si ob industriam colentis) uberiores fructus ex fundo elocato proveniant, potest colono pensio augeri. *Laym. n. 8.*
- » 6. Expensas facere in rem conductam, quæ duraturæ sunt, verb. gr. conservare sarta tecta, tributa, et onera publicâ præstare, ad locatorem, seu dominum spectat; nisi aliter conventum sit, aut consuetudo ferat. *Laym. l. c. n. 4.*
- » 7. Si conductor in rem conductam necessarias, sive utiles expensas fecerit, potest eas de pensione detrahere, vel repetere à locatore, et dum non solvuntur, retinere rem conductam, *Laym. l. c. Mol. d. 496.*

- » 8. Etsi incendium plerùmque accidat culpâ  
 » inhabitantium , et sic in dubio contrâ illos præ-  
 » sumptio sit , quia tamen , sæpè id fit culpâ famu-  
 » lorum , quam paterfamilias præstare non cogitur ,  
 » hinc conductor absolvendus est , nisi locator os-  
 » tendat culpam. Vid. *Laym. suprà num. 6 et Dian. p.*  
 » 9 t. 7 R. 31 ubi ex *Haun. et Berl.* docet , si con-  
 » stet accidisse culpâ certi , et determinati alicujus  
 » de familia , isque circâ officium suum deliquerit ,  
 » v. gr. stabularii , qui lumen malè custodierit in  
 » stabulo , tenèri patremfamilias ( nisi famulus iste  
 » pro fideli , ac diligenti fuerit habitus ) de damno :  
 » secùs , si culpâ alterius : vel si non constet , utrùm  
 » casu , an culpâ cujusquam acciderit.
- » 9. Si conductor domûs , v. gr. antè tempus ve-  
 » lit emigrare , id quidem licet , potestque alteri  
 » locare : cæteroquì autem de pensione nihil ei re-  
 » mittitur.
- » 10 Locator non potest antè tempus præfinitum<sup>858</sup>  
 » conductorem invitum privare re conductâ , nisi  
 » his casibus : 1. Si pensionem non solvat ; expectare  
 » tamen debet biennium , si ultrâ biennium res sit  
 » conductâ. 2. Si casus improvisus accidat , ob quem  
 » domus v. gr. ipsi domino sit necessaria. 3. Si rem  
 » locatam reficere necesse sit , nec possit fieri altero  
 » in habitante. 4. Si conductor in re conductâ malè  
 » versetur , v. gr. destruat , vel abutatur , ut alendo  
 » ibi meretrices , *Laym. n. 9.*
- » 11. Successor universalis , sive hæres non potest  
 » antè completum tempus conductorem expellere :  
 » Partialis autem successor , ut emptor , donatarius ,  
 » legatarius , etc. non tenetur stare contractui loca-  
 » tionis , uti neque conductor ; nisi tamen aliter pac-  
 » tum sit , v. gr. ne res locata durànte tempore loca-  
 » tionis alienetur. Vid. *Less. l. 2 cap. 24 et Laym. l.*  
 » 3 t. 4 n. 22. »
- Commune est , et certum cum *Bus.* ut suprà ,<sup>859</sup>  
 quòd successor universalis non possit expellere  
 conductorem , ut communiter , dicunt *Lugo D. 29*

*n. 16 et Sporer de Præc c. 7 n. 23 cum alijs, ex l. Viam decima. C. de Locat.* Certum est etiã et commune, quòd possit eum expellere Successor particularis, uti emptor, legatarius, etc. *ex l. Emptorem. C. eod. tit.* Conductor autem habet eo casu actionem pro interesse contrà locatorem, vel ejus hæredem, *ex l. Qui fundum 25 ff. de Locat.* Excipiunt tamen *Spor. n. 34 et Croix lib. 3 p. 2 n. 1047* si ager jam esset à colono elaboratus, vel seminatus; quia (ut dicunt) non patitur æquitas, ut colonus jacturam illam patiatur. Sed dico hanc exceptionem esse contrà expressam juris sanctionem, cùm ex præfatis textibus Successor particularis habeat jus certum expellendi colonum: E conversò non video, quomodò lædatur æquitas, cùm colonus jam habeat actionem contrà locatorem, vel ejus hæredem, repetendi damnum; expresse enim in *c. l. Qui fundum*, (ubi sermò fit de legatario expellente colonum fundi legati) dicitur: *Et hoc detrimentum* (idest ab expulsionem proveniens) *ad hæredem pertinet.* Notandum autem hîc, quòd minor teneatur stare locationi sui Curatoris: Beneficiarius, sui prædecessoris: et uxor stare locationi sui Mariti. Vide *Croix lib. 3 p. 2 n. 1047.*

860 Quær. 1. an ob jacturam causâ sterilitatis possit colonus petere remissionem pensionis? De jure naturæ jactura sterilitatis per se spectat ad conductorem: ob æquitatem tamèn juris introductum est, si ingens sit damnum, ut aliquid remittatur; nisi sterilitas compensetur cum ubertate aliorum annorum, ut *ex l. 8 C. de Loc. et ex cap. Propter sterilitatem, de eod. tit.* ubi Gregorius IX in quadam sua *Extravag.* sic sancivit: *Propter sterilitatem efficiendo magno incommodo conductores, vitio rei, sine culpa coloni, seu casu fortuito contingente, colono Ecclesiæ pro ratâ pensionis remissio est facienda: nisi cum ubertate præcedentis vel subsequæntis valeat sterilitas compensari.* Hinc, si nulli fructus percipiuntur, nulla debetur pensio, ut docet *Lug. D. 29 n. 40 ex l. Si merces. §. Vis major. ff. de Locat.* Si autem aliqui fructus percipiuntur, ajunt

*Less. lib. 2 c. 24 n. 17 et idem Lugo n. 43 cum Cov. Bartolo, et aliis*, tunc tantum remissionem esse faciendam, quando, deductis semine, et expensis, non supersit quod sufficiat saltem ad solvendam dimidiam pensionem. Verumtamen putant *Croix lib. 3 p. 2 n. 1049 cum Laym et aliis*, in hoc servandam esse consuetudinem locorum.

Quær. 2. an liceat pauperi elocare jus mendicandi? <sup>861</sup>  
Affirmant *Sanch. Cons. lib. 1 c. 7 dub. 2 cum Henriq. et Spor. de 7. Præc. n. 23*. Quia ex una parte contractus est justus, cum utrinque æqualis sit sors lucrandi, et perdendi: et ex aliâ hoc idem esset, ac si pauper mediâ per alium eleemosynam peteret. Sed merito negant *Lugo D. 29 n. 9 cum Rodr. et Cord. Conc. t. 7 p. 629 n. 13 ac Croix lib. 3 p. 2 n. 1044*. Ratio, quia, tametsi hic contractus sit justus inter locatorem et conductorem, est tamen injustus respectu ad fideles eleemosynas dantes, qui pauperi tantum volunt dare, non conductori, qui non est pauper, ut supponitur. Nec valet dicere, quod Fideles mediâ dent pauperi; nam benè respondet *Croix*, quod vi juris empti ad petendum, conductor non jam petat nomine pauperis, sed nomine suo: Et ideò nec mediâ, nec immediatè eleemosynæ illæ pauperi dantur. Secus autem dicendum censerem, si pauper non posset petere per seipsum: quia hoc casu, licet eleemosynæ illæ hic et nunc non perveniant ad dominium pauperis, prosunt tamen, ut ejus subventio sic manuteneatur; aliàs non inveniretur, qui pro paupere illo loca circumiret, et sic pauper destitutus maneret.

Quær. 3. an Nuncius proficiscens ad eundem locum <sup>862</sup>  
licite possit accipere à duobus duplicatam mercedem  
De Aurigis ait *P. Conc. t. 7 p. 632* nullam esse difficultatem, quod possint, quia talis est consuetudo: De Nuncio vero opinatur æquum esse, ut dimidiam tantum mercedem exigat à secundo conductore. Et hoc videtur satis probabile, cum eo casu operâ illius pro itinere, quod non suscipit gratiâ illius secundi conductoris, non videatur valere, quanti valeret, si

pro eo solo iter susciperet. Cæterùm satis etiàm probabile est, quòd possit totam mercedem exigere, ut tenent *Less. l. 2 c. 24 n. 28* cum communi sententià, ut asserit idem *Concina*, et probabilem putat *Croix l. 3 p. 2 cum Laym. et Pal.* Ratio, quia, per accidens se habet, ut opera sua sit utilis duobus; de se autem ab unoquoque mercedem justam exigit, cùm unicuique se obliget ex justitia ad iter illud peragendum; quòd si non peragit, peccat quidem Injustitiæ contrà jus utriusque. Vide dicta *de Cambio n. 853 in fine.*

863 Quær. 4. an conductor obligatus ad meliorationes, illas debeat facere expensis suis? Negant *Mol. et Velsq. ap. Lug. D. 29 n. 69* Sed verius affirmat ipse *Lug. ib. cum Lop, et Croix lib. 3 p. 2 n. 1053* quia, cùm quis se obligat ad aliquid faciendum, per se censetur obligatus ad id faciendum suis expensis: sicut si quis se obliget ad solvendam pensionem in domo locatoris, tenetur quidem ad sumptus, ut illuc pensio transmittatur. Intellige, dummodò in contractu locationis detrahatur aliquid de ordinaria pensione, cùm hoc onus meliorationum alienum sit à natura conductionis. Cæterùm expensæ modicæ; et ordinariæ in re conducta faciendæ, regulariter spectant ad conductorem; extraordinariæ verò ad locatorem, ut *Croix l. 1. n. 1052 cum Spor. et Tamb.*

864 Quær. 5. An debeatur pensio famulo conducto ad servitium annuum, si ægrotet per aliquos menses, puta per trimestre? Affirmant *S. Antonin. Graff. etc. apud Croix lib. 3 p. 2 n. 1050.* Sed verius negat communis sententia, quam tenent *Lugo D. 29 n. 58 et Croix l. c. in fine cum Mol. Laym. et aliis.* Quia de justitia non debetur salarium pro obsequio non præstito. Putat autem *Azorius apud Lugo n. 60* tenèri saltem dominum ad præstandam famulo alimenta, et expensas necessarias pro curatione. Melius tamen dicunt *ib. Rebell. et alii cum Diana*, non tenèri nisi ad sumptus leves pro brevi infirmitate: Quinimo non immeritò ait *Lugo*, neque ad id obligandum esse dominum nisi fortè aliquandò ex charitate, casu scilicet quo

infirmus esset in gravi necessitate. Benè tamen excipit *Ronc. quæst. 3 R. 2* nisi alicubi esset consuetudo, ut domini teneantur ad totum stipendium, si famulus, ad annum conductus, per aliquot dies ægrotet.

## DUBIUM XII.

### De Contractu Emphyteusi, Feudi, et Libelli.

865 *Quid de Emphyteusi?*

866 *An debeatur pensio in gravi factura fructuum?*

867 *Quid de Feudo?*

868 *Quid de Contractu Libellatico?*

**R**ESP. 1. Emphyteusis est contractus similis locationi, in quo res immobilis, quæ culturâ possit effici melior, conceditur alteri, vel in perpetuum, vel non brevius saltem, quàm ad decennium; ita ut dominium ejus directum, et possessio civilis maneat apud dominum, qui tradidit in Emphyteusim, dominium autem utile transferatur in Emphyteutam, cum hoc onere, ut quotannis certum canonem, ut vocant, seu pensionem domino solvat; quam si totam solvere negligat 26 annis continuis in Emphyteusi Ecclesiastica (cùm scilicet res est Ecclesiæ, vel pii loci), vel in seculari 36. annis, incidit ipso jure in poenam commissi, ut dominus eum expellere possit \* (*Etiâ auctoritate propria, ut multi cum Pal. p. 10 n. 1 et 6. Sed Less. dicit præcedere debere monitionem. Vide Croix lib. 3 p. 2 n. 1062.*) \*, etsi in solutione interpellatus non fuerit: Licet enim *Bart.* et alii quidam *ap. Dian. p. 8 t. 7 R. 36* dicant, si per 30 vel 40 annos non solverit, eum præscribere immunitatem in futurum, id tamen *Wesemb.* et alii 5 negant, *V. l. cit.* Porro, quid juris sit in hoc contractu, pendet ex consuetudine locorum, quæ scripto instrumento concipi debet, ut valeat. Vid. *Lrym. lib. 3 t. 4 c. 23. Less. l. 2 c. 24 d. 9.*

866 Utrùm Emphyteuta debeat pensionem, quandò patitur gravem jacturam fructuum? Dicit *Pal. tr. 33 D. 9 p. 7 n. 5* de juris rigore, et consuetudine, integram pensionem esse solvendam, ex *l. 1 C. de Jure emphyt.* ubi sancitur, quòd, prædio manente in parte, solvenda sit pensio. *Less.* tamen *lib. 2 cap. 24 n. 49 et 50 ac Lugo D. 29 n. 88* rectè sentiunt hanc legem esse intelligendam, quandò pensio est modica respectu fructuum, et magis datur in recognitionem dominii directi, quàm ad fructus compensandos. Secùs verò, si sit magna et ferè æqualis fructibus, nam tunc ex æquitate deberet minui, vel fundo pereunte ex parte, vel magnà sterilitate adveniente. Utrùm autem Emphyteuta gaudeat privilegiis, quæ dominus directus in re habebat? Affirmant *Bart. Jason. Tiraq. etc. ap. Croix l. 3 p. 2 n. 1064*. Sed negant probabiliter *Less. Laym. Pal. etc. ib.* Ratio, quia, cùm transferatur in Emphyteutam utile dominium rei, res sit sua; undè, si nimirum ipse sit laicus, non potest gaudere privilegiis Ecclesiæ, ad quam spectet dominium directum.

- 867 » Resp. 2. Feudum est contractus similis Emphyteusi, quo res immobilis alicui conceditur, cum translatione dominii utilis, proprietate retentà, sub onere non quidem aliquid solvendi, sed exhibendi fidelitatem, et obsequium personale directo domino. Quod si tamen non faciat Vassallus (sic enim dicitur feudi acceptor), perdit feudum. Interdum etiàm in feudo aliquid persolvi debet in recognitionem dominii directi, sed tunc ex ea parte deficit à puro feudo, et declinat ad Emphyteusim: Porro, quid juris sit circa feuda, pendet item à locorum consuetudine: quæ juris communis sunt, v. *l. cit.*
- 868 » Resp. 3. Contractus Libellaticus, sive datio ad libellum dicitur, cùm Emphyteuta, vel Feudatarium rem illam, quam in feudum, vel emphyteusim, accipit simili contractu tradit tertio, (ad quod tamen, si in decennium fiat, requiritur domini consensus): ità ut sit quasi subfeudum, subemphyteusis. Ità *Less. d. 1 n. 6.*

## DUBIUM XIII.

## Quid sit Sponsio, et Ludus?

- 869 *Quid est sponsio, et an sit licita?*  
 870 *An liceat spondere circa peccatum committendum?*  
 871 *Quid ludus, et quando licitus?*  
 872 *An sit restituendum lucratum à filiosam. Aut Religioso?*  
 873 *Quid, si Religiosus ludat illicitè per licentiam generalè?*  
 874 *An Religiosus possit plus lucrari, quàm perdere?*  
 875 *An, si exponat majorem summam, quàm possit, teneatur restituere lucratum?*  
 876 *Quantum filiusfamilias possit exponere ludo?*  
 877 *Quando ludens cum deceptione teneatur restituere?*  
 878 *An valeat sponsio, si unus spondeat majorem summam, quàm alter?*  
 879 *An si unus rem certò sciat, et manifestet? Vide alia ibid.*  
 880 *An cogens alterum ad ludendum possit retinere lucratum?*  
 881 *An teneatur restituere præsciens se victurum ob suam peritiam?*  
 882 *An qui utitur astutiis licitis? Quid, si utatur illicitis, et quantum debeat tunc restituere? An liceat ludere precibus sacris?*  
 883 *Agitur de ludo vetito.*  
 884 *Quæ sint Leges hunc ludum prohibentes?*  
 885 *An, et quomodo peccent. I. Laici hoc lusu ludentes?*  
 886 *An peccet graviter ludens ob lucrum?*  
 887 *An victor ludo vetito possit retinere lucratum?*  
 888 *Quid, si impediatur Judicem, ne ipsum condemnet? Et an teneatur fateri veritatem Judici interroganti?*  
 889 *An possit retinere lucratum, si lusit animo repetendi?*  
 890 *An victus teneatur solvere?*  
 891 *Quid, si uterque renunciaverit legi?*  
 892 *Et an victus poterit petere relaxationem juramenti?*  
 893 *An victus possit sibi compensare solutum?*  
 894 *An possit transigere, si fictè minitetur repetere in judicio?*  
 895 *II. Quodad Clericos; quinam Clerici comprehendantur?*  
 896 *An certè peccent graviter Clerici ludentes frequenter, et in magna quantitate?*  
 897 *Quid, si solum frequenter?*  
 898 *Quid, si solum in magna quantitate?*  
 899 *Quando non peccent graviter, nec leviter?*



900 *An hæc procedant in omni ludo chartarum?*

901 *III. Quidam Religiosos; an, et quomodo peccent Religiosi hoc lusu ludentes?*

902 *IV. Quoad Episcopos, quomodo ipsi peccent?*

905 *An peccent graviter Clerici et Religiosi his lusuibus assistentes?*

869. **R**ESP. Sponsio est contractus, in quo duo de veritate, aut eventû alicujus rei certantes sibi invicem aliquid spondent, ut id ejussit, qui veritatem assecutus fuerit: v. g. certo tecum in imperialibus hanc vel istam civitatem obsessam, captam etc. Ut licitè fiat quær. 1. ut fiat super re dubia. 2. Ut sit æqualitas in re, quæ spondetur, cum æquali incertitudine. \*  
» (*Æqualitas tunc adest., quando res est proportionata*  
» *probabilitati alterius partis, Lugo D. 31 n. 77.*) \* 3.  
» Dubius eventus in utroque. 4. Ut uterque eodem  
» sensu accipiat id, de quo certatur, *Molín. Less. C.*  
» *Lug. d. 36 sect. 6.* »

Sed quæritur, an sint licitæ hæ sponsiones, vulgò dictæ *Scomesse*? Negant *S. Anton. p. 2 tit 1 cap. 25 §. 9. Sylv. v. Negotium, q. 4 in fin. et Concina t. 7 pag. 608 n. 21 cum Gabr. etc.* Ratio, quia leges civiles has sponsiones reprobant, nisi fortè fiant causâ exercendæ virtutis, puta in palæstra luctando, etc. Affirmant verò communiter *Azor. p. 3 l. 11 c. 19. dub. 1. Sanch. Cons. lib. 1 c. 8 dub. 32 n. 2. Lug. D. 31 n. 73. Tourn. t. 1 pag. 554. Ronc. de Contr. c. 3 q. 1. Wigandt tract 8 Ex 4 q. 20 R. 2. Salmantic. cap. 4 n. 74 cum aliis pluribus.* Ratio, quia hic est contractus fortunæ quo uterque spondens exponitur pari periculo jacturæ, et lucri. Neque verum est leges prohibere sponsiones, nisi fiant circâ corporis certamina, causâ odii, libidinis et similis: Aliæ verò sponsiones indifferentes potius approbantur, ut in *l. Si quis ff. de Verb. Obl. et l. Si pater. C. de Ineff. Test.* Hanc sententiam per se veram puto, quia sponsio per se est res indifferens. Tamen in individuo (cùm ex mea sententia non detur actio indifferens) regulariter censeo hujusmodi

sponsiones non excusari à peccato veniali, quia eis deest motivum cohonestans licitam recreationem, sicut habetur in ludo honesto. Et sic videtur intelligere S. Antoninus loc. cit. vocans tale lucrum *turpe*, utpotè *nulli deserviens utilitati, sed vanitati, et prodigalitati*.

Nemo autem dubitat quin reprobandæ sint sponsiones circa ingluviem, aut potum; vide *Lugo loc. cit.* Sic per Bullam Pii V. in *Eligendis etc.* prohibentur sponsiones circa dubiam electionem Pontificis, sive super ejus vitam et mortem, ut refert *Azor. l. c. c. 20. dub. 3.* Item testatur *Ronc. l. c. q. 2. R. 2.* Gregorium XIV. per aliam Bullam, quæ incipit, *Cogit nos*, ampliassse præfatam Bullam Pii etiã ad electiones Cardinalium, et adhuc extrã Urbem sub excommunicatione latæ sententiæ, Papæ reservatã, respectu ad electionem Pontificis; et respectu aliarum sponsionum, ipsæ annullantur in utroque foro, adco ut quisque teneatur ad restitutionem antè omnem sententiam. Sic etiã, ut testatur *Sanch. l. c. n. 4.* prohibentur sponsiones Scholasticorum Salmanticorum circa electiones ad cathedras.

Dubitatur 2. an sit licita sponsio circa peccatum committendum? Benè distinguit *Lugo. D. 31 n. 75.* Si sponsio est de peccato patrando ab alio tertio, illicita est, si spondens optet peccatum, vel opem ferat ad peccatum committendum. Itã *Lugo l. c. et Sanch. n. 6.* Advertunt tamen iidem *Lugo, et Sanch. cum Alcoz.* quod eo casu opstans peccatum, peccaret quidem, sed non teneatur ad restitutionem, quia læderet quidem virtutem quam lædi optat, sed non læderet justitiam. Si verò Sponsio est de peccato patrando ab uno ipsorum spondentium, licita erit, si tu v. gr. sponderes alterum commissurum esse peccatum, quia tunc sponsio eum avertit à peccato: Secus, si sponderes te commissurum peccatum, alterum non commissurum; quia tunc sponsio ad peccandum induceret.

Sed dubit: 2. an hoc casu, quod sic illicitè sponderes, tenearis ad restitutionem? Rectè negant *Lugo.*

n. 57. *Sanch. n. 8. Az. d. c. 19 dub. 7 et Ronc. c. 3 q. 2 R. 1.* Ratio, quia, licet spondendo pecces, non tamen lædis justitiam, cum tu non accipias tunc præmium pro peccato commisso, sed pro eventu jam successo juxta pactum sponsionis. Et in hoc consensit etiam *S. Antonin. loc. cit.* ubi ait: *Non tamen restituere oportet de necessitate; sed pauperibus erogandum, et hoc magis ex consilio, quam ex præcepto.*

- 871 « Ludus verò est contractus, quo ludentes inter  
 » se paciscuntur, ut victori cedat, quod uterque  
 » deposuit. Hi contractus jure naturæ liciti sunt,  
 » modò debitæ conditiones adsint, et aliundè non  
 » interveniat scandalum, aut juxta prohibitio, aut  
 » iniquitas se misceat, nec peccati sit occasio: quia,  
 » sicut quivis suæ rei dominus potest alteri eam  
 » donare absolutè, sic etiam sub aliqua conditione,  
 » sive ea fortuita sit, sive ex industria pendeat, *Less.*  
 » c. 26. d. 1. *Bon. d. 2 q. 3 p. 1.*

» 1. Qui rei dominus non est, aut alienare eam  
 » non potest, non potest etiam de ea ludere, aut  
 » disponere. Et sic deberet restituere, qui lucratus  
 » esset à religioso, et filiofamilias non potente  
 » alienare, *Laym. l. 3 t. 4 c. 21 n. 5.* »

- 872 Quod lucratur quis ludo a filiof. debet ei restituere,  
 nisi sit de bonis castrensibus, etc. vel nisi ludus sit  
 moderatus juxta decentiam; vel adsit tacita licentia  
 parentum, *Salm. de Contr. c. 4 n. 54* idem dicendum  
 de uxore, et Religioso, ut *Lug. Mol. Azor. cum Salm.*  
*de Rest. c. 6 n. 34.* Hoc tamen non intelligitur de  
 ludis illicitis vetitis à jure, à Regula, vel à Prælato,  
 uti sunt ludi alearum, et taxillorum, et consequenter  
 omnis ludus fortuitus, nisi fiat in parva quantitate,  
 et in illis Religionibus, ubi usus permittitur ad recrea-  
 tionem, ut *Salm. ibid. n. 95 cum Dic. Peyrin. etc.* At  
 in Religionibus reformatis talis ludus esset peccatum  
 grave propter specialem Regulæ prohibitionem, ut  
 communiter dicunt *Salm. ibid. cum Lugo, Diana*  
*Dic. etc.* Et tunc lucratum omnino restituendum ipsi  
 Religioso, vel Monasterio. Vide fusiùs infra dicenda

super hoc puncto n. 901. Ubi etiã agetur de quantitate, quam alii Religiosi possunt ludo exponere.

Hinc quæritur 1. si Religiosus, obtentã licentiã generali à Prælato expendendi aliquam summam, expendat in usibus illicitis, puta in ludis vetitis, aut cum meretricibus, etc. utrum tunc peccet contra votum paupertatis, et tam ipse, quàm accipiens teneantur ad restituendum Monasterio? *Prima sententia* cum *Salm. de Restit. c. 6 n. 85 cum Nav. Sanch. Less Sylv. etc.* affirmat: Ratio, quia talis licentia à Superiore nec præsumitur data, nec dari poterat, cum ipse non sit dominus, sed simplex administrator bonorum Monasterii. *Secunda tamen sententia*, quam tenent plures Auctores graves, ut *Suar. Lug. Hurt. Med. Salas, Lop. Pelliz. Reb. etc.* apud *Salm. ib. n. 84* quibus *Croix l. 4 n. 114* adhærere videtur, censet nec Religiosum tunc peccare contra votum, nec restitutionem Monasterio deberi ab ipso, aut ab accipiente. Ratio istorum, tum quia (ut ait *Croix*) tunc licentia habetur, ut data, non à Prælato administratore, sed à Religione domina, quæ in tali casu, licet sit invita quodã modum, non est tamen quodã substantiam; et Religio præsumitur (ut ait *Rebell.*) sæpè in eam consentire, ne periclitetur fama subditi, vel Superioris: Tum quia eo casu Superior aufert de se impedimentum, quantum potest; et ideò, cum universaliter licentiam præbet, non est cur credatur eam limitasse ad usus tantum licitos, ut dicunt *Croix, et Lugo cum aliis*. Sed his non obstantibus, censeo primam sententiam absolutè probabiliorem. Vide quæ fusiùs dicentur *l. 4 n. 31*.

Quær. 2. an Religiosus possit in ludo plus lucrari, quàm perdere? Distingue: Potest, si eodem jactu (exponendo v. g. quinque argenteos) totidem à quatuor personis lucretur; vel si ludus moraliter non interrumpatur; quia tunc, sicut posset amittere pecuniam jam lucratam, unã cum sua exposita, ita bene potest plus lucrari, saltem duplum suæ pecuniæ expositæ; *Sanch. l. c. 19 n. 33 et Valent. Reb. etc. cum*

*Salm. de Rest. c. 6 n. 97.* Si verò ludus moraliter interruptatur, vel si lusores sint omninò diversi, non potest pecuniam lucrata integrè exponere, quia illa non est sua, sed Monasterii. Concedunt tamen *Salm. ib. cum Lugo, et Villal.* non interrupti ludum, si de pluribus lusoribus unus substituatur alteri in eodem genere ludi; Aut si in altera die, urbanitatis causà ludatur cum iisdem. Idem de filiis familias docet *Sanch. Cons. l. 7 c. 8 D. 8 n. 2* et idem de similibus ait *Rebelius.*

25 Quær. 3. An Religiosus, qui sinè licentia exponit ludo maiorem summam, quam possit, teneatur restituere lusori summam lucrata uno jactu suprà illam, quam perdere poterat? Negant *Nav. Gabr. Armill. Graff. Tol. et alii ap. Sanch. Dec. l. 7 c. 19 n. 85.* Ratio istorum, quia contractus aliquando bene potest esse validus ex parte unius, et invalidus ex parte alterius, ut sunt contractus cum Pupillo, et Ecclesia sinè solemnitate initi, ex *l. Julianus. §. si quis. ff. de Act. empt. et cap. si quis 12 q. 2* Hanc opinionem *Sanch. n. 86* licet oppositam vocet longè probabiliorem, putat tamen probabilem: Sed ratio allata, nullo modo probabilis mihi videtur, in adductâ enim paritate supponit lex adesse in contractu æqualitatem, et tantum respectu deficientiæ solemnitatum favet Ecclesiæ, et Pupillo; At in casu nostro deficit æqualitas, et iustitia contractûs, cui nescio quomodo lex favere possit, cum sit in substantia injustus. Hinc adhæreo secundæ sententiæ quam tenent *Salm. de Rest. c. 6 n. 98 Sanch. cum Less. Villal. etc.* nimirum, quod eo casu omninò teneatur Religiosus ad restituendum; quia nequit lucrari tali contractu inæquali, et injusto. Et hoc congruit doctrinæ *Molinæ, Sanch. et Lugo ap. Croix l. 3 part. 3 n. 1079* qui rectè dicunt, quod, si quis lucretur exponendo ad ludum pecuniam furtivam, extrâ quam nil aliud habet, quod tradat, tunc teneatur restituere lucratum, quia contractus fuit nullus cum exposuerit pecuniam, quam collusor acquirere non poterat.

Dicunt tamen *Salm. n. 98 et Sayr. Henr. Salon. Sa,*

*etc. apud Sanch. n. 87.* quòd, si alter lusor sciât Religiosum, vel filiumfamilias non posse illam quantitatem exponere, tunc nihil repetere possit; quia volenti non fit injuria. Sed hoc verius negant *Salas apud Lugo D. 31 n. 59 et Sanch dict. n. 87 cum Soto, Lop. Reb. etc.* Ratio, quia ille, etsi colludat cupiditate ludendi attractus, non tamen censetur ita cedere juri suo, ut possit perdere, et non lucrari. Rectè tamen id admittit *Sanch. cum Lop.* solo casu, quo ex conditione colludentis, et ex parva quantitate ludo exposita, probabiliter præsumatur animus donandi; Vel si ipse colludens non animo lucrandi, sed recreationis gratia ludit, nec esset res magni momenti, ut etiã benè subdit *Sanch. cum Reb.*

« Si tamen filiusfamilias (et idem de religioso ait<sup>876</sup> *Nav. ap. Less. l. c. d. 1.*) alatur in distante loco à parentibus, poterit ex alimentis moderatè aliquid insumere in honestum lusum, v. g. 5 ex 100 quia talis communiter præsumitur voluntas parentum, ut habet *Sot. l. c. Laym. etc.* Ac prætereà potest etiã filius deponere quidquid lucratus fuerit, cum ad hoc etiã parens censeatur tacitam facultatem dare, *Laym. l. c. Bon. de Restit d. 1 q. 3 p. 2 n. 10 et seq.* »

Probabile tamen est, ut mecum senserunt Juniores valdè docti, quòd eò casu, si filius familias nolit solvere amissum in ludo, licitè possit exceptionem opponere, nec teneatur solvere, reservando aliquid ex alimentis. Utrùm autem filiusfamilias possit unà vice exponere, quod per totum annum perdere potest? Negant aliqui, sed probabilius affirmant *Sanch. et Diana.* Nec victor tunc tenetur inquirere, an filius poterit, necne, illam summam exponere, nisi sciât quòd iste soleat, cum aliis ludere. Ità *Sanch. Lug. etc. ap. Croix l. 3 p. 2 n. 1073.*

» 3. Tenetur restituere, quì vicit faciendo contra<sup>877</sup> conditiones ludi, et decipiendo; aut fraude, ac per injuriam alterum pertraxit ad ludendum; v. g. » si simularet se planè ignarum lusûs, et sic alterum

» multo imperitiores provocaret, qui alioqui ludere  
 » noluisset, aut si conviciis lacerasset, ad quæ vi-  
 » tanda alter consensisset in lusum, aliàs non con-  
 » sensurus, *Mol. d. 517 Laym. l. c. Bon. d. 2 q. 3 p.*  
 » 2 n. 3.

878 » 4. Si in re, quæ spondetur, sit inæqualitas, et  
 » hæc alteri parti (v. g. cujus pecunia major est) sit  
 » nota, isque nihilominus spondere velit, valet con-  
 » tractus probabiliter; quia scienti, et volenti non  
 » fit injuria, ut dicit *Navarr. Medin. Sanch. Dian.*  
 » Contrarium tamen probabilius docet *C. Lugo d. 31*  
 » *sect. 6. n. 81 ex Molin. Less. et Bon.* Si autem  
 » ignota sit, non potest alter lucrari; quia non est  
 » æqualis conditio utriusque, et alter nulli se expō-  
 » nit periculo. Vid. *Azor. p. 3 l. 5 c. 25 q. 7. Bon. d.*  
 » *5 q. 3 p. 2 q. 36 n. 3. Salas de ludo; dub. 13 num. 3*  
 » *Escob. et Card. Lug. l. c.* »

879 An valeat sponsio, si quis manifestet se certò rem  
 scire et, hoc non obstante, alter perseveret in spon-  
 sione? *Prima sententia* cum *Viva de Lugo art. 4 Salm.*  
*de Contr. c. 4 n. 64 et ibid Sanchez, Trull. Dian. Villal.*  
 affirmat valere quia alter suæ pertinaciæ detrimentum  
 imputare debet. Sed *secunda sententia* mihi multo pro-  
 habilior, quam sequuntur *Lugo D. 31 n. 83 et Croix*  
*l. 4 n. 1068.* tenet contractum esse nullum; pari mō-  
 do, ac si quis pertinaciter emere velit gemmam falsam  
 pro verâ. Tunc enim, quamvis venditor manifestet illi  
 veritatem, si tamen ille pro verâ emat, adhuc emptio est  
 nulla, cum ibi non alius contractus interveniat, quàm  
 emptionis; nec emptor animum habet transferendi  
 dominium suæ pecuniæ alio titulo, quàm emptionis;  
 quæ cum sit injusta, quoad substantiam, nulla est. Ex-  
 cipitur 1. Si ille, qui à initio certus videbatur de  
 aliqua re, postea, altero contradicente, ac spondere  
 volente, incipiat dubitare advertens jam aliàs se de-  
 ceptum deprehendisse, etiàm in iis quæ sibi certa ap-  
 parebant, tunc enim poterit lucrari. Ità *Lugo n. 79.*  
*Tourn. t. 1 p. 555. Ronc. de Contr. c. 3 q. 2 R. 2. Anactl.*  
*de Spon. qu. 9 n. 116. cum Molin.* Præterea ego ex-

ciperem, si sponsor deceptus suam assertionem haberet pro dubia, quia tunc sponte vult perdere: Quando enim credit certum, quod ipse asserit, tunc spondet, non quia vult cedere juri suo, sed quia decipitur, unde non habet voluntatem perdendi; sed quando alter prodit suam assertionem ut certam, et ipse de assertionem sua incipit dubitare, et tamen pertinaciter vult spondere, tunc cessat sua deceptio, et ipse verè vult perdere, casu quo res se habeat, ut alter asserit. Prout si venditor asserat gemmam esse falsam, et emptor jam dubitans vult pluris emere, etiamsi deinde detegatur falsa esse, benè poterit venditor pretium illud retinere.

« 5. Per se quidem, et jure naturæ licita est etiam sponsio de futuro eventu, qui damnum proximi conjunctum habet, v. g. Petrum intra annum moriturum (etsi enim detur occasio optandi, vel machinandi mortem Petro, id est per accidens: potestque idem periculum esse in censu vitalitio): jure tamen humano sæpè prohibetur, *C. Lugo l. c. n. 74.*

« 6. Etsi sponsio cum conditione illicita, v. g. plus altero potaturum, sit illicita, quia inducit ad peccatum; quod tamen ea lucratus es, non tenèris restituere, *Sanch. Lug. Diana p. 7 t. 9 R. 69.*

« 7. Probabile est, quod docent *Molin. etc.* dum quis, minis, vel convitiis ad lusum inductus est, et perdit, victorem non tenèri restituere, quia talis absolutè voluntariè lusit, *Ron. l. c. ex Mol. et Garc. contra Az. Less. Regin. Fill. etc.* communiter.

Quæritur igitur an, si quis cogat injuriosè alterum, ad ludendum, possit postea retinere quod lucratur? *Prima sententia* negat, quia damnum ex injuria secutum omninò est restituendum. Ità *Lessius l. 2 c. 26 n. 9*: qui vocat communem cum *Malder. Staph. et aliis apud Croix l. 3 p. 2 n. 1080.* *Secunda* verò sententia, quam tenent *Molin D. 516 cum Trull. Hurt. Dic. et Dian. apud Croix l. c. ac Garc. apud Less. n. 8* et probabilem putant ipse *Less. et Bus. ut supra*, affirmat



posse retinere, quia tunc non coactio, aut ludus, sed potius casus, aut peritia cogentis fuit causa damni: si enim, dicunt, iste cogens perderet jam solvere utique teneretur, et alter posset retinere, ut communiter docent *ib. S. Thom. S. Antonia. Less. etc.* Ergo vice versa, si vincit potest retinere. Hæc sententia, per se loquendo, mihi probabilior est (nisi collusor, qui coegit, superaret coactum in peritia ludendi; eo enim casu sentio, teneri ad restituendam saltem partem lucrati, juxta mensuram peritiæ, quæ præcelleret alteri). Ratio, quia contractus ille, non obstante injuriâ metûs incussi, fuit satis utrinque voluntarius, et validus, juxta communio rem sententiam relata *n. 717*. Neque obstat dicere cum *Tourn. t. 1 p. 553* quod eo casu teneatur cogens ad restitutionem, quia esset causa damni, cum ex ejus injuria alter damnum patiatur. Nam respondetur ex *D. Thom. 2. 2 q. 62 a. 7.* cujus verba retulimus *n. 562 v. Secunda*, quod irrogans injuriam, tunc teneatur ad restitutionem, quando injuria per se conjuncta est cum damno; sed in casu nostro damnum non est de se annexum injuriæ, cum metum passus, sicut perdidit, ita æquè poterat lucrari; ergo damnum non provenit ex injuria, sive ex metu incusso, sed ex infortunio et casu. Dixi *per se loquendo*, nam si metum passus petat restitutionem pecuniæ amissæ, rectè docet *Less. l. c. c. 26 n. 10.* teneri incutientem metum, lucratum restituere, juxta dicta *dict. n. 717 v. Quæritur 2.* Quid verò, si ille cogat tantum per preces importunas? *Sanct. Nav. Sylr. ap. Croix ib.* adhuc tenent eum non posse lucrum retinere. Sed longè probabilius contradicunt *Less. l. c. et plurimi cum Dian.* quia preces non tollunt voluntarium, sicut nec minæ, ut ex communi asserit *Bus. hic cum Bann. et Mol.*

Quid, si victus cogat injuriosè vincentem ad ulterius ludendum, et postea vincat aliud ultra amissum, an possit retinere? Negat *Croix l. 3 p. 2 n. 1080. in fin.* nisi victor ex more lusûs haberet jus cogendi alterum ad ulterius ludendum. Sed alii DD. ut *Adrianus, Tol. Mol. Garc. etc.* apud eundem *Croix l. c.* dicunt: non te

nèri eum ad restitutionem; Et hos sequor juxtà mox suprà dicta, nam idem est cogere ad ludendum, quàm ad ulteriùs ludendum. Potest tamen coactus, ut diximus, repetere quod post coactionem amittit.

» 8. Communior sententia est tenèri restituere, 881  
 » qui lusit, vel certavit, certò præsciens se victurum  
 » esse. Contrarium tamen, nempe non tenèri, dum-  
 » modò dolus abfuerit, tenent *Tol. et Sa, V. Con-*  
 » *tractus*, quia non tenetur quis ex justitia suam peri-  
 » tiam, vel scientiam adversario declarare? Sed is suæ  
 » temeritati impùtet, quòd ausus fuerit cum eo depo-  
 » nere, cujus scientiam non norat. *V. Bon. l. c. n. 4*  
 » *Dian. p. 7 c. 9 R. 62.*

» 9. Non tenetur restituere, qui utitur astutiis illis, 882  
 » quas regulæ lusûs, et consuetudo recepta pati-  
 » tur; cùm uterque sciat, tales astutias esse solitas,  
 » et sic tacitè in illas liberè consentiat, *Azor.*  
 » *Filliuc. Less. Bon. l. c. p. 2 n. 2. v. g. 1.* Si potiores  
 » chartas habens, et securus de victoria augeat spon-  
 » sionem, vel simulet metum, ut adversarius au-  
 » geat. 2. Si sciens se inferiores chartas habere, dis-  
 » simulet, augeatque sponsonem, ut sic relinquatur  
 » sibi, quod erat appositum, *Cardin Lugo, Salm. Sanch.*  
 » *Dian. p. 7 t. 9 R. 43.* 3. Si inspiciat chartas alte-  
 » rius, ex sola ipsius negligentia, et absque fraude;  
 » secùs, si ità se collocet, ut possit videre; vel si  
 » alium constituat, à quo admoneatur. 4. Si chartas  
 » à tergo discat nosse inter ludendum, quas antè non  
 » signarat, nec noverat, *Trull. Sanch. Lug. Dian. p. 4*  
 » *t. 9 R. 50 et 52.*

» 10. Qui verò utitur fraudibus non adhiberi so-  
 » litis, vel colludenti ignotis; v. g. suffuratur char-  
 » tas, vel signis à tergo notat, vel utitur notatis, aut  
 » iis, quas antè novit, ignorante socio, vel arte quâdam  
 » eas componit, etc. tenetur restituere non tantùm  
 » lucrum, sed etiàm quantùm alteri valebat spes lu-  
 » crandi, imò etiàm colludendi, *Reg. Amic. Trull.*  
 » *Dian. l. c. R. 42. vid. etiàm p. 4 t. 3 R. 25. et Bon.*  
 » *de Rest. d. 2 q. 3 p. 2.*

Certum est, quòd fraudator teneatur restituere non solum id, quòd lucratus est, sed etià quòd alter justè lucraturus erat, si fraus abfuisset : ità *Less. l. 2 c. 29 et Salm. c. 4 n. 58. cum Bon. Vill. et Trull.* In dubio tamen, an alter fuisset lucraturus, non potest quidem fraudans retinere lucratum, quia saltem est dubius, an justè lucratus sit : sed non tenetur quantitatem expositam alteri dare, quia melior est conditio possidentis : cum alter non erat certò lucraturus, ut dicunt *Less. l. c. et Salm. ib. cum Sylv. Dian. Villal. et Trull.* Sed melius sentit *Contin. Tournely t. 1 p. 552. cum aliis* ; tenèri ad dandum alteri, quantum valebat spes victoriæ, quam colludens cessante fraude habuisset ; Modò ( intelligendum dico ) in colludente potior fuisset spes lucrandi, quàm periculum perdendi ; Ratio, quia eo casu spes illa, quo alter per fraudem privatus est, jam aliquo pretio digna erat.

Qui lusit, quia fraudulentè monitus fuit ab altero, qui vidit socii chartas, certè lucrum restituere tenetur, nisi antè monitionem jam illum jactum ( vulgò *Posta* ) ludere statuisset. In dubio tamen, an fuisset lusurus, si monitus non fuisset, alii dicunt tenèri restituere totum lucratum ; Sed probabiliùs tenèri tantum pro ratà dubii judicat communis sententia cum *Croix l. 3 p. 2 et ib. Bon. Sanch et Dian.* Quid, si post monitionem adhuc eventus ludi esset dubius ? *Sanch. ib.* dicunt, non tenèri ad restituendum aliquid : Alii dicunt tenèri ad totum. Probabiliùs dico tunc tenèri etià pro ratà dubii, cum dubia sit illatio damni : Sed quia adfuit certa injustitia ob illam majorem fraudulentam probabilitatem vincendi, ideò tenetur ad aliquid. Nota hinc, non tenèri lusorem monere alterum de suo errore, puta, si det manum, si numeret pro se minora puncta, *Croix ib. n. 1043 cum Sanch.* Quia sic fert communis mos lusorum.

11. Si ludens habeat animum non solvendi, vel si perdat, repetendi, non potest lucrari, atque adeò nec retinere, quòd est lucratus, quia fraudulentè decipit, nec alter vellet cum eo ludere, si id sciret, *Less. l. c. d. 5. n. 31. Regin. n. 388. Bon l. c.*

» 12. Peccant graviter , et communiter mortaliter ,  
 » qui totos se lusibus tradunt , cùm sciant in gravia  
 » se inde peccata labi , aut impotentes reddi ad sol-  
 » venda debita , vel alendos liberos , et uxorem , etc.  
 » *Sanch. Trull. c. 17. dub. 1.*

» 13. Ludere pro Psalmo , vel Oratione Dominica  
 » recitanda non est peccatum , nec irreverentia , *Nav.*  
 » *Reb. Sanch. Dian. p. 7 t. 9 R. 1. \**

Quæritur hñc an liceat ludere precibus sacris , ap-  
 plicandis pro victore ? Negant *Habert , ac Lop. Vega ,*  
*etc. apud Conc. t. 7 p. 662. n. 4.* quia non licet miscere  
 sacra profanis ; imò dicunt esse simoniam , si vellent  
 victos civiliter obligare. Sed meritò affirmant licere  
 idem *Conc. l. c. et Tour. t. 1 p. 553 cum Henrico a S.*  
*Ignatio.* Ratio , quia malum quidem est adhibere spiri-  
 tualia propter profana ; adhibere verò profana prop-  
 ter spiritualia , licitum et bonum est : Idque probat  
 piorum usus. Siqut autem licitum est permutare spi-  
 rituale cum spirituale , ut diximus *de Simon. p. 105 n.*  
*72* sic etiàm licet , nec est simonia , invicem se obli-  
 gare ad præstanda spiritualia. Si verò unus luderet  
 pecunià , alter precibus , hoc certè esset simonia.

» 14. Peccat idem ludens , si lusus lege positivâ<sup>383</sup>  
 » sit prohibitus , ut lusus alearum , et similes , qui  
 » magis in fortuna , et casu , quàm in industria fun-  
 » dantur. At laicis ratione circumstantiarum sub ve-  
 » niali , clericis sub mortali prohibentur , *Less. l. 1.*  
 » *c. 26 n. 6.* Intellige , si clericus crebrò , perque lon-  
 » gum tempus luserit , non autem , si per brevè tem-  
 » pus , et causà recreationis , et absit scandalum ;  
 » quia Canones id prohibentes non videntur recepti ,  
 » nisi quatenus id fieret cum periculo scandali ; ut  
 » habet *Less. l. 3. tract. 4 c. 21 n. 1.* Notat autem *Dia-*  
 » *na p. 7 t. 9 R. 2 et ex Lug. Dicast. Amic. Trull. etc.*  
 » prædictis legibus per contrariam consuetudinem  
 » ità derogatum esse , ut non tantum laicus , sed etiàm  
 » clericus non peccet , si principaliter pro recreatio-  
 » ne , et simul pro lucro moderato ludat chartis , vel  
 » aleis : In Religiosis tamen ( apud quos disciplina re-

» gularis viget), uti et Episcopis, è peccato gravi excusari vix posse, *ibid. Resp. 4 ex Molin. Dic. Lug. etc.* etsi *Sanch.* conetur excusare, si urgeat necessitas, v. g. excitandi, aut recreandi infirmum, vel si parum ludat ob solam recreationem.

» 15. Si quis ludo tali vetito lucratus fuerit, juxta sententiam probabiliorem non tenetur ad restitutionem antè judicis sententiam: quia jura non annullant contractum, nec impediunt acquisitionem dominii, sed tantum concedunt, ut possit repeti. An verò, qui tali lusu perdidit, teneatur postea adhuc solvere? Alii negant; vide *Less. hic dub. 5. Mol. Reg. Fill. etc.* Alii affirmant ut *Azor. Reb. Val. etc.* apud *Bon. l. c. p. 3 n. 2.* Vide *Diana p. 2 tr. 7 R. 8 et p. 7 t. 9 R. 21.* »

684 Omnia hæc, operæ pretium est, singula fusiùs, et sedulius ad trutinam revocare. Antè omnia hinc prænotandæ sunt leges, quæ tam de jure Canonico, quàm Civili, prohibent ludos vetitos. De jure Canonico in *Can. 42 et 43. Apost.* qui refertur in *c. 1. Dict. 35* sic habetur: *Episcopus, aut Presbyter, aut Diaconus, aleæ, atque ebrietati deserviens, aut desinat, aut certe damnetur. Subdiaconus, aut Lector, aut Cantor similia faciens, aut desinat, aut communione privetur: Similiter etiã laicus.* Item in *c. Clerici de vita et Hon. Cler.* dicitur: *Ad aleas etc. taxillos non ludant, nec hujusmodi ludis intersint:* Item in *c. Inter dilectos. De Excess. Præl.* Pontifex declaravit, indignum Beneficio quemdam clericum *aleatorem manifestum*, et proinde consuetudinem talis lusûs in Clericis penitus improbat, eamque dixit *pravam, ac corruptelam.* Item, Conc. Trid. *Sess. 22 c. 1* quoad hanc materiam, et Clericos, antiquos Canones eorumque pœnas in usum revocari præcepit, non obstantibus quibuscumque consuetudinibus. De jure autem Civili in *l. Alearum. G. de Rel. et Sumptib. fun.* generaliter prohibetur lusus alearum, adeò ut nulli liceat in publicis, aut privatis domibus vel locis ludere, aut inspicere; Et si contra factum fuerit, nulla sequatur condemnatio (id est victi

ad solvendum), *sed solutum reddatur, et actionibus competentibus repetatur ab iis qui dederunt.* Idem sancitur in l. 1 et 3 C. de Aleatoribus. Idem statutum est jure Hispano pro ludentibus pecuniâ creditâ; Vid. *Salm de Contr. c. 4 n. 63.*

Hinc videndum, an et quomodo peccent Laici; 885 Clerici, Religiosi, et Episcopi, aleis ludentes. Et 1. quod ad *Laicos* pertinet, commune, et certum est inter DD. quod hujusmodi lusus non sit eis vetitus sub gravi, ut cum *Bus.* tenet *Santh. Cons. l. 1. c. 8. dub. 25 n. 5. Lug. de Just. D. 31 n. 9. Mol. de just. D. 510. Hurt. cod. tit. D. 8. diss. et Diana p. 7 tr. 8 Res 2* cum aliis communiter. Imò probabilissimum est cum *Büs.* quod, respectu ad leges suprâ relatas, Laici ne venialiter quidem peccent, ut dicunt *Less. l. 2 c. 26 n. 6. Spor. tract. 6 de 7 Præs. c. 6 et Sa, Val. et alii communiter ap. Croix l. 3 p. 2 n. 1086* Quia (ut dicunt AA. præfati) leges civiles prohibentes obligant laicos tantum ad pœnam, non verò ad culpam; datur enim ibi victis actio repetendi amissum, ut ex d. l. *Aleorum*, ut suprâ. Canon autem citatus *Episcopus*, quod ad laicos est consuetudine derogatus ut dicunt communiter DD. vide infrâ n. 895. Dixi, *respectu ad leges relatas*, nam, utrùm peccent venialiter laici ludentes principaliter propter lucrum? Negant alii ap. *Lugo n. 4.* Quia non est peccatum ordinare medium ad finem utilem; si ergò lucrum honestum sit utile, ludere propter illud, culpâ caret. Sed probabilius, præcis circumstantiis, puto cum *P. Conc. t. 7. p. 601 n. 3* non excusari à culpa veniali, quia (ut docet *D. Th. 2 2 q. 77 ar. 4.*) omnis negotiatio propter lucrum cupiditati deserviens, quamdam turpitudinem habet. Idque clarè probatur ex cap. *Quicumque*, 14 Qu. 4. ubi dicitur: *Quicumque tempore messis, vel vindemiæ, non necessitate, sed propter cupiditatem comparat annonam. hoc turpe lucrum dicimus.*

Sed dubitatur 1. an peccet graviter ludens Iudæo vel 886  
titio principaliter ob lucrum? Affirmant *Sylv. vers. Ludus q. 4 et Abul. Gabr. Ricch. ac Comit. apud Diab. 9.*

*c. R. 1 et Caj. S. Antonin. Gutt. etc. apud Sanch. l. c. c. 8 n. 7.* Quia (ut dicunt) esto intentio lucri non sit mortalis, quando ludus est illicitus, mortalis tamen est, quando ludus est prohibitus: quia in illo ludens intendit expoliare proximum medio illicito, Sed communiter, et merito negant peccare graviter *Sanch. dict. n. 6 cum Alcoz. Mol. D. 510. Lugo D. 31 n. 5. Hurt. D. 8 diff. 2 et Dian. l. c. R. 1 cum Val. Reb. et communi.* Ratio, quia intentio lucri non potest esse mortalis, quando ludus est talis, ut per ipsum valide transferatur dominium, eò quòd tunc ludens licito medio intendat lucrum, licet ludus, sive modus lucrandi sit illicitus. Imò *Lugo, et Diana*, probabiliter dicunt nec veniale esse, si ad honestum finem lucrum intendatur.

Dub. 2. an victor tali lusu teneatur restituere lucratum antè sententiam Judicis? Affirmant *Sylv. S. Antonin. Arm. Tab. etc. apud Sanch. Cons. 1 c. 8 d. 1 n. 2 ex dict. l. Aleorum*, ubi dicitur quòd, si victus solverit, solum reddatur, et competentibus actionibus repetatur. Sed negandum cum *Busemb.* et communi sententia, quam tenent *Laym. l. 3 tr. 4 c. 21 n. 3. Lug. D. 31 n. 60. Salm. de Contr. c. 4 n. 62. Sporer c. 6 n. 82. Croix l. 3 p. 2 n. 1086. Sanch. l. c. n. 3* (qui merito dicit hanc sententiam omninò tenendam) *Less. c. 26 n. 17* qui vocat veram cum *Sot. Mol. Med. Covarr.* et alijs communiter. Ratio, quia (uti patet ex verbis Legis, ut suprà) ibi non declaratur irritus contractus, sed tantum datur victo actio ad repetendum. Et idem dicunt *Salm. n. 63 et Lugo n. 67* de lege Hispana velante ludum ad creditum. Addunt tamen *Salm.* hoc valere solo casu quo victus liberè solverit, sciens ad id non tenèri; Sed *Lugo n. 67. Dian. l. c. R. 24 et Dic. ap. Croix l. c. n. 1087* probabiliter dicunt victorem posse retinere lucratum, etiàmsi victus ignoraverit posse negari solutionem: quia recepit ex contractu valido, et victus jam habebat obligationem naturalem solvendi, licet ex jure positivo potuisset exceptionem opponere.

Dub. 3. an, si victor impediatur, ne Judex eum obliget ad restitutionem, teneatur restituere? Respondetur affirmativè, si impediatur vi vel fraude; secùs, si alio modo. Ità communiter *Lugo D. 31 n. 62. Less. c. 26 n. 21. Sanch. dub. 2 n. 2. Mol. Disp. 514*. Quia victor non tenetur restituere, nisi post sententiam. An autem victor interrogatus à Judice teneatur fateri quid quid ludo vetito lucratus fuerit, et an aliàs obligetur restituere? Negant *Mol. et Sanch. ap. Lugo n. 63* et alii cum *Diana p. 7 tract 9 R. 27* et probabile putat *Less. n. 22* si id probatum non sit saltem semiplenè. Ratio, quia, cum victor examinetur criminaliter, ut puniatur privatione lucri in pœnam criminis, non tenetur fateri, quando crimen est occultum. Sed probabilius *Lugo n. 64. Less. dict. n. 21 et Croix n. 1090* affirmant. Ratio, quia hîc non agitur de punitione, sed de restitutione concessâ à lege, quæ est dispositiva in favorem eorum qui perdunt, non autem pœnalis; si enim esset pœnalis, restitutio non esset facienda victo, cum ipse etiàm particeps fuisset delicti, sed Fisco, vel pauperibus. Regula autem, quòd reus non teneatur fateri veritatem occultam Judici interroganti sinè semiplena probatione, ut docent *Less. l. c. et c. 31 n. 9 et Lugo n. 63* valet tantùm in causis criminalibus, non in civilibus.

Dub. 4. an, qui ludit ludo vetito cum animo repetendi in judicio, possit retinere lucratum? Negant *Less. c. n. 26 n. 31 et Mol. Reg. ac Dic. apud Croix n. 1088* quia tolleretur æqualitatem contractûs, cum eo casu possit lucrari, et non perdere. Sed probabilius affirmant *Lugo D. 31 n. 53. Sanch. l. 1 c. 8 dub. 5 n. 1 et Sporer p. 84*. Ratio, quia ex una parte contractus fuit validus, cum intentio non adimplendi minimè irritet contractum; et ex aliâ parte contractus remanserit æqualis, exceptio enim non solvendi utrique parti semper competeabat. Hinc, si iste lucratur, retinet ex contractu valido: si verò perdat, negat solutionem, utens beneficio quod lex ipsi tribuit.

Dub. 5. an qui ludo vetito perdidit, teneatur sol-



vere? *Prima* sententia valdè probabilis affirmat, et hanc tenent *Sayr. l. 9 c. 22 n. 21* item *Val. Bann. et Reb. apud Bon. de Ludo quæst. 3 p. 3 n. 2* et probabilem vocant *Lugo D. 22 n. 301 et Salm. c. 4 n. 62*. Ratio, quia jure naturali contractus fuit validus, et idè victus illi tenetur stare donec judicialiter exceptionem opponat, vel petat restitutionem. *Secunda* verò sententia communior et probabilior negat, eamque tenent *Sanch Dec. l. 2 c. 13 n. 144. Less. l. 2 c. 26 n. 24. Lugo Dict. D. 22 n. 300 et D. 31 n. 70. Viva de Ludo q. 9 ar. 4 n. 1. Salm. c. 4 n. 62 et Spor. tract. 6 n. 7. Præc. c. 6 n. 83 cum Nav. Tol. Mol. et Laym.* Ratio, ut dicunt *Salm. l. c. et c. 1 n. 71 ac Less. n. 24* quia in citata *l. Aleorum C. de Relig. etc.* videtur ablatam fuisse omnem obligationem solvendi adhuc naturalem, dum in ea sancitur, *ut victus non cogatur solvere*. At frustra (ajunt) diceretur ludentem non posse cogi ad solvendum, si in foro conscientiae alias cogeretur. Sed hæc ratio probaret enim quod ex tali lusa vincens teneretur antè sententiam restituere lucratum, quia, si victus obligationem naturalem non haberet solvendi, injustè ille reciperet; sed huic contradicit communis sententia, quam tenent ipsi *Salm. et Less.* ut vidimus suprà in dub. 2. Ratio igitur potior est, quia lex, nisi obligationem naturalem non auferat, cum tamen sit lata non tantum in poenam victoris, sed etiam in favorem victi, dando jus victo ad se defendendum exceptione vel repetitione soluti, dat etiam jus absolutum ad non solvendum; At quid enim is tenetur solvere, si potest solutum statim repetere? Hoc confirmatur ex *l. Creditari. 5 de Pactis*, ubi dicitur: *Frustrà solvitur quod statim repetendum est.* Idque probabile putat *Lugo, D. 31 n. 302* (contrà *Mol.*) etiamsi victus ob verecundiam non haberet animum excipiendi, vel repetendi in judicio.

890 Dub. 6. an, si uterque ludens renunciaverit beneficio legis, poterit victus negare solutionem? Rectè affirmant *Less. c. 22 n. 26 et Lugo D. 31 n. 65* si renunciaverint sinè juramento, quia beneficium legis

datum est in bonum commune, et ideo invalida est cessio ludentium. Benè tamen advertit *Lugo ib.*, quòd, si post solutionem fieret illa, cessio valida videatur et irrevocabilis; quia esset nova gratuita donatio independens à ludo. Si verò lusores renunciaverint beneficio cum juramento, rectè distinguit *Less. l. c.* et dicit, quòd si juraverint tantum se soluturos, tenerentur quidem solvere, sed poterunt postea solum repetere. Secus, si juraverint etiam non repetituros; quia, licet ludus sit vetitus, permissum tamen est et licitum solvere tali ludo amissum, illudque non repetere; ac ideo valet quidem tale juramentum, utpotè de re licita, ut mox videbimus in quæstione sequenti, contra *Salman.*

Quæritur enim, utrum eo casu possit victus petere<sup>892</sup> à Prælato relaxationem juramenti? Affirmant alii apud *Less. c. 26 n. 27* prout dicitur de Juramento de solvendis usuris. Sed veriùs negat *Less. l. c. cum Mol.* quia hinc intervenit contractus validus, qui non intervenit in pacto solvendi usuras. Dicunt autem *Salm. de Jur. c. 3 n. 6* prædictum juramentum solvendi amissum in ludo vetito, reverà non indigere relaxatione, quia est de re illicita contra bonum commune, cum ob commune bonum sint vetiti tales lusus. Sed benè contradicit *Sporer de Jur. c. 1 n. 21* dicens, verum esse, quòd juramentum contra id quod leges prohibent, per se sit irritum, ut probat *Palaeus D. 2 p. 8 n. 6*. Sed in nostro casu advertendum, quòd lex, quàmvis prohibeat hunc lusum, non prohibeat tamen sed benè permittat solvere perditum: Hinc concluditur, quòd juramentum ludendi lusu vetito esset quidem nullum, quia lusus est vetitus, et contra bonum commune; non autem est nullum juramentum solvendi amissum, quia hoc à lege non prohibetur.

Dub. 7. an victus, qui jam solverit, possit occultè<sup>893</sup> sibi compensare solum? Affirmat *Adrianus*, et probabile putat. *Angles apud Sanch. l. 1 c. 8 dub. 2 n. 5*. Sed oppositum est omninò tenendum cum *eod. Sanch. Arag. Met. Lop. l. c. Sporer tr. 6 n. 82. et Lugo D. 31.*

*n. 71. cum Sot. Led. et communi.* Ratio, quia dominium pecuniæ solutæ jam validè translatum est, unde repeti non potest, nisi coram Judice: Sed quid si victus repetat solutum, petendo rescissionem contractûs, et victor renuat restituere? Perpende dicta *n. 717.*

<sup>894</sup> Dub. 8. et ultimò utrùm, si victus fictè minitetur in judicio repetere solutum, possit titulo transactionis aliquid recipere à victore? Negant *Mol. d. 514. Bonac. de Ludo §. 3. n. 13. et Lugo D. 13. n. 72 cum Salas*, et fusiùs *D. 27 n. 167.* quia (ut dicunt) contractus ille transactionis factus est per dolum dantem causam contractui, scilicet per metum qui reverà non aderat deficiente animo repetendi; et ideò victus nihil potest accipere, et si accipit, tenetur restituere. Sed probabiliùs affirmant posse accipere *Less. l. 2 c. 17 n. 42. Sanch. de Matr. l. 4 D. 9. Pal. t. 1 tr. 2 D. 1 p. 10 n. 5. Dian. p. 3 tr. 4 n. 24 et Trull. ac. Dic. ap. Croix l. 3 p. 2 n. 1086.* Ratio, quia, licèt victus non habeat animum, habet tamen potestatem repetendi; quâ se privat imposterum per talem transactionem; et victor reverà non dat, ut illum animum deponat, sed ut cedat juri suo repetendi, proùt reverà cedit.

<sup>895</sup> II. Quod ad Clericos verò pertinet, aliter res se habet quàm quòad Laicos. Sed prænotandum, quòd Canones velantes ipsis ludos alearum afficiant solos Clericos in Majoribus constitutos, et Beneficiatos, ut dicunt communiter *Roncag. de Ludo c. 1 q. 3. Lugo de Just. D. 31 n. 12 cum Less. et Salas*, item *Sanch. Cons. l. 1 c. 8 dub. 28 n. 8 cum Nav. et Lop. contrà Alcoz.* Ratio, quia (ut ajunt) Canon *Episcopus*, in principio relatus, quòad alios Clericos saltem ex consuetudine derogatus est sicùt quòad Laicos. Quòad Beneficiatos autem vide dicta *n. 831 v. Communi.*

<sup>896</sup> At dubitatur 1. an prædicti Clerici in Sacris, aut Beneficiati peccent graviter, aleis ludendo frequenter et in magna quantitate? *Salm. de Contract. c. 4 n. 60* quàmvis probabilem putent sententiam affirmativam, negant tamen hos peccare mortaliter, cessante scandalo. Ratio eorum, quia præfatæ leges vel ab initio

non obligarunt, nisi ad poenam, vel ex consuetudine sunt abrogatae; et citant pro sua sententia *Sanch. Less. ac alios, Apud Dianam*; Sed *Sanchez Less. et alii apud Dianam*, ut infra videbimus, expressè oppositum tenent. Undè omninò dicendum ipsos peccare mortaliter cum communi sententia, quam tenent *Sanch. d. dub. 28 n. 7. Less. l. 2 c. 29 n. 6. Spor. tr. 7 in 7. Præc. c. 6 n. 80. Mol. D. 512* en alij infra citandi: Ratio; tùm quia juxta Canones (ut pro certo habet *Dian. p. 7 l. 9 R. 3*) damnantur de mortali Clerici publicè et frequenter aleis ludentes; tùm quia, licèt Canones prohibentes hodiè non sint in tota sua observantia (ut concedunt *Less. et Lugo ll. cc. ac Fill. tr. 37 c. 4 n. 59*) tamen non sunt omninò aboliti, cùm lusus alearum de ipso jure naturali notabiliter dedecet statum ecclesiasticum, ut mox dicemus dubio sequenti.

Dub. 2 an peccent graviter Clerici frequenter ludentes aleis, etsi in parva quantitate? *Prima* sententia negat, quam tenent *Sylv. v. Ludus, q. 4. Nav. Sum. c. 19 n. 12* item *Abb. S. Anton. Gut. Lop ap. Sanch. dub. 28 n. 6*. Ratio istorum, quia frequentia ludendi, licèt aggravet peccatum, non tamen mutat speciem, ut de veniali reddat mortale. Affirmat verò *secunda* sententia communissima, quam sequimur, et tenent *Cajet. 2. 2 q. 168 ar. 3 dub. 3. Ang. v. Ludus, n. 4. Arm. eod. verb. §. 4. Hurt. de Just. D. 8 diff. 3. Viva de Contr. q. 9 ar. 4 n. 6. Sanch. l. c. n. 7 cum Alcoz, et Palac. Laym. l. 3 tr. 4 c. 21 n. 1. Mol. D. 512. Less. c. 26 n. 6. Roncag. de Ludo c. 1 q. 3 R. 2. Spor. l. c. n. 80 et Dian. cum aliis dict. Res. 3 et p. 4. R. 183* ubi vocat hanc sententiam communem, atque ab ea non discedendum. Idem sentit *Bus.* ut suprà (modò tamen ludus non solùm sit frequens, sed etiàm per longum tempus, ut etiàm loquuntur *Less. et Wigandt t. 8 Ex 4 n. 77.*) Ratio, quia, ut jam suprà indicavimus, et ut docent *Sanch. n. 6 et Mol. ac Ronc. ll. cc.* frequentia talis lusùs de jure naturæ dedecet valdè Ecclesiæ Ministros. Neque consuetudo id excusare potest, quia, ut Pontifex declaravit in c.

*Inter dilectos, de Vita et honest. Cler.* talis consuetudo tamquam vera corruptela, est omni tempore improbanda et removenda. Qualis autem sit hæc frequentia mortalis? *Bordon* putat esse ludere semel in hebdomada, sed *Roncaglia* meritò id putat nimis regidum. Imò *Less. d. n. 6* et *Wigandt l. c.* sentiunt non damnandos de mortali Clericos ludentes ad breve tempus, etsi crebrò, recreationis causâ nisi propria statuta Diœcesis, vel Ordinis id prohibeant.

898 Dub. 3 an peccent graviter Clerici ludentes aleis in magna quantitate, etsi non frequenter? Affirmant *Sporer d. c. i n. 80* et adhærent *Mol. D. 512 ac alii apud Nav. Man. c. 24 n. 9* negat *Salas apud Lugo D. 31 n. 11* et consentit *Laym. d. c. 21 n. 1* citans *Less. et Reb.* nisi fiat publicè, et cum scandalo: Dicit enim *Laym.* quòd Canones (ut babetur in *cit. cap. Inter dilectos de Excus Præl.*) loquantur tantùm de publico aleatore, et his lusibus deditò.

899 Ex his omnibus dico I. non peccare graviter Clericos, qui rarò, moderatè, et privatim sinè scandalo aleis ludunt. Imò probabiliter nec venialiter, si ludant recreationis gratiâ in loco, ubi præfati Canones non regidè observantur, ut dicunt *Mol. D. 512. Laym l. c. n. 2. Spor. n. 80 et Dian. p. 7 tr. 9 R. 3 in fin. cum Dic. et Amic.*

900 Dico II. præfatas sententias, quæ damnant de mortali Clericos aleis ludentes, non procedere in ludis chartarum, qui non sunt mæxæ sortis seu fortunæ. Confundunt alii ludum alearum cum omni ludo chartarum: Sed immeritò; nam reverâ alea, ut Magistri Idiomatis latini docent, est nomen comprehendens solos ludos sortis, qui non ex arte, sed omninò à casu pendent, et hujusmodi sunt ludi talorum, tesserarum, et similium. Hinc dico, quòd lusibus illis chartarum, qui totaliter pendent à casu, ut sunt lusus vulgò vocati, *Bassetta*, *primiera*, et similes, pro his quidem valeant sententiæ præfatæ; Non autem pro aliis, qui sunt tam industriæ, quàm fortunæ, ut sunt illi quid dicuntur, *Ombre, tressette*, et similes. Pro his eni

valdè probabiliter puto cum Auctore Libelli, cui titulus (*Instruz. per li Novelli Confess*) p. 2 c. 17 n. 397 cum *Passerin.* valere sententiam *Salmanticensium*; ut *suprà*, scilicèt non peccare graviter Clericos his ludentes, nisi alicubi esset specialis prohibitio, aut scandalum. Circa quod benè insuper advertit *Molin. dict. D. 512* pensandam esse qualitatem personæ, an sit magnæ vel parvæ æstimationis; Clerici enim, qui vitam non tam exemplarem ducunt, reverà grave scandalum non ingerunt, si etiàm frequenter aspi-ciuntur in talibus ludis versari, modò propria minis-teria non negligant; imò nec ullum præbent scanda-lum, si meræ recreationis causâ id faciant. Et hos verè dici potest excusari ab hodierna et universali consuetudine, quæ certè differt ab illâ antiquâ arctâ primitivæ Ecclesiæ disciplinâ.

III. Quod ad *Religiosos* autem pertinet, dicunt *Lugo* <sup>901</sup> *D. 31 n. 12. Sanch. c. 8 dub. 28 n. 9 et Mol. D. 512 in fin.* ipsos propter eorum statum, et scandalum aliorum, facilius posse graviter peccare, aleis sive taxillis ludendo. Undè dicunt *Roncaglia d. c. 1 quæst. 3 R. 2 et Bann. apud Lugo d. n. 12* quòd Religiosi reformati, ut Capuccini, Jesuitæ, Discalceati, et si-miles peccent, si semel his lusibus ludant. Et tantò magis id dicendum cum *Salm de Rest. c. 6 n. 95* de eo, qui in his Religionibus viam talibus ludis aperiret: *Roncaglia* autem *l. c. et Sanch. n. 9 cum Met.* dicunt adhuc, Religiosos non tam arctæ observantiæ peccare graviter, si frequenter versentur in his lusi-bus, etsi sinè scandalo; sed *Salm. l. c. cum Peyrin. Dic. et Ant. à Spir. S.* dicunt, quòd, præciso scanda-lo, et præcepto in contrarium, hujusmodi Religiosi excusentur à mortali, si ludant in modica quantitate; etiàm à veniali, si ludant ob rationabilem causam; puta ad solandum infirmum, aut socium tristem; et hoc probabile mihi videtur, loquendo de ludis chartarum non meræ sortis, juxtà id quod *suprà* di-ximus de Clericis. Addunt *Salm.* id licitum esse etiàm recreationis gratiâ, vel ubi consuetudine permittitur;

sed huic non acquiesco, quia talis recreatio per se dedecet statum Religiosum; neque consuetudo talem indecentiam cohonestare potest. Quamvis verò summam possit Religiosus ludo exponere? Modò ludus non sit specialiter interdictus à Regula, *Spor. de 7 Præc. cap. 6 n. 72* censet posse exponere tres florenos quotannis. Alii autem, ut *Lugo de Just. D. 3 n. 144. Elbel tom. C. 18 n. 655. Sanch. Dec. l. 7 c. 19 n. 79 cum Nav. Val. Graff. Salon. et Mol. D. 520 etc.* probabiliter opinantur, quòd, si Religiosus habeat quotannis centum aureos, possit exponere quinque, dummodò tantumdem eodem anno non impenderit in alios usus non necessarios. Alii tandem, ut *Salm. c. 6 n. 94 cum Lugo, Mol. Azor. etc.* dicunt cum posse exponere, quantum sibi subtraheret parè vivendo de iis quæ sibi ad usum sunt assignata.

902 IV. Et ultimò quod ad *Episcopos* pertinet, isti si ludant aleis, cum hoc valdè dedecet statum episcopalem, vix possunt excusari à mortali, ut dicunt *Sotus, et Salzed. apud Sanchez, Cons. l. 1 c. 8 dub. 28 n. 5 qui n. 9 cum Alcoz.* absolutè eos damnat de peccato gravi, nisi id faciant ad recreandum infirmum. Extrà tamen hanc, vel similem causam, *Alcoz. apud Lugo D. 31 n. 12* ait peccare mortaliter Episcopum, qui semel ludat. Sed meritò (præcisè circumstantiis) *Lugo* hoc putat nimis durum: *Sanchez* autem *ibid. cum Meth. et Reb. apud Dian. p. 7 tr. 9 R. 4* excusat eum à mortali, si ludat semel ad recreationem; imò *Salas apud Lugo l. c.* eo casu cum excusat etià à veniali. Cæterum ego Episcopum ludentem ludo meræ sortis, etià semel, difficulter puto excusari posse à scandalo gravi; Sicùt etià censeo, si frequenter versetur in aliis ludis chartarum non omninò fortuitis.

903 An autem peccent mortaliter Clerici, aut Religiosi, qui assistendo inspiciunt ludentes aleis? Hoc quidem prohibetur, ut vidimus, in *c. Clerici, de Vita etc.* ubi eis præcipitur, *ne hujusmodi ludis intersint.* Communitè tamen negant DD, in hoc ipsos peccare mortaliter, nisi essent causa ludi mortalis, vel negligereut

lusores corrigere, vel nisi de tali ludo, quatenus mortali, sibi complacerent; secus, si assisterent causa tantum se delectandi de industria vel fortuna ludentium. Ità *Sanch. Cons. l. 1 c. 8 dub. 29 cum Cajet. Sylvest. et Ang. ac Dian. p. 7 tract. 9 R. 40*. Qua de re improbabiliter sentit *Bartholom. de S. Fausto apud Dian. loc. cit.* quod Clerici et Religiosi assistentes ludis alearum non excusentur à mortali, eò quod in Bulla S. Pii hoc interdicatur iis sub pœna excommunicationis; Sed censeo præfatum Auctorem quoad hoc in magnum irrepsisse errorem, nam *Sanch. loc. cit.* loquens de ludo alearum, nil penitus meminit de tali Bulla; meminit verò de ea paulò post *dub. 31 n. 5 et 12*. At ibi observatur, Bullam S. Pii loqui tantum de Clericis et Religiosis assistentibus agitationibus taurorum, non autem lusibus alearum. Episcopi autem his lusibus ex proposito, et frequenter assistentes difficulter etià excusari possunt à peccato scandalii gravis.

#### DUBIUM XIV.

##### Quid sit contractus Societatis?

- 904 *Quomodo fit societas?*  
 905 *De conditionibus requisitis ad societatem. Quid veniat nomine Damnorum?*  
 906 *Quid nomine Expensarum? Et an socius possit sibi deducere expensas itineris?*  
 907 *Qu. I. An capitale sit dividendum, si unus conferat pecuniam, alter laborem? Qu. II. Quomodo deinde dividendum lucrum? Qu. III. An damnum sortis spectet semper ad dominum? Qu. IV. An liceat pactum, ut damnum sortis sit commune? Qu. V. Quando inter Fratres censetur facta societas? et quid in eà servandum? Qu. VI. Quibus modis finiatur societas?*  
 908 *An per Tres contractus possit exigi luerum certum, salvo capitali?*  
 909 *De Societate Animalium. Qu. I. Si des rustico pecuniam, ut emat boves ad societatem, et ille in aliud impendat, possisne lucrum exigere? Qu. II. An liceat pactum*  
 Tom. III,



*supplendi oves mortuas, interim fructus dividendo?*

*Qu. III. An liceat contractus, ad caput saluum?*

910 *Quid de filio negotiante cum Patre?*

904 » **RESP.** Is est, cùm aliqui inter se conveniunt, et  
 » contributis aliquibus rebus ad lucrandum idoneis,  
 » sive fructiferis, ut pecuniâ, animalibus, industriâ,  
 » labore, etc. commune aliquod lucrum faciunt,  
 » quod, uti et damnum, pro ratione, et rata cujus-  
 » que dividunt inter se, Vid. *Less. Laym. c. 20. Bon.*  
 » q. 6 p. 1. »

*Unde spectando id, quod ratio, et justitiæ natura hinc  
 requirit, resolvuntur hi Casus.*

» 1. Plus lucrari debet, qui confert pecuniam, et  
 » operam suam, quàm qui vel pecuniam, vel operam  
 » solam.  
 » 2. Capitale, seu sors, quam quis contribuit, si  
 » pereat casu, vel culpâ sociorum levissimâ, contri-  
 » buenti perit. Ubi discrimen est inter hunc contrac-  
 » tum, et mutuum: quia in mutuo sors datâ aliena-  
 » tur, et dominium ejus transfertur in mutuatarium,  
 » cujus proinde solius periculum ac damnum est, si  
 » casu pereat; in Societate autem, qui sortem confert,  
 » eam non omninò alienat à se; et sicuti commodum,  
 » ac lucrum ad eum spectat, sic etiâ periculum,  
 » et damnum. *Bon. l. c.* »

905 Tres igitur sunt præcipuæ conditiones licitæ socie-  
 » tatis. I. Ut societas fiat in negotiatione honesta. II. Ut  
 » damnum sortis spectet tantum ad dominum. III. Ut  
 » servetur æqualitas, nempe, ut æstimatio laboris æqui-  
 » paret usum pecuniæ alterius. Vid. *Salm. tract. 14. c.*  
 » 3. n. 96. *Viva de contr. q. 9 art. 3 n. 2.* et alios pas-  
 » sim. IV. Conditio est, ut uterque socius subeat onus  
 » damnorum, et expensarum. Nomine autem *damno-*  
 » *rum* veniunt tantum damna illa, quæ solo intuitu so-  
 » cietatis obveniunt socio, puta, si ipse causâ custodiendi,  
 » vel transferendi, vel comparandi merces diripiatur à

latronibus ut habetur ex *l. Cum duobus. §. Damna*, ubi dicitur: *Damni partem dimidiam* (alterum) *agnoscere debere tam pecuniæ, quam rerum cæterarum, quas secum non tulisset socius, nisi ad merces communi nomine comparandas proficisceretur*. Non tamen veniunt damna, quæ remotè occasione societatis socius patitur, puta, si occupatus in societate prætermittat acquirere legatum sibi relictum, negotiis domûs suæ providere, etc. ita *Bon. de Contr. D. 3 q. 6 p. 4 n. 1. Cont. Tourn. tom. 1 p. 523 et alii, ex l. Socium. §. Socius. ff. eod. tit.* ubi id expressè sancitur. Nec veniunt damna, quæ non contemplatione societatis, sed intuitu ipsius propriæ personæ obveniunt socio, ut legitur in eodem *§. Socius*, mox citato. Si autem causâ societatis vulneretur socius, vel ejus servus à latronibus, tunc solæ expensæ curationis debent esse communes, ex prædicta *l. Cum duobus. §. Damna*.

Nomine autem *expensarum*, veniunt sumptus itinere-<sup>906</sup>rum, transvectionum, solutionis vectigalium, conservationis mercium, etc. Sed hîc dubitatur, an socius itinerans causâ societatis posset sibi deducere omnes expensas itineris? Negant *Sylv. v. Societas, quæst. 12. Ang. eod. v. n. 12* item *P. Nav. Reb. apud Bonac. de Contr. D. 3 q. 6 p. 4 n. 4* et probabile putat *Less. l. 2. c. 25 n. 35*. Ratio, quia societas non tenetur subire sumptus, quos alter socius domi fecisset, sed solum illos, in quibus is damnificatur causâ societatis. Alii verò, ut *Roncaglia de Contr. c. 3. quæst. 2. R. 2. Mol. D. 418 n. 2. Less. l. 2 c. 25 n. 35. Navarr. c. 17. n. 283 et Bonac. l. 2 cum Reg. et Salon* concedunt posse integros deducere, modò aliter non sit conventum, et diversa non sit consuetudo; et probant ex *l. Si frater. §. Si quis, ff. pro socio*, ubi dicitur: socius *viatica, et stabulorum, jumentorum, carrulorum vecturas, vel sul, vel sarcinarum suarum gratiâ*, (societati), *rectè imputabit*. Undè, cùm lex absolutè concedat socio sibi recipere viatica cum cæteris expensis, non apparet ratio, cur ea non integrè recipiat. Hæc secunda sententia videtur probabilior, utpotè juri conformior.

Sed quia primam non audeo dicere improbabilem, ideo conseo, quod, si bonâ fide socius sibi expensas applicaverit, poterit retinere; secus, si malâ fide; quia, ut diximus n. 761 v. *Quær. II.* cum opinione probabili et non certa, non potest inchoari possessio.

907 *Quæritur I.* Si in societatem unus conferat pecuniam, alter laborem, an in fine societatis antè omnia restituendum sit capitale domino pecuniæ, *Prima sententia*, quam tenent *Glossa in l. 1. C. pro socio, et Bart. Acurs. Covarr. etc. ap. Pal. tr. 33. D. 8. p. 3. n. 1* negat, et non solum lucrum, sed etiâ sortem inter utrumque socium dicit esse dividendam. Ratio, quia in societate omnia debent communicari, undè sicut mercator facit communem operam suam, sic alter debet suam pecuniam communem facere. Alii dicunt, quod sicut ad dominum spectat capitale, et postea ejus lucrum; sic ad mercatorem prius pretium suæ industriæ, et postea pars lucri, quod in idem coincidit. *Secunda* tamen vera sententia, quam tenent *Pal. l. cit. n. 2. Azor. l. 9 c. 3 q. 1 cum Baldo, et S. Beru. Sen. Lugo D. 30 n. 24. Petroc. tom. 2 p. 405. Bon. de Contr. D. 3 p. 3 n. 3. Cabass. l. 6 c. 13 n. 3. Escob. l. 41 c. 12 dub. 1 n. 82. Ronc. de Contr. c. 2 q. 3 R. 2* docet sortem semper primo loco domino deducendam, etiâsi nullum lucrum supersit. Probatur 1. Ex Bulla Sixti V. *Extrav. Detestabilis. § 2.* ubi sic sancitur: *Si finitâ societate ipsum capitale extat, ei qui illud in societatem contulerit, restituatur, nisi socio recipienti fuerit communicatum, aut aliter inter contrahentes legitime conventum sit.* Probatur 2. ratione, quia pecunia collata in societatem minimè fit communis inter socios quoad dominium, seu proprietatem, sed tantum quoad usum, seu commoditatem, ut habetur ex *D. Th. 2. 2 q. 78 ar. 2 ad 5.* ubi S. Doctor ait: *Qui committit pecuniam suam vel mercatori, vel artifici per modum societatis cujusdam, non transfert dominium pecuniæ suæ in illum, sed remanet ejus; ita quod cum periculo ipsius mercator de ea negotiatur, vel artifex operatur.* Sicut ergo, si pecunia perit, domino perit; ita si superest; eidem superest. Nec obstat dicere, quod

in societate fiant communia tam industria, quam pecunia; Nam respondetur; ut jam innuimus; quod in societate non communicetur pecuniæ proprietas, sed tantum usus, seu commoditas; undè sufficit, ut, uno conferente industriam, alter conferat pecuniæ commoditatem. Et ideò, si finitâ societate solùm remanet capitale, non erit injustitia, si totum domino restitatur; sicut enim socius amittit lucrum suæ industriæ, sic iste amittit lucrum commoditatis suæ pecuniæ, quæ cum sit negotiationi exposita, benè apta est, ad fructum reddendum. Et sic etiã neque verum est id quod alii supponunt, nempe quod unus conferat operam, et alter pecuniam; Nam reverà ex una parte confertur opera, et ex altera non pecunia, sed pecuniæ commoditas præstatur; Undè non quidem debetur mercatori pretium sui laboris, et sui laboris lucrum; sed tantum dimidium lucri spectat ad eum, ut fructus suæ industriæ, et dimidium spectat ad dominum sortis; ut fructus commoditatis suæ pecuniæ negotiationi expositæ, semper domino salvo suo capitali. Proùt, si quis ad negotium confert navim, et alter operam, completo negotio, navis quidem integra debetur domino, cum tantum usus navis sit collatus; et lucrum deindè est dividendum.

Quær. II. Detractâ sorte domino, quomodò dividendum sit lucrum? In hoc valdè obscure, et confusè DD. loquuntur. Alii, ut *Less. l. 2 c. 25 n. 9. Viva de Contr. q. 9 art. 3 n. 5* (et probabile putat *Croix l. 3 p. 2 n. 1101.*) dicunt, quod, si unus conferat centum aureos, et alter operam tantidem æstimatam, tunc æqualiter dividendum sit lucrum, et capitale, juxta primam sententiam allatam in præcedenti quæstione. Alii verò, ut *Cab. l. 6 c. 13 n. 6 cum Ang. Sylvest. Nav. et P. Nav. etc.* dicunt, quod deducto prius capitali in beneficium domini, reliquum æquè dividendum sit, etsi valor operarum æquiparet valorem sortis. Pace tantorum Doctorum, censeo neutram prædictarum sententiarum æquitati conformem esse; prima enim plus æquo tribuit ponenti operam, ut jam diximus in *Qu. I. secunda*

plus ponenti pecuniam. Hinc omninò mihi dicendum videtur cum *Ronc. de Contr. c. 2 q. 3 R. 2 et Pal. tr. 33 D. 8. p. 3 n. 2 et 3 cum Reb.* quòd , salvo capitali domino ; lucrum dividendum sit pro rata , habità ratione valoris industriæ ex una parte , et ex altera commoditatis præstitæ ex pecunia , juxtà communem æstimationem lucri quod communiter haberi solet ex pecunia applicata ad negotiationem. Hinc benè advertendum cum *eod. Ronc. l. c. R. 1 et Sporer de 7. Præc. c. 6 n. 51* quòd aliquandò industria mercatoris plus sit valitura , quàm usus pecuniæ , et tunc proportionaliter debet lucrum distribui : Ità ut aliquandò licitum poterit esse pactum , ut in fine etiàm capitale dividatur , æquè interim distributo lucro , prout sit ex consuetudine in pluribus locis in societate animalium , ut testatur *Cabass. l. c.* Insuper advertendum , quòd aliquandò valor industriæ decrescat , ob multitudinem Operariorum societatum petentium ; Quà ratione poterunt fortè excusari plures contractus , qui primo aspectu videntur injusti , eò quòd operariorum industria in societatem collata juxtà consuetudinem loci communiter non pluris ibi æstimetur.

E converso injustum omninò esset pactum , quod , empta merce , antè omnia durante societate restituatur domino suum capitale , et deindè quod superest æqualiter dividatur ; nam , licèt compensentur mercatori fructus , quos interim non percipit , cum medietate sortis , quam in fine societatis percipiet ; tamen ponenti pecuniam minuitur periculum sui capitalis , dum initio illud salvum facit , et mercator , si postea merx pereat , subjacet periculo sortis et lucri ; ità optimè *Ronc. loc. cit. R. 3 in praxi.*

Quær. III. An damnum sortis sit commune , quando , uno conferente pecuniam , altero operam , pecunia casu perit ? *Prima* sententia , quam tenent *Major in 4. Dist. 15 q. 47 § Tertius , Glossa in l. 1. C. Pro socio* , et alii *apud Azor. t. 3 l. 9. c. 3 q. 3* sic distinguit : Si sors perit , postquàm socius suam operam posuit , tunc damnum totum spectat adponentem pecuniam ;

Si verò pecunia perit, antequàm socius operam præstet, damnum debet esse commune. Ratio, ut dicunt, quia tunc, uno æqualiter conferente operam, et altero pecuniam, omnia fiunt communia lucra et damna. *Secunda* tamen et vera sententia, quam tenent *Glossa in l. Si non fuerint. ff. Pro socio. Nav. c. 27 n. 252. Ang. v. Societas, n. 17. Sylvest. eod. v. n. 1 q. 6. Azor. l. c. cum Bartol. Baldo, S. Bern. Sen. et aliis*, docet, damnum sortis ad solum dominum pecuniæ pertinere. Ratio, quia non est verum, quod, collatâ pecuniâ, etiâ sors conferatur; confertur enim tantum pecuniæ commoditas, ut suprà diximus in quæst. I. Undè, cum, sorte pereunte, in principio contractus, dominus illius nullam pecuniæ commoditatem conferat, sic etiâ ad nihil tenetur alter, si nullam conferat operam. Et ideò diximus è converso, quod, finitâ societate, prius reddenda sit sors domino pecuniæ, et postea lucrum, si remaneat, inter socios dividendum.

Quær. IV. An liceat pactum, quod, sorte pereunte, commune sit damnum inter ponentem pecuniam, et mercatorem? Respondetur: Si pactum sit, ut si cût damnum, ita et sors sit communis, tunc licitum est; quia sicut ponens operam habet commodum, ut ipsi tradatur media pars sortis, quâvis sors de jure tota ad dominum spectet, sic æquum est, ut, sorte pereunte, ipse subeat mediam partem damni, licet damnum sortis ad ipsum non pertineat. Ita *Roncag. c. 3. Reg. in praxi 3 et Azor. t. 3 l. 9 c. 3 q. 4 cum Ang. Sylvest. Rosell. et aliis*. Si verò pactum est, ut sors non sit communis, commune verò sit damnum, tunc certè illicitum est, et injustum, cum nulla hîc detur justa recompensatio. Vid. *Azor. Roncag. l. c.*

Quær. V. Quandonam censeatur inter Frâtes contracta societas? et quid in ea servandum? Respondetur: non censetur facta societas, nisi expressè, vel tacitè ex conjecturis id habeatur; Undè, non quia Frâtes habent patrimonium indivisum, et de com-

muni mensa vivunt, inter ipsos, contrahitur societas, nisi verò omnes in aliquo negotio se exercent; vel nisi, uno negotiante, alii conferant bona sua. Ità *Azor. p. 3 l. 9 c. 19 q. 1. Mol. D. 421 n. 6. Bonac. D. 3 q. 6 p. 7 n. 2 cum Fill. Ronc. de Contr. c. 4 q. 1.* Idque clariùs præsumitur, si omnes conferant in commune cuncta bona ad unumquemque spectantia. Hoc tamen intelligitur, quandò unusquisque confert etià bona propria, præter communia; Secùs, si tantùm unus sua propria bona conferat, puta lucra alicujus officii, vel artis, et alii sola bona communia; tunc enim is potest ea sibi compensare, ut dicunt *Azorius quæst. 5 cum Bart. et Baldo, ac Bonac. n. 7 cum Nav.* Et ità pariter, si unus majorem laborem conferat (ait *Bonac. n. 3 contra Mol.*) potest ille plus accipere, juxtà æstimationem sui laboris. Si autem aliquis Frater absens negotietur communi nomine ex communibus bonis, intelligitur habere societatem, usquedum admoneatur ab aliis Fratribus, velle ipsos divisionem facere; et tunc neque etià desinit societas pro negotiis inceptis; ità *Ronc. loc. cit. cum Gribald.* contra aliquos.

Quæritur VI, Quibus modis finiatur societas? Finitur I. completo tempore ad societatem constituto, aut finitâ negotiatione, ex *l. Actiones §. Item. ff. pro socio* II. per mutuùm sociorum consensum. Ad id autem sufficit etià tacitus consensus, nempe, si alter sociorum incipiat seorsim negotiari pro seipso, *l. Itaque ff. eod. tit.* Si verò quis, socio invito, renuntiet antè tempus, tenetur ad interesse. Excipe 1. Si hoc sit necessarium ad bonum publicum, ut si socius abesse debeat causâ Reipublicæ, nec alium commodè subrogare possit. 2. Quandò nulla subest spes obtinendi id, ob quod facta est societas. 3. Quandò alter non servat pacta. 4. Quandò alter grave damnum infert societati. Hæc tamen debent esse certa, aliàs possessio stat pro observantia contractûs. Vide *Bonac. de Contr. D. 3 q. 6 p. ult. n. 2.* III. Finitur societas morte alterius socii, nec transit ad hæredes; Et hoc, etiàsi conven-

tum sit, ut transeat societas ad hæredes mercatoris, ex *l. Verum*, §. *In hæredem. ff. pro socio*. Ratio, quia in societate eligitur industria personæ, ignoratur autem qualis sit industria hæredis. Excipit tamen *Bonac. n. 3* nisi pactum juramento sit firmatum: sicut etiam non finitur societas circa negotia cœpta; neque circa vectigalia, seu alias res publicas conductas, ut *Mol. D. 414 et Bonac. ibid. cum Fill. etc.* communiter IV. Finitur societas etiam per mortem civilem, idest per exilium, aut Professionem solemnem socii, ex *l. Verum* §. *fn. ff. eod.* V. Finitur, si socius egestate vel infirmitate laborans, aut in carcerem coniectus non posset pecuniam, vel laborem promissum præstare, Item, si pereat pecunia collata, etiamsi socius habeat aliam, quam possit conferre. *Bonac. n. 5.* Item, si res ita sint mutatae, ut societas non sit amplius idonea, ex *cit. l. Verum*, §. *fn.*

- » 3. Potest tamen etiam fieri in hoc contractu, ut
- » quis justè servet sortem suam indemnem, et in-<sup>908</sup>
- » super certum lucrum percipiat, si nimirum ad con-
- » tractum societatis adjungantur duo alii, assecura-
- » tionis, et venditionis, cujus tale exemplum ponit
- » *Laym.* Inis societatem cum mercatore, et contribuis
- » ei 1000. florenos, v. g. spes est, quod is quotannis
- » lucraturus sit 300, cujus lucri dimidium, v. gr. ju-
- » re societatis tibi debetur unà cum sorte; sed quia
- » ad te quoque pertinere deberet ejusdem sortis pe-
- » riculum, ut ipse id periculum in se suscipiat, et
- » tibi sortem assecuraret, in hujus oneris compensatio-
- » nem, relinquis ei majorem partem lucri sperati,
- » ut scilicet duæ partes lucri ad ipsum, et tertia ad
- » te pertineat. Et rursus, quia spes lucri hujus incer-
- » ta est, idèò adhuc partem hanc lucri sperati, nempe
- » 100 florenos in spe, vendis etiam eidem pro 50 vel 60
- » v. g. annuis certis, et sic tandem, id lucrum facis,
- » et sortem servas indemnem. Vid. *Laym. et Bon. ll.*
- » cc. »

Hæc est celebris illa quæstio *Trium contractuum*, an per eos possit lucrum certum exigi, salvo capitali?



*Prima sententia negat, quam tenent Sotus l. 6 q. 6 art. 2. Merbes. tom. 1 p. 348. Hab. tom. 4 p. 317. P. Conc. tom. 7 p. 489. Contin. Tourn. tom. 1 p. 524 (qui tamen p. 541 admittit contractum duplicem, ubi sola sors, vel solum lucrum assecratur, in quo consentit etiam Cabass. l. 6 c. 13 n. 1.), item Bann. Reb. Prad. Tap. Led. et Mercad. apud Salm. tract. 14. c. 3 n. 96 et videtur adhærere Azor. p. 3 l. 9 c. 4 q. 5. Ratio, quia per hujusmodi contractus adjunctos contractui societatis, societas destruitur, cum de ejus natura sit, ut dans pecuniam sit in periculo lucri, et sortis, vel saltem alterutrius, juxta sententiam Cabassutii, et Tournely, ut supra: Destructo autem societatis contractu, deficit justus titulus, ex quo ille possit fructus exigere ex sua pecunia; et tunc exigeret lucrum ex mutuo, in quod transiret societas, dejecto toto periculo sortis et lucri in socium recipientem pecuniam. Nec obstat dicere, quod, si contractus isti societati adjecti fierent cum personis diversis, vel in diverso tempore cum eodem socio, jam persisterent; sic etiam si fiunt eodem tempore, et cum eodem socio: Nam respondent Fautores hujus primæ sententiæ, quod in iis casibus perseveraret societas; sed hinc societas destruitur, et sic deficit fundamentum lucri ex ea percipiendi. Præterea tumentur præfati AA. oppositam sententiam reprobata jam fuisse à Sixto V. qui per Bullam *Detestabilis*, editam anno 1586. (in Bullario p. 154.) ubi in §. 1 sic dicitur: *Damnamus et reprobamus omnes contractus posthac ineundos, per quos cavebitur personis, pecunias, animalia, aut alias res societatis nomine tradentibus, ut, etiamsi fortuito casu quamlibet jacturam sequi contingat, sors ipsa seu capitale semper salvum sit; sive ut de certa quantitate in singulos annos aut menses durante societate respondeatur.* Et ideò huic sententiæ videtur adhæsisse noster SS. Pontifex Benedict. XIV in suo aureo Libro de Synodo, l. 7 c. 1 ubi dixit, quòd, licet quæstio hæc adhuc indecisa remaneat, cum *plures, et non obscuri nominis Theologi posteriores trinum contractum ab usura absol-**

*verint*, hanc tamen sententiam sentiat præfatæ Bullæ magis congruere. Accedit alia Bulla S. Pii V qui in sua *Extrav. onus. §. 4 de Censib.* sic dixit : *Conventiones directè, aut indirectè obligantes ad casus fortuitos eum, qui aliàs ex natura contractus non tenetur, nullo modo valere volumus.*

*Secunda* verò sententia communior defendit licitum esse hunc trinum contractum, dummodò absit animus fœnerandi, et omninò obligetur socius pecuniam accipiens, ut illam ad negotium applicet; Hanc tenent *Nav. Man. c. 18 n. 254. Less. l. 2 c. 25 n. 13. Tol. l. 5 c. 41 n. 3. Lugo D. 30 n. 40. Laym. l. 3 tract. 4 c. 18 n. 11. Pal. t. 7 tract. 32 D 8 p. 5. Bonac. D. 3 q. 3 p. 11 n. 2. Escob. l. 41 dub. 3 n. 88. Ronc. de Societ. c. 3 q. 2. Mazz. tom. 2 p. 161. Spor. de 7. Præc. c. 6 n. 58. Mol. D. 416. Salm. tract. 14 c. 3 n. 100 cum Jo. Major. D. Parigin. et Sylv. P. Nav. Arm. Med. Lop. Mald. et valdè probabilem vocat Azor. loco suprâ cit. saltèm de jure naturali. Vide etiã libellum excusum Parisiis anno 1745 hoc titulo : *Examen Theologique sur la Société du pret à rente*, in quo verbatim referuntur approbationes Trini contractus editæ ab Academiis, et Facultatibus Theologicis, Coloniensi, Trevirensi, Complutensi, Salmantina, Ingolstadiensi, Friburgo-Biscoica, et Moguntina. Ratio præcipua hujus sententiæ jam suprâ est tradita, nempe, quòd, si hi tres contractus disjuncti valeant, etiã conjuncti valere debeant. Nec subsistere dicunt Auctores hujus secundæ sententiæ duo illa præcipua fundamenta Adversariorum, nempe, quòd cessante periculo destruatursocietas; et quòd de societate transeat in mutuum. Nam, quòd primum, negant *Navarr. et Lugo*, quod periculo in socium conjecto, societas destruaturs; Sicut enim in contractu commodati, quàmvis periculum rei fortuitum de sui natura spectet ad dominum, justâ tamen compensatione factâ, potest illi adjici pactum, ut periculum spectet ad commodatarium, prout habetur ex cap. un. de Commod. neque tunc destruitur contractus commodati : Sic etiã in contractu societatis,*

de cujus essentia non est, ut sit commune periculum damni, prout asserunt Adversarii, sed id probare deberent, cum potius oppositum clarè probetur ex *l. Si non fuerit. §. Ità. ff. Pro socio*, ubi dicitur: *Ità colri societatum posse, ut nullam partem damni alter sentiat, lucrum verò commune sit, Cassius putat.* De essentia idèò societatis tantum esse dicunt, ut utraque pars aliquid conferat ad communem usum et lucrum, et æqualia sint commoda et incommoda. Ex quo fit, ut ex commodis æqualibus æqualia sint lucra et ex æqualibus incommodis æqualia sint pericula. Undè, quandò quis assumit totum periculum, socium assecurando tum de sorte, tum de lucro, licèt majus sentiat incommodum, illud tamen sibi compensat commodo majoris lucri; contrà verò conferens pecuniam, quàmvis nullum sentiat incommodum periculi, sentit tamen incommodum minoris lucri, et sic fit æqualitas, ex qua principaliter constituitur societas. Quantum autem lucrum possit exigi? *Mag. Serra apud Salm.* putat octo pro centum, *Bonac.* censet plus, si negotiatio esset lucrosior, et minùs periculosa; *Salm.* autem dicunt, regulariter posse exigi quinque pro centum.

Ad secundum verò fundamentum, nempè, quòd societas eo casu transiret in mutuum, quia, conjecto in socium toto periculo sortis, tunc etiàm in eum transferretur fortis dominium, ità ut sinè alterius socii injuria posset ille pro libito de tali pecunia disponere; Diversè respondent Fautores secundæ sententiæ. *Lessius n. 30 et Azor loc. cit.* (quàmvis hic contrariæ sententiæ adhæreat) dicunt, quòd hujusmodi contractus, licèt non remaneret societas, non tamen transiret in mutuum, sed in aliam speciem contractûs, nempè conductionis operum socii, ut loquitur *Lessius*, vel contractûs innominati, ut ait *Azorius*, qui pro certo habet tunc contractum non transire in mutuum. Alii verò, ut *Lugo*, *Palaeus*, *Escob. et Roncaglia*, respondent, quòd, non obstante periculo suscepto à socio, adhuc persistat societas: Sicùt enim (inquiunt) in commodato, si commoda-

tarius suscipit in se periculum rei commodatæ, non acquirit illius dominium, cùm permaneat contractus commodati, ut habetur ex *cit. c. un. de Commodato*; Ità etiàm in nostro casu socius ob periculum in se susceptum non acquirit dominium sortis, sicùt in mutuo; etenim, quàmvis ille solvendo in fine contractûs valorem sortis, et lucri, de quo conventum erat, non irrogaret damnum domino sortis; faceret tamen ei injuriam, si pecuniam non applicaret ad negotium, ità ut eo casu (ait *Lugo n. 43.*) posset justè cogi, ut pecuniam ad negotium applicaret. Pariter addit *Lugo*, quòd, si socius ille esset gravatus debitis, etiàm hypothecariis, non possent creditores ejus habere actionem super hanc pecuniam; et contrà, posset eam dominus sibi vindicare tamquàm suam. Sed quòd hic contractus non transeat in mutuum, fortiùs probari dicunt ex textu suprà relato in *l. Si non fuerit*, ubi dicitur benè posse coiri societatem, ut suscepto à socio periculo, alter nullam partem damni sentiat, et tamen lucrum communicetur.

Ad Bullam autem Sixti V. etiàm multipliciter Auctores istius secundæ sententiæ respondent: *Less. et Salm.* dicunt prohibitionem Bullæ intelligi de eo, qui cogeret socium ad sic contrahendum ex vi ipsius contractûs societatis; sed *Lugo, et Roncag. c. 3 q. 2.* ajunt, neque hoc illicitum esse, quia unusquisque potest uni contractui alterum unitum velle, quandò nulla adest injustitia. Hinc *Lugo n. 37. et alii* dicunt Pontificem ibi nulla alia pacta reprobasse, nisi usuraria; et sic respondisse vivæ vocis oraculo eundem Sixtum, refert *Lugo ex Filiucio, et Comitolo*, qui Auctor insuper testatur sibi retulisse *P. Tucium*, quòd Cardinales Toletus, et S. Severina, quibus commissa fuerat cura hanc Bullam sancienti, idem affirmassent. Item *Lugo* refert quamdam Decisionem Rotæ Romane sub die 3 Junii 1602 ex *Cherubino in Comp. Bull. Schol. 1.* ubi decretum fuit præfatam Bullam solos comprehendere contractus usurarios de jure naturali vetitos, additis tamen majoribus poenis. Demùm respondent

*Salm. c. 3 n. 104 cum Less. et Malder.* Bullam vel receptam non fuisse, vel usu in hac parte abrogatam; testantur enim adesse consuetudinem immemorabilem tali modo contrahendi in Hispania, Gallia et Italia; et ferè per totam Ecclesiam. Ad Bullam autem S. Pii V. vide quæ alii AA. respondeant *suprà n. 849*. Hanc secundam sententiam tot auctoritatibus, et rationibus roboratam meritò non reprobant *Lud. Abelly de 7. Pr. § 13 n. 6 et auctor Petrocorens. t. 2 p. 411* quàmvis contrariæ sententiæ adhæreant, et ego satis probabilem reputo. Cæterum, quia non potest negari hujusmodi contractum periculo non carere animi usurarii; hinc censeo expedire, ut prima sententia universè omnibus suadeatur.

» 4. Societas etià in pecoribus validè, et licitè  
 » instituitur. Et interdum quidem ità, ut tam pecora  
 » ipsa, quæ alteri pascenda, et nutricanda tradun-  
 » tur, quàm emolumenta, et fructus, ipsaque detri-  
 » menta, et damna danti, et accipienti communia  
 » sint: interdum verò ità, ut pecorum dominium,  
 » ideòque etià periculum, sivè casus fortuitus spec-  
 » tet ad solum dantem; emolumenta autem fructuum,  
 » nempe foetus, lanæ, lactis ad utrumque. Vide *Less. hñc, et Laym. l. 3. t. 4 c. 20.* »

Hic opera pretium est aliqua valdè utilia ad praxim annotare *de Societate Animalium*. Juxtà naturam societatis, animalia quæ pereunt, domino tantum perire debent. Iis autem pereuntibus; ad custodem pertinet probare, quod illa sinè sua culpa perierint; aliàs tenebitur restituere domino earum æstimationem, ut benè ajunt *Continuator Tournely tom. 1 p. 535 cum Sanbov. Pontas, et aliis*. Idque clarè probatur ex *l. cum duobus 52. § Damna ff. Pro socio*, ubi: *Quod si à furibus (pecus) subreptum sit, proprium ejus (idest custodis) detrimentum est, quia custodiam præstare debuit, qui æstimatum accepit.*

Quæritur 1 si rusticus petat à te pecuniam, ut par boum emat, et ad negotium applicet, reverà tamen ille non emat boves, sed debitum suum extinguat,

utrum possis tu lucrum exigere? Benè distinguit *Roncaglia de Contract. c. 3. Reg. in praxi* 2. quòd, si tu malà fide pecuniam dedisti, sciens illum non empturum boves, nihil exigere possis; nisi (intelligendum) aliundè pecuniam applicàsses alteri negotiationi, et de hoc illum monuisses. Si verò bonà fide dedisti, tenetur ille reddere tibi lucrum cessans: et tunc ad illud tenetur, etiàmsi tu eum de tali lucro cessante non monuisses.

Quær. 2 an sit licitum pactum, quòd, si ex grege aliquæ oves pereant, suppleri debeant ex foetibus, quæ nascantur, et interim cæteri foetus, lana et caseus æquè dividantur? Negant *Tamb. Dec. l. 9. c. 11. n. 2. et Sylv. Ang. Tabien. etc. ap. Azor. tom. 3 l. 9 c. 8 quæst. 12* quia dicunt in hoc non servari æqualitatem; *Filliucius* autem *tract. 38 c. 6 n. 101* ait in hoc standum esse consuetudini locorum. Attamen dicunt iidem *Filliuc. Azor. loc. cit. cum aliis, item Pal. tract. 33 p. 5 n. 2 et Ronc. de Contr. c. 3 Reg. in praxi* 2, hunc contractum satisficium esse, quia talis substitutio ovium resultat tam in gratiam pastoris, quam ementis oves. Nec officit, quòd interim pastor amittere debeat lucrum foetuum substituendorum, quia etià interim socius amittit partem sui lucri. His tamen non obstantibus, prima sententia omninò vera mihi videtur, quia, licet lucrum utrique prius diminuatur, et utrique postea compensetur; tamen foetus, qui substituuntur, æquè dividendi essent inter pastorem et dominum: at quando substituuntur, id certè magis cedit in utilitatem domini, quam pastoris, cum dominus jam sibi compenset deinde jacturam lucri, sicut et pastor, sed interim dominus semper salvam sibi servat sortem, quæ ipsi diminui deberet, et ideò in contractu non servaretur æqualitas.

Quæritur 3 an liceat contractus societatis vocatus *ad caput salvum*, scilicet quando traduntur pastori animalia, cum pacto reddendi ea salva in eodem numero in fine societatis, et lucrum dividendi? Per se loquendo, hic contractus illicitus est, ut benè ajunt

*Ronc. de Contr. c. 3 q. 3. Viva q. 9 art. 3 n. 2. Azor. tom. 3 lib. 9 c. 8 q. 10 cum Sylvest. et Reg.* quia sors debet stare periculo apponentis, res enim suo domino perit. Probabiliter tamen licitus fieri potest, si adjiciatur alius contractus assecurationis, compensando pastori per majorem partem fructuum onus talis periculi sortis in se suscepti: idem *Azor. l. c. cum Sylvest. et Ang. Roncag. l. cit. cum Pal. etc. Viva de Contr. q. 9 art. 3 n. 8 cum Nav. Less. Trull. Reb. et aliis*, contra *Bonac. et Reg. ib.* qui videntur docere talem contractum esse usurarium, quia, dum transferitur periculum animalium in alterum, jam transferitur eorum dominium per venditionem, ex qua non tenetur ille reddere nisi pretium; unde, si partem fructuum reddat, usurarie reddit. Sed *Less. cap. 23 dub. 3 et Viva cum Nav. et aliis*, respondent in eo casu non haberi contractum venditionis, sed permanere societatem, et lucrum licite exigi per aliud pactum assecurationis, prout dictum est supra n. 608 in quaestione trium contractum. Quantum autem possit in hujusmodi contractibus accipi, ait *Viva l. c.* standum esse judicio peritorum, vel praxi timoratorum cujuscumque loci; recteque addit, consultius esse hos contractus seorsim inire. Ad Bullam autem Sixti V. *Detestabilis*, ubi reprobandantur contractus societatis, per quos cavetur, ut capitale semper domino salvum sit, vide, quæ respondeant DD. citati dicto n. 608 v. *Ad Bullam supra.* Bene autem advertit *Roncaglia d. c. 3. Reg. in praxi*, certe injustum esse contractum, quo dominus dat boves æstimatos juxta præsentem valorem, cum pacto, ut, si decrescant, finita societate, idem valor restitui debeat; quia deterioratio rei ad dominum pertinet, nisi aliundè hoc damnum compensetur. Si tamen adesset pactum, ut in fine societatis non solum lucrum, sed etiam sors animalium dividenda sint cum socio, tunc non quidem injustum erit pactum, ut, si interim pereat capitale, pastor restituere teneatur domino medieta-tem sortis, prout dictum est supra *vers. Quær. IV.*

Hic ultimò quæritur, an filius negotians cum Patre, ponente pecuniam, et ipse industriam, possit accipere partem lucri suo labori et industriæ correspondentem? Affirmat *Roncaglia de Contr. c. 1 quæst. 5 R. 2* casu quo filius nomine proprio negotietur; secùs, si nomine Patris; tunc enim tantum potest accipere id, quod Pater pro tali labore alteri daret; Et idem dixit *Bus. de Furto, n. 544 cum Laym. et Diana*. In eo tamen casu ait *Roncaglia ib.* posse Patrem detrahere ei valorem alimentorum, quæ non amplius debet filio, cum habeat undè se alat, Sed cum valdè probabiliter neget *Croix l. 3 p. 1 n. 1054 cum Mol Moya etc.* posse filiumfam. stipendium petere à Patre pro suis laboribus impensis in ejus domo, ut tenuimus dict. n. 544 hinc dicimus (contrà *Roncaglia et Bus.*) nullo modo posse filium illud occultè accipere; dissentiens Patre.

## DUBIUM XV.

### Quid sit Assecuratio et Fidejussio?

- **RESP. 1** Contractus Assecurationis est, quo quisque  
 » alienæ rei periculum in se suscipit obligando se,  
 » vel gratis, vel pro certo pretio, ad eam compensationem, si perierit. Quod si gratis fiat, est gratuita  
 » promissio: si pretio, est quasi emptio, quâ assecurans vendit suam obligationem præstandi alteri  
 » rem ejus indemnem. Ad ejus justitiam requiritur,  
 » ut eventus rei sit incertus utrique, saltem quoad  
 » notitiam, quam de eo habent; quia alioqui non  
 » servaretur æqualitas, *Less. Bon. d. 3 q. 9 p. 3. Less.*  
 » *l. 2 c. 28 d. 4 n. 24.*

*Undè resolves.*

- » 1. Si assecurans certus sit rem esse in tuto iniquè pretium petit, et tenetur restituere. *Ibid Bon.*  
 Tom. III. 13



» d. 3 qu. 9 p. 3. \* (*Certum est. Ronc. Qu. 9 c. 3 q. 22.*)

» 2. Si res nondum est in tuto, etsi privatâ scientiâ  
» sciat non fore periculum, licere nihilominus pre-  
» tium ordinarium assecurationis accipere, dicit *Less.*  
» l. 6, r. 27. Quia illa obligatio ob pericula ordinaria  
» magis æstimatur, et causæ occultæ, quæ periculum  
» minuant, non imminuunt communem æstimatio-  
» nem. Verum id *Bon. d. 3 q. 6 p. 3 n. 3 et Card. de*  
» *Lugo. d. 31 sect. 7. rectius negat.*

» 3. Si euipiens rem suam assecurari, certò sciat,  
» eam periisse, non potest pacisci de ejus assecura-  
» tione. V. *Less. l. c. n. 25.*

» Resp. 2. Fidejussio est contractus, quo quis alie-  
» nam obligationem suscipit implendam, si debitor  
» principalis non solverit. Ità commun. Doct.

#### *Undè resolves.*

» 1. Pro fidejussione licet accipere pretium, etsi  
» nullum periculum timeatur; quia ex se pretio est  
» æstimabilis. *Nav. Azor. p. 3 l. 11 c. 22 d. 5. Fill. n.*  
» 159. \* (*Est commune apud Viva n. 3. Etsi mihi om-  
» nino videtur tenendum quidquid dicant Covarr. Moya*  
» *etc. apud Craix n. 1106. quid assumptio talis oneris*  
» *procul dubio est pretio æstimabilis* \*)

» 2. Mulieres ex fidejussione (saltè si juramen-  
» tum absit, et instrumentum publicum) non tenen-  
» tur, ut nec Clerici, nisi quatenus solvere commodè  
» possint, et non egeant. V. *Laym. Bonac. quæst. 9*  
» p. 2. *Less. l. c. cap. 28.*

» 3. Fidejussor non obligatur plus, quàm princi-  
» palis; et hujus obligatio, si sit invalida, erit etiàm  
» fidejussoris, *Card. Lugo etc. commun.*

» 4. Fidejussor regulariter non potest conveniri,  
» nisi, factâ excussione principalis debitoris, constet  
» ipsum non esse solvendo. *Azor. l. c. Fill n. 153.*

» 5. Debitor tenetur de omni damno suâ culpâ ac-  
» cedente fidejussori, etc. Vide *Azor. d. 10. Bon.*

» 6. Ex fidejussione Religiosi, propriâ auctoritate  
» factâ, monasterium non obligatur, nisi quatenus  
» in ejus utilitatem versum est. Vide *Less. c. 28. et*  
» *Laym. c. 29 n. 7.*

» 7. Qui fidejussit pro reo, cui periculum capitis  
» impendebat, si is aufugit, non est ejus loco plec-  
» tendus, quia non præsimitur sic se obligare; imò  
» nec potest, cum nemo sit dominus vitæ, *Sylv. Bon.*  
» *Less. d. 7 n. 41.*

» 8. Si debitor suâ culpâ non solvit, tenetur fi-  
» dejussori, qui pro ipso solvit, non tantum ipsum  
» debitum, sed etiam damna, et expensas omnes  
» compensare. Si verò sinè culpa, v. gr. ob impoten-  
» tiam, non solvit, ad solum debitum videtur tenêri,  
» *Azor. Sylv. Sa, Bon. Trull. c. 26 d. 2. »*

## DUBIUM XVI.

### Quid sit pignus, et Hypotheca?

913 *Quid est contractus Pignoris?*

914 *Quid, si quis utatur Pignore?*

915 *Quæ liceant pignorari?*

916 *De contractu Antichriseos.*

« **RESP.** Pignus est contractus, quo debitor dat cre-  
» ditori rem aliquam mobilem, vel immobilem, ut  
» sit pro debito obligata, ex eaque solutio peti possit.  
» Aliquandò tamen pignus accipitur pro ipsa re, quæ  
» datur. Differt autem ab hypotheca, quod pignus  
» propriè sit rei mobilis, illa immobilis, *Mol. Fill.*  
» *Bon. q. 10 p. 1 \** (*Hypotheca specialis impedit vendi*  
» *bona, non autem generalis. Viva n. 8. ) \**

### Undè resolves.

» 1. Pignore non licet uti contrà voluntatem do-  
» mini; quia est res aliena, ad securitatem tantum, et  
» non ad usum tradita, *Bon l. cit. ex Mol. Reg. etc.*

» Si tamen utatur, v. g. equo, vel agro, debet valo-  
 » rem usûs sicut et fructus omnes, si sit res ex se  
 » fructifera, computare in sortem, deductis expensis  
 » quia alioqui committeret usuram, cum res domino  
 » suo fructificet. *Nav. Bon. Trull. c. 26 p. 2. \** (Præ-  
 » sumitur autem Dominus consentire, si nullum dam-  
 » num ei sequatur, puta, si alter utatur libro, et simili,  
 » *Vide n. 9.* ) \*

915 » 2. Non possunt pignorari, quæ non possunt vendi,  
 » v. g. Ecclesiæ, *Molin. d. 530. Less. l. 2 t. 28 d. 3.*  
 » *Bon. l. c. \**

» 3. Immobilia, uti et mobilia pretiosa, cultui di-  
 » vino dicata, v. g. calices, casulæ, etc. non possunt  
 » oppignorari, nisi in necessitate, quia tunc etiam  
 » vendi possunt, ut Ecclesiæ, et indigentibus sub-  
 » veniatur. *Vid. Nav. c. 17. Less. Bon. l. c.*

» 4. Creditor, qui pignus ab aliquo accepit, potest  
 » illud alteri oppignorare, sed non pro maiore quan-  
 » titate. Neque potest vendere, debitore non solvente  
 » nisi post biennium, et eo prius monito. Quidam  
 » tamen dicunt, posse vendere post trinam monitio-  
 » nem. *V. Laym. l. 3 t. 4 c. 30. Bon. l. c. n. 9.*

» 5. Eandem rem non licet oppignorare, seu in  
 » hypothecam dare pluribus, nisi sit sufficiens ad  
 » solvendum omnibus, vel posteriores de priore hy-  
 » potheca admoneantur, *Azor. Filliuc. Bon. d. 3 q.*  
 » *10 p. 1. Trull. c. 26 d. 4.*

916 » Quæres. Quid sit contractus Antichriseos, Ger-  
 » manicè *ein Pfandschaft.* \* (Apud nos, A godere.) \*  
 » Resp. Is est, cum in contractu pignoris conveni-  
 » tur, ut creditor utatur pignore, v. g. agro, ac fruc-  
 » tus inde tamdiu lucretur, donec debitum ipsi res-  
 » tituatur.

*Unde circa hunc ex supradictis resolves.*

» 1. Contractus hic videtur juxta *Cajet. Sol. etc.*  
 » (contra quosdam Juristas) esse usurarius: quia  
 » creditor ultra sortem aliquid lucratur, causâ solius

» mutui, quæ est usura. V. *Laym. lib. 9 t. 4 c. 16 n.*  
 » 17. \* (*Et certum est cum Pal. apud Croix n. 1115.*  
 » *Quare tenetur fructus etiam illos reddere, quos ex*  
 » *culpa levi neglexit percipere. Vasq. Pal. etc. ibid.*  
 » *Quid, si agrum incultum coluerit? Eum adhuc teneri*  
 » *fructus restituere, dicunt Mol. Bon. etc. contra Sa,*  
 » *Soto, etc. Vide Croix n. 1112.)\**

» 2. Possunt tamen intervenire tituli justi lucra-  
 » di fructus ex pignore, sinè diminutione sortis: ut  
 » si v. g. fructus ex hypotheca percepti non superent  
 » quantitatem pensionis, quæ jure censûs, supercam-  
 » dem constituti, exigi potest cum pacto redhibitio-  
 » nis, ut suprâ dictum est de censibus: aut si alio-  
 » quin lucrum cesset, aut damnum emergat, dum  
 » debitum differtur. Undè non facilè damnandi illi,  
 » qui à Principibus in locum debitorum agros, pas-  
 » cua, officia, etc. in antichrisim habent. V. *Laym.*  
 » *l. c. et Binfeld, de usuris, Mol. etc. Less. cap. 137 etc.*

## CAPUT IV.

### DE TUTELA, ET TESTAMENTIS.

#### DUBIUM I.

#### Quid sit Tutela, et Curatela?

917 *Quibus detur Tutor, et quibus Curator?*

918 *Ad quæ teneantur Tutores, et Curatores? An Pupilli,*  
*et Minores possint se naturaliter obligare, sinè con-*  
*sensu Tutorum, etc.?*

*Vide infra vers. 6. Pupillus.*

» **RES.** Sunt quasi contractus, quibus Tutor, et 917  
 » Curator ad procuranda bona, et commoda Mino-  
 » rum cujuscumque sexûs, qui, vel parente carent,  
 » vel sub ejus potestate constituti non sunt, obliga-  
 » tur ex justitia, perindè ac si ex contractu ea obligatio  
 » suscepta fuisset; supplente nimirum lege, vel ma-

» gistratu vim contractûs. Differunt Tutor, et Cura-  
 » tor, quod Tutor solùm detur impuberibus, etiã  
 » invitis, et principaliter detur personis, ut curet  
 » earum educationem, et institutionem : secundariò  
 » verò detur etiã bonis illarum respectu omnium  
 » negotiorum. Curator verò datur Minoribus, post  
 » annos expletos pubertatis, usque ad annum 25  
 » completum; neq̃ communi jure datur invitis, nisi  
 » in certis casibus, et datur principaliter rebus Mi-  
 » norum, secundariò personis. Undè pro directione  
 » in foro conscientiæ, ex jure tùm naturali, tùm  
 » positivo communi resolves ex *Laym. et Tan. tom.*  
 » 3 d. 1 q. 7 d. 10. *Bon. d. 3 q. 10.*

918 » 1. Tutores, sivè sint testamentarii, hoc est relict  
 » ex testamento, aut codicillo patris; sivè sint dativi,  
 » hoc est constituti à Judice, aut Magistratu; sivè  
 » sint legitimi, hoc est præscripti à lege (qualis præ  
 » cæteris, est mater, si velit, et promittat se non  
 » transituram ad alias nuptias, quin priùs tutelam  
 » abdicet, et rationem reddat: dein avia, et consan-  
 » guinei proximiores idonei) tenentur, uti et cura-  
 » tores, jurare se fideliter officium suum facturos,  
 » ac fidejussorem dare, rem Minoris salvam, et in-  
 » tegram restituendam: et universim tacitè omnia  
 » eorum bona sunt hypothecata Minori; ità ut ad  
 » quemcumque pervenerint, possit illa Minor sibi  
 » vendicare, ut sibi satisfiat, si quid illorum culpâ  
 » est passus. V. *Tan. l. c. Laym. l. 3 t. 4 c. 9. Bon. l. c.*

» 2. Bona Minorum tenetur Tutor, vel Curator  
 » administrare eâ curâ, quam diligens paterfamilias  
 » propriis suis rebus adhiberet, tam impediendò, et  
 » præcavendo damna, quàm procurando commoda,  
 » et lucra Minoris; alioqui damnum, et defectus  
 » congrui lucri ipsi imputabitur, et tenebitur etiã  
 » in conscientia ad restitutionem. Vide suprà l. 2 t.  
 » 3 cap. 2 d. 3 R. 6.

» 3. Bona immobilia Minorum, aut alia pretiosa,  
 » quæ possunt servari, non possunt alienari, saltèm  
 » sinè Judicis decreto. \* (*Sicùt neque mobilia, quæ*

» *servari possunt, etsi adsit consensus tutoris. Salm. d. c. 1 n. 40.* »

» 4. Tutori, aut Curatori, et personis ei subjectis  
» nihil licet emere, sive per se, sive per alium, ex  
» illis bonis Minorum, quamdiu illi tales sunt, nisi  
» cum auctoritate Judicis, aut cum ejus decreto  
» bona pupillorum publicè, per privatum vendito-  
» rem omnibus venalia exponantur.

» 5. Sinè decreto Judicis non potest Minor remitte-  
» re, vel renunciare hereditati, legalis, fideicom-  
» missis, aliisque juribus sibi acquisitis. Si tamen  
» Religionem ingressus sit, potest bona alienare, quia  
» moritur quasi.

» 6. Pupillus, dum infans est, hoc est minor sep-  
» tennio, vel infantie proximus (ita ut si masculus  
» est, non expleverit annum decimum cum dimidio;  
» si foemina, nonum cum dimidio) nihil per se effi-  
» cere potest, quo ullo modo vel alteri obligetur, vel  
» alium sibi obliget: at pubertati proximus obligare  
» quidem sibi potest alium, sed non se alteri, sat-  
» tèm civiliter; *Sanch. d. 38. Less. l. c. c. 17 n. 61.*  
» *Laym. c. 9 n. 7.* »

Certum est 1 quòd Minor, aut Pupillus etiàm sinè  
consensu tutoris, vel curatoris possint se obligare  
circà bona castrensia, vel quasi castrensia; quia de  
his liberam administrationem habent. Vide *Salm. de*  
*Contr. c. 1 n. 39.* Certum est 2 quòd non possint se  
obligare circà bona immobilia sinè Judicis auctoritate,  
ex *l. Lex quæ 22 C. de Admin. tut.* quia jus omninò  
irritat ipsorum conventiones, ut habetur in *l. St. ad*  
*solvendum 7 C. de Prædiis Minor.* Circà autem mobi-  
lia nequeant se obligare, saktèm civiliter, sinè con-  
sensu tutoris, vel curatoris, *Salm. n. 41.* Sed questio  
est, an Pupillus, vel Minor circà prædicta bona mo-  
bilia, si contrahant sinè auctoritate tutoris, vel cura-  
toris, remaneant naturaliter obligati? Certum est,  
quòd, si Pupillus, aut Minor contrahant cum tutore,  
vel curatore, minimè obligentur, ex *l. Non licet. C.*  
*de Contrah. empt. et l. Pupillus, 5. De Auct. tut. Pari-*

ter idem communiter traditur à DD. si Pupillus non sit pubertati proximus, ut docent *Sanct. de Matr. l. 6 D. 38 n. 24. Lugo D. 22 n. 286 et Salm. n. 42 et patet ex l. Pupillus. 58 ff. de Act. et oblig.* Si verò Pupillus sit pubertati proximus, et contrahat cum extraneis, hinc quæritur, an maneat naturaliter obligatus? *Prima* sententia affirmat, et hanc tenent *Lugo D. 22 n. 288. Less. lib. 2 cap. 17 n. 61. Sanct. l. cit. n. 31. Laym. lib. 3. Ses. 5 tr. 4 c. 9 n. 7. Pal. D. 1 p. 4 §. 3 n. 9 et Salm. n. 5 cum Nav. Reg. Fill. Reb. Tonn. et Diana.* Ratio istorum, quia fidejussor Pupilli remanet civiliter, et naturaliter obligatus, ex communi sententia, ut asserunt *Salm. d. n. 45 ex l. fin de Jurejur et l. Marcellus. 25. ff. Fidejuss.* Ergò, si fidejussor (arguunt) jam obligatur, etià Pupillus obligatus intelligi debet; nam, deficiente obligatione principalis, deficere debet etià obligatio fidejussoris, ut docet communis sententia ex *l. Cum lex 46 de Fidejuss. et l. Naturaliter, ff. De Condit. indeb.* Sed hæc ratio non satis evincit, quia probat nimis; probat enim, quòd Pupillus etià civiliter teneatur. Ratio potior est, quia ex *l. Novatio, ff. de Novation.* habetur, Pupillum obligari naturaliter, si promittat sine auctoritate tutoris; cum in præfata lege dicatur creditoribus esse satisfaciendum, dummodò obligatio aut civiliter teneat, aut naturaliter, ut puta, si pupillus sine auctoritate tutoris promiserit.

*Secunda* verò sententia negat Pupillum, vel Minorem remanere naturaliter obligatum; et hanc tenent *Bonac. de Contr. D. 3 q. 1 p. 5 n. 6. in fin. item Cov. Bann. Rodr. Dic etc. ap. Salm. n. 44. et vocant probabilem Sanct. l. c. n. 20 et Diana p. 2 tr. 5 R. 44.* Ratio, quia ex *l. Pupillus. 41 ff. De Condit. ind. et ex l. Pupillus 58 ff. de Action. et obl.* expressè negatur, Pupillum naturaliter obligari; et præcisè in *dict. l. 58.* sic dicitur: *Pupillus mutuam pecuniam accipiendo, ne quidem jure naturali obligatur.* Sed hæc ratio non videtur firma, nam ibi casus est de Pupillo infante, ut exponit *Glossa*; Undè alia *Glossa in dict. l. Notario, ait:*

tam relata*m l. Pupillus*, quàm alias, tantum de Pupillo infante intelligendas esse. Hinc prima sententia verior mihi videtur. Cæterum, probabilissimum est, quod Pupillus non teneatur solvere quod promisit, ut tenet *Lugo D. 22 n. 300. cum Soto, Mol. Cov. etc.* et probabile putant *Salm. d. c. 1 n. 47. cum Sanch. Reg. etc.* Ratio, quia, cui competit actio ad repetendum, competit etiam exceptio ad retinendum, ex *l. 8 ff. De Dol mal. except. et ex reg. jur. in 6.* ubi: *Qui ad agendum admittitur, est ad excipiendum admittendus.* Vide dicta *n. 890.*

» 7. Eadem est ratio Minoris, si Curatorem habeat: quem, si semel suscepit, tenetur illi subesse jure communi usque ad annum 25. expletum; et si li- tem habeat, tenetur ad eam sumere Curatorem, exceptis tamen causis spiritualibus. Quod, si Cura- tore careat, valent acta per illos, ita tamen, ut, si læsi sint, restituatur eis in integrum. Vide *Auth. cit. et Bon. d. 3. q. 5. p. ult.*

» 8. Etsi Minores sinè Curatorum auctoritate do- nare non possint, nisi quæ ejus conditionis adoles- centes donare solent (in iis enim præsumitur taci- tus consensus Curatoris); qui tamen dona ab iis accepit, non tenetur restituere, nisi repetantur le- gitimè; quia probabile est, ea valere naturaliter, tametsi non civiliter, *Mol. Lugo, Trull. Dian. p. 8 t. 6. R. 4 et 7.*

» 9. Tenentur Curatores, et Tutores singulis an- nis administrationis rationem reddere; ubi, si quis deses, aut noxius reperiatur, amovendus est, im- positâ satisfactione, aliusque subrogandus.

» 10. Si Tutor, vel Curator, post rationes officii redditas, fidelis deprehensus fuerit, debetur ei præmium; quod in quibusdam locis est vigesima pars reddituum bonorum omnium Minoris, in aliis autem decima pars.

» 11. Porro, qui non possint esse Tutores, et Cu- ratores; et qui à tutela, et curatela excusentur, ne iis imponi possint, v. g. habentes quinque filios



» superstites pauperes , etc. V. apud *Tann. l. c. et Sa*  
 » *Minor*, ubi sic habet : *Tutor non potest esse junior*  
 » 25. annis , nisi fortè mater ; nec Religiosus , nec fæ-  
 » mina (nisi mater aut avia , et uxor casu antè dicto) ;  
 » nec Clericus in sacris , si non velit , nec Episcopus ,  
 » nisi miserabilium personarum. Horum verò tutelam  
 » suscipere tenentur et Episcopi , et Clerici , et Religiosi ;  
 » quod ego , inquit , de Religiosis universim non ad-  
 » mitto. V. *Laym. l. c.*

» 12. Si tutor , et Curator , cum tenerentur nego-  
 » tiari , omiserunt , possunt pupilli ab eis accipere  
 » 5. pro 100. *Sa , v. Curator*. Vide etià *Navar. c. 25.*  
 » *Plura vide suprà lib. 3 tr. 3 c. 2 dub. 3. »*

## DUBIUM II.

## Quid , et quotuplex sit Testamentum ?

919 *Quid est Testamentum ? De requisitis ad Codicillum , et*  
*quid importet Clausula Codicillaris ?*

920 *Quotuplex est Testamentum ?*

921 *Ex quibus capitibus Testamentum est nullum ?*

922 *Quid , si desint solemnitates , et sit Testamentum ad pias*  
*causas ?*

923 *Quid , si constet hæredi voluntas Testatoris ?*

924 *Quid , si non constet , an ipse teneatur credere uni testi ?*  
*Et an testamentum nullum valeat quoad legata pia ?*

925 *Quid , si Testamentum factum sit ab hominibus rustica-*  
*nis ?*

926 *Quid , si tempore pestis ?*

927 *An Testamentum sine solemnitatibus obliget in conscien-*  
*tia ?*

928 *Vide alios casus.*

929 *Quid de Testamento Clericorum , Novitiorum , et Mili-*  
*tum ?*

930 *Dub. 1. An legatum relictum virginì , ut nubat , possit*  
*ei dari , si fiat Religiosa ? Dub. 2. An legatum relictum*  
*civibus loci possit dari extraneis ? Dub. 3. An legatum*  
*relictum Orphanis possit dari eis , qui Parentes ha-*  
*bent inutiles ? Dub. 4. An legatum relictum puellis , ut*  
*nubant , possit dari eis quæ sine dote jam nupserint ?*  
*Dub. 5. An legatum relictum puellis nupturis , possit*

*dari viduis, ut iterum nubant? Dub. 6. An legatum relictum virginibus nubendis, possit dari virgini corruptæ? Dub. 7. An legatum relictum puellæ, ut remaneat virgo, debeatur ei, si nubat? Dub. 8. An legatum relictum puellæ, ut nubat, transeat ad ejus hæredes, si antè nuptias moriatur? Dub. 9. An legatum relictum pro fabrica Ecclesiæ possit expendi in alia Divino cultui necessaria? Dub. 10. Quomodo distribuendum legatum relictum pauperibus?*

931 *Quæstio. I. An ultimæ voluntates possint commutari à Papa sine causa? Quæstio II. An ab Episcopis cum justa causa? Dub. 1. An tunc requiratur consensus hæredis, et legatarii? Dub. 2. Quæ sint causæ justæ ad commutandum?*

» **R**ESP. I. Testamentum est voluntatis justa senten- 919  
 » tia de eo, quod quis post mortem suam fieri velit, cum  
 » directa hæredis institutione. Quod additur, ut distin-  
 » guatur à reliquis ultimis voluntatibus, nam differt à  
 » legato, seu fideicommisso partiali, quod hoc sit  
 » donatio à defuncto relicta, et ab hærede præstanda:  
 » (*Legata accipiendæ sunt à manu hæredis. Vide Salm.*  
 » *c. 5 n. 178.\**) à codicillo verò differt, quia codicil-  
 » lus est quasi testamentum imperfectum, et non sit  
 » ad instituendum hæredem, nisi ex privilegio, v. gr  
 » militia, sed ad aliquid in testamento explicandum,  
 » mutandum, detrahendum, vel ad legata instituen-  
 » da. V. *Laym. l. 3 t. 5 c. 1 et seq. Tann. t. 3 d. 4 q.*  
 » *8. Less. lib. 2 c. 19. Bon. d. 3 q. 17 p. 1* »

Ad Codicillum sive nuncupativum, sive in scriptis,  
 sufficiunt quinque testes, etiã non rogati, et fœminæ  
 (quàmvis ad Codicillum in scriptis requiratur testium  
 subscriptio), ex *l. ult. C. de Codicill.* Ad Codicillum  
 verò inter liberos, et milites sufficiunt duo testes; Vide  
*Lugo D. 23 n. 15.* Hic notandum cum *eodem Lugo n. 17*  
 quòd clausula in testamento apposita, scil. quòd, si illud  
 non valeat ut testamentum, valeat ut Codicillus, im-  
 portet, ut si testamentum sit nullum, sive ob defec-  
 tum solemnitatis, sive ob præteritionem hæredis ne-  
 cessarii, hæres ab intestato debeat solvere legata, ex

*Auth. Ex causa. C. de Fill. prat. et insuper ipse teneatur hæreditatem restituere hæredi, in illo testamento instituto, retentâ sibi quartâ trebellianicâ, ut colligitur ex l. Posthumus. §. Si paganus ff. de Injusto rupto test. et si sit hæres necessarius, retentâ sibi portione debita.*

- 920 » *Resp. 2. Testamentum est duplex. I. In scriptis,*  
 » *seu clausum; quod testamentum testator, sive suâ,*  
 » *sive alterius manu scriptum, septem testibus ido-*  
 » *neis, non defectuosis, non cæcis, non surdis,*  
 » *mutis, nec furiosis, prodigis, infantibus, religio-*  
 » *sis, cognatis, qui in testatoris potestate sunt\** (*Adde*  
 » *infames de jure, fratres, patrem Testatoris, qui sunt*  
 » *in ejus potestate. Viva Qu. 10 n. 4. Salm c. 5 n. 10.*  
 » *Adde hæredem, sed non legatarios, non tutores, etc.*  
 » *Viva et Salm. Nec Religiosos, etsi isti peccent, si*  
 » *testentur sinè licentia. Viva ib.)* (quibus adde ipsum  
 » *hæredem, et qui in ejus sunt potestate) sed mas-*  
 » *culis, puberibus, liberis, ad id rogatis, et vocatis*  
 » *coram offert, profitendo id esse suum testamentum:*  
 » *tùm, si possit, manu sua subscribit, alioqui octa-*  
 » *vus pro eo testis, dein omnes, et singuli septem*  
 » *testes eodem tempore subscribunt, si possint, per*  
 » *seipsos, proprioque, vel alieno, aut communi om-*  
 » *nes sigillo consignant, Laym l. c. Bon. dist. 3 q. 12*  
 » *p. 1. \** (*Nullum est Testamentum scriptum ab ipso*  
 » *hærede, saltèm post sententiam. Salm c. 5. n. 155.)\**  
 » *II. Nuncupativum, quod minorem solemnitatem*  
 » *requirit, scilicet tantum, ut septem testes idonei*  
 » *supradicti convocati audiant, et intelligant testato-*  
 » *ris voluntatem, coram eis scriptam; vel voce arti-*  
 » *culatâ prolatam\** (*Simul et eodem tempore, ut sint*  
 » *contestes, Salm. c. 5 n. 11. Per signa autem nequit*  
 » *hæres institui. Quid, si Testator annuat? Probabile*  
 » *est posse sic institui Lugo, Vasq. etc. Vide Salm. c. 5.*  
 » *n. 12. Maxime ad causas pias, Salm. n. 17 in fine*  
 » *cum Villal. Gom. etc. Et Croix n. 1130.)\** *Etsi verò*  
 » *talis nuncupatio coram testibus à notario in scrip-*  
 » *tum communiter redigi soleat, id fit, non ad actus*

• substantiam servandam ; sed ad meliorem probationem , et securitatem , si testes decedant , vel idonei reddantur. Si autem testamentum careat solemnitate debitâ , dubiteturque , utrùm testator voluerit conficere clausum , an apertum , valet ut nuncupativum : hæc enim præsumitur testatoris voluntas , ne actus omninò corruat ; *Sanch. lib. 4. cons. Lugo t. 2 de just. de 24. Bard. de 6 q. 10. § 1.*

• Porro , præter has solemnitates jure communirequisitas , aliæ sunt partialium locorum , quas in singulis locis nôrunt periti Notarii : qui proinde , ne impingatur , utiliter adhibentur. •

Notandum 1. cum *Lugo D. 24 n. 5* qui citat *Vasq. et Ronc. de Testam. c. 1 q. 3 R. 2* cum communiori , contrâ aliquos , ex *l. Hæc consultissima , C. Qui Testam. etc. et l. Hæres 12 ff. eodem. tit.* non sufficere ad valorem testamenti nuncupativi , quòd Testator declaret , se in tali schedula , puta , sigillo signatâ , vel tali loco clausâ nominare hæredem , et alias depositiones ; sed requiri , ut ipse coram testibus sufficientibus hæredem nominet ; et quòd alias sufficere , quòd se ad schedulam remittat.

Notandum 2. quòd ex triplici capite Testamentum<sup>321</sup> possit esse nullum : I. ob defectum *solemnitatum* substantialium , quæ ab Auctore explicantur. II. ob defectum *complementi* , nam , si Testator moriatur , vel loquelam amittat , antequàm testamentum compleat , Testamentum est nullum , etsi hæredem instituerit , ex *l. Si quis. ff. de Test.* Hoc tamen currit , si constet Testatorem voluisse instituere alios hæredes , vel legata ordinare ; In dubio autem Testamentum valet. Sicùt etiàm valet , si hæres sit causa pia , vel si in eo sint scripta legata pia , *Salm. c. 5 cum Mol. Tap. Dic. etc.* III. Testamentum potest esse nullum ob defectum *libertatis* , eò quòd Testator non liberè egerit ; vel non compos mentis , vel deceptus , vel coactus vel aut precibus importunissimis , vel meta reverentiali , *Salm. n. 30.* Sicùt , si Testator fuerit inductus precibus simplicibus , suasionem etc. Vid. *Salm. l. c.*

922 » Quæres, an testamentum sit validum, cui desunt  
» solemnitates à jure civili requisitæ?

» Resp. 1. Si testamentum factum sit ad causas  
» pias, etiàm in foro externo eas non requiri, sed  
» sufficere eas, quæ sunt juris gentium, scilicet duos  
» testes; in foro autem conscientiæ, suppositâ potes-  
» tate disponentis, sufficere scripturam, nutum, vel  
» aliud signum testatoris, absque ullo teste. Quod si  
» tamen manus testatoris non extet, requiruntur duo  
» testes in foro externo, inter quos etiàm fœmina esse  
» potest. *Covar. et alii 22. Dian. p. 7 t. 6. R. 16.\* (Cum*  
» *Salm. c. 5. n. 17.)* \* Item Confessarius, vel Parochus  
» esse potest, licet legata sint pro sua Ecclesia, id-  
» que ad hoc tantum, ut voluntas testatoris probari  
» possit, et Judex pro ea sententiam ferat. *V. Less.*  
» *et Card. Lugo tom. 2 d. 22 s. 9.* ubi etiàm probat, in  
» tali testamento ad pias causas non esse necessariam  
» hæredis institutionem. At, licet morte interveniente  
» non fuerit absolutum, valet tamen quoad legata pia  
» in eo jam expressa, *Malder. Laym. Dian. part. 5. l.*  
» *16. R. 126.* An autem tale testamentum, ad causas  
» pias principaliter factum, si solemnitates desint,  
» valeat quoad legata profana, controvertitur: Negant  
» *Bonac. et Lugo.* Affirmant *Covar. Sa, Less. Fill. Sanch.*  
» *Barbos. Trull. cap. 18 de 4. Dian. p. 7 tr. 6. R. 4.\**  
» *(Et hanc tenent Salm. n. 19 et Viva artic. 2 n. 5 cum*  
» *communiori et Roncaglia cap. 2 q. 6 R. 1 vocat com-*  
» *munem, quia accessorium sequitur naturam princi-*  
» *palis. Attamen sententia Bonacinae punct. 3 n. 18 et*  
» *Lugonis D. 22 n. 284 cum Vasq. Jason. etc. est satis*  
» *probabilis: quia respectu laicorum. Papa nihil dispo-*  
» *nit. Nec semper valet regula, quod accessorium se-*  
» *quatur naturam sui principalis, nam ipsa non currit,*  
» *ubi diversa est ratio accessorii à principali, ut hic ac-*  
» *cidit, et ideo, non obstante, quod Testamentum*  
» *principaliter sit profanum, debetur legatum in eo*  
» *relictum, etiam deficientibus solemnitatibus Juris*  
» *Civilis, ex dicto cap. Relatum. Præterea Testa-*  
» *mentum in favorem liberorum, licet valeat quoad*

» *liberos, non tamen valet quòd alios, si solemnitates*  
 » *juris communis desint, ut habetur in l. Hac consultis-*  
 » *sima; et in l. Ex imperfecto. C. de Testam.)* \* De-  
 » *niquè testamentum ad pias causas non solemne*  
 » *revocat aliud solemne, etsi hujus mentionem non*  
 » *faciat. Molin. etc. Dian. p. 6 t. 6 R. 25 et 26* \* (Cum  
 » *Viva n. 4.)* \* idque, etiàmsi priùs etiàms fuerit ad  
 » *causas pias. Molin. et alii, licèt hoc posterius qui-*  
 » *dam negent. V. l. cit. R. 26. 27.*

Quòd ad dispositiones pias certum est, quòd, si con-<sup>923</sup>  
 stet hæredi voluntas Testatoris, sivè per verba, sivè  
 per nutum, aut scripturam, teneatur hæres in conscien-  
 tia vel cedere hæreditatem loco pio, vel legata solvere.  
 Ità communiter Lugo D. 22 n. 267. Concina t. 7 pag.  
 647 n. 9. Laym. c. 7. de Testam. n. 5. Roncagl. eod. tit.  
 2. q. 2 R. 1 et Salm. c. 5 n. 18 cum Less. Dic. Vill. etc.  
 Undè infertur, quòd, si Testator dedisset tibi aliquid,  
 ut tamquàm pauper retinères, vel ut in pias causas  
 distribuères, tutè id faceres, etiàms inscio, et invito  
 hærede, prout docent Lugo n. 268. Mol. t. 1. D. 134  
 et Salm. l. c. cum Dic. Vill. Cov. Gom. etc.

Cæterùm, si contrà non constet hæredi voluntas Tes-<sup>924</sup>  
 tatoris, docet Laym. *ibid.* n. 4 quòd ex certà regulà,  
 omnium consensu receptà, non teneatur hæres in suo  
 præjudicio credere uni testi, quàmvis probatissimo,  
 cum in c. Relatum. 1 de Test. expressè dicitur. *Tribus,*  
*aut duobus testibus requisitis.* Et in c. Licet. de Testib.  
 dicitur: *Licèt quòdam sint causæ, quæ plures exigant*  
*testes; nulla tamen est causa, quæ unius testimonio,*  
*quàmvis legitimo, terminetur.* Hoc enim necessarium  
 fuit ad bonum commune, ut fraudes evitentur, prout  
 ajunt Laym. *ib.* Holzm. de 6 Pr. c. 1 n. 657 et Croix l.  
 2. p. 3 n. 1130. Hinc docet Laym. n. 5 quòd hæres  
 non teneatur credere soli Parocho, nisi alius adsit  
 contestans; et idem dicunt Viva q. 10 art. 2 n. 3 et  
 Croix ut sup.

Resp. 2. Si testamentum factum sit ad causas non<sup>925</sup>  
 pias, hominibus rusticanis quinque testes sufficiunt,  
 si plures haberi nequeant, nec subscriptionibus opus

208 Lib. III. Tract. V. De Septimo Præcepto Decal.  
erit, si litterati non sint. *Laym. l. c. c. 2 n. 16. Bon.  
l. cit. part. 1 n. 4.*

Hic autem quæritur, an testamentum nullum quòad causas non pias, valeat quòad legata pia? Alii negant, quia corrue[n]te principali, corrui[t] accessorium. Sed communior sententia affirmat, quia specialis ratio reperitur in accessorio, quæ non est in principali, nempe, favor Religionis, et ideo ibi attenditur tantum jus Canonicum. Ità *Laym. lib. 3 tr. 3 c. 2 et Ronc. de Testam. c. 2 q. 6 R. 2 cum Cov.*

- 926 » Resp. 3. Tempore pestis non requiruntur septem  
» testes simul congregati ad testamenti subscriptionem, sed sufficit, si singuli separatim adhibeantur.  
» Adde, æquitatem postulare, ut, quando testes,  
» vel Notarius haberi non possunt, ultimæ voluntatis  
» testes validæ pronuntientur, si de voluntate defuncti  
» liquidò constet. Hinc in Camera Imperiali valet testamentum,  
» peste valde grassante, conditum coram  
» duobus, vel tribus testibus, inter quos Confessarius  
» esse potest. Atque hæc vera sunt secundum  
» jus Commune Cæsareum, seclusis specialibus locorum  
» statutis. Nam Venetiis v. g. et Viennæ duo  
» testes ad testamentum sufficiunt. Vide *Laym. l. c. cap. 2.*  
» Imò absolutè loquendo tempore pestis sufficere  
» solemnitates juris gentium, atque adeò tres,  
» vel duos testes. *Dian. p. 7 t. 6. R. 34 ex Sa, Laym. etc.*  
» atque inter eos esse posse fœminam, et Notarium  
» ipsum (tametsi non sit immatriculatus); modò non  
» sit consanguineus, vel affinis defuncti, *R. 36 ex Menoch. etc.*  
» nec opus esse, ut sint rogati, vel audiant vocem testantis (etsi hoc quidam requirant),  
» modò eum videant, *R. 37 et 38* neque invalidari,  
» licet ægrotus convalescat, *R. 39* ex aliis 8. Denique  
» si Parochus scribat coram unico teste, habere vim  
» testamenti, saltem nuncupativi, dicit *Molin. et March.*  
» cum *Dian. l. c. R. 34 et 41* vide etiã *p. 5 t. 3 R. 123.*

- 927 » Resp. 4. Etsi probabilis, et segura sententia sit  
» *Cov. Bon. d. 3 q. 1 p. 4* et aliorum, testamentum

» factum ad causas non pias, sinè solemnitatibus à  
 » jure requisitis, invalidum esse in foro conscientiae,  
 » præterquam quod legata pia, *Molin. Lugo, Vasq.*  
 » *Sanch. Diana p. 7 t. 6 R. 3* contrà *Barbos.* ità ut  
 » hæres per illud institutus, et legatarius teneantur  
 » ad restitutionem hæredibus ab intestato: contra-  
 » rium tamen verius est, ideòque licitè retinetur,  
 » quod tali testamento possidetur. Ratio est, quia  
 » illæ solemnitates tantum requiruntur ad cavendam  
 » deceptionem, et ad fidem in foro externo faciendam.  
 » *V. Less. l. 2 c. 19 d. 3. C. Lugo disp. 22 s. 9* Undè  
 » secundum hanc posteriorem sententiam resolves  
 » sequentes. »

Triplex etiàm sententia (prout diximus de contrac-  
 tibus *n. 711.*) est pro Testamentis conditis sinè solem-  
 nitatibus. *Prima* sententia tenet ea valere in conscien-  
 tia, et naturalem parere obligationem: ità cum *Bus.*  
*Less. l. 2 c. 19 d. 3. Mol. D. 81. Sa, et Sylvest. v. Tes-*  
*tam. Roncag. de Testam. cap. 1 q. 4 R. 2.* item *Mald.*  
*Reg. etc. apud Cabass. T. J. l. 6 cap. 3 n. 4.* Et probant  
 ex §. *Per traditionem Inst. de rer. div.* ubi: *Nihil est*  
*tam conveniens naturali æquitati, quam voluntatem do-*  
*mini volentis rem suam in aliam transferri, ratam haberi.*  
 Hinc *Less. Salas, Sayr. et Molf. ib.* dicunt, hæredem  
 ab intestato, si certus sit de voluntate Testatoris, te-  
 neri eam exequi, et restituere hæreditatem. *Secundam*  
 verò sententiam omninò oppositam tenent *Suar. Bon.*  
*Cov. apud Cab. l. c. et Salm. tr. 74. c. 1. n. 52. cum*  
*Laym. etc.* quia lex solemnitatum non solum fundatur  
 in præsumptione fraudis; sed etiàm in ejus periculo.  
 Eandem sententiam sequitur *Lugo D. 22 n. 256. cum*  
*aliis*: sed excipit fidei commissa, ex §. *ult. Inst. de Fi-*  
*deic.* *Tertia* sententia, quam amplectitur *Cabas. l. c.*  
*cum Sot. Sanch. Bann. et Beja,* tenet præferri debere  
 possessorem. Primam, et secundam sententiam pro-  
 babilem censeo, sed hanc tertiam probabiliorem, et  
 in praxi omninò sequendam; quia potius omni jure  
 est jus possessionis; undè omninò dicendum puto,  
 quod hæres non teneatur solvere; et contrà, legata



si bonâ fide legatum acceperint, non teneantur restituere. Observa attentè quæ dixerimus *dict. n. 711*. Id tamen intelligendum nisi accedat sententia judicis, ut dicunt *Roncag. l. cit. et Cabas. l. o. cum aliis cit.* Nec obstat dicere, sententiam judicis non obligare, si nitatur lege fundatâ in falsa præsumptione fraudis, quæ non adsit; nam, præterquamquod sententia tunc nitatur lege quæ fundatur in periculo generali fraudum, ut respondet *Roncaglia*, quisque tenetur parère Judici præcipienti, semper ac ejus sententia non sit evidenter injusta, ob bonum commune pacis, ut litibus, et jurgiis finis imponatur.

- » 1. Hæres ab intestato, si sciat voluntatem defuncti, tenetur restituere hæreditatem, et solvere legata iis, quibus testamento minùs solemni, aut ex voluntate ejus debentur. *Mol. Less. (contrà Bonac. l. cit.)* \* (*Secùs verò dicendum juxtà contrariam sententiam probabilem mox suprâ allatam.*) \*
- 928 » 2. Si dubius sit de voluntate testatoris, debet cum illis componere pro ratione dubii: quia, cum nec ipse, nec alii cœperint adhuc possidere bonâ fide, in dubio par est eorum conditio, *V. Bon. l. c.*
- » 3. Si hæres ab intestato retineat hæreditatem, et legata, possunt illi, quibus aliquid per tale testamentum erat relictum, uti occultâ compensatione, quia reverà res illæ erant ipsorum. *V. Bon. l. c.* \* (*Sed hoc negamus. Vide dicta l. 1. n. 35. v. Attamen.*) \*
- » 4. Si hæres ab intestato fateatur, mentem testatoris fuisse, ut hæreditatem nomine fideicommissi alteri traderet, vel legatum aliquod solveret; aut, si, oblato juramento, jurare noluerit, cogendus est, etiâ in foro externo, ad hæreditatem tradendam, et solvendum legatum.
- » 5. Ob eamdem causam idem dicendum est, si fateatur voluntatem testatoris fuisse, ut hæreditas, non ut fideicommissum, sed immediatè perveniret ad alium, quia non est recurrendum ad fidem testium, vel ad juris subtilitatem, quandò is, cujus interest, ipse confitetur testatoris voluntatem. *Vide Less. et C. de Lugo l. c.* »

Ait *Lugo D. 22. n. 257. et 258.* quòd , si Testator voce committat hæredi fideicommissum , et hæres taceat , teneatur utique illud implere ; secùs , si Testator committat ei legatum ; Dicit tamen , quòd , si hæres solverit jam legatum , non possit repetere.

- » Resp. 5. Etsi probabile sit, Clericorum, et Novitiorum testamenta facta ad causas non pias sinè solemnitatibus juris non valere : *Molin. et alii 3.* Cum tamen contrarium etiàm sit probabile , ex *Suar. etc.*
- » potest hæres ex tali testamento hæreditatem adire pro foro conscientiae , *Dian. p. 9. t. 9. R. 16.*
- » Resp. 6. Milites hujus temporis gaudent iisdem<sup>929</sup> privilegiis testandi , quibus olim , dummodò in casus tris ( vel in propinquo ex causa legitima ) versentur. *Dian. p. 7. tr. 15. R. 24. et seq. ex aliis 13. contrà Bald. etc.* atque adeò sufficiunt duo testes ( licèt probabiliter nec hi requirantur , *R. 45.* ) , etiàm non rogati , *R. 46. et alii 4. contrà Molin. Lugo , etc.*
- » etiam aliàs inidonei , modò non sint impuberes , nec cæci , vel servi , *R. 47. Lugo , Vasq. etc.* Neque opus est eorum subscriptione , vel signorum appositione , vel ut sint in conspectu testatoris , *Ibid.*
- » Imò miles jure militari ( quo præsumitur esse testatus in dubio ) potest testari solo nutu , *R. 19.* Potest etiàm plura simul testamenta valida facere , vel pro parte testatus , vel pro parte intestatus decedere , *R. 53. et 55.* Valetque ejus testamentum etiàm post missionem honestam , sed non ultrà annum , *Molin. Lugo etc. R. 61.* Denique possunt milites supradicto modo testari , tametsi sint surdi , et muti ( saltem si in castris auditum , et vocem amiserint. )
- » *Dian. R. 48. 49. et 50. ex aliis \* ( Testamentum inter Liberos valet , ut dispositio facta ad causam piam. Vide Salm. c. 5. n. 20. ) \* »*

Hic plura dubia oportet annotare circà materiam<sup>930</sup> Legatorum. Dub. 1. An legatum relictum puellis , ut nubant , possit dari eis , quæ fiunt Religiosæ ? Resp. Si legatum sit relictum personæ determinatæ , certum est posse dari , nisi aliter constet de mente Testatoris ,

itâ ex *Auth. de Sanctiuss. Episc. §. Et hoc Vide Sal. c. 5. n. 148.* Quid, si legatum relictum sit personis indeterminatis? *Prima* sententia negat deberi illud puellis Religionem ingredientibus; hanc tenet *Sanch. de Matrimon. l. 1 D. 33 n. 32. Con. D. 3 q. ult. n. 19. Mol. D. 207. Barb. de Pot. Ep. Alleg. 83 n. 27. Ronc. de Testament. c. 7 q. 2. R. 3. Conc. t. 7 p. 679 n. 10 et Lugo Dist. 24 n. 293.* cum communi, ut asserit. Ratio, quia mens Testatoris servanda est in specifica forma, semper ac servari potest; nec recurrendum ad ejus voluntatem præsumptam, quando habetur voluntas contraria expressa: Tales enim Testatores et pie providere sic intendunt solis puellis nubere volentibus, ne exponantur periculo prostitutionis. Nec obstat præfata lex in *Auth. cit.* quia ibi sermo sit tantum de legato facti personæ determinatæ, unde nullum aliis damnum infertur, si ipsi ingredienti Religionem tradatur; sed in casu posito præjudicium irrogaretur aliis nubendis a Testatore nominatis.

*Secunda* verò sententia, quam tenent *Salm. c. 5 n. 185. Diana p. 4 tr. 24. Misc. R. 35 cum Pontio Natta, Boerio, et Ochagav.* ac adhæret *Less. l. 2 c. 18 n. 123* affirmat deberi legatum; quia in dicta *Authent.* assignatur ratio, cur legatum relictum certæ personæ ad nubendum, ei debeatur, si fiat Religiosa: *Quod vitam profitentur religioſam*; scilicet ne puella relinquat statum religiosum, ut legatum consequatur. Cum autem in legato relicto puellis indeterminatis idem legis motivum urgeat, ideo Religiosæ non sunt illo privandæ: *Ubi enim* (ut dicitur in *l. Ithud. ff. ad l. Aquil.*) *eadem militat ratio, eadem militare debet juris dispositio.* Neque (ait *Lessius*) præfata lex Justiniani innititur præsumptæ menti Testatoris, sed absolute vult favere pietati, etiam contra expressam Testatoris voluntatem, ita ut, si Testator expresserit excludendas esse puellas Religionem ingredientes, talis dispositio rejiciatur tamquam turpis. Hanc sententiam reprobare non audeo, sed prima mihi videtur certè

probabilior; quia dispositio *Authenticæ* continet jus novum, quod, cum exorbitet à jure communi, non est extendendum de casu ad casum; Maximè quia talis extensio redundaret in præjudicium aliarum. Probabiliter autem dicit *Conc. tom. 7 p. 680 n. 11*, quod, si non extarent puellæ, quæ nubere vellent, tradendum esset legatum Religionem ingredientibus; nisi ex mente Testatoris expressè oppositum colligeretur. Præterea addit *Barb. d. All. 83 n. 28 cum aliis*, quod, si Testator relinquat alicui puellæ mille, si nubat, et centum, si ingrediatur Monasterium, debeantur Monasterio et centum et mille, si hoc sit factum in odium Religionis, quia tunc sic decernendum est in pœnam Testatoris: Secus, si id factum sit, eò quod dotes Religiosarum sint minores, quàm nubentium.

Dub. 2. An legatum relictum civibus loci, possit dari extraneis? Negandum, nisi isti animum habeant ibi perpetuò manendi, tunc enim ab initio pro naturalibus habentur; vel nisi sinè tali animo ibi per decennium manserint. Ità *Salm. c. 5 n. 186 cum Lugo Sanch. etc. ac Conc. tom. 7 p. 681 n. 14 ex l. 1 C. de Incolis*. Hic addendum id, quod tradunt *Sanchez, Trullench. et Barbosa apud P. Ferraris (Bibl. v. Civitas n. 71)* nempe, quod legatum relictum puellis originariis non sit dandum eis, quæ casualiter natæ fuerint in eo loco.

Dub. 3. An legatum relictum Orphanis possit dari pauperibus habentibus Parentes inutiles? Non concurrentibus verè orbatis Parentibus, videtur receptum apud omnes, quod dari possit. Ratio, quia sic etià impletur voluntas Testatoris, qui vult opitulari filiis non habentibus, undè alantur, et tales sunt qui habent Parentes inutiles, ex celebri illo dicto, apud *Glossam in c. Admov. caus. 33 q. 2 ver. Dixi. Si re priveris, nec nomen habere mereris*. Et ex *Glossa v. Inutilem. in c. Inter cætera. de Trans. Episc.* ubi dicitur, inutilem reputari ut mortuum. Huic adhæret id quod dicunt *Covarr. Bald. Pal. Perez, etc. apud Sanch. l. cit.* nempe, quod Pater dicatur orbatus filio, si filius

sit inutilis, ex *Glossa in l. Plagiarii. C. ad L. Flaviam de Plag.* Et ex eadem *Glossa* dicitur vidua, quæ virum inutilem habet. Sic à pari dicendus Orphanus, qui Parentes habet inutiles; Ità *Roncag. de Testam. c. 7 q. 5 R. 1. Conc. tom. 7 p. 681 n. 15. Dian. p. 1 tr. 2. R. 52. Salm. c. 5 n. 187 cum Trull. etc.* ac adhæret *Lugo D. 24 n. 303.* An autem, concurrentibus verè orbatis parentibus, hi sint præferendi? Affirmant omnes præfati Auctores cum *Sanchez Cons. l. 4 c. 2 dub. 13* qui vocat commune; Ratio quia, cum voluntas Testatoris possit impleri in sensu proprio, non debet impleri in improprio, ex *Clement. Quin contingit de Rel. dormib. et ex Trident. sess. 25 c. 8.* Sic ut enim propriè vidua non est, quæ virum habet inutilem, sed quæ viro caret, ut dicunt *Sylv. Tab. et Ang. apud Sanch.* Ità in casu nostro. Attamen videntur non omninò improbabilius negare *Bonac. D. 3 q. ult. n. 9 et Roncag. l. cit. R. 2.* Ratio, quia id, licet non congruat litteris dispositionis, congruit tamen, imò magis accedit ad finem Testatoris, subveniendi paupertati filiorum, qui, cum Parentes habent inutiles, egentiores sunt verè orphanis, dum non solum debent tunc propriæ, sed etiàm Parentum indigentiae providere.

Dub. 4 An legatum relictum puellis ut nubant, possit dari eis, quæ sinè dote jam nupserint? Resp. affirmativè, si sit relictum puellis determinatis, quia præsumitur Testator voluisse ipsis omninò providere ob peculiarem ergà illas affectum, vel ut nubant, vel ut nuptæ decenter vivant. Secùs, si indeterminatis, quia tunc censetur potiùs Testator voluisse subvenire nubendis, ut periculum prostitutionis vitarent. Quando verò legatum est relictum pro dotandis puellis pauperibus, benè potest dari nuptis; nam tunc perseverat finis Testatoris, nempe sublevandi ipsarum indigentiam. Ità communiter *Sanch. l. 7 de Matr. D. 91 n. 63. Ronc. de Testam. c. 7 q. 3 R. 1. Salm. c. 5 num. 188 cum Trull. et Dian. Conc. tom. 7 pag. 680 n. 12.*

Dub. 5. An legatum relictum foeminis in matrimo-

nium collocandis, possit tradi viduis iterum nupturi? Resp. affirmative, si non sint aliæ fœminæ ætate nubiles: secus, si adsint, quia nomine mulieris in matrimonium collocandæ, propriè intelligitur ea, quæ numquàm nupsit, vel si nupserit, invalidè nupsit, aut matrimonium non consummavit, ex *l. Hoc sermone. ff. de Verb. signif.* Ità communiter Sanchez *l. 7 de Matrim. D. 95 n. 65. Roncag. d. c. 7 q. 3 R. 4. Conc. tom. 7 p. 681 n. 13 et Salm. t. 5 n. 189 cum Bon. Trull. etc.* Qui tamen rectè addunt cum *Roncaglia*, quòd, si legatum sit relictum pro nubendis fœminis pauperibus, viduis etiàm dari possit, quia verbi significatio convenit tam virginibus, quàm viduis.

Dub. 6. An legatum relictum virginibus nubendis possit dari virgini etiàm corruptæ? Distinguendum, si publicè constet de ejus corruptione, non potest tradi: quia non adimpleretur finis Testatoris, volentis tantum subvenire iis, quæ verè virgines sunt. Secus, si clàm sit corrupta, quia in communi æstimatione hæc pro virgine reputatur, ut colligitur ex *l. Liber. §. Quod autem. ff. de Legat.* Nec censetur Testator voluisse, ut puella manifestaret suam turpitudinem: Ità communiter *Conc. tom. 7 p. 681 n. 16. Ronc. de Testam. d. c. p. 4 R. 1. Salm. c. 5 n. 190 cum Trull. Dian. Martin. à S. Jos. etc.* An autem puella corrupta possit tale legatum petere? Affirmant *Salm. loc. cit.* quia in favorabilibus verba sunt largè interpretanda, ut probant in *tr. de Leg. c. 4 n. 19.* Sed probabilius negant *Concina l. c. et Martin. à S. Jos. ap. Salm.* tum, quia verba Testatoris servanda sunt in rigore, quantum fieri potest; tum quia talis interpretatio fieret in præjudicium aliarum. Et idem videtur sentire *Roncag. loc. cit.* dicens illum, cui data est facultas à Testatore eligendi virgines pro legato, non posse eligere eam, quam certo scit corruptam, si absit scandalum. Conveniunt tamen *Concina, Ronc.* ad dicendum, posse illam petere, et eligi, si desint aliæ verè virgines.

Dub. 7. An legatum relictum puellæ, ut remaneat

virgo, debeatur ei, si nubat? Affirma; sic enim statutum est in *l. Quoties, 22 ff. de Condit. et demonstr.* Quia, ut habetur ex alia *l. 2 C. de Induct. viduit.* multum interest Reipubl. ut proles augeantur. Secus dicendum, si legatum relinquatur viduæ, ad viduitatem servandam, *Auth. Cui relictum. C. tit. eii.* Quia honestum est à secundis nuptiis abstinere; ita *Salm. de Matrimon. c. 1 n. 109 et 110 et Concin. pag. 678 n. 7.*

Dub. 8. An legatum relictum puellæ, ut nubat, transeat ad ejus hæredem, si antè nuptias illa moriatur? Rectè distinguit *Lugo D. 24 n. 209 cum Sanchez et Mol.* Si legatum relictum sit puellæ intuitu subventionis illius personæ, ut possit nubere, tunc transit ad ejus hæredem; Secus, si nullo habito respectu ad personam, sed tantum ad operam piam peragendam; quia tunc est convertendum ad dotandam aliam pauperem; Vel si legatum sit relictum sub conditione necessaria, ut puella nubat, sine intentione faciendi operam piam, quia tunc legatum erit profanum, et fiet caducum, ac ideò transibit ad hæredem Testatoris.

Dub. 9. An legatum relictum pro fabrica Ecclesiæ possit expendi in ornamenta, et alia Divino cultui necessaria? Negant *Panormitanus, et Lopez apud Sanch. Cons. l. 4 c. 2 dub. 14.* Sed probabiliter affirmant idem *Sanch. et Lugo D. 24 n. 304* quia nomine fabricæ intelliguntur omnia necessaria ad servitium Ecclesiæ, nisi aliter constet de mente Testatoris.

Dub. 10. Quomodo distribuendum legatum relictum pauperibus? Resp. si legati executio relicta sit ad electionem hæredis, potest ipse dare cuicumque verè pauperi. Si verò non sit hæredi electio commissa, tunc præferendi sunt I. Coniuncti Testatoris, ut communiter DD. cum *Barbosa de Pet. Ep. All. 83 n. 17 et Roncag. de Testam. c. 7 q. 6 R. 2.* Et inter eos præferendi sunt proximiores, ut docet *D. Th. 2. 2 q. 32 art. 9.* Id enim exposcit ordo charitatis: Atque hoc (addit *Roncaglia*) etiàmsi adsint alii pauperiores.

II. Pauperes concives Testatoris præferendi sunt cæteris extraneis, ut *Glossa in c. Pauperes, de Testam. et Ronc. l. c. cum Men.* utque colligitur ex *l. Præses. C. de Serv. III.* Magis indigentes, ut *S. Th. l. c. art. 3 ad 1. Ronc. l. c.* Et etiã nubiles, ut addit *Barb. cum Surdo n. 18.* IV. Pauperes probatoris vitæ, *S. Th. ib. art. 9.* Hinc dicunt *Laym. l. 3 tr. 5 c. 11 num. 6. Roncag. cum Men.* præferendos esse Religiosos, qui ex eleëmosynis vivunt; Rectè verò censet *Roncag.* contra aliquos, non venire nomine pauperum Religiosos, qui habent redditus sufficientes, undè vivant. V. In æquali paupertate præferendæ sunt foeminæ, quatenus istæ majori periculo peccandi sunt expositæ, idem *Roncaglia.* Cùm autem Testator dixerit, legatum inter pauperes distribuendum, non potest uni tradi; ità *Ronc. et Barb. n. 19 cum Men. Bart. etc.* communiter. An verò eo casu possit executor etiã sibi aliquid applicare? Affirmant *Laym. l. c. n. 7. Sanch. Dec. l. 2 c. 11 n. 34 et Barb. l. c. vide n. 22 et 54 cum Palac. Men. Gonzal. et aliis* communiter. Excipiunt tamen *Laym. et Sanch.* si Testator noverit ejus paupertatem, quia tunc censetur, quòd, si voluisset illi subvenire, aliquid expressè reliquisset. Sed non improbabilius *Roncag. l. c.* hanc exceptionem non admittit, quia non præsumitur Testator eum voluisse inferioris conditionis facere, quàm alios pauperes; et, si aliquid ei non reliquerit, id evenire potiùs censendum vel ex oblivione, vel inadvertentia, vel quòd noluisset Testator ruborem executori inferre, si inter pauperes eum numerasset.

Quæritur hîc I. An Summus Pontifex possit sinè<sup>931</sup> justa causa validè commutare ultimas voluntates Testatorum? Nulli dubium, quin Papa possit cum causa ultimas voluntates commutare, ut patet ex *Clem. Quid contingit, de Domib. relig.* ubi dicitur: *Ea quæ ad certum usum largitione sunt destinata Fidelium, ad illum debeant, non ad alia (salvâ Sedis Apostolicæ auctoritate) convetiri.* Sed dubitatur, an id possit Papa sinè causa? Tres sunt sententiæ apud *Sanch. Consil. l.*



4 c. 2 *dub.* 1 *num.* 1. *Prima* sententia affirmat, quam tenent *Armil. v. Legatum. n. 55. Ang. eod. verb. l. c.* Ratio, quia omnia legata intelliguntur implicite relecta ad arbitrium Papæ, vel principis. *Secunda* sententia, quam tenent *Angles, Rosell. Covarr. etc. apud Sanch. n. 2.* et cui adhæret *Croix l. 4 n. 482.* id admittit de potestate absolutâ, non autem ordinariâ. *Tertia* sententia verior et communis, quam tenent *Bus. infr. n. 939. Sanch. n. 4 cum Bart. Socin. Laym. l. 3. tr. 5 c. 11 n. 11. Salm. c. 5 n. 194. cum communi, Mol. l. 4. de Primog. c. 3 n. 19. et Lug. D. 24 n. 312.* (qui præfatas duas sententias falsas vocat), omnino negat posse Pontificem, aut Principem sine justa causa commutare Testatorum voluntates. Probatur 1. ex *Trid. Sess. 22 c. 6.* ubi (ut sentit *Laym. l. c. cum Mol. D. 249.*) supponitur, tales commutationes non posse fieri à Sede Apostolica, *nonnisi ex justa et necessaria causa.* Probatur 2. ratione, quia licet dispositiones Testatorum censeantur commissæ Papæ (vel Principi), non tamen ut domino, sed ut boni communis, aut piarum causarum dispensatori committuntur, undè, cum Pontifex non sit dominus talium bonorum, non potest nequè ex potestate ordinaria, nequè extraordinaria convertere sine causa has dispositiones, ad alium usum, quàm à Testatoribus sunt destinatæ. Si igitur legatum est profanum, poterit Princeps ob necessitatem publicam, vel aliam justam causam, in aliud legatum profanum, vel pium illud commutare. Si verò legatum sit pium, poterit Papa tantum, justâ causâ interveniente, id in aliud pium convertere.

Quæritur II. An Episcopi cum justa causa possint commutare pias dispositiones? *Prima* sententia affirmat et hanc tenent *Angel. v. Legatum. 2. n. 12 et 14. Sylvest. eodem v. q. 12. Arm. n. 55. et Rosell. Tap. apud Sanch. Cons. l. 4 c. 2 dub. 2 n. 3 et Beja cum aliis ap Croix l. 4 n. 849.* qui huic sententiæ adhæret. Ratio, 1. quia communis sententia (ut asserit *Cr. ib.*) tenet, apud Episcopos esse hujusmodi facultatem ordinariam commutandi; quia talis commutatio est quæ-

dam dispensatio in lege præscribente exactam implementationem ultimarum voluntatum; undè, quandò dicitur, fieri posse dispensationes, et non exprimitur à quo in Tridentino, satis intelligitur fieri posse ab Episcopis; uti cum pluribus docent *Suar. de Leg. l. 6 c. 14 n. 8. et Sanch. de Matr. l. 8 D. 5.* Hinc inferunt idem *Sanch. l. c. dub. 7. et Lugo D. 24. n. 310.* quòd, si Testator reliquit alicui Ecclesiæ Legatum pro festo anniversario, possit Episcopus illud ad tempus commutare in reparationem Ecclesiæ, quæ aliter non posset reparari. Ratio 2. quia, licèt Episcopus nequiret hoc facere ex potestate ordinaria, potest tamen ut Sedis Apostolicæ Delegatus, modò adsit justa causa iudicio Episcopi: Idque probant ex Trid. *Sess. 22 c. 6.* ubi dicitur: *In commutationibus ultimarum voluntatum, quæ non nisi ex justâ, et necessaria causa fieri debent, Episcopi, tamquàm Delegati Sedis Apostolicæ, summarie et extrajudicialiter cognoscant, nihil in precibus, tacitâ veritate, vel suggestâ falsitate, fuisse narratum, priusquàm commutationes prædictæ executioni demandentur.* Ità *Barbosa de Pot. Episc. Alleg. 83 n. 5. cum Sylv. v. Legatum 4 q. 12. Menca, Beja Graff. Mendoza,* citatque etiàm Rotam Rom. Dec. 1122. Et ità etiàm *Salm. de Leg. c. 5 n. 67.*

*Secunda* verò sententia probabilior, quam tenent *Mol. de Just. D. 249. Laym. l. 3 tr. 8 c. 11 n. 10. et Sanch. l. c. dub. 2.* cum aliis negat, posse Episcopos, etiàm cum justa causa, commutare ultimas voluntates. Ratio, quia ex *cap. Tua de Testam.* et ex Trident. *Sess. 22 c. 8.* imponitur Episcopis ut exequantur exactè ultimas voluntates; Et hoc, etiàm si commutatio fieret in melius, ut dicunt *Barb. l. c. n. 3. cum Imola, et Bonif Laym. ibid.* ac adhæret *Lugo D. 24 n. 307. ex c. Conquestus de Foro comp. et cap. Quia nos Testam contra Dian. p. 2 R. 26. ac Sylv. Beja, Graff. Comit. Vasq. etc. apud Croix l. 4 n. 847.* qui admittunt commutationem in melius. Nec probari dicunt primam sententiam à Trid. in *cit. c. 6.* Nam ibi tantum committitur Episcopis, ut, quandò commutationes ultimæ volunta-

tis à Sede Apostolica eis committuntur, ipsi, antequàm illæ executioni demandentur, examinent, an sint veræ causæ expositæ? Concilium enim in *cap. 5.* immediatè præcedenti locutum erat de executionibus dispensationum à sola Sede Apostolica obtentarum. Et hoc ajunt esse conform. *Clementinæ, Quia contigit, citatæ in I. Quæst.* Valdè tamen probabiliter censet *Laym. cit. n. 11.* et consentiunt *Salm. c. 5 n. 194. cum Bon. et Trul.* quòd, si aliqua causa superveniat, vel si fuerit Testatori ignota, quam si ille cognovisset, aliter disposuisset, tunc Episcopus cum hærede possit ex epykia interpretari voluntatem Testatoris, et legatum in alium usum convertere, puta, si legatum sit relictum pro vasis sacris conficiendis, quibus Ecclesia non egeat, sed potiùs casulis. Quandò autem legata pia nullo modo possunt applicari ad usum à Testatore intentum, illa non sunt caduca, sed applicanda sunt in alium pium usum, arbitrio Episcopi, et Executoris, ut docent idem *Laym. ib. cum Abb. et Lugo D. 24 n. 305. ex c. Nos quidem de Testam.*

Sed dubitatur 1. An in commutationibus ab Episcopis faciendis, requiratur etiàm consensus hæredis, et Legarii: *Abbas, et Petr. de Ubaldis ap. Barbos. de Pot. Ep. All. 83 n. 6* dicunt requiri consensum hæredis, ex *c. Nos quidem de Testam.* Sed, si hæres nolle consentire, Episcopus solus potest commutationem exequi, ut ait *Roch. cum Felin. ap. Barb. loc. c.* Dicit autem prædictus *Petr. de Ubald. ib. ex Barth.* quòd insuper requiratur consensus Ecclesiæ, cui factum est legatum; sed si neque Ecclesia vellet consentire. Episcopus solus illud commutare potest.

Dubitatur 2. Quæ sint causæ, ob quas Episcopus ultimas voluntates commutare valeat? Causa I. est, quandò pecunia legata ad aliquem usum non sufficit, *Barbos. de Pot. Ep. All. 83 n. 7 etc.* II. Quandò usus legati non potest adimpleri, idem *Barb. n. 8 cum Rocio*; vel si res legata nequeat deservire usui destinato, ob impedimentum facti, vel juris? ita *Barb. n. 9 cum Imola, Bonif. Abb. Innoc. Ubald. Socin. etc.*

Hinc, si non potest Monasterium Monialium construï, ubi voluit Testator, puta in loco campestri, contra præscriptum à Concilio Tridentino *Sess. 25 c. 5* potest Episcopus alium locum destinare, ut *Farinac. Alexandr. Riccius cum eod. Barb. n. 10*. Qui tamen notat cum *Ubold. et Genuens.* quòd, si impedimentum est facti; et non est perpetuum, debeat expectari tempus opportunum, ex *c. non est etc. Quod super his, de Voto*. Si verò impedimentum est juris, distinguit idem *Petrus de Ubold* quòd, si legatum sit ad usus pios, tunc fiat commutatio; secùs, si ad usus inhonestos, puta, ut in Ecclesia fiant ludi theatrales, qui prohibentur in *c. cum decorem. de Vita et hon. Cler.* tunc legatum est nullum, tamquàm inutile; et fit caducum. III. Causa est, si legatum est factum ad usum non ità necessarium; tunc enim poterit Episcopus id commutare in alium pium usum magis eidem Ecclesiæ necessarium; ità *Barb. n. 12 cum Riccio, et Genuen.* Vide mox dicta in *Qu. II*. Imò etiàm ad alium usum fructuosum, si causa sit gravissima, et ità præsumatur mens Testatoris, ut addit *ib. Genuensis ap. Barb. n. 13*. Sic pariter dicit idem *Barb. n. 14. cum Riccio*, quòd redditus alicujus Capellæ deputati pro Missis, Episcopus possit commutare in paramentorum emptionem pro una vice tantum.

### DUBIUM III.

#### De Renunciatione hæreditatum.

- 932 Quando videtur renunciatio hæreditatis?  
 933 An hæc strictè interpretanda? Vide ibi resolutiones.  
 934 An sint irrita pacta de hæreditate viventium? Vide exceptiones.  
 935 De Constitutione Tridentini irritante renunciations ingredientium Religionem.

« **Resp.** I. Renunciatio futuræ hæreditatis, nisi jura-  
 » mento firmetur, nullius roboris est. Ratio est, quia  
 » ità jure cautum est propter bonum publicum. Ex-  
 93a

- » cipe 1. Nisi quis in ipso testandi actu renunci-  
 » juri successionis, vel post testamentum conditum,  
 » in quo omissus est, præteritionem sui approbet.  
 » 2. Nisi hæres necessarius, post debitam sibi portio-  
 » nem integram à patre acceptam, reliquæ hæreditati  
 » renunci- et; qui tamen, si bona patris postea augeant-  
 » tur, legitimam eorum portionem poterit exigere.  
 » Resp. 2. Renunciatio hæreditatis, cum odiosa  
 933 » sit, et contrà jus commune, strictæ interpreta-  
 » tionis esse debet.

*Unde resolves casus seq.*

- » 1. Non obstat renunciatio hæreditatis, etiam ju-  
 » rata à filio facta, quominus ab eodem patre, mu-  
 » tata iterum voluntate, possit institui hæres. *Molin.*  
 » *Sanch. l. 7 c. 7.*

- » Si filius renunciavit in favorem fratris, eo mortuo  
 » antè patrem, is, qui renunciavit in prima hæredi-  
 » tate, succedere potest; imò etiam institui debet,  
 » quia causa renunciationis cessavit, *Mol. d. 579 n. 19.*

- » 3. Filius post juratam renunciationem nihilomi-  
 » nùs succedere potest in iis bonis, quæ pater ad  
 » secundas nuptias transiens, liberis ex priorè matri-  
 » monio susceptis relinquere cogitur. Ratio est, quia  
 » in his filius non succedit jure sanguinis, cui renun-  
 » ciavit, sed propter civiles Constitutiones, et favores,  
 » *Mol. n. 21.*

- » 4. Etsi filia accipiens dotem à patre dicat, se eà  
 » contentam, et renunciare paternæ hæreditati; pactum  
 » tamen illud est invalidum, eoque non obstante, potest  
 » petere complementum legitimæ portionis suæ. *Ex*  
 » *l. pactum dotale, C. de Collat. l. si quando C. de*  
 » *pact. etc. Quamvis pactum, de pact. in 6 Mol.*  
 » *Sanch. l. 6 cons. Lugo respon. mor. l. 6 dist 24.*

- » 5. Si parentes dent filiæ dotem infrà portionem  
 » legitimæ debitæ, inducantque eam coactione, vel  
 » fraude, seu dolo ad renunciandum legitimæ, non  
 » sunt in conscientia tuti, et tenentur illi restituere.

» re libertatem, *Sanch. l. 4 de Matrim. d. 9. Lugo loc. cit.* Ac licèt filia, si renunciationem juramento firmaverit, eam servare teneatur; si tamen dolus, vel metus intervenerit, licebit relaxationem juramenti injustè extorti petere: eàque obtentà, non tenebitur ad pactum, quod ex injusta coactione processit. Vid. *Sanch. l. 2 mor. c. 13. Lugo t. 2 de Just. d. 22 sect. 8 et resp. mor. l. 6 d. 24.*

» Resp. 3. Omne pactum, vel donatio de alterius viventis hæreditate ipso jure irrita est, v. g. irritum<sup>934</sup> est pactum, quo Titius hæreditatem, quam sperat à Sempronio, promittit, aut obligat *Cajo*. Ratio est, quia tales pactiones odiosæ sunt, et plenæ periculis, ob insidias, quæ parantur ejus vitæ, super cujus bonis fit pæctio, *Laym. c. 7 n. 3.*

» Excipe 1. Nisi consentiat is, de cujus hæreditate agitur, et in eo consensu usquè ad mortem perseveret. 2. Nisi renunciatio fiat in favorem Communitatis, seu Collegii; hic enim cessat præsumptio, vel periculum insidiarum. 3. Nisi quis ob Constitutiones Ordinis, de omnibus bonis, et juribus acquisitis, et acquirendis disponere debeat, idque in favorem Communitatis piæ, vel etiàm certæ personæ pauperis, *Sanch. c. 2 n. 54. Laym. l. c. n. 3.* 4. Nisi fiat pactum circà hæreditatem personæ incertæ, v. g. si quæ mihi hæreditas obvenerit, dum vixero, tua esto: cessat enim periculum, *Mol. Sanch. l. 7 c. 2.*

» Quæres, quòdusque se extendat constitutio *Trid. sect. 25 c. 16* irritans donationes, et renunciationes<sup>935</sup> etiàm juratas, quæ fiunt ab ingredientibus religionem, nisi fiant cum licentia Episcopi, sive Vicarii, intrà duos menses proximos antè professionem et professio postea subsequatur?

» Resp. 1. Hanc constitutionem non habere locum in codicillis, testamentis, aut donationibus mortis causà: quia hujus constitutionis ratio est, ne per renunciationem hæreditatis novitiis imponatur necessitas profitendi; hæc enim ratio cessat in his ul-

» timis voluntatibus , quippè quæ usquè ad professio-  
 » nem revocabiles sint. Quare valet adhuc hodiè tes-  
 » tamentum à novitio conditum , neque rumpitur ,  
 » secutâ professione , etsi Monasterium in eo præteri-  
 » tum fuerit , *Sanch. l. 7 c. 5*. Qui autem licitè à re-  
 » ligione recedit , recuperat omnia bona cuicumque  
 » antè donata , intuitu ingressûs in Religionem.

» Resp. 2. Eâ constitutione non prohiberi donatio-  
 » nem modicam , quia cessat ratio , *Sanch. num. 23*.

» Resp. 3. Eâ comprehendi renunciationem Bene-  
 » ficii Ecclesiastici. Ratio est , quia hæc est amissio  
 » magni juris ob quam libertas egrediendi à religio-  
 » ne impeditur , *Sanch. n. 37*.

» Resp. 4. Per eandem etiâ irritantur renuncia-  
 » tiones , quæ fiunt antè ingressum religionis , intui-  
 » tu , vel causâ implusivâ ingrediendi ; qualis inten-  
 » tio in dubio præsumitur , si non multò antè ingres-  
 » sum factæ sint. Ratio est , tum quia Concilium ab-  
 » solutè loquitur ; tum quia aliàs non sufficienter  
 » consulisset libertati novitiorum , *Nav. Less. l. 2*  
 » *c. 41 n. 40* contrâ *Sanch.* cujus tamen sententia est  
 » probabilis. Undè sic donatum tuto retineri potest ,  
 » donec per sententiam Judicis rescindatur.

» Resp. 5 Irritam etiâ esse donationem seu re-  
 » nunciationem bonorum , sub conditione professio-  
 » nis edendæ factam , ita ut , eâ non secutâ , corruat ,  
 » *Nav. Sanch. n. 17 Mol. etc.* Ratio est , quia donan-  
 » tes , seu renunciantes ægrè contristant donatarios ,  
 » ut eos de possessione semel capta dejiciant : et  
 » Monasteria , quæ tales donationes acceperunt , om-  
 » nes modòs adhibent , ut tales ad professionem in-  
 » ducantur , *Laym. c. 7 n. 8*.

» Resp. 6. Non obstante hac constitutione , validas  
 » esse renunciationes , antè , vel post ingressum Soc-  
 » JESU factas , juxta ejus constitutiones. Ratio est , quia  
 » Tridentinum Societatem disertè excipit. Dixi ( juxta  
 » constitutiones ) quia in iis donationibus , quæ contrâ  
 » constitutiones fiunt , non videtur habere locum ,  
 » quia Tridentinum id voluit in favorem Societatis ,

» Quod autem ob gratiam alterius conceditur, non est  
» in ejus dispendium retorquendum, *Mol. Sanch.*  
» *Laym. l. c.* »

#### DUBIUM IV.

Qui possint, et debeant esse Executores  
Testamenti?

936 *Qui possint esse Executores? Et qui sint de jure? Et  
an possint officio fungi per alios?*

937 *An Religiosus Executor possit applicare suo Monasterio  
legata relicta ad pias causas?*

938 *Quomodo relicta incerta sint exequenda?*

939 *An legata ad pias causas possint commutari?* 940. *Vi-  
de resolutiones.*

941 *Quomodo exequenda voluntas Testatoris?*

« **RESP. 1.** Illi à Testatore nominari possunt, unus, 936  
» vel plures ex hæredibus, vel non hæredibus; nec  
» tantum masculus, sed etiam foemina, *Sanch. Wad.*  
» *Dian. p. 8 t. 5. R. 4.* non tantum laicus, sed etiam  
» clericus, et religiosus. Hic tamen non sinè sui Præ-  
» lati licentiâ; At Fratres de observantia nullo modo.  
» Si tamen religiosus, contra Canonum decreta,  
» executor testamenti sit, acta ejus valent. Ità *Laym.*  
» *c. 11.* Et ratio est, quia, spectato jure naturali,  
» sufficit voluntas Testatoris executoris; nec Canones  
» executionem religiosi infirmant, sed prohibent  
» tantum. *V. Bon. de contr. d. 3. q. 18. Dian. p. 8 t. 5.*  
» *R. 9. 10.* Et, licet impubes executor esse non pos-  
» sit, potest tamen minor, si explevit annum 17. *Sanch.*  
» *Lugo, Widing. Dian. p. 8 t. 5. R. 6.* Nullus autem  
» cogi potest, ut sit executor, *Dian. l. c. R. 27.* De-  
» tractans tamen hoc ipso perdit legatum (saltè quod  
» in præmium muneris ei relictum fuit) ceditque hoc  
» aliis executoribus, *Mol. in Lugo, Dian. p. 8. t. 5.*  
» *R. 27* contra *Wald.*

» **Resp. 2.** Si nullus à testatore nominatus est ex-  
Tom. III.



» tutor, executio pertinet ad hæredem, etiã quodã  
 » legata pia; quo tamen casu Episcopus jure com-  
 » muni ad se pertrahere potest, *Laym. l. c.*

» Resp. 3. Executor non potest officio fungi per  
 » alium, nisi testator ei permiserit, aut nisi com-  
 » mittatur executio nudi facti jam declarati, *Sanct.*  
 » *C. de Lugo, Dian. pun. 8 t. 5. R. 26.*

937 » Quæres 1. An religiosus executor legatum in pias  
 » causas monasterio suo applicare possit?

» Resp. posse. Ratio est, quia, si quid obstaret,  
 » esset ex eo, quod executor etiã indigens eleëmō-  
 » synam sibi ex testamento applicare nequeat, nisi  
 » testator indigentiam ejus ignoraverit, aut ea post-  
 » modum supervenerit, cum, si eam cognovisset,  
 » certum quid ei legaturus fuisse videatur. Sed hæc  
 » ratio non ligat, quia causa monasterii distincta est  
 » à causa, seu persona professi, sicut causa Ecclesiæ  
 » à causa beneficiati. Unde etiã quivis jussus aliquid  
 » dare pauperibus, potest id tribuere cognatis, vel  
 » filijs suis, quia evidens est distinctio inter donan-  
 » tem, et accipientem, *Sylv. Sanct. l. 6. c. 11 n. 56.*

» V. *Dian. p. 8 t. 5. R. 46.* Porro ad pias causas legata  
 » dicuntur, quæ intuitu pietatis relictæ sunt, nimi-  
 » rum 1. Loco, vel personæ Sacræ. 2. Hospitali. 3.  
 » Confraternitatibus. 4. Pupillis et Orphanis. 5.  
 » Causâ alimentorum iis, qui indigent. 6. Causâ  
 » studii, saltem Theologici. 7. Ad constructionem  
 » monumenti. 8. Ad utilitatem publicam, v. gr. pro  
 » munienda urbe in necessitate, vel viis reficiendis,  
 » *Dian. p. 7 t. 6. R. 29 et 30 ex Bald. et cæteris multis.*

» Quæres 2. Quomodo relictæ incerta executioni  
 » sint mandandæ?

938 » Resp. 1. Si incertitudo sit ex parte legatarii jure  
 » civili corrumpitur legatum: v. gr. quia sunt duo ejusdem  
 » nominis, et amicitie erga testatorem, jure civili  
 » corrumpitur legatum: in foro conscientie tamen tenetur  
 » executor inter eos dividere æqualiter, si in id con-  
 » sentiant, *Mol. etc. Dian. p. 3 t. 5. R. 58. Trull. d.*  
 » 12. 2. Legata ad causas pias ob incertitudinem lo-

» ci vel Ecclesiæ, non fiunt caduca, sed plerumque  
 » pauperiori Ecclesiæ, vel Xenodochio danda erunt.  
 » 3. Si incertitudo sit ex parte rei legatæ, videndum,  
 » an terminos à natura habeat, ut v. gr. bos, et  
 » equus; vel ab arte, et industriâ, ut domus, ves-  
 » tis etc. Si à natura habeat, danda est una ex me-  
 » diocribus; si ab arte, electio ad hæredem pertinet,  
 » qui rem in eo genere minimam dando satisfacit.  
 » Idemque dicendum est de legatis; in numero pon-  
 » dere et mensura consistentibus. Vide *Laym. l. c. n.*  
 » 7, 8 et 9.

» Resp. 2. Si acceperint summam pecuniæ distri-  
 » buendam pauperibus, non tenentur dare pauperi-  
 » bus; possuntque etiâ dare hospitalibus, Eccle-  
 » siis (quæ ornamentis, vel fabricâ indigent) Monas-  
 » teriis, vel iis, qui secundum suum statum non  
 » possunt vivere, sive ii sint opifices, sive altioris  
 » conditionis, etiâ Nobiles, *Vasq. Mol. et alii 8.*  
 » dummodò tamen non constet, vel ex signis colliga-  
 » tur, aliam fuisse intentionem testatoris, quæ sem-  
 » per attendenda est, *Dian. p. 2. tit. 15. R. 8.* Si verò  
 » designaverint semel certos pauperes, non posse eos  
 » variare, docet *Wad.* sed affirmat *Lugo V. Dian. p. 8*  
 » *t. 5. R. 50 et p. 2. t. 16. R. 19.* Possunt etiâ sibi  
 » ipsis, vel suis cognatis, si verè pauperes sint, et  
 » præsertim si testator id ignoravit, eam applicare,  
 » *Wading. Dicastill. Dian. p. 8 tr. 5. R. 46 et 47.*

» Quæres 3. An legata ad certas pias causas possint<sup>939</sup>  
 » ab Executore, vel Episcopo commutari in alium  
 » pium usum?

» Resp. 1. Si voluntas testatoris impleri potest jus-  
 » tè, et honestè, non licet eam commutare in opus  
 » quantumcumque melius nisi ex dispensatione Pon-  
 » tificis, et justâ de causâ, *Mol. Wading. Dian. p. 1.*  
 » *t. 17. R. 28 et p. 8 t. 5. R. 63. etc.* communiter con-  
 » trà *Vasq.* et aliquos, qui docent, Episcopum posse  
 » commutare in æquale, vel melius. Interdum tamen  
 » ad Episcopum, hæredes, et executores pertinet,  
 » secundum epikejam interpretari, non alienum esse

- » à defuncti voluntate , si mutatio fiat ; v. gr. si tes-
- » tator pecuniam Ecclesiæ leget ad calices compa-
- » randos , et Ecclesia non egeat calicibus , sed casulis ,
- » *Mol. Laym. l. c. n. 10. Vid. Vasq. opusc. de test. cap.*
- » *8. § 5 d. 3 n. 104. Trull. c. 18 d. 12. Barbos de*
- » *off. et potest Episc. \* ( Vide dicta n. 931. Qu. II. ) \**
- » Resp. 2. Si ad usum à testatore destinatum ap-
- » plicari nequeunt , non ideò fiunt caduca , sed arbi-
- » trio Episcopi , et executoris ad aliam piam causam
- » applicanda sunt : ità tamen , ut , quòd fieri possit ,
- » defuncti voluntas impleatur. Ratio est , quia is prin-
- » cipaliter intendit in salutem animæ suæ ad Dei ho-
- » norem relinquere , *Molin. disp. 294 Bon disp. 3.*
- » *de cont. qu. ult. p. ult. Barb de Offic. Episc. \* ( Ex*
- » *Trid. Sess. 25 c. 8. Vide Salm. c. 5 n. 193. et vide*
- » *dicta n. 931. vers. Quær. II. ) \**

*Ex dictis resolvuntur sequentes Casus.*

- 940 » 1. Si testator pauperi determinato aliquid legä-
- » rit , hic autem antè solutionem moriatur , hæres il-
- » lud tenetur alteri pauperi dare , quia præsumitur
- » legatum pium factum in beneficium animæ testa-
- » toris , adeoque designatio pauperis demonstrativè ,
- » non taxativè , facta fuisse : nisi tamen aliud constet ,
- » vel ex circumstantiis colligatur de testatoris inten-
- » tione , de qua si maneat dubium , manet data reso-
- » lutio. *Mol. Sanch. Bard. D. 6 c. 10. §. 7.*
- » 2. Si legata pia inveniantur inducta , et non con-
- » stet de testatoris intentione , tenetur hæres ea sol-
- » vere ; quia præsumitur id fortuitò , ac casualiter ,
- » et non ex testatoris voluntate accidisse , *Bard. d. 6*
- » *c. 10. § 17.*
- » Si Testator legaverit summam pecuniæ pro certo
- » numero Sacrorum ? hæres autem eam summam Sa-
- » cerdoti cuiuspiam bono tradiderit , ac postea ob mor-
- » tem dicti Sacerdotis , aliamvè ob causam dubitet
- » prudenter , an Sacrificia illa sint peracta , non te-
- » nêtur curare ea iterum celebranda ; quia satisfecit
- » testatoris voluntati , *Bard. d. 6 q. 10. §. 22.*

- » Quæres 4. Intrà quod tempus, quo ordine, et
- » modo hæredes, et executores defuncti voluntatem
- » exequi debeant et quis cogere possit?
- » Resp. 1. Tenêri statim post aditam hæreditatem, 94
- » confectumque inventarium, etiàm intrà annum,
- » nisi justo impedimento excusentur. Imò in legalis
- » piis intrà sex menses, *Mol. Vasq. Dian. p. 8 t. 5*
- » *R. 53.* idque, etiàmsi hæreditas non sit adita, eò
- » quòd hæres vel antè fuerit mortuus, vel eam repu-
- » diarit, *Covarr. et alii tres, Dian. p. 7 t. 6 R. 25.*
- » Undè si differant notabiliter (præsertim solutionem
- » piorum legatorum), aut negligent exequi, graviter
- » peccant; tenenturque damnum, quod alii ipsorum
- » culpâ acceperunt, compensare, *Bon. d. 3 q. 18 p. 4.*
- » *Nav. cap. 25. Lugo, Dian. p. 8 tr. 5 R. 52.* \* (*In*
- » *foro igitur conscientie hæredes, et executores tenen-*
- » *tur sub gravi statim implere legata (maximè pia),*
- » *cùm possunt. Ità communiter Salm. c. 5 n. 155 cum*
- » *Lugo, Dian. S. Anton. Trull. etc.* ) \*
- » Resp. 2. Ab utroque Judice, Ecclesiastico, et
- » seculari compelli possunt (si tamen laici sint.)
- » Quod, si post annum à monitione judicis, vel Epis-
- » copi exequi negligent, omni commodo (exceptà totâ
- » legitimâ, si hæredes necessarii sint) ex testamento
- » ipsis proveniente privantur. Vide *Laym. l. c. tr. 5*
- » *c. 11. C. de Lugo d. 26 de just. Dian. p. 3 t. 3 R. 59.*
- » *Valer. Trull. d. 11* imò, si intrà annum negligent
- » exequi, jus executionis devolvitur ad Episcopum,
- » *Molin. et alii 8. Dian. p. 8 t. 5 R. 40* nec admittitur
- » purgatio moræ, *Sanch. Dian. l. c. R. 33 et 54.* Sed
- » tenetur Episcopus exequi, removendo illos ab exe-
- » cutione, et emolumentis spoliando; atque in defec-
- » tu Episcopi idem potest Metropolitanus, *Molin.*
- » *Merol. Dian. R. 57.*
- » Resp. 3. Executor tenetur omnia exequi secun-
- » dùm mentem testatoris; ad hoc tamen execu-
- » tor particularis non potest vendere bona defunc-
- » ti, nisi hic ità statuerit: universalis autem potest,
- » *Lugo D. 24 sect. 16. Dian. p. 8 t. 5. R. 32.* Neque

- » potest utquam, invito hærede, rem legatam dare  
 » legatario : quia non potest, nisi per Judicem, spo-  
 » liare hæredem suâ possessione, licet teneatur mo-  
 » nere Episcopum, ut hæredem cogat, *Sanch. Lugo*  
 » *Dian. p. 8. t. 5. R. 39.* quod si bona non sufficiant  
 » ad legata omnia solvenda, distribuenda sunt om-  
 » nibus æqualiter pro rata (etiãmsi sint pia; et licet  
 » uni res certa, et in dividuo sit legata) nec licet  
 » uni præ aliis gratificari : quia par omnium est ratio;  
 » et jus, *Sylv. Sanch. Bon. Dian. Trull. l. 7 c. 18 d. 12.*  
 » Resp. 4. Tenentur Executores reddere rationem  
 » executionis (idque probabiliter, etiãmsi testator  
 » eos hoc onere liberasset) exceptis iis, quæ testator  
 » jussit erogari secretò, *Diana p. 8 t. 5. R. 34.* et alii  
 » 35. Possuntque ad hoc cogi ab Episcopo, vel Ca-  
 » pitulo, sede vacante, *R. 36 et 37 et 62* nisi sint Re-  
 » gulares plene exempti, quos cogi posse alii negant,  
 » affirmant alii, ut vide *l. c.* Demique non debetur iis  
 » salarium, cum sit officium voluntarium amicitiae :  
 » si tamen damnum ex eo patiantur, vel sint etiã  
 » administratores bonorum, debet assignari à Judice,  
 » *Lugo d. 24 sect. 16 n. 335. V. Dian. R. 39.* Plura de  
 » executione piarum, et ultimarum voluntatum; V.  
 » apud *Trull. et Dian. ll. cc. et Barb. l. 3 de jure univ.*  
 » *c. 27. \** (*Nemo tenetur munus executoris exercere.*  
 » *nisi jam acceptavit. aut legatum accepit, aliàs legatum*  
 » *amittit, Salm. c. 5 n. 164 cum Dicast. etc. \*)* »

## DUBIUM V.

De iis, qui testari, et hæredes institui possint.

- 942 Qui testari possint?  
 943 Qui possint hæredes institui? 944 Vide resolutiones.  
 945 Quæ sit divisio hæredum!  
 946 An sit obligatio gravis relinquendi bona fratribus, et aliis  
 propinquis indigentibus?  
 947 Quantum debeat hæredibus necessariis?  
 948 Quæ sint causæ justæ exhæredandi filios? 949 An ob nup-

*tias cum indigenis? Et vide dubia super hoc puncto, v. Sed dubitatur?*

950 *Vide alios casus, quando Testamenta infirmantur.*

951 *Quid possint petere spurii à Matre, et patre?*

952 *Quid, si pater relinquat bona alteri, ut ea reddat filio spurio?*

953 *Qui hæredes succedant ab intestato?*

954 *Quomodo facienda sit collatio inter fratres? 955. An debeant conferri sumptus pro studio, Doctoratu, etc.*

956. *An Patrimonium datum ad suscipiendos Ordines? 957. An bona paterna, quæ filius expendit in ludis etc.? 958. An expensæ factæ in nuptiis? 959.*

*An vestes, et similia data Parentibus?*

960 *Quid, si conjuges transeant ad secundas nuptias?*

961 *De Falcidia, et Trebellianica debita hæredibus.*

« **RESP. I.** Omnes homines liberam de suis bonis <sup>942</sup>

» testandi facultatem habent, nisi naturali, aut posi-

» tivo jure prohibeantur. Naturali autem jure testari

» vetantur infantes, furiosi, amentes, nisi tamen lu-

» cida intervalla habeant, vel in unâ tantum materiâ

» delirent, et aliis non, ut *Nav. Sanch. l. 1 de Ma-*

» *trim. d. 8.* Quid autem sentiendum de eo, qui ex

» morbo aliquamdiu delirat? *V. C. Lugo d. 14 sect. 4.*

» Positivo autem, surdus simul, et mutus à natura,

» prodigus, servus, usurarius publicus, filius fami-

» lias de bonis adventitiis \* (*etiâ de consensu Patris,*

» *nisi ad causas pias, ex l. Qui in potestate, 6. D. Qui*

» *testamenta, etc. et ex c. Licet de Sep. in 6.*) \* (si

» quidem antè Clericatum advenerint, ut *v. C. de*

» *Lugo de just. d. 24 n. 67.*), impubes, captivus apud

» hostem damnatus ad mortem, si bona ejus confis-

» cantur, *C. Lugo l. c. n. 72* professus religionem.

» Dico, *professus*, quia novitius, cum adhuc sui

» juris sit, absque superioris licentiâ validè testari

» potest, etiâ non servatâ juris solemnitate, ut ha-

» bet *Trull. c. 18 d. 5 ex Sa, et Bon.* et si quidem in-

» testatus decedat, proximi consanguinei in bonis

» succedunt. Similiter Religiosus Societatis, post

» emissa vota simplicia, etsi non licitè, validè tamen

» potest testari; quia dominium bonorum suorum re-

- » tinet impeditum quasi voto paupertatis, quoad dispositionem sinè licentia superioris, non tamen ullâ constitutione Canonicâ dispositio irritatur. Ità *Mol. Sanch. Laym.* qui addit, potestatem testandi, seu jure, seu consuetudine, etiâ Religiosis ordinum militarium concessam, frequenterque à Pontifice concedi iis solere, qui extrâ claustrum Beneficium, vel Episcopatum habent.
- 943 » *Resp. 2.* Omnes homines etiâ amentes, surdi, muti, servi, imò et communitas, hæredes institui possunt; nisi id specialiter prohibeatur. Ità *Bon. de cont. d. 4 q. ult.* Quia ad hoc tantum requiritur plena potestas in disponentes, et capacitas in hærede. Incapaces autem secundum jura sunt 1. Apostatæ, et Hæretici, eorumque receptores, defensores, fautores: licèt probabile sit, eos antè sententiam judicis ad restitutionem non tenèri, eò quòd hoc jus in eo rigore non sit receptum, *Less. l. 2 c. 19 dub.* 5. *Sanch. l. 2 c. 14 n. 31.* 2. Civitas hostium, et communitas Judæorum. 3. Damnatus ad metalla; persecutores, et percussores Cardinalium, et qui ob crimen activè intestabiles sunt. *Less. l. cit.* Adde casus, in quibus aliqui excluduntur à bonis defuncti; ut 1. Hæres (uti et legatarius) qui testatorem occidit, *l. ult. § ult. ff. de bonis damnatorum.* 2. Idem si testatori prohibuit testari, aut testamentum revocare, aut si ad uxorem testatoris accedat. 3. Si, dum testator mente captus fuit, hæres illius curam non habuit, aut si captivum redimere neglexit. V. *Mol. D. 168 et 202. C. de Lugo d. 24 n. 75.*

## Undè resolves.

- 944 » 1. Hæredes institui possunt professi Ordinum, quibus permissum est bona immobilia in communi possidere, eorumque nomine monasterium succedit. Tales autem sunt omnes ferè religiones, excepto Ordine Minorum de Observantia, et Capuccinorum. Ratio est, quia illi sunt incapaces, secundum *Trid.*

» *sess. 25 cap. 3. V. Sanch. l. 6 c. 18 Bonac. l. c.*  
 » *Laym. l. 3 t. 5 c. 15* licet contrarium probabilius  
 » esse putet *Wading. tr. de cont. lib. 4 dub. 1 § 5. Vide*  
 » *Dian. p. 9 t. 9 R. 16:*

» 2. Testator potest quemvis extraneum instituere  
 » hæredem nullâ factâ mentione consanguineorum  
 » collateralium, etiâ fratris pauperis, dummodò  
 » absit scandalum, et gravis necessitas illorum: quia  
 » nullo jure prohibetur, et bona sunt ipsius, de qui-  
 » bus disponit liberè, *Bonac. et alii 5 Dian. p. 1 t.*  
 » *8 R. 83 et 85. Item p. 5 t. 3 R. 114.*

» Quæres 1. Quæ sit divisio hæredum?

» Resp. Hæres alius est ex testamento, alius ab in-<sup>945</sup>  
 » testato. Hæres ex testamento, vel est universalis, sive  
 » exasse; vel partialis, seu ex parte tantum, v. g. ex trien-  
 » te, vel dodrante, vel quadrante. Uterque horum vel est  
 » hæres necessarius, vel necessario institui debet, ut sunt  
 » omnes in recta linea descendentes, et post hos as-  
 » cendentes, nisi sit causa justa exhæredandi; vel  
 » non necessarius, quem testator potest instituere,  
 » et tamen non cogitur. *Laym. c. 5 n. 9*

An testator teneatur sub gravi obligatione relin-<sup>946</sup>  
 quere bona cognatis, qui non sunt hæredes necessarij  
 si ipsi graviter indigeant? Loquendo de fratribus,  
 aut sororibus, negant *Sal. c. 5 n. 87* et dicunt esse  
 obligationem tantum sub levi, nisi illi sint in extre-  
 ma paupertate, et citant *Lugo de Just. D. 24 n. 175*  
 et *Dian. p. 1 tr. 8 R. 85*. Sed ipsorum pace nec *Lugo*,  
 nec *Diana* hoc dicunt, sed isti cum *Sylvest. Sa. Bon.*  
 et *Beja* asserunt, absolutè esse obligationem relinquen-  
 di bona fratribus graviter egentibus, saltèm quantum  
 sufficiat ad sublevandam ipsorum indigentiam, juxta  
 præceptum charitatis; Et cum hæc sit materia gravis,  
 non videmus quâ ratione possit negari, quòd charitas  
 ad hoc graviter obliget. Confirmatur ex eo, quòd com-  
 munitè doceant *Laym. de Just. tr. 4 c. 13 n. 5 cum*  
*Aug. Abb. Sylv. Sa, etc.* et idem *Salm. de 4 Præc. c.*  
*un. n. 69* cum communi, scilicet, quòd unusquisque  
 teneatur fratribus alimenta præstare; adeò ut Clerici



beneficiati teneantur. ex fructibus. Beneficii præferre. fratres graviter indigentes aliis pauperibus, prout dicunt *Salm. l. c. cum. Azor. Sylv. Fag. Ang. etc.* Eadem igitur obligatio, quæ urget in vita, urget etiam in morte. Et hoc non tantum ex generali præcepto charitatis, sed ex obligatione speciali pietatis, quam habemus erga fratres, et propter quam certum est, læsionem in fratres habere specialem malitiam, in Confessione explicandam, ut communiter dicunt DD. cum *Lugo de Pœnit. D. 16 n. 305 et Salm eod. tit. c. 8 n. 82 et 87.* Hinc censemus omninò dicendum cum *Spor. de 4 Præc. c. 5 n. 66 et Ronc. de Contr. c. 4 Reg. 1 in praxi* (qui citat etiam *Lugo loco suprà cit.*), quòd idem vinculum pietatis, graviter obligans ad fratres non lædendos, obliget etiam sub gravi ad subveniendum eis in gravi necessitate præ omnibus aliis pauperibus, sive operibus piis.... Addit *Ronc. ib.* quòd, si fratres sint pauperes, etiamsi gravem indigentiam non habeant, adhuc sit saltèm veniale eos præterire.

Erga verò alios consanguineos remotiores, putat *Spor. l. c.* adesse eandem obligationem gravem eis succurrendi, si gravi vel adhuc ordinariâ paupertate laborarent; quia censet offensam adversus eos diversam etiam speciem afferre. Attamen cum hæc opinio sit singularis hujus Auctoris, et communis sit sententia opposita, nempe, quòd peccata contra ipsos speciem non mutant, ut docent *Lugo de Pœnit. D. 16 n. 308. Bon. eod. tit. q. 5 sect 2 p. 2 § 3 diff. 3 n. 15. Salm. de Pœnit. c. 8 n. 89. Croix l. 6 p. 2 n. 1099 cum Dic. etc.* Hinc non videtur adesse gravis obligatio ipsos præferendi aliis pauperibus. E conversò, quia (ut dicunt *Lugo, et Salm. ll. cc. cum Tamb. Exp. Conf. c. 5 § 2 n. 9*) offensa cognatorum, extra fratres, saltèm aggravat culpam, esto speciem non mutet, ideò puto quòd non excusetur à veniali præteritio ipsorum, si graviter indigeant, cum erga ipsos etiam adsit aliqua, licet non ita stricta, obligatio pietatis.

947 » Quæres 2. Quantum hæredibus necessariis de-  
» beatur?

» Resp. Jure novo legitimam portionem descen-  
 » dentium esse trientem hæreditatis, si non sint plu-  
 » res, quàm quatuor liberi; si plures, semissem. Si-  
 » militer ascendentium portio, etsi unus tantum sit,  
 » est triens hæreditatis.\* (*Sive tertia pars, ex com-  
 » muni DD. ut Salm. t. 6 n. 83.*)\* idque absque ullo  
 » gravamine, modo, et conditione; alioqui pro non  
 » apposis habentur. Si autem alicui ascendentium,  
 » vel descendantium portio legitima non relinquatur,  
 » competit ei actio ad petendum complementum, vel  
 » ad rescindendum testamentum, ut ipso jure nullum,  
 » maximè si causa idonea exhæredationis non sit in-  
 » certa, et probata, *Laym. cap. 8 n. 10.*»

Justæ causæ exhæredandi filium sunt ex *Salm. c. 2948*  
*n. 90.* 1. Si filius, cum peccato gravi, manus injiciat  
 in parentem, aut ei contumeliam dicat, aut conetur eum  
 occidere. 2. Si accuset parentem, aut sit testis vel pro-  
 curator contrà eum in causis criminalibus, mortis,  
 exilii perpetui, vel infamiæ, aut damni gravis; nisi  
 crimen sit hæresis, vel læsæ Majestatis. 3. Si rem ha-  
 beat cum uxore, vel unicâ concubinâ patris. 4. Si  
 nolit fidejubere ad liberandum patrem e carcere. 5. Si  
 prohibuerit patrem testari. 6. Si filia, recusato justo  
 Matrimonio, luxuriosè ut meretrix vivat; non verò,  
 si nubat contrà parentum voluntatem.

Quæritur hîc autem, an Parentes possint exhæredare <sup>949</sup>  
 filios matrimonium ineuntes cum indignis? Affirmant  
*Baldus Goffred. et alii apud Sanch. de Matrim. l. 4 D. 24*  
*n. 2 ex Authent. ut cum, de Appell. § Aliud quoque;* ubi  
 dicitur filium exhæredari posse ob gravem injuriam  
 Patri illatam; et talem hanc esse dicunt. Sed omninò  
 negandum cum *Sanch. n. 3 ac Suar. Sot. Mol. Palud.*  
*Tab. etc.* apud ipsum, ac *Bonac. de 4. Præc. p. 5 § 3*  
*n. 3.* Ratio, quia in præfata Authentica expressè de-  
 claratur, eo solo casu posse filiam exhæredari, quo  
 filia minor 25 annis, rejectis nuptiis à Patre oblatis,  
 luxuriosè vixerit. Utrùm autem adhuc in hoc casu  
 possit Pater filiam exhæredare? Negant pariter *Conc.*  
*h. c. et Sanch. l. 4 D. 25 n. 2 cum Abb. Nav. Suar. Sylv.*

*Ang. Henr. et aliis plurimis.* Ratio, quia jus Civile in hoc correctum est à Canonico, argumento *cap. Gemma de Despons.* ubi, ad servandam libertatem in Matrimonio, irrita declaratur quæcumque poena in sponsalibus apposita: Cum autem in Matrimonio ratio Sacramenti sit dignior ratione contractûs, ideò ad Potestatem ecclesiasticam principaliter pertinet de Matrimoniis disponere, et refellere statuta illa civilia quæ omnimodam libertatem in Matrimoniis diminuunt. Contradicunt tamen *Sotus, Mol. Salm. Led. Vega, Vtguer. et alii apud Sanch. l. c. n. 1* horumque sententiam *Bonac.* vocat probabilem, et *Sanch.* probabilissimam. Ratio, quia in dicto *c. Gemma*, sermo est de poena, cui sponsi ultrò se subijciunt, cuique nullo modo obstringebantur, nisi per pactum, quod quidem adversatur Matrimonii libertati; sed in nostro casu agitur de poena, quæ filiis justè infligitur, justè enim ex omni jure filii privantur legitimâ, quando grave crimen contrà Parentes committunt; quale autem majus crimen, quàm, rejectis honestis nuptiis, filiam velle se prostituere? Utraque sententia est probabilis, sed hæc secunda videtur probabilior juxta dicta *n. 137.* Tantò magis, quia etiàm poena apposita in sponsalibus parti injustè resilienti, valet ex probabiliori sententia, ut dicemus *de Matr. lib. 6 n. 852 vers. Notandum autem.* Alia v. *apud Salm. c. 2 n. 90.* Filii è contrario Parentes exhæredare possunt ob similes causas, quas videre poteris *apud Salm. n. 91.*

Sed dubitatur 1. an in casibus enumeratis possint Parentes filiis etiàm alimenta denegare? Affirmant *Vasq. et Sylv.* Sed communiùs, et longè probabilius negant *Salm. n. 92 cum Trullensch. et Villal.* si filii aliundè alimenta non habeant ad vitam necessaria; ista enim semper debentur, saltèm ex jure Canonico, et naturali, et etiàm, dico, de jure civili, quo tamen exhæredare filium conceditur Parentibus, non autem alimenta denegare

Dubit. 2. Si pater, justam causam habens, de facto tamen non exhæredet filios, an possint isti privari hæ-

reditate? Respondendum negativè cum comuni; ita *Mol. Lugo, Dicast. Trull. et Salm. n. 93* Ratio, quia exheredatio non ex jure naturali, sed vim habet ex jure civili; quò insuper sancitur, ut causa exheredationis, non solum testamento inseratur, sed etià legitime probetur, ita in *Auth. C. de Liberis etc.*

Dubit. 3 An pater possit exheredare filium ob causas similes enumeratis? Affirmant *Tap. Vasq. Vilal. etc.* Sed negant probabilius *Salm. c. 2. n. 94 cum Lugo, Mol. Lop. etc.* Cum in poenalibus non fiat extensio de casu ad casum; maxime, quia in Jure prohibetur exheredatio ob alias causas, quàm expressas, ex *Authent. Ut cum Appell. § Aliud.*

Dub. 4. An pater, recipiens filium in suam gratiam, et injuriam remittens, possit adhuc eum exheredare? Negandum cum *Salm. n. 59 Trull. Lugo, Mol. Vilal. etc.* communiter: quia, remissà injurià, pater non habet amplius justam causam eum exheredandi.

Dubit. 5. An, si filius poenitentiam agat de crimine patrato contra patrem antè ejus mortem, possit pater eum exheredare? Negant *Trullenck. Sylv. etc.* Sed probabilius affirmant *Lugo D. 15 n. 108 et Salm. n. 96 cum Vasq. et Mol.* quia poenitentia in fero humano à poena delinquentem non liberat.

« His adde I. Rumpi testamentum ob posthumi præteritionem. II. Peccare parentes, si absque  
 » justa causa ex inordinato affectu ergà liberos successionis inæqualitatem inter eos instituunt. Justæ  
 » autem causæ hujus inæqualitatis erunt merita, et  
 » obsequia majora, si pusilli magno sumptu in studiis  
 » ali debeant: si qui plus egere videantur, *Dian. p. 1*  
 » *t. 8 R. 83.* Si quis in studiis sustentatus sit Doctor,  
 » possitque lucrari, et alii secus: imò pater id,  
 » quod habet suprà partes legitimas filijs debitas,  
 » potest de rigore relinquere extraneo, *Trull. c. 18*  
 » *d. 19 Bonac. Dian. p. 1 t. 8 R. 83.* III. Liberos naturales,  
 » nisi legitimati sint, respectu patris non esse  
 » hæredes necessarios, respectu tamen matris esse;  
 » idque æquali jure cum legitimis. Si tamen pa-

parte promissio illa contrà leges eum non obligat; et vice versâ, verè est hæres, et dominium acquirit hæreditatis. Ità *Sanch. d. c. 3 dub. 20 n. 9. Mol. D. 169. Less. c. 19 n. 60. et Lugo D. 24 n. 95.* qui vocat hanc veriore, et communem cum *Vasqu. Dian. etc. Secunda* sententia, mihi probabilior, dicit, hæredem tenèri bona restituere hæredi ab intestato, quia ex una parte non tenetur illa tradere spurio, cum non teneatur gravamen illud observare, utpotè appositum contrà legem; ex altera non potest hæreditatem retinere contrà voluntatem Testatoris, qui numquàm intentionem habuit, ut apud eum bona remanerent. Ità *Sotus l. 4 de Just. q. 5 art. 1 ad 4. item Salon. Led, Trull. apud Salm. l. c. n. 70,* et valdè probabilem hanc vocat *Sanch. Tertia* verò sententia, quam, ut non minùs probabilem enixè tumentur *Salm. n. 73.* et non immeritò, tenet, hæredem benè acquirere hæreditatem, sed ex justitia pacti initi, tenèri eam reddere spurio. Ratio, quia promissio illa facta in pretium hæreditatis promissæ, satis obligat hæredem ex justitia, postquàm hæreditas sit tradita; maximè, si ideò hæres aliquam partem bonorum sibi acquisiverit. Ad objectionem autem, quòd illa promissio non obliget, tum quia facta est contrà legem, et in ejus fraudem; tum quia gravamen illud, sive conditio est turpis; ideòque rejiciatur à lege: Respondent, aliud esse quòd promissio sit contrà legem, aliud quòd materia sive res fuerit promissa contrà legem; Promissio enim facta ad obtinendam rem turpem, illicita quidem est, ac invalida antè traditionem rei turpis; postquàm verò res turpis jam sit tradita, promissio pretii valet et obligat, ejusque impletio licita est. Sicut enim, qui promittit pretium meretrici, illicitò promittit, et antè copulam non tenetur promissionem implere, at copulâ secutâ, licitè pretium tradit, et ex justitia tradere tenetur, ut diximus *n. 712.* Ità à pari, quàmvis hæres illicitè promittat, se traditurum spurio hæreditatem, et peccet promittendo, quia fraudat legem, Licitè tamen potest, et debet, ipsi tradere hæreditatem ex pacto inito, postquàm Testator ipsi hæreditatem reliquerit.

Quæres 3. Qui hæredes succedant ab intestato ; aut testamento rupto, vel irrito ?

Resp. I. Antè omnes alios patri succedere legiti-<sup>953</sup>  
 mos liberos, et in demortuorum locum nepotes. II.  
 Deficientibus descendantibus, patrem, matrem de-  
 functi, et in eorum locum avos, et avas. III. His  
 quoque deficientibus, fratres, et sorores ex utra-  
 que parte conjunctos ; idque æquis portionibus,  
 exclusis iis, qui ex solo patre, vel matre conjuncti  
 sunt. IV. Si ex fratribus vel sororibus utrimque  
 conjunctis unus mortuus liberos reliquerit, succe-  
 dont hi loco parentis sui cum patruis, non in capita,  
 sed in stirpes. Si tamen fratres, et sorores utrim-  
 que conjuncti omnes mortui sunt, tunc eorum li-  
 beri, exclusis patruis ex una tantum parte conjunc-  
 tis, non in stirpes, sed capita, adedque æquis  
 proportionibus succedunt ; quia duorum fratrum  
 filii, non suorum parentum loco, sed jure propriæ  
 conjunctionis succedunt. Cum ergo æqualiter juncti  
 sint, æquales etiam in portione hæreditatis esse  
 debent. \* (*Id. Salm. n. 108 cum Lugo Mol. etc. con-  
 tra alios.*) \* V. Deficientibus fratribus, et sororibus  
 utrimque conjunctis eorumque liberis, succedunt  
 fratres, et sorores, ex una tantum parte conjuncti,  
 hoc tamen discrimine, ut, qui ex parte patris sunt  
 juncti succedant in bona à patre provenientia, in  
 reliqua æqualiter omnes. VI. Si fratres, et sorores,  
 eorumque filii deficient, succedant propinquiores  
 collaterales, usque ad decimum gradum : et sit  
 talis successio in capita, nullâ habita ratione, an  
 ex altera parte, an ex utraque sint conjuncti.  
 \* (*Autient. post Fratres. Cod. de Legat. Hæred.*) \*  
 VII. Mortuæ defectu succedit uxor, et demi-  
 que in illius morte fiscus sæcularis in bona om-  
 nia laici ab intestato defuncti : fiscus autem  
 Ecclesiasticus in bona Clerici, *Laym. c. 6 n. 1, 2,*  
<sup>3 et 4.</sup>

Hinc queritur : quomodo facienda sit inter fratres  
 collatio bonorum à Parente defuncto provenientium ?

Hæc collatio, licet de jure antiquo locum haberet tantum, quando filii ab intestato Patri succedebant, de jure tamen novo, ex *Auth. de Trient. et Sem. §. Illud*, tenentur semper filii conferre bona à Patre oblata, nisi Pater expressè eos à collatione exemerit; vel nisi aliquis eorum nolit habere cum aliis portionem, contentus iis, quæ in vita de bonis defuncti habuerit. Poterit tamen petere; si aliquid à Patre in dotem, vel causâ Matrimonii aut simili ei fuerat promissum, nisi promissione illâ aliorum legitima læsa fuerit, *leg. penult. et ult. ff. de Coll. Salm. de 4. Pr. c. up. n. 75 cum communi*.

955 Quæritur 2 an sumptus à Patre pro filii studio, libris, Doctoratûs gradu facti, debeant in collationem, et portionem honorum afferri? Resp. negativè cum communi, quia hæc cedunt in bonum commune, *Salm. ib. n. 76 cum Nav. Mol. Nisi* (dicunt *Nav Sylv. etc. ibid.*) in manu Patris adessent bona propria filii, v. g. castrensia, vel quasi castrensia; tunc enim censetur de illis filium in studiis sustentasse.

Extendunt 1, hanc doctrinam ad expensas factas, pro aliqua dignitate, tunc enim præsumitur Pater potius eas donasse; nisi aliud expresserit, aut sumptus scripserit in libro rationum cum filio; quia ex hoc contrarium judicatur. Extendunt 2 ad expensas factas, ut filius militiam ingrederetur, vel obtineret Beneficium, vel ut liberaretur à vinculis, aut à poena criminis. Ità *Salm. ib. n. 77 cum Mol. etc.* Extendunt 3 ad expensas factas pro filii honesta recreatione, *Nav. Sylv. cum Salm. ib.*

956 Quæritur 3 an conferri debeat Patrimonium à Patre filio donatum ad sacros Ordines suscipiendos, si donatio lædat aliorum filiorum legitimam? Negant *Gomez, Pereira, et alii ap. Salm. ib. n. 73 Conc. Trid. sess. 21. c. 2* ubi prohibetur omnis alienatio Patrimonii. Affirmant verò probabilius *Lugo D. 5 n. 37. Salm. n. 79 cum Vasq. Mol. Led. Bon. etc.* quia donatio, quæ lædit aliorum jus, est jure naturali illicita, Concilium autem (respondetur) non absolutè prohibet Patrimo-

nii alienationem, sed tantum quando Clericus aliter decenter vivere nequit: Hinc licite Clericus potest sponte Patrimonium conferre, spe majorem portionem consequendi. *Salm. n. 81.*

Quær. 4 an filius conferre teneatur, quæ de bonis paternis male expenderit in ludos, meretrices, etc.? Affirmant *Nav. Syl. Bon. Vasq. etc. ap Salm. ibid. n. 82* modò expensæ fuerint in magna quantitate; et Pater eas non remiserit. Negant verò *Salm. n. 83 et tr. 13 c. 5 n. 44 cum Mol. Sot. Fag.* modò filius plus non consumpserit malè, quàm Pater contentus fuit, ut in suam sustentationem, et honestas recreationes expenderet: Secùs, si expensæ excessissent. His autem limitationibus utrimque positis facilè hæc duæ sententiæ conciliantur.

Quær. 5 an expensæ factæ à Patre in die nuptiarum sint in collationem adducendæ? Resp. negativè cum communi, etiàmsi filius habeat bona propria, nisi aliud expressè constet de voluntate Patris, *Nav. Mol. Bon. etc. cum Salm. de 4 Præc. n. 85.*

Quær. 6 an mobilia, vestes pretiosæ, et similia data à Parentibus sint in collationem afferenda? Affirma, nisi Parentes expressè aliud disposuerint ex *l. Ut à litteris, et l. Illud C. de Collat.* Et idem de arbris, et muneribus, *Salm. ib. n. 86 cum comm. Sanch. Bon. etc.* Idemque dicunt de vestibus pretiosis datis à viris uxoribus, constante matrimonio. Secùs verò dicendum de vestibus ordinariis.

» His adde 1. Si uxor, susceptis ex priori marito liberis, ad secundas nuptias transeat, quidquid à priore marito, donatione, aut testamento acquisierit, ejusdem matrimonii liberis cedere. Similiter, si maritus alteram uxorem ducat.

» Adde 2. Hæredem adeundo hæreditatem, non commoda tantum, et jura, sed etià debita, et onera realia defuncti in se transferre. Interim tamen duplici beneficio gaudere. 1. Ut suprà vires hæreditatis non obligetur. 2. Quod deductis expensis funeris, et solutis debitis, quartam partem \* (Quær



§44 L. III. Tract. VI. De Oct. Præc. et Præc. Eccl.

» vocatur Falcidia in legatis, sive donationibus causæ  
» mortis, non verò in legatis piis; ut *Salm. c. 5. n. 196.*  
» Trebellianica autem in fideicommissis), \* hæredita-  
» tis obtinere debeat hæres, vel hæredes; et si eam  
» non habeant, legatis, non tamen piis, ut notat *Trull.*  
» *l. 7 c. 18 d. 12 ex Authent.* similiter *C. ad legem Falc.*  
» detrahere possint, beneficio legis *Fal. Laym. l. 3*  
» *t. 5 c. 6. n. 7. Sanch. l. 4 c. 15.* Ut autem hoc bene-  
» ficio frui possit hæres, conficere tenetur inventarium  
» \* (*Intrà 30 dies, et per alios 60 concludere §. Si autem*  
» *D. Jur. Del. l. 6. Tit. 6 p. 6. Nisi adsit legitimum im-*  
» *pedimentum*)\*; tametsi hanc obligationem testator  
» possit remittere, respectu legatariorum, et fidei-  
» commissariorum, quibus ex mera liberalitate ali-  
» quid relinquit, non tamen respectu creditorum,  
» quibus præjudicare non potest. Universim enim ab  
» onere inventarii, et à rationibus reddendis eos,  
» quibus potest relinquere bona, sine onere dandi  
» partem aliis, potest liberare, iisque concedere, ut  
» eorum dictis, vel juramento stetur, *Mol. C. de*  
» *Lug. d. 34 s. 8 n. 236.* »

## TRACTATUS VI

DE PRÆCEPTO OCTAVO, NONO, DECIMO, ET PRÆCEPTIS  
ECCLESIE.

### CAPUT I.

#### De Præcepto Octavo.

» PROMITTITUR hic omnis injusta læsio famæ, et ho-  
» noris proximi: ac præcipue omnis falsitas, et men-  
» dacium: ac læsio verbalis, quæ fit tum in iudicio  
» falso accusando, vel verum celando, de quo supra:  
» tum etiam extra perniciosè mentiendo, secreta re-  
» velando, de quo *V. Bon. de rest. d. 2 p. ult. Laym.*  
» *l. 3 p. 2 q. 5* ac deniquè detrahendo. »

## DUBIUM I.

Quid sit suspicio, iudicium temerarium, et  
dubitatio, ac quale peccatum?

962 *De Iudicio temerario, et quando sit mortale.*

963 *De Suspitione, et Dubitatione temeraria.*

964 *An hæc perungere possit ad mortale?*

965 *Quomodo discernatur Iudicium a Suspitione?*

» SUPPONO hæc tria differre inter se, quod Iudicium  
» sit firma animi sententia, seu assensus indubitatus:  
» Suspicio, assensus inchoatus, quo quis inclinat in  
» unam partem, iudicans probabiliter, latere aliquod  
» fundamentum opinandi. Dubitatio autem non est  
» affectus (nisi causaliter), sed quasi suspensio animi,  
» in neutram partem inclinando. Quæritur ergo hic  
» non de suspitione, et iudicio prudenti, quod suffi-  
» cientibus indiciis nititur, sed de imprudenti, et  
» temerario, quod iis destituitur. Majora autem indi-  
» cia requiruntur ad iudicium, quam ad suspicionem;  
» et ad hanc, quam ad dubitationem.

» Resp. 1. Iudicium temerarium, cum plena adver-  
» tentia, de gravi malo proximi, communiter est mor-  
» tale, contra iustitiam. Ita *Fill. Less. c. 29 l. 2. Laym.*  
» *l. c. c. 23 c. 2.* Ratio est, quia proximo fit gravis injuria,  
» dum sine causa improbus habetur, cum habeat jus  
» ad bonum nomen, et famam: præterquamquod ex  
» his iudiciis plerumque gravia mala sequantur. In  
» Confessione tamen non opus est explicare speciem  
» mali iudicati, cum omnia uni iustitiæ commutative  
» in specie infima adversentur. *Esc. E. 10 c. 4.*

» Dixi, communiter, quia, si iudicium habeat mag-  
» nam probabilitatem, etsi non omnino sufficientem  
» ad certitudinem, erit veniale; quia moralis certitu-  
» do, et magna probabilitas non adeo distant, ut cen-  
» setur gravis injuria, iudicare certum, quod est  
» valde probabile, v. g. si iudices juvenem solum cum

» puella inventum in cubiculo illicita tractasse. Ex  
 » quibus resolvitur, peccari tantum venialiter remotè  
 » judicando sequentibus casibus V. *Tann.* 2. 2 q. 3  
 » d. 2.

» 1. Si non sit grave malum, quod proximo temerè  
 » impingis : et sic eum, qui judicat alium esse spu-  
 » rium, vel filium Judæi, à mortali excusant *Naz.*  
 » *Azor. et Less.* contrà alios apud *Dian.* p. 5 R. 69.

» 2. Si sit gravè quidem, sed non perfectè advertas.

» 3. Si advertas quidem te malè judicare, non ta-  
 » men advertas signa esse insufficientia, nec de iis  
 » dubites.

» 4. Si signa sint sufficientia ad opinionem saltem  
 » probabilem.

» 5. Mortale etiàm non est (per se loquendo), si  
 » de indeterminato tantum judices : quia nulli fit gra-  
 » vis injuria, *Esc. l. c. ex Fagund.*

963 » Resp. 3 Suspicio, et Dubitatio temeraria ex ge-  
 » nere suo videntur esse peccata tantum venialia,  
 » maximè si procedant, ex errore intellectus, quo in-  
 » dicia, ut sufficientia, apprehenduntur. Ità *Laym.*  
 » *ex S. Th. Naz. Mol. Fill. tr.* 4 c. 1 q. 5. *Less. l. 2*  
 » *c. 29 d. 3 etc.* contrà multos, qui putant esse mor-  
 » tale. Ratio est quia communiter suspicio tantum  
 » est concitatio quædam ad assensum : manet enim  
 » in mente suspicantis aliquo modo bona existimatio  
 » proximi : ergo non fit illi gravis injuria, cum non  
 » totaliter deturbetur de possessione bonæ famæ ; fit  
 » tamen aliqua, quia temerè dubitatur.

» Dixi, *maximè, si ex errore* : quia talis, cum non  
 » sit per se voluntaria, nec pertinax, meretur excu-  
 » sationem ; si verò ex malevolentia, in suspitione gravi  
 » persistas, erit mortale, ut docent *Less. Fill. etc.*  
 » ob injuriæ gravitatem. Atque idem est de dubita-  
 » tione positiva, orta ex malevolentia absque causa :  
 » procedit enim ex contemptu alterius, proindèque  
 » gravis injuria reputatur. »

964 Quæritur, an suspicio, sive dubitatio temeraria  
 possit pertingere ad peccatum grave? *Prima sententia*

negat, et tenent *Caj. et P. Nav.* quibus adhæret *Baym.* l. 3 Tr. 3 p. 2 c. 2 n. 6 cum *Dian. Sa, Armill. etc. ap. Salm. de Rest. c. 4 n. 102.* Ratio istorum, quia suspicio, quantumvis temeraria, numquam graviter famam alterius lædere videtur. *Secunda* verò probabilior *sententia* affirmat, si suspicio, sive dubitatio sine indiciis fieret de peccatis gravissimis, ut esset de pio Religioso suspicari, quod sit hæreticus, vel quod cum Matre incestaret; vel de viro communiter habito ut Catholico, quod sit Judæus, vel Atheus. Ratio, quia fortè major injuriâ iis irrogatur talia suspicando, quàm si certum judicium haberetur illorum de delictis gravibus ordinariis. Ità *Lugo, Mol. Dic. etc. ap. Croix l. 4 p. 2 n. 1177 et Salm. ibid. n. 103* qui tenent hanc ut communem, et veram.

» Quæres; quomodo discerni possit suspicio à judicio firmo, quando formido de opposito expressè non est conjuncta?

» Resp. Cajetanus censet eum judicare, qui rogatus, an habeat rem pro certo, respondet sibi certam, aut ferè certam videri; eum verò suspicari, qui respondet se non esse moraliter certum, sed facile posse falli *V. Bon. de rest. d. 2 q. 7 p. 1.* »

## DUBIUM II.

Quid sit, et quam grave peccatum Detractio?

966 Quid sit detractio, et quid Contumelia?

967 An excusetur à mortali, revelare defectus naturales alicujus, etc.

968 Quando liceat crimina prodere? 969. An id liceat ad vitandum damnum proprium, vel aliorum?

970 Quando Secretum sit servandum? 971 Et quando possit manifestari? Et an ad vitandum damnum proprium? Quomodo autem peccent alienas litteras legentes? Remissivè, vide l. 5. n. 70

972 An liceat famam suam tueri; alterum infamando?

973 An alterum infamare apud ethnicum?

- 974 *An excusetur à mortali, propalare crimen publicum in uno loco, in alio ubi non est notorium?*  
 975 *Quando crimen possit dici publicum?*  
 976 *An infamatus de uno crimine possit infamari de alio?*  
 977 *Quid, si detrahas ex loquacitate? Et quid, si referas auditu?*  
 978 *Vide alias resolutiones ap. Bus.*  
 979 *Quomodo peccet audienti detractionem, et ad quid teneatur?* 980 *Quid, si sit Superior?* 981 *Quid, si sit particularis, et cum possit, non avertat?*  
 982 *An liceat alium infamare ad tormenta vitanda?*  
 983 *An liceat seipsum infamare?*  
 984 *Quomodo restituendus sit honor ablatus?*  
 985 *Quid, si dehonoriatio fuerit secreta?*  
 986 *Quæ satisfactio præstanda?*  
 987 *An semper sufficiat petitio veniæ?*  
 988 *Quibus casibus expediat, Confessarium omittere mentionem de hac satisfactione præbenda?*  
 989 *An debeat satisfactio, si offensus se vindicaverit de contumelia?*  
 990 *Quid, si offensus puniatur à Jūdice, vel damnetur ad satisfaciendum?*

986. **R**ESP. Detractio est alienæ famæ injusta violatio, vel denigratio. Differt à contumelia, quæ est injusta honoris diminutio 1. Objecto: quia contumeliâ honor, detractioque autem fama læditur, quæ est opinio, seu æstimatio de alterius excellentia; honor autem est testificatio alienæ excellentiæ animo conceptæ. 2. Differt modo: quia contumelia instar rapinæ fit apertè contrà præsentem: detractio ut plurimum instar furti occultè, et contrà absentem. Undè licet contumelia detractioe gravior sit, est tamen detractio peccatum mortale ex genere suo, etsi ex parvitate materiæ, aut indeliberatione fieri possit veniale. Ratio est, quia est gravius furto, quod est mortale, cum lædat proximi famam, quæ est majus bonum, quàm opes.

» Hic quæritur, quando contumelia sit peccatum mortale? Apud *Matth. c. 5 v. 22.* habetur: *Qui dixerit fratri suo, raca, reus eris Concilio, qui autem dixe-*

» *rit, false, reus erit Gehennæ ignis.* Explicant inter-  
 » pretes apud *Corn. a. Lap.* verbum *Raca*, significare  
 » hominem vituperabilem, sive sputo dignum, illud-  
 » que proferentem dici *reum Concilio*; quia in Concilio  
 » tantum gravia crimina deferebantur, Sub verbo au-  
 » tem *Fatie* intelliguntur contra convicia gravem in-  
 » juriam irrogantia. Hæc igitur verba contumeliosa  
 » per se sunt mortalia, nisi excuset circumstantia  
 » personæ, vel inadvertentiæ, vel animi nolentis gra-  
 » viter lædere. Ità præfatus *Corn. a. Lap. et Conc. t. 4*  
 » *p. 604 n. 3.* Hic verò *S. Th. 2. 2 q. 72 ar. 2 ad 2.*  
 » sic rectè advertit: *Disendum, quod sicut licitum est*  
 » *aliquem verberare causâ disciplinæ* (puta Patri, Præ-  
 » lato, Domino, aut Magistro); *ità etiâ causâ dis-*  
 » *ciplinæ potest aliquis alteri, quem debet corrigere, ver-*  
 » *bum aliquod conviciosum dicere.* »

Omnes autem tenemur contumelias tolerare, ani-  
 mum vindictæ abjiciendo: Quandòque tamen expe-  
 diens erit contumelias repellere, nempe cum earum  
 tolerantia prævidetur adscribenda obsistendi impo-  
 tentiæ, aut stultitiæ: vel si obesse possit bono communi,  
 prout si Prælatus tolerando redderetur contemptibilis,  
 et sic petulantia subditorum augeretur, ut *Conc. p. 606*  
*n. 5.*

» Detractio alia est directa, et formalis, quæ fit ex  
 » intentione famam lædendi: alia indirecta, et mate-  
 » rialis tantum, quæ fit ex levitate, et loquacitate  
 » aliqua.

» 1., Regulariter non est mortale (etsi per accidens 967  
 » ratione damni sequentis tale esse possit) revelare  
 » naturales defectus animi, corporis, vel natalium;  
 » quia tales non sunt morales; nec infamia apud  
 » prudentes reputatur, quod quis, v. g. sit stupidus,  
 » spurius, luscus *Roß. t. 2 d. 2 q. 4 p. 2.* (Ità *Less.*  
 » *c. 11 n. 14. Salm. de Rest. c. 4 n. 45. cum Nav. Dic.*  
 » *etc.* Si verò dicantur in faciem, aliquandò possunt esse  
 » mortalia, *Salm. ibid.* Idem dicunt de defectus nata-  
 » lium, propagatione, quæ aliquandò etiâ potest esse  
 » mortalis, ut dicere de viro honorabili, exercuisse eum

» *viliſſimum officium, vel fuiſſe mancipium: Sed omnia*  
*hæc maxime pendent à circumſtantiis)\**

» 2. Plerumque etiã legis detractio habetur, ſi  
 » alium infames generalibus nominibus peccatorum  
 » mortalium, v. g. eſſe iracundum, ſuperbum, etc.  
 » (eſſi aliquando gravis eſſe poſſit) quia audientes  
 » plerumque interpretantur de naturali propenſione,  
 » et defectu involuntario: nec oritur grave damnum  
 » famæ: *S. Ant. 1 p. 1. 8 c. 4. Sylv. Leſſ. d. 3 n. 18*  
 » *Laym. l. 3 t. 3 p. 2 c. 3 n. 3.*

» 3. Similiter non erit mortale communiter referre  
 » peccata mortalia, quæ ob conditionem perſonæ  
 » non notabiliter famam lædant, v. g. ſi dicas, mili-  
 » tem habere concubinam, pugnâſſe in duello, co-  
 » gitare vindictam, adolescentem eſſe prodigum,  
 » deditum amoribus, etc. *Laym. l. 3 t. 3 p. 2 c. 3.*

» 4. Fieri tamen poſteſt, ut narrando defectus etiã  
 » naturales, ſpectatâ conditione, et ſtatu illius, grâ-  
 » viter ei nocëas, et ſic graviter pecces: ut, ſi gravem,  
 » et optimi nominis Prælatum, aut Religioſum, men-  
 » daciis aſſuetum eſſe; virum gravem, ac conſula-  
 » rem, illegitimè natum, Judæum, etc. dicas.\* (Item  
 » *Salm. ib. n. 43 cum Leſſ. Navarr. Dic. etc.)\** Idem  
 » eſt, eſſi de altero nihil in particulari, ſed tantum  
 » in genere dicas, v. g. te ſcire aliquid de illo, quod  
 » ſi dicas, magno illum rubore ſis affecturus. *Card.*  
 » *Lugo d. 14 n. 49.*

568 » 5. Crimen, aut defectum alicujus, modò verum,  
 » sæpè licet prodere ob juſtas cauſas: v. g. 1. Cum  
 » expedit Superiorem ſcire ſuorum defectus, ut emen-  
 » dentur, de quo v. ſuprà, *de Corr. frat.* et ſic eos,  
 » qui crimen occultum filiorum parentibus, vel fa-  
 » mulorum hæris\* (*vel Religioſorum Prælato ut Patri:*  
 » *vide dicenda l. 4 n. 243.)\**, in ordine ad correctio-  
 » nem (cavendo tamen; ne ex revelatione majus dam-  
 » num ſequatur) ſignificant, communiter excuſari  
 » docet *Trull. l. 7 c. 10 d. 11 ex Bonac. etc.* uti et  
 » uxorem loquentem cum marito (vel contrâ) de cri-  
 » minibus occultis filiorum, vel famulorum. 2. Cauſâ

» consilii, vel auxilii capiendi; in quo tamen viden-  
 » dum, ut cum minimo damno tertii fiat. 3. Causa  
 » cavendi alterius damni; ut si alicujus æstimatio  
 » falsò concepta de ejus doctrina, probitate, est aliis  
 » perniciosa. Undè, cum agitur de conferendo officio,  
 » de contrahendo matrimonio, de suscipienda Reli-  
 » gione, assumendo medico, præceptore, famulo,  
 » famulà etc., licet manifestare (imò aliquando oportet)  
 » occulta alterius impedimenta, inhabilitatem, eri-  
 » mina, undè notabile aliquod incommodum merito  
 » timeretur: dummodò nulla alia sit ratio commo-  
 » dior impediendi, et damnum, quod proximo time-  
 » tur, sit majus, aut saltèm æquale damno, quod ex  
 » manifestatione defectûs, aut criminis alterius ei  
 » obvenerit, *Less. l. 2 c. 11 d. 12.* »

Maximè hic advertenda doctrina *S. Th. 2 2 q. 73*  
*ar. 2*, ubi docet, illum propriè detrahere, qui malè  
 loquitur de altero, intendens ejus famam denigrare,  
 secùs autem, si hoc non intendat, sed aliquid aliud.  
 Ratio, quia (ut addit idem *S. Thom. l. cit.*): *Hoc autem*  
*non est detrahere per se, et formaliter loquendo, sed solum*  
*materialiter; et quasi per accidens.* Undè infert Sanctus  
 Doctor, quod si verba, per quæ fama alterius diminui-  
 tur, proferat aliquis propter aliquod bonum necessarium  
 debitis circumstantiis observatis, non est peccatum, ne-  
 que potest dici detractio. Hinc dicendum cum *P. Conc.*  
*p. 626 n. 17 Tourn. t. 1 p. 372* posse revelari crimen  
 alterius I. ut proximus emendetur; deferendo illud  
 Judici, aut Prælato, Domino, aut Parenti. II. ad dam-  
 num publicum vitandum. III. ad tuendum innocen-  
 tem, puta, si innocens accusetur de homicidio, potens  
 manifestare auctorem; vel si scis furem habitare cum  
 alio ignorante, potes eum certiorare, ut sibi caveat,  
 ita *Conc. loc. cit. Tourn. p. 373. Iugo D. 14 n. 95 et*  
*Salm. tr. 13 c. 4 n. 64 cum Soto, Bann. et Tap. ex S.*  
*Basilio, qui in Regul. brev. interr. 25 ait, benè posse*  
*crimen revelari, quando necessitas poscit, ut periculo*  
*consulatur aliquorum. IV. Addunt Iugo, l. c. n. 112*  
*Tourn. l. c. Bonac. p. 8 n. 1 et Salm. l. c. cum aliis cit.*



quod unusquisque ad vitandum grave damnum suum, vel aliorum, etiam in bonis fortune, licite possit detegere grave crimen alterius; modò non intendat illum infamare, sed damnum proprium, vel alienum vitare: Sufficit autem, ut damnum vitandum sit grave, quàmvis majus damnum immineat diffamato. Sectus verò, si damnum vitandum sit leve, vel longè minus. Ità *Salm. ibid. n. 75 cum Vill. Dlc. Tap. item Elbel Conf. 12 n. 353. Maxxot. l. 2 p. 442 q. 5* et hoc satis probabile puto cum *Lugo d. D. 14 n. 97 et 112* qui dicit eo casu te non tenèri neque ex justitia, neque ex charitate proximi crimen occultare cum gravi tuo damno. Non ex justitia, quia proximus ad famam suam non habet jus ità strictum, ut obligentur alii ad tegendam veritatem, quando oportet eam patet facere ad proprium damnum effugiendum: Si enim spectat ad bonum commune, quod sine sufficienti causa non manifestentur crimina occulta, magis ad commune bonum pertinet illa revelare, quando hoc est necessarium ne alii errent cum notabili suo dispendio. Neque tenetur ex charitate, quia charitas non obligat eam tanto detrimento: Sicut enim non tenèris impedire damnum proximi, etsi majus, cum gravi damno tuo; ità nec etiam tenèris eo casu occultum crimen proximi celare; ità *Lug.* Et hoc etiam in dubio de gravitate tui damni, quia in tali dubio favendum est innocenti, uti dicunt *Salm. ib. cum AA. cit.* Hæc autem omnia intelligenda, modò non possit damnum aliter averti: Et modò non amplius, nec pluribus crimen manifestatur, quàm oportebit ad reparandum damnum quod timetur.

- 969 Sed hinc magna quæstio occurrit, an ad vitandum grave tuum damnum, possis crimen occultum alterius revelare, si notitiam acceperis injustè per vim, aut fraudem, puta aperiendo litteras etc.? In hac plures sunt sententiæ: *Sotus l. 5 de Just. q. 10 ar. 2* dicit te non posse, etiamsi mortem subire deberes; et ferre. consentit *Sanch. Cons. l. 6 c. 6 dub. 2 n. 6. Navarr. autem Man. c. 18 n. 54* dicit, te non posse, si damnum

irreparabile alteri imminet ex illa infamatione; seu si reparabilia. *Molin. D. 37 n. 13* censet tunc tantum te posse revelare, quando longe majus detrimentum tibi times. *Lessius lib. 2 c. 11 n. 55 P. Nauarr. l. 2 de Resc. c. 4 n. 131. Maxwel tom. 2 p. 443. Gona. l. 4 p. 629 n. 18* et (probabile putant *Salm. c. 5 n. 65*.) dicant posse te revelare, ad quodcumque tuum grave damnum vitandum, quia licet peccaveris notitiam accipiendo, in gravi tamen necessitate poteris illam uti, prout, quamvis injustè furatus sis equum, potes tamen, adveniente necessitate illo uti, etiam cum damno domini. Inter has tamen varias sententias, mihi magis arridet sententia *Lugonis. D. 14 n. 101* (quem sequuntur *Croix l. 3 p. 2 n. 1233. Tourn. p. 373. et Sporer de 8 Præc. c. 4 n. 46*.) Docet hic magnus Theologus, te non posse, generaliter loquendo, uti notitiâ illâ injustè receptâ, cum alterius damno, ob quodcumque damnum tuum effugiendum. Ratio, quia actio injusta, quâ tu secretum accepisti, obligat te ad restituenda omnia damna, propter illam proximo obventura. Prout casu, qui debitor est in extrema reliqui necessitate, non tenetur restituere, etiamsi creditor eadem necessitate laborat, ut diximus *n. 399 ex n. 701*. Sed omnes (vide *ib.*) cum eod. *Less.* dicunt, quod teneris restituere, si præcisè propter illam subtractionem proximum in eandem necessitatem injeceris. Sic & pari in casu nostro, si tu, secretum revelando, damnum inferas alteri, teneris ad restitutionem, cum per illam fraudulentam secreti extorsionem, proximum conjeceris in necessitatem tale damnum patiendi. Et hanc sententiam tenet etiam *Laym. l. 3 tr. 3 p. 2 c. 5 n. 3*. Tunc tantum rectè admittant *Idgo. ex n. 130 Spar. et Croix l. 2 c. 10*, te posse crimen manifestare, quando esset tibi permissum etiam per vim aut fraudem illud exquirere, et litteras aperire. Et casus esset 1. Si revelatio esset necessaria ad commune bonum Reip. 2. Si alter teneretur ex justitia secretum revelare, ad damnum tuum reparandum. 3. Si ille injustè te vexaret. Aliis, non licet tibi alterius litteras aperire, quâ

52 n. 53 et 54. Nav. c. 18 n. 54. Lugo D. 14 n. 102. Ronc. de 7 Pr. c. 4 q. 3 R. 2. Sporer de 8 Pr. t. 1 p. 156 n. 46. Elbel t. 2 p. 383 n. 390. Bon. de Restit. D. 2 q. 2 p. un. n. 8 tenet, te posse aperire secretum ad vitandum tuum grave damnum, etiamsi inde alteri immineret periculum mortis, modò illud nisi vi aut fraude exopeeris. Ratio, quia non teneris cum tanto tuo incommodo damnum proximi vitare: Et non præsumitur quis ad tale onus se obligasse, nisi ex circumstantiis id certè appareat, ut addunt Lugo d. D. 14 n. 116. et Croix l. 3 p. 2 n. 123. Nec obstat dicere, quod spectet ad bonum commune secreta commissa servare, ne humanum perturbetur commercium. Nam respondet Lugo, ut diximus supra, hoc verum esse, nisi ex observantia secreti damnum alterius interveniat, eo enim casu magis ad bonum commune perpinet, ut unusquisque noceatur qualis sit, ne alii ex ignorantia graviter errent, et perniciosè decipiantur cum damno innocentium. Præterea, si potest ille cui secretum est commissum illud revelare ad vitandum damnum innocentis, ex comment DD. ut supra vidimus: cur debet ipse inferioris esse conditionis, quàm alii, ne posset revelare ad damnum proprium effugendum? Excipio tamen, ut communiter DD. docent, nisi ex tali revelatione imminet damnum commune grave. Dicimus grave, nam si esset leve, probabiliter etiam posses secretum revelare, ut grave damnum proprium vitares, ut dicunt Sanchez Cons. c. 6 d. 2 n. 5. et Ronc. l. cit. cum Trull. Quia non videtur obligatio vitandi leve damnum commune te obstringere ad grave damnum tuum patiendum.

Hoc quoad secretum commissum: quid sis sit promissum, quando non promisisti cum obligatione servandi secretum etiam cum tuo damno, certum est te posse id manifestare, cum nemo censetur ad secretum se obligare cum incommodo gravi. Ita Lugo. Ronc. Spor. et Holzer. supra cit. Quid verò dicendum, si expresse promiseris te secretum non revelaturum, etiam cum dispendio

vitæ, an revelare posses in periculo mortis? Affirmat satis probabiliter *Spor. de 8. Pr. c. 4 n. 46* dicens, te tunc posse, et tenêri, quia nulli est licitum propriam vitam prodere: et huic sententia se adjungit *Laym. l. 3 tr. 3 p. 2 c. 5 n. 4.* juxta aliam sententiam ab ipso propugnatam *l. 3 c. 3 n. 4* ubi tenet cum *P. Nav.* (et idem tenent *Sot. Rodr. et Vega apud Salm. de Rest. c. 4 n. 34*) non esse licitum alterius vitæ propriam postponere, puta cedendo cibum in penuria, aut tabulam in naufragio; quia ex præcepto charitatis quisque tenetur propriam vitam præferre alienæ. Sed, cum sit etiâ valdè probabilis, et communior sententia opposita, quod liceat ob honestum finem, conservationem propriæ vitæ omittere, ob alterius vitam servandam, ut tenent *Lugo D. 10 n. 48. Less. l. 2 c. 9 n. 29 et 31 et Salm. de Rest. c. 2 n. 34 cum Victor. Prado, Dian. ac Trull.* quia hoc non est directè sibi mortem inferre, sed vitam non tueri, quod licitum est ob justam causam: Ideò valdè probabiliter DD. cum *Lugo D. 14 n. 115. Mol. D. 37 n. 10 et Croix l. 3 p. 2 n. 1232 cum Haun.* dicunt in casu proprio te satis obligari ad servandum secretum etiâ cum discrimine vitæ, si id promiseris; aliud enim est prodigere vitam, aliud omittere (ut dictum est) ejus conservationem, ut promissum serves.

Quomodò autem peccent aperientes et legentes litteras alienas? Vide *l. 5 n. 70.*

- » 6. Hinc quoque, si quis injustè lædit famam
- » tuam, nec potes eam tueri, nec recuperare aliâ viâ,
- » quàm imminuendo quoque famam illius, id licet
- » (dummodò falsa non dicas) in tantum, quantum ad
- » tuam famam conservandam necesse est, nec magis
- » lædas quàm lædaris, collatâ tuâ, et alterius personâ. Vide *Card. de Lugo n. 50* \* (*Ita Carden.*
- » *ap. Croix l. 3 p. 2 n. 1217 et consentit Tourn. t. 1 p.*
- » *381. Secus tamen, si agatur in judicio et tu nullo modo possis probare illius crimen; quia tunc infamatio*
- » *illius nihil tibi prodest. Omnino etiâ peccas, si falsa*
- » *dicas, ex Prop. 44 damnata ab Innoc. XI quæ di-*

» *cebat* : Probabile est non peccare mortaliter , qui  
 » imponit falsum crimen alicui , ut suam justitiam ,  
 » et honorem defendat , etc.) \*

973 » 7. Si quis solatii tantum causâ , et non intentio-  
 » ne detrahendi , alicui amico narret injuriam ab  
 » alio sibi factum , non videtur esse mortale , etsi  
 » indè aliqua infamia proveniat auctori ; ea enim ipsi  
 » imputanda est. \* (*Est communissima ap. Salm. ib.*  
 » *n. 46. Et communis cum Mazz. t. 2 p. 444 cum Nav.*  
 » *Bon. Sayr. Led. etc. Hinc probabiliter ait Mazz. cum*  
 » *allis , excusari posse saltèm à mortali , famulos de-*  
 » *tegentes injurias illatas à dominis , uxores à viris , fi-*  
 » *lios à Patre , Religiosos à Prælato.)* \* Cavendum  
 » tamen , ne dicatur pluribus , vel apertiùs nomine-  
 » tur persona , quàm necesse sit ad consilium , vel  
 » solatium , *Less. Laym. Tann. 2. 2 q. 8 d. 2 d. 4 Card.*  
 » *Lugo d. 14* et sic excusari posse famulos (saltèm à  
 » mortali) , qui injurias sibi ab heris suis , uxores ,  
 » quæ à maritis , filios qui à patre , Religiosos , à Præ-  
 » lato illatas , doloris tantum mitigandi causâ , refe-  
 » runt , docet *Trull. l. 7 c. 10 p. 11 ex Less. Laym.*  
 » *Tann. Nav. Dian. p. 2 R. 39.* Idem putat *Caj. di-*  
 » cendum , si crimen occultum reveles uni alicui  
 » viro prudenti , et taciturno , cui dicere perindè sit ,  
 » ac si nulli diceretur ; eò quòd damnum illud cen-  
 » seatur leve : et sic *Trull. l. 7 c. 10 d. 11 cum Dian.*  
 » *p. 1 t. 3 m. R. 22 et p. 2 t. 5 R. 33* excusat Pœni-  
 » tentem , qui in confessione manifestat complicem :  
 » dicuntque cum *Tann. Bon. Escob. E. 9* eam sen-  
 » tentiam esse probabilem. Verùm hoc universim non  
 » videtur satis tutum , quia læsio famæ apud unam  
 » etiàm personam censetur gravis , ut patet ex ju-  
 » dicio temerario : imò sæpè quidam ægriùs fe-  
 » runt , se lædi apud unam personam gravem , quàm  
 » tres , vel quatuor alias. Undè *Suar. Fill. Less. Azor*  
 » *et Laym.* putant communiter esse mortale *V. C.*  
 » *Lugo l. c.* »

Sed opposita sententia , nempè quod revelare cri-  
 men alterius uni vel alteri viro probo , non sit morta-

le satis est probabilis ; ut dicunt *Less. lib. 2 c. 11 n. 70. Cajet 2. 2 q. 73 art. 2.* item *Nav. Trull. Covar. P. Navar. Reg. Bon. Tamb. et alii.* Ratio , quia ; cum fama consistat in communi æstimatione hominum , non censetur absolutè diffamatus , qui apud unum vel alterum tantum suam famam amiserit. Et huic sententiæ aperte adhæret *D. Th. Quodlib. 11 art. 13 ad 3.* ubi dicit : *Ad 3. dicendum, quod si aliquis referat Prælato culpam proximi, intendens vel cautelam in futurum, vel aliquid hujusmodi, quod ad emendam proximi videret expedire, non peccat. Si autem hoc sive Prælato, sive alicui amico suo ex malitia refert, tunc peccat mortaliter. Quod si ex incautela alicui dixerit hoc ( idest crimen alterius ) ita tamen quod non proveniat inde aliud, vel infamia vel vituperium proximo delinquenti, tunc non peccat mortaliter, licet incautè agat.* Ergò S. Doctor putat non provenire illi infamiam , cujus crimen uni tantum reveletur, nisi aliunde infamia ei proveniat, nempe si alter hoc sit aliis manifestaturus. Secus autem ait *S. Thom.* si tu peccatum proximi amico revelares *ex malitia*, nempe ex pravo animo nocendi , tunc non poteris à mortali excusari. Nec dicas, verbum illud *ex incautela* intelligi pro inadvertentia , ex hac enim numquam peccatur mortaliter ; sed omninò intelligitur imprudentia , sive levitas animi , quæ tantum est venialis ; et tunc tantum erit mortalis , cum ex ea *indè provenit delinquenti infamia aut vituperium.* Nec obstat paritas judicii temerarij à *Busemb.* allata ; nam benè respondet *Less. loc. cit.* quod ibi peccatum mortale non committatur ob damnum famæ, sed ob gravem injuriam quæ alteri irrogatur , cum quisque habeat jus ne falsum crimen ei imputetur , et ideò judicium temerarium est mortale ut docet *D. Thom. 2. 2 q. 60 art. 3 ad 2.* dicens : *Hoc autem ipso quod aliquis malam opinionem habet de alio, sinè causa sufficiente ; indebitè contemnit ipsum, et ideò injuriatur ei.* Idque patet ratione , quia , si judicium temerarium esset mortale ob damnum famæ alteri proveniens , etiàmsi tu ex justis indiciis , tibi tantum notis, judi-

cares de occulto illius crimine, adhuc graviter peccares, quod nemo dicet; ergo malitia iudicii temerarii non sumitur ex damno infamiae, sed ex contemptu sive injuria, quæ proximo infertur.

- 974 » 8. Crimen simpliciter publicum, sive ut notorium jure, sive facto, manifestare aliis, qui id nesciunt, non est peccatum mortale injustitiae: quia hoc ipso auctor amisit jus ad famam, cum ratio justi iudicii, et evidentia facti faciat, ne de injuria justè quæri possit. Quod confirmat consuetudo, mandans » historiae publica crimina.

» Dixi: *non est mortale injustitiae*: quia detegere eo loco, quò fama hoc non erat perlatura, vel nonnisi post longum tempus, vel aliter cum gravi moerore ejus, qui id commisit, sæpè potest esse mortale contra charitatem, ut *Less. Vat. Tal. l. 5 c. 65* contra » *Nap. et Cajet. V. C. Lugo d. 14 n. 59. Fag. p. 2 l. 5 c. 3.* »

Quæritur, an peccet mortaliter, qui crimen in aliquo loco publicum manifestat in alio loco, ubi ejus notitia nondum pervenerit, nec perventura erit intra breve tempus? Circà dubium hoc tres sunt sententiæ. *Prima cum Dicastill. Vill. Antome, Cont. Tournely, Cuniliati, etc.* tenet, eum peccare graviter contra justitiam, quia peccator ille in eo loco adhuc est in suæ famæ possessione. *Secunda sententia*, cum *Less., Bon et Sylv.* tenet, eum peccare graviter, sed tantum contra charitatem. Ratio, quia licet Reus jam amiserit jus ad famam, graviter tamen ille tristraretur, si soiret crimen suum patefactum fuisse, ubi erat occultum. *Tertia sententia* communior, quam tenent *Card. de Lugo de Rest. D. 14 n. 59* (et hic vocat communem, et veram) cum *S. Antonino, Cajetano, Ledesma, et Jo. Majori, ac Salm. eod. tit. c. 14 n. 61 cum Navar. Bannes, Serra, Filliuc., Fagund. Macado, et aliis*, dicit eum non peccare graviter neque contra justitiam, neque contra charitatem. Plures adducunt rationes præfati Auctores pro hac sententia. Ratio mihi probabilior videtur esse, quod publico bono conducat facinorosos

non ignorari, ut ab eis caveant omnes; publicum enim bonum sanè præferendum est famæ privati hominis. Hæc tamen ratio valet tantum respectu illorum criminum, quæ reddunt hominem perniciosum, et ab aliis vitandum, ut sunt crimina homicidii, proditorii, lenocinii, scandalosæ impuditiæ, et similium. Nec obstat dicere, Reum in eo loco suam famam possidere, et ideo non posse illa expoliari cum sola opinione probabili. Nam respondetur, quod eodem tempore, quo suum crimen sit publicum, ex una parte jam probabiliter amittat ipse jus ad suam famam, et ex alia Communitas aliorum acquirit jus ad eum agnoscendum, ut cum vitet; et cum ejus tunc evadit incertum, redditur etiã incerta possessio illius. *P. Concina* (*Compend. Theol. to. i p. 239 n. 10*) in hac quæstione distinguit, et ait, quod, cum delictum sit publicum *notorietate facti*, idest, si publicè est patratum, tunc in omni loco manifestari potest; cum autem esset publicum tantum *notorietate famæ* respectu ad illius manifestationem sic concludit: *Cauti omnes sint oportet, quid facillè fingitur hæc publica fama.*

» 9. Similiter non est peccatum contra Justitiã,  
» saltèm mortale, quærere causam captivitatis alicujus, vel de ea loqui, sicut enim captivitas est publica, sic etiã causa videtur esse facta publica *Sayr.*  
» *Bon. Trull. t. 7 c. 10 d. 11.* Ubi eodem modo excusat eum, qui refert delictum alicujus publicum, referendo simul pœnitentiam, et emendationem;  
» secus, si taceatur pœnitentia, quam fecit: sic ait  
» peccare historiographum, describendo peccata mortuorum publica, et non referendo pœnitentiam, vel  
» emendationem, si resipuerint.

» 10. Similiter manifestare crimen, quod nondum est publicum; moraliter tamen certum est, brevi fore publicum (sivè per facti evidentiam, sivè per sententiam Judicis) non est mortale, quia parum nocet, nisi tamen ex ista anticipatione sequerentur gravia damna, v. gr. in officio, etc. *Card. Lugo l. c. n. 92.* »



975 Ut autem aliquod crimen possit dici publicum, consent *Mol. Lugo et Haun. apud Croix lib. 3 p. 2 n. 1219 et Elbel Cons. 13 n. 379 cum aliis* sufficere, si in aliqua Communitate octo personarum, quatuor illud sciant, vel si centum personarum, sciant quindecim; vel si mille, sciant viginti aut circiter diversarum familiarum plusquam duarum: Publicum autem esse in aliqua Vicinia 40 personarum, si sciant 8 ex diversis familiis: Item, si in oppido 5000 civium sciant 40 per illud dispersi: Addit *Stephan.* cum aliis, crimen dici famosum, si illius fama pervagetur per majorem partem Oppidi, Communitatis, Viciniae, vel Parochiae. Item dicunt *Mol. et Lugo* dici infamatum in Regno, qui jam infamatus est in Curia, vel in alio illustri loco, ex quo facile in Regnum famam dimanet.

976 » 11. Infamem uno crimine de altero valde affini infamare, est tantum veniale: ut v. gr. si de » adultero, dicas, quod miserit litteras amatorias: » quia tunc non notabiliter augetur infamia. \* (*Nec » si de publico fure dicas, eum esse perjurum; nec si de » famulo lusore dicas, eum omisisse Missam, non curare » familiam. Ità Salm. n. 52 cum Less. Lug. Bon. Tap. etc. » Vel si dicas de milite, eum fornicationem, vel duellum » patrisse*) \*. De disparato tamen, et non connexo » crimine infamare, est mortale: quia infamis in uno » genere vitii non amisit jus famae in aliis virtutibus. » *Tan. d. 4 de just. q. 8 d. 7 n. 141 ex Nav. et Less. \** » (*Sic etiam dicunt Salm. ibid. cum Less. Lugo, Bon. etc. » esse grave de femina diffamata de uno adulterio nar- » rare aliud occultum*), contra *Sylv. V. detractio Pa- » lud etc.*

977 » 12. Detractio materialis ex loquacitate orta est » mortale, si gravem proximi laesionem importet, » idque advertatur: quia, etsi non intendatur directè » laesio alterius: ea tamen indirectè, et implicite est » volita, et æquivalet formali. Veniale autem tantum » erit, si non sequatur laesio gravis, quia scilicet com- » munitè non seriò accipitur, nec creditur. Similiter » erit veniale tantum, audita referre, ut audita tantum,

» hoc est, nihil affirmando de rei veritate, sed dubi-  
 » tationem potius suam de ea significando; ità ut  
 » nulla indè secutura putetur infamia, nec auditores  
 » rationabiliter sint credituri. Ità contrà *Azor. n. 3*  
 » *l. 13. c. 6. docet Tann. 2. 2. d. 4 q. 8 dub. 7 n. 121.*  
 » *Esc. E. 10 c. 4 n. 40*: eò quòd diffamatio, si forlè  
 » sequatur, imputetur audienti, si credat. Idem do-  
 » cet *C. de Lugo l. cit.* rectè limitans, nisi grave dam-  
 » num ex modo narrandi, vel ex levitate audientium  
 » (qui temerè credituri sint, et vulgaturi) secutorum  
 » possis prævidere. Hinc peccas graviter contrà jus-  
 » titiam, si referens grave crimen addas, id tibi  
 » dictum esse à viro fide digno, quia præbes suffi-  
 » ciens fundamentum credendi. *V. Dian. t. 5 m. R. 18.* »

Quæritur, an referre tantum peccata occulta alte-  
 rius ut ab aliis audita, sit mortale? dicendum I. Non  
 peccas mortaliter, si ità referas, ut tibi probabile non  
 sit ullam indè infamiam orituram, eò quòd alii non  
 sint credituri. Dicendum II. Si audita referas coram  
 iis, qui probabiliter sint credituri ex sola sua levi-  
 tate, vel malitia, non peccas contrà justitiam, quia  
 non es causa efficax damni, sed merè per accidens,  
 at peccas contrà charitatem, quia quisque tenetur  
 impedire grave damnum proximi, quantum commodè  
 potest. Dicendum III. Si tandem ità referas, ut au-  
 dientes probabiliter, et meritò sint credituri, puta, si  
 asseras, te audivisse à persona fide digna, tunc peccas  
 etià contrà justitiam, quia das sufficientem causam  
 credendi malum. Ità *Less. l. 2 c. 11 d. 5. Lugo D. 14*  
*n. 56 et 57. Spor. de 8. Præc. c. 4 n. 62 cum S. Anton.*  
*Caj. Sylvest. Laym. Tamb. et communi, Croix l. 3 p. 2*  
*n. 1207. Salm. de Rest. c. 4 n. 51 cum Soto, Trull.*  
*Vill. Sylvio, etc. Addit Less. l. c. n. 24 (et hoc Salm.*  
*n. 49 habent ut certum cum Bann. Lugo, et Bon.)*  
 quod, si referas crimen alicujus valdè enorme, puta  
 hæresis, rebellionis, aut sodomie, tunc pecces gra-  
 viter, etiàsi dubitanter dicas, quia hæc sola suspi-  
 cio horum valdè infamat, juxtà dicta *n. 964*. E con-  
 versò, si referas crimen tamquam auditum à personis

fide indignis, v. gr. ab inimicis infamati, et tunc non peccas mortaliter respectu infamati, ut *Salm. ib.*

« 13 Mortuum infamare, minùs grave est, quàm vivum : mortale tamen, et ad restitutionem obligans; » *Less. lib. 2 c. 11 p. 21. Bon. d. 1 q. 3 p. 2.*

» 14. Non esse mortale de aliquo ignoto, vel indeterminato malè loqui, v. g. in tali loco esse multos improbos, in tali Collegio unum Canonicum commisisse grave crimen, v. g. simoniam, docet *Escob. E. 10 c. 4. Fog. quòd Trull. l. 7 c. 10 d. 4 ex Bon. Az. etc.* limitat, si non sit tale, quòd in alios redundet.

» 15. Gravissimè autem peccant, qui Ordini seu statui alicui Religiosorum in communi, vel Monasterio detrahunt, dicendo v. g. quòd in eo malè vivatur, non servetur observantia regularis, etc. nisi id sit planè notorium : quia gravissimè nocent, tenenturque sub mortali ad restitutionem toti communitati, à qua Superioris remissio excusat, *Sot. Nav. Trull. c. 10 d. 14.* Talem autem sufficienter confiteri, si dicat, detraxi cuidam Religioni, Ordini, vel Monasterio, et sivè sit communitas numerosa, sivè non, docet *Lugo et Tamb. de exped. conf. l. 2 c. 1*

» 16. Similiter mortale est, tacitè personà, nominare Monasterium, vel Ordinem religiosum, ex quo aliquis grave peccatum occultum, v. g. adulterii, vel fornicationis commiserit. *Nav. Trull. c. 10 d. 14.*

» 17. Explicandum est in Confessione, an apud multos, et quot circiter; an verò apud unum tantum alicui detraxerit. Ità probabiliter *Bon. de sacr. d. 5 q. 5 p. 2 § 3 diff. 3 n. 16 et 21 ex Sanch. Sylv. Andr. n. 135. Sed C. Lugo d. 16 n. 125, 130 et 149 ex Nav. Salas, Con. etc.* negat, dicitque contrarium esse probabilius. Nec omittendum, si quem infamaveris libello famoso; cum id sit genus detrahendi gravissimum, et ad plurimos pertinens. Non tamen necessariò dicendum, in quo genere infamaveris : quia fama semper est ejusdem speciei in genere moris, *Card. Lug. d. 16 n. 265.*

» 18 Peccat mortaliter contrà justitiam, et tenetur ad 979  
 » restitutionem, ratione cooperationis, qui audit de-  
 » tractorem, eum excitando, vel animando efficaciter :  
 » qui verò lætatur tantùm detractone auditâ, aut,  
 » licet non lætetur, qui non impedit, cum commodè  
 » possit, peccat pro ratione damni mortaliter, vel  
 » venialiter contrà charitatem; non tamen tenetur ad  
 » restitutionem, nisi sit superior, pater, vel domi-  
 » nus: hi enim ex officio tenentur impedire subditum,  
 » ne alteri injustè noceat. Dixi, *si commodè possit* :  
 » quia non peccat, qui putat monitionem suam  
 » nihil profuturam : vel ex eo magnum incommo-  
 » dum metuit, vel qui rationabili verecundiâ pro-  
 » hibetur, ob auctoritatem detrahentis. Debet ta-  
 » men tunc discedere, si commodè possit, faciem  
 » tristiores ostendere, vel aliò sermonem avertere,  
 » *Less. et Bonacin. loc. cit.* Hinc æqualis rarò, in-  
 » ferior rarissimè tenetur corrigere detractorem. 1.  
 » Quia audiens plerumque nescit, an quòd dicitur,  
 » sit notorium, tametsi ipse ignoraverit; et in dubio  
 » non est, cur damnet detractorem : in quo multi  
 » falluntur, existimantes, simul ac aliquid audiunt  
 » dici contrà proximum, id sibi mox refutandum.  
 » \* (*Excipe, si detrahens sit homo perditus; ut rectè*  
 » *ait Ronc. de 7. Pr. p. 2 q. 11 R. 4.)* \* Quia, coepta  
 » detractone, sæpè melius consulitur proximo, si ea  
 » sinatur absolvi, quàm si abrumpatur. Nam si dis-  
 » tinctè explicetur, sæpè non tam graviter apprehen-  
 » ditur, quàm initio conceptum erat. 3. Quia sæpè  
 » sinè gravi offensione non potes corrigere. 4. Quia  
 » sæpè alter habet justam causam manifestandi,  
 » præsertim uni soli, *C. Lugo l. c. n. 128. V. Dian.*  
 » *l. 3 m. R. 24 et l. 5 m. R. 25.* »

Sed melius hæc sunt explicanda. Quæritur, quo-  
 modò peccet audiens detrahentem? Resp. I. Qui in-  
 ducit alterum ad murmurandum, certè peccat gra-  
 viter, et contrà justitiam. Resp. II. Qui autem non  
 inducit, sed tantùm gaudet de detractone gravi, pec-  
 cat graviter, non contrà justitiam, sed contrà chari-

tatem, cum delectetur de gravi damno proximi; ita cum aliis *S. Th.* 2. 2 q. 73 n. 4 Excipiunt *Less. et Bon. ap. Salm. c. 4 de Rest.* n. 69 si ille non gauderet de infamia proximi, nec de detractioe, sed de auditioe rei novæ, seu de cognitione curiosa alienorum criminum. Imò *Elbeln.* 263. *Ronc. de 7 Pr. c. 2 q. 11 R. 2. Spor. de 8 Pr. c. 4 n. 106 cum Mol. Less. ac Laym. Bon. p. 21 n. 5 et Salm cum Tol. Dian. et Reg. ibid.* dicunt, eum non peccare graviter, etiãmsi de ipsa detractioe delectetur, non causa odii, vel gaudii de alterius damno, sed ex curiositate seu vanitate; idque deducunt ex *S. Th.* qui *l. c.* tunc tantum docet esse grave, quando placeat ei detractio propter odium ejus cui detrahitur. Resp. III. Superior tam detrahentis, quam illius, cui detractum est, peccat graviter audiendo detractioem, si eam non avertat, cum commodè possit; quia ipsi specialis obligatio incumbit corrigendi detrahentem, aut damno infamati obviandi, *S. Th. eod. l. c. Lugo D. 14 n. 133. Spor. n. 170 cum comm.*

- 980 An autem Superior tunc peccet contra justitiam, et teneatur ad restitutionem? *Prima* sententia cum *Bus.* hic affirmat, si Prælatus sit Superior detrahentis; quia, dicit, ipse tenetur ex officio ob stare, ne subditus alteri noceat. *Secunda* sententia cum *Salm. d. c. 4 n. 70 Bann. et Tap. ib.* affirmat, si sit Superior infamati, quia ex officio tenetur ad obviandum infamiae subditi, quæ officit illi ad bonum spirituale in alios promovendum. *Tertia* tamen fortè probabilior sententia negat peccare contra justitiam, neque Superiorem detrahentis, cum ipse non teneatur invigilare bono alterius non subditi (sed non excusatur à culpa gravi contra charitatem, et etiãmsi contra justitiam, si sit Episcopus, vel Parochus, et non corrigat, quia hi tenentur ex justitia ad corrigendos subditos, juxta dicta n. 360 v. *Sed debitatur*); neque Superiorem infamati, cum ipsi non incumbat ex justitia bono temporali subditi attendere. Quod autem infamatus impediatursic, quominus promoveat spirituales profectum aliorum, videtur esse per accidens. Ità *Sotus, Rebellet*

*Dicast. ap. Salm. ibid.*, et consentit *Lugo D. 14 ex n. 130*. Benè autem advertit *Lug. n. 133* quod, si infamatus, et infamans sint subditi, et infamatus imploret Prælati auctoritatem, ut fama ei restituatur, tunc ille ex justitia ad id teneatur, modò possit sinè timore gravioris mali.

Dubium majus est, an persona particularis peccet<sup>981</sup> graviter, si detractionem, cum commodè possit, non avertat? Affirmat *Bus. htc cum Lugo, Less. Bon. Dic. etc. ap. Salm. ib. n. 72*. Sed quia Auctores relatæ sententiæ plures addunt limitationes, quas afferunt *Bus. Lug. etc. n. 978. ut suprà*; censent absolutè *Salm.*, dicendum esse cum communi Thomistarum, privatam personam nonnisi venialiter peccare, si ex verecundia, timore, vel negligentia detractioni non resistat, etiàm cum commodè possit: modò præter infamiam aliud damnum ex detractione non accedat. Ità *Ronc. de 7 Pr. c. 2 Reg. in pra. 7. Less. l. 2 c. 11 n. 22. Spor. n. 109. Mazz. t. 2 p. 448. Elbel Conf. 12 n. 373. Salm. n. 74. cum Sot. Bann. Tap. Reb. Tann. Dian etc. ex S. Th. qui 2. 2 q. 73 a. 4.* sic docet: *Si verò non placeat ei peccatum, sed ex timore, vel etiam negligentia, vel verecundia quadam omittat repellere detrahentem, peccat quidem, sed multò minùs, quàm detrahens: et plerumquè venialiter.* Addit autem S. Doctor *plerumque* (ut notant *Sal.*), quia dicit postea, eum in tribus casibus peccare graviter, nempe, 1. Si esset Superior. 2. Si aliud damnum proximo immineret. 3. Si ipse ob timorem ultimum finem in creatura constituerit. Præterea, præcisis his casibus, memoranda est alia doctrina *S. Th. 2. 2 q. 33. a. 1 ad 3.* relata per extensum *l. 2 n. 36.* ubi docet excusari à mortali, qui ob timorem omittit facere correctionem, modò ei non constet, quod correctio sit profutura. At quia in hac materia detractionis difficillimè constare potest, correctionem proficere, et aliundè facillimè offenduntur detrahentes coram aliis correpti, imò periculum est, quod potius augeant vel confirment detractionem: ex omnibus his motivis simul congestis rationabiliter sustineri potest præfata communissima sententia excusans

universè audientes à mortali, si correctionem omit-  
tant. Excusantur autem apud omnes etià à veniali,  
qui, advertendo detractionem, vel discedunt, vel  
sermonem divertunt, vel faciem avertunt, aut tristem  
ostendunt ex *Prov.* 25 v. 23. *Dissipat.... facies tristis  
linguam detrahentem.* Ratio, quia istæ actiones sunt veræ  
correctiones. Vid. *Salm.* n. 72. *Elbel* n. 373. *Mazzott.*  
*loc. cit. et alios communiter.*

982 » Quæres 1. an liceat alium infamare ad tormenta  
» gravia vitanda?

» Resp. 1. Licet, si crimen sit verum: quia nullam  
» alteri facit injuriam, cum habeat jus illud in ne-  
» cessitate revelandi.

» Resp. 2 Si crimen sit falsum, non licet; quia  
» esset mendacium perniciosum. *Sylv.* tamen, et *Nar.*  
» putant, veniale tantum esse, si sola infamia sequa-  
» tur, et post torturam revocetur, eò quod non sit  
» infamia efficax (*Vid. inf. l. 4 n. 277.*)\*

» Quæres 2. an liceat seipsum infamare?

983 » Resp. id non esse saltèm mortale regulariter. Ità  
» *Less. Fill. et Laym. l. 3 t. 3 p. 2 c. 4 n. 14.* quia  
» non est contrà justitiam, cum sit famæ suæ domi-  
» nus; nec contrà charitatem, quia hæc non obligat  
» ad bona externa conservanda, nisi in quantum id  
» exigit salus propria, vel proximi.

» Dixi, *regulariter*: quia per accidens potest esse  
» mortale, v. g. si tua fama sit necessaria muneri,  
» vel si tibi damnum vitæ, vel aliis infamiæ ex eadem  
» sequeretur.

» Non est mortale, ad vitanda gravia tormenta,  
» falsum crimen sibi imponere, ex quo etià mori  
» sequatur: quia non tenetur homo cum tantis cru-  
» ciatibus vitam suam tuèri, nec talis dicitur se in-  
» terficere, sed tantum ex justa causa vitam morti  
» exponere. *Less. Ang. Sylv. Fil. Tann.* \* (*V. inf. lib.*  
» 4 n. 275.)\* »

984 Notandum autem est hîc, quomodò restituendus  
sit honor injustè ablatus? Certum est, quod, si ho-  
nor publicè sit ablatus per contumeliam, publicè etià

restitui debeat coram illis, qui dehonorationi præsentibus fuerint, vel saltè per modum, quo satisfactio de facili ad ipsorum notitiam pervenire possit. Sufficit autem, ut satisfactio fiat per aliam personam, quæ nomine dehonorisantis veniam petat, etc. Ità *Sal. de Rest. c. 4 n. 110. cum Trull. et Pal. et Nav.*

Sed quæritur I. An, si contumelia fuerit occulta, de-<sup>985</sup> beatur satisfactio? Negant *Mol. D. 46 ex n. 5 et Laym. l. 3 tr. 3 p. 2 c. 7 n. 6.* Sed isti Auctores diversâ ratione ducuntur; Ratio *Laym.* est, quia in eo casu adest injuria sinè damno, quò secluso, nullam ait esse obligationem restitutionis. Ratio autem *Molinæ* est quia, licet damnum adfuerit, illud tamen transiit, et amplius non perseverat, cum deindè offensore jam solutam debitamque honoris testificationem nunc offenso exhibeat, ut supponitur. Sed affirmandum reor omninò cum communi et vera sententia, quam tenent *Less. l. 2 c. 11 n. 144. Salm. de Rest. c. 4 n. 112 cum Rebl. Trull. Vill. Prado, et Serra, Spor. de 8 Pr. c. 4 n. 135. Roncag. de 7 Pr. q. 4 c. 1 q. 2 R. 3 cum S. Anton. Lugo D. 13 n. 54* qui dicit, hanc omninò tenendam, referens ex *Rebel.* contrariam reprobata fuisse Romæ à Censoribus Societatis JESU. Ratio, quia contrâ rationes primæ sententiæ probatur in tali casu, quod benè adsit damnum, et damnum perseveret. Quod adsit damnum non videtur posse negari: nam, ut pro certo habet *S. Th. 2 2 q. 72 a. 1 ad 1* in omni contumelia, adhuc occulta, præter injuriam adest damnum honoris injustè læsi: cum quisque habeat jus, ut debitus honor ei servetur. Quod autem damnum hoc perseveret, pariter non est dubitandum, cum honor offensi remaneat læsus, usquedum per debitam satisfactionem reparetur: Non reparatur verò per signa communia postea exhibita, ut supponit *Mol.*, postquam injuria est illata, quia, ut benè arguit *Lugo*, qui alteri injuriam irrogavit, in æstimatione hominum non videtur eum honorare sicut debet, imò potius videtur contemnere, si honore solito ipsum revereatur, quin veniam ei petat contumeliæ irrogatæ. Cæterum ipsi



*Molin et Laym.* non negant, quod offensus teneatur petere veniam ab offenso, saltē ad reconciliandum animum illius exasperatum, juxta præceptum Salvatoris *Matth. 5. v. 23 et 24. Si.... offers munus tuum ad altare, et ibi recordatus fueris, quia frater tuus habet aliquid adversum te...., vade prius reconciliari fratri tuo.*

986 Quær. II. Quomodo faciēda sit honoris restitutio? Resp. illam satisfactionem requiri, quæ censetur sufficiens ad manifestandum æstimationem, juxta conditionem personæ offensæ. Si enim dehonora fuerit Superior, sufficiens honorabiliter dehonora salutet, domi invitet, benevolentiam ostendat, etc. Secus si fuerit æqualis, vel inferior, tunc major satisfactio requiritur, nempe ut præveniat eum in salutando, cedat ei locum, veniam ab eo petat; qui modus quidem aptior est ad contumeliam compensandam: Cæterum talis petitio veniæ non est necessaria; nisi quando aliter satisfieri nequit. Ità *Less. l. 2 c. 11 n. 244. Salm. d. c. 4. n. 113 et 114 cum Caj. Trull. Bon. Dia. etc.* Ideo addunt, numquā tenēri Prælatum veniam petere à subdito, herum à famulo, virum ab uxore, nobilem à plebejo.

987 Quær. III. An veniæ petitio sit semper sufficiens satisfactio? Affirmant *Less. ib. n. 145 cum Bon. Trull. etc. ap. Salm. d. c. n. 115.* Sed negant *Salm. n. 116 cum Soto, Serra, Lug. Led. et Ronc. l. c. cum S. Anton. Laym. et Ant. q Sp. S.* Quando enim injuria est gravissima, puta, si subditus inhonoret Superiorem, vel plebejus nobilem alapā percutiat, ultra petitionem veniæ, tenetur petere illam flexis genibus, vel aliam similem humiliationem ostendere: Quæ quidem sententia probabilior est.

988 Cæterum, quoad praxim diligenter advertendum puto, quod multoties expedire continget, ut Confessarius omittat monere poenitentem in bona fide existentem, qui alium inhonoravit, de satisfactione præstanda, in pluribus casibus: Et I. Si prævideat monitionem non profuturam, imò potius obfuturam, juxta regulam infra dicendam de *Sacram. Pœnit. l. 6 n. 610*

dum experiētiā constat, quod pœnitescentes facillè tales satisfactiones promittant, sed difficulter in facto esse adimpleant, ob ruborem quem postea in hoc sentiunt, vel apprehendunt. II. Si probabiliter putet, dehonorationem magis recusare, quàm cupere illam publicam satisfactionem, ne memoria injuriæ acceptæ apud alios redeat, aut ne ipse rubore magis afficiatur, ut *Lug. D. 15 n. 58 cum Mol.* Tunc verò benè advertit *Lug. ib.* aliam esse quærendam viam honorandi peculiariter offensum extraordinariis actionibus, in quibus aptius contineatur petitio veniæ. III. Idem dicendum, si probabile periculum sit, quod in actu satisfactionis odia inter offensum et offensorem sint renovanda. IV. Si ex signis manifestè appareat remissio facta ab offenso, nempe si iste spontè ad offensorem accedat, atque valdè familiariter, et jocosè cum eo tractet, et similia. Notant autem hîc *Salm. ib. n. 326 cum Bon. Dic. Trull. etc.* non sufficere, ad præsumendam remissionem, simplicem familiarem conservationem offensi: Multi enim odium deponunt, et dissimulant injuriam acceptam ad evitandam notam, vel aliud damnum; sed satisfactionem verè non condonant.

Quær. IV. Utrùm, si tu offensus vindictam sumpseris; liberetur offensör ab onere satisfactionis pro contumelia illata? Videtur quod non, quia non videris recuperare honorem tuum læsum per læsionem honoris offensoris tui. Sed affirmandum cum *Lugo D. 15 n. 58* et communi sententia. Ratio, tum quia per vindictam jam censetur tibi satisfieri, tum quia offensör tuus, tolerando posteriorem injuriam, videtur suam culpam recognoscere, et satisfacere pro offensa prius tibi illata; Rectè verò censet *Lugo, n. 60* quod, si injuria à te irrogata tuam primam offensam notabiliter excedat, tenearis tu saltèm secundùm excessum satisfacere.

Quær. V. Utrùm, si offensör à Judice publicè puniatur, adhuc teneatur in conscientia pro injuria illata satisfactionem exhibere? Probabilissimè negat *Lugo d. D. 15 n. 61* cum communi. Ratio, quia ipsa pœna inflicta

pro honore tibi ablato videtur satis honorem tuum resarcire. Ità etiàm, si offensor à Judice coactus debitam satisfactionem tibi præstiterit : tunc enim, licet coactè, jam verè testificationem exhibuit æstimationis tuæ dignitatis. Dixi *debitam*, nam si satisfactio imposita à Judice non fuerit sufficiens ad reparandum tuum honorem ablatum, adhuc remanet ei obligatio illum ad æqualitatem resarciendi.

## DUBIUM III.

An, et quomodo fama restituenda?

- 991 *Quomodo debeat fama restitui? Et an apud auditores etiàm mediatos?*  
 992 *Quid, si verum crimen propalaveris?*  
 993 *Quid, si bonâ fide alterum infamaveris?* 994. *An tunc tenearis ad damnum, si advertens famam non restituas? An autem diffamans injustè de crimine vero, teneatur restituere integrum damnum?*  
 995 *Quid notandum circa infamantem libello famoso?*  
 996 *An tenearis ad damnum ortum ex infamatione?*  
 997 *Quæ excusent à restitutione famæ?*  
 998 *Quid, si prudenter judices rem oblivione deletam?*  
 999 *An et quando restitutio famæ possit compensari, si alter renuat restituere?*  
 1000 *An tenearis infamiam pecuniis compensare?*  
 1001 *An infamatus possit pecuniis sibi famam compensare?*  
 1002 *An excuset à restitutione periculum vitæ vel propriæ infamiæ?*  
 1003 *Quid, si infamatus remittat restitutionem? Et an hanc liceat remittere?*

- 991 **R**ESP. Nisi sit causa excusans, patet ex natura justitiæ, et ex dictis de restitut. famam injustè ablatam  
 » restitui debere. Et quidem, si verum crimen quis  
 » narraverit, debet opinionem conceptam, quantum  
 » potest, apud audientes abolere, dicendo v. g. se  
 » malè dixisse, injuriam intulisse, deceptum esse, etc.  
 » Vel, si hâc ratione parùm proficiatur, eam laudando in aliis rebus, crimen extenuando, honores ejus

» in re alia procurando etc. sic enim sensim tantum-  
 » dem fama ejus illustratur ex una parte, quantum  
 » ex altera obscurata fuit. Si autem crimen falsum  
 » impegisti, tenêris id apertè retractare ( adhibito  
 » etiàm, si opus est juramento). \* (*Sufficit autem jura-*  
 » *mentum ; quin adhibeantur etiàm testes ; ut tenent*  
 » *Navarr. Trull. Dicast. Salm. de Rest. c. 4 n. 129. con-*  
 » *trà Lug. Bonac. etc. qui etiàm testes requirunt*) \* . apud  
 » eos, quibus dixisti, et (per se loquendo) ad quos  
 » infamia pervênit, sivè apud auditores mediatos :  
 » ut contrà *Less. et Tann. 2. 2 d. 4 q. 6 d. 6 n. 146.*  
 » docet *Card. Lugo*, quia totum damnum famæ, cujus  
 » causa es, tenêris reparare.

» Licet aliquandò sufficiat dicere, te penitùs decep-  
 » tum, rem aliter se habere, malè te informatum  
 » fuisse. *V. Laym. l. 3 t. 3 p. 2 c. 7. Less. c. 11 d. 30.*

» Dixi, *per se* ; plerumque enim per accidens ab  
 » hac obligatione talis excusatur respectu auditorum  
 » mediatorum : tum ob moralem impotentiam, tum  
 » quia eo ipso, quod apud immediatos retractavit,  
 » implicite illis commisit, ut hanc retractationem ipsi  
 » indicent aliis, si quibus fortè revelaverint. Idque  
 » confirmat praxis Confessariorum, qui tantum obli-  
 » gant, ut retractent apud eos, quibus ipsi revelarunt.  
 » Vide *Card. Lugo loc. cit.* »

Quæritur, an infamator teneatur famam restituere,  
 non solum coram auditoribus immediatis, sed etiàm  
 mediatis ? *Prima* sententia, quam tenent *Lugo D. 15*  
*n. 15 cum Navar. Less. et Turr. Spor. de 8. Præc. cap.*  
*4 n. 100. Croix lib. 3 p. 2 n. 1242. Salmant. c. 4 n.*  
*122. Roncagl. de 7. Præcept. cap. 3 quæst. 1. Concina*  
*t. 4 pag. 670 n. 5. Cont. Tournely pag. 378.* distinguit :  
 Si famam abstulisti apud auditores, quos putabas  
 non revelaturos, non tenêris restitutionem facere  
 apud auditores mediatos, quia, cum non prævideris  
 damnum, non tenêris illud reparare, tale enim dam-  
 num, si evenit, per accidens evenit : Secùs, si præ-  
 videris alios facilè evulgaturos. *Secunda* verò senten-  
 tia, quam (practicè loquendo) probabilem putant

cum *Bus. Lugo n. 16 cum Fabr. Holzm. de Restitut. cap. 3 n. 301. Croix loc. cit. Spor. n. 102. Salmant d. n. 122* tenet sufficere ut plurimum restitutionem facere apud immediatos, tum quia restitutio apud omnes mediatos sæpè est moraliter impossibilis: tum quia per illam retractationem coram immediatis jam imponitur iis obligatio se retractandi apud alios. Sed, his non obstantibus, prima sententia est mihi verior; quamvis enim ad nihil tenearis, si auditores tui jam se retractent apud alios; quandò tamen illi hoc facere negligunt, tenèris damnum reparare, quantum est moraliter possibile: Prout, si incendisti segetem tui inimici, prævidens ignem facilè extendendum ad segetes finitimas, tenèris utique totum damnum resarcire: cum quisque teneatur restituere omne damnum, quod alteri provenit ex sua injuria, semper ac illud fuerit prævisum.

992 Notandum autem hîc, quod, cum fama sit restituenda ab eo, qui verum crimen propalavit, tres modi à DD. assignantur: I. Modus, ut docet *S. Thom. 2. 2. quæst. 62 art 2 ad 2* est, si diffamator dicat: *Se malè dixisse, vel quod injustè eum diffamaverit.* Sed hic modus, ut dicunt *Cajetan. Ledesm. Less. ap. Salm. de Restit. cap. 4 n. 130*, vix hodiè sufficiens est apud rusticos, et simplices. II. Modus, qui communiter aptissimus existimatur, est, quod, si restitutio famæ alio modo facta potius noceat, quàm prosit, tunc melior sit indirectè occasione oblata, seriò et pluries honorabiliter loqui de læso, vel illum honorificè tractare. Ità *Salm cum Cajet. d. n. 130.* III. Modus esset asserere: *Se falsum dixisse, errasse, se deceptum, vel mentitum fuisse.* Et licet hunc modum adhiberi posse negant *Sotus, Cajetan. Bann. Sylv. etc. apud Salm. n. 131* putantes hæc esse vera mendacia; Probabiliter tamen *Lugo d. 15 n. 30. Sanch. Dec. lib. 3. cap. 6 n. 14. Wiggandt d. 333 n. 104. Less. cap. 11. n. 110. Roncagl. cap. 3 qu. 2. R. 2. Mazzott. t. 1. pag. 451 cum communi*, ut asserit, et *Salm. ibid. n. 233 cum Villal. Trull. Led. Serr. Tap. Prad. Sayr. P. Nav. censent*

prædicta verba non esse mendacia, sed veras amphibologias; nam, ut *S. Th. 1 p. quæst. 17. art. 1.* ait: *Ipsa peccata falsitates et mendacia dicuntur in Scripturis; secundum Psal. 4. Ut quid diligitis vanitatem, et quæritis mendacium?* Et idem habetur in *Jerem. 8 v. 10. A Prophetæ usque ad Sacerdotes cuncti faciunt mendacium*, idest peccatum. Pariter igitur qui peccavit, benè potest dicere, *se mentitum fuisse, sive errorem fecisse.* Hinc in nostro casu benè possumus, imò, si opus sit, tenemur talibus verbis ambiguis uti; dum *S. Thom. in 4. D. 15. quæst. 1. art. 4 q. 2 ad 1* docet, famam proximi omni modo possibili reparandam esse. Ità *Salm. d. n. 133.*

- » 1. Confessarii est, uti et Concionatorum, benè
- » instruere suos, et monere de restitutione, ac fuga
- » vitii tam communis.
- » 2. Is, qui bonâ fide, vel probabili errore ductus, <sup>993</sup>
- » sinè formali mendacio falsum de alio dixit, tene-
- » tur (intellectâ postea materiali injustitiâ) ad resti-
- » tutionem; licet non tam strictè, quàm qui infa-
- » mavit per injuriam formalem: hic enim tenetur
- » restituere cum detrimento famæ suæ, etiâ æquali;
- » alter non item, sed tantùm, quatenus sinè suo
- » notabili incommodo potest. *Mol. Less. C. Lug. d. 15*
- » *n. 4.* Similiter qui crimen narravit de uno, quod
- » auditores ex errore intellexerunt de alio, licet non
- » ex justitiâ (siquidem non ejus actio, sed error au-
- » dientium causa fuit damni injusti), tamen ex cha-
- » ritate tenetur ad restitutionem, cum possit grave
- » damnum proximi sinè suo detrimento præcavere.
- » *Bon. d. 44.* »

Notandum tamen, quod talis materialis detractor, <sup>994</sup> si commodè possit, teneatur statim ac advertit, famam restituere ex justitiâ; pari modo, quo incendens alterius domum sinè culpa, tenetur ex justitiâ ignem extinguere; aliàs damnum, quod inde sequitur, ipsi imputatur. Ità communiter *Less. l. 2 c. 11. D. 22. Lugo d. 15 n. 4. Laym. Trull. Bon. Dic. etc. cum Salm. de Rest. c. 4. n. 120 et 121.*

An autem, qui injustè alium diffamavit, crimen ejus verum manifestando, teneatur integrè damnum, quod indè secutum est, restituere? Negat *Sotus*, dicens tenèri eum tantùm ad partem, cum damnum proveniat non solùm ex manifestatione, sed ex ipso crimine commisso; et hoc probabile putant *Bonac. et Trull. apud Salm. n. 125*. Sed omninò oppositum tenendum cum *Croix lib. 3 p. 2 n. 1240 et Salm. n. 126 cum Laym. Lugo, Mol. Dicastil. etc.* quia hîc et nunc sua injusta revelatio est causa vera et unica damni, dum sinè ipsa damnum omninò abfuisset.

995 « 3. Qui detraxit alteri libello famoso, tenetur, ut » efficax sit restitutio, eam facere contrariis scriptis, » vel publica revocatione. *Sa, Bonac. d. 2 de test. quæst. 4. p. 9.* »

Notandum I. quod *libellus infamatorius* tunc conficiatur, quandò profertur scriptura, etsi brevissima, continens infamiam occultam alicujus, ut publica fiat. Undè non esset talis, si confectus esset ad ingenium ostentandum, non autem malum publicandum; vel si infamia jam esset facta publica; vel si quis ob bonum publicum proferret defectum grassantem in communem perniciem; vel si quis jocosa non gravia conscriberet. Ità *Salm. de Rest. c. 4 n. 39 cum Dic. Bon. et aliis*. Notandum II. cum *Mol. et Dic. ib. n. 49*, auctorem libelli censeri, et pœnis subjici etiàm illum, qui aliquod signum infamatorium appendit ad januam domus alicujus, quo publicè eum infamet. Dicuntur autem libelli famosi etiàm schedulæ ad Judices delatæ contrà aliquem sinè nomine accusantis, ob quas prohibetur Jûdicibus ad inquisitionem procedere in c. *Inquisitionis. § Tertîæ de Accusat.* Notandum III. Quoad pœnam contrà tales libellos conficientes, adesse excommunicationem ferendam ex c. *Qui alterius 5 q. 11*. Latam autem ipso facto, si libellus sit contrà Papam aut Cardinalem: imò esset reservata, si libellus sit contrà Statum Ordinum Minorum, aut Prædicatorum aut aliorum privilegiis communicantium, ut *Bon. Mol. Dic. etc. apud Salm. ib. n. 41*. Non verò, si contrà Religiosum particularem.

» 4. Si ex læsione famæ ortum etiã est alteri 996  
 » damnum fortunarum, ùt, si privatus est officio,  
 » excidit spe divitis matrimonii, amisit dotem, etc.  
 » tunc et fama debet restitui, et damnum illud com-  
 » pensari; ad arbitrium prudentum. \* (*Juxtà spet*  
 » *æstimationem, ut Less. Lug. cum Salm. cap. 4 n. 24.*  
 » *Notandum verò, quod ad obligationem restituendi*  
 » *damna omninò requiraturprævisio ipsorum, saltem in*  
 » *communi. Salm. n. 118 et 124. Vide dicta n. 613.)\**  
 » Et quidem obligatio restitutionis famæ, cum sit  
 » purè personalis, non transit ad hæredes: obligatio  
 » autem compensationis dicti damni, cum habeat  
 » respectum ad bona infamatoris, transit ad hæredes:  
 » *Laym. l. cit. c. 6 n. 7 cum Lugo, Less. Bon. etc.* »

Quæres 1. quæ excusent à restitutione famæ?

« Resp. Ea patère ex dictis *de Rest. ex n. 696. Et 1. 997*  
 » Excusatus es à famæ restitutione, si planè sis im-  
 » potens. \* (*Qui autem nequit restituere totum, tenetur*  
 » *quodà partem, quam potest. Salm. c. 4 n. 134.)\**  
 » 2. Si crimen occultum, quod dixisti, vel simile,  
 » aliã ratione fiat publicum. \* (*Cum Lugo, Less. Bon.*  
 » *et Salm. n. 139 etc. Vel si auditores non credant. Salm.*  
 » *n. 134.)\**

» 3. Si fama aliis modis jam recuperata sit, ut in-  
 » famati purgatione, vitæ probitate, testimonio pru-  
 » dentum. *Less. l. 2 c. 11 d. 24. \* (Ità etiã Salm.*  
 » *num. 137 cum Less. Dic. Trull. Nav. et communi)\*.*  
 » Etsi tunc pro damno, quod secutum est, debeat  
 » satisfieri, *C. Lugo d. 15 sect. 3.*

» 4. Si prudenter judicetur jam dudum res obli-998  
 » vione deleta. Quo casu maximè prudentia opus  
 » est: nam aliquandò periculosius est retractare re-  
 » novando memoriam. *Vid. Card. Lug. d. 15 s. 3 n. 35.*

Quid agendum, si dubium sit, an infamatio fuerit  
 oblivioni data? Distinguunt DD. Si crimen, de quo  
 alter est infamatus, fuerit verum, ait *Less. l. 2 c. 11*  
*n. 100*, non esse facilè revocandum ad memoriam,  
 nisi evidens sit periculum, quod infamia illa ex alia  
 via ad memoriam redeat. Si verò crimen fuerit fal-



sum, semper revocanda est infamatio, nisi constet de oblivione; ita *Lessus l. c. et Caj. ac Dic. ap. Croix* *L. 3 p. 2 n. 1255*. Hoc tamen advertunt procedere, si nullum periculum sit, ut per retractationem criminis memoria renovetur; Nam *Lugo D. 15 n. 35. Holzm. de Rest. c. 3 n. 604* dicunt, aliquandò multò magis periculosum fore, quòd servandam famam proximi, detractionem retractare, memoriam revocando, quæ fortè jam evanuerat, quàm tacere. Hinc ajunt *Cont. Tournely t. 1 p. 380. Mazz. t. 2 p. 456. Holz. l. c. et Salm. c. 4 n. 138 cum Less Nav. Mol. Val. Bon. Trull. et Dic.* sufficere ad omittendam retractationem, quod oblitio probabiliter credatur. Deindè censet *Less. et Salm. cum Lugo, et Bon.* crimen præsumendum oblitum, si per multum tempus nulla de illo mentio facta fuerit. Et in hoc insuper advertendum, quod ad restitutionem famæ requiratur moralis certitudo, quod detractor fidem obtinuerit apud auditores; aliàs, ex regula generali, nullum damnum dubium est de necessitate restituendum, prout diximus *n. 562 v. Secunda*. Nec rarò de facto accidit, quod his detractionibus fides non præstetur; maxime si detractor loquatur ex ira, vel alia passione, et detractio testimoniis aliorum, aut aliter non firmetur. Advertendum 2 cum *Lugo d. n. 35* quod retractatio per se afferat infamiam retractanti, undè quandò dubitatur de oblivione infamationis, non videtur quis tenèri damnum certum pati, ad reparandum incertum damnum proximi. Et licet injuria irrogata sit certa, et idè prævaleat, attamen quia restitutio non debetur ob solam injuriam, sed ob damnum verè illatum, ut diximus cum *S. Thom. d. n. 562* non videtur esse obligatio resarciendi damnum dubium cum damno certo restituentis, nisi quandò solum periculum infamiæ alterius in aliquo casu magis æstimaretur, quàm infamia certa, sive damnum detractoris.

- 999 » Si is, cui detraxisti, tibi similiter detraxerit;  
 » nec velit restituere; quia tunc potes jure compen-  
 » sationis, seu retentionis uti, dummodò infamia il-

» *lata non redundet in alios. Ità probabiliter Tol.*  
 » *Less. Sylv. Mald. Dian. t. 2 tr. 5 R. 30. Mol. contrà*  
 » *Caj. Tan. Card. Lugo, et Nav. »*

Quæritur igitur I. An liceat compensare famam cum fama? Certum est 1 quod, si alter tibi velit famam restituere, tenearis tu pariter restituere famam ei ablatam. Certum est 2 quod, si alter famam tibi jam abstulerit, non possis deindè in compensationem famam illi auferre; quia tunc non esset hæc compensatio, sed vindicta, cum fama tua non reparetur per infamiam illius. Ità communiter DD. cum *Salm. tr. 13 c. 4 n. 143.* Sed quæstio vertitur, an, si alter nolit famam tibi restituere, possis tu compensationem facere, differendo restitutionem ejus famæ? *Prima* sententia negat, quam tenent *Nav. c. 18 n. 47. Lugo D. 15 n. 45. Spor. de 8 Pr. c. 4 n. 118 cum P. Nav. Cajet. Val. et Tann.* Ratio, quia compensatio tantum conceditur ad reparandum damnum illatum: in nostro autem casu, tu non restituendo alteri famam, non jam recuperas famam tuam ab illo ablatam, et ideo non datur compensatio, cum ipsa non reparet damnum illatum. *Secunda* verò sententia communior (imò communissima, ut fatetur idem *Spor.*), et probabilior, quam probabilem vocat *Lugo*, et tenent cum *Bus. ut suprà, Lessius l. 2 c. 11 n. 133. Laym. tr. 3 p. 2 c. 7 n. 4. Continuator Tournely t. 1 p. 381. Mol. D. 49. Sylvius 2. 2 q. 62 art. 2. Ronc. de 7 Pr. c. 3 q. 3 R. 5. Holz. de Rest. c. 3 n. 604. Wigandt tr. 8 Ex. 5 n. 103 R. 4 in fin. Sotus l. 4 de Just. ar. 3 ad 4 et Salm. l. c. n. 143 cum Sa, Reb. Dic. Trull. Vill. etc.* concedunt compensationem. Ratio, quia hoc casu non fit compensatio in reparatione proprii damni, cum utriusque partis damnum permaneat; sed fit in retentione debiti, eò quod possis tu retinere famam alterius, donec ille famam tibi restituat: Ait enim *Laym.*, regulam esse generalem, *quod cogis jus suum alteri reddere, si ille recuset tibi reddere tuum.* Licet ergò hæc quomodocumque dicta compensatio non auferat damnum tibi ablatum, aufert tamen,

sivè suspendit obligationem resarciendi famam alterius, usquedum ille tibi famam restituat.

Nec obstat dicere cum *Lugo*, quod, si posses retinere famam alterius cum illius damno, posses etià famam illi tollere, quod nemo certe admittit. Nam respondemus, aliud esse damnum inferre, aliud illud permittere; aliud enim est positivè auferre famam proximi, aliud omittere famam ei restituere, et negativè se habere; quia pro his duobus diversis actibus diversa occurrit ratio: Tollere famam alterius, qui te infamavit, utique tibi non licet, quia infamia illius non reparat damnum infamiæ tuæ; omittere autem famam alteri restituere, licitum est, si justam causam habeas id omittere; justa causa est hic, ut diximus, quia non tenêris reddere jus alteri debitum, donec ille jus debitum tibi reddat. Præterea, ablatio famæ de se positivè et principaliter tendit ad damnum proximi; et ideo est intrinsecè mala; Et quamvis id faceres, ut alter sic moveretur ad restituendam famam tuam, hoc tamen non potest reddere licitam tuam detractiōem, cùm tale medium non sit per se aptum ad famam tuam reparandam. Non sic in omissione restitutionis, quia hæc ommissio non tendit de se ad malum proximo inferendum, sed tantum ad servandum te indemnem, ne obliheris famam restituere alteri, qui famam tuam renuit restituere.

1000 Quæritur. II. An, quandò restitutio famæ fit impossibilis, teneatur diffamator infamiam pecuniis compensare? *Prima* sententia probabilis affirmat, quia, cum fama sit pretio æstimabilis, debet compensari pecuniâ, si aliter resarciri nequeat. Ità *Sylv. Led. Sot. Arag. Tap. Covarr. etc. ap. Salm. de Rest. c. 4 num. 141* Ei videtur clarè hanc tenêre *S. Thom. 2 2 q. 62 art. 2 ad 2* ubi dicit: *Vel si non possit famam restituere, debet ei aliter recompensare, sicut et in alijs dictum est, scilicet pecuniâ, ut in solutione ad 1. jam dixerat. Secunda* tamen probabilior sententia negat, quia justitia tantum obligat ad reddendum ablatum, vel æquivalens, sed pecunia non est id, quod per detractiōem ablatum est, nec

æquivalens famæ ablatae, cum fama sit ordinis superioris ad pecunias, et ideo quibuscumque pecuniis numquam satisfieri potest. Monent autem communiter DD. quod, si infamator sit dives et infamatus pauper, tunc, si nequeat famam illi restituere, congruum sit, ut ille ex æquitate compenset infamiam cum aliqua pecunia, si alter libenter illam acceptet. Vide *dicta* n. 627.

Quær. III. An infamatus, si alter famam ei res-<sup>1002</sup>tituere nolit, vel nequeat, possit pecuniis illius compensari? Alii negant; Alii affirmant; ut *Less. l. 2 c. 11 n. 136. Mol. Bon. Trull. Arag. Dian.* Sed difficultas hæc urget, quomodo possit fieri compensatio cum sola probabilitate debiti? Sed jam diximus *tract. de Conc.* quod à generali regula hunc casum specialiter DD. excipiant *apud Salm. de Restitut. cap. 1 n. 321 cum Less. Med. Arag. Led. etc.* Et *Salm.* probabile hoc esse ajunt *c. 4 n. 149* dicentes, quod, cum DD. doceant non posse fieri compensationem debiti probabiliter dubii, hoc intelligant de casu, in quo ipsum debitum est dubium; non verò quando debitum est certum, et dubium tantum versatur circa modum satisfactionis; tunc enim licite potes uti probabili opinione, tibi satisfaciendo compensatione, vel aliter. Ità *Salmant. l. cit.* Sed vide *dicta lib. 1 n. 35 et v. Attamen*, ubi contrariæ sententiæ adhæsimus.

» Si non possis absque periculo vitæ (*Nisi alter ob*<sup>1002</sup>  
» *tuam infamationem sit in eodem periculo vitæ, Salm. d.*  
» *n. 138. Tenet tamen Croix n. 1251 cum Ills. metum*  
» *gravissimi damni temporalis in bonis, etiam excusare*  
» *a restitutione famæ; Hoc tantum potest admitti, si*  
» *damnum bonorum sit respectivè majus, quàm famæ)\**  
» Vel si fama restituenda sit minoris valoris, quàm  
» fama detractoris. Sic v. g. Prælati non tenentur res-  
» tituere vili homini; si aliter non potest, quàm  
» amissione famæ suæ multò majoris momenti, sed  
» sufficit tunc, si infamatum laudet, aut pecuniâ com-  
» penset. V. *Card. Lugo l. c. \** (*Ità etiam Less. l. 2*  
» *c. 11 n. 138 et Salm. de Restit. c. 4 n. 136 cum Bann.*

» *Dic. Trull. etc. contra aliquos: Quia aliter non servaretur æqualitas* \*.

1003 » 7. Si infamatus spontè remiserit, (modò tamen  
 » ejus infamia non redundaret in alios, ut familiam,  
 » statum) sive expressa, sive tacita sit condonatio:  
 » tametsi nihilominus ex charitate damnum resarcire  
 » aliquandò tenearis, si possis absque gravi incom-  
 » modo. *Card. Lugo d. 15 s. 3 n. 28.* Imò aliquandò  
 » etiàm sufficit condonatio præsumpta, sive interpre-  
 » tativa voluntas ejus, qui potest condonare, si ni-  
 » mirum ille esset ità affectus, ut, si rogaretur, facilè  
 » condonaret: tunc enim non est invitus, saltèm quòdā  
 » substantiam, etsi fama non restituatur V. C. *Lugo*  
 » *l. c.*

» Quæritur, an restitutio famæ licitè condonetur?  
 » Resp. Licitè fit in iis casibus, in quibus seipsum  
 » licet infamare; in quibus autem, et quam graviter  
 » peccat se infamando, in iisdem et tam graviter  
 » peccat condonando, *Nav. Trull. l. 7. c. 10 d. 38* \*  
 » (*Per se loquendo non est mortale infamare seipsum*  
 » (exceptis casibus ap. *Bus. ut inf.*); Ità *Holzm. t. 1*  
 » *p. 303 n. 644 cum Laym. et communi, quia quisque*  
 » *est dominus suæ famæ. Est tamen veniale, si fit sine*  
 » *Causa*) \*.

» 1. Cõdonans famæ restitutionem peccat mor-  
 » taliter, 1. Si infamia redundet in alios. 2. Si indè  
 » sequatur scandalum. 3. Si sit vir valdè utilis Reip.  
 » et ex infamia fructus impediatur. 4. Si fama sit ne-  
 » cessaria ad muneris gubernationem, *Sot. Less. Trull.*  
 » *l. c.* qui tamen notant, condonationem semper esse  
 » validam, quandò fama non redundat in alios, secus,  
 » quandò redundat. Undè parentes non possunt con-  
 » donare, quandò redundat in filios, neque filii,  
 » quandò in parentes. V. *Auct. cit.*

» 2. Ex eo verò præcisè, quod infamatus, vel con-  
 » tumeliā affectus, conversans cum infamatore, vi-  
 » deatur remittere injuriam, non censetur condonare  
 » restitutionem famæ, vel honoris, sicùt nec alia de-  
 » bita per familiaritatem. *Nav. c. 18. Trull. d. 19.* \*

## CAPUT II.

### Quid de præcepto Nono, et Decimo?

« **R**ESP. Prohibent omnes internas concupiscentias,  
» et delectationes voluntarias illorum operum, quæ  
» præceptis secundæ tabulæ, præsertim sexto, et  
» septimo vetantur. Quâ de re vide suprâ: et patebit  
» ex dicendis de peccatis, infrâ *lib. V.* »

## CAPUT III.

### Quid de Præceptis Ecclesiæ?

« **R**ESP. Etsi ea sint plurima, præcipuè tamen toti  
» Christiano Populo communia quinque numerantur.  
» Ex quibus hîc agendum restat de tertio, quia de 1.  
» et 2 actum est in Præc. 3 Decal. De 4 et 5 infrâ *lib.*  
» VI. de Sacram. \* Porro contrâ hoc præceptum ex  
» solo contemptu peccari, propos. est proscripta ab  
» Alex. VII Proposit. 23. »

## DUBIUM I.

### Quid requiratur ad jejunium Ecclesiasticum, et quanta ejus obligatio?

1004 *De unica comestione.*

1005 *De abstinencia à carnibus, ovis, et lacticiniis.*

1006 *An abstinencia à lacticiniis in Quadragesima obliget sub gravi?*

1007 *Dub. I. An hæc abstinencia obliget etiâ in Dominicis Quadragesimæ? 1008. Quinam in Quadragesima excusentur ad edendas carnes aut lacticinia?*

1009 *Dub. II. An in jejunio extrâ Quadragesimam sit abstinendum à lacticiniis de jure communi? Dub. III. An, ubi viget consuetudo abstinendi? Dub. IV. An liceat edere biscoctos ovis confectos?*

1010 *Dub. V. An liceat ei edere laridum, cui permittuntur ova?*

- 1011 *Dub. VI. Quorum animalium carnes vetentur in jejuniis?*
- 1012 *Dub. VII. Quibus pueris possint ministrari carnes?*
- 1013 *An dispensati ad edendas carnes teneantur ad unicam comestionem, et ad abstinendum à piscibus?*
- 1014 *Quid in mensa privata?*
- 1015 *Sancita circa hoc à N. SS. P. Ben. XIV. I. De obligatione sub gravi. II. De cibis in cænula adhibendis. III. De hora prandii. IV. De epulis vetitis ad edendum carnes dispensatis. V. De Dominicis Quadragesimæ. VI. De Bulla Cruciatæ. VII. De jejuniis extrâ Quadragesimam. Quid, si quis sit dispensatus ad edendum carnes ob debilitatem virium? An dispensatis ad carnes permittantur tantum carnes salubres?*
- 1016 *De hord debita refectionis. An antevertens notabiliter horam meridianam, graviter peccet?*
- 1017 *De divisione prandii etc. apud Bus.*
- 1018 *Qu. I. An liceat in jejuniis sumere parum cibi antè potum?*
- 1019 *Qu. II. An electuaria frangant jejunium?*
- 1020 *Qu. III. Per quantum temporis prandium non interrumpatur? Qu. IV. An quis, postquam surrexit à mensa, possit ad eam redire? Qu. V. Quantum liceat protrahere prandium?*
- 1021 *An liceat sumere lac, jusculum, et similia?*
- 1022 *Qu. I. An liceat potus vini? Qu. II. An potus cervisie, ac limoniadis dictæ Sorbetto?*
- 1023 *Qu. III. An liceat potio Chocolatis?*
- 1024 *De Collatiuncula vespertina. 1025. Quenam quantitas permittatur in cænula; Et quæ in Vigilia Nativitatis Domini, et Paschatis, aut Pentecostes?*
- 1026 *Quenam qualitas ciborum in cænula permittatur?*
- 1027 *Dub. I. An liceat sumere ova? Et an parum casei?*
- 1028 *Dub. II. An pisces? 1029. Dub. III. An panem coctum, et jusculum ex herbis? An legumina?*
- 1030 *Quæ sit parva materia carniū, aut aliorum ciborum? Et an sit vetitum sæpius in die quid parum edere?*
- 1031 *Qu. I. an bis comedens culpabiliter, teneatur ad jejunium? Qu. II. Quid, si inculpabiliter? Qu. III. An liceat cauponibus ministrare carnes in die jejunii?*

1004 « **R**ESP. Jejunium ex præcepto Ecclesiæ, obligante  
 » sub mortali, requirit tres condiciones, *Laym. l. 4*  
 » *l. 8 c. 1 n. 13.*

» 1. Est unica tantum comestio de die in ordine  
» ad nutritionem. Quæ ita necessaria est conditio, ut  
» secundâ comestione pecces mortaliter; reliquis  
» autem suprâ secundam, ad summum venialiter tan-  
» tum, *Laym. c. 1 n. 12 et 13.*

» 2. Est abstinencia ab esu carnum, itemque ovo-<sup>1005</sup>  
» rum, et lacticiniorum, eo quod ex carne originem  
» trahant, multumque nutrant. Unde intrâ Quadra-  
» gesimam jure communi prohibentur; extrâ eam  
» permittuntur. Imò intrâ eam in quibusdam locis  
» consuetudo permittit, quæ ubique notanda est, *Bon.*  
» *d. ult. q. 1 p. 2. ex Sylv. Nav. Less. Az. Lay. l. c.*  
» *Fill. Fag. p. 4 l. 1 c. 2.* Adde, dispensatum quoad  
» carnes, etiâ lacticiniis et ovis vesci posse, non ta-  
» men vice versâ: et cui est permissus esus carnum,  
» etiâ secunda refectio permissa videtur, ut contrâ  
» *Regin. Less. Nav. etc.* probabiliter docent *Az. l. 7*  
» *c. 10 q. 3. Fill. t. 27 c. 3 q. 4. Tolet. etc.* \* (*Sed hæc*  
» *opinio hodiè non est amplius probabilis ex Declaratione*  
» *nostri SS. Pontificis Bened. XIV. Vide infr. n. 1013*)\*  
» Confirmatque *Bon. l. c.* si esus carnum sit permis-  
» sus ob debilitatem naturæ, et non propter nau-  
» seam, vel damnum tantum. Vide *Less. Fill. Azor. etc.*  
» Ratio est, quia de essentia jejunii est abstinencia à  
» carnibus. »

Quær. an abstinencia ab ovis, et lacticiniis in diebus<sup>1006</sup>  
jejunii obliget sub gravi? Damnata quidem fuit ab  
*Alexandro VII. Propos. 32.* quæ dicebat: *Non est evi-*  
*dens quod consuetudo non comedendi ova, et lacticinia*  
*in Quadragesima obliget.* Unde certum est, prædictam  
abstinenciam in Quadragesima obligare, et quidem sub  
gravi, ut communiter DD. apud *Salm. Tr. 23. de Ter-*  
*tio Præc. c. 2 n. 34.*

Sed dubitatur I. an abstinencia à lacticiniis obliget<sup>1007</sup>  
etiâ in Dominicis Quadragesimæ? Negant *Pasq. Fag.*  
*Mendo, Mach. Gom. Llamas, etc.* apud *Salm. l. c.*  
*n. 35.* Ratio istorum, quia in *c. Denique, Dist. 4.* pro-  
hibentur lacticinia solum in diebus jejunii, ut refert  
ibi *Glossa*; Dies autem Dominici in Quadragesima non



sunt dies jejunii; ergò non est in eis abstinendum à lacticiniis. Nequè constat, ut dicunt, contrariam consuetudinem Fidelium animo se obligandi sub culpa gravi fuisse introductam.

Quàmvis præfata sententia non sanè comprehendatur sub Propos. relata *Alex. VII.* omninò tamen opposita est tuenda cum *Viva ind. Propos 32 n. 9. Sanch. Cons. lib. 5 c. 1 D. 19 n. 30 cum Cajet. Cov. Medin etc. Salm. d. c. n. 35.* Ratio, quia ex citato c. *Denique*, universè præcipitur in diebus quadragesimalibus abstinentia à lacticiniis. Certum autem est, quod dies Dominici etiàm Quadragesimæ dies sint: Quare prima sententia sat probabilis non videtur, cum plures eam improbabilem putent apud *Sanchez d. num. 3.*

1008 Notandum 1. cum *Sanch. ib. n. 4. et Salm. num. 40. Trull. Pasq. et Marchad.* quod pauperes, qui non habent, aut non possunt invenire aliud ad se alendum, quàm lactinia, licitè in Quadragesima possint ea comedere, et præbere domesticis, ac operariis suis. Idem dicit *Sanch.* de pauperibus mendicantibus. Et idem asserunt *Sanch. num. 6. et Salmantic. ib. cum Trull. et Pasqual.* de iter agentibus, si in via non invenient pisces ad emendum. Contradicunt tamen probabilius huic *Dian. p. 10 tractat. 14 R. 59. et Leand. ac Steph.* apud *Croix lib. 3 part. 2 n. 1323.* si hoc accideret tantum per unum diem; nisi, ajunt, sit persona, quæ aliter non valeat commodè refici.

Notandum 2. cum *Sanch. n. 7. Holz. de Præc. Eccl. c. 1 num. 4 v. Dices, Croix d. n. 1323. cum Dian. Pasq. et Salm. d. c. 2 n. 19 cum Vega, et Angles,* quod in longa inedia per plures dies, ubi aliud, quàm panis, haberi non possit, liceret vesci non solum lacticiniis, sed etiàm carnibus. *Sanch.* tamen refert, ab *Angles et aliis* non excusari pauperes, qui oleo carentes, larido sibi herbas præpararent; sed hoc valdè rigidum mihi videtur, si carentia esset per notabile tempus, puta per hebdomadam: undè saltèm in tali necessitate probabiliorẽ censeo sententiam *Layman tr. 8 c. 1 n. 5. Holzm. d. n. 4 et Elbel tom. 2 pag. 156*

*sum Alense*, qui laridi usum pauperibus concedunt. Circà esum autem laridi extrà Quadragesimam, vide dicenda infrà n. 1010. *Dubitatur V.*

Notandum 3. plures DD. censere, quod, qui in Quadragesima per plures dies careret piscibus, posset licitè lactinia tunc comedere. Probabilius tamen dicit *Ronc. Tr. 9 c. 2 q. 4*, hoc tantum permitendum assuetis piscibus vesci, non verò rusticis, qui pane, et herbis, aut leguminibus ordinariè aluntur; nisi tamen (ut rectè notat *Bus. Dub. II. n. 2.*) etiàm istis cibis carerent ad sufficientiam. Cum autem tales tenues cibi parùm sustentent, minimè tenentur ài ad unicam comestionem, ut dicunt probabiliter *Ronc. l. c. Sanch. l. 4 c. 1 D. 15 num. 4.* cum *Angles et aliis*, ac *Salm. c. 2 n. 133.* Et idem rectè docet *Sanch. ib. n. 1* cum communi, si quis non haberet manè prandium sufficiens ad se pro tota die sustentandum; vel si in die præcedenti inedia sit passus, ut *Tamb. et Sanch. n. 4* cum *S. Th. etc.*

Dubitatur II. An in diebus jejunii extrà Quadragesimam teneamur sub gravi abstinere à lacticiniis de jure communi? Certum est, in Quadragesima nos tenèri ad abstinendum, ex propos. proscripta, suprà relata. Dubium est, an teneamur extrà Quadragesimam? *Prima* sententia affirmat, eamque tenent *Cov. 4. Var. c. 2 n. 15. Gomez in Bulla, Claus. 7 num. 3.* Idque probant ex *cap. Deniquè. 6. Dist. 4* ubi Gregorius Magnus ad Augustinum Anglorum Episcopum sic scripsit: *Par autem est, ut quibus diebus à carne animalium abstinemus, ab omnibus quoque, quæ sementinam carnis trahunt originem, jejunemus, à lacte videlicet, caseo et ovis.* Ubi notandum, quod verba, *par est*, non denotent hìc consilium, sed præceptum, ut explicat ibi *Glossa*, et tenent communiter. DD. cum *Diana part. 3 tr. 6 R. 80, et Elbel. tom. 2 pag. 155 num. 428.* Confirmatur ex *cap. Rogationes. 3 dist. 3* ubi in Conc. Aurelianensi dictum fuit, quod diebus Rogationum (in quibus olim jejunium servabatur.) *Fideles cibis quadragesimalibus utantur*: si ergò in Quadragesima

vetentur lacticinia, vetantur etiã in aliis diebus jejunii. Hanc sententiam videtur etiã tenere *D. Th.* 2. 2 q. 147 art. 8 in c. ubi loquens generaliter de jejuniis, sic ait: *Illos cibos Ecclesia jejunantibus interdixit qui. . . hominem ad venerea provocant. Hujusmodi autem sunt carnes animalium in terra quiescentium et respirantium, et quæ ex eis procedunt, sicut lacticinia ex gressibilibus, et ova ex avibus. . . . Et ided ab his cibis præcipuè jejunantibus Ecclesia statuit esse abstinendum.* Ergò S. Doctor videtur sentire, quod in cunctis jejuniis sola consuetudo, ubi viget, derogat obligationi abstinendi à lacticiniis.

*Secunda* verò sententia communis, quam sequimur et tenent *Laym. lib. 4 tract. 8 cap. 1 n. 3. Sanch. Cons. lib. 1 cap. 1 dub. 20 num. 2 cum S. Anton. Nav. Pal. Henr. etc. Bonac. de Præc. Eccl. D. ult. q. 1 part. 2 num. 2. Conc. t. 5 p. 188 n. 5. Salm. tr. 23 cap. 2 n. 33 cum Conc. Tolet. an 1583. Sporer de Jejun. sect. 2 n. 9. Viva in prop. 32. Alexandri VII n. 10. Golzm. de Præcept. Eccl. cap. 1 num. 3. Elbel tom 2 pag. 155 n. 428* docent de jure communi non vetari lacticinia, et ova: ratio, quia contrarium, extrà Quadragesimam, nullo jure probatur: in citato enim *cap. Deniquè* agebatur tantum de jejunio quadragesimali, de quo erat quaesitum, ut patet ex *Glossa*, et ipso contextu Canonis, ubi dicitur, à *Quadragesima propositum jejunandi susciplant*, et deniquè, *hujus sacri temporis, etc.* Et sic intelligunt *Pañorm. Fagnan.* et alii communiter. Nec obstat illud cit c. *Rogationes*, quia illud statutum fuit pro illa particulari Ecclesia Aurelianensi.

Nec obstat *D. Th. in l. c.* nam ibi ad 3 clarè docet, abstinentiam à lacticiniis extrà Quadragesimam non præcipi, et ided non pertinere ad essentiam jejunii, dum ait: *Et ided in quolibet jejunio interdicitur esus carnum; in jejunio autem quadragesimali interdiciuntur universaliter etiam ova, et lacticinia.* Nota To etiã; ergò in jejunio extrà Quadragesimam lacticinia non vetantur. Cur autem vetentur in Quadragesima, plures rationes assignat S. Doctor, tum quia tale jeju-

nium est solemnius, tum quia illud observatur ad imitationem Christi Domini; tum quia per ipsum disponimur ad Redemptionis nostræ mysteria devotè celebranda. Hinc *Viva in Prop.* 32. *Alex. VII. num. 8* supponit ut certum, quod dispensatus ad lacticinia teneatur ad jejunium, cum non sit ob talem esum à jejunio solutus.

Dubitatur III. An ubi viget consuetudo abstinendi à lacticiniis in jejniis extrà Quadragesimam, talis consuetudo obliget sub gravi? *Prima* sententia negat; quam tenet *Sanchez Cons. l. 5 c. 1 dub. 21 n. 2 cum aliis, Villalob. Summa t. 1 tr. 23 diff. 9 n. 1*, et probabilem vocat *Tamb. Dec. l. 4 c. 5. § 1 n. 22 cum Portell. Salas, Henr. etc.* Hæc sententia asserit, præfatam consuetudinem nullibi obligare saltèm sub gravi, quàm ubi viget, nisi constet, eam esse introductam à Populo scienter, et animo se obligandi; nam aliàs censetur servata fuisse ex ignorantia, vel ex devotione sinè obligatione. Ratio, quia ad se obligandum ex consuetudine, non sufficit credere, aliquam esse obligationem, sed requiritur, quod constet majorem Populi partem habuisse animum graviter se obligandi, ut dicunt *Salm. de Leg. tr. 11 cap. 5 n. 28. cum Suar. Pal. Bon. etc.* Undè dicunt, quod in dubio tunc judicandum sit pro libertate; nulla enim lex obligat, nisi probetur ut certa, et nemo præsumitur in dubio certum onus sibi imposuisse.

*Secunda* tamen sententia communis, quam amplectimur, et docent *S. Th. 2. 2 q. 147 ar. 8 ad 3. Azor. t. 1 l. 7 c. 10 q. 1. Less. l. 5 c. 2 n. 3 et 10. Laym. l. cit. n. 3. Viva in d. prop. 32 n. 10. Ronc. de 3 Præc. Q. 2 c. 1 q. 3. in fin. Conc. t. 5 pag. 188 n. 5. Salm. c. 2 n. 33. Bon. loc. cit. part. 2. num. 2 cum Nav. Sylvest. Valent. Fill. Reg. etc.* communiter tenet, esse obligationem abstinendi à lacticiniis in locis, ubi ab immemorabili talis viget consuetudo. Ratio, quia in hoc casu possessio non stat pro libertate, sed pro obligatione consuetudinis; Regula enim generalis est, ut pluries diximus, quod pro eo stet possessio, pro quo stat præ-

assumptio : una autem ex conjecturis, quæ faciunt, quod præsumatur consuetudo introducta animo se obligandi, est, quando consuetudo constanter, et cum gravi incommodo à majori parte Populi observatur, ut dicunt *Suar. de Leg. lib. 7 cap. 15 n. 17. Pal. t. 1 tr. 3 D. 3 p. 2 §. 3 n. 13. Diana p. 3 tr. 6 R. 80.* utque diximus *de Leg. n. 107 v. IV. Requiritur, cum Salm. et Croix*; quia non solet Populus constanter convenire in observantiam alicujus consuetudinis graviter onerosæ, nisi quando verè obligatum se sentit. Si ergo præsumptio stat pro consuetudine, quod animo se obligandi sit à Populo introducta, pro ea quoque stat possessio.

Dubatur IV. An in jejuniis Quadragesimæ liceat comedere in quacumque quantitate panes biscoccos ovis confectos, vulgò *Ciambelle*? Affirmat *Pasqualigus decis. 85 n. 3.* quia quantitas ovorum farinæ immixta ita absorbetur in ejusmodi compositione, ut nullo modo censeatur cibus ex ovis. Sed omninò negandum cum *Pakao tr. 30 D. 3 p. 2 n. 6. Conc. t. 5 p. 190 n. 8. et Salm. tr. 23 c. 2 n. 41.* Ratio, quia substantia ovorum non deperditur per hoc, quod farinæ misceatur, aliàs quilibet posset diebus prohibitis comedere cibum album, vulgò *mangiar bianco, confectum ex carne, et farina.* Dicunt tamen *Salm. l. c.* quod DD. communiter admittant, sinè jejunii læsione posse edi tantum duos biscoccos, et citant *Dian. p. 1 tr. 9 R. 31. Led. 2 p. tr. 27. de Abstin. c. 1. diff. 5. Vill. t. 1 tr. 23. diff. 7 n. 3.* Sed *Diana* id tantum admittit ratione consuetudinis; *Ledesma* verò et *Vill.* dicunt, duos biscoccos posse edi sinè peccato gravi. Hinc mihi probabilius dicendum videtur, hujusmodi cibi esum non excusare à peccato veniali, nisi saltè aliqualis causa accedat.

1810 Dubatur V. An, cui licitum sit edere lacticinia, liceat etiàm edere laridum, et sagimen? Affirmant *Hostiens. Abbas, Sylv. et Glos. in c. Presbyter. Dist. 82. apud Laym. Tract. 8 c. 1 n. 5. cum Fagund. apud Bus.* Ratio, quia dicunt laridum, et sagimen reverà non esse carnes; cum pinguedo crescat, etiàm finito natu-

rali augmento animalium ; ideòque censent, pinguedinem potiùs dicendam esse excrementum carnis , sicut est lac , quàm veram carnem ; *Viva de 3. Pr. Dec. Qu. 10 art. 1 n. 2* id putat probabile cum *Laym. et Az.* quos citat ; Sed *Az. t. 1. l. 7 c. 10 qu. ult.* minime id asserit esse probabile , tantum non improbat ; *Laym. autem l. cit.* dicit expressè , prædictam sententiam non esse practicè probabilem ob contrariam consuetudinem ; Quamvis concedat, posse eam inservire et ad permittendum lacticinia pauperibus. 2. Ut esus laridi, et, sagiminis non faciliè damnetur de peccato gravi. 3. Ut permittatur ancillis illa coquere, et etiàm iis vesci, si nequeant resistere dominis hoc jubentibus. *Tamb.* autem *Dec. l. 4 c. 5 §. 1 ex n. 14* distinguit , et dicit , laridum , sive pinguedinem nondùm igne liquefactam , omninò censendam esse carnem ; Si verò illa sit liquefacta , et in *sagimen* reducta, dicit, probabile esse cum *Dian. Henricq. etc.* quod inter lacticinia numerari possit.

His omnibus igitur non obstantibus (quidquid sit de pauperibus , et ancillis , ut suprà dicit *Laym.*), omninò videtur non recedendum à sententia communi , quam docent *Sanch. Cons. l. 5 c. 1 D. 19 in fine et Dec. l. 4 c. 11 n. 48. Bon D. 4 q. 2 p. 6 n. 23. Conc. t. 5 p. 159 n. 2. Elbel t. 2 p. 156 n. 430. Ronc. Tr. 9 c. 1 q. 3. Milante p. 266. Salm. d. cap. 2 n. 15 cum Trull. Henr. Rodr. etc.* Hi omnes dicunt, laridum et sagimen veras esse carnes , cùm verè de substantia carnis participant. Si verò adsit in aliquo loco diversa consuetudo ; hanc servandam esse dicit *Bus. n. 3. in fine.*

Dubitatur VI. Quorum animalium carnes judicentur vetitæ die jejunii ? *S. Th. 2 2 qu. 147. ar. 8* ait , interdici carnes omnium animalium , *in terra quiescentium et respirantium.* Sed ad discernendum , quæ animalia reputanda sint carnes , quàmvis non leve iudicium sit attendere , an illa diù extrà aquam vivere soleant , magis tamen attendenda est communis æstimatio Fidelium ac iudicium medicorum , si repu-

tent carnes, vel pisces; ita *Less. lib. 4 c. 2 num. 8. Concina tom. 5 pag. 159 num. 2. Elbel lib. 2 pag. 155 n. 427. Holzm. 1. 1 p. 333 n. 4 et Bon. de Pr. Eccl. D. ult. q. 1 p. 2 num. 1 cum Silvest. Navarr. Azor. Valent. Laym. Fill. et Reg. Hinc dicunt Tamb. Dec. lib. 4 c. 5 §. 1 n. 10. Conc. Bon. Elbel Holzm. 11. cc. item Reg. et Gab. apud Croix lib. 6 part. 2 numer. 1266*, non vetari carnes limacum, testudinum, ranarum, locustarum, et concharum. Ratio, quia hujusmodi animalia saltè æquiparantur piscibus, cum vix habeant sanguinem, vel sanguinem frigidum, vel nutriuntur piscibus, aut in aquis ad instar piscium. Idem ajunt *Milante pag. 265 et Tamb. dict. num. 12 de viperis*, quæ similes sunt anguillis. Idem dicunt *Elbel, et Holzm. 11. cc. de lutris, castoribus, fibris, et de anatribus cujusdam generis. Aves tamen, ut Mil. et Conc. 11. cc. licet aliquæ nutriantur in aquis, habentur ut veræ carnes, prout sunt fulicæ, corvi marini, et similes.*

1012 Dubitatur VII. Quibus pueris licitè possint ministrari carnes? Certum et commune est posse pueris usu rationis carentibus antè septennium, sicut et amentibus; *Sanch. Dec. lib. 1 cap. 12 n. 6 et 16. Salm. tr. 23 c. 2 n. 20 cum Panorm. Bon. Trull. etc.* Idem dicitur de pueris, qui adhuc post septennium ad usum rationis non pervenerint, ut *Croix l. 3 p. 2 n. 1367* cum communi. E converso nequeunt carnes ministrari pueris statim ac completo septennio, usum rationis adepti fuerint, ut omninò tenendum cum *Sanch. Laym. Bonac. Pal. Salm. etc. contrà S. Antonin etc. Vide dicta lib. 1 n. 155 in fine, v. Quæritur.* Dubium fit, an possint dari carnes pueris, qui antè septennium jam habent usum rationis. Affirmant *Sanchius, Diana, et Burgh. ap. Croix l. 1 n. 676* et alii in pari casu allati *n. 270*, quorum sententia non videtur improbabilis ex doctrina *D. Thomæ*, quia, ut dicunt, lex positiva tantum respicit communiter contingentia. Sed communius et probabilius negant *Sanch. l. c. n. 6. Az. p. 1 l. 7 c. 17 aliàs 28 qu. 2 in fine, et Salm. d. n. 20 cum*

*Suar. Bon. Vill. Trull. Pill. etc.* Ratio, quia Ecclesia pro hujusmodi abstinentiæ obligatione non quidem determinat tempus septennii, sed tempus, quo pueri sunt capaces præcepti, et hoc sanè evenit, quando usu rationis jam sunt compotes facti. In dubio autem, an aliquis puer pervenerit, vel non, ad usum rationis, possunt ne ei carnes ministrari? Distinguendum: et si puer attigerit septennium, non possunt, quia tunc præsumptio stat pro usu rationis, et consequenter pro obligatione, ut rectè dicunt *Salm. l. c. cum AA. citatis*. Secus dicendum, si non attigerit, quia tunc præsumptio stat pro opposito, et ideò possessio stat pro libertate, ut *Salm. de Leg. cap. 3 n. 52. Holzm. t. 1 p. 82 n. 402*.

Quòd eos autem, qui diebus jejunii dispensantur ad carnes, attentè oportet hìc advertere, quæ nuper sancita sunt à SS. Nostro Pontifice *Bened. XIV.* in Epistola Encyclica, quæ incipit: *Non ambigimus*. Ipsam in Dissertatione Prolegomena P. II. in extensum reperies: ubi SS. Pontifex, graviter dolens de perniciosa licentia plurimorum, hanc adeò invaluisse conqueritur, ut nulla Apostolici instituti (verba sunt Epistolæ) *habitò ratione jejuniorum tempore palàm, et impunè ab iisdem agitentur convivìa, et epulæ interdictæ promiscuè inferantur*. Hinc in prædicta Epistola, et clariùs in altera, quæ incipit: *In suprema*, (et hanc ibidem reperies) ità Pontifex sancit: *Nos quisbuscumque, quacumque occasione, sive multitudini indiscriminatim ob legitimam causam, et de utriusque medici consilio (dummodò nulla certa, et periculosa affectæ valetudinis ratio intercedat, et aliter fieri necessario exigat) in Quadragesima, aliisque anni temporibus, et diebus, quibus carniùm, ovorum, et lacticiniorum esus est prohibitus, dispensari contigerit, ab omnibus omnino, nemine excepto, unicam comestionem servandam, et licitas, atque interdictas epulas minimè esse apponendas, tenore præsentium declaramus, et edicimus*.

Hìc ab aliquibus dubitatum fuit, an dispensatus ad carnes licitè possit aliquem pisciculum, sive ci-



bum legalem, non in conviviis, neque cum scandalò, sed in privata mensa aliquandò moderatè comedere? Ad hoc dubium quidam modernus Auctor (*de Petio in Addit. ad Fel. Pot.*) animadvertens relata verba SS. nostri Pontificis, quæ sub initio primæ Bullæ præmittuntur, ut suprà; *Ut nullà Apostolici Instituti, Sacratissimique Præcepti habità ratione, jejuniorum tempore palàm, et impunè ab iisdem agantur convivia, et epulæ interdictæ promiscuè inferantur.* Sic respondet: (In conviviis igitur, lautisque mensis promiscuè carnes, ac legales cibos comedere prohibetur. At si privatæ sint mensæ, et nullum sit scandalum, dispensatos ad carnes, legales etiàm cibos cum illis edere, si debità cum moderatione fiat, non ad satietatem, non immodicè, non ad gulæ delectationem, sed ad stomachi appetentiam, minimè censetur hac Bulla prohibitum. Nonne et actus posset esse temperantiæ, ut, si quis, ne comedat duo fercula carnis, unum carnis, legale alterum edat? Nec enim illa SS. Pontifex vult esse, vitanda, quæ Theologorum sensus probat, sed ea, quæ solùm abusum redolent laxitatis) His tamen non obstantibus, attentis duabus Bullis Nostri SS. Papæ Benedicti XIV. nempe Bullà, non *Ambigimus*, et Bullà, *Libentissimè*, præfata opinio non videtur probabilis; quia, licet in primâ Bulla fiat obiter mentio de conviviis, non idèò tamen inferitur, quod prohibitio fuerit facta tantùm pro conviviis: nam in primis Bulla generaliter prohibet dispensatis, ne piscibus vescantur; secundò, Pontifex asserit, hanc Bullam emanasse ad instar alterius sui Rescripti eodem anno editi, quocum dispensasset generaliter ad carnes, expressè vetuit apponi promiscuè licitas, atque interdictas epulas: Quis autem dicet, tunc Pontificem prohibuisse dispensatis esum piscium tantùm in conviviis? Deindè per alteram prædictam Bullam *Libentissimè*, et per insertam ibi Constitutionem, *si Fraternitas*, videtur hoc dubium omninò ablatum: ibi enim Pontifex præcipit Medicis, ne dent facultatem vescendi carnibus tempore velito, nisi geminis adjectis conditionibus, scili-

cet *unicæ in die comestionis, et non permiscendarum epularum*. Ergò dispensatis ad carnes interdicti fuerunt generaliter pisces, tam in conviviiis, quàm in mensa privata, cum licence Medicorum non dentur ad carnes edendas tantum in conviviiis, sed etiàm in mensa privata. Tandem in præfata Constitutione, *Si Fraternitas*, ad *Quæsitum* 4 solis dispensatis ad ova conceditur esus piscium, et negatur dispensatis ad carnes, nec ullam ibi Papa mentionem facit de conviviiis, sed genericè loquitur. Præterea præfatus Auctor *de Petio l. cit.* notat, in præfata, et sequenti Epistola nostri SS. Pontificis Benedict. XIV. non reprobari opinionem, quod extrà Quadragesimam non sit obligatio de jure communi, diebus jejunii abstinendi à lacticiniis, juxta n. 1009. Et quidem valde probabiliter; nam licet in præfata Epistola, *In summa*, ut suprà, dicatur: *In quadragesima, aliisque anni temporibus, et diebus, quibus carniū, ovorum, et lacticiniorum esus est prohibitus, dispensari contigerit, etc.* Per hæc tamen verba, assertivè prolata, nulla apparet facta à Pontifice de hoc peculiaris sanctio; et illa prohibitio lacticiniorum rationabiliter intelligitur asserta relativè ad tempora Quadragesimæ, in quibus præcùl dubio eorum esus est velitus.

Insuper alià Epistolà edità die 10 Junii 1743 quæ 1015 incipit, *Libentissime*. (Vide Epistolam in eadem Dissertat. Proleg. P. II.) noster SS. Pontifex declaravit I. quod duo prædicta præcepta pro dispensatis ad carnes, scilicet de unica comestione in die facienda, et de non permiscendis epulis, obligent sub gravi. II. quod dispensati ad carnes in vespertina refectiuncula uti debeant *eo cibo, eaque portione, quibus utuntur jejunantes rectè meticulousæ conscientiæ*. III. quod iidem dispensati servare debeant horam jejunantibus præscriptam. IV. quod pro dispensatis ad carnes edere licitum sit ipsas carnes, interdicti verò sint pisces, adeò ut utrumque simul adhibere non possint. V. quod præceptum de dictis epulis non miscendis dies quoque Dominicos Quadragesimales complectatur. VI. quod lex non

respiciat eos , qui gaudent Bullâ Cruciatæ. VII. quod prædicta duo præcepta urgeant diebus jejunii , etiâ extrâ Quadragesimam. Hic autem notandum , quod dispensati ad carnes minimè prohibeantur secundam comestionem facere , si sint dispensati ob debilitatem virium , ut *Salm. cap. 2 n. 26 cum Wigandt* : Et idem declaratur in Epistola nostri Summi Pontificis verbis , ut suprâ : *Dummodò nulla certa , et periculosa affectû valetudinis ratio intercedat , etc.* Scribit autem *Angelus Franzoja lib. 3 tr. 6 cap. 3. Animad. II. v. At htc etc.* quod dispensatus ad carnes , si pulmentum vulgò *Minestra*, carniû jure coctum comedat, licitè vesci possit non tantûm lacticiniis , et ovis , sed etiâ piscibus. Ratio , ut puto , quia prohibitio Pontificis non miscendi carnes et pisces , strictè intelligenda est , nempè cum comeditur propriè ferculum carniû : sed jus carniû , magis quàm edulii , condimenti rationem habet.

Quæritur hîc , an dispensati ad carnes possint sinè læsione jejunii edere carnes non salubres , nempè porcinas , et similes ? Affirmant communissimè DD. et quidem probabiliter , tum quia licentia ad carnes generaliter impertita , non est restringenda ad solas salubres , tum quia aliàs dispensati pluribus subjicerentur scrupulis , non rarò dubitando , quænam carnes noceant , vel prosint. Ità *Lugo de Just. D. 3 num. 139. Sanchez Dec. lib. 4 cap. 1 num. 59. Croix l. 3 part. 2 num. 1313. Tambur. Dec. lib. 4 cap. 5 §. 1 num. 8 et Salm. tr. 23 de 3 Præcept. c. 2 num. 21 cum Villal. Trull. Diana , etc.* Verumtamen *P. Concina t. 5 p. 273 num. 6* adducit quoddam Edictum Clementis XI. Romæ publicatum die 24 Febr. an. 1703 et confirmatum an. 1704 ubi dispensatis in Quadragesima permittuntur tantûm carnes salubres. Sed advertendum cum *P. Viva de Jejun. quæst. 10 art. 1 num. 4 et Capelloto , ac aliis ap. eundem Concina*, Edictum illud non fuisse generale pro tota Ecclesia , sed tantûm pro statu Romano , idque declaratum fuit à N. SS. P. Benedicto XIV. priûs in libro Notificationum (*tom.*

† *Notif.* 15 num. 24), ubi testatur hujusmodi Edictum emanatum fuisse à Clemente tamquàm Episcopo Romæ. Deindè expressiùs id declaravit in sua Bulla de Jejunio, *Non ambigimus*, in qua loquens de præfato Edicto (quo, ut diximus, vetitum fuit dispensatis edere carnes insalubres et insuper in eodem Edicto simul præscriptum fuit dispensatos tenèri ad unicam comestionem) dicit: *Nolumus tamen vos ignorare cum hujusmodi necessitate, et servandam esse unicam comestionem, sicut aliàs htc Romæ, ac nos ipsi hoc anno, urgentibus causis dispensantes, expressè præscripsimus.* Nota To sicut aliàs htc Romæ, ergò clarè exprimit noster Papa Benedictus, Decretum illud, quo simul præscripta fuit quoad dispensatos unica comestio, et esus carniū tantum salubrium, fuisse particulare solum pro Roma. Noster autem Pontifex tale Decretum ampliavit quidem pro tota Ecclesia quoad partem unicæ comestionis, non verò quoad prohibitionem carniū insalubrium. Advertendum tamen, quod in Bulla, *Libentissimè*, ejusdem Benedicti XIV. (Vide Dissert. Proleg. P. II. Epist. III. vers. *Innocentius III.*) dicatur, quod, interveniente aliquà urgentissimâ necessitate dispensandi ad esum carniū cum universa quadam Civitate, aut Gente, tunc tantum à Sede Apostolica *carnis, salubris tamen, facultas sit concedenda.* Hoc enim æquum fuit sic disponere, et strictiùs procéderè, cum ageretur de universo Populo. Quod autem in præfata Bulla diponendum sancitur pro universo Populo, non habetur sancitum quoad dispensationem pro singulis personis. Sed loquendo in particulari de carne porcina, non videtur illa absolutè posse dici insalubris, cum ipsa, ut scribit celebri Medici Hoffman, maximam habeat convenientiam cum sanguine humano. Refertque *Riverius* (*Instit. medic. lib. 2 cap. 17*) id, quod sentit Galenus de carne suilla, et ait: *Galeus humanæ carnis similem esse asserit, et si benè coquatur, omnium ciborum potissimè nutrire. Crassum et lentum habet succum, et idèò nutrimentum præbet firmum, ac*

*durabile, quod dissipari facile nequit.* Dicet aliquis : sed cur caro porcina vetita fuit Hebræis, nisi quia nociva? Respondetur, quod Palæstinæ (regionis tam adustæ) prohibita fuit illa, quia sues ibi magis quam alibi leprâ laborant, ut scribit Calmet in Levit. 11. 8 sicut ibi etiâ leporina caro interdicta fuit, quæ certè inter nos non habetur ut noxia. Præterea ait S. Thomas, quod carnes Judæis vetitæ aliæ interdictæ fuerint ob nimiam humiditatem aut siccitatem, aliæ, quia reputabantur immundæ, prout carnes porcine, et de facto ratio à Moyse prolata de tali prohibitione hæc quidem fuit, quia carnes suillæ immundæ erant : *Horum carnibus non vescemini....., quia immunda sunt vobis.* Levit 11 8. *Immunda autem appellantur quia (ut scribit Plutarchus) nullum animal ita gaudet cæno, ac sordidis locis.* Item ait Natalis Alexander, et idem scripsit olim Tertullianus (*lib. 2 contra Marcionem cap. 18.*) carnes suillas vetitas esse Hebræis, ut eorum coerceretur ingluvies, et incontinentia refrænaretur.

- 1416 « 3. Conditio est certa hora refectionis, quæ est »  
 » circà meridiem, nisi aliud loci consuetudo ferat.  
 » Idque non mathematicè computandum, sed mora-  
 » liter. Dictam autem horam notabiliter sinè justa  
 » causa prævenire, mortale putat Nav. et quidam  
 » alii; sed probabilius docent esse veniale *Tolet. et*  
 » *Filliuc.* eò quod non violetur substantia, sed tan-  
 » tùm circumstantia. *Tol. Less. d. 2 num. 13.* Vid.  
 » *Laym. c. 3 n. 10 et seq.*

» Dixi 1. *notabiliter: et sinè causa* : quia prævenire  
 » ex justa causa, v. g. si iter faciendum, si hospites  
 » dimittendi, etc. et absque ea, per mediam horam  
 » tantùm, nullum peccatum videtur esse. Dilatio in  
 » vespèram, et licita est, et laudabilis, si nihil antè  
 » sumas »

Quæritur, an antevertens notabiliter sinè causa ho-  
 ram meridianam graviter peccet? Primitùs comper-  
 tum est, horam refectionis fuisse vespere post solis oc-  
 casum. Deindè retroacta est ad horam nonam, nempe  
 ad horam mediam inter meridiem, et occasum. Ve-

rùm à XIV. sæculo consuevit refectio fieri ad horam sextam, sivè ad meridiem. Hæc autem hora non mathematicè, sed moraliter computanda est, ut docet *D. Th. 2 2 q. 147 art. 7 ad 2* ubi ait: *Ad jejunium requiritur hora determinata, non secundum subtilem examinationem, sed secundum grossam æstimationem: sufficit enim; quod fit circa horam nonam: hæc enim tunc erat hora refectionis. Quæ autem dicenda est notabilis anticipatio? Alii dicunt, si refectio anticipetur plus, quàm horâ; Alii autem probabilius, si tantum horâ, ut Azor. tom. 1 lib. 7 cap. 11 quæst. 4. Conc. 1. 5 pag. 277 n. 6. Elbel tom. 2 pag. 160. n. 444. Holzm. t. 1 pag. 333. num. 6.* Quamvis apud plures Religiosos, ut ait *Elbel l. cit. Croix, Spor. et Tamb.* receptissima sit consuetudo anticipandi prandium per integram horam. Cæterum omnibus licitum est id anticipare infra horam, etiàm sinè causa. An autem notabilis anticipatio sit mortalis. *Prima* sententiâ probabilis affirmat cum *Azor. loc. cit. Sanch. Dec. lib. 4 cap. 11 num. 51 et Nav. Sylvest. Led. Cov. etc. ap. Salm. tr. 23 cap. 1 num. 86; et hanc probabilior* putat *Conc. l. c. num. 5.* Ratio, quia, sicut datur præceptum de unica comestione, sic etiàm datur de comestionis tempore. *Secunda* verò sententiâ communior, et probabilior negat, eamque tenent cum *Bus. Less. lib. 4 cap. 2 n. 15. Tol. lib. 6 c. 2. Bon. qu. 1 p. 4 n. 3. Pal. p. 2. § 3 n. 3. Laym. lib. 4 tr. 8 cap. 1 n. 11. Spor. de 3. Præc. sect. 5 n. 23. Elbel p. 160 n. 443. Holz. tom. 1 pag. 433. n. 6. Salm. d. cap. 2 n. 87 cum Innoc. Ricch. Archid. Vill. Fill. et Rodr.* Ratio, quia hora non est de essentia jejunii, ut ipsi Contrarii fatentur, sed est circumstantia tantum accidentalis; undè, sicut in Officio Divino, licet hora recitationis sit præcepta, anticipatio tamen non est mortalis; ita nec etiàm in jejunio. Hinc nequit dici, quod, esto horæ determinatio non sit de essentia jejunii, sit tamen conditio ab Ecclesia præscripta; nam respondetur, quod hæc conditio vel non obliget sub gravi, vel an obliget sub gravi, saltèm non constet; et ideo ad mortale non obliget. Neque

officit, quod anticipando, finis jejunii frustretur; quia (ut benè respondet *Elbel*) maceratio, quæ manè habenda erat, compensatur postea, licet cum minori difficultate; sed hæc diminutio non reputatur gravis; propterea quod finis præcepti non cadat sub præcepto. Nemo autem dubitat, quin hujusmodi notabilis anticipatio sit saltèm venialis; à quâ excusat quælibet causa rationalis, nempe iter inchoandum, urgens negotium, debilitas complexionis, urbanitas, et similia. Ità *Elbel*, *Holzm.*, *Sporer ll. cc. et Salm. n. 90 cum Pal. Azor. Nav. etc.*

- 1017 « 1. Non solvitur jejunium per divisionem prandii,  
 » ob negotium incidens, vel si quid sumatur per  
 » modum medicinæ, vel ob debilitatem, aliamve  
 » causam rationabilem, ut apud Religiosos faciunt  
 » ministri, et lectores mensæ, quia non nisi unicam  
 » refectionem intendunt. \* (*Ità Caj. Bon. Less. Pal*  
 » *et Salm. n. 51. Et ità præscripsit S. Benedictus in*  
 » *Reg. 28.*)\* Et hinc *Sanch. t. 2 opusc. lib. 5 c. 1*  
 » *dub. 34. Escob. t. 1 E. 6 c. 3 n. 29* excusant famulos  
 » mensæ ministrantes, si aliquid prægustent, aut ex  
 » reliquiis gulosè sumant, tum ut meliùs serviant,  
 » tum ut famem sublevent; intellige, si cum illorum  
 » refectione licita moraliter uniatur. \* (*Ut ait etiam*  
 » *Elbel tom. 2 pag. 161 n. 448 cum Less. Tamb. Spor.*  
 » *n. 13 cum Azor. Nav. Diana, et Croix lib. 3 p. 2*  
 » *n. 1280.*)\* Nec solvitur per sumptionem electua-  
 » riorum, vel crebriorem haustum (antè quem mo-  
 » dicum sumere, ne potus noceat, permittit *Azorius*,  
 » *Escob. tom. 1 E. 7 cap. 3 num. 28*); et quidem toties,  
 » quoties biberit, dummodò non in fraudem jejunii,  
 » verbi gratià 5 vel 6 amygdalas, vel quid simile,  
 » *Regin. etc. cum Diana p. 1 tom. 8. R. 24.* quia or-  
 » dinatur potiùs ad alterationem corporis, vel diges-  
 » tionem ciborum, quàm nutritionem.

- 1018 Quæritur I. an liceat sinè fractione jejunii, sumere  
 toties, quoties libuerit aliquid cibi antè potum, ne  
 potus noceat? Affirmant *Pasqual. Fag. Dian et Leander* (apud *Salm. tract. 23 cap. 2 n. 66.*) qui citant *D.*

*Thom. Sylv. Sanch. Bonac. etc.* Sed rectè contradicunt *Salm. n. 68. cum Caj. Abul etc.* qui dicunt, nequaquam *D. Thomam*, nec alios citatos à *Leandro*, id permittere toties, quoties, sed tantùm vix pro una vice, in quo consentiunt ipsi *Salm. et Concina tom. 5 pag. 255 n. 3.* Alii verò, ut *Elbel tom. 2 pag. 165 n. 440.* cum communissima, ut asserit, *Sporer. sect. 5 n. 14. Laym. l. 4 tr. 8 cap. 1 n. 7. Croix lib. 3 part. 2 n. 1293.* id permittunt, si non fiat frequenter.

Quæritur II. an *Electuaria* frangant jejunium? *Electuaria* dicuntur ea, quæ ex electis rebus, puta ex saccharo et junipero, aut cedro conficiuntur, vulgò dicta *Conserve*, ut *Concina tom. 5 pag. 203 n. 8 et Elbel t. 2 p. 171 n. 447 cum D. Th.* loco mox citando, non autem intelliguntur potiones de *Kaffè*, et herba *Thè*, quæ omninò ad libitum quidem permittuntur, ut benè ajunt *Croix lib. 3 p. 2 n. 1292. Holzmann t. 1 pag. 337 n. 21. Milante in Prop. Ex. 23 pag. 257 et Elbel p. 156 n. 433 cum communi.* De præfatis autem *Electuariis* sic docet *D. Th. 2. 2. qu. 147 art. 6 ad 3.* ubi ait: *Electuaria, aliàmsi aliquo modo nutrant, non principaliter assumuntur ad nutrimentum, sed ad digestionem ciborum: Undè non solvunt jejunium, sicut nec aliarum medicinarum assumptio; nisi fortè aliquis in fraudem electuaria in magna quantitate assumat per modum cibi.* Hanc doctrinam *S. Doctoris* communiter sequuntur *Holzmann. l. cit. p. 338. R. 2. Elbel p. 161 n. 447. Spor. n. 14 et Salm. cap. 2 n. 42 cum Caj. Less. Navar. Laym. etc.* An autem hæc, ob solam delectationem sumpta, jejunium lædant? Negant *Salm. n. 53 cum Abul. et Sylv.* modò sumantur in parva quantitate: utuntur ratione *D. Thomæ*, scilicèt, quod *Electuaria* non sumantur ad nutriendum, sed ad digestionem adjuvandam? sicut vinum, etiàmsi verè nutriat, et ad delectationem sumatur, tamen, quia non est ad nutriendum institutum, non frangit jejunium. Sed oppositum tenendum cum *Concina p. 203 n. 8*, qui citat *Leand. Fog. etc. ac Dian. Coord. tr. 6. R. 95. n. 2.* Ratio, quia idèò *Electuaria* licitè sumuntur in parva



quantitate, eò quod, cùm assumuntur ut medicamentum, adsit sufficiens causa excusans à veniali; cùm autem sumuntur ad delectationem, deficit causa, et propterea nequeunt sumi sinè culpa. Nec obstat ratio *D. Thomæ*, ut suprà opposita; quia, cum dicat S. Doctor, non posse ea sumi per modum cibi, utique consequenter excludit, posse sumi ad delectationem. Neque etiàm valet paritas vini, nam vinum per se habet rationem potûs, et non cibi, ut per se habent Electuaria. Cæterùm, ad excusandum sufficit quolibet rationabilis causa, licet non tam gravis, puta ad digestionem ciborum, ut ait S. Thomas, sive ad confortandum stomachum, ad tollendum foetorem oris, ad conservandam vocem, et similia; Ità *Spor. d. n. 14 et Elbel l. c.* Et sic probabiliter excusantur ii, qui aliquid sumunt, ne vires deficiant, quando prandium differre debent ultra horam communem, ut docent *Pal. t. 7 tr. 1 D. 3. § 2 n. 3 cum Azar Tol. Sa, Nav. et Val. Less. ac Layman apud Croix l. 3. part. 2. n. 1282.*

1020 Quæritur III. Per quantum temporis prandium mortaliter non interrumpatur, ita ut illud continuari possit! *Tamb. Dec. l. 4 c. 5 n. 16 et Fill. apud Dian. part. 1. Tract. 9. R. 32* dicunt, si nulla adsit causa, non interrumpi prandium per quadrantem cum dimidio, etiãmsi decreveris non ampliùs comedere; imò *Elbel tom. 2. pag. 158. n. 438.* concedit id etiã per semihoram. Per horam præcàl dubio interrumpitur prandium, ut *Salm. tr. 10. c. 21 n. 38.* Quando verò intercedit negotium *Sanct. Cons. lib. 5. cap. 1. D. 24 n. 1. cum aliis, etc. Viva Qu. 10. Ar. 2 n. 4.* dicunt, nec etiã per horam prandium interrumpi. Imò *Joan. Sanchez* extendit adhuc ad duas horas; Et quamvis hoc non admittant *Salm. tr. 23. c. 2 n. 49.* attamen *Tamb. Dec. lib. 4. cap. 5. § 2 n. 15.* cum *Fag. et Lezan. Dian. apud Croix lib. 3. p. 2 n. 1279.* absolute concedunt; et sanè probabiliter, quando quis non sufficienter se refecit, ut ait *Holzmann. t. 1 p. 338 n. 22.* Imò *Croix loc. cit. cum Leand. Steph. et Pasq.*

adhuc probabiliter concedunt, quantumcumque fit serò, posse eum redire ad prandium: Dummodò (addunt) retinuerit intentionem redeundi, et non sufficienter se refecerit. Sed casu, quo aliquis non posset tolerare jejunium sinè magno incommodo, puto, eum etià sinè illa intentione, posse redire, quia Ecclesia numquàm intendit obligare ad diem transigendum sinè sufficienti refectione? Et hoc concedere videntur etià ipsi *Salmanticens.* sequenti n. 50 in fine cum *Les. Trull. et Fill.*

Quær. IV. an quis postquàm surrexit à mensa animo non ampliùs comedendi, possit iterùm ad comedendum redire? Negat *Nav.* Sed affirmant *Less. l. 4 cap. 2 D. 2. Ronc. cap. 1 q. 1 R. 1 ac Bon. Trull. et Vill.* apud *Salm. cap. 2 n. 50* qui meritò probabile putant, si convivæ adhuc comedant, vel si in mensa apponatur aliud ferculum, quod ille ignorabat apponendum: ut ait *Sanch. n. 5 et Salm. n. 16 cum Villal.* quia adhuc moraliter censetur idem prandium durare. Id autem, quod dicunt *Nav. Sylv. et Pal.* scilicèt, quod, qui causà itineris manè jentaculum sumpserit, non teneatur ad jejunandum, si postea non proficiascar; rectè id negant *Salm. Less. Trull. et Fill.* nisi quandò per illam unicam comestionem non possit is reliquo die commodè jejunare; nam aliàs, cum essentia non adhuc sit destructa, tenetur utique jejunium servare.

Quæritur V. Quàm diù liceat protrahere prandium? Probabiliter respondet *Tamb. l. 4 c. 4 § 2 n. 15 et Croix lib. 3 p. 2 n. 1283 cum Fagund.* licere usquè ad duas horas; imò *Elbel tom. 2 pag. 158 n. 437 cum Gobat* concedit usque ad tres, vel quatuor horas, saltem pro Germanis, juxtà eorè morem; sed *Croix* meritò dubitat; an hæc consuetudo sit approbata; nisi, ut ait, post duas circiter horas apponantur sola bellaria, vel cibi leviores; maximè si postea vesperi omittatur refectionicula; hocque ego nec approbo, nec reprobo.

« Excipe tamen 1. Si quis sumeret lac, jusculum. 1028

» et similia , quæ sivè sorbeantur , sivè comedantur ,  
 » non habent rationem potûs , sed cibi , ac principa-  
 » liter referuntur ad nutriendum \* ( *Est commune*  
 » *apud Salm. n. 57. cum Sanch. Trull. etc.* ) \* 2. Si  
 » quis poma , pira , vel etiâ uvas in magna quanti-  
 » tate sumeret ; quia habent rationem cibi. *Dic. et*  
 » *alii. 6. Dian. p. 9 t. 6 R. 14. \* (Etiâmsi solum suc-*  
 » *cum deglutiat. Salmant. n. 64. Et idem de uvis , ex*  
 » *communi Salm. n. 65. (contrâ Pal.) Et idem dicit*  
 » *Viva q. 10 art. 1 n. 8 de peponibus , vulgò melloni*  
 » *d'acqua , ut est communissima contrâ quemdam Ano-*  
 » *nymum , qui improbabili ter contrarium scripsit) \* 3.*  
 » Nisi quis in magna quantitate electuaria in fraudem  
 » jejunii sumeret. Qui verò in potu valdè excederet ,  
 » contrâ temperantiam quidem , non tamen contrâ  
 » jejunium peccaret , saltèm mortaliter. *Laym. l. c.*  
 » *n. 7. \**

1022 Quæritur hîc I. An potus vini frangat jejunium? Non dubitandum, quin frangat, ut testantur plures Patres, S. Chrysostomus. S. Hieronymus, S. Basilus, etc. juxtâ primam Ecclesiæ disciplinam antiqui Christiani in jejuniis omninò vino abstinebant. Sed nec etiâ dubitandum, quin hodierno tempore potio vini sit interdicto, si sumatur in comestione, vel extrâ, ad sedandam sitim, vel ad digestionem juvandam, sic docet S. Thomas 2 2 q. 47 a. 6 ad 2. *Non autem intendit Ecclesia interdicare abstinentiam (aliàs sumptionem, juxtâ Billuart) potûs . . . licet aliquo modo nutriet.* Et patet ex c. *Deniquè, dist. 3.* ubi Gregorius Magnus sic ait: *Vinum quoque ita bibere permittitur, ut ebrietatem omninò fugiamus.* Attamen dubium fit, an vinum sumptum extrâ refectionem ad sedandam famem lædat præceptum jejunii? *Prima* sententia affirmat, quam tenent *Sylvest. v. Jejunium num. 9. Natal. Alexandr. l. 4 art. 7. Reg. 14.* Item *S. Anton. Abul. Reg. etc. ap. Salm. de 3. Præc. c. 2 n. 55.* Et hanc videtur tenère, *D. Th. in 4. Sent. D. 15 quæst. 3 art. 4 quæst. 1. ad 1* his verbis: *Qui potat extrâ horam unicæ comestionis, non dicitur bis manducare, et propter hoc nec statutum,*

*Ecclesiæ frangit : nisi fraudem faciat , quia legem violat , qui in fraudem legis aliquid facit*, Ratio igitur hujus sententiæ est , quia , licet bibens vinum ad famem extinguendam , non peccet frangendo jejunium , peccat tamen frustrando finem jejunii. Hæc sententia est probabilis , sed probabilior est mihi sententia opposita , quam tenent *Sanch. Cons. lib. 5 c. 1 dub. 23 n. 3. Nav. Sum. c. 21 n. 13. Azor. l. 7 c. 10 quæst. 6. Ronc. tract. 9 c. 1 q. 3* qui hodiè certam vocat , et *Salm. c. 2 n. 56 cum Less. Laym. Pal. Bon.* et aliis communiter. Ratio , quia , ut ipse *D. Th. eod. l. cit.* docet : *Statutum positivæ legis non attendit intentionem observantis , sed ipsum actum , eò quod modus virtutis non cadit in præcepto , sed est finis præcepti*. Si igitur modus virtutis , seu finis præcepti non cadit sub præcepto , ergò non peccat contra præceptum , qui modum virtutis , seu finem præcepti non observat , quia utitur jure suo. Neque huic obstat dicere , quod , si hoc esset , non peccaret qui sinè justa causa laborem assumeret , ut posset jejunium solvere ; quod verum non est , ut dicemus in *Dub. seq. n. 1045*. Sed respondetur , aliud esse apponere impedimentum contra præceptum , aliud contra finem præcepti ; quandò labor assumitur ad non jejunandum , peccatur quidem contra jejunii præceptum , eò quod Ecclesia , præcipiendo jejunium , præcipiat simul , ut non apponatur impedimentum proximum ad jejunandum ; At in nostro casu potus vini ad sedandam famem non est contra præceptum jejunii , sed contra finem jejunii , qui non cadit sub præcepto , et ideò talis potus non est saltèm culpa gravis ; et fortè per se nec venialis , quia potu vini non omninò frustratur finis jejunii , sicut frustratur per suæptionem cibi , qui ab Ecclesia vetatur.

Quæritur II. An frangat jejunium potus cervisiæ ex hordeo , et cerasis confectæ , aut aquæ mixtæ saccharo , et succo cinnamomi , vel mali cedrini , vulgò dictæ *Limonata* , sive *Sorbetto* ? Certè , si modicâ aquâ magna rerum harum quantitas misceatur , je-

junium frangitur : secus, si parva quantitas magnâ quantitate aquæ, quia tunc judicantur isti veri potus, eò quod alia, quæ aquâ miscentur, ita liquefiant, ut videantur propriam naturam amisisse. Ità communiter *Wigandt. p. 738 n. 97. Roncag. cap. 1 q. 6. Elbel t. 2 p. 156 n. 433 cum communissima, Concina t. 5 p. 204 n. 9. Viva q. 10 art. 1 n. 8. Mazzotta t. 1 p. 425. Croix l. 3 p. 2 n. 1292. cum Leand. et Steph. Tamb. de Pr. Eccl. c. 5 n. 8 et Salm. c. 2 n. 57.* Nec obstat dicere, quod aqua mixta saccharo, cum congeletur, mutet naturam; quia mutatio naturæ importat privationem prioris esse, ad quod redire non possit : sed aqua congelata liquefit statim ac ori ad-movetur, ergo naturam non mutat. Confirmatur : si gelu mutaret naturam, accideret, quod in speciebus congelatis vini post Consecrationem desineret ibi esse Christus, sed hoc est contrà Rubricam Missalis (c. 10 n. 11.), ubi præcipitur, ut, si Sanguis congeletur, debeat igne liquefieri, et sumi. Instabis : si quis uvam manibus exprimat, et succum tamen deglutiat, jejunium frangit, undè non refert, quod illa liquefacta deglutiat. Sed respondetur : liquor intrâ uvas non est quidem in forma potabili, sed in forma cibi, et per masticationem deglutitur; sed aqua congelata non jam per masticationem deglutitur, sed ore immissa, citò per se ipsius oris calore liquefit, et ad pristinum statum redit, sicque naturam potus non amittit, et ut potus habetur.

- 1023 Quæritur III. An potio *Chocolatis* frangat jejunium? Prima sententia, quam tuentur *Cardinalis Brancatus in sua Dissertat. de Chocolat. Escol. tom. 12 p. 93 dub. 28. Hurtad. part. 2 tract. 10 c. 5 n. 98. Holzm. tom. 1. p. 337. n. 21. Viva de 3 Præc. qu. 10 a. 1 n. 8.* item *Machad. Avila, Henriq. Quintanad. apud Guimernium*, et probabilem putant *Felix Potestas p. 307 n. 2877 et Tambur. l. 4 c. 5 § 2 n. 13*, qui testatur probabilem etiâ censuisse *C. de Lugo*; negat jejunium frangere, modò fiat usus illius, ut ex in Mexico; non autem, si sumatur ad instar densæ pulvis, puta si

misceatur aquæ in majori aut æquali quantitate. Fundamentum hujus sententiæ est, prout aliqui ex citatis AA. dicunt, quia ratio potûs sumitur à materia prædominante, quæ hîc est aqua. Et hoc modo sentiunt citati Auctores hanc potionem posse sumi toties, quoties libuerit; feruntque *Hurtadus, et Illsung. apud Holz.* eam licitam declarasse S. Pium V. Greg. XIII. et Paulum V.

Secunda verò sententia, quam tenent *Sanch. Cons. l. 5 c. 1. dub. 23 n. 1. Sylvius 2. 2. q. 147. art. 6. Laym. l. 4 tr. 8 c. 1. P. Conc. t. 5 p. 307 n. 4. Salm. tr. 23 c. 2 n. 60. Dian. p. 4 tr. 4 R. 194. Ronc. tr. 9 c. 1 q. 6 R. 3. Tamb. Dec. l. 4 n. 5 §. 2 n. 9.* et alii plures, docet frangere jejunium. Ratio, quia illa tantum potio habet rationem potûs, quæ inservit ad vehiculum alimenti, non verò quæ ipsa alimentum est, ut est lac, et jusculum; ita et chocolatas. Aliàs, si quis pisces contunderet, et aquâ mixtos sumeret, nec iste frangeret jejunium. Hoc tamen non obstante, prima sententia probabilior mihi est, sub limitationibus tamen, ut infra dicam. Ratio, quia potus chocolatis eo modo, quo admitemus, licet non habeat rationem potûs, cum non deserviat ad extinguendam sitim, ut certè sentio, et licet aliquo modo nutriat, habet tamen rationem medicinæ, quatenus juvat ad vehendum cibum, sive ad caput, ac stomachum confortandum. Undè de hoc potu idem dici potest, quod diximus suprâ de electuariis *n. 1019. cum D. Th. 2. 2 q. 147. art. 6 ad. 3.* ubi ait: *Electuaria, etiâsi aliquo modo nutriant, non tamen principaliter assumuntur ad nutrimentum, sed ad digestionem ciborum; undè non solvunt jejunium, sicut nec aliarum medicinarum assumptio.* Sed hac ratione medicinæ non licebit sumere chocolatem, nisi in parva quantitate, et cum aderit aliqua rationabilis causa, eo modo, quo licitus est usus electuاريorum. Hinc *P. Milante in Prop. Alex. VII. Exer. 23 p. 257.* loquendo de electuariis, rectè ait: *Ergò etiâ ex fine in præsentiarum chocolatum ad consolidandum stomachum viri probi in moderata quantitate permittunt.* Accedit alia ratio extrinseca

universalior et fortè potior, nempe consuetudinis jam hodie communiter receptæ, quæ negari non potest, et quam etiã testantur *Salm. n. 62 in fine*, et *Viva Tamb. Holzm. II. cc. ac Felix Potestas n. 2879. cum Ronc. l. suprà c. ubi* sio ait : ( Dixi chokolatum frangere jejunium ; habeo tamen rationem extrinsecam, quã certum mihi redditur, jejunium non frangere : Hæc autem fundatur in universali consuetudine, quam sciunt et tolerant Prælati Ecclesiæ, quæ consuetudo legi derogavit ). Hæc autem ratio consuetudinis ( etsi in alio casu ) confirmatur ex *D. Thom. 2. 2 qu. 147. art. 4 ad 3 in fine* ubi disserens de operariis, et peregrinantibus, an excusentur à jejniis ; ait excusandos esse, si immineat necessitas, et deinde subdit : *Videtur tamen in talibus recurrendum esse ad Superioris dispensationem, nisi fortè ubi ita est consuetum, quia ex hoc ipso, quod Prælati dissimulant, videntur annuere.* Cum verò ratione consuetudinis potus chokolatis admittitur, censeo cum *Salm. d. n. 62 in fine*, hanc consuetudinem non adesse, nisi pro uno tantum cyatho in diem non toties quoties, ut alii dicunt.

Quenam autem quantitas censeatur parva, et juxta usum hodie permitti possit? Sanè improbabiliter *Pasqualig. in suo Tr. de jejun.* putat nimiam mediam unciam chokolatis, ut possit sumi pro parva materia, ineptè dicens, quod hujusmodi quantitas plus nutriet, quàm sex uncie alterius cibi : undè tantum admittit octavam, vel sextam partem uncie ; Et huic opinioni videtur adhærere *P. Conc. t. 5 p. 243 n. 5.* ubi ait, solum posse admitti aliquid pulveris chokolatis aqua ita admixtæ, ut aqua sapida efficiatur, et stomacho attemperetur : Cæterum *n. 6* non dubitat, quin chokolatis possit sumi per modum medicinæ ad instar electuarii. Contrà verò, meritò *Salm. num. 63.* rejiciunt *Leand. q. 5 §. 4. et Turrian. Sum. p. 1 c. 256 dub. 37.* qui permittunt potionem duarum unciarum chokolatis. Alii, ut *Pinellus ap. Salm. Felix Potestas, ac Auctor Annotation. ad Anacl. de Præc. Eccl. D. 2 q. 1 n. 6:* permittunt unam unciam et dimidiam chokolatis

cum dimidia sacchari. Rationabilius tamen *Card. Brancatius* admittit potionem unius uncie chocolatis (cum quinque unciis aquæ, ut ait) non frangere jejunium; Vel, ut admittunt *Escobar l. cit. Salm. n. 65. in fine, Viva ut suprâ, et Renzius de Præcept. Eccl. c. 2 q. 18. cum Hurtad.* unam unciam chocolatis cum dimidia sacchari. Spectatâ autem hodiernâ consuetudine, *P. Milante l. cit. p. 256.* sic scribit: *Dico, in præsentiarum esse absolutè licitum chocolatæ potionem in moderata sexquincia quantitate* (idest uncie cum dimidia), *quid parvitas materiæ ex consuetudine introductâ et toleratâ ab Ecclesia omninò excusat à culpa. Dixi ex tolerantia Ecclesiæ, quid ex laudata permissione hodiè chocolata in præfata quantitate sumpta communâlis potus sanè dumtaxat in die permissus evasit.* Et quidem valdè probabiliter, dum communis usus fert, ut mihi constat, non minùs quàm unciam cum dimidia chocolatis in ordinariis cyathis solere immitti. Dicit autem *Viva*, quod tunc chocolatis babeat rationem potûs, quando uncia chocolatis, et media sacchari, miscentur septem unciis aquæ. Sed hoc videtur contrâ communem usum, neque hoc congruit ei, quod dicit ipse *Viva*, et quod proferunt *Leander, Diana, Escob. Potestas, etc.* nempe, tunc chocolatem non habere rationem potûs, cum illa æquat quantitatem aquæ. Undè melius videtur sufficere, quod præfata permissa quantitas sumatur cum aqua, quæ de more solet in usualibus cyathis adhiberi.

- 2. Jejunium non solvitur per collationem ves-<sup>1024</sup>
- » pertinam, etsi hæc non ad somnum, sed ad nutri-
- » tionem ordinetur: quia consuetudo permittit. Addo,
- » *vesperthinam*: quia sinè causa non licet illam sumere
- » manè, vel meridiè: ex justa tamen causa licet
- » utrumque: ut si fiat ratione debilitatis, negotiorum,
- » studiorum; sinè ea erit veniale tantum, cum non
- » violetur substantia jejunii \* (*Itâ Viva Q. 10 Ar. 3 n.*
- » *5 et Salm. c. 2 n. 82 cum Less. Tol. Sanch. Cajet. Fill.*
- » *et communi. Ibid. dicunt Fagund. et Leand. quod ve-*
- » *ratio sufficiat pro causa justa tempus commutandi.*) \*



» Quòad ejus quantitatem , communiter designatur  
 » quarta vel quinta pars integræ coenæ, ut contrà  
 » *Dian.* 1 p. tr. 4 R. 117 *Tur. etc.* docent *Reg. c.* 2 l. 6  
 » n. 185. *Laym. c.* 1 n. 9. *Fill. t.* 2 tr. 27 p. 2 c. 29. 7  
 » n. 33 dicens, ità decisum esse in celebri Academia  
 » Theologorum, qui omnes in quartam partem con-  
 » senserunt. Idem probat *Escob. tom.* 1 E. 13 c. 3 n.  
 » 61; siquidem cœna ordinaria duarum librarum pon-  
 » dus non excedat, quia talis in reliquis præceptis  
 » modica censetur, ac proindè tantò quis magis, mi-  
 » nùsve peccat, quantò magis, vel minùs transgre-  
 » ditur. Adde, quibusdam locis ex consuetudine plus  
 » permitti sæcularibus, quàm religiosis, nobilibus,  
 » quàm plebeis, et in frigidis regionibus, quàm in  
 » aliis, ut notat *Laym. l.* 4 t. 8 c. 1. *Bon. l. c.*  
 » Plus item quibusdam in locis in vigilia Nativitatis  
 » Domini, et alibi in cœna Domini, permitti ex con-  
 » suetudine dicit *Med. Cajet n.* 34 et *Santh. in opusc.*  
 » *Escob. t.* 1 E. 9. c. 3. Quod *Bon.* non improbat; ubi  
 » ea consuetudo est recepta.

» Quòad qualitatem, in ea prohibentur cibi ob  
 » nutritionem communiter ordinati, quippè inter  
 » fercula serè apponuntur. Permittuntur autem levio-  
 » res, ut fructus, aliave ex saccharo, et melle con-  
 » secta; et pro more regionis parùm butyri, et casei,  
 » ut in regionibus septentrionalibus ob fructuum ino-  
 » piam. *Laym. l. c. n.* 9. •

1025 In serotina igitur refectione duo spectanda sunt,  
 quantitas et qualitas cibi. Sed hîc antè omnia ani-  
 madvertendum, præcipuè in his attendendam esse  
 consuetudinem locorum, ut benè advertunt *Caj.* 2. 2.  
 q. 147 n. 6 § 2 et alii passim: Certum enim est,  
 quod, ubi agitur de consuetudine, tam circà jeju-  
 nium, quàm circà omnes alias Ecclesiæ leges, qui-  
 bus nemo negat per consuetudinem derogari posse,  
 auctoritas Doctorum recentiorum, licet pauciorum,  
 qui soli de posteriori moderna consuetudine testari  
 possunt, pluris facienda sit, et sinè dubio præferenda  
 auctoritati, etsi communiori AA. antiquorum, qui ni-

hil de consuetudine imposterum introducenda scire poterant. Cum autem Auctores de aliqua consuetudine testantur, id non temerè, et sinè sufficienti fundamento eos asseruisse credendum est. His positis, omnibus patet, quod antiquitus, præter unicam comestionem, nulla alia refectio cibi permitteretur. Tractu temporis introductum fuit, ut aliquid parùm sumeretur fructuum, herbarum, aut dulciarium ad medicinam, ne potus noceret, ut testatur *D. Antonin. et Caj.* de suo tempore. Postmodum consuetudo obtinuit, ut etiam ad nutriendum sumeretur aliquid panis, et fructuum, usque ad tres, vel quatuor uncias, ut aliqui DD. dicebant; vel usque ad sex, ut alii putabant. Recentiorum autem, quod ad quantitatem pertinet, alii, ut *Holz. t. 1 p. 338 n. 23 cum Laym. Fill. Reg. Spor. t. 1 p. 293 n. 26. Wigand. p. 139 Resp. 5. Croix l. 3 p. 2 n. 1299 cum Bus et Elbel. t. 2 p. 175 n. 401 cum Henno, et aliis, Anac. p. 387 n. 27*, dicunt ex consuetudine permitti jejunantibus quartam partem cœnæ; Sed hæc regula non multum mihi arridet, nam vel potest esse nimis indulgens, et ideò reprobant eam *Salm. tr. 23 c. 2 n. 71 et Diana p. 1 tract. 9 R. 1 cum aliis*, vel saltem est valdè obscura, scrupulisque obnoxia. Melius igitur alii communiter asserunt; permitti in collatiuncula octo uncias cibi: ita *Palaut t. 7 tract. 1 D. 3 § 2 n. 7. Ronc. d. 3 Præc. c. 1 q. 5 R. 1* qui asserit; sic ferre hodiè praxim timoratorum, *Viva eod. tit. q. 10 a. 3 n. 1. Tamb. Dec. l. 4 c. 5 § 3 n. 1. Elbel, t. 2 p. 180 n. 493. Felix Potestas de Pr. Eccl. n. 2886. Mazz. t. 1 p. 428. Diana p. 1 tr. 8 R. 1* qui ait, hanc sententiam ab omnibus admittendam, et *Salm. c. 2 n. 72 cum Vill. Turr. Pasq. Led. Trull. Leand. etc.* communiter, qui dicunt sic hodiè tenere communem Piorum usum, et sic practicari ab eodem suorum Discalceatorum Ordine, sicut apud ipsos *Salm.* testatur *Fagunt. ex Suar. de Societate Jesu. Idem confirmat P. Milante in prop. Alexandri VIII. Exerc. 23 p. 258*, qui Auctor, licet rigidarum sententiarum fautor sit, tamen non dubitat sic asserere: ( Ut cœnula ista innoxia sit, debet esse

modica, ità ut octo unciarum pondus ordinariè haud excedat quantitas illa, quæ pro refectione sumitur; ità quidem universim viri quâ pietate, quâ doctrinâ pollentes docent, et ad praxim deducunt. Dixi ordinariè, quia iusta ex causa poterit esse majoris ponderis, quando videlicet aliquis majori eget nutrimento.) Quod ultimum etiàm communiter DD. admittunt. Quapropter, cum censeant *Salm. loc. cit. cum Sanch. Viva n. 3. Elbel t. 2 n. 180 n. 484. Spor. § 3 n. 2 et Vivald. Tamb. Leand. ac Diana apud Croix l. 3 p. 2 n. 1300*, duas uncias in refectiuncula non reputari excessum gravem, consequenter tenêre debent, eum à culpa excusari, qui majori indiget nutrimento, et per duas tantum uncias cœmulam excedit. Cæterum, quantitas octo unciarum ità hodie usu recepta est, ut indistinctè permittatur, etiàm iis, qui illâ ad satietatem reficiuntur; ut dicunt *Spor. ad. 3 Pr. de Jejun. n. 27. Croix n. 1299 cum Vill. Fog. et Bon. Tamb. § 3 n. 1. Elbel t. 1 p. 180 n. 491 et Holzm. t. 1 p. 339 n. 24 cum communi.*

In Vigilia autem Nativitatis Domini ex consuetudine permittitur quantitas duplò major, ut dicunt *Viva d. 3 n. 2. Holzm. n. 25. Mazzott. t. 1 p. 278. Ronc. R. 2 Imò Sanch. Cons. l. 5 c. 1 dub. 26 n. 6 cum Metin. Elbelp. 181 n. 496 Pal. § 2 n. 7 et Salm. n. 73 cum Mol. Barb. Led. Fog. etc.* dicunt, in ea nocte posse sumi quantumlibet de fructibus, herbis, et dulciariis, non autem de pane; quia hanc asserunt esse consuetudinem Ecclesiæ ab omnibus receptam. Hanc tamen consuetudinem *Mazzota* apud nos negat adesse; et ego cum *Pasq. Dec. 92 n. 2 et Renzi t. 2 p. 589 quæst. 6* saltèm de illa dubito. Duplicem autem refectiunculam *Sanch. Az. Dian. Tamb. etc. apud Croix n. 1301 Mazz. et Ronc. ll. cc.* admittunt, etiàm si Vigilia Nativitatis adveniat in Sabbato Quatuor Temporum, hoc est, etiàm si Festum Nativitatis incidat in diem lunæ; quia id conceditur ratione lætitiæ, et solemnitatis. Probabiliùs, tamen advertit *Sanch. l. c. n. 6*, quod, si quis in meridie anteverteret refectiunculam, non posset excedere octo uncias, quia tunc non adhuc Festum incepit.

In Vigilia autem Paschatis, aut Pentecostes dicunt *Viva*, et *Salm.* non permitti duplicem cœnulam, Sed tantum posse sumi ex consuetudine decem vel undecim uncias cum *Leand. Pasq. et Quintan.* sed de hac consuetudine apud nos etiam dubito.

Quoad qualitatem verò cibi in cœnula sumendi, <sup>1026</sup> hodiè commune est posse comedi panem, fructus, oleas, herbas, et dulciaria, ut dicunt *Viva q. 10 art. 1 n. 9. Salm. c. 2 n. 77 cum Laym. Nav. Az. Pal. etc.* communiter. Cæterum, *Spor. t. 1 ad. 3 Præc. n. 32. Elbel. t. 2. p. 176 n. 483 cum March. Tamb. et Burghaber*, dicunt, quod, spectatâ modernâ consuetudine, tuta sit sententia; quod in collatione vespertina non sit attendenda qualitas ciborum, sed tantum quantitas; adeò ut ex omnibus cibis, qui die jejuni sumi possunt in prandio, etiâ piscibus, leguminibus, ovis etc. adhuc liceat sumere in cœna. His videtur se adjungere *Bon. de Præc. Eccl. D. ult. q. 1 p. 3 n. 3* dicens: *Ex quo patet, in secunda refectiuncula magis servandam esse quantitatem, quàm cibi qualitatem.*

Huic opinioni non univèrsè acquiescendum est, <sup>1027</sup> nam dubitatur I. An in cœnula liceat ei sumere ova, cui hæc sint permissa? Affirmant *Sporer ut suprâ tom. 1 p. 284 n. 32. cum Pasqualig. et Vivald. apud Croix l. 3 p. 2 n. 1303.* Sed hoc omninò negandum, ut dicunt *Viva p. 10 a. 3 n. 3 Potestas de Præc. Eccl. n. 2886. Mazz. n. 1 p. 427. Ronc. l. c. et Tamb. t. 4 c. 5 § 3 n. 5 cum Sanch. Fill. et Diana.* Ratio, quia ova sunt maximæ substantiæ, et ideò à consuetudine communiter rejiciuntur. Tantum permittunt *Busemb. ut suprâ, Laym. l. 4 tr. 8 c. 1 n. 9. Holzmann. tom. 1 p. 339 n. 23 et Elbel tom. 2 p. 276 n. 483.* pro regionibus frigidioribus sumere parum casei, vel butyri. Verumtamen *Viva, Potestas, Tamb. ll. cc. et Mazzotta tom. 1 p. 427.* id indiscriminatim permittunt. Hocque probabiliter apud nos admittitur, et in usum deducitur à pluribus perdoctis Junioribus, et præsertim à doctissimo meo Magistro ac Illustrissimo Episcopo D. Julio Torni, pro eis, qui jam dispensati sunt ad lacticinia, modò non

sumatur plus quàm una uncia casei, vel ad summum una cum dimidia. Idem ait *Palaeus*. §. 2 n. 6. de bis-coctis cum ovis, vel butyro confectis, modò eorum non sumatur plus quàm una vel altera uncia.

Hic notandum, quod nuper per quemdam confessorium supplicatum fuerit SS. Pontifici Ben. XIV., ut explicaret, an reverà liceret in serotina collatiuncula parùm casei sumere iis, qui in Quadragesima et vigiliis sunt dispensati ad lacticinia? Pontifex supplicationem transmisit ad S. Pœnitentiariam, quæ sic rescripsit: *Sacra Pœnitentia optinè conscia mentis Sanctitatis suæ ex speciali auctoritate ejusdem respondet non licere*. Rationem afferens, quod illud *jejunantes*, expressum in Bulla *Libentissimè*, præfati Nostri Pontificis Benedicti XIV. (ubi dictum fuit dispensatos ad carnes, vel ad lacticinia, *opus habere eo cibo eaque uti portione, quibus utuntur omnes jejunantes rectè meliculasæ conscientie*) intelligitur de rigorosè jejunantibus in Quadragesimali jejuniò, in quo tam carnes, quàm ova et lacticinia vetantur.

Deindè dubium subortum fuit, an S. Pœnitentia illud, *Optinè conscia mentis, etc.* dixerit ex sua interpretatione, vel ex proprio Oraculo Pontificis? Idcirco idem Confessorius item Papæ supplicavit, ut ipsemet mentem suam explicaret. Venit Responsum (quod ego ipse authenticum observavi, et nunc apud me est) in quo sic dicitur: *Sacra Pœnitentia de mandato SS. Domini, qui suis ipsis oculis retrospectam epistolam dignatus est legere, respondet vera esse, et pro veris habenda, quæ constat ab eadem Pœnitentia fuisse rescripta. Datum Romæ in Pœn. die 23 Julii 1756.*

Sed super hoc aliud dubium aliquibus factum fuit, an hujusmodi Declaratio Pontificis indigeat universali promulgatione, ut Fideles obliget. Dubitatio orta fuit ex eo, quod dicunt DD., nimirum, quod interpretationes, sive Declarationes, etiàm authenticæ, factæ scilicet ab ipso Legislatore, vel à Successore, aut ejus Superiore, indigeant promulgatione, ut vim legis habeant. Attamen dicimus distinguendam esse Declara-

tionem purè talem , à Declaratione non purè tali , sivè ab interpretatione. *Declaratio purè talis* est illa , quæ clarè à principio inest in ipsa lege , idest , cum sensus declaratus tolus jam in lege continebatur , v. g. si lex loquatur de alio , et dubitetur , an de filio legitimo , vel spurio ; si Legislatoꝝ declaret intelligi de legitimo , jam sensus clarè in lege inest à principio. *Declaratio autem non purè talis* , sivè interpretatio et illa , cujus sensus non clarè est in lege imbibitus , sed infertur ex aliquo argumento , puta , quod nomine Patris veniat etiàm Avus , nomine mortis naturalis veniat etiàm civilis , et similibus.

Hinc dicimus cum sententia communi , quam tradunt *Castrop. t. 3 D. 5 p. 3. § 3 n. 3 cum Suar. , Vasq. Salas , etc. citatis ib. in §. 1 n. 5. Holzm. t. 1 de Lege p. 112. n. 543. Spor. suplem. eod. tit. c. 1. p. 47 n. 330. La Croix l. c. n. 824. Salm. tr. 11. de Leg. c. 3. n. 30* quod *Declaratio purè talis* illius sensûs , qui clarè jam inest in lege , non indigeat promulgatione , sed obliget omnes qui Declarationem illam jam sciunt : cum ipsa non sit nova lex , sed à principio in lege sit imbibita. *Declaratio contra non purè talis* , sivè interpretatio aliqujus sensûs obscuri vel ambigui , qui dubius est , an insit vel ne in ipsa lege , sed ex argumento infertur , hujusmodi *Declaratio* , ut obliget , indiget promulgatione. Ut rectè ajunt *Pal. l. c. § 1 n. 2 et Suar. de Leg. l. 6 c. 1 n. 3.* quod Declarationes omnes , quæ non fiunt à Legislatore , sed ab ejus Successore , aut superiore , semper indigeant novâ promulgatione , ut obligent ; Ratio , quia Successori aut Superiori non est tam aperta mens primi Legislatoris , sicut ipsi Legislatori nota est ; ideòque , ut illi aliquid declarent , etiàm si explicarent aliquem sensum jam in lege existentem , semper opus habent recurrere ad argumenta , et interpretationes , et propterea semper videntur aliquid novi constituere. Saltèm ( ut ait *P. Suar de leg. l. 4. c. 14 n. 3.* ) hujusmodi Declarationes , prout sunt Responsa declarativa Pontificum , obstringunt ad interpretationem tuendam , sivè ad servandum antiquum

jus secundum illam interpretationem. Verumtamen idem *Suar eod. tit. l. 6 c. 1 n. 3* sic addit; *Ut authentica sit interpretatio, oportet, ut habeat legis conditiones, ut sit justa, sufficienter promulgata etc. Unde consequenter fit, ut hæc lex interpretativa alterius exposita sit dubiis; ita ut aliæ interpretationes necessariae sint.*

His positis concluditur in nostro casu, quod, cum sensus explicatus à Pontifice, legis ipsiusmet conditore (nempè verbum *jejunantes* accipiendum esse pro rigorosè jejunantibus), jam totus insit in lege, totum enim, quod significet abstinentiam tam à carne quàm à lacticiniis, jam in verbo *jejunantes* continetur; propterea hæc Declaratio non indiget promulgatione; tum quia explicatus est sensus jam in lege imbibitus, tum quia ab ipso Legislatore declaratus est.

Sed post hæc scripta Regnans Pontifex Clemens XIII per Bullam quæ incipit *Appetente*, sub die 20 dec. 1759 in hoc puncto omnia sustulit dubia, dicens: *Nova infringendis jejunii legibus, vel opinionum commenta, vel à vera jejunii vi et natura abhorrentes consuetudines quæ humani pravitæ ingenii sint invecæ, ea omnia radicitus convellenda curetis. In quibus profectò abusum illum censemus omninò numerandum, cum nonnulli, quibus ob justas et legitimas causas ab abstinentia carniū dispensatum fuerit, licere sibi putant portiones lacte permixtas sumere: contrà quam prædictus Præcessor Noster censuit tam dispensatos à carniū abstinentia, quàm quovis modo jejunantes, unica excepta comestione, in omnibus æquiparandos iis esse, quibuscum nulla est dispensatio; ac propterea tantummodò ad unicam comestionem posse carnem, vel quæ ex carne trahunt originem, adhibere. Quænam autem sint, quæ ex carne originem trahunt, habetur in Can. Denique, Dist. II. ubi dicitur: Quæ trahunt originem sementinam à carnibus, ut sunt ova, et lacticinia. Itaque Dispensatis non permittitur in Collatiuncula alius cibus, nisi ille qui permittitur non Dispensatis.*

1026 Dubitatur II. An in coenula permittantur pisces? Hic plures concurrunt Doctorum sententiæ. Id absq-

Intè negant *Salm. c. 2 n. 80 cum Sunch. Led. et Pal.* ex communi, ut asserunt, etiãsi pisces sint parvi, et siccati; quia, ut ajunt, nullibi est hæc consuetudo. Attamen *Laym. cit. n. 9 cum Azor. conoedit pisciculum sale coctum. Tamb. autem l. c. § 3 n. 3* tenet, pisces sale coctos, sivè parvos, sivè magnos, hodie vetitos non esse; et asserit *Viva d. a. 3 n. 3*, putans hanc consuetudinem jam introductam esse. Imò *Sporer loco supr. cit. p. 284 n. 32. et Elbel p. 176 n. 483. et Vivald. March. Pasqual. ac Burgh. apud Croix l. 3 p. 2 n. 1302.* dicunt, juxta hodiernam consuetudinem licitum esse vesci piscibus, prout in prandio, modò quantitas debita servetur. Cæterum, *Bon. Dist. ult. q. 2 p. 3 n. 3 et Viva, d. n. 3 ac Mazz. tom. 1 p. 427* probabiliter ajunt, hodiè ex consuetudine jam apud nos recepta (quam mihi confirmarunt alii docti et probi Juniores) posse sumi in cænula exigua partem, v. gr. duas vel tres uncias piscis majoris. Hancque consuetudinem confirmat, et approbat ut licitum *M. Milante in prop. Alexand. VII. Exerc. 23* ubi sic ait: *Nec scrupulosus quidem Theologus inficiare audet (licitum esse vesci pisciculis recentibus,) præsertim, quia viri prudentes ac docti, imò Regularium Communitates eisdem vesci in antipaschali jujunio consueverunt. Ut ingenue meam in re proferam sententiam, attentà præsentì disciplina, sinè ullo scrupulo posse etiã magnos pisces in eadem quantitate permitti existimo. . . . Undè, sicut hodiè in prandio licet grandes pisces comedere, licet pariter in cænula cum debito moderamine manducare.*

Dubitatur III. Utrùm liceat sumere octo uncias<sup>1029</sup> panis cocti aqua, et oleo. Prima sententia affirmat, quam tenent *Diana p. 10 tr. 14 R. 58. Spor. tom. 1 p. 284 n. 32 cum Bassæo, et Dress. ac Bon. D. ult. q. 1 p. 3 n. 3* citans *Az. l. 7 c. 8 q. 7* (sed non benè, nam *Az.* ibi nihil aliud admittit, nisi aliquid panis, ne alii cibi soli noceant) item *Elb. t. 2 p. 181 n. 499*, qui probabilissimam vocat, et *Laym. l. 4 tr. 8 c. 1 n. 9* dicit, eam non carere aliquâ probabilitate. Ratio, ut



dicunt, tum quia, si panis, et liquor sejunctim sumi possunt, cur non unà simul? tum quia, licet panis crescat pondere, non tamen acquirit rationem majoris substantiæ quoad nutritionem, sed solum rationem temperamenti quoad cibum vehendum. *Secunda* verò sententia tenenda negat, eamque docet *Pal. tr. 30 D. 3 p. 2 n. 6. Laym. l. c. Fill. tr. 27 p. 2 c. 2 n. 30. Ronc. c. 1 q. 5 R. 2. Croix l. 3 p. 2 n. 1303. Tamb. Dec. l. 4. c. 5 §. 3 n. 2* qui oppositam non audet vocare probabilem, item *Salm. tr. 23 c. 2 n. 77 cum Trull. Villal. et Reg. idemque sentit Viva Q. 10 art. 3 n. 4* qui asserit, hanc esse communem, et contrariam non esse sequendam, ut communiter rejectam. Ratio 1. quia, esto panis coctus aquâ naturam non mutaret, tamen hujusmodi ferculum minimè est consuetudine receptum. Ratio 2, quia reverà panis per decoctionem, et fermentationem cum aqua, aliam naturam acquirit, et ità fit quid unum panis et aqua, ut evadat una substantia major, et ab invicem separari nequeant. Tantùm ipse censeo admitti posse cum *Tamb. l. c.* ut quis actu, quo se reficit, infundens panem in aquam, aut vinum, statim, ori admoveat; quia tunc non intervenit fermentatio, et liquor deservit ad vehiculum cibi. Nec improbo, quod ajunt *Salm. ib.* nempè quinque uncias (aut saltèm quatuor, ut ait *Ronc.*) panis cocti non excedere notabiliter debitam quantitatem.

Probabiliter autem licitum est in cœnula edere jusculum ex herbis coctis aquâ, et aceto, aut oleo aut vino decocto, ut dicunt *Palaeus p. 2 § 2 n. 6. Dian. p. 10 tr. 14 R. 58 cum Laym. Leand. et p. 9 tr. 6 R. 8 et Viva q. 10 a. 3 n. 3 cum Bon. et Tamb. Mazzot. t. 1 p. 427 ac Salm. c. 2 n. 77 cum Nav. et Azor. nec dissentit Wigand. p. 139 Resp. 5*, si adsit aliqua causa, aliàs ait esse veniale. Benè tamen advertit *Viva loc. cit.* oleum, et acetum esse pondere computanda et ratio est, quia oleum et acetum reverà non habent rationem potûs. Admittunt autem *Salm. loc. cit.* octo uncias ex leguminibus igne tortis: Negant verò posse

sumi legumina cocta aquâ, quia (ut dicunt) huic adversatur consuetudo; Sed id concedunt *Escob. tom. 12 l. 45 dub. 54 num. 293 et 294 Spor. loc. cit. num. 32 et Elbel num. 483*. Cæterum, quod dictum est supra de pane decocto, fortius videtur posse dici de leguminibus, quæ minoris sunt nutrimenti, quam panis.

» 3. In Confessione non sufficit dicere, non servavi,  
 » aut fregi jejunium, sed addendum, utrum refec-  
 » tione multiplici, an esu carnum. Et, si hoc, utrum  
 » semel, an sæpius quantitatem notabilem sumpserit:  
 » quia probabile satis est, etiam in hac materia, par-  
 » vitem à mortali excusare, ut docet *Bon. t. 2 D. ult. p. 1 q. 2 et Tann. t. 3 d. 3 q. 3 dub. 5 v. gr. si coquus,*  
 » aut ægroti minister parum carnis prægustent, *Es-*  
 » *cob. l. c. n. 54. Sanch. in opus. t. 2 l. 5 c. 1 dub. 12*  
 » *n. 10* \* (*Mediam unciam carnis, ait Pasq. esse ma-*  
 » *teriam parvam, sed meritò rejicitur à Salm. c. 2 n. 17*  
 » *qui dicunt, materiam parvam esse tantum octavam*  
 » *partem unciæ, ut ajunt etiam Ronc. et Dian. ap. Croix*  
 » *n. 1305*) \* vel ex aliis cibis quartam tantum partem  
 » collationis serotinæ, sive unam vel duas uncias su-  
 » mat: hanc enim esse materiam parvam, cum *Tur-*  
 » *rian. et Leon. docet Diana p. 5 t. 5 R. 11 p. 8 t. 7*  
 » *R. 54* esse probabile. Si autem sæpius eodem die  
 » parum sumeret, peccaret graviter; quia materiæ  
 » illæ coalescerent in unam magnam, ut contrà *Salas*  
 » docet *Diana p. 3 tr. 6 R. 43*. Accedit auctoritas  
 » Pontificia damnans opinionem oppositam. Vide  
 » *Propos. 29* inter proscriptas ab *Alexandro VII.*  
 » Denique, si sit in Quadragesima, utrum fregeris  
 » esu ovorum, aut lacticiniorum? Tametsi etiam *Dian.*  
 » *t. 9. R. 54 et t. 6 misc. R. 82.* citans multos Doc-  
 » tores, dicat, certum esse, quod sit mortale, si non  
 » ex jure positivo, saltè ex consuetudine, in omni-  
 » bus ferè mundi partibus recepta, vesci ovis, et lac-  
 » ticiniis in quadragesima: probabile tamen est, et  
 » tutum (saltè in Germaniæ partibus) esse tantum  
 » veniale. *Laym. c. 1 n. 3. Fagund. l. 1 c. 2 etc.* Tum  
 » quia, licet consuetudo habeat, ea tamen non sem-

- per sub peccato, præsertim mortali, obligat. V.
- » *Fill. l. 27. 3 Bon. n. 2.* Tum quia Ecclesia non tam
- » graviter ad hoc obligat; ut patet tum ex verbis ip-
- » sis, tum ex faciliore dispensatione in his, quam in
- » carnibus, \* (*Sed hodie hoc est improbable ex Prop.*
- » *32 damnata ab Alex. VII. relata suprâ n. 1007.*) \*
- Ob quam causam etiâ laridi, et adipis usum faci-
- lius concedi posse pauperibus, docet *Lay. l. 4 t. 8 c. 1*
- » *n. 5.* Imò ait, nec divitem propter eum usum con-
- » tinuò damnandum esse peccati mortalis, præsertim
- cum *Sylv. verb. jejunium*, et alii dicant, ei, cui ovo-
- rum, et lacticiniorum usus permissus est, etiâ
- » laridi, et sagiminis permissum videri, idque non
- » improbet *Az. l. 7 c. 10 q. ult. V. Loym. hîc, Fag.*
- » *p. 4 l. 1 c. 2 n. 20.* ubi dicit, pinguedinem inter
- » carnes non computari. V. *Dian. p. 1 t. 9 R. 21.*
- Verùm in his videndum ubique, quid recepta pio-
- » rum consuetudo ferat, à qua non temerè receden-
- » dum. *Az. l. 7 c. 10 q. ult.* \* (*Vide dicta n. 1010.*) \*
- » Dixi: *si sit in Quadragesima*; quia extrâ eam li-
- citè vescitur ovis, qui debet jejunare, v. gr. ob Ju-
- bilæum, *Henric etc.* vel ex pœnitentia sacramenta-
- » li, *Fag.* vel ex voto, aut in vigilia. V. *Dian p. 1 c. 9*
- » *R. 5 et 6* \* *Vide dicta n. 1009.*

1030 Quæritur I. Utrùm, qui in die jejunii culpabiliter  
 bis comedit in notabili quantitate, peccet graviter, si  
 iterùm comedat? Affirmat *prima* sententia, quam te-  
 nent *Wigand p. 140 n. 101. Resp. 3. Sylv. v. Jejunium*  
*n. 22. Elbel. t. 2. p. 154 n. 46 cum Med. et Henno:*  
*item Major, ac Montesin. apud Salm. de 3. Præc. c. 1.*  
*n. 7.* Ratio, quia, sicut præceptum abstinendi carni-  
 bus est negativum, ita ut, qui eas comedit, toties pec-  
 cet quoties edit, prout omnes asserunt cum *Salm. c. 2.*  
*n. 29 Suar. Diana etc.* communiter, contrâ *Palud.*  
*Tab. etc.* Sic est illud, quo præcipitur abstinèn-  
 tia à secunda comestione. Negat verò *secunda* com-  
 munis, et probabilior sententia, quam tenent cum  
*Busemb. n. 1004. Sanch. Dec. l. 4. c. 1. n. 42 et 45.*  
*Holzmann. tom 1 p. 335, n. 8. Anacl. pag. 386 n. 20.*

*Mazzotta tom. 1 p. 326. Ranc. de 3 Præcept. c. 1 q. 2 R. 2 cum Az. Suar. Fag. Palous tom. 7 tr. 1 D. 3 p. 2 §. 2 n. 8 cum Caj. Val. Sa, Tol. Laym. Henr. etc. Salm l. c. et c. 2 n. 47 cum Bon. Trull. Fag. et Bass. Ratio 1 ut alii dicunt, quia præceptum jejunii est positivum, cum præcipiat principaliter per se unicam comestionem, undè non obligat semper ad semper; et proindè qui semel illud fregit, non peccat saltèm graviter iterùm comedendo; sed hæc ratio non convincit, nam si hoc esset præceptum merè positivum, peccaret qui prorsus nihil per diem comederet. Ratio 2 potior est, quia essentia jejunii consistit in unica comestione, ut clarè videtur docere D. Thomas. 2 2 q. 147 art. 6 dicens: *Ecclesiæ moderatione statutum est, ut semel in die à jejunantibus comedatur*. Quapropter, destructâ essentiâ jejunii, cessat præceptum. Dispar autem est ratio præcepti abstinendi à carnibus, ibi enim essentia præcepti constituit in unica comestione, quia factâ secundâ comestione, jam jejunium solutum est; ideòque bis comedens non tenetur deindè jejunare, cum ampliùs jejunium servare non possit. Adde, quod hoc præceptum communiter sic DD. interpretentur; et hoc solùm redderet probabiliorẽ sententiam nostram. Dixi autem saltèm graviter, nam Less. l. 4 c. 2 n. 17. Fill. t. 2 tr. 27 n. 24 et Croix l. 3 p. 2 n. 1265 cum communissima (contrà Pal Anacl. et Salm; ll. cc.) dicunt id esse veniale, eò quod sit contrà finem legis, qui est carnis mortificatio: et quidem probabilius, quia contraire fini legis est quædam inordinatio, quæ ab omni culpa non videtur excusari.*

Quæritur II. Utrùm, qui inculpabiliter bis comedit in die, teneatur abstinere à tertia refectio? Negant Bon. de Præc. Eccl. D. ult. q. 1 p. 3 n. 8. Holz. l. c. p. 335. Laym. c. 1 n. 13. Pal. p. 2 §. 2 n. 9. Elbel l. c. et Spor. tom. 1 p. 285 n. 39. Quia, ut dicunt, adhuc in casu inadvertentiæ jam destructa est essentia jejunii. Sed affirmant Azor. Val. Sa, Nav. etc. apud Bon. l. ut sup. Ratio, quia is, qui jejunium inadvertenter fregit, materialiter tantum fregit, et non formaliter; undè

cum primùm advertit ad jejunii legem, tenetur illam servare, ne formaliter lædat. Utraque sententia est probabilis, sed juxta dicta in præced. Quæst. prima videtur probabilior.

Quæritur hîc III. an liceat cauponibus die jejunii indiscriminatim ministrare omnibus cibos, et carnes? Affirmat *Viva Qu. 10 A. 4 n. 7* cum communi, etiãsi dubitent, an aliquis petens excusetur, quin eum interroget; quia in dubio nemo præsumitur malus. Imò etiãsi certò sciant, eum non excusari, concedunt tabernariis *Sanch. l. 7* cum *Nav. Tol. Mol. etc.* apud *Viva ib.* posse adhuc invitare ad prandium; quia, ut dicunt, illa invitatio intelligitur conditionata, hoc est, *si vultis comedere, comedite apud me.* Ad carnes verò dicit *Viva* non posse invitare hospites, nisi expressè sub dicta conditione nuper enunciata. Sed hæc duo ultima non admittimus, nisi permissivè, et accedat gravis causa excusans à peccato scandalì, prout diximus *l. 2 n. 80.*

## DUBIUM II.

### Quæ causæ excusent à Jejunio?

- 1031 *Quatuor sunt causæ excusantes à jejunio, I. Dispensatio. II. Impotentia. III. Labor. IV. Pietas. Vide omnia, quæ de his dicit Busemb.*
- 1032 *I. Causa est Dispensatio; Possunt enim à jejunio dispensare 1. Papa. 2. Episcopi. 3. Parochi. 4. Prælati, de quibus singulatim agitur.*
- 1033 *II. Causa est Impotentia. Quinam excusentur de Impotentia Physica. Resp. 1. Infirmi, 2. Pauperes. 1034. Quinam excusentur de Impotentia Morali? Resp. Excusantur 1. Qui laborant dolore capitis: Vel qui nequeunt dormire: An autem hi teneantur manè sumere cœnulam? 2. Milites. 3. An uxores timentes indignationem à Viris, et an Viri, qui non possunt reddere debitum? 1035. 4. Adolescentes. 1036. 5. Senes. Dub. 1. An Sexagenarii robusti teheantur jejunare? 1037. Dub. 2. An fœminæ quinquagenariæ? 1038. Dub. 3. Quid de senibus habentibus votum je-*

junandi? 1039. Dub. 4. *An Religiosi sexagenarii teneantur ad jejunia Regulæ?* 1040. Dub. 5. *An jejunium subrogatum voto castitatis, obliget Sexagenarios?*

1041 III. *Causa est Labor. Quæ sint artes per se laboriosæ? An excusentur Tonsores, et Sartores? An Pictores, Scribæ, et Horologiarii? An Molitores, Argentarii, et Sculptores?* 1042. Qu. 1. *An excusentur Artifices divites?* 1043. Qu. 2. *An excusentur Artifices qui possunt sinè gravi incommodo?* 1044. Qu. 3. *An excusentur ipsi diebus, quibus non laborant?* 1045. Qu. 4. *An excusentur qui assumunt laborem in fraudem jejunii?* 1046. Qu. 5. *An qui laborant sinè justa causa? Et an qui laborant ob rarum lucrum?* 1047. *De Itinerantibus.* Dub. 1. *Quale iter sufficiat ad excusandum?* Dub. *An excusentur iter facientes equis, vel rhedis?*

1048 IV. *Causa est Pietas. An idè opera pietatis possint spontè suscipi?* 1049. 1. *Quandò excusentur inservientes infirmis?* 2. *Quandò peregrinantes ad loca sacra?* 3. *Quandò Concionatores?* 4. *Quandò Cantores?* 5. *Quandò Lectores?* 6. *Quandò Advocati, Judices, Medici, et alii Professores?* 7. *Quandò Confessarii?*

1050 *An absentes à Patria teneantur ad jejunium in illa præceptum? Et an ad jejunium loci ubi sunt? Remissivè ad n. 1056.*

» **R**ESP. Hæ sequentes; 1. *Superioris Dispensatio*; 1031  
 » quâ tamen non est opus, si necessitas sit evidens,  
 » sed in dubio tantum; idque sive ad esum carnium,  
 » sive ad secundam refectionem. Talis autem Superior  
 » est Episcopus, et Paterfamilias, etiam præsentè Epis-  
 » copo, quandò legitima consuetudo sic habet. Imò  
 » *Sylv. et Sanch. de matr. l. 9 d. 9 n. 27 et in opusc. t. 2 l. 5*  
 » *c. 1 d. 5 n. 18* absolute affirmant eos posse dispensare  
 » præsentè Episcopo: quia, inquit, ad Episcopum  
 » non recurritur in minimis, ut usus habet; quòd  
 » Episcopi sciunt, et non contradicant. Verùm id  
 » totum pendet ab usu, et consuetudine, sine qua  
 » non licebit. V. *Trull. l. 2 c. 3 d. 7*. Item Prælati,  
 » et in ejus absentia Vicarius illius, ut habent *Sanch.*

» *l. c.* respectu suorum Religiosorum. Non tamen Con-  
 » fessarius, licet privilegiatus, si non sit Parochus:  
 » quia non habet jurisdictionem in foro externo, *Sanch*  
 » *l. c.* contra *Pal.* Undè tantum potest judicare de  
 » justitia causæ. \* (*Vel adesse causam ad non jejunan-*  
 » *dum. Viva d. n. 5.*) \* Causa autem valida ad dis-  
 » pensandum erit vel vera; vel quæ talis putatur;  
 » sufficit enim credulitas inculcata. Item cum quis  
 » bonâ fide putat se à jejunio excusari, etsi causa in-  
 » sufficiens sit, tantum venialiter peccare docet *Cajet.*  
 » At si verè bonâ fide putet, se planè excusari, nullo  
 » modo peccare videtur.

» 2. Causa est *Impotentia*, quâ excusantur, qui  
 » sinè notabili damno non possunt jejunare; ut sunt  
 » juniores usque ad annum 21. completum; quibus  
 » tamen post septimum annum carnes dari non de-  
 » bent. Item debiles, infirmi, convalescentes, præg-  
 » nantes, lactantes, etc. \* (*Etiâmsi lactantes sint*  
 » *robustæ, ut Viva q. 10 Art. 4 n. 3. Salm. n. 126 com-*  
 » *muniter. Idem Tamb. dicit de muliere mox conceptu-*  
 » *ra, si jejunium ei nocere probabiliter possit. Hinc pro-*  
 » *babilis metus gravis mali, ut ait Viva Art. 4 n. 2 aut*  
 » *gravis incommodi, ut dicit Croix l. 3 p. 2 num. 1324*  
 » *cum Bon. Tamb. et Pasq. excusat à jejunio.*) \* Ratio est  
 » quia hi omnes egent alimento multiplicato: uti et  
 » senes communiter sexagenarii, nisi evidenter con-  
 » stet, eos posse jejunare sinè damno. In dubio autem,  
 » an possint, non tenentur cum periculo tentare fortu-  
 » nam: quia cum de ætate constet, et robur sit du-  
 » bium; non est expectandum, donec deficiat; tunc  
 » enim irrecuperabilis est defectus. (*Gra. tom. 2 d. 6*  
 » *tract. 3 p. 1 d. 6 s. 5 n. 39. Escob. Laym. l. 4 tr. 8 c. 3.*  
 » *Tan. 2 d. 3 q. 3 dub. 5. Fill. tom. 2 tr. 27 p. 2 c. 6 et*  
 » *cæteri communiter, contra Nav. Sa, Sanch. de matr.*  
 » *l. 2 l. 7 d. 32 n. 17 et par. 2 consil. lib. 6 c. 1 d. 4 n.*  
 » *q. item Dian. p. 1 tr. 9 R. 20 etc;* qui absolute, sinè  
 » omni restrictione; sexagenarios omnes à jejunio  
 » liberant. Quam sententiam *Trall.* tamquam commu-  
 » niorem et magis conformem temporis, et imbecilli-

» tati humanæ, ut ait, sequitur (cum *Molf. Orfiz. etc.*)  
 » *lib. 3 c. 2 d. 7 n. 3.* præsertim cum à scrupulis, qui-  
 » bus exponit contraria, liberat. Quidam insuper id  
 » extendunt ad eos, qui pro toto tempore certis die-  
 » bus voverunt jejunium; adduntque esse probabile,  
 » quod sufficiat, si annus 60 sit inchoatus, eò quod  
 » is in favorabilibus habeatur pro completo. *Diana p.*  
 » *5 t. 14 R. 83 ex Naldo, et Sanch.* Idem *p. 9 t. 7 R.*  
 » *73 ex Trull.* et aliis 6. Eademque ætate, uti et antè  
 » annum 21. Regulares non tenèri ad jejunia sui Or-  
 » dinis, probabile affirmat *Dian. p. 9 t. 7 R 73* et aliis 4.  
 » qui etiàm probabile censet excusari fœminas quin-  
 » quagenarias, *p. 9 t. 7 R. 93.* Ex aliis 4. Deniquè  
 » pauperes, qui non habent alium cibum præter pro-  
 » hibitum, vel non sufficientem pro unica refectione.  
 » Vide *Sanch. in opusc.* ubi ex *Nav. Gabr. Ang.* ex-  
 » cusat eos qui laborant tertianâ, vel quartanâ, item  
 » qui ex vacuitate stomachi notabilem capitis dolorem  
 » patiuntur vel totâ nocte calefieri, aut dormire non  
 » possunt. Neque hos tenèri manè sumere collationu-  
 » culam, et vesperi cœnam, notat *Dian. p. 1 t. 9 R. 51*  
 » *ex Fill.* et aliis 3 quia nemo tenetur pervertere ordi-  
 » nem refectionum.

» 3. Causa est *Labor*, vel officium, quocum jeju-  
 » nium non possit consistere, qualis est agricolarum,  
 » et multorum opificum, ut fabrorum, pistorum,  
 » sutorum; etc. (etsi de sutoribus neget *Angles:* cujus  
 » sententiam *Sanchez* dicit esse veram, si non suant,  
 » sed tantùm scindant corium, et materiam præpa-  
 » rent); non tamen pictorum, sartorum, quòd labor  
 » exiguus sit. Excusat etiàm *Laym. l. 4 t. 8 c. 3* figu-  
 » los, argentarios, lignarios, fullones, coementarios,  
 » coriarios, et textores. *Dian. p. 4 t. 4 R. 138 et Gor-*  
 » *don. t. 2 l. 6 q. 18 c. 6* versantes prelum typogra-  
 » phicum, non tamen typorum compositores: fosso-  
 » res autem, ferrarios, et similes, etiàm in die uno,  
 » vel altero, quo non laborant, excusat *Azor. etc. cum*  
 » *Dian. p. 1. t. 9 R. 9.* Similiter excusantur qui pedi-  
 » bus facit iter per magnam diei partem, ut ait *Sanch.*



» *in opusc. loc. cit. Vid. Fill. n. 119.* Ratio horum omnium est, quia communiter horum vires non sufficient ad hujusmodi labores cum jejunio.

» Dixi, *pedibus*; quia multi non excusant equites;  
 » longa tamen equitatio ad plures dies, ut docet *Fill. tract. 37 c. 6* meritò excusat. Ubi etiam concedit ob labores præcedentes et subsequentes, posse aliquem excusari, si probabiliter debilitatus, vel debilitandus putetur, ita ut officio ritè fungi nequeat. V. *Bon. dist. ult. quæst. 4 n. 11.* Ex eodem capite Doct. excusant conjugem, si debitum reddere non possit, quandò jejunit; uti et uxorem, quæ ob maciem non possit cum jejunio se viro gratam præstare. *Bon loc. cit.* Atque, universim loquendo, nemo tenetur opus, ad quod obligatur, omittere ob præceptum jejunii, ait *Cajet.* Quod intelligo, nisi ista obligatio sit valdè levis, et rationabiliter postponenda obligationi jejunii.

» 4. Est *Pietas*, vel majus bonum. Undè excusantur, qui cum jejunio non possint vacare operibus melioribus, v. g. Concionatores, Præceptores ordinarii, Confessarii, Cantores, et quotquot opera charitatis, et misericordiæ tam corporalia, quam spiritualia exercent, etiam ob mercedem, si ea cum jejunio peragere non possint. *Fill. t. 2 tr. 27 p. 2 c. 6 n. 24. Azor. p. 1 l. 7 c. 28. Fern. Navar. Sylvest. Fagund. etc.* Atque hi quidem omnes id intelligunt, et ferè addunt, quandò eorum labores cum jejunio non possunt consistere. *Diana* autem (absolute loquendo) p. 1 t. 9 R. 9. Prædicatores, qui diebus quadragesimalibus (intelligo omnibus) concionantur, putat à jejunio excusandos; quia, inquit, summoperè laborant: non item eos, qui Dominicis tantum concionantur, nisi sint debiles. *Sanchez* tamen *in consil. p. 2 l. 5 c. 1 d. 13 n. 67 et 8. Trull. l. 3 c. 3 d. 7* putat à jejunio Quadragesimæ communiter, et regulariter excusari eos, qui ter, vel quater in hebdomada concionantur cum fervore. Lectores verò *Dian. l. c. cum Fagund. p.*

» 4 l. 1 c. 8 n. 19 censet non omnes excusandos, sed  
 » eos tantum, quorum labor est improbus; vel qui  
 » ita sunt debiles, ut satisfacere muneri non possint.  
 » Idem ferè sentit *Sanch.* licet l. c. putet, Lectores  
 » eos, qui quodtidie quatuor lectiones legunt (ut in  
 » Societate faciunt præceptores Grammaticæ) satis-  
 » facere, si media Quadragesima, sivè ter in hebdo-  
 » mada jejurent, eò quod sit magnus labor, et pau-  
 » cis annis ille fatigetur, ut progredi non possint;  
 » sic ille. Verùm præstat, ut Superiores, ad tollen-  
 » dum scrupulum, cum talibus dispensent; ut monet  
 » idem *Sanch.* l. c. Nam in omnibus istis regula cer-  
 » ta, et universalis statui non potest alia, quàm quod  
 » lex Ecclesiæ non obliget cum magna difficultate,  
 » ut notat *Laym.* c. 2 n. 3.

» 5. *Charitas*, vel etiàm urbanitas secundùm quos-  
 » dam excusat etiàm à veniali eum, qui die jejunii  
 » rogatus ab amico, modicum cibi sumit, *Med. Fab.*  
 » *Fill. Dian.* p. 2 t. 9 R. 29, vel qui ad excitandum  
 » infirmorum appetitum, comedit parùm, etiàm car-  
 » nis. *Sanch. Dian.* p. 3 t. 5 R. 32. »

Quatuor igitur sunt causæ excusantes à jejunio; 1032

I. Dispensatio. II. Impotentia. III. Labor. IV. Pietas.

De his seorsim hîc, et accuratè censeo disserendum,  
 cùm sint res omnes pertinentes ad praxim, et scitu  
 necessariae. Sedulò curavi, ut super hoc puncto quam-  
 plures Auctores observarem, et hîc recensere, eò quod  
 Doctorum auctoritas in hoc redundet in probabili-  
 tatem intrinsecam, cùm agatur de re, quæ valdè  
 pendet ab æstimatione Sapientum. Et quia infra in  
 singulis sententiis eosdem AA. sæpè citare mihi opus  
 erit, ideò, ne citationes semper repetam, loca Doc-  
 torum de hoc puncto agentium, quos observavi,  
 hîc congero: Hî sunt *Sanch. Cons.* l. 5 c. 1 ex dub.  
 1 pag. 90. *Laym.* l. 4 tract. 8 c. 2 pag. 144. *Less.* l. 4  
 c. 2 pag. 590. *Azorius tom.* 1 l. 7 c. 17 ex pag. 380.  
*Petrocorens.* tom. 2 ex pag. 191 c. 3. *Escob.* tom. 12  
 l. 94. *Palau tract.* 30 D. 3 p. 2 §. 5 pag. 22. *Bon.*  
*tom.* 2 de Præc. Eccl. D. ult. q. 1 p. ult. pag. 413. P.

*Concina tom. 5 de Præc. Eccl. Dissertat. 2 ex pag. 308. Sporer Append. ad 3 Pr. Sect. 4 §. 1 pag. 286. Roncaglia tr. 9. de Jejun. c. 2 pag. 266. Salm. de Pr. tr. 23 c. 2 p. 7 pag. 362. Wigand tr. 5 E. 4 pag. 137. Holzm. t. 1 p. 3. de Pr. Eccl. tr. 1 c. 3 pag. 335. Abelly tr. 2 c. 5 pag. 414. Viva de 3 Pr. q. 10 art. 5 ex pag. 115. Anaclet. Dec. l. 4 c. 5 §. 7 pag. 392. Croix l. 2 p. 3 ex n. 138. Tamb. l. 4 c. 5 §. 7 pag. 140. Elbel tom. 2 Conf. 18 pag. 183. Mazotta tom. 1 de 3 Præc. D. 1 q. 4 § 4 p. 428. Felix Potestas de Pr. Eccl. ex pag. 308. Renzius tom. 2 de Pr. Eccl. ex p. 592. etc. ut infra.*

I. Causa est *Dispensato*; circa quam quæritur, quisnam possit in jejunio dispensare? Resp. 1 Papa habet potestatem dispensandi à jejniis per universam Ecclesiam, et quidem validè etià sinè justa causa, quàmvis non licitè. Quomodò autem peccat dispensando sinè causa? Plures censent, eum peccare graviter, ut *P. Conc. pag. 330. n. 2 et Sotus, Covarr. Cordub. Tap. etc. ap. Salm. de Leg. c. 5 n. 61.* qui id putant probabile, quia hoc esset contrà bonum commune, ad quod leges ordinantur. Sed satis probabiliter dicunt, eum peccare tantùm venialiter *Sanch. de Matr. l. 8 D. 18 n. 7. Laym. l. 1 tr. 4 c. 22 n. 13 et Salm. l. c. n. 66 cum Basil. Pal. Salas, Vill. etc.* modò tamen scandalum, vel aliud damnum absit. Ratio, quia hoc, quod non omnes conformentur in observantia legum humanarum, non videtur tam gravis deordinatio, ut damnetur de mortali.

2. Episcopi possunt etià dispensare cum subditis suis pro casibus occurrentibus, sed non nisi ex justa causa; aliàs dispensatio erit nulla. Si verò causa non videatur omninò sufficiens ad dispensandum, vel dubitetur, an sufficiat, poterit Episcopus partim dispensare, et partim commutare jejunium in aliud pium opus, ut ajunt *Roncaglia c. 2 Reg. in praxi 4. et Viva n. 4 cum Tamb.* Potest etià Episcopus ob aliquam specialem causam dispensare pro una vice in lege universalis jejunii, aut commutare, cum ejus Officium sit salutis suarum ovium invigilare, et scandala

infirmorum tollere, puta si periculum sit alicubi jejunium non observari, ita *Laym. cap. 3 n. 5 Azor. c. 18 q. 5. et Salm. de 3 Pr. c. 2 n. 160. cum Caj. Armill. Tab. Trull. Sed. Summ. Pontif. Benedict. XIV. in Bulla Prodiit jam dudum. §. 10. (vide Bullar. Tom. 3.)* dixit, sententiam oppositam, nimirum non posse Episcopos pro universo grege dispensare in lege jejuni, eae non modò communiore, cum *Baynaud. Merat. Diana, Monacell. Leand. et Ferrar.* sed etià magis rationi consentaneam. Et sic ait se respondisse quibusdam Episcopis rogantibus, an possent vigiliam S. Matthiæ occurrentis ultimo die bacchanaliorum ad præcedens sabbatum transferre. Hinc ipse Benedictus licentiam eis impertivit, ut pro illo anno prædictam vigiliam anticiparent. Vicarii autem Episcoporum non possunt dispensare, nisi ex speciali facultate ipsis concessa, ut ait *Viva art. 5 n. 5.* Neque possunt dispensare Abbatissæ, aliæque superiores Monialium, cum ipsæ nullam habeant jurisdictionem spiritualem; possunt tamen in aliquo casu declarare, Moniales subditas ad jejunium non tenêri. Ità *Concina tom. 5 p. 331.* cum aliis passim. Vide dicenda *l. 4 n. 53 et 61.*

3. Parochi, licet dubitetur inter DD. an ex vi juris communis possint dispensare in jejniis, jure tamen consuetudinis certè id possunt ex justa causa cum suis subditis particularibus, non verò pro tota Parochia. Ità ex communi sententia, quam tenent *Laym. c. 3 n. 8. Less. n. 45. P. Concina p. 331 n. 4 Elbel n. 504. Sanch. de Matr. l. 8 D. 9 n. 27. Holzm. pag. 436 n. 19* (quàmvis hic permittat tantum ad unum vel alterum diem, sed alii absolutè loquuntur) item *Salm. c. 2 n. 155. cum Cajet. Suar. Sylvest. etc.* Ratio, quia hoc expedit ad suavè regimen Ecclesiæ; nimis enim grave foret ex locis remotis adire Episcopos ad obtinendam dispensationem, cujus necessitas occurrit in diem. Vide *lib. 2 n. 109 et l. 3 n. 288.* Imò valdè probabiliter potest Parochus in iis dispensare, etià præsentè Episcopo; quàmvis enim Parochi de jure hanc jurisdictionem non habeant; habent tamen, ut dictum

est, ex consuetudine, quæ satis potest jurisdictionem tribuere, ex *c. Contingat de Foro compet. ita Sanch. Concina et Salm. loc. cit. cum Lop. Azor. et aliis supra relatis. Id possunt etiã Vicarii Parochorum, qui exercent actus parochiales jurisdictionem exigentes, nisi Parochi expressè repugnent, ut Salm. cum Sanchi Palao. Pasqualig etc.*

4. Possunt etiã dispensare cum suis subditis, et adhuc cum semetipsis, omnes Prælati Religiosorum, etiã inferiores, atque Vicarii Superiorum localium: Itã *Concina p. 331 n. 5 et Elbel n. 503. cum aliis communiter. Ratio, quia Regulares Superiores veram habent jurisdictionem spiritualem in subditos suos, ut eis provideant in illis quæ ad ipsorum bonum regimen pertinent.*

Hic autem maximè advertenda est de omnibus hujusmodi facultatem dispensandi habentibus doctrina communis, quam tradit *D. Thomas 2. 2 quæst. 147 art. 4 nimirum: Si causa sit evidens, per seipsum licet potest homo statuti observantiam præterire, præsertim consuetudine interveniente, vel si non posset de facili recursus ad Superiorem haberi. Si verò causa sit dubia, debet aliquis ad Superiorem recurrere, qui habet potestatem in talibus dispensandi.*

- 1033 II. Causa est *Impotentia*, sive *Physica*, sive *Moralis*. Ex *impotentia Physica* excusantur 1. Infirmi, dum timetur, ne jejunium eis notabile damnum afferat; Hinc dicunt *Elbel n. 527 et Viva art. 5 n. 2. quod, si quis sibi persuadeat ex experientia, vel ex probabili ratione, jejunium sibi graviter nociturum, non teneatur jejunare. Et ideo etiã excusantur, qui laborant feбри tertianâ, vel quartanâ, vel qui ab ea immèdiatè convaluerunt, Holzm. n. 14. Item debiles qui una vice alimentum sufficiens non possunt sumere, ut Sanch. dub. 14 n. 11. cum Sylvest. et Anglès, ac Holzm. n. 14 cum Laym. Item prægnantes, et lactantes, quibus aliquandò permittunt etiã carnes, si puer sit infirmus, aut ei imminet periculum infirmitatis, vel si mater sit debilis, ut Ronc. c. 2 n. 1. et*

*Holzm. n. 18.* Imò prægnantes peccarent, si pluries jejunarent; Secus si unum vel alterum jejunium aliqua mulier robusta ferre vellet, ut *Petrocorens. tom. 2 p. 108 cum Nav.*

2. Excusantur pauperes, qui non habent prandium perfectum pro unica congrua refectione. Ità communiter *Lessius c. 2 n. 40. Sanch. dub. 14 n. 1. Elbel. n. 507. Spor. n. 55. Holzm. n. 13 et alii ex D. Th. 2. 2 q. 147 art. 4 ad 4 ubi ait: Excusari videntur illi, qui frustratim eleëmodynas mendicant, qui non possunt simul habere quod eis ad victum sufficiat.* Hinc valdè probabiliter dicunt *Sanch. dub. 14 n. 3. cum Angles, Salm. n. 133. et Ronc. q. 4 R 1.* (contrà *Mazzotta*) quod, si quis non haberet nisi panem et legumina, aut herbas, non teneretur ad unicam refectionem: Licet enim esset is hujusmodi obsoniis assuetus, tamen ideò se sufficienter sustentat, quia pluries in die, et pluries in magna quantitate se reficere solet iis cibis, qui sunt modicæ nutritionis.

Impotentia autem *Moralis* etiàm excusat à jejunio: 1034 et hæc est, quandò jejunium non sinè gravi incommodo, sivè sinè magna difficultate extrinseca, quæ magno incommodo æquiparatur, sustineri potest, ut dicunt *Abelly pag. 412. n. 2. Viva n. 3. Tamb. n. 14. et Croix n. 1324 cum Bon. etc.* Hinc 1. non tenentur jejunare ii, quibus jejunium affert gravem capitis dolorem, ut dicunt *Holzm. n. 14. Elbel n. 507. et Sanch. dub. 14 n. 10. cum Abul. Navar. et Gabr. 2.* Excusantur ii, qui jejunando non possunt noctu calefieri, vel per notabile tempus somnum capere, ut communiter docent DD. ut *Sanch. dub. 14 n. 10. et Salm. c. 2 n. 125. Pal. n. 9. Spor. n. 53. Holzm. n. 14. Less. n. 40. Laym. n. 3 etc.* An autem isti teneantur eo casu manè sumere collatiunculam, ut serò possint comedere, et sic servare jejunium? affirmant *Ronc. c. 1. Reg. prax. 4. Conc. pag. 310 n. 41. Salm. c. 2 n. 83. et Croix n. 1325. cum Sanch. dub. 27 n. 4.* Ratio, quia ille, qui tenetur ad finem, tenetur etiàm ad media non difficilia. Sed valdè probabiliter id negant *Elbel*

n. 507. *Tamb.* §. 7 n. 14. *Fill. tom. 2 tr. 27 c. 6 n. 130.* *Viva c. 5 n. 3. cum Fagund. Diana p. 1 tr. 9 R. 51.* item *Lop. Sanctius, et Soth. ap. Croix loc. cit.* Ratio, ut alii dicunt, quia nemo tenetur ordinem pervertere, sed potest communi aliorum consuetudini se uniformare. At hæc ratio debilis est, nam refectionem ad vesperam transferre, reverà non est ordinem pervertere, sed illum perfectius servare, cum hæc erat antiqua disciplina. Ratio potior est, quia dilatio comestionis usque ad vesperam reverà medium est non solum extraordinarium, sed grave afferens incommodum, cum in eo non leve perfectatur incommodum, quâ ratione derogatum est antiquæ disciplinæ, quæ olim tam rigorosè fuit observata.

3. Excusantur milites, sive sint in castris, sive in hospitij, ut dicunt communiter *Concina pag. 323 n. 2. Roncag. c. 2 Reg. prax. 2. et Salm. cap. 2 n. 141. cum Leand. Pasqualig. et aliis.* Ratio, tum quia ipsi magnos labores perferunt, tum quia statis horis non possunt comedere, nec congruum habent cibum pro jejuniis.

4 Excusantur uxores, quæ aliàs jejunando magnam paterentur indignationem à viris, ut *Less. n. 44. Azor. c. 189. 7 Viva art. 6 n. 6. Sanch. de Mat. l. 9 D. 3 n. 13 et 26. Salm. c. 2 n. 127. Holzmann. n. 16. et Sporer n. 65. cum Cajet. Sylvest. Nav. Laym. etc.* Modò jejunium à viro non prohibeatur in contemptum Religionis, vel præcepti Ecclesiæ. Pariter *Sanch. l. c. de Matr. n. 12. Viva art. 6 n. 3. et Tamb. n. 45.* excusant à jejunio puellam petentem nuptias, si timeat, ne jejunando notabiliter deformetur. Sed rectè ait *Croix n. 1326.* hoc practicè vix esse probabile, cum vix accidat ex jejunij ordinariis Ecclesiæ hanc notabilem deformitatem causari. Benè autem excusantur viri, si jejunando non possint uxoribus debitum reddere, quia præceptum justitiæ debet prævalere præcepto humano jejunii. ita *Sanch. l. cit. n. 10. cum Cajet. Arm. Nav. Sa, Val. etc. Laym. n. 4. Holzmann. n. 16. Tamb. n. 37. et Salm. c. 2 n. 127. cum Less. etc.* Idem sentit *Conc.*

pag. 317 n. 14. censet; tenêri virum prius precibus hortari conjugem, ut à petendo desistat: Si tamen hoc omitteret, non putarem eum peccare, saltè mortaliter. Si autem vir servans Ecclesiæ jejunia, et alia moderata ex devotione; redderetur minùs potens ad debitum reddendum; non teneretur ab eis abstinere; quia non tenetur cum spiritali jactura illa omittere, ut potentior se reddat, uti dicunt *Sanch. n. 5. cum Gabr. Soto, Sylvest. Angles etc. ac Croix n. 1338. cum Cornejo, et Steph.* Non autem excusantur conjuges à jejuniis, si cum illo debitum petere non possint, ut *Croix loc. cit. et Tamb. n. 40*, qui tamen *n. 41*. probabiliter excusat conjugem advertentem in altero, nisi petat, periculum incontinentiæ, vel gravem suspicionem concipientem. quod ipse adulteratus fuerit, vel alium diligit.

5. Excusantur universè Adolescentes usquè ad annum 21. completum, ut docet *D. Thom. 2. 2 q. 147 art. 4.* cum aliis communiter: Hi enim indigent majori et crebriori cibo, tam ad augmentum naturæ, quam ad vires solidandas. Sentit autem *Durandus in 4. Dist. 15. quest. 10. art. 4.* quod, si aliquis adolescens esset robustus, et in ipso natura jam attigerit terminum augmenti, is teneretur ad jejunia; sed hæc opinio est contrà communem, et contrà *D. Thomam l. cit.* qui prorsus deobligat juvenes antè finem tertii septennii, et tantum subdit; *Conveniens tamen est, ut etiam in hoc tempore ad jejunandum se exerceant.* An verò aliquis adolescens complens 21. annum, v. g. horà tertià, vel nonà, teneatur eo die jejunare? Negant *Escob. pag. 108 n. 364. Sporer pag. 286 n. 41. et Trull. Diana, etc. ap. Salm. cap. 2 n. 120.* quia, ut hi dicunt, præceptum jejunii respicit totum diem integrum, tamquam unicum objectum præcepti. Sed probabilius affirmant. *P. Concina p. 289 n. 3. Sanch. de Matr. lib. 2 D. 24 n. 23. et Salm. l. cit. cum Bon. etc.* Ratio, quia præceptum obligat statim ac tempus obligationis advenerit; prout qui perveniens ad locum, ubi tenetur ad jejunium, obligatur jejunare, statim ac eò pervenerit.



1036 6. Excusantur Senes; Sed de his dubitatur 1. an sexagenarii indistinctè sint ab obligatione jejunii immunes? Communiter DD. docent, sexagenarios excusari in dubio de validitate virium, nisi oppositum constet, ita *Bonac. p. ult. n. 4. Less. n. 41. Laym. n. 2. Sanch. dub. 4. n. 7. Abelly n. 2. Sporer n. 50. cum Nav. Tol. etc.* Ratio, quia in istis præsumptio in dubio stat pro imbecillitate virium, ut à jejunio excusari censeantur. Sed dubium fit, an teneatur jejunare, si quis certè robustus inveniatur? *Prima* sententia affirmat, eamque tenent *Fill. tract. 27. cap. 6 q. 4 n. 112. Elbel. n. 458. Bon. p. ult. n. 4. cum Valent. Abul. Rodr. Reg. Laym. n. 2. cum Nav. Cajet. Tol. Sa, etc.* Ratio, quia illi, qui in ea ætate vires validas habent, non reputantur ut senes. Hæc quidem est probabilis, sed non minùs probabilis est sententia opposita, quam tenent *Sanch. de Matrim. lib. 7 D. 22 n. 17. Escob. pag. 108 n. 367. Holzmann n. 17. Rontaglia quæst. 4 R. 1. qui eam tutam vocat. Viva artic. 6 n. 8. cum Trullench. Molf. etc. Salm. cap. 2 n. 130. cum Villad Leand. etc.* et probabilem putant *Azor. cap. 17 q. 4. Pulaus §. 5 n. 6. cum Sa, et Angles, Elbel pag. 166 n. 458. ac Mazzot. to. 1 pag. 428.* Ratio, tum, quia sic fert universalis consuetudo, ut testantur communius DD. apud *Rontaglia*, tum, quia aliàs esset res multis scrupulis obnoxia, examinare, an aliquis sexagenarius sit vel ne sufficienter robustus ad jejunium sustinendum. Sed ratio potior est, quia hujusmodi senes, tam ob virium imbecillitatem, quam ob defectum caloris, nequeunt simul alimentum sufficiens sumere, egentque cibo frequentiori; et licet nonnulli in tali ætate robusti videantur, eorum tamen robur est de facili illusivum et inconstans, cum negari non possit, in hujusmodi ænibus vires deficere et prolabi in interitum, ita ut, si in morbum incidant, difficulter perfectè convalescant, undè *Galenus l. 5 de Sanit. tuenda* sic dixit: *Senibus simili ratione iis, qui ex morbo convalescunt, in victu esse curandum.* Hinc commune adagium prodiit: *Senectus ipsa morbus est.*

Nec obstat dicere cum *Elbel*, quod senes antè sexagesimum annum certè teneantur ad jejunium: undè, cum dubium accedat, an deindè ob ætatem excusentur, prævalet præceptum. Nam respondetur I. quod, cum dubitatur, an lex comprehendat aliquem casum, aut subjectum, non obliget; quia tunc prorsus perinde est, ac si dubitetur, an existat lex vel non pro illo casu, aut subjecto; et ideo prævalet libertas, ut docent *Sanch. Dec. l. 1 c. 10 n. 33. Palæus t. 1 tr. 1 D. 3 p. 7 n. 2 cum Salas, Salm. de Leg. c. 2 n. 110 et Tamb. Dec. l. 1 c. 3 §. 7 verb. Leges, n. 1*. An verò sexagenarii comprehendantur à lege, vel non, est quidem dubium; imò valdè probabiliter negatur, ut ostendimus; undè hoc casu, non lex, sed libertas prævalet. Respondetur 2. quod, etiãsi eo casu possessio staret pro lege, sexagenarii nec etiã tenerentur ad jejunium; quia, cum senes ad eam ætatem peryeniunt, duabus ipsi obligationibus obstringuntur, unà servandi præceptum Ecclesiæ, alterà tuendi valetudinem; undè sicut in dubio prudens timor gravis incommodi excusat à recitatione Officii, ut communiter dicunt *Holzmann. t. 1 pag. 451 n. 486. Viva de 1. Præc. q. 3 art. 6 n. 3. Salm. de Hor. Canon. c. 3 n. 36, cum Sanch. Pelliz. Trull. et aliis*, ac ipse *Elbel t. 2 p. 556 n. 443* ità excusat etiã sexagenarios à præcepto jejunii; præceptum enim naturale servandi sanitatem præponderat præcepto ecclesiastico jejunii, cum in talibus senibus adhuc robustis, ut ait *Palæus n. 8* semper adsit periculum moraliter certum gravis nocimenti, aut diminutionis virium, quæ semel amissæ, numquàm recouperantur.

An autem annus sexagesimus debeat esse completus, ad excusandum? Affirmant *Sporer et Elbel ll. cc.* Sed alii dicunt sufficere, ut sit inchoatus, *Viva art. 6 n. 8. Mazz. t. 1 pag. 428. Diana p. 6 tr. 14 R. 83 cum Naldo*; et probabile putat *Pal. § 5 n. 6 cum Sa. Angles, et Llamas*. Ratio, quia communiter dicitur sexagenarius, qui annum sexagesimum inchoavit.

Dubitatur 2. An excusentur à jejunio foeminae quinquagenariae? Prima sententia affirmat, quam tenent

*Escobar* p. 109 n. 372. *Renzius* p. 593 quæst. 4 et *Narbena*, *Machad. ac Pelliz. ap. Diana* p. 9 tr. 7 R. 73 et hauc approbat etiã *Sanchez*, qui, licet in *Tract. de Matr.* in dubium eam revocaverit, in *Opusculo tamen Consiliorum dub. 4 n. 5 cum Cajet. et aliis* eam absolute docet, et probabilem putant *Viva art. 6 n. 8 et Mazzot. tom. 1 p. 428.* Ratio istorum, quia in sceminis antecedit senectus, ita ut quinquagenariæ nequeant amplius generare. *Secunda* verò sententia, quam tenent *Laym. c. 3. Sakn c. 2 n. 131. Tamb. §. 7 n. 5. Croix num. 1318. Holzmann. p. 336 n. 17. Elbel p. 187 n. 507. Anacl. p. 393 n. 64.* negat quinquagenarias excusari, nisi adsit specialis circumstantia infirmitatis, vel debilitatis; quia experientiã constat, quod sceminæ sine detrimento valetudinis facilius jejunent; cum ipsæ minori indigeant cibo. Primam sententiam non audeo improbare, sed nequẽ audeo probabilem dicere, dum video illam à *Laym. Tamb. Elbel, et la-Croix* cum aliis omninò rejici, et *Dianam* dubitare de sua probabilitate.

1038 Dubitatur 3. An, qui voverit jejunare, puta semel in hebdomada, *toto vitæ suæ tempore*, teneatur ad jejunium in ætate sexagenaria? *Prima* sententia, quam tenent *Sanchez. Dec. l. 4 c. 11 n. 54. Bon. p. ult. n. 4. Renzius tom. 2 pag. 594 q. 6. Palaus §. 5. n. 8. Escob. l. 94 n. 379 et Tamb. §. 7 n. 9. cum Fag. ac Diana*, negat, nisi quis expressè voluerit se obligare ad jejunandum post sexagesimum annum. Ratio istorum, quia votum, cum sit lex particularis, non obligat nisi ad instar legis Ecclesiasticæ. *Secunda* tamen verior sententia, quam tenent *Laym. n. 3. Spor n. 51. Anacl. n. 78. Holz. n. 26. Elbel. n. 528. et Ronc. cap. 2 q. 4 R. 1.* affirmat, cum tenèri, nisi adveniat specialis ratio debilitatis. Ratio, quia votum, quàmvis obliget ad instar præcepti Ecclesiastici quoad modum, non tamen quoad personas; undè sicut adolescens antè 21. annum potest se obligare ad jejunandum, ita et senes post annum sexagesimum; et satis præsumitur ad id voluisse se obstringere, qui vovit jejunium usquẽ ad mortem sive *toto vitæ suæ*

tempore. secus autem dicendum cum *Anaclet. et Ethel.*, si quis voveat sine tali expressione, et non advertat ad ætatem sexagenariam; tunc enim non tenetur, quia eo casu vel censetur se obligasse adinstar præcepti ecclesiastici, juxta primam sententiam: vel quia tunc supervenit notabilis mutatio, ad quam, si advertisset, non intendisset se obligare, juxta dicta n. 226.

Dubit. 4. An Religiosi sexagenarii excusentur à jeju-<sup>1039</sup> niis Regulæ? Affirmant *Sporer p. 287 n. 51. Holzm. p. 340 n. 26. Tamb. de Jure Abb. D. 12 q. 5 n. 7.* item *Hodr. Pasqualig. et Sanctius ap. Salm. c. 2 n. 132.* Quia pariter dicunt præceptum Regulæ obligare adinstar præcepti ecclesiastici. Sed negant *Azor. qu. 3. Ethel pag. 167 n. 480. Roncaglia q. 4 R. 1. et Salm. c. 2 n. 132. cum Bordon. etc.* Ergò distinguendum puto, et dico, eos non excusari, si in Regula, quam Religiosi profitentur, expressè promittatur observantia *usque ad mortem*. Secus, si promissio fit sine illa clausula *usque ad mortem*, juxta, id quod diximus in præcedenti dubio. Et hujus sententiæ videntur quidem esse *Salmanticenses*, cum asserant, in sua Regula (secundum quam loquuntur) observantiam *usque ad mortem* promitti.

Dubitatur 5. An jejunium subrogatum voto Castita-<sup>1040</sup> tis obliget voventem post 60. annum? Negat *Tamb. §. 7. ex n. 10. cum aliis*, quia in illa ætate, ut ait, ipsa senectus, utpotè magnis infirmitatibus obnoxia, æquivalens est morbo à jejunio excusanti. Affirmat verò *La-Croix n. 1320.* dicens, quod, sicut senes tenerentur in ea ætate ad Castitatem; sic teneantur ad jejunium illius vice impositum. Sed hæc ratio non convincit, nam nimis probat: probaret enim, quod, si vovens gravi laboraret morbo, adhuc teneretur ad jejunium. Quapropter, cum senectus morbo æquiparetur, ejusdemque ærumnis subjiçatur, non omnino improbabilis videtur prima sententia; Sed cum res sit valde dubia, putarem hunc tenèri ad impetrandam dispensationem, pro qua ætas illa est quidem sufficiens causa.

III. Causa est Labor. Ante omnia hæc est advertenda <sup>1041</sup>

Propos. 30. damnata ab Alex VII. quæ dicebat : *Omnes Officiales , qui in Republica corporaliter laborant , sunt excusati ab obligatione jejunii ; nec debent se certificare , an labor sit compatibilis cum jejuniis*. Merito Pontifex præfatam Propositionem damnavit , quia secundum eam omnes laborantes , sive ob officium , sive ob recreationem , sive labor esset compatibilis , sive non cum jejuniis , essent excusati , quod falsum est. Ideo igitur fuit illa proscripta , quia nimis generaliter loquebatur. Cæterum omnes artes , quæ exerceri non possunt nisi cum ingenti corporis agitatione , à jejuniis excusant , eò quod in eis multi spiritus consumuntur. Hujusmodi artes laboriosas exercere , et à jejuniis excusari , ex communis sententia dicuntur Fossores , Agricola , Lapidicina , Figuli , Textores , Lanarii , Fullones , Bajuli , Aurigæ , Nautæ remigantes , Fabri lignarii , ferrarii et murarii ; ita communiter *Salm. c. 2 n. 136. Concina pag. 320 n. 2. Elbel n. 508. et alii*. Iis merito adduntur Cursores cum *Sanchez dub. 10 n. 6. Wigan. n. 92. Ronc. c. 2. Reg. in prax. 2. Spor. n. 58*. Sutores , qui calceos conficiunt , non verò qui coria scindunt , *Sanch. d. dub. 10 n. 7. Salm. n. 136. Elbel n. 508. Az. q. 8. Pal. n. 10. Wigandt n. 92. et Sporer n. 58*. Item Furnarii , *Salm n. 136. Holzm. n. 15. Palaus n. 8. Pictores , Azor. q. 8. Elbel n. 508. Pal. n. 8. Holzmann n. 15*. Coqui , plures dapes et multis personis præparantes , si ferè per diem laborent , ut *Salm. ll. cc. Roncaglia Reg. 1. in prax. et Tamb n. 27*. Secus , si pauca fercula parent , vel tantum præsideant inferioribus ministris. Typographi prælum versantes , non verò typos componentes , *Concina pag. 322. n. 7. Salm. n. 136. Holzm. n. 5. Elbel n. 508*. Famuli , qui vehementer tota die incumbunt majoribus laboribus , ut *Laym. p. 3. et Sporer n. 58*. non verò Ancillæ lauant aut linum nentes , aut similia levia servitia domus exhibentes , ut *Tamb. §. 7 n. 25*. Secantes lapides , percurstantes urbem ad vendendas merces , *Croix n. 1330*. ornantes Tempia scalas circumferendo , *Tamb. §. 7 n. 30* , qui autem benè advertit , omnes hos laborantes

non excusari à jejunio, si laborent saltem per majorem diei partem, non verò si per duas vel tres horas.

Barbitonsores communiter non excusantur, ut docent *Less. c. 2 n. 43. Laym. c. 3 n. 3 et Salm. cap. 2 n. 39 etc. cum communi*. Excipe, nisi aliquis artem suam sine refectione exercere non valeret propter laboris molestiam, vel propter complexionis debilitatem, ut dicunt *Palau. p. 2 § 5 n. 10. Sanch. c. 1 dub. 7 n. 8. Mazzotta tom. 1 p. 429. Concina p. 321 n. 6 et Led. Fag. ac Leand. ap. Salm. l. c. ex Less. d. n. 43*. Item *Palau. n. 10 et Led. Angles ap. Sanch. dub. 6 n. 7* excusant etiam Saxtores; sed hoc non admittendum, nisi ipsi peculiari debilitate laborent, ut ait *Concina p. 371 n. 6* vel nisi aliquandò deberent extraordinario labore etiam per magnam noctis partem snere, ut evenire posset, si aliqua festivitas immineret, et non possent necessarias vestes conficere, ut dicunt *Ronc. Reg. in prax. 2 et Salm. n. 139*. Pictores, et Scribæ, sive Notarii non excusantur, ut verius docent *Salm. n. 140. Tamb. n. 25. Viva art. 6 n. 4 et Elbel n. 508 cum communi*, ut asserit (contra *Henr. Machad. Leand. et Pasq. ap. Salm. ibid.*) nisi labor sit talis, ut non posset exerceri cum jejunio, sine magna difficultate. Nequè Horologiarii, ut ait idem *Elbel*; Sed excipe eos, qui magna horologia conficiunt, ad quæ construenda magnis viribus opus est.

Alii absolute excusant Motitores, Argentarios, et Sculptores; At *Concina p. 326 n. 6* hos non excusat, nisi ob debilitatem personæ. Sed melius puto dicendum, in his attendi debere qualitatem laboris, an sit gravis, et cum jejunio incompatibilis: Regula enim communiter recepta est cum *Lessio n. 43* quòd, qui sine magno incommodo nequit aliquam artem, etsi per se non laboriosam, exercere, vel propter debilitatem personæ, vel propter aliam peculiarem circumstantiam, is non teneatur ad jejunium.

Hic quæritur 1. An Artifices divites, qui ex officio 104 exercent artes laboriosas, peccent, si die jejunii laborem assumant; *Prima sententia* probabilis affir-

mat., quam tenent S. Antonin. 2 p. tit. 6 cap. 11 § 8. Concina p. 319 n. 1 cum Fabr. Durando, et Armill. Et hanc clarè tenent etiam S. Thomas 2. 2. q. 147 art. 4 ad 3 ubi sic ait: *Si.... operis labor commodè differri possit, aut diminui absque detrimento corporalis salutis, et ex-  
tioriis status, qui requiritur ad conservationem corpore-  
lis, vel spiritualis vitæ; non sunt propter hanc Ecclesie  
jejuniæ prætermittendo.* Verùm secunda communis sen-  
tentia, quam tenent Sylvest. 4. Jejunium n. 4. Nov. t.  
21 n. 16. Salm. n. 134 Viva in prop. 39. Alex. VII Less.  
n. 42. Ronc. c. 2. Reg. in præc. 2. Elbel n. 518. Sanch.  
dub. 7 n. 4 cum Tol. Led. Met. et alii innumeri; dicit  
hos non peccare, quàmvis non indigeant pro sui vel  
eorum sustentatione. Probat 1. ex Decreto; sive  
Oraçulo vivæ vocis prolato ab Eugenio IV: anni 1440.  
ut testantur omnes AA. citati, utque habetur in *Com-  
pend. Privilegiarum. Fratr. Minor. verb. Jejunium n. 2.*  
In illo enim sic fertur Pontifex declarasse: *Artifices  
laboriosus artes exercentes, et rustici, sive divites sint,  
sive pauperes, non tenentur jejunare sub præcepto pec-  
cati mortalis. Et quod absolvi possunt, et induci ad eleē-  
mosynas, et alia bona opera faciendâ.* Alicui hujus-  
modi Declaratio visa est apocrypha, dicenti 1. Inepta  
videri verba illa, *sub præcepto peccati mortalis*; ergo  
declarat Pontifex teneri sub veniali? et cur? Sed res-  
pondetur, quia facile hujusmodi divites possunt ve-  
nialiter peccare, assumendo laborem propter cupidi-  
tatem lucri, juxta dicta n. 885. Et ob hanc causam  
rationabiliter monet Pontifex eos inducendos esse ad  
alia bona opera faciendâ. 2. Inepta etiã videri alia  
verba illa, *et quod absolvi possunt*: Si non peccant, à  
qua culpa absolvi debent? Sed hoc clarè intelligitur;  
eò quod fortè ii, tamquàm indispositi, à Confessoribus  
dimittebantur, propterea Eugenius declaravit bene eos  
absolvi posse, non quidem à transgressione jejunii, sed  
ab aliis peccatis confessis. Cæterum, usquedum mihi  
non constabit falsitas hujus declarationis, numquàm  
audebo eam apocrypham dicere, postquàm tot classici  
Authores communiter pro vera illam habeant, et super

ex sua sententia fundent. Ratio autem hujus sententia mihi videtur esse, quia valde interest Reipublicæ, ne causâ jejunii Operarii intermittant exercere artes, quibus ex suo officio incumbunt; si enim diebus jejunii tantum pauperes laborare possent sine jejunii obligatione, plures, quibus non est opus actualiter laborare ad se sustentandum, laborem intermitterent, quod certe verteret in notabile Reipublicæ detrimentum.

Quæritur 2. An Artifices, qui laborando sine gravi incommodo jejunare valent, teneantur ad jejunium. *Prima sententia* negat, quam tenet *Tamb.* §. 7 n. 18 et *Leond. et Pasqual. ap. Concina* p. 320 n. 3. Ratio, tum quia consuetudo communiter à jejunio eximit omnes, qui laboriosas artes exercent; leges autem non respiciunt, quod raro, et per accidens evenit; sed quod communiter, et per se contingit; tum quia ab Eugenio IV. in præfata Declaratione omnes hi fuerunt dispensati. *Secunda* verò sententia, quam tenent *Bonacin. p. ult. n. 8. Concina. l. c. Viva in prop.* 30 *damn. ab Alex. VII. Regin. l. 4 c. 16 n. 216* assermat, eos teneri, modò tamen sit manifestum, quod ipsi jejunando grave non subeant incommodum; cum ex una parte lex universè obliget omnes, qui valent cum levi incommodo jejunare: et ex altera satis non constet, Eugenium voluisse cum eis dispensare. Secus verò dicendum, si dubium sit, an jejunando grave perfe-rant incommodum; quia ex communiter contingentibus in dubio præsumitur jejunium non esse compatibile cum artibus laboriosis. Hæc secunda sententia, speculativè loquendo, videtur probabilior; sed in praxi vix reperietur unus, qui ex hujusmodi labore non graviter relaxetur.

Quæritur 3. An excusentur à jejunio exercentes artes laboriosas his diebus, quibus vacant à labore? *Commune est inter DD.* quod ii, qui uno vel altero die non laborant, non teneantur jejunare. Ità *Sanch. dub.* 7 n. 10. *Bon. p. ult. n. 8. Azor. c. 17 q. 8. Ronc. c. 2 Reg. in prax. 2. Elb. p. 189 n. 518. Tam. §. 7 n. 24. Croix. 1335*



*cum Mendo, et Diana.* Ratio, quia, primo die excusantur, ad reficiendam lassitudinem propter laborem assumptum die præcedenti: altero, ad servandas vires propter labores in subsequenti die assumendos. Sed quid, si illis duobus diebus posset aliquis sine gravi incommodo jejunare? *Bonac. l. c. Led. et Mod. apud Viva in d. prop. 30 Alex VII n. 9* affirmant, eos teneri, nisi experti jam fuerint ex præcedenti labore se laxatos manere, vel minus aptos reddi ad laborem pro die sequenti. E contra *Elbel p. 189 n. 518. Sanch. dub. 7 n. 10 cum Victoria, etc. Diana p. 1 tr. 9 R. 9 cum Fag. et Hurtado* absolute eos excusant, quia ipse labor lassitudinem refert. At ego sentio cum *Viva l. c.* pariter distinguendum, ut in præcedenti questione, nempe, quod si manifestè ipsi grave incommodum ex jejunio non sustinerent, tenerentur jejunare; Secus si non manifestè; in dubio enim excusantur, quia ex communiter contingentibus præsumptio stat pro necessitate alimenti, ut vel reficiantur à labore exercito, vel idonei reddantur ad laborem exercendum.

1045 Quæritur 4. An, qui laborem assumit, ut eximatur à jejunio, excusetur à culpa? Non videtur dubitandum, quin hic, postquam graviter est defatigatus, etià malo fine, et etià si præviderit defatigationem illam fore impossibilem cum jejunio, ad illud non teneatur, ut communissimè docent *Laym. l. 4. tr. 8 c. 3 n. 5. P. Concina tom. 5 pag. 308 n. 2. Sporer n. 61. cum Mod. ac Diana, et Sylvest. Palud. Sanch. Pal. Fill. et Pasqud.* (qui asserit communem esse sententiam) *apud Croix l. 3 p. 2 n. 1334.* Ratio, quia jam ille est factus moraliter impotens ad jejunandum. An autem iate, apponendo impedimentum, peccet contra jejunii præceptum? Negat *Salm. de Leg. c. 2 n. 164. cum Pasq. Sanctio, et Recaful. ap. Croix l. c.* Ratio, ut dicunt, quia tunc ille utitur jure suo, quo potest se extrahere ab obligatione legis, sicut se eximit ab obligatione jejunii, qui egreditur è sua Patria, ubi adest obligatio jejunandi, ut alium locum adeat, in quo tale præceptum non adest. Sed omninò affirmandum

cum sententia communi, quam tenent *Sanch. Cons. l. 5. cap. 1. dub. 7 n. 13. Azor. tom. 1 l. 7 c. 17 n. 9. P. Concina tom. 5 p. 140 n. 2. Mazzotta tom. 1 p. 126. et Diana p. 3 tr. 14 R. 11.* qui ait ab hac sententia non recedendum, quidquid prius alibi dixerit: item *Viva q. 10. art. 6 n. 7. et Croix l. c.* qui dicunt, contrariam sententiam communiter rejici. Ratio, quia, licet is non peccet contra præceptum jejunii, omittendo jejunium post defatigationem, peccat tamen, quia operatur in fraudem præcepti; omnis enim lex obligat, ne quid fiat datâ operâ, ut lex eludatur, ex *D. Thom. vide num. seq.*

Quæritur 5. An peccent contra legem jejunii, qui <sup>1046</sup> sine justa causa laborem assumunt, quâvis non in fraudem præcepti? *Negant Roncaglia tr. 9 c. 2. Reg. 1. Bonac. Led. Med. Leand. Pasqual. et alii ap. Croix l. 3 p. 2 n. 1334.* Sed oppositum pariter omnino tenendum, ut censent *Laym. l. 4 tr. 8 c. 3 n. 5. Sanch. Cons. l. 5 c. 1. dub. 8 n. 2. Palaus tr. 30 D. 3 p. 2 §. 5 n. 10. cum Nav. Cajet. Tol. Abul. Fill. etc. communiter*, item *Croix, l. c. cum Sanch. Diana, ac aliis*; Et hanc clarè docet *S. Th. 1. 2 q. 71 art. 5.* ubi loquens de eo, qui *occupat se talibus, quibus ab eundo ad Ecclesiam impeditur*; (nempe ad Sacrum audiendum), damnat de peccato omissionis; et rationem adducit: *Qui enim vult aliquid, cum quo aliud simul esse non potest, ex consequenti vult illo carere.* Nec obstat dicere, quod, si quis obligatus ad Sacrum audiendum, aliò pergat, ubi non adest tale præceptum, eo fine, ut eximatur, vel prævidens, se sic eximi ab obligatione Missæ, non peccat. Nam benè respondet *Mazzotta l. c.* quòd hic talis, aliò eundo, omnino eximatur à debito Sacri audiendi; sed qui opus assumit ad se liberandum, vel prævidens, se liberatum iri à jejunio, adhuc remanet ad illud obligatus, licet postea propter laborem assumptum à jejunio excusetur. Notat autem *Sanch. Cons. l. 5. cap. 1 dub. 7 n. 16. cum Victor. et aliis*, quòd, si quis non ad recreationem, sed ad finem utilem, licet non necessarium, assumit laborem, non peccet contra præceptum jejunii, si

postea non jejuset. Et idem ait *n. 17.* de itinerante ex aliqua causa honesta, etsi non necessariâ, puta ad visendos propinquos, vel Patriam, ad venandum, ad ludendum pilâ; tunc enim semel, vel iterum excusat. Sed his non universè acquiesco; præsertim, si solâ delectationis causâ, iter, sive alius labor suscipiatur, ut bene ajunt *Abelly p. 412 n. 3. et Sporer n. 61.* Cæterum probabiliter *Ethel p. 191 n. 526. Sporer n. 60. cum Laym. et Sanch. dub. 7 n. 2 cum Caj. Nav. Angles,* et aliis communiter, excusant à culpa eos, qui, licet ex proprio officio non laborent, tamen laborem aliquem magnum assumunt ob rarum lucrum, sicut probabiliter non peccant, qui ob hujusmodi causam laborant die festivo, ut ait idem *Sanchez,* utque diximus *de 3. Præcep. n. 301. et n. 332. cum aliis.*

1047 Ratione pariter laboris excusantur à jejuniis ite-  
facientes pedestres per majorem diei partem, ut probabiliter docent *Sanch. dub. 10 n. 2. Less. c. 2 n. 43. Holzmänn. p. 335 n. 15. Pal. §. 5 num. 10. et alii communiter.* Sicque pariter excusantur Muliones, et Agasones pedestres, mulas, aut asinos ducentes, ut *Salm. cap. 3 num. 137. cum Sanch. Pal. Tol. Laym. etc.* Hoc tamen intelligitur 1. nisi persona, completo itinere, et aliâ refectione non sumptâ in notabili quantitate, jam postea satis se reficiat, tunc enim nequit secundam comestionem facere, nisi die sequenti iter proseguire deberet. Intelligitur 2. nisi iter commodè differri possit, ut docet *D. Th. 2. 2 q. 147 art. 4 ad 3. dicens: si peregrinatio.... commodè differri possit.... non sunt propter hoc Ecclesiæ jejunia prætermittenda.* Et cum sequuntur *Less. n. 43. et Laym. n. 3. cum Sylvest. Tol. et Medin.* Quando autem, incepto itinere, jejunii dies intercurrit, non tenetur itinerans ab illo desistere, ut jejuset, uti docent *Sanch. dub. 11 n. 5 cum Abul. Laym. c. 3 n. 5. et Sporer n. 66 cum aliis communiter.*

Sed dubitatur 1. Quale iter, communiter loquendo, sufficiat ad excusandum? *Pasqualigus apud Crois*

n. 1344. dicit, satis esse iter septem milliarium, id est duarum leucarum, et mediæ (leuca enim importat hîc spatium milliarium, sive unam horam itineris). Sed hæc opinio ab aliis non recipitur, qui probabiliter dicunt, requiri ad excusandum saltêm iter quatuor vel quinque leucarum, ut *Salm. n. 145. Pal. §. 5 n. 10. Viva art. 6 n. 4. cum Trull. et Diana*; quàmvis *La Croix cum Bonac. Fill. etc.* requirat iter ad minus quinque leucarum, id est 15 milliarium. Si tamen viâ esset tam ardua, aut tempus tam asperum, aut si itinerans esset adeò debilis, vel itineri non assuetus, ut non posset jejunare sine magna difficultate; ob has causas aliquandò posset eum excusare à jejuniò iter etiàm sex milliarium, vel minus; ità *Sanch. dub. 10 n. 3. Salm. n. 137. Roncag. Reg. 2. in prax. et Croix l. c.* Sic pariter *Tamb. §. 7 n. 25 in fine* rectè excusat famulos pedestres comitantes Dominum, qui per totum diem equitaret per Urbem. Et sic adhuc probabiliter quidam doctus excusabat famulos, qui jugiter per diem inserviunt, ambulantes ad emendum, ad comitandum, ad litteras ferendas, et similia.

Dubitatur 2, an iter facientes equis, vel rhedis, excusentur à jejuniò? Damnata quidem fuit prop. 31 ab Alex. VII. quæ dicebat: *Excusantur absolute à præcepto jejunii omnes illi, qui iter agunt equitando, utcumque iter agant, etiàm si iter necessarium non sit, et etiàm si iter unius diei conficiant.* Sed communiter DD. excusant eos, qui sic itinerantur per plures dies, ut *Salm. n. 138. Sanch. dub. 10 n. 5. Ronc. c. 2 Reg. 2 in prax. Laym. n. 3. et Viva art. 6 n. 4. cum Trull.* (*Viva* tamen, et *Laym.* requirunt, ut tale iter sit saltêm per octo dies; sed hoc videtur nimis rigorosum). Benè autem advertit *Viva*, quod hujusmodi itinerantes non excusentur, si constet eos sine magno incommodo posse jejunare. Præterea, rectè dicunt *Croix, Ronc. ll. cc. et Salm. n. 137 et 138. cum Sanch. Azor. Tol. Trull. etc.* posse aliquandò excusare iter etiàm unius diei, si agendum esset cum magna defatigatione, ut evenit Cursoribus; vel si equitans sit debilis,

aut tempus sit asperum, vel iter arduum, aut extraordinarium: Iter autem octo, vel decem leucarum putant non esse extraordinarium *Salm. cum Sanch. Tol. Trull. Lastra, Corella, etc.* contra *Machad. Dianam, Leand. etc. ib.* Merito autem hic notat *Viva d. art. 6 n. 11. cum Sanch. dub. 32.* quod itinerantes, si non habeant cibos quadragesimales sufficientes, quibus sustententur, potius debeant refici lacticiniis, adhuc in Quadragesima, et servare jejunium, quam aliis legalibus cibis levioribus vesci et jejunium frangere, quia observantia jejunii præstat abstinentiæ à lacticiniis.

1048 IV. Causa excusans est *Pietas*. Communiter docent DD. propter hujusmodi causam pietatis posse hominem jejunium omittere, scilicet ob peragendam aliam, piam charitatis aut religionis operam, quæ sit majoris boni, quam jejunium. Ità *Salm. c. 2 n. 142. cum aliis passim, ex D. Th. 2, 2 q. 147. a. 4 ad 3* ubi sic ait: *Si autem immineat necessitas statim peregrinandi, et magnas diætas faciendi, vel etiam multum laborandi, vel propter conservationem vitæ corporalis, vel propter aliquid necessarium ad vitam spiritualem, et simul cum hoc non possint Ecclesiæ jejunia observari, non obligatur homo ad jejunandum; quia non videtur fuisse intentio Ecclesiæ statuents jejunia, ut per hoc impediret alias pias, et magis necessarias causas.* Subdit tamen S. Doctor: *Videtur tamen in talibus recurrendum esse ad Superioris dispensationem; nisi fortè ubi est ita consuetum; quia ex hoc ipso, quod Prælati dissimulant, videntur annuere.* Sed facile S. Thomas dispensationem hanc potius requirit ad majorem cautelam, vel de convenientia, non verò de necessitate, cum mox prius jam dixerat ut supra, *propter hujusmodi causas Pietatis non obligatur homo ad jejunandum.*

Sed dubium fit, an hujusmodi opera à jejunio excusantia possint suscipi spontè, et non ex officio, vel obedientiâ? Negant *Sylvest. Navar. Cajet. et alii ap Salm. n. 142.* Sed probabilius affirmant *Sanch. dub. 17 n. 2. et Salm. loc. c. cum Arm. Gabr. Palac. et Villal.* Idque expressè docet *D. Th. in 4 dist. 15. q.*

3 art. 1. q. 2 ad 3 ubi dicit : *Si enim sit tanta abstinentia, quod homo ab operibus utilioribus impediatur, quàmvis ad ea de necessitate non teneatur, indiscretum est jejunium, etsi non sit illicitum.* Modò, subintelligitur, (ut infra, explicabimus) opera illa ex justa causa assumentur, et differri non possint.

Hinc 1. Excusantur, qui pluribus infirmis cum magno labore inserviunt in Hospitalibus, aut Monasteriis, ut dicunt *Palaeus* §. 4 n. 11. *Bon. p. ult. n. 13. et Salm. c. 2 num. 143. cum Led. etc.* 1049

2. Excusantur peregrinantes ad loca sacra, modò I. ipsi verò zelo peregrinationem suscipiant, in magnum Dei honorem, aut magnam ædificationem communem, nempe si sint personæ gravis Authoritatis, ut ait *Caj. apud Laym. n. 5.* vel si peregrinatio vertat in magnam ipsius peregrini spiritualem utilitatem, ut dicunt *Sanch. dub. 11 n. 5. Holzmann p. 336 n. 16 et Salm. tr. 23 c. 2 n. 144. cum Sylvest. Abul. Pal. Vill. etc. contra Ledesm. Palac. et Met. ap. Sanch. loc. cit.* qui excusant à jejunio etià eos, qui simplicis devotionis causà peregrinationem suscipiunt : Sed hæc opinio non videtur satis tuta, simulac ipsi commodè peregrinationem differre possint, ut docet *D. Th. eod. loco supra cit. art. 4 ad 3* ubi ait : *Si peregrinatio, et operis labor.... commodè differri possit, aut diminui absque detrimento corporalis salutis... vel spiritualis vitæ, non sunt propter hoc Ecclesiæ jejunia prætermittenda.* Et sic alii communiter, ut *Less. c. 2 n. 44. Laym. d. n. 5. Holzm. et Salm. ll. cc.* Quando verò peregrinatio jam suscepta fuit, et interim dies jejunii occurrit, non est obligatio intermittendi eam, ut jejunium servetur, prout communiter inquirunt *Sanch. et Salm. ll. cc. cum Abul. Spor. n. 66. et Laym. d. n. 5* qui ait, id ut certum tenendum.

3 Excusantur Concionatores, qui prædicant quotidie, sive frequenter in Quadragesima, ut ex communi sententia dicunt *P. Wigandt Ex 4 n. 92. Tolet. l. 6 et Salm. c. 2 n. 149. cum Nav. Cajet. Tolet. Trull. etc.* quia actio concionandi est valde laboriosa,

tum propter studium ad id necessarium, tum propter corporis agitationem. Et hoc maxime locum habebit pro Missionariis, qui diebus Missionis cum vehementi agitatione concionantur. Cæterum decet quidem Concionatores omnes, qui non solum verbo, sed etiam exemplo debent prædicare, ut, quantum fieri possit, ad ædificationem Populorum jejunia satagant observare, ut faciunt qui perfectionis amantiores sunt. An verò excusentur, qui tantum ter, vel quater in hebdomada Conciones habent? Affirmant absolute *Sanch. dub. 13 n. 6. Roncag. c. 2. Reg. prax. 3 Tamb. §. 7 n. 26. et Henr. Trull. ac Pasqu. ap. Salm. n. 149.* Idem sentiunt *Busemb ut supra, Elbel p. 169 n. 464. et Viva art. 6 n. 4.* Modò tamen, ut isti dicunt, cum magno fervore concionentur. Sed melius ajunt *Holz. p. 335. n. 15. et Salm. l. c.* in hoc standum esse judicio prudentum, nempe si Concionatores isti ob corporis agitationem, et applicationem mentis ita debiles evadant, ut nequeant jejunium perferre, tunc possunt excusari. Et hoc valet, etiamsi ipsi concionentur causâ lucri, ut dicunt *Sporer n. 63. Tamb. n. 26. Sanch. dub. 13 n. 3. cum Nav. et Angles*, contra *Cojet. Led. et Arm.) et Salm. d. n. 149. Less. Bonac. etc.* Ratio, quia hujusmodi lucrum, cum sit justum stipendium talis laboris, licite intenditur; et aliundè ex tali intentione non impeditur utilitas audientium.

4. Excusantur Cantores, sive Musici, qui jejunium observando vocem amitterent, nec possent suum Officium exercere, ut dicunt *Anacl. n. 65. Spor. n. 63. Elbel. n. 511 et Less. n. 44 cum Sylvest. Nav. et Tamb.*

5. Excusantur Lectores Scientiarum, qui magno studio et labore indigerent; non verò qui dictant lectiones jam prius ordinatas, et sæpius repetitas; ita communiter *Roncag. c. 2. Reg. prax. 3. Elbel n. 464. et Salm. c. 2 n. 147. cum Less. Nav. Caj. Tol. Azor etc.* Asserunt *Salm.* contrarium sentire *Sanch. dub. 13 n. 7.* Sed non benè; nam hic Auctor ibi non loquitur de Lectoribus, sed de Scholasticis, qui propter studium non possent jejunare, et dicit cum *Angles*, hos

potius debere omittere studium, etiam per totam Quadragesimam, quam jejunium; contra *Azorium q. 8. et Pal. n. 11* qui censent Scholasticos excusari, si per quinque horas utilibus studiis vacent. An autem excusentur à jejunio Lectores Grammaticæ? Negant *Salm. n. 148*. Sed affirmat *Sanch. n. 7* si in die quatuor legant lectiones: sive, si doceant per quinque horas, ut ait *Azor.* *Pal. autem, et alii ap. Croix n. 1346*. dicunt, Magistros Grammaticæ, qui per quatuor horas docent, non teneri jejunare plusquam tribus diebus in hebdomada.

6. Excusantur Advocati, qui cum jejunio non possent satisfacere suis clientibus, propter studium, quo indigent, ita *Ronc. Reg. 3. prax. Holz. n. 15. Elbel n. 464*. Idem ajunt *Salm. n. 140*. de Judicibus, qui legunt studio ad sententias ferendas. Idem dicunt *Sporer n. 59. Holz. et Elbel ll. cc. cum Bonac. de Medicis, et Confessariis*, qui magno indigent studio, ut suis infirmis, aut pœnitentibus satisfaciant: Hi enim, licet non egeant majori cibo, cum labor sit mentis, opus tamen habent cibo frequentiori, ut in eis reparetur spirituum consummatio.

7. Confessarii causâ Confessionum excipiendarum communiter non excusantur; nisi extraordinarium laborem subeant, nempe, si Confessiones audiant ferè per totum diem (puta per septem, vel octo horas; ita *Palas n. 11. Salm. n. 150 et Ronc. c. 2 Reg. Prax. 3*. Sed melius *Sanch. dub. 13. n. 11 Sporer n. 59. Viva art. 6 n. 4 et Diana p. 1. r. 9 R. 10 cum Fagund.* ad eos excusandos, ultrà laborem extraordinarium, requirunt, ut ipsi sint ita debiles, ut cum jejunio non possint satisfacere frequentiae pœnitentium; et idem sentit *Tamb. §. 7 n. 25* ubi insuper notat, quòd prædicti Professores, nempe Lectores, Cantores, Advocati, Medici, et Confessarii, non per se, sed tantum per accidens à jejunio excusari possint, nimirum si ratione alicujus gravis circumstantiæ suis officiis jejunando non possint satisfacere. Et hoc maxime advertendum in hac materia, nam ubi labor per se excusat, in dubio præsumptio stat pro exemptione jejunii; è conver-



so, ubi labor non per se, sed per accidens, nempe ob aliquam circumstantiam debilitatis personæ, vel gravitatem laboris excusat, in dubio præsumptio stat pro obligatione jejunii.

Hic autem ultimo animadvertenda est quædam doctrina, quam tradunt *Sporer n. 67 et Laym. c. 3 n. 6 rum Navarr. Sylvest. Cajet et Tol.* quod, si quis non habeat causam absolute sufficientem, quâ excusetur à jejunio Quadragesimali, et aliqua ratio ipsi probabilis et iusta appareat, quâ tantum hi, vel ter in hebdomada jejunet, non est urgendus ad jejunandum, etiâsi causa illa non omnino sufficiat, sed relinquendus in sua bona fide, ne ipse fortè deinde omnia jejunia culpabiliter omitat.

<sup>1050</sup> An autem peregrinus teneatur ad jejunium, quod servatur in loco ubi reperitur non permanentem, sed per aliquod tempus, aut transeuntem; Et quid, si ibi non servetur jejunium, quod servatur in Patria? Vide dicta l. 1 num. 156. *¶ Hic refert.*

# LIBER QUARTUS.

## DE PRÆCEPTIS PARTICULARIBUS CERTO HOMINUM STATUI PROPRIIS.

- **C**um omnes fideles sicut præcepta Decalogi, ita
- » etiã alia præcepta, quæ pertinent ad statum, et
- » officium uniuscujusque, teneantur scire sub pecca-
- » to mortali, ita ut ipsa eorum ignorantia vincibilis,
- » licet non sequatur transgressio, sit peccatum mor-
- » tale (*Sylv. Sayr. Sanch. Bald. 1. 1 l. 1 d. 9 n. 8 et 9.*)
- Hinc post præcepta omnibus communia agendum
- de propriis certorum statuum in particulari. •

### CAPUT I.

#### DE STATU RELIGIOSO.

#### DUBIUM I.

#### Quæ sit natura Statûs Religiosi?

- 1 *Quid Status Religiosus? Et qui sint Religiosi?*
- 2 *An Religiosus promotus ad Cardinalatum, vel Episcopatum maneat obstrictus votis?* 3. *An teneatur ad observantiam suæ Regulæ?* 4. *An promotus ad Parochiam teneatur ad habitum, et Regulam?*

- « **R**esp. Status Religiosus est fidelium ad divinæ cha-  
 » ritatis perfectionem tendentium, editis votis perpe-  
 » tuæ paupertatis, castitatis, et obedientiæ, stabilis  
 » in communi vivendi modus, ab Ecclesia approbatus.  
 » Dico, *ab Ecclesia*; quia, etsi olim Episcopi Reli-  
 » giones approbare poterant; postea tamen in Conci-  
 » lio Lateranensi sub Innocentio Tertio statutum est,

- » ne nova Religio inducatur, nisi approbata à Papa.
- » Ratio est, quia, cum Religio sit communitas sacra,
- » in qua debet esse spiritualis jurisdictio, hæc autem
- » à Papa proveniat, decens est, ut talis communitas
- » ab eodem approbetur. *Laym. l. 4 t. 5 c. 1.*

*Undè resolvuntur casus.*

- » 1. Ad essentiam Religionis non requiruntur Vota
- » solemnia. Ratio est, quia, qui in Societ. JESU vota
- » simplicia edunt, sunt veri Religiosi, uti definit
- » *Gregor. XIII. in Bulla, Ascendente Domino. Laym.*
- » *l. c. n. 4.*
- » 2. Non sunt Religiosi ii Ordines militares, qui
- » conjugalem castitatem tantum vovent: sunt tamen
- » verè Religiosi milites S. Joannis, et Teutonici, eo-
- » rumque similes, cum tria vota substantialia habeant.
- » Similiter ex Fratribus, et sororibus Tertiariis sive
- » Ordinis sancti Francisci, sive aliorum. Tantum
- » sunt Religiosi, qui in Religione approbatà, secundum
- » certam Regulam tria vota substantialia emittunt.
- » Contrà autem ii non sunt, qui, licet tria ista emit-
- » tant, et communiter, vel seorsim habitent, Regu-
- » lam tamen à Sede apostolica approbatam non pro-
- » fitentur. *Laym. l. c.*
- » 3. Religiosi non sunt, qui, edito voto perpetuo
- » paupertatis et castitatis, obedientiam vovère Confes-
- » sario, aut Episcopo. Ratio est, quia tali voto non
- » subjiciuntur jurisdictioni spirituali, quæ à Deo,
- » medio ejus Vicario, provenire debet. *ibid. n. 7.*
- » 4. Etsi Papa in votis solemnibus Religionis dis-
- » pensare possit, ut quis desinat esse Religiosus: non
- » potest tamen dispensare, ut quis manens Religiosus,
- » substantialibus votis non teneatur; quia ad essen-
- » tiam Religionis spectant. *Laym. l. cit. n. 8. ex*
- » *Nav. etc.*
- » 5. Religiosus, promotus ad Cardinalatum, vel
- » Episcopatum, obstrictus manet votis essentialibus
- » suæ Religionis, etsi quodam aliquos effectus pauper-

» tatis, et obedientiæ exemptus censeatur. Deindè,  
 » etsi iugo Regulæ absolutus sit quòad culpam, et  
 » ptenam, tamen ex obligatione moralis honestatis,  
 » ea servare debet, quæ eum decent, et cum ejus  
 » mpnere consistunt. Hinc quòad habitum; sui Or-  
 » dinis colorem deferre debet, etsi quòad figuram  
 » Episcopis sæcularibus se conformare possit, ut  
 » Clemens VIII. concessit apud *Sanch. 6 mor. c. 6.*  
 » Imò, si Episcopatum resignet, vel ob culpam de-  
 » ponatur, absque degradatione tamen, non tenetur  
 » ad regularem observantiam redire, quia retinet  
 » eminentiam Episcopalem, ob quam ab obedientia  
 » regulari exemptus fuit. *Ibidem S. Th. Rodr. Sanch. etc.*  
 » Secus est in Cardinali religioso, qui non est Epis-  
 » copus; hic enim, relicto Cardinalatu, nihil reti-  
 » net ex dignitate Cardinalitia; ideoque; si Papa ejus  
 » renuntiationem acceptarit, tenetur redire ad obe-  
 » dientiam regularem sui Ordinis. *Pal. de Lug. resp.*  
 » *mor. l. 5 d. 12.* »

Quæritur igitur I. An Religiosus assumptus ad Epis-  
 copatum maneat absolutus à votis? (Intellige à votis  
*obedientiæ*, et *paupertatis*; nam voto castitatis rema-  
 net quidem obstrictus ratione Ordinis.) *Prima* senten-  
 tia affirmat cum *Vasq. Sot. Med. Angles*: et signanter  
 quòad votum paupertatis, tenent *Palac. Tamb. Dian.*  
 et probabile putant *Sanch.*; *Villal. cum Salm. tr. 15 de*  
*Stat. Rel. c. 5 n. 30 et 32.* Probantque ex *c. unic. iv.*  
*Qu. 1* ubi dicitur: *Monachus, quem canonica electio*  
*à iugo Regulæ monasticæ professionis absolvit, et sacra*  
*Ordinatio de Monacho Episcopum facit.* Et hoc igitur  
 dicunt, eum liberari à voto obedientiæ. Sequitur textus:  
*Velut legitimus hæres paternam sibi hæreditatem postea*  
*jure vendicandi potestatem habet.* Si enim, dicunt, potest  
 ut legitimus hæres sibi vendicare hæreditatem pater-  
 nam, ergò potest illius verum dominium acquirere,  
 dum vendicare solis dominis competit. Et sic etiàm  
 liberatur à voto paupertatis.

*Secunda* sententia, quam sequimur, et tenent cum  
*Bas. Less. d. r. 40 n. 113. Pal. t. 3 tr. 16 D. 4 p. 14 n. 4*

- » etiã in plerisque aliis, ab obedientia Prælati exi-  
 » matur, et Episcopo subjiciatur. Vid. *Sanch. l. 6*  
 » *Mor. c. 6 n. 36.* »

## DUBIUM II.

### Quæ requirantur ad valorem Professionis Religiosæ?

- 5 *Quæ conditiones requirantur ad professionem religiosam?*  
 I. *Aptitudo voventis. Quid de ætate, et exploratione*  
*puellarum suscipientium habitum religiosum?*  
 6 *II. Requiritur consensus Prælati Ordinis.*  
 7 *III. Ut professio sit spontanea.*  
 8 *Quomodo et quando professus possit reclamare de nullitate*  
*sue professionis?*

- » **RESP.** Ad valorem ejus tres requiruntur conditio-  
 » nes. 1. Est qualitas, seu aptitudo voventis, scilicet  
 » ut, juxtà *Trid. sess. 25 c. 15 de Regularibus*, deci-  
 » mum sextum ætatis annum expleverit, annumque  
 » integrum cum religioso habitu steterit in probatione,  
 » nullumque habeat impedimentum, quod per sta-  
 » tuta à Pontifice confirmata, in isto ordine substan-  
 » tiale esse censeatur. *Azor. to. 1 l. 12 c. 2 q. 6 et 7*  
 » *Rodr. to. 2 c. 6.* »

Quoad moniales, Tridentinum statuit, ne puellæ suscipiant habitum regularem antè 12. annum completum: undè nequeunt antea suscipere, ut tenet *Alex. Cons. Mon. c. 2 §. 1. Qu. X. cum Tamb. Rodr. Naldo* (contrà *Sanch. l. 4. Dec. c. 18 n. 33. Vill. etc.*) et affert *Declar. S. C. Exploranda* autem est voluntas puellarum antè susceptionem habitûs, et antè professionem ab Episcopo, vel, eo impedito, à Vicario, vel alio deputato. Si utraque exploratio omitteretur, esset culpa gravis, sed valeret professio, ut *de Alex. l. c. cum Sanch. Barb. cum declaratione S. C. et Salm. de Privil. Tr. 18. c. 3 §. 2 n. 14.* qui notant, explorationem hanc ex consuetudine fieri, et semel, et tantum antè

professionem intrà 15. dies. Episcopus autem explorare potest, et debet voluntatem puellarum etià in Monasteriis exemptis, ut *Sal. ib.*

» 2. Conditio est consensus, et acceptatio expressa 6  
» vel tacita Prælati Ordinis: per hanc enim Religioni  
» incorporari debet. \* *Error circa substantiam tam ex*  
» *parte profitentis, quàm admittentis, vitiat professio-*  
» *nem, Salm. c. 4 n. 27.* \* Idque ordinariè non tan-  
» tùm cum consilio, sed etià cum consensu Capi-  
» tuli, aut certè majoris, aut principalioris partis,  
» secundùm cujuscumque Ordinis statuta. *Nap. Less.*  
» *c. 41 d. 7.*

» 3. Ut professio spontè facta sit, non cogente gra-  
» vi metu, qualis esset incarceration, alimentorum  
» subtractio, eò quod in professionem consentire no-  
» luerit. Itemque metus reverentialis, non quidem  
» se solo, sed accedente precum, blanditiarum, et  
» imperii sæpius repetitâ importunitate, aut gravi  
» offensione, aut diù continuatâ indignatione consan-  
» guineorum, adjunctis etià minis de subsidiis ne-  
» gandis, si ex Religione egrediatur; hæc enim vel  
» singula, vel certè simul juncta, consideratâ conditione  
» hominis rudis, timidi, et metum justum incutere  
» possunt, et professionem irritare, ut *Laym. cum aliis*  
» *l. 4 tr. 5 c. 5. Less. l. 2 c. 43. dist. 7.* \* (*Vide dicenda*  
» *de Matr. l. 7 n. 1055. Professio enim, et Matrimo-*  
» *nium æquiparantur; ac Salm. de statu Rel. c. 4 n. 26.)\**

*Undè resolvuntur sequentes Casus.*

» 1. Is, qui professionem irritam edidit, ex defec- 7  
» tu alicujus conditionis ex jam dictis, nisi eam post-  
» modum tacitè, vel expressè ratificaverit, egredi à  
» Religione, et uxorem ducere potest; licet, ob vita-  
» tionem scandali, causam egressûs dicere debeat,  
» et si ad forum externum causa deveniat, defectum  
» professionis; post illud enim non auditur, juxtâ  
» *Trid. c. 9. Sess. ead.* quia præsumitur eam interea  
» ratificasse,

» 2. Quòd, si tamen sciret, illam juris præsumptionem falsam esse, eò quod vel ignorans impedimentum, vel metu gravi, aliàve justà causà impeditus reclamare infrà quinquennium non potuerit; vel « impedimentum sit essenziale, ac perpetuum, aut » saltèm ultrà quinquennium duret, eo elapso potest » reclamare, debetque audiri in iudicio, saltèm extraordinario, vel in integrum restitui, ut contrà *Bon. de claus. d. 4 q. 2 p. 16. docent Navar. Sanch. d. 32 n. 22. Less. l. 2 c. 41 d. 7. Az. l. 12 c. 4 qu. ult. Dian. p. 3 t. 2 R. 53. Barb. in Trid. sess. 25 c. 19 n. 8.* ubi plures alios citat: et nisi aliud quid impediatur, fugere potest, ut docet *Laym.* Qui addit, si fuga sinè gravi scandalo, vel incommodo tentari non posset, monendum à Confessario, ut professionem tacitè ratificet: quod fiet; si professorum habitum proprium deferat, actusque iis proprios exerceat, cum intentione, quod professus talis Ordinis esse velit. Vid. *Auct. cit. et Dian. p. 8 t. 7 R. 51.* ubi ex *Trid. sess. 25 c. 19.* probat, Episcopum de nullitate professionis sinè interventione Superioris regularis sententiam ferre non posse, et, si faciet, fore nullam. \* (*Ità Salm. c. 5 n. 15. communiter. Dubius de sua professione nequit reclamare, Salm. c. 5 n. 8 cum Pell. et Lez. quia Religio possidet sibi subditum: intellige, si dubium superveniat. Nec creditur reclamanti, nisi probet fide consensisse, ex c. 2. de Regul. Salm. n. 9.*) \* »

Hic addenda, quæ nuper sancita sunt à N. SS. P. Bened. XIV. in sua Bulla, quæ incipit, *Si datam hominibus.* (In suo *Bullar. t. 2 n. 47 p. 393.*) Ibi statuitur I. omnia, quæ decreta sunt de viris religiosis, comprehendere etiàm fœminas, ubi eadem causa militat. II. Causas nullitatis professionis agnoscendas esse à Prælato regulari tempore motæ litis, et simul ab Ordinario, pro Monialibus verò non exemptis à solo Ordinario, et pro exemptis simul ab Ordinario, et à Prælato, cui regimen Monasterii commissum est. III. Non posse Prælatum ejicere professum, nisi cognitâ causâ per ip-

sum et Ordinarium ut supra, casu quo agnoverit postea impedimentum, etiamsi de eo subditum interrogaverit, nullam alias professionem fore protestatus, et ille occultaverit. IV. Posse causam nullitatis agi etiam, elapso quinquennio, si intrà illud professus serio reclamaverit. V. Cognitionem causæ ad Sedem Apostolicam pertinere, si professio emissa fuerit extrà Novitiatum. VI. Apostatas repelli à iudicio, nisi habitum Religionis reassumpserint. VII. Non posse professum prætere annulationem suæ professionis ratione vis aut metûs illati, si intrà quinquennium non reclamaverit, tametsi allegaret, vim et metum semper durasse. Concedi tamen huic restitutionem in integram dandam tantum per Sedem Apostolicam, prævio processu confecto à suo Prælato, et Ordinario, cum assistentia defensoris professionis, qui debet etiam Romæ assistere. VIII. Post primam sententiam professus non posse egredi à Religione, sed debere expectare secundam, post appellationem faciendam à defensore.

### DUBIUM III.

Ad quid teneatur Religiosus vi suæ professionis.

- 9 *De obligatione Religiosi tendendi ad perfectionem?*
- 10 *Quando Religiosus peccet graviter contra hanc obligationem?*
- 11 *An peccet graviter, si intendat servare sola mandata obligantia sub gravi?*
- 12 *An quilibet Christianus graviter peccet, si proponat committere omnia venialia?*
- 13 *An Prælatus aliquando peccet graviter, negligendo corrigere defectus leves subditorum?*

» **R**ESP. Religiosus vi suæ professionis tenetur ad  
 » progrediendum aliquo modo in via perfectionis.  
 » Quia ex vi professionis tenetur velle servare suum  
 » statum, qui est perfectionis, sive tendentium ad  
 » perfectionem (licet secundum se non sit præcepti,  
 » sed consilii); hoc autem est intrinsece velle tendere  
 » ad perfectionem *S. Th. 2 2 q. 186. ar 1 et 2 et q. 184.*



- » ar. 5. *Laym. l. 3 tr. 5 c. 2 n. 1. Suar. de relig. t. 4 l. 1*  
 » c. 4. *Bardi. de consid. d. 7 c. 6 §. 5.*

## Unde resolves.

- » 1. Religiosus non tenetur actu esse perfectus, sed  
 » tantum studere perfectioni *Bard. etc. loc. cit.*  
 » 2. Tenetur tendere ad perfectionem 1. Per media  
 » essentialia. 2. Per vota 3. Per auxilia secundaria,  
 » non contemnendo ea. *Laym. l. c. 9 n. 13.* 4. Tenetur  
 » aliquibus mediis uti, et, si omnia media abiciat,  
 » non est in statu salutis. *Suar Laym. l. c.* dicens, si  
 » nullum perfectionis studium adhibeat, sed omnia  
 » monita, et regulas negligat, eo quod sub mortali  
 » non obligent, peccare mortaliter. 5. Tenetur ad ali-  
 » qua opera bona supererogatoria, sive specialiter non  
 » præcepta, nec promissa: quia alias, mortaliter lo-  
 » quendo, non potest habere debitam intentionem  
 » salutis. *Suar. l. c.*  
 » 3. Tenetur tendere ad perfectionem per media  
 » suæ Religionis, non per alia: hoc est, servando  
 » suas Regulas, *Sanch. l. 6 c. 5 n. 1. et 2.* Hinc peccat,  
 » 1. per contemptum Regulæ, hoc est, si nolit subji-  
 » ci, *ib. n. 6.* 2. Si tantum velit servare, quæ sub mor-  
 » tali obligant, quia contemnit perfectionem, *ib. n. 7.*  
 » 3. Per actum directè contrarium, hoc est nolendo  
 » perfectionem; quod esse mortale docet *Sanch. n. 10.*  
 » *Pelliz. et Bard. l. c.*  
 » 4. Si quis non tantum intendat non esse sollicitus  
 » in observatione Regulæ, sed etiam numquam ser-  
 » vare, etiamsi facile possit, est mortale, vel proxi-  
 » ma dispositio ad illud, vixque potest fieri sine  
 » contemptu formali, *Suar. loc. cit. n. 23.*  
 » 5. Si ex remissione animi, et sine ullo justo titulo,  
 » per directam intentionem, velit aliquam Regulam  
 » non servare, erit saltè levis contemptus, et pec-  
 » catum veniale, *Suar. l. c.*  
 » 6. Frequenter, et ex consuetudine violare Regu-  
 » lam, esse mortale, dicit *Sanch. l. 6, mor. c. 4 n. 18*

» et 20. Tum quia perturbat religiosam disciplinam ;  
 » tum quia secundum quosdam est contemptus in-  
 » terpretativus , vel saltè probabilissimum ejus  
 » periculum : tenetur autem sub mortali ita vivere ,  
 » ut non sit graviter perniciosus Religioni , inducendo  
 » alios malo exemplo ad Regulæ laxitatem , *Sanch. n.*  
 » 18. *Laym. c. 9 n. 13.* Tum quia constituit se in eo  
 » statu , ut tamquam incorrigibilis sit expellendus :  
 » tenetur autem quisque ratione votorum , quibus se  
 » Religioni addixit , ita se gerere , ut sit tolerabilis ,  
 » et non mereatur expelli ; at qui nullum conatum  
 » perfectionis adhibendo , Regulas sinè discrimine  
 » transgreditur , reddit se intolerabilem , ut debeat  
 » expelli , aut si toleretur , plurimum nocet : ergo  
 » per accidens , et indirectè agit contrà professio-  
 » nem , peccatque mortaliter. *Sanch. n. 18.* Vide  
 » *Auct. cit.*

» 7. Religiosus Societatis JESU peccat mortaliter ,  
 » si non adhibet diligentiam in cavendis defectibus ,  
 » ob quos se dimittendum , vel ejiciendum prævidet :  
 » et licet ita dimissus sit liber in conscientia , si tamen  
 » sit dimissus ob fraudem , vel peccata in eum finem  
 » commissa , irrita est dimissio , utpotè obtenta per  
 » dolum dantem ipsi causam ( sicut in Matrimonio ,  
 » et cæteris contractibus ) , undè subjacet poenis  
 » apostatarum , *Bon. de claus. q. 2. p. 12. § 1.*

» 8. Scholasticus Societatis JESU , qui pravis mo-  
 » ribus de industria dimissionem extorsit , vel falsis  
 » allegationibus impetravit , non est liber à votis.  
 » *Lass. l. 2. c. 41 d. 15. Sanch. l. 6. c. 9. n. 66. Laym.*  
 » *l. 5. t. 5. c. 9. n. 13.*

Pro majore hujus puncti intelligentia , quæritur I. 10  
 Quandoam Religiosus , contrà obligationem hanc  
 tendendi ad perfectionem , graviter peccet ? Resp. I.  
 Peccat graviter , quandò regulas , etsi ad culpam ve-  
 nialem tantum , vel nullam obligantes , ex contemptu  
 transgreditur ; est commune cum *S. Th. 2. 2. q. 180.*  
*art. 2. et 9. Salm. de Stat. Rel. tr. 15 c. 1 n. 20 etc.*  
 Tunc autem Religiosus censetur regulas prætermittere

ex contemptu, quando illas transgreditur animo non subjacendi illis, vel Prælatorum præceptis. Ità *Bus. infrà n. 3. cum Sanch. et Less. l. 2. c. 41 n. 76. Salm. c. 1 n. 20 cum Lez.* Item, si eas omittat observaretamquam inanes; non verò, si omittat concupiscentiã ductus, vel quia putat illas sibi non esse necessarias ad salutem, vel si judicet, eas non præcipi sub gravi. Ità *S. Th. 2. 2. q. 180. ar. 9 ad 3. Sanch. Dec. l. 6. c. 5 n. 1. Salm. l. c. n. 20. cum Pal. Ant. a Sp. S.* Ideò transgredi regulas in rebus parvæ materiæ, etiã ex consuetudine, veniale non excedit, ut *Salm. ib. cum Lez. Az. Garcia, et de Alexandro Confes. Mon. c. 1 §. 2 Qu. 11 cum S. Th. 2 2 qu. 186 ar. 5 ad 3.* Sed vix umquam transgressio à veniali excusabitur, etiã si regula ad nullum culpam obligaret, ut rectè notat *de Alexand. d. c. 1 § 2 Qu. 1 et Laym. l. 4 tr. 5 c. 9 n. 8 cum Vasq. Sanch. et Val. ex D. Th. l. c. a. 9 ad 1* ubi ait: *Qui tamen possent venialiter, vel mortaliter peccare ex negligentia, vel libidine, seu contemptu.* E converso dicit *Laym. ib. cum AA. cit.* quod, si quis aliquam transgreditur regulam ex bono fine, puta regulam silentii loquendo, ut socium mœstum soletur, nullo modo peccet.

Resp. II. Peccat mortaliter Religiosus, qui firmiter statuit non tendere ad perfectionem, vel nullo modo de ea curare, *Sanch. d. c. 5 n. 10. Salm. n. 21 cum Pelliz. Lez. Anton. a Sp. S. et de Alex. cap. 1 §. 1. Qu. 111.* Resp. III. Peccat graviter ratione scandali, si suo exemplo alios inducat ad regulæ relaxationem. *Salm. d. n. 12. cum Sanch. Sylv. Lez. Pell.* Sed hoc intelligendum, si materia sit gravis, ut notant *Salm. ibi in fine cum Ant. de Sp. S.* Et hîc expedit perpendere verba *Sanch. Dec. l. 6 c. 4 n. 17* ubi sic docet: *Religiosus tenetur sub mortali taliter vivere, ut non sit graviter suæ Religionis perniciosus, inducendo alios suo pravo exemplo ad nimis relaxandam regulam, ut esset, si nollet umquam servare silentium, nec orare, nec modestè incedere, et ingrederetur omnium Religiosorum cubicula, et similia Religionis statuta transgredere.*

His positis, quæritur I. An peccet graviter Religio-

sus, qui intendit servare tantum mandata obligantia sub gravi, alia verò statuit omnia transgredi, vel de iis non curare? *Prima* sententia probabiliter affirmat, quia ipsum propositum non curandi de regulis, etsi præcipientibus tantum sub levi, est virtualis de iis contemptus. Ità *Croix l. 4 ex n. 57. Elbel t. 2 p. 612 n. 592. item Lez. Sylv. Barb. Escob. etc. apud Salm. c. 1 n. 23. Secunda* tamen sententia communior, et probabilior negat talem peccare graviter. Ità *Sanch. l. 6 c. 5 n. 9 et c. 4 n. 18. in fine, Salm. n. 24 cum Azor. Pal. Val. Suar. Payrin Pelliz. etc.* Et idem expressè docet *S. Th. d. q. 186 ar. 9. in corpore*, ubi S. D. tunc damnat de mortali Religiosum, cum vel is transgreditur regulam ex contemptu (intelligitur quidem formali); vel cum agit contra regulam, aut Prælati expressum præceptum, obligans, ut intelligitur, sub gravi. Ratio, quia eo ipso, quod Religiosus velit servare præcepta, quæ respectu ipsius obligant sub gravi, cum ista de se, et respectu aliorum sint mera consilia, volens ea servare, jam tendit ad perfectionem.

Hoc tamen intellige, quod sic ille excusandus sit à mortali, ratione hujus præcisè obligationis, quam habet tendendi ad perfectionem; nam difficillimè excusabitur quidem ex aliis capitibus; nempe ratione periculi transgrediendi vota, vel grave damnum Religioni inferendi quoad regularem disciplinam etc. quæ omnia (ut docet *Sanch. l. c.* est moraliter impossibile evitari ab eo, qui propositum habet transgrediendi, vel negligendi omnia statuta sub gravi non obligantia.

Quæritur autem hîc obiter II. An quilibet Christianus graviter peccet, si proponat committere omnia venialia? Affirmant *Sanch. d. c. 5 n. 4 et Bon.* quia, ut docet *S. Th.* venialia de se disponunt ad mortale. Negant verò probabilius *Pal. et Anton. à Sp. S. apud Salm. d. c. 1 n. 29.* (secluso tamen contemptu, vel periculo proximo labendi in mortale, habito respectu ad præteritam experientiam). Ratio, quia reverà tale propositum tantum remotè conducit ad mortale.

- 13 Quæritur III. An Prælati aliquandò, defectus le-  
ves subditorum corrigere negligens, ipse graviter  
peccet? Affirmativè tenendum (contrà *Lorca*) cum  
*Lugo*, *Trull. Peyrin. Dian. et de Alex. Conf. Mon. c.*  
*11 §. 1 q. 1 communiter*, casu quo defectus plures sint,  
et tales (v. gr. circà silentium, jejunia, etc) ut dis-  
ciplinam valeant relaxare. Ratio, quia licet quisque  
Religiosus deficiat in re gravi, levem regulam trans-  
grediendo; superior tamen, negligens impedire, cum  
possit, observantiæ relaxationem, deficit in re gravi.  
Et ideo tenetur defectus subditorum in damnum to-  
tius communitalis vergentes non solum corrigere, sed  
etiàm, inquirere, ut corrigat, prout docet *S. Th. 2. 2*  
*q. 33 a. 2 ad 4*. Sine tamen nimia sollicitudine, ut  
potat *Alex. l. c. q. 15*. Expedi autem, ut aliquandò  
corrigere dissimulet, si defectus scandalum non  
afferant, vel si prævideat subditum ex correctione  
pejorem fieri, vel si tempus opportunius sit expec-  
tandum. Et hinc advertendum, quod, si oportet  
ad corrigendum, superior possit subditum etiàm ver-  
berare, et conviciis increpare, ex *D. Th. 2. 2 q. 72*  
*a. 2 ad 2*; modò non agat ex ira, nec coram sæcularibus,  
aut novitiis. Et, sicut superior tenetur corrigere,  
sic de transgressionibus aliorum tenetur ipsum ad-  
monere, qui officium zelatoris habet, *Alex. c. 11 § 2*  
*q. 8. cum Suar. etc.*

## DUBIUM IV.

## Ad quid Religiosus obligetur vi votorum?

- 14 Ad quid obligetur Religiosus ex voto paupertatis? An  
manuscripta, Reliquiæ, et picturæ sint propriæ Religio-  
sorum? 15. An possint habere peculium? 16. Quæ non  
repugnent voto paupertatis? 17. An et quomodo peccet  
Religiosus accipiens, vel absumens sinè consensu Su-  
terioris? 18 An excuset à mortali licentia præsumpta?  
19 An peccet Religiosus absumens bona in alium usum,  
quàm ei sunt data? 20. An possit renunciare, vel non  
acceptare sibi debita? 21. An facere donationes remun-

ratorias ; 22. *An testari?* 23. *An aliis largiri, quod sibi subtraxit ex sibi concessis ad usum?* 24. *Quenam quantitas in Religioso sit gravis?* 25. *An peccet graviter, si accipiat parva usque ad magnam quantitatem?* 26. *An impotens ad restituendum teneatur sibi subtrahere ex rebus datis ad usum?* 27. *An peccet mutilans res ad usum concessas?* 28. *An abscondens res, ne Superior de eis disponat?* 29. *Quid, si Prælatus det licentiam expendendi ad usus turpes aut vanos?* 30. *An hæc licentiâ sit de se invalida?* 31. *An subditus, obtentâ licentiâ generali, peccet contrâ paupertatem; et teneatur restituere, tam ipse, quàm accipiens; si expendat in usus turpes?* 32. *An Superior possit dare licentiam aliquid ludo exponendi?* 33. *An excuset licentia petita, et injustè negata?* 34. *An accipiens aliquid à Religioso sinè licentia, possit aliquando id retinere?* 35. *An votum paupertatis possit per consuetudinem abrogari?* 36. *An Abbatisa possit liberè bona Monasterii administrare? An instituere beneficia, et ea auferre? necnon conferre Capellanas etc.?*

37 *De Voto Castitatis, Hic enim agitur de Clausura Religiosorum.*

38 *Ad quid obligetur Religiosus ex voto Obedientiæ? Et an teneatur subditus obedire sub gravi, si Prælatus non jubeat in virtute obedientiæ, vel sub pœna gravi?* 39. *An teneatur ad ea, quæ indirectè pertinent ad Regulam?* 40. *An ad ea, quæ sunt contrâ, vel suprâ Regulam?* *An teneatur assistere morbo contagioso infectis?* 41. *Quid, si Regula obliget sub peccato?* 42. *Quid, si non sub peccato?* 43. *An obligentur Religiosi ad nova Statuta Capitulorum?* 44. *An teneantur obedire Prælati Regulam reformantibus?* 45. *An Prælati possint præcipere sub peccato actus internos?* 46. *An Religiosus non obediendo dupliciter peccet?* 47. *An teneatur obedire, si dubitet, utrùm res præcepta sit licita?* *Quid, si habeat opinionem probabilem, quod non teneatur?* 48. *An Religiosus validè voveat sinè licentia Prælati?* 49. *An teneatur obedire Prælato jubenti revelare secretum commissum?* 50. *An Religiosus teneatur ad vota in professione emissa, etiâsi superveniat aliqua notabilis circumstantia non prævisa? An valeat licentia impetrata à Prælato inferiori, si à majori fuerit prius denegata?*

51 *Moniales quibus Superioribus teneantur obedire?* 52. *An Abbatisa possit ipsis præcipere, obligando in con-*

*scientia ? 53. An cum ipsis dispensare in Regulis, et votis ? 54. An irritare vota emissa cum suo consensu ? 55. An vota novitiarum ? 56. Plura notanda circa obedientiam Monialium debitam Episcopo. 57. An Moniales in actu visitationis teneantur revelare transgressiones aliarum Episcopo interroganti ?*

58 *De Confessariis Monialium, remissivè.*

59 *Plura notanda de electione Abbâtissæ.*

60 *De privilegiis Regularium, et Monialium. An Moniales gaudeant privilegiis Religiosorum ejusdem Ordinis ? 61. Et I. An Abbâtissæ possint dispensare in jejuniis, Officio, etc. II. An Moniales possint absolvi ab Episcopo ? III. An omnes Regulares possint divina peragere tempore interdicti ?*

62 *An laici possint sepeliri in Ecclesiis Monialium ?*

63 *De privilegiis Regularium circa divinum officium.*

64 *An Prælati possint privilegia limitare.*

44. **RESP. I.** Religiosus ex voto *Paupertatis* obligatur, » ut nihil habeat proprium. Nomine *proprii* autem » intelliguntur bona temporalia pretio æstimabilia, » quorum dominium, vel certè facultatem disponendi liberam, et independentem in perpetuum abdicavit. Constat *ex cap. Non dicatis 12 qu. 2 c. Monachi.*

• Dicitur 1. *Bona temporalia* : quia retinet Religiosus dominium bonorum spiritualium, honoris, famæ, et similium, Item jus eligendi, præsentandi » conferendi regulare beneficium, etc. *S. Th. 2. 2 q. 186 a. 7. Sanch. l. 7 c. 18. Less. l. 2 c. 4 d. 5. Laym. l. 4 t. 5 c. 7. »*

Quæritur hîc, an manuscripta sint propria Religiosorum. Negat Henno cum aliis apud *Contîn. Tourn. t. 3 p. 80* tùm quia, ut ait, manuscripta sæpè sunt pretiosiora libris impressis, tùm quia, sicut picturæ quælibet arte facta à Religiosis, etsi postulent multùm ingenii, Religioni cedunt, ità et manuscripta. Sed probabiliùs affirmant communissimè *Lugo D. 3. n. 230. Sporer t. 3 de statu Rel. p. 97 n. 149 et Salm. de Rest. tr. 22 c. 2 n. 195 cum Pelliz. Diana. etc.* tùm quia manuscripta sunt quid spirituale, cum sint partus in-

genii, quàmvis alieno studio elaborata ; tùm quia pertinent ad scientiam , quæ non cadit sub voto paupertatis ; quia talis est communis consuetudo. Hinc ( ut dicemus *n. seq. vers. Ità respectu* ) ex Brevis Benedicti XIII. Religiosi promoti ad Episcopatum debent omnia bona suis superioribus resignare , præter manuscripta. Et insuper Clemens VIII. apud *Spor. l. c.* expressè declaravit, quod Religiosi possint ad suum arbitrium sua manuscripta alienare , etiàm sinè licentia. Idem sentit *Tourn. l. c.* Dummodò (excipit cum aliis) non sit aliter definitum in Ordinis Constitutionibus. Idem, quod de manuscriptis , dicunt *Salm. ib. de Reliquiis*. Quoad picturas verò , si Religiosus eas elaboravit, animo retinendi , illæ sunt Monasterii. Idem dicendum , si Religiosus sit conversus , quia tales conversi ad hoc tantùm recipiuntur , ut artes externas exercerent ; excipitur , si conversus eas faciat die festivo , per unam aut alteram horam in die elaborando : ita *Salm. n. 197*. Si autem Religiosus sit chorista , distinguunt idem *Salm. et Spor. cum Bon. Pell. et Diana ap. Croix. l. 4 n. 232* et dicunt , quod , si tabulæ , tela , colores etc. tradantur ei à Monasterio , tunc picturæ ad Monasterium pertineant : secùs , si illa præstentur ab aliis.

• Dicitur 2. *Dominium , vel facultatem disponendi* ,  
 » propter Religiosus Societatis JESU , qui post emissam vota retinent , et acquirere possunt dominium  
 » radicale bonorum temporalium , non tamen habent  
 » jus actuale de iis pro suo arbitrio disponendi , vel iis  
 » utendi , in cujus abdicatione essentia religiosæ paupertatis consistit. *Sanch. Laym. l. c. n. 3.*

• Dicitur 3. *Independenter* , quia Religiosus , etiàm  
 » professus , potest habere peculium dependens , et  
 » revocabile ad nutum superioris , quod nomine proprii non comprehenditur. *Laym. c. 7 n. 12.* »

An Religiosis licitum sit habere peculium ex superioris licentia? Et hîc distinguendum jus antiquum à jure novo Concilii Tridentini. De jure antiquo alii , ut *Gerſon , Theodor. Felin. Tap. etc. ap. Sanch. Dec.*



l. 7. c. 22 n. 4 negant licitum esse ullum peculium habere. Ratio, tum quia hoc est contra jus naturale, nempe contra votum paupertatis religiosæ, cum ex administratione peculii Religiosus jacturam facit præcipuarum utilitatum paupertatis; tum quia est contra jus positivum ab Ecclesia in Concil. Lateranensi statutum in cap. *Monachi, de statu Monach.* ubi sancitum fuit: *Monachi non pretio recipiantur, nec peculium permittantur habere.* Alii verò probabilius tenent, id non esse velitum ex jure antiquo, ut censent *Sylvest. v. Abbas n. 3. Nav. Comment. 2 n. 14 Pal. t. 3 tr. 16 D. 3 p. 7 n. 2. Sanch. l. c. n. 5. Salm. tr. 12 c. 2 n. 200* qui dicunt, hanc esse receptam sententiam, et *Felix Potest. de 1 Præc. n. 1082* ait esse communem cum *S. Anton. Suar. etc. ac B. Umberto c. 18 in Reg. S. Aug. et B. Jordano l. 3 de Vitius Fratrum c. 13.* Ratio, quia hoc neque est contra jus naturale, cum, licet id adversetur fini paupertatis, non tamen est contra paupertatis votum, quod solum Religiosos obligat, ne rebus ut propriis utantur: neque est contra jus positivum, cum ex ipso potius contrarium appareat; nam in *c. fin. Insinare, qui Clerici vel voventes*, approbatur professio facta sub conditione vivendi in propria domo, ibique retinendi administrationem bonorum in sui sustentationem. Ex quo inferitur, retentionem peculii non esse contra votum paupertatis, neque contra statum religiosum. Nec obstat textus oppositus in *d. cap. Monachi*; etenim, ne dicantur Canones sibi contradicere, probabiliter ait *P. Milante* in suo libro (cui titulus *Vindiciæ Regul. p. 120.*), nomine peculii ibi intelligi appropriationem fundorum, quam tunc temporis Monachi ex massa communi abdicaverant, ut probat ex Petro Blessensi, et Thomassino; idque solum velitum fuisse ostendit à Conc. Lateranensi.

Sed majus dubium est, an peculia sint vetita jure novo? *Prima* sententia affirmat, et hanc tenent *Pal. d. Disp. 3 p. 7 n. 5. Suar. t. 3 de Relig. tr. 8 c. 14 n. 8. Pont. q. 9. Scholast. c. 4. Laym. l. 4 tr. 5 c. 7 n. 13.*

*Holzmann, t. 1 de præc. partic. p. 485 n. 616 et Salm. n. 202 cum Vasq. Valent. etc. Idem enixe tuetur P. Conc. in duo Opusculis (de Disciplina Apostolica, Monastica Diss. Theol.), ubi eruditè, quidem loquitur, sed plura quàm par est invehit contra Religiosos, quodcumque minimum peculium habentes; hos enim vocat (ut refert P. Carratinus p. 81 in alio libro contra Concinarum edito) filios iræ, filios perditionis, infames violatores paupertatis; ac perinde dicit, eos esse in æternæ damnationis periculo, et superiores gravissimi peccati reos esse; nisi studeant vitam communem, ubi eolapsum est, restaurare, nec posse Regulares in his Conventibus bonâ conscientia manere, ubi non viget vita communis, sed transire debere ad Monasteria vitam communem observantia, sive proprii, sive alterius Ordinis, si aditus pateat; item juvenes Religionem ingredienti, ubi vita communis obsolevit, se exponere periculo æternæ salutis: graviter peccare Superiores eos acceptantes, et illos, qui consilio aut favore illos inducunt ad ingrediendum, uti etiam parentes filios ab ingressu pro viribus non avertentes; quia (ut ait), ubi vita communis sublata est, Religio non est Religio, nec status perfectionis, sed confusionis et damnationis. Ità doctus præfatus Auctor, sed nimis severus Iudex. At veniamus ad questionem; hæc prima sententia probatur ex Decreto. Trid. Sess. 25. c. 2 de Regul. ubi sic dicitur: *Nemini igitur Regularium tam virorum quàm mulierum liceat... bona immobilia, vel mobilia, cujuscumque qualitatis fuerint, etiam quovis modo ab eis acquisita, tamquam propria, aut etiam nomine Conventus possidere vel tenere, sed statim ea superiori tradantur Conventuique incorporentur. Nec deinceps liceat superioribus bona stabilia alicui Regulari concedere, etiam ad usumfructum, vel usum, administrationem, aut commendam. Administratio autem bonorum Monasteriorum seu Conventuum ad solos officiales eorundem, ad nutum Superioris amovibiles, pertineat. Mobilium verò usum ità Superiores permittant, ut eorum suppellex statui paupertatis, quam professi sunt, conveniat; nihilque**

*superflui in ea sit; nihil etiam, quod sit necessarium; eis degenetur. Quod si quis aliter quidquam tenere prehensus, aut convictus fuerit, is biennio activè, et passivè voce privatus sit, atque etiam juxta suæ Regulae et Ordinis Constitutiones puniatur.*

— *Secunda verò sententia, quam tenent Nav. Comment. 2. n. 15. Sa v. Religio. n. 48. Sanch. l. c. n. 11. Barbos. in c. l. Trid. Cabass. T. J. l. 1 c. 22 de Alexand. Confess. Manial. c. 4 §. 2 q. 1 et 4 cum Pelliz. Rodr. Peyria Vill. etc. et P. Milante cum aliis, dicit, Concilium nihil novè statuuisse, præterid, quod jure communi statutum erat. Præcipit quidem Concilium (ut ajunt), nullum Religiosum posse habere peculium cum dominio utili, ità ut illud sine licentia Prælati distrahere possit, vel saltèm nulli licere sine justa causa habere; sed non prohibuit, ut Superior ex justa causa possit usum peculii Religioso concedere dependentèr à suo arbitrio; sicut et usum aliarum rerum Monasterii ipsi concedere potest.*

His tamen non obstantibus, prima sententia probabilior videtur, spectatà Sanctione Concil. Ducor primò illis verbis. *Nemini liceat bona immobilia, vel mobilia.... etiam nomine Conventus possidere.* Ergò non licet qualecumque peculium tenère, nec etiam ex consensu Superioris; non enim aliter poterit Monachus dici bona habere nomine Conventus, nisi ea concedantur ipsi à Prælato, qui vices Conventus repræsentat. Quod autem dicitur, hoc intelligi *sine justa causa*, id omninò gratis videtur asserti; tantò magis, cum ibi subdatur, *bona statim superioribus tradantur, Conventuique incorporentur*; quod verbum *incorporentur* denotat bona illa fieri communia, et ad usum totius Conventus destinari. Item moveor verbis illis: *Administratio bonorum ad solos officiales pertineat; mobilium verò usum ità Superiores permittant, ut nihil, quod sit necessarium, eis denegetur.* Ergò, quoad stabilia, omnis administratio Religionis interdicatur: et quoad mobilia, tantùm *necessarium* (non verò quod ad delectum, licet honestum, deserviat) sta-

tuitur non denegari; quo verbo excluditur administratio etiã mobilium ad usus indeterminatos. Idque confirmatur ex To: *Ne deinceps liceat, etc.* quibus verbis videtur Concilium novum jus statuisse, unde *Laym. l. c. n. 13* infert: *Propositum (Concilii) fuisse, hujusmodi stabiles redditus, seu annuas pecuniarias portiones omninò interdicere.*

Ità respectu ad Decrètum Concilii; sed ratione consuetudinis, quæ hodiè ferè in omnibus Religionibus, saltèm non reformatis, introducta est, puto cum eisdem fautoribus *primæ* sententiæ, ut *Sanch. n. 11 et 14. Laym. n. 13. Less. n. 32. Pal. n. 6. Pontius l. c. Salm. n. 240. Item P. Milante p. 169 cum Nav. Barb. Suar. Az. Cab. Sylv. Wigandt. Beja, Luca, Redr. Mirandola. Cordub. de Alex. Lop. Conrad. Passer. Led. et Mastro* etc. rigorem Concilii hodiè temperatum esse, et licère singulis Religiosis ex consensu Superioris peculium habere, ut sibi provideant ad usus necessarios vel honestos; modò sint parati bona à se abdicare ad Superioris nutum, semper ac sibi sufficienter subveniatur; nam aliàs non tenerentur peculium dimittere, dicunt *Salm. cum Sanch. Less. etc. ll. cc.* Libet hic annotare responsum datum à Cardinali Bellarmino (ut refert *P. Milante in cit. l. p. 245*) qui cum rogatus fuisset à Cardinali Gesualdo Archiepiscopo Neapolitano, an Moniales, non obstante contrariâ consuetudine, tenerentur exactè vitam communem servare, sic respondit: *Si consuetudo inobservantiæ est legitimè præscripta, videntur posse excusari illæ; quæ Religionem sic relaxatam invenerunt; nam talis Religio sic relaxata, in qua tantùm servantur omnia substantialia, est vera et bona Religio; ergò potest eligi, et qui in ea vivunt sunt in statu perfectionis.* Præfatam autem administrationem peculii ad nutum Superioris, dicunt *Pal. Salm. Pontius, et Sanch.* licitam esse ratione consuetudinis, non solùm de bonis mobilibus; sed etiã de immobilibus. Idque videtur confirmatum ex quodam Brevi edito à Bened. XIII. an. 1724. incipiente, *Postulat humilitati nostræ; (ac in extensum*

relato ab eodem *P. Milante* p. 196.), in quo Pontifex, loquens de Religiosis promotis ad aliquam Dignitatem, præcipit; *ut omnia bona mobilia, seu immobilia, cujuscunque generis, quæ eos tempore suæ promotionis penes se, vel alios habere contigerit, exceptis dumtaxat scriptis propriis etc. Superiori locali resignare teneantur.* Ergò Pontifex, licet expressè hic non approbet, saltèm præsupponit tamquàm licitum peculium sive mobilium, sive immobilium, quod Religiosi penes se habent.

Hoc quòdàd peculium bonorum etiàm immobilium; sed quòdàd peculium mobilium, illud expressè approbatum habetur à Clem. VIII. qui (ut refert *P. Milante*) anno 1602. per suum Breve Cardinali Gesualdo declarandum injunxit (en verba Brevis,) *quod liceat Abbatissæ cujuslibet Monasterii, permittere Monialibus, ut unaquæque earum ex subventionibus, quæ eisdem Monialibus dantur, aliquid expendere possit, absque eo, quod per manus Officialium erogetur, et sinè onere aliam de eis rationem reddendi; summa autem hæc erit scuti unius qualibet mense pro minutis causis, etc.* Præcipit tamen ibidem Pontifex, *ut inposterum nequè ad habitum, nequè ad professionem aliqua recipiatur, nisi sub integra reformatione vitæ communis.* Sed, cùm rursus ab hoc ultimo Moniales reclamassent, idem Clemens aliud edidit Decretum, quo sic declaravit: *Moniales vero, quæ... inposterum admittentur in iis Monasteriis, in quibus subventiones retinentur, nullatenus invile cogantur ad vitam communem.* Ergò ex hoc Decreto Pontificis vita communis non pertinet ad essentialiam voti paupertatis, et peculia ex consuetudine ritè permittuntur. Idipsum confirmatur pro Religiosis ex alio Breve Innoc. XI. edito an. 1691. approbante Constitutiones Ordinis S. Mariæ de Mercede, jam prius approbatas à novem aliis Pontificibus; in iis autem Constitutionibus (*Dist. 3 c. de voto paupert.*) sic statutum erat: *Sancimus, ne quis Frutrum professorum aliquid proprium habeat, nequè pecunias, nequè vasa argentea etc. nequè illa expendat absque sui Prælati li-*

*centia... Attendant autem Fratres nostri, quod singulis annis semel omnia, quæ in usu retinent, Commendatoribus suis exponant, et realiter exhibeant, eorum dispositioni relinquendo, et specialem licentiam utendi eis accipiant à Prælato.* Ergò cum licentia benè poterant retinere, et expendere.

Cæterùm (ut proferam quid ego sentiam super hac re) licet præfatam secundam sententiam probabilem censeam, imò probabiliorem, ratione consuetudinis universaliter introductæ; attamen in praxi omnes Prælati tamquàm certum sibi persuadeant, quod, si usum peculii in Monasteria de novo introducant, vix nomen paupertatis ibi superfuturum sit; et ex hoc innumera mala communitati quòdā observantiam sint superventura. Quapropter, etiā si ipsi à peccato gravi excusari possint, usum peculii concedendo, respectu voti paupertatis; non tamen excusabuntur ob Regulæ relaxationem, cui hac concessione proculdubio operam dabunt.

Omnes autem conveniunt, quod in iis Conventibus; in quibus non observatur vita communis ob paupertatem, vel incenriam Superiorum subministrandi subditis necessaria, possint concedi peculia ad nutum Prælatorum. Ratio, quia Tridentinum tunc præcipit Religiosis vitam communem, cum à Conventu *Nihil* (eis), *quod sit necessarium, denegetur.* Ità *Potest Fagn. de Alexand. l. c.* communiter.

Hinc infertur I. cum *Pell. Val. Lop. et Potest n. 1078.* in dicto casu non peccare (saltèm graviter) Religiosum, qui peculium retinet, non in communi deposito; sed in sua cella cum licentia Prælati dependenter ab ejus arbitrio; quia tunc substantia paupertatis jam servatur.

Infertur II. non posse Regulares vitam communem recusare; si superiores illam erigere velint, ut *de Alex. c. 4 § 2. Q. 2. cum Saar. Less. Nav. et Potest n. 1087 cum communi.* Ratio, quia, licet vitam communem non servare non sit contrà votum paupertatis; est tamen contrà votum, vitam communem respicere; quia est habere bona independentè à voluntate Super-

riorum. Dicunt tamen *Less. et Peyr. cum de Alex. l. c. Q. 111* quod Religiosus non teneatur tradere peculium suum Prælato, qui velit illud in usum Monasterii convertere, nisi ei constet, quod Prælatus suis necessitatibus sufficienter aliundè provisorius sit.

Infertur III. quod, si Religioso relinquatur legatum cum conditione, ut illud possideat independentem ab arbitrio Superiorum, tunc certè peccaturus sit Religiosus contra votum paupertatis, si sic retineat; sed ligatum valebit in favorem Monasterii, quia illa conditio tamquam turpis rejicitur. Ità *de Alex. ib. Q. V. cum Graff. et aliis communiter.*

- 16 « 1. Non repugnat voto paupertatis, quod Religiosi  
 » habeant bona in communi, etià immobilia. \* (*Ex-  
 » trav. Ex iis de Verb. signif. et Trid. sess. 25 c. 3 de  
 » Regul. Vide Salm. tr. 12 c. 2 n. 164. Potest tamen  
 » Papa, justà urgente causâ dicta bona in aliud opus  
 » pium transferre. Salmant. d. n. 164 cum Pal. Lug. et  
 » Less.*)\*. Imò sinè consensu Papæ non possunt se  
 » obligare communitati, quòd ea numquàm sint ac-  
 » quisituri, quia præjudicarent immunitati ecclesi-  
 » asticæ. *C. Lug. Resp. mor. l. 3 d. 8.* Neque possunt  
 » fructus, seu redditus à donatore destinatos ad ea  
 » emenda applicare, ad usus alios, v. g. solvenda  
 » debita, etc. *ib. d. 10.*

- » 2. Non repugnat paupertati, si Religiosis detur  
 » villa, vel alius locus administrandus nomine Mo-  
 » nasterii, idque in Monasterii commodum. Imò nec  
 » repugnat, si detur in commodum, vel incommodum  
 » ipsiusmet Religiosi aliquod ecclesiasticum Benefi-  
 » cium. Quo casu competit ei administratio reddituum,  
 » quos ad sui sustentationem, piasque causas appli-  
 » care potest, juxtà Canonum concessionem: quod  
 » reliquum est, pertinet ad Ecclesiam, vel Beneficium,  
 » cui servit: ac consequenter donationes de redditibus  
 » Beneficii factæ ab eo in usus non pios invalidæ sunt,  
 » et contra justitiam, neque accipientes possunt tutâ  
 » conscientiâ retinere. *Suar. t. 4 de rel. l. 5. Mol.  
 » 267 etc. communiter.* Ratio est, quia non habet do-

» minium dictorum reddituum. *C. Lug. de just. t. 4*  
 » *d. 4. s. 1.* Nihilominus *Wading* apud *Dian. p. 8 t. 6*  
 » *R. 133* probabile censet, quod, etsi illicitæ, validæ  
 » tamen sint istæ donationes; idemque multo magis  
 » de donationibus Episcoporum regularium censet  
 » cum eodem *Dian. l. c. R. 132* et contra *Sanch.*  
 » *Suar. etc.* Ad Monasterium verò omnia alia pertinent,  
 » quæ aliundè, quàm ex Beneficio, acquiruntur, nisi  
 » ex consuetudine cedant Ecclesiæ. *Nap. Az. t. 1 l. 12*  
 » *c. 10 q. 6 et 7. Mol. Laym. l. c. V. Trid. sess. 25 c. 2*  
 » *de Regul.*

» 3. Non tantum jure antiquo, sed etiam post Tri-  
 » dentinum, probabile est, Religioso in Monasterio,  
 » vel juxta illud manenti annuatim assignari posse  
 » redditum, ut ex eo vivat suo commodo, et incom-  
 » modo, revocabiliter tamen ad nutum Prælati: si-  
 » militer Monialibus victum præberi posse, ita ut  
 » ipsæ sibi labore manuum vestes comparent. Ità con-  
 » trà *Azor. Less. et Mol. docent Sanch. l. 7 mor. c. 22.*  
 » *Tan. Laym. l. 4. c. 7.* Qui addit, talem consuetudi-  
 » nem, ubi viget, non damnandam: probat tamen  
 » tolli debere, si commodè possit, monetque, non  
 » sine urgentissima causa introducendam.

» 4. Peccat contra paupertatem Religiosus, si quid, 17  
 » seu domi, seu foris, etiam ex iis, quæ ad victum, et  
 » vestitum pertinent, sine Superioris consensu ex-  
 » presso, tacito, vel præsumptò, accipiat, retineat,  
 » absumat, permutet, alteri donet, vel accomodet.  
 » Ità *Less. l. 2 c. 41 d. 8 et d. 9 n. 79. Sanch. 7 mor.*  
 » *c. 19 n. 53 et c. 21 n. 32. Suar. t. 3 de rel. l. 8 c. 11.*  
 » *Laym. l. 4 t. 5 c. 7 Az. t. 3 l. 12 c. 12*

» Dixi, *sine consensu tacito*: quia, si Prælatus  
 » sciat, subditum aliquid accipere, retinere, vel  
 » expendere, et non prohibet, cum facile possit,  
 » tacitè consentire et approbare videtur. Undè *Sanch.*  
 » *6 mor. c. 19* ait, si in aliqua Religione consuetudò  
 » viget aliqua recipiendi, vel expendendi, sine licen-  
 » tia, id excusari per tacitam licentiam Prælati, qui  
 » id tolerando, consuetudinem rationabilem declarat.



» \* (*Salm. de Rest. c. 6 n. 25 cum Pal. Pell. Fag. Boss. etc.*) \* Etsi Prælati subdito donet, vel donari permittat imagines, rosaria, etc. sciens non indigere iis omnibus ad proprium usum, tacite facultatem concedere censetur donandi aliis, ut notat *Laym.* Monet tamen *Less.* talem consensum non præsumendum, nisi in rebus parvis, et crebro occurrentibus.

» Dixi 2. *vel præsumpta*; hic enim locum habet, cum res urget, superiorque non est præsens. Ad hunc autem, ut vult *Sanch. et Bon.* non sufficit, quod superior libenter sit concessurus, si peteres (alioquin omnes donationes à Prælati permitti solitæ licitæ essent sine venia: quod cederet in eversionem disciplinæ regularis), sed requiritur, ut ipse censetur concedere, quàmvis non petas, et nolit, in iis circumstantiis te petere. Addunt tamen *Suar. et Less.* excusari à mortali, si præsumatur affectus Superioris libenter rem concessuri, si rogaretur. Ratio est, quia tunc censetur rem habere ex voluntate Superioris saltè virtuali, quæ in illo affectu latet; idèoque, si Superior tantum sit invitatus quòad modum, venialiter quidem peccari; non tamen contra paupertatem, docent *Suar. Sanch. Laym l. 5 tr. 5. c. 7.*

18. Quæritur igitur, an liceat Religioso res alienare, vel accipere ex licentia præsumpta? Affirmant DD. communiter, si licentia præsumatur de præsentì, ex voluntate actuali vel virtuali Superioris. Imò *Iug. D. 3 n. 125 et Salm. tr. 13 de Rest. c. 6 n. 72* dicunt sufficere ad non peccandum, saltè graviter, contra votum paupertatis, ut Superior non habeat hic et nunc voluntatem omninò repugnantem quòad substantiam, licet sit invitatus quòad modum. Hinc inferitur, excusari saltè à mortali (ut ajunt *Less. l. 2. c. 41 n. 79 et Salm. n. 71 cum aliis communiter*) Religiosum, qui noverit, Superiorem ergà ipsum ità esse affectum, ut si hic sciret, libenter licentiam concederet, vel saltè non graviter repugnaret. Idem di-

eunt *Salm. ib. et Lugo n. 126*, si datio vel acceptio cederet in utilitatem Monasterii. Item, si Superior non possit facile adiri, et urgeat causa aliquid accipiendi, vel alienandi, ut *Contin. Tourn. t. 3 p. 81. Less. et Salm. ll. cc. ac Holz. t. 1 de Pr. Partic. p. 483 n. 603 cum communi*. Advertunt tamen *Elb. t. 2. p. 632 n. 664 et Lugo n. 128 cum Suar. et Sanch.* quod Religiosus post talem acceptionem teneatur, si commodè potest, rem Præfato manifestare, ut deindè licitè possit eam retinere. Idem ait *Elbel p. 631 n. 640* si Superior de facili soleat licentiam concedere pro quibusdam rebus, maximè exculentis, et poculentis; sed in Monasteriis benè ordinatis non solent passim tales licentiæ concedi, ut ait *Less. l. c.* nisi pro rebus minimis, et crebrò occurrentibus.

Hæc docent præfati AA. quandò agitur de licentia præsumpta de præsentì. Sed magna quæstio est, an peccet Religiosus contra votum paupertatis, quandò aliquid accipit, aut dat, ex licentia interpretativa, sive præsumpta de futuro, scilicet præsumendo, quod Superior annueret, si cogeretur? *Prima* sententia, quam tenent *Holz. p. 482 n. 599. Elb. p. 631 n. 639. Pal. tr. 16. D. 3 p. 23 n. 8 cum Nav. Azor. Suar. Val. et P. Nav. item Tolet. et Rosell. ap Sanch. Dec. l. 7. c. 19. n. 13. et Pelliz. Rodr. ac Bassæus apud Salm. de Rest. tr. 13 c. 6 n. 67*, negat talem Religiosum peccare, saltèm mortaliter. Hocque dicunt procedere. *Holz. Elbel, Sanch. et Pal. ll. cc. cum Suar. Nav. etc.* non solum si ille certè, sed etiàm si probabiliter crederet Superiorem licentiam concessurum; nisi (benè excipit *Sanch.*) in aliqua communitate observanti vigeat præceptum, ut licentiæ expressè petantur. Hanc sententiam docet etiàm *D. Th. 2. 2. q. 32 a 8 ad 1* ubi ait: *Si verò non habet dispensationem, (Religiosus à Præfato commissam), quia nihil proprium habet, tunc non potest facere eleemosynam sine licentiâ Abbatis, vel expressè habito, vel probabiliter præsumptâ*. Idemque tradit in *4. D. 15 q. 2. a 5 q. 4* ubi dicit: *Non esse proprietarium Religiosum, qui donat aliquid potens*

*spem in ratihabitione Prælati.* Ratio, quia, ad non peccandum contra votum paupertatis ea sufficit licentia, quæ efficit, ut acceptio non fiat nomine proprio, sed cum dependentia à voluntate Superioris. Idque confirmatur ex *l. 46. § 7. de Furto* (cujus verba retulimus *n. 700 v. Quæritur hic, ubi* dicitur non esse reus furti, qui aliquid accipit probabiliter credens, Dominum consensurum, si peteret. Sicut igitur talis accipiens ex præsumpto consensu Domini futuro non lædit justitiam; ita Religiosus non lædit votum paupertatis, quia accipiendo ex præsumpta ratihabitione Superioris, jam dependenter accipit.

*Secunda* verò sententia tenet, Religiosum accipientem, vel dantem ex tali licentia interpretativa, peccare contra votum, et hanc sequuntur *Sanch. Dec. l. 7 c. 19 n. 15. Less. lib. 2 c. 41 n. 79. Lug. D. 3 n. 124. Salm. de Rest. c. 6 n. 70 cum Bon. Vill. et García.* Ratio, quia aliud dicendum (ut ajunt,) quando licentia requiritur ad honestatem actûs, aliud, quando requiritur ad ejus valorem; quando enim licentia requiritur ad honestatem, sufficit licentia Superioris interpretativa, sive ratihabitione de futuro, quando verò consensus Superioris requiritur ad valorem actûs, tunc omnino requiritur voluntas Superioris actualis, vel saltèm virtualis, nec sufficit ejus voluntas præsumpta de futuro; sicut non sufficit, ut quis Confessiones excipiat, vel ut carnes comedat diebus vetitis, eò quod Superiores licentiam concederent, si ea peteretur. Nec officit paritas furti; respondet enim *Lugo n. 127* quod ibi bene sufficiat ad excusandum accipientem, ut rem accipiat non invito Domino; sed ad valorem actûs dandi vel accipiendi requiritur in Religioso licentia Superioris de præsentì, cum tales actus à Religioso exerciti non sint validi, nisi dependenter à Prælati voluntate.

Sed, his non obstantibus, probabilior mihi videtur prima sententia, et pace tantorum DD. hujus secundæ sententiæ, puto, eos non attingisse punctum quæstionis, in qua agitur non de valore, sed de honestate actionis, Confundunt enim adversarii valorem

actûs cum honestate illius ; nam ratio ipsorum probat quidem, actum Religiosi non esse validum , nisi postquam Prælatus illum ratum habuerit ; quia certum est ( ut diximus de *Cont.* 769. s. *Sed dubitatur* ), quod ad valorem contractuum non sufficiat voluntas interpretativa, sed requiratur voluntas contrahentium actualis , aut saltèm virtualis de præsenti : et ideò rectè dicitur Sacerdos non posse validè absolvere , nec alius edere carnes in diebus vetitis , nisi habeant concessionem Superiorum , saltèm præsumptam de præsenti , eò quod reverà nec Sacerdos validè absolvat sine jurisdictione de præsenti collatâ , nec alius licitè vescatur carnibus die vetito , nisi jam per dispensationem sit à lege absolutus. Non autem probat ratio allata, actum Religiosi accipientis ex licentia interpretativa esse illicitum , et contra votum paupertatis ; ad agendum enim contra votum requiritur , ut ipsi contrarii fatentur , quod Religiosus agat nomine proprio , et independentè à voluntate Superioris. Non autem agit nomine proprio , et independentè , qui accipit ex consensu Prælati prudentur interpretato , quia tunc verè cum dependentia agit.

Nec obstat 1. dicere , quod , cum actus sit invalidus, ideò sit illicitus ; prout Sacerdos ideò illicitè absolvit cum facultate Episcopi præsumpta de futuro , quia invalidè absolvit. Sed dispar est ratio casûs hujus à casu nostro ; nam ibi honestas actionis pendet ab ipsius validitate ; sed hîc honestas acceptionis non pendet ab ejus valore , sed pendet à non agendo nomine proprio et independentè , hoc solum enim lædit paupertatis votum ; et sic in nostro casu benè poterit esse licitus actus accipiendi hîc et nunc , cum fiat dependentè à consensu præsumpto Superioris , quàmvis hîc et nunc invalidus sit, et sit futurus, si Superior non annuet : sicut aliquis bonâ fide contrahens Matrimonium cum impedimento , licitè quidem contrahit , quàmvis invalidè. Nec obstat 2. dicere , quod , si nostra sententia in praxim deduceretur , locus daretur relaxationi ; vix enim esset casus , quo non posset subditus facilè præ-

sumere concessionem licentiæ, si peteret, saltèm à Prælatiſ majoribus, ſi inferior negaret. Sed reſpon-  
detur primò advertendum in hujusmodi acceptioni-  
bus ex licentiâ præſumptâ, ut plurimùm accipientes  
non excuſari à culpa veniali, cum Prælati plerumque  
ſint inviti quòad modum, ſi non ad ſubſtantiam. Præ-  
tereà advertendum, hujusmodi licentiâs non eſſe facilè  
præſumendas, niſi habeatur certitudo, vel ſaltèm  
certa probabilitas de ipſarum conſeſſione, dum rectè  
notat *Tourn. t. 3 p. 81*, in illis ſummopere cavendum,  
ne præſumantur quæ præſumi non debent; imò nec  
ſemper, quæ ſub oculis Prælati fiunt, ab eo tacitè ap-  
probata eſſe cenſenda; plerumque enim Superiores  
ægrè coguntur plura tolerare, quæ vident fieri contra  
ſuam voluntatem. Prætereà licentiæ, quæ à Prælatiſ  
inferioribus negantur, vix præſumi poſſunt concedi  
à majoribus, dum ipſi, ad juſtum regimen ſervandum  
communitatis, vix concedunt quæ ab inferioribus de-  
negantur. Ideò ipſi in talibus licentiis præſumendi  
ſunt inviti etiàm quòad ſubſtantiam; nam, ſi res ſint  
parvi momenti, cum Prælati majores non ſe ingerant  
hujusmodi levioribus cauſis, non adest prudens præ-  
ſumptio de ipſarum conſeſſione; ſi autem res ſint  
magni momenti, quòad eas (ut ait *Holzm. n. 602.*)  
non ſuffragatur licentiâ præſumptâ, aliàs daretur  
anſa ad res etiàm majoris momenti ſine expreſſa li-  
centiâ accipiendas et retinendas, quod cederet in  
grave detrimentum religioſæ paupertatis.

- 19 « 5. Contra votum paupertatis peccas, ſi quid ex  
» rebus in uſum tuum conſeſſis, in alium uſum ex-  
» pendas, aut culpabiliter amittas, vel deſtruas latè  
» culpa. Ratio eſt: quia in iſis tantùm habes uſum  
» facti, idque precario, quamdiù Superiori videbitur;  
» eſtque actus dominii, poſſe rem arbitrato ſuo de-  
» trahere. *Sánchez. c. 19. Laym. n. 6. Leſſ. n. 79.* »

- 20 Notandum I. Quod Religioſus, licet non poſſit dona-  
re, nec remittere ſibi debita, ex communi cum *Saln. tr.*  
*18 de Reſt. c. 6 n. 21* nec renunciare legata ſibi relictis  
ſive mercedis ſuis laboribus debitas, quia horum juſ

immediate Monasterium acquirit , ut dicunt *Sanch. l. 7 c. 12 a. n. 55 et de Alex. c. 4 § 2. Qu. 7* possit tamen Religiosus non acceptare munera ; nam votum paupertatis obligat ad non alienandum acquisita , non verò ad acquirendum quæ nondum acquisivit. Ità *Sanch. Dec. c. 19 n. 75. Salm. ib. n. 23 cum Lugo, et Pell.* Hinc volentem dare centum tibi Religioso , bene potes rogare , ut det tuo consanguineo , vel amico ; *Salm. ib. cum Lugo. Trul. Sanch. etc. et Tour. t. 3 p. 80 n. 10* qui addit , Religiosum nolentem sine justa causa acceptare , quod sibi offertur , peccare contra charitatem , impendiendo bonum suæ Religionis , non verò contra iustitiam.

Notandum II. Quod Religiosus sine licentia possit <sup>21</sup> facere donationes remuneratorias ex bonis sibi concessis ad usum , quia tales donationes sunt quasi debiti solutiones , *Salm. l. c. n. 24 cum Rod. et Vill.* Imò potest plus donare , quàm accepit , usque ad excessum quartæ partis , ut *Salm. ib.* quia postulat gratitudo , ut semper plus reddatur , quàm sit acceptum , prout dicunt *Sanch., Bard. Nav. Dian. etc. ex S. Ph.* apud *Salm. d. c. 6 n. 92.*

Notandum III. Licet Religiosus non possit testari <sup>22</sup> ullo modo , ut est commune cum *de Alex. Conf. Mon. c. 4 § 1 q. 2* si tamen petat licentiam donandi aliquid post suam mortem , et Prælatum id promittat se executurum , dicit *de Alex. § 3 q. 11* tunc teneri Prælatum stare promissis. Sicuti , si dominus aliquid promittit servo , tenetur servare , ut docent *Less. et Mol. cum Sanch. l. 7 c. 9 n. 13.*

Quæritur hic 1. an Religiosus possit sine licentia <sup>23</sup> donare , quæ parcius vivendo sibi subtrahit ex rebus sibi concessis ad usum ? Affirmant *Val. Rodr. Arad. Sylo. Dian. etc.* apud *Salm. d. c. 6 n. 26.* At , licet id probabile putent *Salm.* modò sit de rebus , quæ usu consumuntur , cum in iis usus et dominium minime distinguantur , probabilius tamen respondendum esse dicunt , quod , si Religioso ad suam sustentationem certa quantitas ita assignetur , ut nec Monasterium

teneatur aliud ei præstare, nec ipse rationem reddere; tunc sive is intra claustra commoretur, sive extra, quidquid sibi de illa portione subtraxerit, poterit ad suum beneplacitum erogare, modò eroget ad honestum usum. Secùs verò, si nulla certa quantitas ei assignetur, sed omnia necessaria à Monasterio subministrentur; quia tunc non præsumitur, sicut in primo casu, Prælatus licentiam concedere. Ità *Sanch. Dec. l. 7 c. 19 n. 100 et 101. Salm. l. c. cum Abul. Pal. Garcia, Mol. Vill. ac Holzm. n. 615 cum aliis communiter.*

Ab auctoribus autem communiter permittitur Religiosis, qui cum debita licentia vivunt extra Conventum, ut eleemosynas moderatè faciant ex iis, quæ à Monasterio, vel ab aliis eis subministrantur ad victum. Item permittitur Religiosis, ut elargiant, cui velint, suas pitantias, quæ limitatè eis præbentur, ut ova, carnes, etc. ità *Sylv. S. Anton. Arag. etc. cum de Alex. c. 4 § 4 q. 5* nisi Superior expressè id vetaverit. Præterea, permittitur eis succurrere pauperi magnà paupertate laboranti ex bonis Monasterii, quandò aditus ad Superiorem non patet: item permittitur, ut leves donationes faciant amicis, et consanguineis in signum gratitudinis, vel debitæ amicitiae, vel ad conciliandum aliorum amorem ergà Religionem. Ità *Salm. n. 31 et Croix l. 4 n. 123 cum Suar. et Pal. Permittit etià Bordon. de Paup. Rel. c. 20 n. 32.* Religiosis, ut dent aliquid esculenti vel poculenti pauperibus, quia in his Prælatus præsumitur consentiens.

Quæritur 2. quænam quantitas requiratur, ut Religiosus eam expendens sinè licentia peccet graviter? *Ex Navar. Azor. Graff. etc. Pal. tract. 16 D. 3 p. 20 num. 3. Sanch. lib. 7 cap. 20 num. 3.* assignant pro materia gravi quatuor argenteos. Plus verò Conventibus pinguibus; et adhuc plus, si res non sit ex pecuniis, sed ex vestibus, libris, et similibus. *C. de Lug. de Justitia. D. 3 numer. 173* pro Conventibus mediocriter opulenti assignat 7 vel 8 argenteos, si accipiantur à Religioso ex destinatis ad suum usum; et

plus, si res surripiatur ad usum proprium, et remaneat in Communitate. Si verò res surripiatur ex rebus communibus Monasterii, et detur extraneis, putat, sex argenteos esse materiam gravem. Plus tamen requirunt *Ledesma*, et *Cenedo apud eundem Lugo n. 170*; nam censent, non esse mortale accipere 8 vel 9 argenteos ex rebus, quæ usu non consumuntur; modo id non plus quam semel aut bis fiat in anno. Alii, ut *Sot. et Rodr. ap. Salm. d. n. 47* (et *Arag.* putat probabile) dicunt, requiri ad materiam gravem duos aureos. Alii demùm, quoad gravitatem materiæ putant, ut *Rebell. Fagund. etc. ap. Croix l. 4. n. 133*, idem dicendum esse de furtis Religiosorum, quod dicitur de furtis filiorum. juxta dicta de 7. *Præc. n. 543*. Et consentiunt *Holzner, n. 595 ac Elbel p. 633 n. 646 cum Henno. et alijs*, dicentes, quod Religiosi furantes materiam communiter gravem, nisi furtum redundet in grave damnum monasterii, sint peccaturi quidem contrà votum paupertatis, sed non contrà justitiam; undè non erunt obstricti ad restitutionem. Sed probabilius id negandum, scilicet requiri in Religiosis ad peccandum graviter, ut eam surripiant quantitatem, quæ requiritur in filiis; ità *Lug. d. 3. n. 172 et Sanch. Dec. l. 7. c. 20 n. 3*. Ratio, tum quia filii censentur quasi in spe domini bonorum parentum, non autem sic Religiosi, qui non possunt Monasterio succedere; tum quia parentes in furtis filiorum sunt inviti respectu ad detrimentum temporale, sed Prælati in furtis Religiosorum sunt inviti etiàm respectu ad eorum detrimentum spirituale, undè facilius præsumuntur inviti Prælati quoad furta Religiosorum, quàm parentes quoad furta filiorum; tantò magis, quia filii benè sunt capaces possidendi, non autem Religiosi, qui voto paupertatis obstringuntur.

Cum autem donatur res Religioso ejusdem Conventus, certè plus requiritur, ut censent *Salm. n. 47 cum Suar.* Hinc dicit *ib. Coriolanus*. quod ex rebus ad usum concessis donatio et regalium tunc non esset materia gravis; *Ledesma* extendit ad viginti argenteos:



imò *Eug. Sanch. Pell. Rodr. et Anton. à Sp. S.* apud *Salm. l. c.* ajunt, quod, si res non sit pecunia, nec etiam valor 5 aureorum, tunc non sit futura gravis materia. Si verò accipiatur aliquid ab extraneis ad aliis præstandum; adhuc plus requiritur; tunc enim *Garcia cum Pal. Leand. Dian. etc.* apud *Salm. n. 47* assignant pro materia gravi valorem majorem 60 argenteis. Regulariter autem non peccat graviter Religiosus clam accipiens, ex. gr. librum ad usum temporalem, etiam diuturnum, sed non in perpetuum; quia tunc Prælati non censetur invitus quodad substantiam, sed tantum quodad modum. Ità *Salm. n. 49* cum *Suar. Az. Pell. Vill. etc.*

25 Quær. 3 an Religiosus res paulatim accipiens sine licentia peccet graviter, si furtula ad magnam quantitatem perveniant, et teneatur ad restitutionem? Negant *Nav. Tol. Fill. Gran. Rod. Dian. etc.* atque probabile vocat *Pelliz.* consentitque in aliquo *Lugo*, judicans, raro contingere, quod Religiosus, modica accipiendo sine animo perveniendi ad magna, graviter peccet, quia Prælati contra talem nunquam graviter offenduntur. Attamen verius affirmant *Salm. de Rest. c. 5 n. 53.* cum *Sanch. Bon. Vill. Garc. etc.* quamvis majorem requirant quantitatem pro materia gravi. Benè tamen admittunt *n. 52.* cum aliis, hæc furtula non coalescere, si inter ea intercedat magna interpolatio; hæc autem, ut magna reputetur, *Sanch.* requirit spatium anni; sed *Salm. d. n. 55. in fine.* cum *Fill. Dian. Garc. et Ant. à Sp. S.* putant, sufficere spatium mensis. Vide dicta de Furto *n. 530.* Admittunt item *Salm. n. 58.* cum *Sanch. Pal. Bon. Lug. Pell. etc.* non esse mortale surripere comestibilia per plures vices, etiamsi perveniant ad magnam quantitatem (modò à Religioso non reserventur, ut *Salm. n. 57.* Et modò damnificatio Conventus non sit nimia, et in re extraordinaria, et pretiosiore, ut notat de *Alex. c. 4 §. 1 q. 5.* cum *Suar.*) Ratio, quia præsumitur tunc adesse tacita licentia Prælatorum.

26 Quær. 4 an Religiosus impotens ad restituendum

aliquod debitum suo Monasterio, teneatur ex sibi datis ad usum? Affirmant *Lug. Bon. etc.* Negat verò *Pell. Fag. Leone, etc.* Et probabile putant *Salm. n. 236.* quia minimè præsumitur velle Prælati obligare subditum cum tanto incommodo; et verè est probabile, si res datæ sint ad usum necessariæ.

Quær. 5. an peccet Religiosus, si ad mutuum det sine licentia res sibi ad usum concessas? Affirma, sed non graviter, si tutus sit de restitutione, ut tenent *Laym. Sanch. Peyr.* quos suprà sequitur *Dian. R. 14. et de Alex. c. 4 §. 1 q. 9.*

» 6. Item peccas, si quid abscondas, ut illud liberæ dispositioni Superioris subducas. Nec Procuratores, Œconomi, Administratores, Prælati inferiores quidquam possunt expendere, contrà quàm regula Ordinis, voluntas Superiorum, vel consuetudo postulat. Ratio est, quia non sunt domini bonorum communium, sed tantùm administratores *Laym. n. 8, ex S. Thom.*

» 7. Si Prælati permittat subdito, ut bona, ex quacumque causa, aut titulo provenientia, in usus vanos, turpes, aut illicitos expendat, aut superflua, pretiosa, et statum suum dedecentia penes se habeat, peccat et Prælati, et subditi contrà votum paupertatis; estque talis donatio, seu alienatio irrita, et restitutioni obnoxia. *Nav. Sylv. Val. Mol. t. 2 d. 276. Azor. Less. d. 9. Sanch. Laym.* Quia Prælati non potest dare veniam majorem, quàm ipse habet: ipse autem, cum non sit dominus, non potest bona suo arbitrio, et inutiliter expendere, sed tantùm in Religionis necessitatem, et utilitatem. V. *C. Lug. de just. d. 3 s. 7 n. 11.*

Super hoc puncto I. Quæstio est, an licentia, à Prælato data Religioso expendendi aliquid expressè ad usus illicitos, de se invalida sit? Affirmant cum *Bus. hinc Nav. Pal. Sanch.* apud *Croix l. 4 n. 114.* et hoc absolute tenent *Salm. de Rest. c. 6 n. 82.* cum communi, ut asserunt. Ratio, quia Prælati non est dominus, sed simplex administrator bonorum Monasterii. Rectè

tamen concedunt *Salm. n. 83. cum Pal Suar. Az. etc.* validam esse licentiam datam retinendi superflua sine notabili excessu; quia aliter res magnis scrupulis esset obnoxia. At contra *Lugo de Just. D. 3 n. 137. cum Less. Az. Tab. et S. Ant. Sylv. Turrecr. Fab. etc.* apud *Croix l. c.* tenent, licentiam esse validam, quamvis illicitam: si enim, inquit isti, Superior licentiam daret ad emenda superflua, quis dicet, emptionem esse invalidam? idem censent *Elb. n. 666. et Hol. n. 604. cum Ills.* dicentes, Religiosum, qui habet superflua ex licentia, peccare quidem contra paupertatem, cum votum paupertatis obliget non solum ad accipiendum cum licentia; sed etiam ad non habendum superflua; sed non peccare contra justitiam, nec esse proprietarium, quando habet cum licentia, quæ nullo jure habetur esse invalida, nisi vertat in grave damnum Monasterii. Hanc sententiam non audeo omnino reprobare propter Auctoritatem tantorum DD. Sed prima sententia mihi omnino arridet; nam ut ajunt *Less. l. 2 c. 41 n. 79. Salm. n. 85. Ronc. Cons. 25 n. 4. et alii plurimi*, Superior non est dominus, nec aliam habet facultatem super bona Monasterii, nisi eam, quam Canones, et Religio ei concedunt: Sed non potest dici concedere ipsi facultatem dandi licentiam ad usus illicitos vel superfluos, neque sacros Canones, cum ex iis contrarium eruatur, ut habetur ex *Clement. f. de Statu Monach.* ubi expressè prohibentur omnia superflua; neque Religionem, quæ numquam censetur id concedere in exitium spirituale suorum filiorum.

31 II. Quæstio est, an, cum Prælati det licentiam generalem Religioso ad expendendam aliquam summam ad suum libitum, si iste illam erogat in usus turpes, aut reos, peccet contra votum paupertatis, et teneatur ad restitutionem tam ipse, quam accipiens? *Prima sententia* affirmat. Ratio, quia neque superior intendit tunc licentiam dare ad usus illicitos, neque ipse superior posset hanc licentiam concedere, cum is sit merus administrator. Ità *Sylv. Pal. Mol. Sanch. etc.* apud *Croix l. 4 n. 143.* Et hanc probabiliorem putant *Salm. de Rest. c. 6 n. 85. et Lugo* vocat communem *D. 3 n. 142.*

Juxtà hanc sententiam, dicunt *Sanch. Pell. Mol. Reb. etc.* cum *Salm. ib. n. 106.* quòd ille, qui malè accipit rem à Religioso, jam benè satisfaciat, si ipse Religioso rem restituat, quia ponit rem in eodem statu, in quo eam invénit: modò ipse (excipiunt *Salm. ib. cum cit. DD.*) non timeat, ne Religiosus re illà abutetur.

*Secunda* tamen sententia contradicit, et hanc tenent de *Alex. Conf. Mon. c. 4 §. 4 Q. 9.* cum *Bord. Suar. Bann. Lopez, Hurt. Med. Pelliz. Reb. Salas, etc.* apud *Salm. n. 84.* probabilemque hanc vocant *Lugo D. 3 n. 137. Dian. Sayr. Mach. etc.* et huic adhæret *Croix l. c.* dicens, non obstare, quòd superior non sit dominus; nam respondet cum *Reb.* saltèm Monasterium esse dominum, ut possit disponere de bonis suis ad omnes usus: et sæpè præsumi Monasterium consentire, quòd subditi expendant in quibusvis usibus et maluerint id, quòd generaliter est eis concessum ad expendendum, ne periclitetur fama subditi, aut Superioris, ut dicit *Reb.* Deindè dicit *Lug.* quòd, licet superior sit simplex administrator, nullo jure tamen sciatur ejus potestatem esse restrictam ad solos usus licitos concedendos. Et, ut dicunt *Bann. Lop. Reb. et Salas ap. Lug. n. 142.* (et hoc ipse non putat improbabile) non est censendum, quòd Superior, dans licentiam, eam limitet tantum ad usus licitos; quia ipse, dando licentiam generalem, vult et potest tollere impedimentum, quòd subditus habet ex licentiæ defectu ad expendendum. Pari modo acsi Pontifex dispenset cum consanguineis ad Matrimonium, non solum dispensat ad actum conjugii, sed tollit malitiam incestus, etiàm quòd ad copulam illicitam, (ut tenent *Lug. n. 133. et Sanch. de Matr. l. 7 D. 67 n. 8 cum Met. Gutt. Manuel, Led. Lamas, etc.* modò Episcopus, cui commissa est Dispensatio, jam dispensarit, ut verius dicit *Sanc. numer. 9. contra Major. et Gall. ap. Croix*). Item, si Papa dispenset ad carnes in Quadragesima cum aliquo, si iste comedit carnes nocivas, peccabit utiquè ex intemperantia, sed non contra præceptum jejunii, quòd per dispensationem jam subla-

tum est. ( Sed quoad hîc obstat Decretum Clementis XI. relatum in *tract. de Jępunię n. 1015. v. Quæritur hîc* ). Ità loquitur *Eug. n. 133. cum aliis, ut suprâ*. Sed, his non obstantibus, quàmvis hanc sententiam non audeam reprobare, primam amplector: cùm non satis mihi probetur, quod superior hanc facultatem habeat dandi licentiam, nequè specialem, nequè generalem ad usus illicitos, prout dixi mox in *I. Quæst. n. 30*. Aut quod Monasterium in hujusmodi licentias consentiat in tantum detrimentum animarum suorum subditorum.

Concedunt verò *Salm. n. 86 cum Pal. et aliis*, excusari à restitutione eum, qui pro usu turpi rem accipit à Religioso, quandò honor Religionis, vel Religiosi aliàs periclitaretur; aut si, v. g. cum mulier ob turpem causam aliquid accepit à Religioso, iste mutet animum, et intendat donare gratis, quia mulier est pauper, vel ne damnum in fama patiatur; tunc enim jam in usum honestum impenderet. Et hinc, quandò mulier talem consensum Religiosi rationabiliter præsumere potest, saltèm ex hoc capite facilè excusabitur. Ità *Salm. l. c.*

32 III. Quæstio est, an possit superior licentiam subito præbère, ut aliquam summam ludo exponat? Certum est, quòd possit, si summa sit modica; in quo casu subditus potest uti licentiâ etiàm tacitâ, sive præsumptâ. *Less. Mol. Azor. etc. cum Salm. de Rest. c. 6 n. 94*. Quoad quantitatem autem, alii dicunt posse Religiosum exponere quantum posset liberaliter donare; alii dicunt 4 vel 5 aureos pro centum quotannis ad usum sibi concessis. Ludus autem debet esse licitus, non illicitus, prout est ludus alearum, taxillorum, et omnes ludi merè fortuiti, ex *Trid. sess. 22 c. 1*. Cæterum in aliqua Religione permittitur ex consuetudine, ut ludatur ob modicam summam chartis lusoriis, ut *Salm. n. 95 cum Peyr. Dic. etc. V. dicta de Ludo n. 873*.

Dubium est, an possit Superior validè dare licentiam particularem exponendi ludo magnam summam? Affirmant *Less. l. 2 c. 26 n. 36 cum Hurt. Salas, et*

*Amic.* apud *Salm. l. c. n. 96* quia quaecumque licentia ad ineundum contractum, per se quidem justum, de se valida est. Sed negant verius *Salm.* ibi cum *Sanch. Led. Dic. Vill.* quia, ut dicunt, simplex administrator, qualis est Superior Conventus, non potest licentiam concedere tales ineundi contractus proprios tantum Dominorum, qui pro suo arbitrio res suas prodigere possunt. Quid vero dicendum, si licentia sit generaliter data? Hæc quæstio comprehenditur sub quæstione II. ut supra jam allata, quam relegere potest. An verò Religiosus possit ludo plus lucrari, quam perdere; vide dicta *n. 874.*

IV. Quæstio est, an licentia petita, sed indebitè <sup>33</sup> negata, excuset à transgressione voti paupertatis? Resp. non excusare, nisi periculum gravis damni sit in mora: tunc enim præsumitur adesse consensus Superioris majoris; et, si iste tunc etiã licentiam neget, potest aliquandò prudenter judicari, legem, sive votum in tanto discrimine non obligare. Itã probabiliter *Pal. D. 3 p. 23 n. 10. Holzm. p. 484 n. 610 cum cummuni, ac de Alex. c. 4 § 3 q. 6.* Et hoc benè congruit doctrinæ *D. Th. 1 2 q. 96 a. 6 in fin.* qui loquens de lege ait: (Si verò sit subitum periculum, non patiens tantam moram, ut ad superiorem recurri possit, ipsa necessitas dispensationem habet annexam, quia necessitas non subditur legi.) Idem dicendum de voto, quod est quædam lex particularis, et cuius obligatio non urget, tali periculo imminente. Sed notat *Holzm. cum Pal.* quod licentia negata tum excuset; cum sit debita tam ex parte Religiosi, quàm Prælati, non autem, si solum ex parte Prælati, itã ut subditus non habeat jus ad concessionem licentiæ.

V. Quæstio est, an valeat Religiosus ex licentia <sup>34</sup> dare aliquid alicui, quod si scivisset Superior, licentiam non concessisset? Respondent *Mol. Disp. 209 et Alex. ib. q. 7* tunc videndum, in quam dispositione sit Superior; nam, si præsumitur, quod ipse licentiam omninò revocaret, tunc licentia non valet; secus autem dicendum, si præsumatur Prælatus non velle

revocare, licet ab initio licentiam negasset, si rem scivisset. In dubio autem præsumitur pro validitate actûs, id est licentiæ datæ; intellige, si non possit Superior adiri.

- 35 VI. Quæstio est, an votum paupertatis possit per consuetudinem abrogari? Negant communiter DD. quoad substantiam, affirmant verò quoad modum. Talis autem consuetudo juxta præsumitur, quando ipsa passim practicatur à Religiosis etiã timoratis, et scientibus, ac non contradicentibus Prælati; cùm facile contradicere possint. Ità de *Alexand. c. 4. § 1 q. 16.*

- 36 VII. Quæstio est circà Moniales, an Abbatisa habeat bonorum sui Monasterii administrationem? Resp. Habet quidem, si non obest Regula, aut consuetudo. Cæterum non potest concedere licentiam donationes immoderatas faciendi, ut *Alex. c. 11. § 1 q. 11 cum Sanch.* Sed benè ipsa potest elargiri in eleemosynas bona superflua, etiã sine consensu aliarum; potest, sed non tenetur superflua in eleemosynas dispensare, si ea applicet in augendo Ecclesiam, vel habitationem, vel redditus Monasterii, ut Monasterium plures Moniales alere possit, vel ut melius servetur vita communis, prout tenet *Alex. l. c. q. 23.* contrà alios. Superior autem in dispensando bona suis subditis debet respicere necessitatem, non dignitates personarum, nequè proprium commodum, ut *Peyr. cum Alexand. q. 13.*

Potest Abbatisa in rebus modicis contractus per se inire, sed in gravioribus requiritur consensus Capituli, ex *c. Ea noscitur. De his, quæ fiunt à Præl.* Præsertim si recipiantur pecuniæ ad mutuum, quæ postea non applicentur in utilitatem Monasterii; aliter enim Monasterium non remanet obligatum, ut *Tap. Bard. Alex. c. 11 §. 1 q. 16.* Interveniente tamen consensu Abbatisæ, et Capituli, saltèm quoad majorem partem Vocalium, Monasterium debet stare contractui, ex *c. 2 de Ordin. cogn.* An autem valeat remissio debiti, aut repunctiatio legati facta ab Abbatisa, et Capitulo?

Affirmant probabiliter, justâ causâ intercedente, *Sanch. Lug. etc.* apud *Alex.* Sed non minùs probabiliter ipse *Alex. c. 11 § 1 q. 17* cum *Bon. Mol. etc.* negant, quia non possunt Moniales lædere Monasterium, quod jam acquisivit jus ad rem. Et ideo dicunt, non posse Abbatissam, et Capitulum alienare bona immobilia Monasterii (sivè mobilia pretiosa, quæ servati possunt); nequè ea locare ultra triennium: nequè transigere super bonis jam Monasterio incorporatis, nisi res sit litigiosa, vel præjudicialis: nequè illa oppignorare, nisi urgeat necessitas, et non sit tempus adeundi S. Congregationem: nequè super iis imponere censum, sivè hypothecam: *Alex. c. 11 § 1 q. 14* cum *Nov. Quart. et aliis.* Nequè recipere pecunias ad cambium cum solutione lucri cessantis, ex Decr. S. C. *ib.* Neque alienare greges, vel boves ad culturam agrorum Monasterii necessarios, benè verò fructus gregum. *Alex. Suar. ib.*

Excipitur tamen, si res non excedat valorem 25 scutorum monetæ Romanæ, et alienatio sit in evidentem utilitatem Monasterii; vel si res sit Monasterio inutilis. Vide alia apud *Alex. c. 11 § 1 q. 18 et 19.*

Potest etiâ Abbatissa instituere Beneficia et Capellanas conferre, quoad titulum tantum, et possessionem; non autem quoad potestatem ecclesiasticam, ut *Gonz. Felin. etc.* cum *Alex. c. 11 § 1 q. 8.* Ità etiâ, licet non possit ipsa Clericos suos suspendere, potest tamen ab eis auferre titulum, et possessionem Beneficiorum; quia ablatione positâ, censetur Papa auferre etiâ jus spirituale. Ità *Alex.* cum *Pasq.* Potest etiâ Abbatissa ex justa causa amovère Capellanum, adhuc invito patrono. Vide *Alex. ib.*

- Resp. 2. Religiosus voto castitatis obligatur, ut 37
- » abstineat ab omni voluntaria delectatione venerea,
- » interna, et externa: proindèque, si quis contrâ castitatem peccet, duo peccata admittit, luxuriæ, et
- » sacrilegii. *Less. et Laym. c. 7.* \* (Et probabilissimè
- » peccat etiâ contrâ bonum commune, si periculum
- » sit, quod per suum peccatum Religio infametur. *Salm.*
- » de Statu Relig. c. 6 n. 26 cmm *Pell. Dian. etc.*)\* »



Ad maiorem autem tutelam castitatis introducta est clausura, non solum Monialium, sed etiam Religiosorum, qui non possunt è Monasterio egredi sine licentia Superioris. Ità ex Constit. Clem. VIII quæ incipit *Nullus etc.* (apud *Cherub. in suo Bull. n. 60.*) ubi sic habetur: *Nullus è Conventu egredi audeat, nisi ex causa, et cum socio, licentiâque singulis vicibus impetratâ à Superiore: qui non aliter eam concedat, nisi causâ probatâ, sociumque exituro adjungat, non petentis rogatu, sed arbitrio suo, nequè eundem sæpius; Licentiæ verò generales exeundi nulli concedantur.* Sed hîc quæritur, quale peccatum sit egredi sine licentia? Communiter DD. ut ait *Spor. 1. 3 p. 100 n. 158 cum Pelliz. Lazana, etc.* dicunt, ex genere suo id esse mortale, quia consuetudo omnium Religionum fert, ut tales egressus tamquam graves culpæ semper puniantur. Censent tamen rationabiliter *Anacl. tit. 35 de Statu Monach. n. 69 et Spor. l. c. cum Nav. Bard. Miranda, Pell. et communi* (contra *Suarez*) non peccare graviter Religiosum semel vel iterum exeuntem de die sine licentia, nisi hoc agat ex contemptu, vel cum scandalo; secus verò dicendum de nocturno, et furtivo egressu. Quod excommunicationem autem ob violationem clausuræ Regularium, vel Monialium, vide dicenda *de Censur. l. 7 n. 239.*

- 38 » Resp. 3. Religiosus, ex voto *Obedientiæ* obligatur  
 » ad omnia, quæ Superior præcipit, secundum Regu-  
 » las, et Constitutiones Ordinis, sive directè, et ex-  
 » pressè, sive indirectè, et implicite. Et quidem, si  
 » præcipiat in virtute sanctæ Obedientiæ, in nomine  
 » Domini nostri JESU CHRISTI, vel simili forma,  
 » tenetur sub mortali, quia intendit obligare, quan-  
 » tum potest: sub veniali autem, si aliâ formâ utatur,  
 » vel sub nullo, quod consuetudo in Societ. JESU  
 » approbavit. Vide *S. Th. 2 2 q. 104. Sylv. Sanch. l. 6*  
 » *mor. c. 1. Les. l. 2 c. 4 d. 4. Lay. c. 9.* \* (Notandum,  
 » quod, nisi Prælatus mandatum explicet, v. gr. dicens,  
 » *Jubeo, præcipio, etc. subditus non teneatur obedire; ita*  
 » *Salm. ib. n. 47 cum Suar., Pelliz. etc. Et, dicente*  
 » *Prælato, jubeo, præcipio, etc. nec etiam tenetur subdi-*

» *tus obedire sub gravi, ut docet Sanch. Dec. l. 6 c. 14*  
 » *n. 26 cum Med. Vasq. Suarez, et de Alexandro Conf.*  
 » *Mon. c. 6 §. 5 Qu. 14 nisi addatur: In nomine*  
 » *D. JESU CHRISTI, vel in virtute Obedientiæ: vel*  
 » *nisi addatur pœna excommunicationis; non solum*  
 » *ferendæ, sed etiã latæ sententiæ, ut dicunt Navar.*  
 » *Vasq. et alii cum Alex. ib.)\**

» Porro, quæ indirectè pertinent ad Regulam, *Sylv. 39*  
 » et quidam alii ampliant ad illa, quæ faciunt ad ple-  
 » niorem ejus observationem, *Sanch.* tamen arctat  
 » ad res valdè necessarias, sine quibus Regula com-  
 » modè servari nequit, alioqui enim Superior quasvis  
 » corporis macerationes præcipere posset: ordinantur  
 » enim ad pleniorẽ observationem Regulæ. *Laym.*  
 » *l. 4 tr. 5 c. 9. Less. l. 2 c. 4 d. 9.*

» 1. Non tenetur subditus obedire in iis, quæ sunt  
 » vel contrà Regulam (nisi Superior in ea possit dis-  
 » pensare, et legitima causa dispensandi subsit)  
 » \* (*Hinc constare debet, Prælatus dispensasse sine*  
 » *causa, ut non tenearis obedire, prout Salm. de Stat.*  
 » *Rel. c. 5 n. 72 cum Pell. Peyr. et communi)\*, vel*  
 » *suprà Regulam, ut essent magnæ macerationes (nisi*  
 » *in pœnam, vel ad obligationem votorum necessariæ),*  
 » *vel ut acceptet Episcopatum. \* (Ità Salm. cum com-*  
 » *muni d. c. 5 n. 77. Vel ut acceptet Beneficium cura-*  
 » *tum, aut simplex; Salm. n. 78. Vel, ut eat ad infideles*  
 » *cum manifesto periculo vitæ, aut servitutis; Salm. ib.*  
 » *n. 73 cum aliis. Tenetur tamen acceptare munus intrà*  
 » *Ordinem, si Prælatus præcipiat: Communiter Salm.*  
 » *n. 79 etiã si præcesserit pactum in contrarium, quid*  
 » *pactum rejicitur tamquàm turpe, ut de Alex. c. 6 §. 1.*  
 » *Qu. 10 cum S. Th.)\* Dian. p. 6 t. 9 Res. 33 et alii*  
 » *sex: vel infrà Regulam, scilicet vana (nisi præcipiat)*  
 » *ex causa, quæ sit secundum Regulam, v. gr. ut*  
 » *obedientia exerceatur); Nec refert, quod Regulæ*  
 » *jubeant in omnibus obedire; id enim non de obli-*  
 » *gatione voti, sed de obedientiæ perfectione intelli-*  
 » *gitur. Ità Suarez; Sanch. 6 mor. c. 2 et Laym. »*

An autem Religiosus teneatur obedire Prælatò præ-40

ipienti, ut assistat infirmis, infectis morbo contagioso? Resp. affirmative, si infirmi sunt Religiosi ejusdem sui Monasterii, vel Ordinis, quia hoc pertinet ad bonum commune ipsius Communitatis, ut ipsi inter se invicem sibi subveniant. Secus, si infirmi sunt extranei; nisi deesset, qui ipsis Sacramenta necessaria ministraret, quia tunc debent postponere vitam temporalem salutem spirituali proximorum. Ità *Sanch. Dec. l. 6 c. 2 n. 57. Pal. tr. 15 D. 4 p. 4 n. 7. Elbel. t. 2 p. 625 n. 624 et Spor. t. 3 p. 101 n. 163 cum Caj. Lex. Rodr. et communi.*

- 41 » 2. Si regula Ordinis sub peccato obliget, ejus  
 » transgressio est contra votum, et sacrilega. Ratio  
 » est, quia talis Regula non est minus præceptiva,  
 » quam vox Superioris, et subditus promittens ob-  
 » servationem Regulæ, eo modo, quo ipsa intendit,  
 » se obligare censetur: proindeque Carthusianus, v.  
 » g. carnes edens, vel Franciscanus feriâ sextâ non  
 » jejunans, et contra obedientiam et contra temperan-  
 » tiam peccat; *S. Th. in 2 d. 44 qu. 2 a. 3. Val. Sanch. 6*  
 » *mor. c. 1 et 4. Vasq. Rodr. Laym. l. c. n. 6. Escob. etc.*
- 42 » 3. Si Regula sub peccato non obligat, transgres-  
 » sor illius non peccat contra votum obedientiæ. Ratio  
 » est, quia talis Regula non continet propriè præ-  
 » ceptum, sed tantum est ordinatio, seu monitum,  
 » obligans tantum ad poenam, si imponatur, *S. Th.*  
 » *Laym. l. c. etc.* Hinc nec transgressio illius, ex ra-  
 » tionabili causa, et bono fine, seu ex motivo virtu-  
 » tis facta, v. gr. si extrâ tempora loquatur cum socio,  
 » ut moestum consoletur, est peccatum; erit tamen  
 » veniale, si ex negligentia, torpore animi, aliore  
 » inordinato affectu fiat: \* (*Ità S. Th. 2 2 q. 186 a. 9*  
 » *ad 1. Sanch. l. 6 c. 4 n. 14 et Laym. l. 4 tr. 5 c. 9 n.*  
 » *8 cum Vasq. et Val.*) \* Quem ut plurimum concur-  
 » rere, adeoque raro omni culpa vacare, putant *Va-*  
 » *lent. Sanch. et Suar.* Qui addunt, quod, si quis fre-  
 » quenter, et quasi per consuetudinem Regulam trans-  
 » grediatur, religiosam disciplinam graviter perturbet,  
 » eaque ex causa in periculo expulsionis se constituat,  
 » peccet mortaliter. *Laym. l. 5 c. 9. Sanch. n. 8.*

» 4. Etsi Capitulares novum statutum constituere<sup>43</sup>  
 » possint, quo ipsi, aliique postmodum professionem  
 » edituri obligentur; antè tamen professi, qui in il-  
 » lud non consensêrunt, eo non obligantur, si ad  
 » Regulam Ordinis non directè, nec indirectè spec-  
 » tet, *Laym. l. c. n. 10.* Nisi tamen statutum fiat in  
 » Capitulo generali, vel saltèm provinciali (juxtà cu-  
 » jusque Ordinis institutum), concurrente majore par-  
 » te suffragiorum, et non sit Regulæ difforme. V. *Es-*  
 » *cob. de leg. E. 1 c. 12 n. 15.* Ratio est, quia, quod  
 » omnes tangit, ab omnibus debet approbari, juxtà  
 » *reg. 39 in 6.* Addunt *Laym. et Sanch. ex Sylv. et*  
 » *Az. t. 1 l. 13 c. 11 q. 19. Less. 2 c. 41 n. 22.* nec  
 » Pontificem posse Religiosos cogere ad arctiorem  
 » vivendi rationem, quàm Instituti prima forma pos-  
 » tulat; quia obligatio obediendi, etiàm Pontifici,  
 » provenit ex voto, quod factum fuit secundum pro-  
 » prium Regulæ institutum. Si tamen Regulæ refor-  
 » matio necessarium medium esset ad Ordinis con-  
 » servationem, ad eam Prælatus cum Capitulo, mul-  
 » tòque magis Pontifex illos cogere potest, quandò  
 » ad hoc se implicite quisque obligasse censetur.  
 » *Sylv. Less. Laym. ll. cc.* »

Quæritur, an Religiosi teneantur obedire Prælati<sup>44</sup>  
 reformantibus Regulam collapsam? Certum est, quòd,  
 postquam Regula per legitimam consuetudinem re-  
 laxata est, quàmvis primi Religiosi peccârint, secundi  
 tamen non teneantur eam observare, ut fusè probant  
*Salm. de Leg. c. 6 a. n. 39* et docent *Sanch. l. 6 c. 2*  
*n. 26 etc. ac de Alex. Conf. Mon. c. 1 § 2 Q. 3 cum Caj.*  
*Turr. Pal. etc.* Sed dubium est, si Regula reformetur  
 à Capitulo Generali, an Professi teneantur obedire?  
 Affirmant de *Alexand. Conf. Mon. c. 1 § 2 q. 4* et  
*Salm. c. 6 n. 38 cum Corduba, Pell. Suar.* (citantque  
 etiàm *Laym. Vasq. Az. et Sanch.* sed non benè;  
 nam *Laym.* est pro secunda sententia, ut infra, et ci-  
 tat pro se *Vasq. Azorium et Sanch.*) Ratio hujus pri-  
 mæ sententiæ est, quia Religiosi Regulam profitentes,  
 eam ut primitus institutam profitentur; undè saltem

parati esse debent ad illam servandam, quando de ea instauranda tractatur. Excipiunt tamen, nisi Religiosus tempore Professionis expressè intenderit se non ampliùs obligare, quàm ad illam Regulam sic relaxatam. Alii verò, ut *Palaut tr. 16 d. 4 q. 4 n. 11. Laym. l. 4 tr. 5 c. 9 n. 13* cum aliis, ut suprà, ac *Spor. t. 3 pag. 101 n. 161* dicunt non minùs probabiliter, ( ut loquitur *Tourn. t. 3 pag. 83 Q. 3* ), et forte probabilius, Religiosos ad id non tenèri, nisi Reformatio appareat medium necessarium ad Ordinis conservationem: nempe, si cum præsentì observantia paucissimi ad perfectionem Religiosam pervenire studeant, vel, si cum scandalo Sæcularium vivant, ità ut expediret potiùs Religionem dissolvi, quàm ità continuari. Ratio, quia is, qui Professionem emittit, potiùs censetur juxta præsentem statum Regulam profitèri, quàm juxta pristinum Institutum. Ait autem *Laym. l. c. cum Less. et Sanch.* posse Prælatum ob aliquam publicam necessitatē ad tempus imponere aliquam austeritatem, puta jejunium, etc. Imò addunt *Sanch. Sylv. Vega, et Vasq. Salm. n. 82.* Prælatos posse edere nova Statuta, quando sunt necessaria, ut vota essentialia, et alia Religionis Statuta serventur.

45. • Etsi consuetum non sit, nec consultum, ut Prælati sub peccato præcipiant actus internos: probabile tamen est, id fieri posse, ut docent *Lay. Suar. etc.*  
 • Ratio est, quia verisimile est, quòd aliqui Religiosi ad id se obligare intendunt, cum se quasi holocaustum Deo tradant. •

46. Quær. hic, quot peccata committat Religiosus, contra Obedientiæ præceptum agens? *Sotus, Led. Lay. Tam. etc. ap. Sal. c. 6 n. 100*, dicunt, eum unum peccatum committere contra votum Obedientiæ, quia tantum ex voto tenetur obedire. Contradicunt tamen probabilius *Salm. n. 110 cum Suar. Pell. Pal. etc.* qui tenent, eum committere duo peccata, unum contra Religionem ratione voti, alterum contra virtutem Obedientiæ, quam de se debet Religiosus Prælato suo ratione promissionis, et traditionis factæ de seipso in professio-

ne, ob quam per se, etiã sine voto, tenetur legitimo Superiori obedire.

« Quæres, an subditus teneatur obedire, si dubi-  
» tet, utrũ sit res licita, quam Prælatus jubet, vel  
» justa sit causa imperandi?

• Resp. 1. Communiter tenêri, quia tunc melior  
» est conditio Superioris, qui est in possessione po-  
» testatis præcipiendi: in dubio autem nemo spo-  
» liandus est jure, quod habet. Nec dicas, subdi-  
» tum etiã esse in possessione libertatis, cum ha-  
» beat debitum parendi.

• Resp. 2. Non tenêri, si grave damnum obediendo  
» timeat. Ratio est, quia in dubio favendum est reo,  
» eique, de cujus damno agitur. Etsi enim subditus  
» non sit in possessione libertatis, est tamen in pos-  
» sessione juris, quo potest se à periculosis rebus  
» conservare. *Less. Sanch. 6 mor. c. 4, aliique.* »

Quær. I. Utrũ subditus dubitans, an res præcep-  
ta sit licita, vel non, possit, et teneatur obedire? Vi-  
detur negare *Adrianus ap. Less. l. 2 c. 41 n. 76* dicens:  
*Nullus dubitans de actu, an sit mortalis, an non, licitè*  
*obedit, ipso sic dubitante; idemque tenêre Vasq. et*  
*Rodrig. refert Pal.* Sed communis et certa est senten-  
tia opposita, quòd subditus, licet dubio perseverante  
non possit obedire, cùm omninò sit illicitum operari  
cum dubio practico (quod tantũ ait *Less.* intelligere  
*Adrianum*, et facilè idem intelligunt *Vasq. et Rodr.*);  
teneatur tamen eo casu dubium deponere, et sic po-  
test, et debet obedire; *Glossa in c. Ad aures, 6 de*  
*Temp. Ord. v. Obedientia*, ubi dicit: *Si verò dubium*  
*sit præceptum, propter bonum obedientiæ* (subditus) *ex-*  
*cusatur à peccato, licèt in veritate sit malum.* *Az. t. 1*  
*l. 2 c. 19 q. 9* qui ait, hanc sententiam esse omnium  
communi consensione receptam, *Caj. 2. 2 q. 169 art. 2*  
*ad 4 dub. 2. Less. l. 2 c. 41 n. 73. Sylvius q. 19 ar. 5.*  
*Cabass. T. J. l. 1 c. 21 n. 17. Contin. Tourn. t. 4 p. 89*  
*q. 5 R. 2. Anacl. de Consc. p. 27 n. 34. Pal. p. 1 d. 3.*  
*punct. 13 n. 3. Spor. t. 3 de Stat. Relig. p. 101 n. 161.*  
*Holz, de Præc. part. t. 1 p. 479 n. 590. Elbel t. 2 p.*

620 n. 612. *Salm. tr. 15 c. 6 n. 68. Sanch. Dec. l. 6 c. 3 ex n. 3 cum S. Bonav. S. Anton. Innoc. Ostiens. Abb. Palud. Soto, Nav. Tol. Mol. Valent. Sa Sylvest. Ang. Arm. et innumeris aliis. Probatur 1 ex Deut. c. 17 v. 8 et 10, ubi sic habetur; Si difficile et ambiguum apud te iudicium esse perspexeris . . . . . facies quodcumque dixerint, qui præsunt loco, quem elegerit Dominus. Item ex c. Si quid culpetur. Dist. 23 q. 1 ubi dicitur, subditum posse obedire, si, quod sibi iubetur, vel non esse contra Dei præceptum certum est, vel utrum sit, certum non est. To autem posse non quidem denotat libertatem, sed honestatem operandi, nempè non lædi præceptum, de cuius transgressione subditus dubitat. Idem confirmat S. Bernardus de Pr. et Disc. c. 12 ubi: Quidquid vice Dei præcepit homo, quod tamen non sit certum displicere Deo, haud secùs omninò accipiendum est, quàm si præcipiat Deus. Ipse enim Christus Dominus dixit: Qui vos audit, me audit. Luc. 10. 16. Et Apostolus Hebr. 13. 17. Obedite Præpositis vestris, et subjacete eis. Item in Constit. Societ. JESU sic Ignatius præscripsit: Obediendum in omnibus, ubi peccatum non cernitur, id est (ut in Declaratione) in quibus nullum manifestum est peccatum. Sic pariter habetur in Reg. FF. Minorum c. 10 apud Elbel: Obediendum in omnibus, quæ non sunt contraria Animæ, et Regulæ. Idem docuit B. Ubertus in lib. de Erud. Rel. c. 1 ubi: Nisi apertè sit malum, quod præcipitur, accipiendum est, ac si à Deo præciperetur. Idem B. Dionysius Carthus. in 2 Dist. 39 quæst. 3. scripsit: In dubiis, an sit contra præceptum Dei, standum est præcepto Prælati; quia, etsi sit contra Deum, attamen propter obedientiæ bonum non peccat subditus. Et idem docuit priùs S. Bonav. in Spec. Disc. c. 4. Probatur 2. ratione, quia Superior est in possessione præcipiendi; undè ab ea non est exspoliandus, nisi constet, quòd res præcepta sit illicita. Confirmatur, quia, si in cunctis dubiis de bonitate actionis præceptæ possent subditi se eximere à jugo obedientiæ, utiquè nulla Communitas benè regi, et consistere valeret. Hinc D. Bernardus*

(*l. de gratia, et arb.*) meritò objurgat Religiosos præcepta Superiorum discutientes, dicens: Porro imperfecti cordis, et infirmæ prorsus voluntatis judicium est, hærrere ad singula, quæ injunguntur, et exigere de quilibet rationem: quoniam expedit profectò magis, omninò non fuisse, quàm nostros permanere; nam qui voluerunt sui esse, utiquè sicut Dii scientes bonum et malum, et facti sunt non solum sui, sed etiàm Diaboli. Nequè hîc obtinet regula: pro subdito in dubio melio sit conditio possidentis; nam, cum ipse jam se subjecerit potestati Prælati, in dubio possessio stat pro Superiore, habente jus præcipiendi.

Hinc infertur I. Quòd, si diversæ adsint opiniones probabiles circa rem præceptam, an sit licita, vel non, subditus teneatur obedire, ut communiter docent *Sanch. l. c. n. 6 et l. 1 c. 3 n. 6. Az. l. c. et Salm. d. c. 6 n. 67 cum Val. Pell. Lez. Vil. Salas, Cord. et Prad.* (contra *Les. Dian. Sanc., ac Pal.*, qui tr. 1 *Dist. 2 p. 6 n. 5* probabilem vocat eorum sententiam, sed fatetur contrariam esse communem, atque semper in praxi consulendam). Nec obstat dicere, quòd Superior non habeat jus imperandi, quod illicitum est, et ideò, cum præcipit rem probabiliter illicitam, probabiliter nequeat eam præcipere; ergò probabiliter nec teneatur subditus tunc obedire. Nam argumentum hoc claudicat ex duplici capite: valeret enim argumentum, si Prælati rem illam præciperet ut probabiliter illicitam; sed nos dicimus, quòd eo casu rem illam præcipiat, non ut probabiliter illicitam, sed ut probabiliter licitam: et ideò licitè imperet, ac proinde subditus teneatur obedire. Præterea, quàmvis tunc sit probabile, quòd Prælati non possit rem illam præcipere, cum sit probabiliter illicita, non ideò est probabile, quòd subditus non teneatur obedire; esto enim Superior non habeat jus præcipiendi id, quod certè injustum est, habet tamen jus præcipiendi id, quod probabiliter est justum, vel quod certum non est esse injustum; idcirco subditus teneatur ei obedire in omni re, quæ vel est probabiliter justa, vel quam non constat esse injustam. Hinc rectè



deducitur, quòd subditus teneatur obedire Prælatò, etiàmsi res præcepta probabiliùs ei videatur illicita (quidquid dicant *Sal. n. 70*: cum ipsi iidem *n. 66* contrarium apertè asseruerint dicendo, Prælatum habère jus imperandi, quod vel est probabiliter justum, vel quod non est certè injustum), Ratio, quia jus possessionis, quod habet Superior, prævalet omni opinioni contrariæ, quæ non habet rationes convincentes, fundantes certitudinem moralem, juxta dicta *de Conscientia cum de Lugo, Pal. Ronc., Spor. et aliis*, utque tenent in præsentì casu *Bus. l. 1 p. 6 vers. 5 Superiori, et Laym. l. 1 tr. 1 c. 5. § 2. n. 11 cum Vasq. Corduba, ac Miranda*; et idem docet *Sanch. l. 6 c. 3 n. 6 et l. 1 c. 10 n. 9*, ubi non dubitavit se retractare à diversa opinione, quam olim tenuerat *dè Matrimonio l. 2 D. 41 n. 10*.

Infertur II. Quòd subditus, etiàmsi habeat unicam opinionem probabilem, quòd res præcepta sit illicita, et nulla sibi appareat probabilitas de illius honestate, adhuc teneatur obedire, ut dicunt idem *Pal. l. c. punc. 13 n. 4 et Sanch. d. c. 3 n. 6 cum Suar. Sylvest. Ang. Valent. Tab. Sayr. Salas, Rosell. et Corduba*. Ratio, quia, dum non constat de turpitudine actionis, Prælatùs habet jus præcipiendi omnia, quæ ipsi licita videntur, quàmvis subdito illicita appareant, cùm Prælatùs (ut diximus) non sit exspoliandus suo jure imperandi, nisi constet, quòd res præcepta sit illicita; Idque patet ex *c. Inquisitionis, de Sen. Excomm.* ubi sancitum fuit, quòd conjux habens tantum probabilitatem, non autem certitudinem, de nullitate sui matrimonii, teneatur reddere debitum alteri, qui adhuc possidet jus petendi. Hoc autem, quod dictum est de dubio honestatis rei præceptæ, dicendum etiàmsi est in dubio, an præceptum excedat potestatem prælati, vel an sit suprà Regulam, ut docent *Sanch. l. 6 c. 3 n. 3 et Sal. n. 67 cum Az. Valent. Cord. Vill. Salas, etc.*

Limitant verò communiter DD. præfatam sententiam, et dicunt, subditum non tenèri obedire 1. si res sit valdè difficilis, et molesta; quia tunc difficultas

operis simul cum opinione probabili, quod res præcepta sit illicita, vel quod præceptum excedat potestatem Superioris, prævalet illius possessioni, ita *Bus. ut supra, et Less. l. 2 c. 41 n. 73. Pal. D. 3. punct. 14 n. 16 ac Salm. n. 68 cum Soto, Lop. Med. Hurtad. Prad. Pelliz. et communi.* Limitant 2. Quando subditus obediendo exponeret se vel alterum periculo gravis incommodi subeundi in vita, fama, honore, aut bonis; ita *Less. n. 76. Sanch. n. 24. Pal. n. 16. Holz. pag. 479 n. 590. Tourn. t. 1 pag. 138. Elbel t. 1 de Cons. n. 60 et Sal. n. 69 cum Soto; Bann. Hurt. Led. Prado, Rodr. et Pell.* Ratio, quia subditus non tenetur tunc se privare jure suo certo, quod possidet circa talia bona magni momenti, ne Superior privetur sua possessione, quæ in eo casu est aliquo modo incerta.

Sed dubitatur 1. an subditus teneatur obedire, quando probabiliter opinatur, præceptum non esse impositum, vel esse abrogatum? Resp. negativè, ut communiter docent *Sanch. Dec. l. 6 c. 5 n. 7 et Salm. c. 6 n. 73 cum Hurt. Prad. etc.* Imò dicendum, quod in dubio de impositione præcepti, nulla sit obligatio parendi, nisi constet, illud fuisse impositum.

Dubitatur 2. an teneatur subditus parère, si dubium vertat, utrum, qui præcipit, sit legitimus Superior? Negant *Vasq. Salas, Dian. etc. apud Salm. tr. 15 c. 6 n. 64* quia (ut dicunt) eo casu dubitatur etiam de possessione Superioris. Sed veriùs dicendum cum *Less. c. 41 n. 78. Cabass. l. 1 c. 31 n. 17. Tourn. t. 3 pag. 89. Sanch. l. 6 c. 3 n. 29 et Salm. n. 65.* quod subditus teneatur tunc obedire, si communiter ille habetur ut Superior; quia, stante tali communi æstimatione ex una parte, et probabilitate, quod ipse legitimus sit Superior ex alia, supplet Ecclesia jurisdictionem, ex *l. Barbarius. ff. de Offic. Præt.* Eo igitur casu non erit tantum probabile, sed certum quod ille sit Superior. Secus; si communiter non habeatur ut talis, quia (ut ait *Cabass. l. c.*) tunc in dubio melior est conditio subditi suam libertatem possidentis.

Quær. II. An Religiosus validè voveat sinè sui Super-

rioris licentia? Negant *Palud. Val. Ang. Rosell.* quia Religiosus per votum Obedientiæ privavit se voluntate: Sed verius *Nav. Caj. Sot. cum de Alexand. Conf. Mon. c. 6. §. 1. Qu. 4. et aliis* dicunt, benè posse Religiosum vovere, quæ non repugnant Regulæ, aut præcepto Prælati, neque obsequio illi debito. Quare possunt emittere vota personalia, vel circà res præceptas, et etià non præceptas à Regula, si à Regula vetitæ non sunt. Potest tamen Superior prohibere subditis, ne voveant, ipso inconsulto, ut apud *Alex. l. c.* ajunt *Suar. et Bart. a S. Fausto*; Qui probabiliter dicit, valere aliter vota emissa, non obstante hoc præcepto, quandòquidem inateria sit Deo grata, quàmvis modus Deo non placeat.

49 Quæritur III. An Religiosus teneatur obedire Prælati præcipienti, ut revelet secretum sibi commissum? Resp. tenetur, si aliter damnum eveniret Monasterio, aut alii tertio, sive ipsi Prælati; quia tunc, etià sine præcepto, de se urget manifestandi obligatio, quæ per secreti commissionem minimè impeditur. Ità docet *S. Th. 2. 2 q. 70 ar. 1 ad 2. S. Ant. Nav. Reg. etc.* Secùs verò, si absit damnum prædictum; quia tunc urget fidem servandi naturalis obligatio, quæ per præceptum Prælati auferri nequit, ut *S. Thom. ib.* En verba S. Doctoris: *Quandòque enim sunt talia....., quæ homo..... manifestare tenetur, puta si pertinent ad corruptionem multitudinis spiritalem, vel corporalem; vel in grave damnum alicujus personæ..... Quod quis propalare tenetur, vel testificando, vel denuntiando..... Quandòque verò sunt talia, quæ quis prodere non tenetur; unde potest obligari ex hoc, quod sibi sub secreto committuntur: et tunc nullo modo tenetur ea prodere, etià ex præcepto Superioris.* An autem possit Religiosus revelare secretum commissum ad vitandum damnum proprium? Negat *de Alexand. Conf. Mon. p. 124 q. 9 cum Scoto, Sylvest. etc.* Sed probabiliter affirmant *Less. Laym. Lugo, Spor. Roncaglia et alii* plures, quos retulimus l. 3. n. 971 v. *An autem.*

Hic operæ pretium est videre circà obligationem omnium votorum istorum, an Religiosus, superveniente aliqua circumstantia notabili non prævisa, teneatur ad vota in Professione emissâ? Loquendo de votis simplicibus (in *tr. de Voto l. 3 n. 226.*) diximus, satis quidem probabilem esse sententiam, non esse obligationem implendi votum, si notabilis circumstantia superveniat, quâ prævisâ quis votum non emisisset; Excepto voto simplici castitatis, et Religionis; nam licet *Bonac. l. 2 D. 4 q. 2 p. 1 n. 26 et Led. Leand. ac Quint. apud Salm. tr. 15 c. 6 n. 32* sentiant, non teneâri ad præfata vota eum qui illa emisit agitatâ stimulus carnis cum evidenti periculo incontinentiæ, stante experientia lapsuum, si postea perseverent stimuli et pericula, quia (ut inquiunt) eo casu talia vota non sunt de meliori bono: Attamen melius dicunt *Sanch. Dec. l. 4 c. 8 n. 9 et de Matr. l. 7. D. 11. n. 8. Pont. de Matr. l. 6 c. 12 n. 2. Salm. tr. 15 de Stat. Rel. c. 6 n. 35 cum Suar. Laym. Pal. Moja, Dian. etc.* præfatam sententiam non esse practicè probabilem, quia aliàs vix ullus esset casus, quo prædicta vota firma remanerent, cum vix ullus inveniretur, qui vel ob suam igneam complexionem, fragilitatem expertam, pravam consuetudinem, vel ob Dæmonis suggestiones non ageretur stimulus carnis, et facilè sibi persuaderet, se non esse talibus votis obstrictum. Loquendo autem de votis solemnibus emissis in Professione Religiosa, vel in susceptione sacrorum Ordinum, omninò tenendum cum communi DD. quod nullo modo vota prædicta irritari possint ob quamcumque notabilem circumstantiam supervenientem, etiâ non prævisam, modò non sit circumstantia versans circà substantiam votorum. Ità *Sporer de Voto c. 3 n. 6. Ronc. Vol. c. 2 q. 3 R. 3, Sanch. de Matr. l. 10 D. 9 n. 18. Laym. lib. 4 tr. 4 c. 7 n. 5 Bon. q. 2 p. 3 § 2 n. 5. Holzm. de Vot. num. 411. Pichler l. 3 Decret. tit. 34 num. 5.* Et idem dicunt loquendo speciatim de solemnî voto Castitatis *Sanch. Dec. l. 4 c. 8 n. 10 cum Val. et Salm. de Voto c. 1 n. 44.* Ratio, quia Religiosus vel Sacerdos in tali casu non consideratur ut persona particularis, cui

meliùs tunc conveniat non esse voto obstrictum, sed ut pars et membrum Communitatis Ecclesiæ, cui præstat postponere suum bonum privatum bono communi; nam aliàs innumera inconvenientia, scandala, et perturbationes cum ingenti damno Christianæ Reipublicæ proculdubio sequerentur.

Et idem omninò dicendum, ob eamdem rationem boni communis, pro votis, quæ emittuntur à viris, aut mulieribus oblati in aliquibus Congregationibus; Maximè si addatur juramentum Perseverantiæ, prout fit in Ven. Congregatione Patrum Missionis S. Vincentii à Paulo, et in nostra minima Congregatione SS. Redemptoris: Quia (ut diximus *lib. 3 vers. Notandum*) hîc intervenit contractus onerosus utrimque obligatorius; nulla enim circumstantia superveniens, etiàm non prævisa, potest contractus onerosos irritos reddere; Undè, sicut Congregatio nequit Oblatum dimittere ob circumstantias supervenientes (exceptis circumstantiis criminum), ita nec Oblatus potest Congregationem relinquere.

Quæritur hîc, an valeat licentia ab inferiori Prælato concessa, quæ à majori fuerit denegata? Probabiliter affirmant *Holzm. tom. 1 pag. 474 n. 610 et Croix lib. 4 n. 116 cum Pelliz.* Ratio, quia Superior major, denegando licentiam, minimè reddit irritam potestatem inferioris. Secùs verò dicendum puto, si Prælatus major positivè prohibeat subditum, ne exequatur rem petitam, quia tunc inferior nequit dispensare in mandato Superioris. Quid, si Prælatus major interdicat inferiori, ne concedat licentiam pro aliqua re? Probabiliter adhuc dicunt AA. Suprà citati, quod, si inferior licentiam concedit, validè concedat (quàmvis illicite); secùs, si Superior hujusmodi licentiam irritam declarasset. Item advertatur hîc, quod habetur in *Trident. (Sess. 25 de Regul. c. 4.)*; *Nec liceat Regularibus à suis Conventibus recedere, etiàm prætextu ad Superiores suos accedendi; nisi ab iisdem missi, aut vocati fuerint.*

Circà autem Obedientiam *Monialium*, prænotandum, quod Moniales ratione voti teneantur obedire I.

**Summo Pontifici. II. Episcopo loci**, si non sint exemptæ; Si verò sint exemptæ, Prælato Ordinis, eodem modo, quo sui Religiosi illi obediunt. Etiam tamen exemptæ tenentur obedire Episcopo in iis, in quibus ille se gerit tamquam Delegatus Sedis Apostolicæ, prout in observantia clausuræ. **III. Tenentur obedire Abbatissæ in iis, quæ ad Regulam pertinent.** Sed de hac obedientia, quam Moniales debent Episcopo, et Abbatissæ, alia necessaria annotare, et discutere opus est.

Quoad obedientiam debitam Abbatissæ, **I. Magna** 52 illa quæstio hic occurrit, an Abbatissa possit præcipere Monialibus in virtute Obedientiæ, obligando in conscientia; *Prima* sententia negat cum *Soto, Caram, etc.* Quia, ut dicunt, Abbatissa non est capax jurisdictionis spiritualis exercendæ, sed tantum ipsa præcipere valet, quæ spectant ad œconomicam Monasterii gubernationem, *Secunda* tamen sententia affirmat; quam tenent *Pasqual. in Lauret. p. 1 n. 761.* et undecim alii AA. apud ipsum; et his adhæret *de Alex. c. 6 §. 2 Qu. 7.* Ratio, quia per Votum Obedientiæ obligantur Moniales ad obediendum omnibus suis legitimis Superioribus. Legitima autem, et vera Superior dicenda est Abbatissa in suo Monasterio; cum enim Pontifex Religionem approbat, approbat pariter inter Moniales ordinem superioritatis, et subjectionis: aliter quomodo Monasterium, et observantia Regulæ servari posset? Quare, licet Abbatissa jurisdictionem non possit exercere, ut certum est et commune, potest tamen, saltè tamquam Ministra, exigere obedientiam per votum promissam circa res, quæ à Regula sunt præceptæ, vel quæ ad profectum Monialium juxta Regulam conveniunt. Et secunda sententia mihi videtur absolutè probabilior, cum talis obedientia videatur esse absolutè necessaria ad observantiam Regulæ sustinendam: talis enim est in monasteriis observantibus praxis universalis.

**II. Quæstio occurrit, an possit Abbatissa dispensare** 53 cum suis Monialibus in Regulis, aut votis? Certum est, quod Abbatissa non possit authoritativo modo dis-

pensare quòd observantias Religionis, nempe quòd jejunia frangenda, ad edendas carnes, etc. contra Regulam; sed benè potest dispensare ex commissione Prælati, ut notant *Lezan. Tamb. cum Alex. c. 11 §. 1 qu. 4.* Vel potest ipsa de se declarare aliquandò, jejunium, vel aliud præceptum non obligare. Circà vota autem Monialium, pariter certum est, non posse Abbatissam in illis dispensare, vel ea commutare, uti potest cum eis dispensare Episcopus, vel Prælatus Regularis, si sint exemptæ; Sed conveniunt communiter DD. quod abbatissa, ratione potestatis dominativæ, quam ob votum Obedientiæ habet suprà suas subditas, sicut habent Parentes super filios, possit irritare earum vota sive de re supererogatoria, sive de re circà Regulas, ut docent *Nav. Sot. Tamb. Sylvest. cum Alex. l. c. quæst. 5.* Et hoc, etiãsi votum fuerit transeundi ad strictiorem Religionem; ut tenent *Pasq. et adhæret Alex. ib.* contra *Less. Pelliz. etc.*

54 Dubitatur autem, an possit Abbatissa irritare votum Monialis emissum cum suo consensu? Negat *Rich.* Sed affirmant communiter *Sylv. et Armill.* quibus adhæreo cum *Tamb. Pasq. Alex. q. 6 et Salm.* modò adsit justa causa; Aliàs si sinè causa, peccabit, sed probabiliter non plus, quàm venialiter. Vide dicta *de Voto n. 239 v. Certum.*

55 Vota novitiarum non potest abbatissa irritare, sed tantùm suspendere eorum executionem, si probationi officiant, ut *Less. et Sylv.* Si verò vota emissa fuerint a Novitia, dum adhuc erat sub potestate Parentum, tunc dicit *Alex. l. c. q. 7,* posse Abbatissam ea irritare, cum ipsa tunc succedat in eandem potestatem dominativam ergà Novitiam.

56 Quòd autem Obedientiam à Monialibus Episcopo debitam, plura alia annotare oportet. Notandum I. quod Moniales non teneantur obedire Episcopo circa electionem Officialium Monasterii, cum hæc electio omninò ad Moniales spectet, ex Decreto S. C. apud *Pasqual. in Lauret. n. 770.* Et prædictæ Officiales possunt ad nutum eligentium amoveri, ut statuit *Trid.*

*sess. 25 de Reg. c. 2.* Notandum II quod Episcopus possit Abbatissam ab Officio suspendere casu, quo ipsa Episcopum non præmoneat de professione facienda à Novitia, ex *Trull. l. c. c. 17.* Notandum III, quod Episcopus possit numerum Monialium statuere, ut omnes admissæ commodè sustentari possint. Et hoc etiã in Monasteriis exemptis: In his tamen debent intervenire etiã Prælati Ordinis. Itã *Salm. Tr. 18 de Priv. c. 3 n. 14 ex Trid. sess. 25 c. 3 et Const. S. Pii. V et aliis Declar. S. C.*

Notandum IV. quod Episcopus singulis annis teneatur visitare Monasteria Monialium sibi subjecta per seipsum, vel Vicarium cum suo speciali mandato. Monasteria autem Pontifici immediatè subjecta etiã ab Episcopo sunt visitanda, sed authoritate Apostolicã; Exempta verò visitantur à Prælato Ordinis. Itã ex *Clement. Attendentes, de Statu Monac.* Sed quoad observantiam clausuræ etiã Monasteria exempta visitari debent ab Episcopo, tamquàm Sedis Apost. Delegato; itã ut nullo modo possit Episcopus impediri, ex *Decr. S. C. apud Barb. de Offic. Episc. Alleg. 102 n. 7.* Et præsumentes impedire, post tres monitiones, excommunicationem ipso facto incurrunt, ex *d. Clem. ut suprã. Vide Alex. c. 6 § 4 qu. 3.*

Notandum V. quod in actu Visitationis Moniales ab Episcopo interrogatæ, vel à Prælato Ordinis, teneantur veritatem aperire circa observantias Regulæ, ut de *Alexand. l. c. q. 5 cum Texeda*: etiãsi transgressionem sint leves, quia ordinariè ab istis incipit totius Regulæ relaxatio. Excusant tamen *Lezan. et Alex. ib.* Moniales à manifestando veritatem, I. Si crimen sit emendatum: Ex quo inferunt, eas non tenèri aperire alterius crimen ab annis plurimis (puta tribus, ut censet *Mascard.*) commissum, quia jam emendatum censetur. Et ob eandem rationem, ordinariè denuntiationi semper est præmittenda correctio; sed de hoc vide dicenda *infra ex n. 249.* II. Excusantur Moniales, si crimen sit occultum; et nulla præcesserit infamia, vel indicium evidens. III Si



constet, Prælatum nullum remedium fore adhibiturum; vel si sciant Moniales crimen jam denunciassæ alias, à quibus ipsæ illud audierunt, quia ad opus inutile nemo tenetur. IV. Si manifestatio vergat in damnum proprium. V. Si crimem cognitum sit sub secreto naturali; Excipitur tamen, si crimen sit causa communis damni. Sed hæc vide fusiùs discutienda infra *ex n. 246.*

- 58 Quodam Confessarios Monialium ab Episcopo approbandos; vide *de Sacr. Pæn. lib. 7. n. 571.* Sed hic libet alia utilia annotare, I. quodam Electionem Abbatissæ. II. Quodam Privilegia Monialium, et Regularium.

### I. DE ELECTIONE ABBATISSÆ.

- 59 Notandum I. quod, *ex Trid. Sess. 25 de Reg. c. 7.* non debeat eligi Abbatissa minor 40 annis, et quæ 8. annis post professionem laudabiliter vixerit; Aliàs electio est nulla, ut *ex Declar. S. C. apud Alex. Conf. Mon. c. 9 § 1 q. 1.* Imò aliàs, aliqui dicunt, Moniales privari facultate eligendi pro illa vice; sed probabiliùs putat oppositum *Passerinus.* Casu tamen, quo desit in Monasterio, quæ talem ætatem habeat, ex eodem Trid. potest eligi Monialis habens 30 annos, et 5. professionis: vel alia ex alieno Monasterio ejusdem Ordinis; et etiàm alièni Ordinis, sed hoc non nisi cum assensu S. C. ut notat *Pasq. in Laurent. n. 680.* Si verò adsit jam in Monasterio Monialis 40 annorum (nisi ista sit verè inhabilis) nequit eligi alia, etsi habilior, sinè dispensatione S. C. ut *Alex. l. c. q. 2. ex Decr. S. C.* Et hîc notandum, quod, sicut Abbatissæ, sic et Procurator Monasterii debeat; quocumque triennio mutari, *ex alio Decr. S. C. apud Alex. c. 6. § 2 q. 13.*

Notandum II. quod non possint eligi in Abbatissas Illegitimæ, infames, neque corruptæ, ut viduæ; *ex Decl. S. C. nisi corruptio fuerit occulta.* Vide *Alex. d. c. 9 Ar. 1 t. q. 5.* Item neque cæcæ, aut surdæ, *ex cap. Hinc § Cæcus Dist. 49 et cap. Constitutionem. de Verb. signific.* Idem de muta dicunt DD. *apud Alex. q. 6.*

Notandum III. quod ad electionem Abbatisssæ non admittantur Conversæ, sed tantum Choristæ professæ, *Suar Lex. Tamb. Alex. c. 9. § 2 q. 1.* Notand. IV. quod, si qua Monialis sit in lecto infirma, ejus votum etiam sit recipiendum vel per scriptum sigillo munitum, vel per duas Moniales à Præsidente electionis deputatas. Ità *de Alexand. ibid. q. 2.* ex Decret. S. C. Notand. V. quod, si electio ob discordiam non compleatur, non possit Prælati præsidentis dare suum suffragium, ut ex pluribus Decr. S. C. Sed benè possit præfigere tempus ad electionem, quo elapso, ipse Abbatisam deputabit. Ità pluries declaravit S. C. apud *Alex. q. 3.* Notand. VI quod Monialis, quæ jam suam dedit vocem, nequeat amplius illam revocare, commun. DD. Cum autem electio fit per scrutinium, præcipit *Trid., l. c.* ut vota secretè præstentur Notario et 4 vel 5 aliis assistantibus; aliàs electio est nulla, ut dicunt *Garcia, Zeroll. Rot. et de Alex. q. 5.* Etiam si aliter fiat ex ignorantia, ut *Tamb. et Ricc.* ex Decr. S. C. Ad electionem autem sufficit major pars votorum, ut *Mirand. Rodriq. etc.* cum communi apud *Alex. q. 6* contra *Tamb. et alios*, qui requirunt duas tertias partes.

Not. VII. quod in electione Abbatisssæ, ut præcipit *Trid. eod. l.* Prælati, qui præsident, debeant esse extrà Claustra. Putant tamen *Pasqual. Miranda, et de Alex. c. 9 §. 2 q. 7* quod urgente justa causa, (puta, si timeantur rixæ, etc. ut ait *Miranda de Mon. q. 2 ar. 15*) possint Prælati Claustra introire. Proindè hîc notandum, quod in Monasteriis non exemptis, vel Sedi Apostolicæ submissis præsideat Episcopus: In exemptis verò Prælati Regularis unà cum Episcopo, ex *Const. Greg. XV.* Tunc tamen Episcopus tantum assistit, sed vota non excipit; *Alex. ex Decr. S. C. q. 8.* Factà autem electione, nisi aliud obstat, debet in eodem loco electio confirmari à Prælato præsidente, scilicet ab Episcopo, vel à Prælato Regulari in Monasteriis exemptis, vel à Sede Apostolica, si Monasterium illi sit immediatè subjectum. Vide *Alex. c. 9 §. 4 q. 1.* Et hæc confirmatio potest fieri etiam à

Prælato absente, et adhuc etiã extrà Dioecesim degente, ut tenet *Pasqual.* (contrà *Tamb.*) nisi adsit oppositio, apud *Alex. q. 3.* Item, Abbatisa nequit officium exercere antè confirmationem. Ipsa debet etiã benedici in Ecclesia exteriori ab Episcopo, vel Prælato Regulari intrà annum, aliàs privatur officio; Talis autem Benedictio potest alteri committi, etiã simplici Sacerdoti; *Pasqual. et Alex. qu. 8.* Sed in his omnibus, ut notant *Tamb. Azor. etc.* cum *Alex. qu. 8.* attendenda est Monasteriorum consuetudo.

Not. VIII. Quod Abbatisse possint eligi per triennium, vel per singulos annos, sed non ultrà triennium, aliàs electio est nulla. Et insuper Abbatisa triennalis debet per triennium vacare, ex *Const. Greg. XIII. Exposcit etc.* Nequè in Vicariam eligi potest, si fortè nova Abbatisa deficiat, quia præcipit Pontifex, ut Abbatisa anterior per triennium omni prorsus careat authoritate. Vide *Alex. cap. 9 §. 3 q. 2.* Dicit autem *Alex. q. 4* cum *Rodr.* quod in Collegiis Oblatarum benè possit eligi Superior perpetua, quia tantum de veris Monialibus professis loquuntur Bullæ.

Alia hîc addere expedit.

## II. DE PRIVILEGIIS MONIALIUM, ET RELIGIOSORUM.

Hîc prænotandum quodad privilegia Regularium, quod omnes Ordines Regulares communicent privilegiis aliorum Ordinum, sive Mendicantium, sive non, ut constare ex privilegiis concessis asserunt *Salm. Tr. 18 de Priv. c. 1 num. 90* cum *Lez. Tamb. Miranda, Pell. Rodr. et communi.*

Hinc notandum I. quod Moniales gaudeant iisdem privilegiis (quorum sunt capaces) quibus Religiosi ejusdem Ordinis; Ità de *Alex. Conf. Mon. c. 10 q. 1.* cum *S. Anton. Pal. Rodr. Tamb. etc.* contrà *Sanch. Barb. et alios.* Ratio, quia, cum ipsæ vivant sub eadem Regula, sunt pars Ordinis, et ideò Ordinis privilegiis meritò gaudere debent. Et hoc, etiãsi in Privilegio

exprimatur, concessioem fieri *viris, aut masculis*; et etiãmsi Moniales sint Episcopo subjectæ, ut tenent. *Salm. l. c. n. 92 cum Suar. Pell. Pal. Bon. Bord. et Alex. c. 10 q. 2*; qui notat cum aliis *q. 3*, gaudere eas etiã privilegiis aliorum Ordinum suo Ordini communicatis.

Ex hoc infertur I. cum *Lex. Pasq. et Alex. q. 5. 61* Abbatissam posse dispensare in jejuniis, Officio, etc. juxtà Privilegia sui Ordinis Prælati concessa; quã, licet ipsa non possit per se dispensare defectu auctoritatis spiritualis, potest hoc tamen Prælati commissione, quæ præsumitur ei facta, statim ac fuerit electa in Abbatissam. Infertur II. Moniales Episcopo subjectas benè posse uti privilegio, v. gr. recipiendi absolutionem etc. à proprio Episcopo, quando cuicumque Regulari privilegium est concessum; Secùs tamen, si facultas absolvendi non sit Regularibus concessa, sed tantùm Prælato illius Ordinis; Ità *Alex. cum Cespedes cap. 10. q. 4*. Infertur III. cum *Salm. tr. 10 de Censur. c. 9 n. 65 et Viva, Roncagl., Rodr. Alex. c. 1 q. 6*, (quidquid dicant *Nav. Barb. etc.* apud *Alex.*) omnes Regulares utriusque sexûs tempore interdicti Generalis posse in suis Monasteriis Divina peragere, prout Officia recitare, Missas celebrare, etc. submissâ tamen voce, januis clausis, sine campanis, et exclusis nominatim interdictis, vel qui causam Interdicto dederunt, ut concessum fuit in *cap. Alma Mater, de Sent. Exc.* Item, eas posse Eucharistiam suscipere, Missas audire, ut *Salm. n. 48 cum Pal. Laym. Henr. Sayr.* Item suscipere Extremam unctionem, ut ibi *Salm. cum Pal. Avril. Henr. etc.* Et ad hæc Regulares ex privilegio possunt admittere omnes Monasterii famulos, Procuratores, operarios, ut concessit *Alex. IV.* Et idem concessit *Eug. IV* pro Beatis, vel Tertiariis: Exceptis tamen semper specialiter interdictis, etc. ut suprâ. *Salm. n. 66. Alex. qu. 7 etc.* Et possunt etiã publicè celebrare in pluribus Festis, ut Paschatis, Pentecostes, Nat. Domini, Ass. B. V. Mariæ: Item SS. Sacramenti et Octavæ, Concept. Annunt. et Nat. B. V. Sanctorum Titularium Ecclesiæ, et Sanctorum proprii Ordinis:

Prælato absente, et adhuc etiã extrà Diocesim degente, ut tenet *Pasqual.* (contrà *Tamb.*) nisi adsit oppositio, apud *Alex. q. 3.* Item, Abbatissa nequit officium exercere antè confirmationem. Ipsa debet etiã benedici in Ecclesia exteriori ab Episcopo, vel Prælato Regulari intrà annum, aliàs privatur officio; Talis autem Benedictio potest alteri committi, etiã simplici Sacerdoti; *Pasqual. et Alex. qu. 8.* Sed in his omnibus, ut notant *Tamb. Azor. etc.* cum *Alex. qu. 8.*, attendenda est Monasteriorum consuetudo.

Not. VIII. Quod Abbatissæ possint eligi per triennium, vel per singulos annos, sed non ultrà triennium, aliàs electio est nulla. Et insuper Abbatissa triennalis debet per triennium vacare, *ex Const. Greg. XIII. Exposcit etc.* Nequẽ in Vicariam eligi potest, si fortè nova Abbatissa deficiat, quia præcipit Pontifex, ut Abbatissa anterior *per triennium omni prorsus careat autoritate.* Vide *Alex. cap. 9 §. 3 q. 2.* Dicit autem *Alex. q. 4* cum *Rodr.* quod in Collegiis Oblatarum benè possit eligi Superior perpetua, quia tantum de veris Monialibus professis loquuntur Bullæ.

Alia hîc addere expedit.

## II. DE PRIVILEGIIS MONIALIUM, ET RELIGIOSORUM.

60 Hîc prænotandum quoad privilegia Regularium, quod omnes Ordines Regulares communicent privilegiis aliorum Ordinum, sive Mendicantium, sive non, ut constare ex privilegiis concessis asserunt *Sabn. Tr. 18 de Priv. c. 1 num. 90* cum *Lez. Tamb. Miranda, Pell Rodr. et communi.*

Hinc notandum I. quod Moniales gaudeant iisdem privilegiis (quorum sunt capaces) quibus Religiosi ejusdem Ordinis; Ità *de Alex. Conf. Mon. c. 10 q. 1.* cum *S. Anton. Pal. Rodr. Tamb. etc.* contrà *Sanch. Barb. et alios.* Ratio, quia, cum ipsæ vivant sub eadem Regula, sunt pars Ordinis, et ideò Ordinis privilegiis meritò gaudere debent. Et hoc, etiãsi in Privilegio

exprimatur, concessioonem fieri *viris, aut masculis*; et etiamsi Moniales sint Episcopo subjectæ, ut tenent. *Salm. l. c. n. 92 cum Suar. Pell. Pal. Bon. Bord. et Alex. c. 10 q. 2*: qui notat cum aliis *q. 3*, gaudere eas etiam privilegiis aliorum Ordinum suo Ordini communicatis.

Ex hoc infertur I. cum *Lex. Pasq. et Alex. q. 5.*<sup>61</sup> Abbatissam posse dispensare in jejuniis, Officio, etc. juxtà Privilegia sui Ordinis Prælati concessa; quia, licet ipsa non possit per se dispensare defectu auctoritatis spiritualis, potest hoc tamen Prælati commissione, quæ præsumitur ei facta, statim ac fuerit electa in Abbatissam. Infertur II. Moniales Episcopo subjectas benè posse uti privilegio, v. gr. recipiendi absolutionem etc. à proprio Episcopo, quando cuicumque Regulari privilegium est concessum; Secùs tamen, si facultas absolvendi non sit Regularibus concessa, sed tantum Prælato illius Ordinis; Ità *Alex. cum Cespedes cap. 10. q. 4.* Infertur III. cum *Salm. tr. 10 de Censur. c. 9 n. 65 et Viva, Roncagl., Rodr. Alex. c. 1 q. 6.* (quidquid dicant *Nav. Barb. etc.* apud *Alex.*) omnes Regulares utriusque sexûs tempore interdicti Generalis posse in suis Monasteriis Divina peragere, prout Officia recitare, Missas celebrare, etc. submissâ tamen voce, januis clausis, sine campanis, et exclusis nominatim interdictis, vel qui causam Interdicto dederunt, ut concessum fuit in *cap. Alma Mater, de Sent. Exc.* Item, eas posse Eucharistiam suscipere, Missas audire, ut *Salm. n. 48 cum Pal. Laym. Henr. Sayr.* Item suscipere Extremam unctionem, ut ibi *Salm. cum Pal. Avril. Henr. etc.* Et ad hæc Regulares ex privilegio possunt admittere omnes Monasterii famulos, Procuratores, operarios, ut concessit *Alex. IV.* Et idem concessit *Eug. IV* pro Beatis, vel Tertiariis: Exceptis tamen semper specialiter interdictis, etc. ut suprâ. *Salm. n. 66. Alex. qu. 7 etc.* Et possunt etiam publicè celebrare in pluribus Festis, ut Paschatis, Pentecostes, Nat. Domini, Ass. B. V. Mariæ: Item SS. Sacramenti et Octavæ, Concept. Annunt. et Nat. B. V. Sanctorum Titularium Ecclesiæ, et Sanctorum proprii Ordinis:

Item in Festis Circumcisionis, Epiph., SS. Trinitatis, Apostolorum, S. Joann. Baptistæ, S. Lucie, S. Marci, Omnium Sanctorum, Omnium Defunctorum; Vide *Salm. n. 61, 62 et 64*. Nec obstat dicere, quod *Trid. Sess. 25. de Reg. c. 12* præceperit, Interdicta etiã à Regularibus in suis Ecclesiis servari: Nam probabiliter respondent *Alex. d. c. 10 q. 8 et 10 cum Peyrin. Sorb. etc.* mentem *Trid* fuisse tantum, compescere aliquos Fratres, qui vi quorundam privilegiorum prætendebant, à senullo modo Interdicta ab Ordinariis emanata servanda; non autem abrogare privilegium Religiosis, etiã Clericis in *d. c. Alma Mater*, ad commune bonum concessum, ut supra, tempore Interdicti.

62 Notandum II. quod in Ecclesiis Monialium non possint sepeliri personæ laicales, nisi ibi habeant jus Sepulturæ, vel nisi obtineatur concessio à S. C. ut pluribus Declar. S. C. apud *Alex. c. 10 qu. 10.* et tunc Officia defuncti peragenda sunt vel à Confessario Monialium, vel à Regularibus ejusdem Ordinis, si sint exemptæ, non autem à Clero, ut *Barb. Lez. etc. cum Alex. q. 11.*

63 Notandum III. Circà *Divinum Officium* plura privilegia Regularibus fuisse indulta. Clemens VII concessit Monialibus Clarissis Privilegium, uti refert *Alex. cap. 10. qu. 13.* ( At *Salmant. Tr. 16 de Priv. cap. 3 n. 61 et 62* dicunt, hoc privilegium concessum fuisse universis Monialibus ) ut possint satisfacere per Officium laicarum, si judicio Prælati, vel Confessarii, vel Abbatisssæ non sint satis instructæ ad Officium Chori. Idem Clemens concessit omnibus Regularibus infirmis, vel eis qui infirmis inserviunt, ut possint satisfacere per 7 vel 6 Psalmos à Superiore assignandos, cum 7. *Pater*, et duobus *Credo*. Item Innoc. IV. per Bullam X concessit Monialibus S. Claræ, et indè aliis per communicationem, ut possint satisfacere Officio laicarum, si non dicant Horas Canonicas, ex quacumque rationabili causa, nempe si Monialis sit scrupulosa, si sit extraordinariè defatigata, vel occupata utilibus ministeriis. Ità *Salm. l. c. n. 62. Alex. q. 13.* Et notant 1. ibi *Salmant.* eas hoc privilegio uti posse per se, sine

licentia Superiorum. Notant 2. *Salm. ib. n. 61.* cum *Pell.* quod, si Moniales fortè culpabiliter omittant dicere Officium laicale, non peccent graviter, quia tunc se habent, ut laicæ, quæ ad talem recitationem non tenentur sub mortali. Notant 3. eodem privilegio uti posse omnes Religiosos, qui communicationem habent privilegiorum; quia ex communi sententia, sicut Moniales privilegiis Religiosorum uti valent, sic è converso. Et pro causa eis sufficiet, si concionentur in Quadragesima (etsi non quotidie) cum magno labore; si confluat multitudo poenitentium: si laxati sint ex itinere, vel concione: Item si sint lectores, aut studentes, qui pro majore parte diei vacent studio S. Scripturæ, aut SS. Canonum, aut Theologiæ Scholasticæ, vel Moralis. Ità *Salm. ib. n. 56, 57 et 63 cum Pasq. etc.*

Item Martin. V. concessit Monachis S. Hieronymi, 64 ut, qui sine tædio Officium non valent dicere ob infirmitatem, etià postquàm convaluerint, satisfaciunt recitando id, quod suis Confessariis visum fuerit. Item Leo X. concedit Fratribus Minoribus, ut Officia proluxiora anticipare, et breviora reservare possint pro diebus, in quibus minùs occupentur concionibus, et confessionibus, au studio, ut putant *Salm. n. 59 cum Rodr. Tambur. Pelliz. etc.* contra *Lezan.* Item Leo X. concessit Regularibus privilegium recitandi Officium privatum mentaliter: et, licet *Alexand. c. 10 q. 16 cum Pelliz. Lez. Tamb. Lugo etc.* apud *Salm.* teneant, hoc privilegium fuisse revocatum à Gregor. XV. et Urban. VIII. qui revocârunt omnia privilegia vivæ vocis Oraculo concessa, prout tale fuit hoc privilegium, ut communiter DD. asserunt; Attamen probabilius contradicunt *Salm. Tr. 16 c. 3 n. 53.* cum *Nav. Hurt. Henr. Vil. Tamb. de Sacr. Mis. Rodr. Lean. etc.* Quia, ut ajunt, prædicta revocatio respexit tantum privilegia oretenus concessa antè S. Pium V. Non autem hoc, quod à S. Pio confirmatum fuit per Bullam, quam referunt *Pell. et Peyr.* Addunt, quia privilegium Leonis fuit declaratio juris communis in *cap. Dolentes, de Cel. Miss.* ut idem *Lezana* concedit.. At Oracula



vivæ vocis, quæ sunt declarationes juris communis, vel Bullarum, tunc minimè revocata fuerunt, ut ferè omnes dicunt. prout testantur *Salm. d. n. 53*. Id autem, quod objicit *Peyrin*. nempe quod dictum privilegium ad summum concessum fuerit pro ea parte, quæ secretò dicitur in Officio publico, vel in Missa, ut exprimunt verba Privilegii relata à *Salm. l. c. n. 51*. minimè obstat, nam ibi in fine sic additur: *Et quod eodem modo possit facere, qui solum dicit Officium per se: cum prolatio verbalis sit præcipuè, ut ab aliis intelligatur*. Ergò (rectè arguunt *Salm. n. 54*) recitatio privata, ubi nihil dicitur, ut ab aliis intelligatur, et potest ex hoc privilegio tota mentaliter fieri.

Sedulò hic notandum quòad omnia privilegia Religiorum, quod Superior possit ex justa causa aliquandò limitare privilegia subditorum, quia hæc semper concessa intelliguntur, ut non præjudicent potestati dominativæ, quam ob votum Obedientiæ Superior super subditos habet. Poterit etià Abbatisa moderari poenitentiam à Prælato Moniali impositam, si adsit iuxta causa, et accessus ad Superiorem non pateat. Ità *Alex. cap. 11 §. 1 qu. 28*. Ultimò notandum, quod ex Bulla Pauli V. §. 8. omnes Regulares professi (sicut et Ordinarii locorum) gaudeant indulgentiis concessis cuicumque Ordini Religioso, ut notat *Alex. c. 10 qu. 18*.

## DUBIUM V.

Qui possint, vel teneantur ingredi Religionem?

- 65 Quibus non licent Religionem ingredi?
- 66 In qua necessitate Parentum prohibeantur filii, ne Religiosi fiant? 67. Quando filii jam professi teneantur Religionem egredi ad subveniendum Parentibus?
- 68 An peccent filii Religionem ingredienti, invitatis aut insciis parentibus?
- 69 Quando prohibeantur Parentes, ne Religionem intrent ob necessitatem filiorum?
- 70 An liceat relinquere Fratres, aut Sorores in necessitate?

- 71 *An debitis gravati possint Religionem ingredi ? Quid , si jam sint Professi ?*  
 72 *Voventes Religionem , quando teneantur ingredi vel excusentur ab ingressu ?*  
 73 *Quando liceat ad aliam Religionem laxiorem vel strictiorem transire ?*  
 74 *An Parochi possint Religionem ingredi , Episcopo contradicente ?* 75. *An Episcopus possit impedire Clericos à Religione ?*  
 76 *An , et quando Episcopi possint deserere Ecclesias suas , aut permutare ?*  
 77 *An peccent graviter Parentes , avertendo filios à Religione ?*  
 78 *An , et quomodo aliquis vocatus ad Religionem peccet , si vocationem suam negligat adimplere ?*

» **R**ESP. I. Omnes illi , et soli possunt ingredi Religionem , qui sunt sui juris , nec aliis obstricti : 65  
 » qui verò aliis obstricti sunt non possunt sinè eorum  
 » consensu. *Less. l. 2 c. 41 d. 3.*  
 » Undè 1. non possunt ingredi Religionem impu-  
 » beres , quia subsunt parentibus , vel tutoribus ,  
 » quodam vitæ dispositionem. 2. Nec filii , si parentes  
 » sine illis se alere nequeant. *Laym. l. 4 t. 5 c. 4 n. 1* et  
 » suprà *l. 3 t. 3 c. 2. d. 1 , 3.* Nec servi sine consensu  
 » dominorum. 4. Nec qui decepit virginem sub pro-  
 » missione matrimonii. 5. Nec is , qui non est solven-  
 » do creditoribus modò in sæculo manendò possit  
 » intrà paucos annos solvere. *St. Th. tamen , Sylvius*  
 » *Fumus , v. Religio* , et alii putant , illum posse bona  
 » præsentia cedere creditoribus ; quia persona homi-  
 » nis liberi non est pro pecunia obligata. 6. Nec  
 » Episcopus , sine consensu Papæ , cui juramento  
 » se obstrinxit ; præterquàm quod sit obstrictus suæ  
 » Ecclesiæ , sicut maritus uxori. 7. Nec conjuges post  
 » matrimonium consummatum , nisi vir per vim con-  
 » summasset , antè expletos 2. menses , qui eis à jure  
 » conceduntur , aut nisi alter conjugum commisisset  
 » adulterium : tunc enim innocens ingredi posset. »  
 » Notandum hîc *L. Quod* , si filius profiteatur Reli- 66  
 » gionem , relinquendo Parentes in necessitate , pro-

fessio, hoc non obstante, benè valida sit. Notandum II. quod, si filius in seculo manens nullo modo necessitati Parentum possit subvenire, licitè Religionem ingredi possit. Notandum III. quod, si filius in sæculo manere non possit sine gravi periculo labendi in aliquod grave peccatum, licitè etiàm ingrediatur Religionem, quacumque necessitate laborent Parentes, quia temporali vitæ Parentum præferri quidem debet spiritualis salus filii. Ità *St. Thomas Quodlib. 10 art. 9* ubi ait: *Aut iste, qui habet propositum intrandi Religionem, videt in sæculo non posse vivere sine peccato mortali, vel non de facili; Si timet sibi periculum peccati mortalis, cum magis teneatur saluti Animæ suæ providere, quàm corporali necessitati Parentum, non tenetur in sæculo remanere.* Sanctum Doctorem sequuntur *Sanch. Dec. l. 4 c. 20 n. 11. Pal. tr. 16 D. 1 p. 7 § 5 n. 7 et Salm. tr. 15 de Statu Rel. c. 3 n. 50 cum Lezana, Garcia, Peyrino, etc.* Intellige tamen (ut benè advertunt, *Salm. l. c.*) si periculum sit proximum, et tale, ut à filio, manendo in sæculo, moraliter vitari non possit.

Sed nunc quæritur, quænam necessitas Parentum prohibeat filios à Religionis ingressu? Et è converso, quænam necessitas filiorum prohibeat Parentes, ne Religiosi, fiant? Sic respondet, et docet *S. Thom. 2. 2 q. 189 art. 6* loquendo de filiis: *Parentibus in necessitate existentibus, ità quod eis commodè aliter subveniri non possit, non licet filiis... Religionem intrare.* Secùs autem dicit, si Parentes filiorum obsequio non multùm indigeant. Hinc dicunt *Sanch. Dec. l. 4 c. 20 Less. l. 2 c. 41 n. 34 Salm. de Stat. Rel. c. 3 n. 53. cum Suar. Peyrin. Pal. Bon. et communi*, quod filius nequeat ingredi Religionem, relinquendo Parentes in necessitate sive extrema, sive gravi (non autem communi), etiàm si filius votum Religionis emiseric. Secùs autem, si necessitas sit communis, aut si illi tantùm aliqualem patiantur statûs diminutionem, ut videtur docere *S. Thomas Quod. l. 10 art. 9* ubi: *Si sine ejus obsequio Parentes nullo modo vivere possunt, sic tenetur eis*

*servire, et alia opera perfectionis prætermittere. Si verò sine ejus obsequio possunt aliquantulum sustentari non honorifice, propter hoc non tenentur opera perfectionis dimittere.*

Hoc dicendum de filiis nondum in Religione professis; sed magna quæstio est, an; Parentibus egestate pressis, Filius jam professus teneatur egredi, ut eis subveniat? In necessitate extrema certum est, eum teneri; dicunt tamen *Salm. de IV. Præcepto c. unic. n. 11* quòd hoc non admittatur, si filius è Claustro possit subvenire, quin egrediatur; Nec, si Patris necessitas non sit evidens, et Prælatus licentiam neget, judicans necessitatem non esse talem, quia in dubio standum est judicio Superioris. At dubium majus est, si necessitas Parentum sit evidens, sed tantum gravis? Adest triplex sententia: *Prima* dicit, teneri filium egredi, quia per votum non extinguatur obligatio naturalis filii erga Parentes. Ità *Henr. de Pandao, Cordub. etc. apud Salm. l. cit. n. 12. Secunda* sententia distinguit, et dicit, quòd, si necessitas Parentum antecedit Professionem, filius teneatur egredi, quia obligatio jam contracta non extinguatur per Professionem; secus si professionem subsequatur. Ità valde probabiliter *Elb. de 4. Præc. n. 552. cum Less. etc. Tolet. summ. l. 5 c. 1 n. 9 et Nav. Suar., Sylves. etc. apud Salm. n. 13. Tertia* sententia probabilior docet, eum in tali casu non teneri, nec posse filium egredi sine licentia, sive necessitas Parentum præcedat Professionem, sive non. Et probatur ex *D. Thom. 2. 2 quæst. 101 art. 4 ad 4.* ubi ait: *Ille verò, qui jam est in Religione Professus, reputatur jam quasi mortuus Mundo; undè non debet occasione sustentationis Parentum exire Clastrum.* Tenetur tamen, salvà sui Prælati obedientià, et suæ Religionis statu, media adhibere, quibus suis Parentibus subveniatur. Probatur indè ratione, quia, sicut filius conjugatus non tenetur relinquere uxorem, et adire Parentes, ut eos alat; sive necessitas Matrimonium præcedat, sive non; quia jam statum suscepit, in quo tenetur magis adhærere uxori, quàm

Parentibus ; sic nequè Religiosus tenetur Claustum deserere, ad subveniendum Parentibus. Ità cum *Bus. de 4. Præc. vide l. 3 n. 335 in fin. n. 5. S. Thom. l. c. et Quod l. 3. art. 16 ac Quod l. 10. art. 9. Sanch. Dec. l. 4 c. 20 n. 17. cum Caj. S. Anton. Arm. Tab. etc. Bon. de 4 Præc. p. 5 n. 7. Salm. n. 14. cum Fag. Bord. Rodr. etc.*

Nota hic obiter Decretum SS. N. P. Bened. XIV. incipiens *Pontificia*, editum die 28 Maji 1745, notandum in suo *Bullar. t. 2 pag. 53*, quo præcipitur, ut Regulares extrà Claustra degentes (sicùt et in civilibus) sint subjecti Ordinario, qui eos etiàm corrigere debet.

- 68 Quæritur indè, an peccent filii, Religionem ingredientes, invitis, aut inſciis Parentibus? Dixit Lutherus, ut refert *Bellarmin. Contr. t. 1 de Monach. c. 36. n. 1*, peccare filios intrando in Religionem sine Parentum consensu, cum teneantur ipsis in omnibus obedire. Sed hoc reprobatum fuit à Conc. Toletano X. *cap. ult.* ubi omninò concessum fuit filiis, ut Religionem suscipereut sine Genitorum licentia, modò annos pubertatis compleverint : *Parentibus* (verba Concilii) *filios Religioni tradere, non amplius quàm usquè ad decimum quartum eorum ætatis annum licentia poterit esse. Postea verò, an cum voluntate Parentum, an suæ devotionis sit solitarium votum, erit filiis licitum Religionis assumere cultum.* Idem sancitum fuit per Conc. Tiburtinum Can. 24. Idem docuêrunt S. Ambr., S. Hieronym., S. August., S. Bern., S. Thom. et alii cum S. Joann. Chrysost. qui generaliter loquendo scripsit: *Cum spiritualem (salutem) impediunt Parentes, nec cognoscendi quidem sunt.* Hinc communiter docent DD. non tenêri filium Religionem omittere, causâ vitandi scandala Parentum. Ità *S. Thom. 4 D. 38 q. 2 art. 4 quæst. 2 ad 2. Pal. de Char. D. 6 part. 16 n. 6 cum Suar. Vasq. etc. Sporer de Scand. cap. 1 n. 31. cum Val. Salm. tr. 21 cap. 8 n. 87. cum Cano, Led. Hurt. etc.* Quàmvis autem præfati AA. advertant, debêre filium eo casu aliquantulùm expectare, dones

Parentes moneantur de suâ obligatione ; imò , si ipse facilè eò tuto possit ipsorum consensum obtinere , par esse , ut non discedat sine Parentum benedictione. Hoc tamen intelligendum , ut mox videbimus , nisi probabile sit periculum , quòd Parentes injustè illi impediunt executionem suæ vocationis. Ideò ut plurimum in praxi filii excusantur , si , insciis Parentibus , domum relinquunt.

Certum est , quòd circà statùs electionem non teneamur Genitoribus parère , ut docet communis sententia DD. cum *S. Thom. 2. 2 quæst. 104 art. 5* , qui ait : *Non tenentur nec servi dominis , nec filii Parentibus obedire de matrimonio contrahendo , vel virginitate servanda , vel aliquo alio hujusmodi*. Dubium igitur est , an filius teneatur in his consulere Parentes , ut ab ipsis rectum consilium accipiat ? Quoad statum conjugalem , *Sanch. de Matrimon. lib. 4 D. 23 n. 10 cum Con. et aliis* , censent , tenèri filium Parentes consulere , quia in tali negotio ipsi majorem experientiam , quàm juvenes , habent. Sed adhuc circà matrimonia *Castrop. Henrlq. et Salmant.* cum aliis , auctoritati *S. Thomæ* innixi ( Vide *de Matrim. l. 6 n. 849. v. Tertia sententia* ) excusant à culpa gravi filium , insciis Parentibus , matrimonium contrahentem. Quidquid tamen sit de hoc , rectè dicit P. Pinamontius in aureo Libello ( cui titulus *Vocaz vittoriosa cap. 3* ) quòd circà electionem Statùs Religiosi nec teneatur nec expediat , quòd filii consilium Genitorum expetant ; quia in hoc non tantum ipsi nullam experientiam habent , sed etiam , quia Parentes ob proprium commodum mutantur in hostes , ut ait *S. Th. 2. 2 quæst. 189 art. 10 ad 1.* loquens de vocatione Religiosa : *Frequenter amici carnales adversantur profectui spirituali*. Etenim frequentius Parentes malunt filios perire cum eis , quàm salvari sine eis , ut dicit *S. Bernard. Ep. 111* undè exclamat : *O durum Patrem , o sævam Matrem ! O Parentes crudeles , et impios ! non Parentes , sed peremptores ; quorum dolor salus pignoris , quorum consolatio mors filii est. Ibidem*. Hinc sic advertit *Porrecta*

*apud S. Thom. loc. cit.* Si Deus vult Animam ad se vocatam oblivisci Patrem, et domum Patris, suggerit utiquè per hoc, vocatus ab ipso ad Religionem, non debet suorum carnalium consilium interponere Vocationis executioni). Et S. Cyrillus apud eundem S. Thom. ibid. explicans illud : *Nemo mittens manum suam ad aratrum, et respiciens retrò, aptus est Regno Dei.* Luc. 9. 62. inquit : *Aspicit retrò, qui dilationem quærît cum propinquis conferendi.* Ideò S. Th. Opusc. 17 cap. 10. absolutè vocatos animadvertit, ut diligenter caveant, ne de sua Vocatione consilium à Parentibus accipiant : *Ab hoc consilio primò quidem amovendi sunt carnis propinqui, dicitur enim : Causam tuam tracta cum amico tuo. Propinqui enim carnis in hoc negotio amici non sunt, sed inimici hominis domestici ejus.* Ex his omnibus concluditur, non solùm, non peccare filios Religionem assumentes, Parentibus inconsultis ; sed ordinariè loquendo, valdè errare, si participes eos faciant de sua Vocatione, ob periculum cui se exponunt, quòd sint ab illa avertendi ; et hoc utiquè confirmatur ab exemplo tot Sanctorum, quorum discessus, parentibus insciis, aut invitis, Deus etiàm miraculis approbavit, et benedixit. Idemque sentit doctus P. Elbel de Præc. n. 538 dicens : (Si filius sentiat se à Deo vocatum ad statum religiosum, et advertat, Parentes id ægrè laturos, atque ex affectu carnali, ac futilibus motivis se opposituros, non tenetur eos consulere, quia consultius æget rem eis celando, juxtà illud *Matth.* 8 ubi Christus Domin. discipulum reprehendit nolentem eum illicò sequi ob Patrem prius sepeliendum). An autem peccent graviter Parentes, avertentes filios à Religione, vide *infra* n. 77.

- 69 E converso docet S. Thom. eodem loco, non licere Parentibus Religionem intrare, non solùm cum filios in necessitate gravi relinquere deberent, sed etiàm si omninò prætermittere deberent eorum curam, *id est, non præviso* (sunt verba S. D.) *qualiter educari possint.* Hoc tamen intelligitur, ut dicunt *Salmant. d. cap. 3 n. 52* cum Suar. Pal. Pelliz. de filiis, non emancipa-

tis, quos Parentes nequeunt in sæculo relinquere, quin eis provideant de necessariis, tam ad sustentationem, quam ad instrumentum morum. Secùs autem de filiis emancipatis, quos Parentes, ordinariè loquendo, nec alere, nec instruere ampliùs tenentur, nisi filii per accidens gravi necessitate laborent.

Fratres autem, et Sorores non licet deserere in necessitate extrema, sed licet in gravi; quàmvis ratione charitatis posset quis differre, et etiàm omittere statum Religionis ad subveniendum Fratribus graviter indigentibus. Si verò votum habeat Religionis, in tali casu non posset differre per longum tempus, sine dispensatione. Ità *Salm. ib. n. 54. cum Sanch. Suar Pal. Azor. Pelliz. Bonac.*

Quæritur indè, an debitor, ære alieno gravatus, possit Religionem ingredi? Adsunt tres sententiæ. *Prima* sententia cum *Gers. Pal. Val. Suar. Reg. Mol. Bon. etc.* apud *Salm. de Rest. c. 1 n. 289. et Holz. de Rest. n. 518.* absolutè negat, quia hoc esset contrà naturale præceptum justitiæ, lucrum spirituale quærere cum damno creditoris, cui debitor ex justitia solvere tenetur. *Secundè* sententia, quam tenent *Sanch. Dec. l. 4 c. 19 n. 8. cum Major, Nav. Az. et Salm. l. c. n. 290.* distinguit, et dicit, quòd, si debitor, in sæculo manens, brevi tempore probabiliter, et sine magna difficultate acquirere suâ industriâ possit, quod debet, vel notabilem debiti partem, ut solvat; tunc tenetur expectare. Secùs, si diù expectare deberet, vel si sine notabili difficultate satisfacere non posset. Quale autem tempus censendum sit breve? *Maj.* putat triennium: *Sanch.* autem cum *Nav.* biennium. *Tertia* verò sententia absolutè docet, debitorem statim posse Religionem ingredi bona sua creditori cedendo. Hanc tenent *S. Th. 2. 2 q. 189 a. 6 ad 3.* et eum sequuntur *S. Anton Sylv. Caj. Palud. Tabien. Ang. Armill. Arag etc.* apud *Sanch. l. c. n. 7.* ac probabilem putat *Sa.* Et hoc, etiàmsi solutio promissa fuerit cum juramento, ut notant *ib. S. Anton. Sylv. Tab. et Sa.* Ratio *S. Th.* hæc est: *Propter pecuniam... persona liberi hominis secundum*



*jura Civilia non obligatur, sed solum res: quia personæ liberi hominis superat omnem æstimationem pecuniæ: undè licitè potest, exhibitis rebus suis, Religionem intrare; nec tenetur in sæculo manere, ut procuret undè debitum reddat.* Rationem hanc rejecit *Sanch. cum Med. d. n. 7* dicens, non esse verum, quòd persona debitoris non sit creditoribus obligata; aliàs, ait, iniquè debitor carens bonis in carcerem à Judice detruderetur. Sed respondetur, quòd obligatio personalis, quæ ipse debitori, non jam sit ratione personæ, sed ratione bonorum, ut docet *S. Th. l. c.* et prout certum asserunt *Salm. d. c. 1 n. 224.* Undè, supposito, quòd debitor in sæculo maneat, et liber potensque sit, ad bona acquirenda, benè remanet sua persona obstricta ad bona acquirenda, cum possit sine magno sui detrimento; et tunc remanet obligata persona debitoris, non jam directè ratione sui, sed indirectè ratione bonorum, ad quæ acquirenda potens est, cum teneatur tunc, non solum dare, quæ habet, sed etiàm procurare possibilitatem solvendi, dum potest acquirere sine magno damno suæ libertatis. Secus tamen dicendum, supposito, quòd velit sæculum relinquere, et Deo se totum dicare in religione, ubi impotens redditur ad solvendum; tunc enim liberam habet personam, ut de ea in Dei obsequium disponere possit: et quoad debitum solvendum sufficit, si omnia sua bona creditoribus cedat. Aliàs, si in sæculo manere teneretur, esset directè, et per se obligata persona debitoris ob pecuniam debitam, quòd absolutè negatur, quia libertas hominis omnem æstimationem pecuniæ excedit, ut loquitur suprà *S. Thom.* Adde (et sic respondetur rationi primæ sententiæ) quòd Præceptum naturale non obliget, quandò debitor nequit satisfacere, nisi cum tanto detrimento suæ libertatis, et cum onere subeundi, in sæculo manendo, periculum æternæ salutis; Nemo enim in contractu cum hoc onere præsumitur velle se obligare. Et, sicut quis non tenetur in sæculo manere ad servandam promissionem Matrimonii (nisi per eam copulam extorserit), ita nec

etiàm, qui debitum contraxit. Et hoc, etiàm si debitum sit ex delicto, ut tenent *Salm. cum aliis d. n. 290* quia pariter iste debitor non est obstrictus cum tanto onere, ut Religionis meliori statu privari debeat. Hæ tres sententiæ sunt omnes probabiles, sed probabilior mihi videtur secunda; modò ex illa brevi mansionè in sæculo non immineat probabile periculum incidendi in peccata, vel amittendi vocationem ad Religionem. Conveniunt autem DD. in dicendo, quòd prædicta quæstio transeat, cum debita sint certa: At, si incerta sint, procùl dubio statim debitor Religionem ingredi potest; quia, cum obligatio elargiendi debita incerta pauperibus non sit ex justitia, et jure naturali, sed ex pietate, et jure Ecclesiastico, ut probant *Salm. de Rest. c. 1 n. 211. cum Less. Vasq. Bann. Vill. Led. etc.* contra alios, ideò benè talis debitor potest, omissà restitutione, Religionem petere, cum nihil sit tam pium, quàm se, suaque omnia Deo in Religione dicare. Ità *Sanch. l. c. n. 4. Lugo, Suar. Pal. etc. cum Salm. c. 16 n. 287.*

Advertendum tamen, quòd hæc locum habeant in jure naturali. At Sixtus V. per Bullam datam, annò 1587, reddit inhabiles ad Religionem debitores, qui dilapidavêrunt sua bona, vel qui deponere debent rationes, antequam debita solverint, aut rationes reddiderint; Et licet Clemens inhabilitatem abstulerit, reliquit tamen prohibitionem. Hoc verò intelligendum, ait *Croix l. 3 p. 2 n. 444. cum Sanch. et Ills. de iis*, qui aliter non possunt satisfacere, nisi in sæculo manendo, et à quibus sperari potest solutio; Item si magna sint debita, superantia facultates proprias, cum dicatur in Bulla, *ingenti ære alieno gravatis*. Præterea dicit *Croix cum Sanch. et Dic.* hoc non intelligi pro Monialibus, nec pro Equitibus Ordinum Militarium, quia hi in odiosis non comprehenduntur nomine Religiosorum: Insuper neque pro iis, qui gravantur debitis tantùm incertis; nec pro iis, qui sine culpa gravi incidêrunt in impotentiam; nam Bulla est tantùm pro dilapidatoribus, ut notat *Croix*

*ibid.* cum *Dic.* nec pro debitoribus ratione donationis, *Croix* cum *Sanch.* Præceptum autem de reddendis rationibus, intelligitur de rationibus valdè litigiosis, intricatis, fraudulentis, daturis causam litibus, *Croix* cum *Dic. et Ills.*

Si verò quis, debitis gravatus, jam Religionem professus fuerit, valet Professio, ut *Croix d. n. 444.* Nec Prælati tenentur tunc de justitia licentiam ei dare ad laborandum, ut satisfaciatur *Croix n. 450* cum *Lug. et Nav.* Tenetur tamen ex charitate, si nullum inconveniens obstat.

73 » Resp. 2. Qui vovit religionem, tenetur eam ingredi  
» secundum sequentes regulas.

» 1. Non tenetur, imò non potest licitè ingredi Ordinem, in quo collapsa est disciplina regularis:  
» (*Intellige quodam Observantias principales, ut Salm. de Stat. Rel. c. 2 n. 3.*) \* idque ob periculum perversionis. *Laym. l. 4 t. 5 c. 6 n. 5.*

73 » 2. Qui vovit laxiorem, licitè ingreditur strictiorem; non tamen contrà, quia minus præstaret, quam promisit. Quid, si tamen profiteatur in laxiore, valida est professio, et liberatur à voto strictiorem ingrediendi. Ratio est, quia votum solemne, quo fit personæ traditio, et religioni jus in personam acquiritur, derogat priori voto simplici, per quod nullum tale jus Religioni strictiori erat acquisitum. *Laym. l. c. ex S. Th. etc.*

» 3. Is, qui vovit, se experturum Religionem strictiorem, potest id commutare in votum profitendi, et perseverandi in laxiore. Ratio est, quia hoc melius est. *Laym l. c. ex Sanch. etc.*

Communiter DD. dicunt, quòd, si quis voverit Religionem se ingressurum, non tenetur eam quærere extrà propriam Nationem, vel Provinciam: vide *Salm. tr. 15 c. 2 n. 8.* Fœmina verò, quæ vovit Religionem, non tenetur quærere Monasterium extrà Patriam, longè à suis, ut ajunt *Pal. D. 1 tr. 16 p. 3 n. 6. Sanch. D. l. 4 c. 16 n. 46. Tolet l. 4 c. 17 n. 12 et Salm. l. c. cum Garc. etc.* Ratio, quia regulariter non censentur fœ-

minæ, Religionem voventes, ad id se obligare, cum hoc gravem et novam involvat difficultatem : ob quam *Tolet et Garc. ib.* excusant etiam viros, votum Religionis habentes.

Quæritur I. An is, qui voverit Religionem, et semel legitimè repellatur ab ea, teneatur iterum ingredi, si Monasterium postmodum velit eum admittere? *Prima* sententia affirmat, eamque tenent *Laym. l. 2 tr. 5 c. 6 n. 4. Bon. t. 2. D. 4 q. 2 p. 5. § 6 n. 11 et Sanch. Dec. l. 4 c. 16 n. 71 cum Abul.* Ratio, quia votum non est factum in favorem Religionis, sed in Dei obsequium; undè, licet illa cedat juri suo, nolendo eum admittere, non ideo tamen vovens liberatur à sua obligatione. *Secunda* verò sententia negat, quàm tenent *Pal. D. 1. p. 3. n. 10. Less. l. 2 c. 41 n. 44. Suar. c. 2 n. 7. et 10 et Salm. tr. 15 c. 2 n. 11 cum Arag. Pell. Garc. Dian. et à S. Fausto.* Ratio, quia tale votum, quàmvis emissum in honorem Dei, censetur tamen factum sub conditione, *si non repellar*; ergò, conditione non impletà, extinguitur obligatio. Huic objicit *Bon.* nullam conditionem reddere votum conditionale, nisi explicitè apponatur; sed hæc objectio non videtur subsistere, non raro enim in promissionibus conditio implicitè apposita promittentes obligat juxta dicta *l. 3 n. 720 v. Notandum.* Cæterum in hac quæstione probabilius mihi videtur dicendum, quod, si talis vovens habeat probabilem spem, se fore imposterum recipiendum, non liberetur à voto; secus, si nulla probabilis spes appareat.

Quæritur II. An qui simpliciter Religionem voverit, peccet mortaliter, si post ingressum, sine causa ab illa egreditur? *Prima* sententia negat, et hanc tenent *Bon. de Voto D. 4 q. 2 p. 5 § 6. n. 22 et Sotus, Caj. Arag. etc. ap. Sanch. l. 4. c. 16 n. 90* et probabilem vocant *Salm. c. 2. n. 23.* Ratio, quia qui vovet Religionem, censetur eam vovère sub conditione probationis à jure concessæ; jus autem universè concedit ingredientibus, ut possint sine ulla causa pro libito Religionem deserere, uti patet ex *c. 1 de Regul. in 6.*

*Secunda* verò probabilior sententia, quam tenent *Sanch. l. c. Pal. tr. 16. D. . 1. p. 4 n. 2. Suar. l. 4 c. 3 n. 2 et Salm. c. 2. n. 24 cum Pell. Garc. Miranda, et aliis*, docet, hunc à mortali non excusari. Ratio, quia votum Religionis non tantum obligat ad suscipiendum habitum religiosum, sed etiam ad Deo toto vitæ tempore obsequendum; undè obstringit etiam ad profitendum, nisi iusta adsit causa egressus; puta, si ille inveniat Religionem suis viribus imparem, ut ait *Sanch.* Ad textum autem oppositum respondetur, illum loqui de iis, qui Religionem ingrediuntur tantum ad experiendum, nullo tamen præmisso voto. Secus verò dicendum cum *Azor. l. 11 c. 12 et aliis cit. apud Sanch. ut suprâ*, si vovens non habuerit animum profitendi, sed tantum experiendi. Idque expressè tradit *D. Thom. 2. 2. q. 189. a 4* ubi sic docet: *Si ergò vovens intendit se obligare, non solum ad ingressum Religionis, sed etiam ad perpetuò remanendum, tenetur perpetuò remanere: Si autem intendit se obligare ad ingressum Religionis causâ experiendi cum libertate remanendi, vel non remanendi, manifestum est, quòd remanere non teneatur. Si verò in vovendo simpliciter de ingressu Religionis cogitavit, absque hoc, quòd cogitaret de libertate exitus, vel perpetuitate remanendi, videtur obligari ad ingressum Religionis secundum formam juris communis, quæ est, ut ingredientibus detur annus probationis; undè non tenetur perpetuò in Religione permanere. Rectè autem ad 3 advertit: Quod ille qui intrat, ut statim exeat, non videtur satisfacere voto suo, quia ipse in vovendo hoc non intendit: et idè tenetur mutare propositum, ut saltem velit experiri, an ei expediat in Religione remanere: non autem tenetur ad perpetuò remanendum.*

Quæritur III. An, si quis habeat votum profitendi, et Religionem ingrediatur, animo perpetuò manendi, sed à Religione ejiciatur, quia judicatur ineptus ob inscitiam, ægritudinem, et similia, liberetur à voto? Supponendum, ut certum cum *Sanch. l. 4 c. 16 n. 108 et Salm. c. 2 n. 25*, quòd, si is remissè se gesserit, teneatur mediocrem adhibere diligentiam, ut se corrigat,

aliter à voto non fit immunis. Difficultas est, quando jam diligentiam adhibuit, et repellitur, an maneat liber à voto? *Prima* sententia affirmat, quam tenent *Pal. D. 1 p. 4 n. 10. Suar. l. 4 c. 4 n. 14 et Garc. apud Salm. n. 26*, qui eam probabilem putant. Ratio, quia is, qui promisit, se professurum, non censetur se ad aliud obligasse, quàm ad media ordinaria apponenda, quæ jam apposuit, nec per ipsum stat, quominus profiteatur. *Secunda* verò probabilior sententia negat, et hanc tenent *Sanch. l. c. n. 82. Laym. l. 4 tr. 5 c. 6 n. 13. Bon. t. 3. D. 4 s. 2 p. 5 § 6 n. 22. Salm. l. c. cum Pell.* Ratio, quia hic tenetur procurare, ut votum illud impleat, usquedùm apparet probabilis spes implendi; idque non extraordinarium, sed ordinarium est medium adhibere; unde, si ab illa Religione ejicitur, tenetur, medioerem diligentiam apponendo, aliam Religionem quærere.

Quær. IV. An, qui voverit, se professurum, possit à Religione exire ex causa, non jam urgenti, sed justâ, nempe quia talem vitam expertus sit incommodam? *Prima* sententia affirmat, et hanc tenet *Dian. p. 2 tr. 17 R. 10 citans Sot. Reg. Led. Arag. etc.* eòquod tale votum intelligatur emissum sub hac conditione, si talis status conveniens sibi videtur. *Secunda* tamen vera sententia, quam tenent *Sanch. l. 4 c. 16 n. 81. Laym. c. 6 n. 13. Bon. D. 4 p. 5 § 6 n. 22 et Salm. n. 28 cum Caj. Az. Val. etc.* docet, hunc tenêri ad profitendum etiàm cum incommodo; modò non sit tale, ut intolerabile videatur. Ratio, quia is ita videtur se voluisse obstringere, ut non possit egredi, si ratio vivendi sit tolerabilis; nam è converso, si difficultatem valde gravem experiatur, non tenetur permanere, cum non videatur se voluisse obligare ad id, quod sibi est moraliter impossibile. Et hanc eandem nostram sententiam tenent *Less. l. 2 c. 41 n. 46 et Pal. D. 1 p. 4 n. 9.* qui non benè citantur à *Salm.* pro prima sententia.

Per quantum autem temporis is, qui votum habet Religionis, differendo illud exequi, peccet graviter? Vide dicta *l. 3 n. 221 v. Quær.*

- 74 » 4. Professor licentiam transeundi ad Ordinem  
 » laxiorem Episcopus, vel Prælatus Ordinis exempti  
 » cum consensu Capituli dispensativè ex justa causa  
 » dare potest. *Laym. l. c. Less. l. 2 c. 41 n. 103. Sanch.*  
 » 6 mor. c. 7.

» 5. Professus ad Ordinem strictiorem, petitiâ (licet  
 » non concessâ) Prælati sui licentiâ, ex justa causa  
 » transire potest. Quod addo, quia hujusmodi transi-  
 » tus sine causa temerè fieri non potest. Quod si fiat,  
 » spectanda est austeritas circa silentium, et solitudi-  
 » nem, idque non tantùm secundùm institutum Re-  
 » gulæ. sed etiâ secundùm observationem præsen-  
 » tem. Probat *ex c. Licet, de Regularibus. V. Laym.*  
*Less. Sanch. ll. cc.*

*Ex dictis resolvuntur hi Casus.*

» 1. Canonici regulares ad Monachos transire pos-  
 » sunt, non contrâ; cum Religio Monachorum au-  
 » sterior sit, *Laym. l. c.*

» 2. Professus Regulam strictiorem, si ea non serve-  
 » tur in suo Monasterio, aliove ejusdem Ordinis, nec  
 » sit spes reformationis, potest transire ad Ordinem  
 » laxiorem, in quo Regula servetur: itâ ut, conside-  
 » rato præsentis statu, ducat vitam strictiorem *Laym.*  
*l. 4 tr. 5 c. 6 n. 10 ex Sanch. Rodr. etc.* »

Benè potest Religiosus ex suo Ordine ad alium  
 strictiorem transire, petitiâ licentiâ à suo Prælato,  
 quâvis negatâ; itâ *S. Th. 2 2 q. 189 a. 8* et DD.  
 communiter *ex c. Licet 18 de Reg.* ubi Innocentius III.  
 sic præscribit: *Postquàm (Monachus) à Prælato suo*  
*transeundi licentiam postulaverit... liberè potest sanctionis*  
*vite propositum adimplère, non obstante protervâ in-*  
*discreti contradictione Prælati.* Debet tamen Subditus  
 Prælati responsum expectare usquè ad tempus, quo  
 Superior valeat examinare, an debeat vel non licentiam  
 impertire. Contrâ verò, re perpensâ, tenetur Prælatus  
 licentiam concedere, simul ac videt nihil ob stare.  
*Prælatus (addit Pontifex) subdito sine difficultate, et*

*pravitate qualibet debet transeundi licentiam indulgere, ne videatur propositum impedire divinitus inspiratum.* Hinc communiter tradunt *Suar. t. 4. de Relig. tr. 8 l. 3 c. 10 n. 17. Sylv. verb. Religio 4 q. 1 n. 5. Pell. tr. 3 d. 5 n. 139. Pal. Disp. 4 p. 26 §. 3 n. 1. Lez. t. 1 c. 22 n. 13. Miranda t. 1 q. 31 a. 6. Salm. tr. 15 c. 5 n. 68 etc.* quòd Prælati graviter peccaret, si sine justa causa licentiam denegaret, quia gravem irrogaret subito injustitiam, eum à perfectioni statu retrahendo, idque confirmatur ex verbis Innocentii relatis, ubi dicitur proterva contradictio Prælati, qui injustè licentiam denegat: *Non obstante protervâ indiscreti contradictione Prælati.*

Diximus injustè: nam tres sunt justæ causæ, ex quibus Superior valet denegare licentiam, juxta verba ejusdem Pontificis in *cit. cap. Licet*. Et 1. Si subditus *ex temeritate, vel levitate* vellet transire, puta, si duceretur ex ira alicujus offensionis acceptæ, aut ex fine consequendi aliquod temporale commodum. In dubio tamen negativo præsumitur recto animo procedere, ut dicunt *Suar. l. c. c. 9 n. 2 et Bonac. q. 2 p. 9 §. 3*. In dubio autem positivo standum judicio Superioris, tam Subditi, quam Prælati Conventus, nempe Generalis, vel Provincialis, ut præcipit Pontifex *eod. c. Licet. 2*. Si transitus redundet in *jacturam sui Ordinis: quoniam communis utilitas* (verba textus) *privatæ utilitati præfertur*. Sed pro hujusmodi *jacturâ* porro non reputatur illa, quam perferret Ordo ex privatione exempli illius boni Religiosi; nam si talis sufficeret *jactura*, nemini transire ad arctiorem Ordinem liceret; nomine *jacturæ* intelligunt *Salm. n. 61 cum Portell. etc.* Si v. g. Monachus ille esset Doctor, vel arte Peritissimus, ita ut ex ejus deficientia Religio notabile reciperet damnum. 3. Si ex transitu Ordo gravem pateretur *injuriâ*, sive dedecus; ita ut deinde ab aliis notabiliter despiceretur, Vide *Salm. cit. n. 61*. Hoc dedecus ordinariè abesse censeo. si pateat, alterum Ordinem certè in Regulæ perfectione præcellere.



Addendum, non licere Monacho hunc transitum intentare, si altera Religio, quam optat, nollet eum recipere, juxta præceptum Urbani VIII. (ut in *Bull. t. 4 Constit. 25.*) qui dixit: *Non permittatur transire, nisi constiterit eam Religionem paratam esse eum recipere.* Sufficit autem, si nullum obstat impedimentum, licentia Prælati Conventus, à quo petitur transitus, ut *Sylvest. verb. Religio 4 q. 3. Peyrin q. 1 c. 24 et Salm. n. 63.* Utrum autem transitus sine petitione licentiæ non solum sit illicitus, sed etiam invalidus? Affirmant *Less. c. 41 n. 101. Azor c. 14 q. 6. Sanch. Dec. c. 7. n. 95 etc.* At valde probabiliter negant *Suar. l. 3 cap. 10 n. 22. Sylvest. l. c. q. 1. et Salm. c. 5 n. 67. Bon. Pelliz. etc.* quia nullum jus habetur irritans hunc transitum, et contra ipse transitus de jure naturæ valet, cum sit commutatio in melius.

Hic plures utiles quæstiones annectere oportet. Quæritur I. An Parochus possit licite Religionem ingredi contradicente Episcopo? Omnino affirmandum ex c: *Duo sunt leg. 19 q. 5* uti habetur: *Si quis Clericorum in Ecclesia sua sub Episcopo populum (scilicet proprium, ut explicat Glossa) retinet, et sæculariter vivit, si afflatus Spiritu Sancto in aliquo Monasterio, vel Regulari Canonica salvare se voluerit... etiam Episcopo contradicente eat liber nostrâ auctoritate:* sic Urbanus II. ad Rufinum. Rationem autem hujus sanctionis dat *D. Th. 2. 2 q. 189 a 7* dicens: *Obligatio voti perpetui præfertur omni alii obligationi; obligari autem voto perpetuo, et solemni ad vacandum Divinis obsequiis competit propriè Episcopis, et Religiosis. Presbyteri autem curati, et Archidiaconi non obligantur voto perpetuo, et solemni ad curam Animarum retinendam, sicut ad hoc obligantur Episcopi; Undè Episcopi Præsulatum non possunt deserere absque auctoritate Romani Pontificis, ut extra de Reg. etc. c. Licet. Archidiaconi autem, et Presbyteri curati possunt liberè abrenunciare Episcopo curam eis commissam absque speciali licentia Papæ.* Deindè *S. Th. (ad 2 d. a. 8)* affert textum *D. Hieronymi ad Vigilantium* sic dicentis; *dicis, si omnes se clausierint... quis sæculares*

*homines lucrifaciet? quis peccantes ad virtutes, poterit exhortari? etc.* Respondet S. Hieronymus: *Rara est virtus, nec à pluribus appetitur.* Hæc omnia uti certa enunciat N. SS. P. Bened. XIV. in sua Bulla, quæ incipit, *Ex quo dilectus*, edita die 14 Januarii 1747. (in Bullar. t. 2 n. 69 p. 169.): Attamen non dubitat idem Pontifex, quin Parochus omninò teneatur, non tam officio (verba Bullæ) *et honestate, quàm naturalis legis præcepto*, certiorum facere Episcopum de suo suscepto consilio, antequam Religionem ingrediatur, ne grex sine custode deseratur; si verò Episcopus deinde dissentiat, *Presbyterum non adstringet* (ait Pontifex), *quominus Religionem ingredi valeat.* Insuper decernit ibidem, Beneficium non vacare, nisi post Professionem, et interim Parochum fructus illius lucrari, acsi legitimo impedimento detineretur. Et idem statuit de omnibus aliis Beneficiariis, juxta opinionem traditam à Suar. de Relig. t. 3 l. 5 c. 16 n. 12 et Sanch. Dec. l. 7 c. 4 n. 7 etc.

Quær. II. Quid dicendum de Clericis, aut aliis Beneficiariis non curatis? Respondeo: quàmvis isti ex officio, et honestate teneantur suos Episcopos certiores reddere de suo Religionem ingrediendi proposito; non peccant tamen, ut declarat N. SS. Bened. XIV. in Bulla mox citata, si id omittant ob metum reverentialem, ne fortè ab ejus desiderii implemento revocentur. Certum autem est, non posse Episcopos impedire suos Clericos, quominus Religionem ingrediantur, ut habetur in c. Clerici 19 q. 1 ubi ex Concil. Tolet. IV dicitur: *Clerici, qui Monachorum propositum appetunt, quia meliorem vitam sequi cupiunt, liberos eis ab Episcopo in Monasteria largiri oportet ingressus, nec interdicti propositum eorum, qui ad contemplationis desiderium transire nituntur.* Hunc et consimiles Canones laudat, et approbat præfatus N. Pontifex; necnon affirmat, id non tantum intelligi de Religionibus vitæ contemplativæ, sed etiã activæ.

Declarat tamen, quòd Episcopus benè posset revocare suum Clericum à Religione, si ejus ingressus

gravi detrimento esset Ecclesiæ cui erat addictus, his verbis : *Quod verò jus certis in casibus certisque de causis competit Superiori Ordinis laxioris, ut suum subditum Regularem, ad strictiorem Ordinem digressum, etià post solemnem Professionem in eo emissam, repetere et revocare valeat; idem similiter certis in casibus, justisque exigentibus causis, Episcopo competit, ut suum Clericum sæcularem Ordini Regulari adscriptum repetere possit. Hoc tradit clarissimus Canonum Doctor Innoc. IV ad sæpè citatum c. Licet de Regul. cujus hæc sunt verba: Clericus potest transire ad Religionem, non petita licentiâ, etià si contradicatur; crederemus tamen, quòd posset eam repetere, si ex transitu ejus prima Ecclesia gravem sustineret jacturam. . . . . Satis itaque provisum est etià Episcopo, qui factum Clerici sui ad Regularia Claustra, se invito, digressi impugnare velit. Cæterum, cum accidisset casus, quòd Archidiaconus quidam ad societatem JESU transisset; et Eminētiss. Cardinalis Quirinus, conquerens, quòd se invito hoc fecisset, integro libello typis edito contenderet, ut Papa declararet, Clericos non posse sine Episcopi licentiâ Religionem ingredi; noster Pontifex respondit, uti in simili casu D. Gregorius ( *Epist. 35 l. 12* ) cuidam alii Episcopo responderat, tales Clericos nedum à suo proposito non esse impediendos, sed potiùs ad perseverantiam hortandos et confirmandos.*

- 76 Quær. III. Quibus casibus liceat Episcopis ad Religionem transire? Jam suprâ dictum est ex *D. Th. in c. q. 189 a. 7 et q. 185 a. 4*, quòd Episcopi nequaunt deserere Ecclesiam assumptam ob votum perpetuum eam non relinquendi, nisi auctoritate Papæ, et ex justa causa, ut etià exprimitur in *d. c. Licet*. Justæ autem causæ, ut Episcopus possit Ecclesiæ suæ renunciare ( ut docet idem Angelicus, et habetur in *c. Nisi de Renunc.* ) sunt. I. ob defectum proprium, scilicet si sit simoniacus, irregularis, vel indoctus, senex, infirmus. II. ob defectum subditorum, si in eis non possit proficere. III. ob scandalum aliorum, non verò si scandalum oriatur ex malitia aliquorum

volentium justitiam conculcare. Quapropter dicendum, quòd Episcopi sinè aliqua ex prædictis causis nequeant Ecclesiis renunciare, etià ad finem Religionem ingrediendi. Et ità nec etià possunt Ecclesias permutare, uti expressè habetur ex *Can. 15. Concilii Nicæni I.* et idem habetur in *Can. 5. Concilii Chalced.* et in *Ep. II. ad Anastasium.* Rationem affert *S. Hieronymus Epist. 83 ad Oceanum*, ubi memorans prædictum *Can. 15. Nicæni*, ait: *Ne virginis paupercula societate contempta, ditioris adukeræ quærat amplexus.* Meritò igitur ait *Cabassut. (Hist. Concil. p. 115.)* has translationes vetitas fuisse, quia vitio cupiditatis adscribuntur, cum nemo reperiatur, qui à ditiori Episcopatu ad pauperiorem transeat. An autem translatio Episcoporum vetetur jure Divino? Vide *infra n. 104.*

Hic autem oportet ad trutinam adducere duas alias 77 quæstiones summoperè quòd praxim scitu utiles. Quæritur IV. An peccent graviter Parentes, qui avertunt filios à Statu Religioso, sine justa causa? Si avertunt injuriosè per minas, aut vim, vel fraudem, nullus excusat eos à peccato mortali. Si verò aversio fit tantum precibus, vel promissionibus, censet *P. Suar. tr. 3 de Rel. l. 5 c. 9 n. 9*, hoc ex genere suo non esse peccatum grave; quia (ut ait) ex una parte ibi non intervenit injuria, licet enim filius grave damnum patiatur, non tamen patitur involuntariè, sed liberè consentiens; ex altera, filius non inducitur ad malum, sed tantum abstrahitur à bono ad salutem non necessario. Sed omninò tenendum cum communi DD. sententià, hos Parentes peccare graviter, qui sive fraude aut vi, sive precibus, promissionibus, aut alio modo filios à Religione distrahunt. Ità *Nav. Man. c. 14 n. 44 cum S. Antonin. Palud. Sylvest. Ang. Tab. et communi*; item *Mol. t. 3 tr. 4 D. 51 § Secunda verò, Tourn. t. 3 p. 376 R. 2. Abelly p. 344. Salm. de 4 P. c. un. n. 29. Anact. eod. tit. p. 319. n. 19. Spor. t. 1 p. 291 n. 21 Elbel t. 2 p. 195 n. 538. Mazzotta t. 1 p. 483. P. Canc. t. 4 p. 222 n. 11 cum Soto, P. Nav. Arag. Sayr. et Led.*

item apud *Leand. D. 6 q. 17. Trull. Miranda, Fagund. Bord. et Dic.* Et plures horum AA. damnant de mortali, non solum parentes, sed etiam extraneos, qui alios avertunt à Statu Religioso. Ratio, quia hoc non potest esse sine gravi damno illius, qui à Religione distrahitur, ut fatetur ipse *Suarez*; Undè, sive id fiat vi aut fraude, sive precibus, aut alio modo, non potest à peccato gravi excusari. Et idem *Suar.* videtur tandem in nostram sententiam descendere, dum *l. c. in fin.* sic concludit: *Licet verum sit, id non esse tam grave peccatum, est tamen sine dubio peccatum multum repugnans ordini charitatis, et respectui Dei, à cujus majori obsequio homo separatur.*

Si igitur tale peccatum multum repugnat ordini charitatis, quis dicet, illud non esse grave? Hæc autem ratio comprehendit non solum Parentes, sed etiam extraneos. Sed Parentes avertentes filios à Religione putò duplici peccato gravi delinquere, nam præter peccatum contra charitatem, ut vidimus, committunt alterum peccatum contra pietatem, dum ipsi, ex officio eorum proprio educationi, tenentur sub gravi incumbere spirituali profectui suorum filiorum; ut benè advertit *Bon. de 4. Præc. D. 6 q. un. part. 5 n. 2.* Non tamen propterea nego, quod plures Parentes excusari possint à mortali, saltem per aliquod breve tempus, ratione ignorantiae, vel inadvertentiae; quæ de facili eis inesse potest ob vehementem carnis affectionem erga filios.

- 58 Quær. V. An, et quomodo aliquis à Deo vocatus ad Religionem peccet, si Vocationem suam negligat adimplere? Respondemus, quod negligere Vocationem Religiosam, per se non sit peccatum; Divina enim Consilia per se non obligant ad culpam. Id tamen ratione periculi æternæ salutis, cui vocatus se committit electionem statûs faciens non juxta Divinum Beneficium, non potest ab aliqua culpa excusari. Et quidem, si quis crederet, quod in sæculo manens damnationem incurreret, tum ob suam fragilitatem quam inter sæculi occasiones expertus est, tum ob

carentiam auxiliorum, quæ in Religione haberet; non potest excusari à peccato gravi, cum in grave discrimen salutis suæ se injiciat. Ita *Less. de Statu vit. elig. q. 8 n. 94*; qui prius dicit, eum, qui nondum voto se obstrinxerit, non peccare, si non ingrediatur Religionem, ad quam est vocatus: Sic tamen subdit; *Si conscientia dictet tibi (quod sæpe accidit) te desertum iri à Deo, nisi Divinæ Vocationi obtemperes: te periturum, si manseris in sæculo, etc. tunc peccatum est non sequi Divinam Vocationem.*

Utrum autem sit in malo statu conscientia eorum, qui certi moraliter jam facti de Vocatione Dei ad Religionem, nituntur sibi suadere, se manendo in sæculo, vel in illud redeundo, salutem suam æquè facile obtinere posse? Non videtur dubitandum, quin isti magno discrimini salutis se exponant. Nam *Habert. de Sacr. Ord. p. 3 c. 1 § 2* loquens de eo, qui non suscipit statum à Deo sibi destinatum, sic ait: *Non sine magnis difficultatibus poterit salutem suam consulere: manebitque in corpore Ecclesiæ velut membrum in corpore humano suis sedibus motum, quod servire potest, sed ægrè admodum et cum quadam deformitate.* Deindè rectè concludit: *Licet, absolute loquendo, salvari possit, difficile tamen ingreditur viam humilitatis, et pænitentiae, quæ sola ipsi patet ingressus ad vitam.* Ideò S. Gregorius (*Hom. 20 in Evang.*) scribens ad Maurilium Imperatorem, qui per suum Edictum prohibuerat, nè Milites fierent Religiosi, scripsit hanc legem esse iniquam, cum pluribus Cælum clauderet: *Nam plerique sunt* (en verba, et ratio S. Doct.) *qui, nisi omnia reliquerint, salvari apud Deum nullatenus possunt.* Ratio autem hujus periculi est, quia, qui in sæculo manet contrà Dei Vocationem, non habebit congrua Gratiae auxilia, quæ in Religione Deus ipsi præparavit: et ideò illis destitutus difficulter sæculi tentationibus resistet, et sic succumbens damnationem incurret. Præterea, si alter, qui vocato ad Religionem dissuadet ingressum, vel suadet egressum etià sinè vi, aut fraude; peccat mortaliter, ut vidimus suprà in quæstione præcedenti docere communi-

ter Doctores, eò quod induceret vocatum ad subeundum grave damnum, licet is omninò spontè illud patiat. Si ergò, qui alteri consulit, ut damnum sibi inferat, non excusatur à peccato mortali, nescio, quomodò poterit excusari ille ipse, qui sibi tale damnum infert.

Cæterum, nolo in hoc puncto absolutum iudicium proferre: Sapientibus illud remitto. Interim Deum instanter rogemus, ut ab hoc discrimine per suam Misericordiam nos prorsus avertat; cum innumeris in eventibus funestis legamus in Historiis tragicè executas minas, quas proferunt Scripturæ in hujusmodi Divinæ Vocationis desertores: In Isaia enim habetur: *Vae filii, desertores..., ut faceretis consilium, et non ex me; et ordiremini telam, et non per spiritum meum.* 30 v. 1. In Job: *Deus inultum, abire non patitur: ipsi fuerunt rebelles Domini, nescierunt vias ejus.* c. 24. v. 12. In Proverbiorum autem Libro c. 1 v. 23 id expressius legitur, ubi singula verba animadvertenda: *En proferam spiritum meum* (ecce Divina Vocatio), *quid vocavi et renuistis... Despexistis omne consilium meum... Ego quoque in interitu vestrorum ridebo et subsannabo, cum vobis id, quod timebatis advenerit. Cum irruerit repentina calamitas, et interitus, quasi tempestas ingruerit* (tempestas nempe tentationum, et periculorum, quibus sæculum abundat); *quando venerit super vos tribulatio et angustia, tunc invocabunt me, et non exaudiam. Mane consurgent, et non invenient me, eò quod exosam habuerint disciplinam..., nec acquirerint consilio meo:* (nota, quòd loquatur Deus, non de præcepto, sed de disciplina, et consilio) *et detraxerint universæ correctioni meæ:* (hic increpantur, qui parvipendentes Vocationem dicunt, in omni statu se æquè securè salutem consequi posse) *Comedent igitur fructus vitæ suæ, suisque consiliis saturabuntur.* (En punitio eligentium statum non secundum Divinum, sed proprium consilium) *Aversio parvulorum interficiet eos, et prosperitas stultorum perdet illos:* (ruent isti ad quamcumque levem sæculi tentationem, et ipsa sæculi bona servient

eisdem ad perditionem). Hinc S. Bernardus sic alloquitur vocatos ad Religionem : *Periclitatur castitas in deliciis , humilitas in divitiis , pietas in negotiis , veritas in multiloquio , charitas in sæculo nequàm ; Fugite de medio Babylonis , et salvate animas vestras.* Ex his omnibus velim , ut sedulò perpendant ii , qui Vocationem Religiosam negligunt , an meritò expavescere debeant , utrum existant , necne , in malo statu.

Sed dices , omnesne igitur tenentur Religionem ingredi , ut salventur ? Respondeo , et distingo : si loqueris de non vocatis , utique non tenentur : quia Deus in Sæculo præstabit eis auxilia opportuna ad salutem. Si verò loqueris de vocatis , dico , eos tenèri , quia Deus negabit ipsis auxilia , quæ in Religione eis parata habebit , et quibus destituti , licet auxiliis ordinariis , salvari possent , de facto tamen difficulter salutem adipiscuntur , cùm proferat S. Cyprianus : *Ordine suo , non arbitrio nostro , virtus Spiritus Sancti ministratur.*

## DUBIUM VI.

Ad quid teneantur Religiosi ejecti , et fugitivi ?

79 *Ob quas causas possint Religiosi è Religione expelli ?*

80 *Quæ possint acquirere Ejecti ? Quæ Apostatæ ?*

81 *Ad quid teneantur Ejecti ?*

82 *Ad quid Prælati teneantur ergà Apostatas , vel Ejectos ?*

» **SUPPONO** , Religiosum justas ob causas è Religione  
 » expelli posse : 1. Si in gravi , vel pernicioso crimine  
 » existens , notoriè incorrigibilis appareat ; in quo ta-  
 » men casu Moniales perpetuo potius carceri manci-  
 » pandas , quàm ejiciendas , putat *Sanch. l. 6 mor. c.*  
 » *9* , 2. Si ob criminis infamiam , sine gravi Ordinis  
 » damno , tolerari nequeat ; 3. Si in admissione re-  
 » ticuerit impedimentum , vel essenziale , vel saltem  
 » admodum grave , v. gr. lepram etc. ut docent *Nay.*  
 » *Sa* , ver. *Religio n. 34. Sanch. 6 mor. c. 4 n. 56.* Ratio  
 » est , quia in re admodum gravi decipit , ita ut fraus



» dederit causam admissioni; Vide *Dian. p. 9 t. 9 R. 57*,  
 » ubi docet, quòd, licet hactenùs ex communi senten-  
 » tia *Sanc. Suar. Azor. Rodr. etc.* Religiosi propter de-  
 » lictum aliquod grave, etiàm semel perpetratum po-  
 » tuerint expelli, jam tamen propter declarationem  
 » Urban. VIII. editam anno 1624. per nulla privilegia  
 » possint expelli è Religione (exceptà Societ. JESU),  
 » nisi sint incorrigibiles: tales autem non censean-  
 » tur, nisi unius anni jejunio, et poenitentia in car-  
 » cere sint probati.

» Hoc supposito, Resp. 1. Professus ex Religione  
 » ob culpam ejectus manet Religiosus, votisque ad-  
 » strictus. *Laym. l. 4 t. 5 c. 13. ex communi.*

*Unde resolvuntur hi Casus.*

80 » 1. Ejectus rerum, quas acquirit, usum, et ad-  
 » ministrationem tantùm sibi vindicare potest, non  
 » autem dominium: neque illud acquiritur Monas-  
 » terio, cujus non est membrum ampliùs, sed Eccle-  
 » siæ, in qua Beneficium habet; vel Papæ, si Bene-  
 » ficium non habet, et exemptus est. Quòd, si non  
 » sit exemptus, Episcopo loci. *Laym. l. c. ex Mol.*  
 » et *Less.*

» Dixi, *Ejectus*; quia fugitivos, et apostatas, iis  
 » exceptis, quæ ex Beneficio Ecclesiastico acceptata  
 » sunt; Monasterio acquirere veriùs est, si illud do-  
 » minii in communi capax sit, sin minùs, Sedi Apos-  
 » tolicæ. Ratio est quia Monasterium, instar servo-  
 » rum, eos vindicare, et reducere poterat. *Laym. l.*  
 » *c. ex Az. Sylv. etc.*

81 » 2. Ejectus per culpam, non omninò solutus est  
 » voto Obedientiæ, etsi ejus executio magna ex parte  
 » cesset: quia caret Superiore, à quo dirigatur; Debet  
 » tamen illud servare in præparatione animi, si re-  
 » cipitur. *Laym. l. c. ex Nav. et Less.*

» 3. Idem à reliquis monasticis observantiis, et regu-  
 » lis; ut à jejuniis, vigiliis, delectu ciborum, et similibus  
 » liber est, *Lay. l. 4 t. 5 c. 14. Sa n. 40. Nav. et alij.* \* (Cum  
 » *Bon. Lez. Pal. et Salm. de Stat. Rel. c. 5 n. 94. Nec te*

» *netur ad officium Divinum, nisi sit in Sacris, ut Salm. de*  
 » *Horis. c. 2 n. 10. Idem dicitur de dampato ad triremes ibi,*  
 » *Idem dicunt ibi Lez. Bon. Sot. etc. de perpetuo degente*  
 » *cum licentia extra Monasterium: sed probabilius hoc*  
 » *negant Pal. Suarez, Nav. cum Salm. l. c.)* \* contra  
 » *Less. Sanch. etc.* Ratio est, quia talium observatio  
 » non comitatur simpliciter professionem votorum  
 » substantialium, sed statum regularem, è quo ille  
 » est expulsus.

» 4. Etsi non sit improbabile, quod docent *Nav.*  
 » *et Az.* probatque *Rodr.* ejectum tuto manere extra  
 » suum Ordinem, nec teneri receptionem petere, eò  
 » quod justæ sententiæ suæ ejectionis se conformare  
 » possit: contrarium tamen communius est, et proba-  
 » bilius. Ratio est, quia, cum sit obligatus votis, tene-  
 » tur se qualificare, ut vota sua convenienter profes-  
 » sioni exequi possit. \* (*Ideo tenetur se corrigere. Salm.*  
 » *d. c. 5 n. 102.)* \* Quæ ratio magis probat, si Ordo  
 » ipsum revocet. *Laym. l. c. n. 6. ex Sylv. Sanch. et*  
 » *Less.*

» 5. Ejectus potest tuto in sæculo manere, si in  
 » Monasterio non recipiatur, nisi Religionem laxio-  
 » rem inire malit: quia aliam non vovit, neque per  
 » ipsum (ut suppono) jam stat, quominus in sua reci-  
 » piatur. Ità *Rodr. Laym. etc. l. c.* Ubi addit, Prælatos  
 » posse aliquem sub conditione ejicere; ut vel aliam  
 » Religionem intret, vel ad suam revertatur; imò etià  
 » Ordinarii locorum ejectos ad hoc cogere possunt.  
 » Ratio est, quod tales non sinè periculo, et scandalo  
 » aliorum in sæculo vivant. Vide *Laym. l. c. n. 8 et 9.*

» Respond. 2. Prælati Ordinum fugitivos, et apos-  
 » tatas requirere tenentur, si absque gravi Ordinis  
 » damno possint, et non omninò incorrigibiles videan-  
 » tur. Ità *Sanch. l. c.* Ratio prioris partis est, quia  
 » jure Divino, et naturali tenentur Prælati prospicere  
 » eorum salutem. Ratio posterioris est, quia, si ob jus-  
 » tam causam possint ejici, ob eandem etià post-  
 » quàm malitiosè exiverunt, poterunt non recipi. *Laym.*  
 » *l. c. n. 7. Sanch. etc.*

» Dixi, *fugitivos, et apostatos*: quia per sententiam justam ejectos, etsi se correxerint, necessario recipiendos negant, *Sanch. l. cū et Az. l. 12 c. 17.*  
 » Affirmant *Nav. Mol. t. 1 d. 140: Less. lib. 2 c. 41 d. 15.* Utrique probabiliter.

» Quæres, an professus in uno Monasterio possit cogi, ut se transferat ad aliud.

» Resp. posse, si plura Monasteria faciant unum corpus sub uno capite; secus, si singula subsint suis Superioribus sub Episcopo, vel immediatè sub Papa. Ratio est, quia non vovit obedientiam, nisi in hoc Conventu. *Laym. l. 6. n. 10.* Vide etià *Sanch. l. 7. mor. c. 32.* »

## CAPUT II.

### De Statu Clericorum.

» **C**LERICI generaliter dicuntur illi, qui Sacris Ordinibus, vel primà saltè tonsurà sunt initiati. Ad quorum statum cum multa pertineant, de quibus alibi agendum, hîc agemus de Beneficiis Ecclesiasticis, Horis Canonicis, et aliis paucis. »

## DUBIUM I.

### DE BENEFICIIS ECCLESIASTICIS.

#### ARTICULUS I.

Quid, et quotuplex Beneficium Ecclesiasticum?

83 *Quid est Beneficium?*

84 *Quotuplex est?*

85 » **R**ESP. 1. Beneficium Ecclesiasticum est jus perpetuum percipiendi fructus ex bonis Ecclesiæ, propter Officium aliquod spirituale, auctoritate Ecclesiæ constitutum, ut *Laym. t. 4 l. 2 c. 1. Less. l. 2 c. 24 d. 1.*

» Dicitur 1. *Jus. perpetuum*: quia in Beneficio duo  
 » jura à se mutuo separabilia distinguuntur, 1. Est  
 » jus seu potestas exercendi muneris spiritualis, est-  
 » que simpliciter spirituale. Alterum est jus perci-  
 » piendi redditus Ecclesiasticos: quod, etsi secundum  
 » se sit temporale, quatenus tamen fundatur in offi-  
 » cio spirituali, ei que annexum est, spiritualitatem  
 » aliquam participiat.

» Dicitur 2. *Auctoritate Ecclesiae*, etc. quia solius  
 » Prælati est, officia in Ecclesia instituere, eis que pro-  
 » ventus Ecclesiasticos annectere; ipsiusque est re-  
 » spicere, quot, et qualibus ministris Ecclesia egeat.

» Resp. 2. Beneficium dividitur 1. in Sæculare, quod 84  
 » pro Sæcularibus, et Regulare, quod pro Regulari-  
 » bus est institutum. Unde sine dispensatione nec sæ-  
 » culare Regulari, nec contra conferri potest. Porro  
 » omne Beneficium præsumitur esse sæculare, nisi  
 » probetur esse regulare, vel ex prima sui institutio-  
 » ne, vel per possessionem pacificam 40. annorum;  
 » per eam enim ex sæculari fit regulare, et contra.

» 2. Beneficium aliud est duplex, aliud simplex.  
 » Duplex dicitur, quod est cum administratione, ut  
 » Papatus, Episcopatus, et omnia, quæ dicuntur dig-  
 » nitatis, hoc est, quæ habent præeminentiam, cum  
 » jurisdictione in foro externo, ut Præpositura, De-  
 » canatus, Archidiaconatus, Abbatia sive sæcularis  
 » sive regularis, Prioratus claustralis. Item Persona-  
 » tus, qui est eminentia in Ecclesia sine jurisdic-  
 » tione, v. g. locus honorificus in choro, in Processio-  
 » nibus, suffragiis ferendis, ut Cantoria, et similes.  
 » Item Beneficia, quæ dicuntur Officia, habentque  
 » administrationem rerum Ecclesiasticarum sine ju-  
 » risdictione, ut Custos, Thesaurarius, Primicerius,  
 » Archipresbyter. Denique duplicia dicuntur Bene-  
 » ficia curata; hæc enim omnia duplici onere, et cura  
 » constricta censentur, cum præter recitationem pre-  
 » cum omnibus communem, habeant aliquam admi-  
 » nistrationem, et eminentiam. Simplicia dicuntur,  
 » quæ tantum sunt instituta ad Officia Divina obeunda,

- » neque administrationem, vel eminentiam singula-  
 » rem habent; ut Canoniciatus sive sæculares, sive  
 » regulares, Capellanæ; V. *Laym. c. 4. n. 4. et Less.*  
 » l. 2 c. 34 d. 2. »

## ARTICULUS II.

Quomodo acquirantur, et conferantur  
 Beneficia?

- 85 *Quibus modis acquirantur Beneficia?*  
 86 *Quinam sint proprii collatores Beneficiorum?*  
 87 *Quid, et quotuplex sit Juspatronatus?*  
 88 *Quando Patronus teneatur præsentare.*  
 89 *An pendente lite currat tempus præsentationis?*  
 90 *Quid faciendum, si multi præsententur?*  
 91 *An peccent non præsentantes digniores ad Beneficia? Cer-*  
*tum est de promoventibus ad Cardinalatus, et Episco-*  
*patus? 92. Id certum est etiã de Episcopis non*  
*eligentibus digniores ad Parochias.*  
 93 *Quid, si electio fit ad Beneficia simplicia? usque ad 96.*  
 97 *An Patroni non præsentantes digniores peccent graviter?*  
 98 *An ad idem teneantur resignantes? 99. Verior sententia.*  
 100 *An eligendi digniores ad Prælaturas Regulares?*  
 101 *Vera sententia.*  
 102 *An electio digni, omisso digniori, sit valida?*  
 103 *Probabilior sententia.*  
 104 *An Episcopi digniores sint transferendi ad majores Ec-*  
*clesias? Et hic, an translatio Episcoporum vetetur jure*  
*Divino? 105. Quid, si absit justa causa?*  
 106 *An eligentes minus dignum teneantur ad restitutionem?*  
*Et cui? 107. An sententia negativa sit probabilis?*  
 108 *An teneantur ad restitutionem id suadentes?*  
 109 *Quid, si Beneficium conferatur per concursum?*  
 110 *An eo casu minus dignus electus teneatur resarcire dan-*  
*num Ecclesiæ, vel digniori?*  
 111 *An examinatores teneantur denunciare digniores?*

- 85-<sup>a</sup> **R**ESP. 1. Beneficia Ecclesiastica uno ex tribus mo-  
 » dis communiter acquiruntur; 1. Per *electionem*,  
 » v. gr. Canoniorum; vel etiã postulationem (quæ  
 » est electio ejus, qui non erat de Capitulo, vel de

» jure non erat capax), et confirmationem Superio-  
 » ris, si electum, vel postulatum idoneum esse in-  
 » telligat. 2. Per *præsentationem* Patroni præviam, et  
 » institutionem subsecutam à Prælato Ecclesiæ fac-  
 » tam, si præsentatus sit idoneus. Etsi verò Patronus  
 » præsentato jus ad rem conferat, ita ut Beneficium  
 » alteri conferri nequeat, jus tamen in re, et collatio  
 » Beneficii per institutionem datur. 3 Per *collationem*  
 » liberam, quandò Beneficium solo jure Prælati datur,  
 » nec Patronatus juri subest. Undè etià Beneficia  
 » ex modo conferendi dividuntur in Electiva, Patro-  
 » nata, et Libera.

» Resp. 2. In qualibet Diœcesi Episcopus est pro-  
 » prius collator Beneficiorum, nisi ex legitima præ-  
 » scriptione hoc jus alteri competat: supremus autem  
 » et universalis collator omnium Beneficiorum non  
 » patronatorum est Papa. *Less. l. 1 c. 34 d. 10.* Ratio  
 » prioris est, quia Episcopus in sua Diœcesi est mo-  
 » derator Sacrorum: ergò ipsius est Officia Sacra con-  
 » ferre. Ratio posterioris est, quia Papa est supremus  
 » dispensator bonorum Ecclesiasticorum, et Ordina-  
 » rius Ordinariorum. Potest autem Papa tribus modis  
 » Beneficia conferre, 1. Jure præventionis. 2. Jure con-  
 » cursus. 3. Jure devolutionis, de quibus vide *Less. l. c.*  
 » ubi notat, jure præventionis, et concursus, ad vitandas  
 » lites rariùs Papam uti, imò per concordata Germa-  
 » niæ inter Sedem Apostolicam, et Fredericum Im-  
 » peratorem, per Constitutionem Nicolai V. quæ inci-  
 » pit: *Ad Sacra, etc.* alterni tantùm menses Papæ colla-  
 » tioni reservantur, scilicet Januarius, Martius etc. reli-  
 » qui verò Ordinariis collatoribus relinquuntur. Imò, si  
 » per tres menses, à die notæ vacationis, in loco Be-  
 » neficii nulla dispositio, vel gratia Papæ appareat,  
 » Ordinarius conferre potest. Similiter, mortuo Papa,  
 » quamdiù Sedes vacat. *Less. l. c. Laym. c. 10.*  
 » Quod si Pontifex, et Ordinarius eodem die idem  
 » Beneficium diversis contulerint, et neutrius colla-  
 » tionis prioritas appareat, præferendus est, qui in-  
 » venit in possessione, quia pro eo jus præsumit. Si

- » neuter est in possessione, præfertur provisus à Pon-  
 » tifice, ob dignitatem provisoris, *Barb. et Bard. d. 6*  
 » *c. 6 §. 10. ex c. Si à Sede.* Denique, si ultimâ nocte  
 » mensis Episcopalis Beneficium cœperit vacare, in  
 » dubio, utrùm autè; an post mediam noctem, quâ  
 » incipit mensis Papalis, si nemo sit in possessione,  
 » nec ulla provisio, præsumptio juris est pro Ordina-  
 » rio. *Gonzal. Barbos. Bard. d. 6 c. 6 §. 11.*
- 84 » Quæres 1. Quid, et quotuplex sit Jus patronatûs?  
 » Resp. 1. Esse potestatem præsentandi ad Benefi-  
 » cium Ecclesiasticum vacans. Resp. 2. Ecce duplex,  
 » scilicet jus patronatûs Ecclesiastici, et jus patrona-  
 » tûs laici, quod alicui competit, quia ex bonis pa-  
 » trimonialibus Ecclesiam fundavit, vel dotavit, vel  
 » erexit. *Loym. l. 4 tr. 2 c. 13 n. 2 et 4.*
- 88 » Quæres 2. Quando Patronus teneatur præsentare,  
 » Beneficio vacante? Respond. Si patronatus sit lai-  
 » cus, tenèri intrâ 4. menses: \* (*Ex c. Quoniam. De*  
 » *jure patron.*)\* Si Ecclesiasticus, intrâ 6. (*Ex c.*  
 » *unico. §. Verum. De Jure part. in 6. Si mixtus, etiam*  
 » *intrâ 6. ut Salm. de Benef. c. un. n. 275.*)\* intrâ quos,  
 » nisi fiat præsentatio, Beneficium fit liberum, ejus-  
 » que dispositio pro ea vice devolvitur ad eum, cujus  
 » est instituere præsentatum. \*
- 89 » Quæritur hæc, an currat tempus præsentationis,  
 » quandò vertitur lis super jurepatronatûs? Nega, si lis  
 » sit inter Episcopum, et Patronum, vel inter ipsos præ-  
 » sentatos. Secûs, si lis sit inter Patronos, v, gr. si non  
 » conveniunt in præsentando; vel si contenditur, cui  
 » competat jus præsentandi; *Salm. tr. 28 de Ben. c. un.*  
 » *n. 277 cum Az. Zer. etc. ex c. Quoniam de Jurepatr.*  
 » Notant tamen *Salm. ib. cum Barb.* Episcopum tempus  
 » designatum posse per alios 6 menses prorogare; sed  
 » non ampliùs ex *c. 2 de Conces. Præb.*
- 90 » Quæres 3. Quid faciendum, si multi præsenten-  
 » tur?  
 » Resp. 1. Si Patronus, qui antea præsentavit Pe-  
 » trum, præsentet postea Paulum, velitque hunc  
 » præferri, poterit Prælati instituere illum, quem

» maluerit, si patronatus sit laicus : quia tunc præsen-  
 » tatio secunda non facit irritam primam, nec contra.  
 » Si tamen patronatus sit Ecclesiasticus, prior tempore  
 » erit potior jure, ex c. *Cum authent. de jure patrona-*  
 » *tis*. Resp. 2. Si ex duobus Patronis, alter Petrum,  
 » alter Joannem præsentet, potest collator conferre,  
 » cui maluerit. \* (*Sed præferre debet digniorem, etsi à*  
 » *minore parte Patronorum præsentatum, ex c. Quo-*  
 » *niam, de Jurepatr. Vide alia infra ex n. seq.* ) \* Imò  
 » juxta Sylv. Episcopus tunc tertio conferre potest, eo  
 » quod Patroni non conveniant. Resp. 3. Si multi Pa-  
 » troni inter se sint discordes, is instituendus, in quem  
 » plures conveniunt. Vide *Less. l. c. d. Si Laym. l. c.*

Hic oportet plures quæstiones discutere scitu maxi-  
 mè necessarias circa collationem Beneficiorum. Quæst. I.  
 An sit obligatio eligendi digniores ad Beneficia? Cer-  
 tum est i. nullo modo excusari à peccato mortali eos,  
 qui promovent minus dignos ad Episcopatus, et Car-  
 dinalatus. Habetur hoc ex *Trid. sess. 24. c. 1 de Ref.* ubi  
 declaratur : *Omnes verò et singulos, qui ad promotionem*  
*præficiendorum, quodcumque jus quicumque ratione à*  
*Sede Apostolica habent, aut aliaquin operam suam præ-*  
*stant. . . in primis maminerint nihil se ad Dei Gloriam,*  
*et Populorum salutem utilius posse facere, quàm si bu-*  
*nos Pastores, et Ecclesiæ gubernandæ idoneos promote-*  
*ri studeant; eosque alienis peccatis communicantes mor-*  
*taliter peccare, nisi quos digniores, et Ecclesiæ magis*  
*utiles ipsi judicaverint, non quidem precibus, vel huma-*  
*no affectu, aut ambientium suggestionibus, sed, eorum*  
*exigentibus meritis, præfici diligenter curaverint.* Ex quo  
 patet peccare quidem graviter Pontifices, et Reges ;  
 qui ad præfatas Dignitates non digniores promovent.  
 Ratio, quia, cum Beneficia, seu Dignitates prædictæ,  
 sint instituta ad commune bonum Ecclesiæ, multum  
 ipsi detrahunt, qui prætermittunt eligere magis ido-  
 neos ad Ecclesiarum regimen Confirmatur ex Propo-  
 sitione 47. damn. ab Innocent. XI quæ dicebat : *Cum*  
*dicat Concilium Tridentinum alienis peccatis communi-*  
*cantes mortaliter peccare, qui nisi quos digniores, et*



*Ecclesiæ magis utiles ipsi judicaverint, ad Ecclesias promoveant, Concilium vel primò videtur per hoc Digniores, non aliud significare velle, nisi dignitatem eligendorum. sumpto comparativo pro positivo: vel secundò locutione minùs propria. ponit digniores, ut excludat indignos, non verò dignos; vel tandem loquitur tertio, quando fit concursus.*

<sup>92</sup> Certum est 2 quod Episcopi ad Beneficia curata pariter teneantur digniores eligere. Ratio est eadem, quæ suprà declarata est, cum ad Parochos etià pertineat salus Animarum. Et hoc pariter constat ex c. 18. *Trident. ejusdem sess. 24. ubi dicitur; Ex hisque Episcopus eum eligat, quem cæteris magis idoneum judicaverit.* Ex verbis autem Tridentini primo loco relatis, quos *Ecclesiæ magis utiles ipsi judicaverint*, rectè inferunt cum *S. Thom. 2. 2 quæst. 63. art. 2. Salm. App. de Benefic. n. 307 cum Soto, Cajet. etc.* quòd major dignitas eligendorum non accipienda sit absolute, sed respectivè ad utilitatem Ecclesiæ, et Fide-lium. Cæteris autem paribus, dicunt *Salm. l. c. cum Barb. Hurt. etc.* censendum esse digniorem 1. Qui est senior. 2 Qui de suis bonis fundavit Ecclesiam. 3 Sacerdos in concursu non Sacerdotis. 4 Originarius respectu extranei. 5 Graduatus in aliqua scientia. 6 Qui præditus est majori sanctitate, aut prudentiâ, præferendus est ei, qui solâ scientiâ præeminet. 7 Potens et nobilis, quia hæc solent non parùm conducere ad Ecclesiæ bonum. 8 Pauper præferendus est diviti. Ultimò notant *Pass. Leur. et Sigism. apud Croix l. 4. n. 594* quod, si quis sit probabiliter dignior, sed dubiè minùs dignus altero, qui est certè dignus, possit hic certè dignus præferri.

<sup>93</sup> Dubitatur 1 an peccent mortaliter Episcopi eligentes minùs dignos ad Beneficia simplicia, omissis dignioribus? Adest duplex sententia. *Prima* sententia probabilis negat, quia, cum Beneficia non sint instituta (saltèm primariò) in bonum singulorum, sed in utilitatem Communitatis, modicum ei damnum infertur, si illa conferantur dignis, prætermis-sis dig-

nioribus. Ità tenent. *Nav. l. 2 de Rest. c. 2 n. 172. Sp. verb. Beneficium, n. 42. Sotus l. 3. de Just. q. 6 ar. 2. Elbel t. 2 pag. 507. ar. 2. Sanch. Conf. t. 2 c. 1 dñb. 2 n. 20 cum Salon. Gabr. Ales. et Abul. item Dic. Hurt. Vega, et Diana apud Salm. de Ben. n. 312 et probabilem putant Salm. n. 324 et Card. in dict. Prop. 47. damn. ab Innoc. XI. n. 9. Ad textum autem, qui adducitur ab Adversariis in c. un. Ut Eccles. Ben. sitte dim. etc. Ubi dicitur: Debuisti Beneficium in persona magis idonea dispensare. Respondent cum Lugo de Just. D. 35 n. 11, ibi reprehendi à Pontifice Episcopum, non quia non dispensavit digniori, sed quia dispensavit non idoneo, ut colligitur, iudicio Lugonis; ex ejusdem Canonis initio. Ad alios textus verò, qui opponuntur, respondent, in illis non haberi præceptum, sed tantum instructionem. Non desunt, qui asserunt, nullum esse peccatum eligere ad Beneficia simplicia etià minus dignos, ut P. Nav. Led. Gutt. Gutz. Nav. et Diana apud Carden. d. n. 9. qui adhuc probabile putat; Sed puto, in hoc non recedendum à communi sententia, quæ saltèm à veniali id non excusat: Quinimò rectè Sanch. n. 21 et Continuator Tourn. t. 1 p. 760. cum communi damnat de mortali eligere minus dignum ad Canonicatus, quibus annexum est munus Pœnitentiariæ, vel concionandi, aut docendi.*

*Secunda* tamen sententia communior, et probabilior docet, sub gravi obligatione etià ad Beneficia simplicia eligendos esse digniores. Ratio I. quia, ut ait S. Thom. 2. 2 qu. 63 a. 2 ad 1. *Prælati Ecclesiastici non est dominus* (Beneficiorum), *ut ea possit dare prohibito; sed dispensator etc.* Undè peccat, qui aliis Beneficia distribuit, quàm dignioribus, qui ad illa jus fortius habent; Si enim verum est (ut DD. communiter fatentur), quod Beneficia non solum sint instituta in bonum commune, sed etià (licet minus principaliter) in præmia meritorum, patet indè, ad illa majus habere jus, qui commune bonum magis promonent; Saltèm Beneficia sunt bona communia, et

ut talia etiã debentur iis, qui meritis præstant. Ratio 2 potior mihi, et *Lugoni* (qui prædictæ primæ rationi minimè acquiescit) ea est, quia ipsa utilitas Ecclesiæ, ob quam sunt beneficia instituta, postulat de se, ut digniores promoveantur, alioquin Clerici parùm incumberent ad digniores se reddendos, et sic valdè deficeret Ecclesiæ utilitas; Hoc autem damnum non leve, sed satis notabile videtur. Ità *Less. l. 2 c. 33 dub. 14. Lugo de Justit. D. 35 n. 10. Pal. tr. 13. Disp. 2 p. 11 n. 8. Holzm. t. 1 p. 432 n. 419. Croix l. 4 n. 588. Viva in Propos. 47. Innoc. XI. n. 6 et 9. Roncaglia de Beneficiis c. 5 qu. 9* qui, spectatâ, ratione, putat contrariam carere probabilitate, item *Salm. de Benefic. n. 314. cum S. Anton. Cap. Az. Fill. Garcia, et aliis plurimis.*

94 Limitant tamen DD. et dicunt, non esse peccatum mortale, I. Si prætermittatur dignior non passim, sed semel, vel bis, ut *Lugo l. c. n. 21. Nav. Az. et Fill. apud Croix d. n. 588. item Less. l. c. n. 66. cum Ales. Soto, Sa, Gabr. Angel. P. Nav. et Arag.* loquendo de Beneficiis merè simplicibus, ut Capellaniis, et etiã Canonicatibus, non autem de iis, quibus annexa est jurisdictio, vel functio magni momenti, ut suprâ; Ratio, quia tunc parùm damni infertur Ecclesiæ. Hoc tamen nullo modo admittendum in Beneficiis curatis, pro quibus damnum Ecclesiæ, communiter loquendo, esset notabile. Imò *Vasq. Cov. et Caj.* tenent, hoc esse mortale etiã in omnibus Beneficiis simplicibus, quia etiã violaretur in re gravi justitia distributivæ. è converso, ait *Less. cum aliis n. 65.* quod dignior in his Beneficiis non habeat tale jus strictum, ut illud violare sit mortale, cum violatio justitiæ distributivæ, ut asserit cum *Soto*, non sit semper mortale, nisi redundet etiã in violationem justitiæ commutativæ.

95 Limitant II. Si excessus dignitatis sit parvus, quia tunc damnum leve censetur. Ità *Less. n. 64. Lugo n. 21* qui vocat commune cum *Nav. Sot. Gers. P. Nav. et Silvest. Sanch. d. Dub. 2 n. 326. cum Arag. Pal.*

*Prado*, etc. Et in hoc casu dicunt, electionem non excedere culpam venialem, etiamsi Electores praes-  
titerint juramentum eligendi digniores, ut *Salm.* cum  
*Soto*, *Sanch. Pal.* et *Lugo*, qui n. 23. hoc admittit  
in his duabus, et sequenti limitatione: Hæc tamen  
limitatio nequaquam admittenda est quoad beneficia  
curata.

Limitant III. Si beneficia sint parvi momenti, ut  
*Lugo* ex n. 21 communiter cum *Nav. Sylvest. Gers.*  
*Arag. Salon. Viva l. c. n. 6* item *Less. Reg. Reb. Mald.*  
*apud Croix n. 588* item *Sotus, Valent. Bann. Rodr.*  
*apud Dianam. p. 5 tr. 5 R. 13.* Limitant IV. Si ex lege  
foundationis debeat eligi aliquis de aliqua Familia, Col-  
legio, vel Oppido, ut *Tourn. t. 1 pag. 762 cum Sylvio.*  
Limitant V. Si prævideatur dignior brevi dimissurus  
Beneficium, ut *Holz. p. 232 n. 421 cum Pichler.*

Dub. 2. an Patroni teneantur sub mortali præsentare  
digniores ad Beneficia? Distinguendum inter Bene-  
ficia curata, et simplicia. Si sint curata, certum est,  
1. quod Patroni Episcopatum, ut sunt Reges, ad  
id teneantur ex relato c. 1. *Trident. Sess. 24* ut supra,  
ubi hoc declaravit Concilium de omnibus Promoven-  
tibus, ut vidimus n. 91. Certum est 2. quod, si Patro-  
ni sint Ecclesiastici, teneantur etiam digniores præ-  
sentare, ut sancivit Concilium c. 18 *dict. Sess. 24.* Sed  
dubium est, si Patroni sint laici? *Prima* sententia,  
quam tenent *Pal. tr. 13 disp. 2 p. 7 n. 6 ac Garcia,*  
*P. Nav. et alii apud Salm. de Ben. n. 281*, negat tenē-  
ri ad præsentandos digniores, sive Beneficium sit sim-  
plex, sive curatum. Probant ex *Trident. d. c. 18* ubi  
dicitur: *Quod si juris patronatus laicorum fuerit, debeat*  
*qui à Patrono præsentatus erit, ab eisdem deputatis....*  
*examinari, et non, nisi idoneus repertus fuerit, admitti.*  
Ergo Concilium, ait *Palaeus*, non aliud onus imponit  
laico, quam idoneum præsentare. Confirmant ex *cap.*  
*Monasterium. 33. Caus. 17 q. 7.* ubi dicitur: *Liceat*  
*illi Presbytero cui voluerit pro sacro officio illius Diœce-*  
*sis cum consensu Episcopi, ne malus existat, commen-*  
*dare.* In quibus verbis ne malus commentat *Glossa*

*Sufficit aliquem non malum esse; Ut notat etiam Glossa in cap. licet cas. 8 q. 1.*

Sed omninò tenendum cum *secunda* sententia, quòd in Beneficiis curatis teneatur sub gravi Patronus adhuc laicus præsentare digniorem. Hoc mihi certum videtur, quia in his Beneficiis eadem utique ratio datur, quæ in Episcopatibus, pro quibus jam declaravit Tridentinum, ut suprâ vidimus, à quibuscumque Patronis promovendos esse digniores. Idque videtur clarè confirmari ex *Prop. dam. 47* ut suprâ (ut benè advertit *Croix n. 583;*); quæ intelligenda est ex verbis, *quandò fit concursus*, non solum de Episcopatibus, in quibus non fit concursus, sed etiâ de Beneficiis curatis, quæ per concursum conferuntur. Si verò Beneficia sint simplicia, prout probabile est, Episcopos non tenèri sub gravi ea dignioribus conferre, ita probabile etiâ est, ad hoc non tenèri Patronos; sed quia probabilius est, ut diximus, illa dignioribus conferenda esse; ita etiâ probabilius censemus, Patronos tenèri sub gravi digniores præsentare. Ratio potissima, ut benè ait *Sanch. d. lib. 2 c. 1 Dub. 5 n. 3* quia aliàs evenirent eadem inconvenientia, quæ sequuntur ex hoc, quòd Electores non eligant digniorem, prout suprâ animadvertimus, cum Episcopus non possit aliòquin repellere præsentatum, si sit idoneus, etiâ si dignior omittatur. Nostram sententiam tenent *Sanch. l. cit. Croix n. 584 Viva l. cit. qu. 4 et Salm. cum Mol. Ban. Vasq. Azor. Less.* Et eandem tenet *Lugo dict. Dub. 35 n. 39* quàmvis excipiat Capellâs, quas quis pro libitò in aliqua Capella suæ familiæ instituit, contrâ *Mol. Az. et Vasq. apud Viva Opusc. de Benefic. qu. 4 ar. 2 n. 5* quia hoc concedunt tantum Fundatoribus, non autem successoribus.

<sup>98</sup> Dub. 3. an resignantes Beneficia etiâ debeant digniorem quærere? In hoc plures diversæ adsunt sententiæ. *Primâ* negat cum *Sanch. Consil. 1. 2 c. 1 dub. 7. n. 4. Less. l. 2 c. 34 n. 61 cum Caj. Pal. tract. 13. Disp. 2 p. 11 §. 2 n. 11.* item *Azor. Hurtad. Mercad. Salan;* apud *Salm. n. 330 et Lugo* vocat communem d.

*D. 35 n. 49* cum *Malder. Sa, et Diana*, et ipse *Lugo* cum *Vasq.* probabilem vocat. Ratio, quia resignans sive commutans Beneficium non est dispensator boni communis, sed boni sui; undè non peccat contra iustitiam distributivam: nec peccat Episcopus tunc conferens Beneficium resignatario idoneo, quia tunc non tenetur digniorem quærere, decreta enim de eligendo digniore loquuntur de collatione per vacationem, non autem per resignationem. Sentit tamen *Less. l. c.* si offeratur resignanti persona multò dignior, ex charitate ergà commune bonum illam præferendam. *Secunda* sententia omninò opposita absolute affirmat, tenèri resignantem quærere digniorem. Hanc tenent *Sotus, de Just. l. 3 qu. 6 art. 2. Viva l. c. n. 13. Cont. Tourn. t. 1 pag. 762. item Vasq. et Palac. apud Salm. n. 379.* Ratio, quia resignans, licet non peccaret tamquam collator Beneficii, peccaret tamen, quia esset causa illicitæ collationis: cum alioquin collator, qui certè non tenetur acceptare hujusmodi resignationem, non excusaretur à peccato, si eam acceptaret, et præsentaret aliquem qui vix est dignus, dum aliundè de facili inveniri posset magis idoneus, cui Beneficium conferatur; undè peccat etià resignans, cooperando peccato collatoris. *Tertia* sententia, quam tenent *Nav. l. 2 de Rest. c. 2 n. 173 et Salm. n. 331* cum *Vasq.* tum tantum admittit, posse resignationem fieri non digniori, cum resignatarius sit æquè dignus ac resignans, quia tunc nullum Ecclesiæ damnum irrogatur.

Sed de his omnibus sententiis æquior mihi videtur sententia doctissimi *Lugonis*, nempe, quòd tota ratio<sup>99</sup> culpæ in hoc puncto sumenda sit à ratione damni, quod Ecclesiæ obveniret. Ratio, quia, cum finis intrinsecus principalis institutionis Beneficiorum sit bonum commune, ut compertum est apud omnes (juxtà dicta *n. 93 et l. 3 n. 492.*) Ecclesia, illa conferendo, sub hoc onere confert, ut casu quo Beneficiarii velint ea à se abdicare, non, nisi in bonum commune, resignent; finis autem hic intrinsecus non potest negligi sine culpa. Hinc rectè infert, hujusmodi resignationes, præsertim

in Beneficiis curatis, et præcipuè in Episcopatibus, raro esse licitas; tùm, quia raro fiunt sine gravi boni communis detrimento; tùm, quia istæ electiones non fiunt cum ea diligenti inquisitione meritorum, quæ conferuntur Beneficia præfata per vacationem; item quia ut plurimum fiunt cum retentione pensionis, quæ in damnum pauperum vergit; tandem, quia sæpè fiunt à senibus in adolescentes, ex quo deindè provenit, quòd, ubi digniores in Beneficiis post resignationem mortem electi fuissent, sint tantùm electi minùs digni: Omnia autem hæc utique vergunt in grave damnum commune. Si autem ex circumstantiis censeretur posset, in aliquo casu nullum, aut modicum detrimentum Ecclesiæ inferri ob resignationem factam in aliquem minùs dignum alio, qui inveniri posset; tunc benè, ait *Lugo*, excusari posse resignantem, et collatorem à culpa, saltèm gravi. Et huic sententiæ adhæret etiàm *Croix l. 4 n. 586*.

<sup>100</sup> Quær. II. An ad Prælaturas Regulares eligendi sint etiàm digniores? *Prima* sententia negat cum *Gurt. Rodr. et Valer.* apud *Salm. n. 332.* nisi agatur de Generalatu, aut Prælatura perpetua; quòd tamen Prælaturas amovibiles, dicunt, non esse obligationem eligendi digniores; tùm quia in Religione jam adsunt Regulæ, quapropter sufficiat, ut juxta eas subditi regantur, quod benè potest præstare Prælatus dignus, quin dignior existat; tùm, quia, si hic damnum aliquod afferret, faciliè amoveri potest. Huic sententiæ adhæret *Lugo D. 35 n. 56.* casu, quo subditi essent adeò observantes, ut Prælatus non dignior, sed dignus possit sine ullo periculo eis præfici.

<sup>101</sup> Sed omninò affirmandum cum sententia communi, ut asserit idem *Lugo*, et hanc tenent *Solus l. 3 qu. 6. art. 2. concl. 9. Nav. l. 2 c. 2 n. 159. Carden. l. c. n. 5.* ubi id prænotat ut certum, *Visa in dict. Prop. 47 n. 10. Ronc. c. 5. q. 7. Sanch. dub. 2 n. 27.* et etiàm habent tamquàm certum *Croix l. 4 n. 582 et 589. Salm. n. 333. cum Vasq. Peyrin. Vill. Fern. et aliis.* Ratio, quia eadem valet ratio in Prælatibus Regularibus, quàm

In Episcopis, incumbendi bono communitalis, et subditorum, erga quos Prælati sunt quasi Episcopi. Nec dicatur, quod, cum adsint Regulæ, sufficiat, quod Prælati attendat dumtaxat ad ipsarum observantiam retinendam; nam hæc observantia difficillimè vigeat, si minùs digni eligantur; quia minùs digni facile tepescunt, et indigni evadunt, aut saltem minùs diligenter observantiæ incumbunt, et deindè ex imperfecta observantia facilè ac citò Regularum relaxatio succedet cum damno irreparabili; nam experientià constat, quod, ubi in aliqua Religione abusus vel semel intruditur, difficillimè postmodum avertatur. Et hujus gravissimi damni profectò sunt causa Prælati minùs diligentes, et ii, qui tales Prælatos eligunt. Utinam hujusmodi detrimentum ex hoc capite derivatum in pluribus Monasteriis sæpè non lugeretur! Ideò nunquam auderem absolvere Religiosum, qui minùs dignum Prælatum eligere vellet. Atquè rectè *Salm.* cum *Anton. de Spirit. Sanct.* hanc doctrinam ad electionem, Definitorum, Consiliariorum, Procuratoris generalis et Similium extendunt.

Quær. III. an electio digni in Beneficiis, omisso digniore, sit valida? Si Beneficium est simplex, certum est valère, eam ex communi DD. V. *Sal. n.* 343. Dubium est, si sit curatum. Negant probabiliter *Pal. l. c. p.* 11 §. 3. *n.* 3. *Sanch. l. 1 c. 1. dub.* 6. et *Salm. n.* 345. cum *Consal. Arag. Hurt. etc.* Ratio, quia in *cap. cit.* 18. *Trident.* circa Beneficia parochialia, postquam præcipiatur eligere digniores, sic additur: *Provisiones, seu institutiones, præter supràdictam formam factæ, subreptitiæ esse censeantur*: sed inter has formas (dicunt) quænam magis præcipua forma est, quàm ut dignior eligatur, prout expressè Concilium jubet? Confirmant ex Bulla S. Pii V. anno 1566. in *Bullario n.* 32, quâ declarantur nullæ omnes collationes, factæ præter formam Tridentini, præsertim in examine; et insuper conceditur appellatio digniori præterito.

Affirmant verò, probabilius valère collationem *Lugo* 103 *Dist* 35 *n.* 71. cum *Garc., Ugol. Fù. Vas. Mol. Gut. Led.*



et idem tenent *Holz. pag. 432. n. 422. cum Anacl. et Angel, Croix l. 4 n. 627. cum Gonz. Leur. et Lott. Ratio*, quia *forma* reverà non significat nisi modum, set ritum externum in hujusmodi collationibus à Concilio præscriptum, nempe edictum, concursus, examen, etc. Quòd autem dignior judicetur ab Episcopo, non pertinet ad formam, sed ad internum Episcopi judicium, à quo non debet pendere validitas collationis; nam aliàs, si Episcopus elegerit eum, quem minùs dignum judicaverit, etiàmsi ille reverà sit dignior, erit nulla. Prætereà S. Pius in sua Bulla præscripsit, appellationem interpositam *non impedire*, quominùs electio per Ordinarium primo loco facta interim executioni mandetur, et provisus, causà pendente, ab eadem Ecclesia *non amoveatur*. Ergò (benè arguit *Lugo*) electio facta erit valida, donec Judex appellationis eam revocet; alioquin, etià appellatione non facta, electio nulla dicenda esset. Omnes autem conveniunt in dicendo, quòd difficillimè possit in eo casu judicari pro appellante, cum major dignitas electi non tantum pendeat à scientia, sed etià ab aliis requisitis prudentiæ, integritatis, aptitudinis, etc. Et ideò præsumptio semper est pro electione Ordinarii; nisi evidenter injusta, et dolosa probetur, ut ajunt *Lugo l. c. et Salm. n. 347*.

1104 Quær. IV. An obligatio eligendi digniores ad Beneficia curata, præsertim ad Episcopatus, ita urgeat, ut debeat Episcopus dignior ab una Ecclesia ad alteram majorem transferri? Hæc quæstio tota pendet ab alia, nimirum, an translatio Episcoporum sit prohibita jure Divino, vel humano? Quapropter hanc discutere oportet. *Prima* sententia tenet, translationem Episcoporum esse tantum vetitam de jure Ecclesiastico; ut disponunt *Leo I. Ep. 82. Galasius Epist. 6 etc.* Ratio, quia aliàs, si esset vetita de jure Divino, non sufficeret quælibet utilis, et honesta causa ad dispensandum; sed in *cap. Nisi de Renunt.* Pontifex, loquens de renuntiatione Episcopatus, expressè dixit: *Ut si propter aliquam causam utilem et honestam in hujusmo-*

*di proposito perseveres, de licentia nostra cedas.* Ex quo infertur, Papam sine causa validè dispensare, et cum aliqua causa etià licitè. Ità mordicùs tuetur *Suar. t. 3. de Relig. l. 1 c. 16. cum Hostiens. et Major. ac sequuntur Barbos. etc. apud Salm. de Benefic. n. 380.* Secunda verò sententia communior, et mihi longè probabilior, docet, Episcopos tenèri jure Divino permanère in suis Episcopatibus; ideò nec licitè, nec validè posse Papam cum eis dispensare ex *cap. Inter corporalia. De Trans. Ep.* ubi expressè declaravit Innocentius III. quòd, sicut Deus dissolutionem carnalis conjugii sibi reservavit, sic etià conjugii spiritualis inter Episcopum et Ecclesiam; et addidit: *Non enim humana, sed potiùs Divinà potestate conjugium spirituale dissolvitur cum per translationem. . . . auctoritate Romani Pontificis (quem constat esse Vicarium Jesu Christi) ab Ecclesia removetur.* Ratio autem hujus naturalis indissolutionis est, quia aliàs innumerabilia inconvenientia evenirent: præsertim, quia Episcopi multum deficerent in dilectione suarum Ecclesiarum, et ipsæ Ecclesiæ parum benè regerentur, si sæpè mutarentur Episcopi. Ità *Vasq. in 3 p. 3 D. 241. Caj. 2. 2 qu. 184 art. 6. Sanch. Consil. l. 2 c. 1 dub 3. cum Salon. et Sot. item Ban. Arag. cum Salm. qui n. 384. rectè addunt cum Carthusiano, Soto, Hurtado; etc.* Episcopis esse etià vetitum suas deserere Ecclesias, propter votum, quod ipsi emittunt, dum Ecclesiis præficiuntur, curam habendi ovium suarum, quod votum perpetuum est, et in eo solus Papa dispensare potest, ut docet *S. Thomas 2. 2. qu. 185. art. 4. et Clarius qu. 189. art. 7. ubi ait: Presbyteri autem curati... non obligantur voto perpetuo, et solemni ad curam Animarum..., sicut... obligantur Episcopi. Undè Episcopi præsulatum non possunt deserere absque auctoritate Romani Pontificis.*

Advertendum hîc verò, quòd, licet Episcopatus <sup>105</sup> comparetur Matrimonio carnali, non tamen id ità verum sit, ut non possit dissolvi hoc conjugium spirituale per dispensationem Pontificis, justà et valdè gravi causâ interveniente, ut omnes fatentur. Vide

*Salm. n. 328.* Et ita respondetur ad textum oppositum à *P. Suarez*. Causæ autem justæ communiter à DD. censentur esse, nimirum magna utilitas Ecclesiæ universalis, vel particularis, ab alio non supplebilis; vel necessitas Episcopi, propter infirmitatem, aut aeris malitiam: vel quia in sua Diocesi ob plebis iniquitatem, aut ob aliam causam non potest bene suum munus exercere. Ità *Salm. n. 390. Sanch. l. c. cum Soto et Vasquez*. Hinc respondetur ad quæsitum, quòd, si translatio sit vetita tantum de jure Ecclesiastico, juxta primam sententiam, minor sufficiat causa ad translationem, et adsit obligatio eligendi Episcopum digniorem, etiam ex iis, qui aliis Ecclesiis præsent. Si verò translatio sit jure Divino, juxta nostram sententiam, nulla erit obligatio eligendi digniorem ex Episcopis, qui actuale curam habent suarum Ecclesiarum; et si Episcopus nolit transferri, ad id nequit Papa eum cogere: nisi interveniat causa urgens, quo casu potest etiam cogi Episcopus, ut ad aliam Ecclesiam se transferat, ut dicunt *Sanch. dict. dub. 3 n. 2 et Arag.* Et idem censent *Salm. n. 390 cum Hurtado* de translatione Parochi.

206 Quæritur V. An, qui eligunt ad Beneficia dignum, omisso digniore, teneantur restituere damnum illatum ipsi, aut Ecclesiæ? *Prima* sententia, quam tenent *Caj. 2. 2. qu. 62 ar. 4. Sylv. v. Restitut. 5. qu. ult. Vasq. de Benefic. dub. 17 n. 117 et Salm. n. 359 cum Bann. Salon. Arag. Tapia, et Lop.* ait, eos teneri compensare damnum digniori omisso; quia, ut dicunt, sicut si aliqua bona essent à Fundatoribus relictæ, ut distribuerentur magis benèmeritis, aut indigentibus, aut propinquis; isti jus strictum quidem haberent ad illa bona; ita jus habent digniores ad Beneficia, quæ hac lege universali instituuntur, ut sint non solum stipendia laborum, sed etiam præmia meritorum. Alii verò, ut *Salm. n. 367 cum Bannez, et Salon.* putant, damnum resarciendum non solum digniori, sed etiam Ecclesiæ; quia hoc confertur Electori jus eligendi ab Ecclesia, ut eligat meliores; Undè dicunt

tenèri Electorem ex justitia cõmmutativa ad compensationem damni, quod ipsi Ecclesiæ obveniat ob electionem minùs digni.

*Secunda* verò sententia, non minùs probabilis, quam <sup>107</sup> tumentur *Nav. in Man. c. 17 n. 69. Less. l. 2 c. 34 dub. 15. Sanch. l. 2 c. 1 D. 45. n. 15. Pal. tr. 13. disp. 2. p. 11 § 4 n. 5. Lugo D. 35 n. 83. Tol. l. 5. c. 4 n. 4. Croix l. 4 n. 531. et Canus cum Adrian. Penna, Cov. etc. apud Salm. n. 354*, qui probabilem vocant, docet, Electorem neque Ecclesiæ, neque digniori tenèri aliquid restituere; Non digniori, quia tunc digniores haberent jus strictum ad Beneficia, quandò principaliter, ut suprà diximus, Fundatores habuissent rationem meritorum; non verò quandò minùs principaliter, ut est in casu nostro, cum Beneficia primariò, prout omnes concedunt, imò etiàm unicè, prout tenet *Lugo*, sunt instituta in bonum commune, ut Ecclesiæ inserviat à bonis Ministris; et licet secundariò essent etiàm instituta in præmia meritorum, ex hac tamen justitia nullum jus rigorosum, ad illa acquirunt, nec digni, nec digniores. Neque sub alio pacto, seu lege intelligit Ecclesia Electores obligare; neque ipsi intendunt se obligare sub onere restitutionis ad ampliùs, quàm ad Ministros non indignos eligendos. Undè neque Ecclesiæ tenentur aliquid restituere, ut pro certo vel ferè certo habent *Pal. Mol. et Sanch. n. 10 cum Soto, et Arag.* Secùs verò, si eligatur indignus, quia tunc tam ab electo, quàm ab Electore, deberetur Ecclesiæ restitutio damni. Utraque sententia est valdè probabilis; sed reddit mihi probabiliorem secundam sententiam id, quod diximus *l. 1 p. 25 t. 1 n. 83 et l. 3 n. 927* nempe, quod nullus legitimus possessor sui ad restitutionem teneatur, qui pro se probabilem habet opinionem.

Sic etiàm resolvitur illa alia quæstio, quam retuli-<sup>108</sup> mus *l. 3 n. 585*, scilicet an, qui suadet Episcopo, ut conferat Beneficiam simplex, aut curatum digno, prætermisso digniore, teneatur ad restitutionem damni? Affirmant *Salm. in hoc tract. de Benefic. n. 371* con-

sequenter ad sententiam, quam ipsi teneant, ut *suprà*; sed nos consequenter ad secundam sententiam, cui mox *suprà* adhæsimus, dicimus cum *Laym. Nav. Sa, Less. Val. Fill.* et aliis apud *Sal'n. in tract. de Rest. c. 1 n. 106* ubi ipsi *Salm.* hoc probabile censent, eum, qui Episcopo sine vi aut fraude suadet, ut Beneficium conferat minùs digno, ad nullam restitutionem tenèri. Secùs verò, si vi vel fraude impediret, quominùs Beneficium conferretur digniori; tunc enim certè tenetur damnum ipsi illatum restituere, cum quisque jus habeat, ne vi vel fraude impediatur à consecutione justì boni ut, dictum est *l. 3 n. 582*. Secùs etiàm, si Beneficium conferendum esset per concursum, ut in sequenti quæstione dicetur. An autem teneatur ad restitutionem is, qui non vi, vel fraude, sed tantùm ex odio impediret aliquem dignum à consecutione Beneficij? Probabiliùs negatur. Vide dicta *l. 3 n. 584*.

<sup>109</sup> Quær. IV. An, quandò Beneficia conferuntur per concursum, eligens dignum, omisso digniore, teneatur huic damnum restituere? *Prima* sententia communis affirmat, quam tenent *Pal. d. p. 11. §. 4 n. 6. Tourn. t. 1 pag. 763. Holzm. pag. 432 n. 419. Sanch. l. 2 cap. 1 dub. 46 cum Mol. et Metin. Croix l. 4 n. 628. Lugo D. 35 cum P. Nav. Less. Caj. Sylvest. Vasq. etc.* qui vocavit verissimam sententiam. Ratio, quia eo ipso, quo dignior admittitur ad concursum, acquirit jus ad rem, cum in communi æstimatione adsit tunc pactum implicitum in edicto inter Episcopum, et oppositores, ut dignior præferatur. Quod procedit in omni præmio, quod promittitur vocatis per concursum ad luctam, ad jactum, etc. Imò ait *Lugo*, quòd, cum in edicto dicatur, quod cuique sit servandum jus suum, digniores ex pacto explicito ad Beneficium jus acquirant. Tantò magis, quia in concursu ad Beneficia curata datur ex Tridentino appellatio digniori, si prætermittatur; ergò dicit *Pal. l. cit.* quòd digniores habeant jus strictum ad Beneficia. Excipiunt tamen *Ronc. c. 5 q. 2 cum Garcia, Lugo n. 21. et Sanch. n. 5* si excessus dignitatis sit parvus.

*Secunda* tamen sententia negat obligationem restitutionis, ut tenent *Sot. l. 4. de Just. q. 6 art. 3 sub fn. Nav. c. 17. in Summ. n. 74.* item *Led. Henr. et alii ap. Sanch. l. cit. n. 1*, qui probabilem censent. Ratio istorum, quia prædictum pactum, quod supponitur, vel habetur in Edicto, non est pactum rigorosum, obligans juxta leges justitiæ commutativæ, sed est tantum promissio, obligans dumtaxat ex fidelitate; imò potius est explicatio obligationis, quam per se habet Episcopus ex justitia distributiva, quæ non obligat ad restitutionem. Proculdubio sub gravi debentur, ut ajunt, præmia promissa concurrentibus ad luctam etc. ut supra, quia illa principaliter sunt instituta, ut præmia meritorum; sed idem non est de beneficiis, quæ unicè vel principaliter instituuntur in bonum commune. His non obstantibus, non audeo recedere à prima sententia communi, et valde probabiliori. Sed hanc secundam nec etiã audeo dicere improbabilem, quia reverà non videtur constare, quòd inter Episcopum et oppositores intercedat pactum illud obligans rigorosè ex justitia commutativa; Et, cum non constet de tali pacto, non videtur constare de tali obligatione.

Quær. VII. An dignus, se opponens per concursum digniori, peccet mortaliter, et teneatur ad restituendum illi damnum, si Beneficiũ obtineat? Nulli dubium, quin, si concurrat indignus cum digno, peccet concurrente, et acceptando Beneficiũ teneatur resarcire damnum Ecclesiæ, illudque resignare; vide *Sanch. Cons. l. 2 c. 1 Dub. 4 n. 9. et Salm. de Ben. n. 373*. Si verò concurrat dignus cum digniore, duo dubia occurrunt. Dubium 1 est, an iste concurrendo peccet graviter? *Prima* sententia negat, et hanc tenent *Less. l. 2 c. 34 n. 70. Caj. 2. 2 qu. 185 ar. 3. Az. 2 p. lib. 6 c. 15 qu. 14. Salm. n. 374. cum Soto, Bann. Led. etc.* item *Vasq. et Cov. apud Lugo D. 35 n. 88*. Ratio, tum quia non pertinet ad ipsum merita discutere, sed ad Electores; ideò si ipse Beneficiũ petat, petit sub conditione, si dignior videatur; Tum, quia

hoc est secundum mentem Ecclesiæ, ut omnes digni concurrant; aliàs, si non liceret dignis se opponere dignioribus, pauci concurrerent, et fortè digniores scrupulo territi se retraherent, idque in grave damnum Ecclesiæ utique verteretur. *Secunda* verò sententia, quam tenent *Sanch. cap. 1. dub. 48 n. 4. Pal. Dub. 2 p. 11. §. 5 n. 1. Nav. de Orat. Misc. 45. n. 89 et 97. ac Lugo D. 35 n. 91. cum Turriano*, dicit, quòd, si talis concurrat gratià honoris, ut ad alios concursus gradum sibi faciat, et postea desistat petere, ut eligatur, certe non peccet. Secus si prætendat electionem, apertè cognoscens alterum esse digniorem. Ratio, quia, licet Episcopus non peccet ipsum eligendo ex errore inculpabili, peccat tamen ille cooperandò tali electioni, saltèm materialiter injustæ; maximè quia injustitia illa vergeret in damnum dignioris, qui jus habet ad sui electionem. Hæc sententia, speculativè loquendo, apparet probabilior; at tamen in praxi numquàm videtur locum habère posse; nullo enim casu is, qui est dignus, poterit esse certus, quod Episcopus, bonâ fide eum eligendo, non habeat aliquod rationabile motivum, ipsi concurrenti occultum, excludendi alterum, quem ille putat digniorem. Hoc innuit ipse *Lugo n. 89.*

Dubium 2. est, an hic dignus, manifestè cognoscens alterum se digniorem, peccet acceptando Beneficium, et teneatur damnum illi resarcire? *Prima* sententia affirmat, quam tenent *Nav. l. 2 de Rest. c. 2. n. 173. Pal. d. § 5 n. 1* item *Sylvius, et Tanner. apud Salm. d. n. 374.* Ratio, quia ipse acceptando Beneficium concurrat ad injustam electionem in damnum alterius, *Secunda* tamen sententia, quam tenent *Sanch. c. 1. dub. 13 n. 2. Sot. de Just. l. 3 qu. 6 art. 2. Diana t. 2 tr. 5. Misc. R. 110 cum Turr. etc. ac Salm, l. c.* dicit, eum nec peccare, nec tenèri ad restitutionem. Ratio cur non peccet, quia ex una parte, ut ait *D. Thom. 2. 2 qu. 185 art. 3* loquens de assumptione ad Episcopatum, ille, qui debet assumere, *tenetur assumere meliorem quodad regimen Ecclesiæ;* pro eo verò qui assu-

mitur, dicit, quòd non requiratur, ut reputet se alius meliorem....., sed sufficit quod nihil in se inveniat, per quod illicitum ei reddatur assumere praelationis officium. Ex alia parte non peccat cooperando peccato collatoris, cum per ipsam collationem jam Episcopus peccatum consummaverit, et per accidens se habeat, quod ipse acceptet, vel non; juxta dicta in simili casu *l. 3 n. 492 qu. 8 v. Sed admissa*. Proùt enim (ait *Sanch.*), si Pater et extraneus sint in extrema necessitate, extraneus recipiendo panem à filio, licet filius peccet panem ei præbendo, ipse tamen non peccat acceptando: Ità in casu nostro. Ratio autem, cur iste neque teneatur ad restitutionem est, quia cum Beneficium jam est ei collatum, alter dignior nullum jus amplius ad illud habet, eò quod desinit tunc Beneficium esse inter bona communia: Proùt, si res duobus vendita, tradatur posteriori emptori, non tenetur iste rem emptam priori emptori restituere, cum per traditionem adeptus sit illius dominium, et extinctum sit jus ad rem primi emptoris. Licet autem in nostro casu concedatur digniori appellatio, collatio tamen in utroque foro valida est, et electus non potest à Beneficio acquisito amovèri, nisi per sententiam Judicis collatio invalidetur, ut diximus *n. 102*. Et hæc sententia mihi probabilior videtur; Tantò magis, quia, sicùt dignus electus potest licitè Beneficium petere, juxta dicta in præcedenti dubio; sic etià potest acceptare, eò quod numquam possit esse certus, collationem fuisse injustam. Hinc ait probabiliter *Less. d. n. 70* quòd, si certè existimes, Episcopum non judicio, sed favore te prætulisse, hoc tibi non sit imputandum, si Beneficium tibi non sollicitanti fuerit oblatum, vel si bonà fide sollicitaveris; videtur enim Ecclesia ratas habere has collationes in favorem concurrentium, ne ipsi deinde perpetuò scrupulis angantur, ut eruitur ex *Trid. ses. 7 c. 3* ubi præcipitur, ut Beneficia conferantur *dignis...., aliter... facta collatio... omni: è irritetur*. Ergò collationes, dignis factas, pro assumptis jam ratas habet. Cæterum bene ait *Sanch. l. c. n. 3* quòd communiter *Oppositors*



excusentur à peccato, quia nullus se reputat minus dignum, et bonâ fide existimare valet, quod, si alius excedit in uno, ipse excedat in alio.

- 111 Quær. VIII. An Examinatores teneantur Episcopo denunciare digniores? *Prima* sententia negat cum *Lug. D. 35 n. 66. Pal. l. c. § 4 n. 9. Croix l. 4 n. 626 et Barb. Garc. etc. apud Salm. n. 338* Et probant ex *cit. c. 18. Trid. Sess. 24* ubi dicitur: *Peracto deinde examine renuntientur quotcumque ab his idonei judicati fuerint ætate, moribus, doctrina, etc. Ex hisque Episcopus cum eligat, quem cæteris magis idoneum judicaverit.* Ergò, ut dicunt, ex verbis Concilii colligitur, quod solum ad Examinatores pertineat denunciare idoneos, ita ut Episcopus invalidè eligeret eum, quem ipsi reprobarent; sed contrà ad Episcopum unicè pertinet judicare, quis eorum sit dignior. Hoc confirmat Lugo ex Declaratione S. C. Concilii, quam refert, ubi dicitur: (S. Congregatio declaravit non pertinere ad examinatores, sed solum ad Episcopum judicare, quis ex concurrentibus ad Parochialem vacantem sit magis idoneus). Et in *Concil. Trident. c. 18. Sess. 24* tantum habetur, ut Examinatores peracto examine renuntient Episcopo, quotcumque ab his idonei judicati fuerint. Hæc sententia est quidem probabilis, sed probabilior mihi est *secunda* sententia opposita, quam tenent communius *Nap. l. 2 de Rest. c. 2 n. 187. Ronc c. 5 q. 9 R. 1 et Salm. n. 339 cum Azor. Led. Med. Vill. Lop. Dian. Tap. etc.* Ratio, quia idè præcipuè Concilium præscripsit concursum, et Examinatores, ut Episcopus facilius, et tutius digniorem agnoscere ac eligere valeret; Undè quàmvis ex verbis Concilii non inferatur obligatio Examinatorum denunciandi digniorem, infertur tamen ex mente Concilii. Nec obstat Declaratio allata S. C. ut suprâ, quia ibi nîl aliud decernitur, nisi quod ad Episcopum pertineat judicare de majori dignitate oppositorum, et hoc est certum; sed ibi non dicuntur Examinatores tenèri ad exponendum Episcopo, quem ipsi censeant magis idoneum, ut mens Concilii servetur. De-

mum hinc notandum, quod examinatores debeant præstare juramentum de fidelitate in suo Officio, ut præcipitur in Trident *Sess. 24 c. 18 de Ref.* Alioquin concursus est nullus, ut declaravit Sac. Congr. Conc, die 2 Decemb. 1628.

### ARTICULUS III.

Quæ intentio, et qualitates requirantur ad Beneficium accipiendum?

- 112 *Quenam qualitas requiratur in eo, cui Beneficium confertur?*  
 113 *An requiratur in eo voluntas clericandi? Quomodo peccet recipiens Beneficium simplex cum animo ducendi postea uxorem?*  
 114 *An peccet graviter recipiens Beneficium curatum cum animo dubio suscipiendi Sacerdotium intra annum?*

» **R**ESP. Ut Beneficium aliquod validè, et licitè obtineatur, requiritur, ut sit persona capax, et habilis, hoc est, ut sit Clericus, non illegitimus (quo- cum tamen Episcopus dispensare potest ad Ordines Minores, et Beneficium simplex, cui Ordo major non est annexus), non irregularis, excommunicatus, non improbus, aut facinorosus, ut habeat scientiam competentem ad munus Beneficio annexum, et ætatem legitimam; nisi dispensetur, scilicet pro beneficio simplici annos 14. (sufficere tamen 14 inchoatum, docet *Dian. p. 3 tract 6 R. 64 ex Azor. et aliis 5.*) \* (*Cum Gonzal. Pal. Fill. Barb. et Salm. De Benef. cap. unic. n. 160 communiter*) \* Pro eo quod Subdiaconatum requirit, vigesimum primum. Pro eo, quod Diaconatum, vigesimum secundum. Pro eo, quod Sacerdotium, vigesimum quartum inchoatum, (*Ut probabiliter Less. et Azor. apud Salm. 157 Quæ ætas sufficit, si Ordinem suscipiat intra annum, juxta Trident. sess. 23 c. 12. Notat, quod, ætate deficiente, etiam quoad unam horam, provisio Bene-*

» *ficii sit nulla : Est commune cum Sanch. Pal. Azor.*  
 » *et Salm. n. 162.) \* Colligitur ex Trid. sess. 22, 23 etc.*  
 » In his tamen, et similibus casibus multi excusan-  
 » tur, vel quia illud jus ubique non est receptum,  
 » vel quia bona fide tres annos fuerunt in possessione,  
 » quæ veluti usucapionem, et dominium parit *Less.*  
 » *dub. 20.*

113 » *Resp. 2. Qui recipit Beneficium quodcumque,*  
 » habens annexum Ordinem Sacrum, tenetur habere  
 » voluntatem saltè conditionatam clericandi, et  
 » Sacrum Ordinem accipiendi intra tempus, à jure  
 » requisitum. *Laym. c. 13 Less. l. 2 c. 34 dist. 26.* Ratio  
 » est, quia suscipiens Officium, cui obligatio est an-  
 » nexa, omni modo se habilitare tenetur, imò, si cu-  
 » ratum, seu parochiale est, habetque intentionem  
 » sacerdotium intra annum non suscipiendi, sed pa-  
 » rochiam dimittendi, non tantum moraliter peccat,  
 » sed etià ipso jure est privatus, et ad fructuum  
 » restitutionem tenetur, ut patet ex *cap. Commissa*  
 » § 7 *de elect. in 6.* Si tamen, mutata voluntate, ante  
 » finem anni Sacerdos fiat, fructus retinere potest;  
 » \* (*Idem docent Nav. Less. Sanch. etc. cum Salm. n.*  
 » *190. Et sic tenendum contra Soto et Tol. ut probatur*  
 » *ex dict. cap. Commissa, ubi dicitur, quod recipiens*  
 » *Beneficium curatum, animo non suscipiendi Sacerdo-*  
 » *tium, teneatur fructus restituere, nisi voluntate mu-*  
 » *taâ promotus fuerit. Vide omnia verba textûs citati*  
 » *infra n. 114) \* Imò et Episcopus dispensare potest,*  
 » ut, Vicario substituto, studiis per septennium vacet.  
 » Dixi 1. *Habens annexum Ordinem Sacrum :* quia,  
 » si is non sit annexus, et Beneficium sit simplex,  
 » licet illud acceptet animo fructus lucrandi, et dein-  
 » dè uxorem ducendi, non nisi venialiter peccat, si  
 » aliàs officio suo satisfaciat, ut docent *Laym. c. 17.*  
 » *Sanch. l. 7 de Matrim. Dist. 45.* Ratio est, quia illa  
 » perversio ordinis non videtur gravis, nec ullo jure  
 » vetatur, ideòque ad nullam fructuum restitutio-  
 » nem tenetur. Undè *Garcias. p. 3 c. 4 n. 42.* talem  
 » ab omni culpa excusat.

» Dixi 2. *Voluntatem saltèm conditionatam* : quia ,  
 » si ex justa causa postmodùm status Clericalis mi-  
 » nùs illi convenire videatur , potest animum mutare ,  
 » etiàmsi Beneficium sit curatum , v. gr. , si primo-  
 » genitus familiæ , aut frater unicùs sine liberis de-  
 » cedat : si optimum matrimonium ad conservatio-  
 » nem familiæ nobilis vel ad lites graves sopiendas  
 » necessarium offeratur. Ratio est , quia non est mens  
 » Ecclesiæ , ità Ecclesiasticum statum obligare , ut  
 » hæc et similia bona impediuntur , *loc. cit.* »

Quær. hîc I. Quomodò peccet , qui recipit Benefi-  
 cium simplex , animo deindè uxorem ducendi , Benefi-  
 cio dimisso ? Certum est , eum peccare graviter , si Be-  
 neficium habeat annexum Ordinem sacrum , ut commu-  
 niter docent *Busemb. ut suprà , et Sanch. l. 7 de Ma-  
 trim. D. 45 n. 14. Pal. tr. 13 Dub. 4 p. 7 n. 14. Salm.  
 tr. 18 c. 200. Cum Soto , Tol. etc.* Si verò Ordinem  
 Sacrum annexum non habeat , tres sunt sententiæ :  
*Prima* , quam tenent *Less. l. 2 c. 34 n. 132. Tol. l. 5 c. 5 et  
 Salm n. 109. cum Soto , et Gutt.* dicit , eum adhuc peccare  
 mortaliter , quia similis intentio est perversio ordinis  
 naturalis et divini , statuents Beneficia recipienda  
 esse tantùm ad obsequium Deo præstandum. *Secunda*  
 sententia , quam sequuntur *Palaeus l. c. et Garcias ap.  
 Bus. suprà* , censet , eum ne leviter quidem peccare , quia  
 nullum apparet præceptum hoc prohibens. *Tertia*  
 sententia media , quam tuentur cum *Bus , Sanch. l.  
 c. n. 19. et Laym. l. 4 tr. 2 c. 14 n. 11. cum Nav. et  
 Vasq.* tenet , hunc quidem excusari ab aliqua culpa ,  
 cum talis animus aliquam involvat inordinationem ;  
 sed non peccare graviter , cum hujusmodi inordinati-  
 o non sit tanta , ut damnari debeat de mortali ; nullo  
 enim jure constat ipsam esse gravem. Nullum autem  
 præceptum , ( ut rectè docent *S. Antoninus , et P. Con-  
 cina* , quorum verba retulimus *l. 3 n. 547. v. Cate-  
 rùm.* ) est hominibus sub gravi imponendum , nisi  
 evidens ratio id suadeat. Et ex hoc principio , tradito  
 priùs etiàmsi à *D. Thom. Quodlibet. 9 art. 15* , præfata  
 tertia sententia probabilior mihi redditur.

- 114 Quær. II. An peccet graviter, et teneatur restituere fructus, qui recipit Beneficium curatum cum animo dubio, vel conditionato suscipiendi Sacerdotium intra annum? Affirmant *Conc. t. 10 pag. 152. et Sotus, Azorius* apud *Salm. n. 185.* quia lex exigit veram intentionem suscipiendi etc. Sic enim habetur in *cap. Commissa de Elect. in 6: Cæterum, si promoveri ad Sacerdotium non intendens, Parochialem receperis Ecclesiam, ut fructus ex ea per annum recipias, ipsam postea dimissurus, (nisi voluntate mutata promotus fueris) tenebris ad restitutionem fructuum eorundem, cum eos receperis fraudulenter.* Negant verò *Nav. Barb. Garc. Graff* ib. *n. 186.* quia textus loquitur de eo, qui accipit fraudulenter Beneficium; non autem dicunt accipere fraudulenter, qui cum animo dubio, aut conditionali accipit. Verumtamen alii opinantur, ut *Bus. Less. l. 2 c. 34 n. 131 et 133. Sanch. d. c. 45. n. 10. Pal. n. 5. et Salm. n. 188.* qui citant *Lop. Man. Bardi etc.* accipientem cum dubio peccare mortaliter, et tenèri ad fructus perceptos restituendos, quia dubitans reverà non habet intentionem; non verò accipientem sub conditione, quia hic veram habet intentionem, quàmvis conditionatam. Sed prima sententia est mihi probabilior, quia intentio, ut non sit fraudulenta, debet esse determinata absolutè ad Ordinem suscipiendum.

## ARTICULUS IV.

An liceat habere plura Beneficia? Et quinam Beneficarii teneantur ad Residentiam?

- 115 An et quando liceat habere plura beneficia? vide alia apud *Busemb.*  
 116 Quotuplicia sint Beneficia? Et quæ sint incompatibilia? Et an, obtento secundo Beneficio quomodocumque incompatibili, vacet primum?  
 117 An pluralitas Beneficiorum sit vetita de Jure Divino, vel positivo?  
 118 Quæ causæ cohonestent pluralitatem Beneficiorum?

119 *De obligatione Residentiæ. Vide quæ habentur ap. Busemb.*

120 *Quinam Beneficarii ad Residentiam obligentur?*

121 *Q. I. An Curati teneantur residere de Jure Divino?*

122 *Quid notandum circa Residentiam Episcoporum?*

123 *Quid circa Residentiam Parochorum? Dub. 1. An Parochi indigeant licentia in scriptis? Dub. 2. An Parochi habentes justam causam possint abesse per duos menses sine licentia? Quid si urgeat aliqua necessitas? Quid si absint per modicum tempus?*

124 *Qu. II. Quo in loco Beneficarii teneantur residere? Et præsertim ubi Episcopi? Et ubi Parochi?*

125 *Q. III. Quænam causæ excusent Pastores à Residentia? Et I. De causa Charitatis. II. De causa Necessitatis. III. De causa Obedientiæ. IV. De causa Utilitatis.*

126 *Q. IV. Quando et quomodo pastores non residentes teneantur restituere fructus Beneficiorum?*

127 *Dub. 1. Quid, si absint cum justa causa, sed sine licentia? Dub. 2. Quid, si eorum absentia sit sine culpa? Dub. 3. Quid, si resideant inutiliter? Et an Parochi teneantur per se exercere munia principaliora? Dub. 4. An non residentes teneantur fructus restituere?*

128 *Quibus debeant restitui fructus à non Residentibus?*

129 *Plura hîc de Residentia Canonicorum.*

130 *Quænam causæ excusent Canonicos ab assistentia Chori? Et I. De causa Infirmitatis. Dub. 1. An per se excusentur septuagenarii? Dub. 2. An cæci, et surdi? II. De causa Necessitatis. Quid, si quis abest à Choro ob excommunicationem, quam incurrit? Quid, si Ecclesia sit interdicta? Quid si polluta? An Canonici irregulares amittant Distributiones, et fructus Præbendæ? III. De causa Utilitatis.*

131 *Quid de Canonico Pœnitentiario? Quid de Theologo, de Examinatoribus, Visitoribus, etc.*

132 *Quid de Canonicis docentibus? An Parochi docentes gaudeant eodem privilegio? Quid de Canonicis, et Parochis studentibus?*

» **R**ESP. Plura Beneficia possidere, non est res simpliciter intrinsecè mala, nec omninò indifferens, » sed speciem mali præferens, imò ordinariè illicita, et naturali juri repugnans (si talia sint,

» quorum unum ad honestam sustentationem sufficiat),  
 » nisi justa causa ex circumstantia cohonestetur. Ità  
 » ferè *Laym. l. 4 t. 2 c. 8 n. 1 ex S. Thom. Less.*  
 » *Azor. etc. comm.* Quia, ut docet *Trident. sess. 24*  
 » *de Ref. c. 17. Ecclesiasticus ordo pervertitur, quandò*  
 » *unus plurium officia occupat Clericorum, etc.* nam  
 » pluralitas hujusmodi magnam inordinationem in-  
 » volvit, dum minuitur cultus divinus, Ecclesia ope-  
 » rariis, fundator pià intentione, pauperes utiliores  
 » Ecclesiæ futuri sustentatione privantur. Hinc Be-  
 » neficia distinguuntur in Incompatibilia primi gene-  
 » ris, in quibus, adeptà pacificā possessione secun-  
 » di, vacat prius; qualia sunt plura Beneficia curata;  
 » item plures Dignitates, Personatus, duo Beneficia  
 » uniformia sub eodem tecto: et in Incompatibilia  
 » secundi generis, quæ, etsi sine peccato citrà dis-  
 » pensationem obtineri nequeant, primum tamen  
 » altero obtento non vacat: qualia sunt Beneficia re-  
 » liqua residentiam postulantia, v. gr. Canonicatus  
 » duo diversarum Ecclesiarum, in quibus recepta  
 » est constitutio *Trident. sess. 14 c. 12 de reform.* ut  
 » non liceat ultrà tres menses Canonicis ab Ecclesia  
 » abesse. Undè *Laym. c. 8 n. 6* docet, Canonicatus in  
 » Cathedralibus Ecclesiis Germaniæ, qui ex imme-  
 » morabili consuetudine requirunt tantum residentiam  
 » medii anni, vel 3 mensium, inter compatible Benefi-  
 » cia numerandos. \* (*Vide n. seq. 11 v. Notandum*).  
 » Dixi, nisi justa causa cohonestetur; quia qui per  
 » dispensationem plura Beneficia obtinuit, nisi justa  
 » causa subsit, in conscientia non erit tutus, sed tenebi-  
 » tur alterum resignare, ut docet *Less. l. 2 c. 24 n. 151.*  
 » Porro justa causa dispensandi erit evidens neces-  
 » sitas et utilitas Ecclesiæ, et quandòque etiàm præro-  
 » gativæ, et merita personæ, v. gr. insignis nobilitas,  
 » dignitas, scientia, auctoritas, virtus, etc. modò ca-  
 » veatur, ne Beneficiorum coacervatio, facta etiàm  
 » ob prærogativam personæ, ad privatum tantum, et  
 » non ad commune bonum referatur. Imò sine dispen-  
 » satione plura Beneficia sequentibus casibus haberi  
 » possunt.

» 1. Si utrumque adeò sit tenue, ut neutrum sufficiat ad sustentationem, modò utrumque sit simplex, nec residentiam requirat. \* (*Secùs igitur, si beneficia residentiam requirant, licet sint tenuta; Croix lib. 4 n. 918 cum communi.*) \*

» 2. Quandò parochia est annexa Canonicali, eique accessoria; tunc enim utrumque per modum unius possidetur, ità tamen, ut teneatur Vicarium perpetuum in Ecclesia alere.

» 3. Quandò Beneficia legitime sunt unita.

» 4. Quandò alius idoneus, et dignus non reperitur.

» 5. Quandò unum Beneficium habetur in titulum, alterum in commendam non perpetuam, sed ad aliquot menses, donec de idoneo provideatur. Ità *Regin. ex Sylv.* »

Beneficia alia sunt *Simplicia*, prout sunt ea, quæ instituuntur tantum ad preces Deo persolvendas, et ad altaris servitium, nimirum Canonatus; Capellaniæ auctoritate Pontificiæ vel Episcopali erectæ, Præstimoniam, quæ dantur Clericis ad studia prosequenda, et similia. Alia sunt *Duplicia*, scilicet quæ habent aliquam jurisdictionem, præeminentiam, vel administrationem, ut sunt Dignitates, etc. ut infra. Item alia Beneficia sunt *Computabilia*, alia *Incomputabilia*. Et horum alia sunt incompatibilia *primi generis*, prout sunt Beneficia curata, vel uniformia sub eodem tecto, nempe quæ ad easdem functiones concurrunt eodem loco et tempore; item Dignitates, personatus, et Officia. *Dignitates* sunt, quibus est annexa aliqua jurisdictio supra Clerum, aut Populum, ut sunt Episcopatus, Abbatiae, Decanatus, Præposituræ; Archipresbyteratus Archidiaconatus. *Personatus* autem sunt, qui habent præeminentiam aliquam supra Clerum, sed sine jurisdictione, ut sunt munera Primicerii, Præcentoris sive Cantoris, et Sacristæ primarii. *Officia* demum sunt munera Thesaurarii, Præceptoris, Custodis, seu Sacristæ inferioris, Oeconomi, etc. quorum aliquibus est annexa quædam administratio, sine jurisdictione



tione tamen aut præeminentia. Alia verò sunt incompatibilia *Secundi generis*, ut sunt Canonatus, et omnia, quæ residentiam requirunt.

Notandum autem, quod, si quis obtinet duo Beneficia incompatibilia, obtento secundo, vacet ipso jure primum; et si ille utrumque retinere præsumat, ipso pariter jure utroque Beneficio privetur. Hæc certa sunt quoad Beneficia incompatibilia primi generis, ex Tridentino *sess. 7 c. 2 et sess. 24 c. 17* item ex *c. De multa, de Præb. Extrav. Execrabilis, de Præb. et Dign. cap. Litteras, de Conces. Præb. ac Clement. fin. eod. tit.* Sed dubium fit, an idem procedat in Beneficiis incompatibilibus secundi generis, nempe quod, obtento secundo, vacet primum? Affirmant *Contiu Sporeii in fine Tomi 3 de Statu Clericor. p. 76 n. 48 ad n. 9. Salm. tr. 28 de Benef. n. 664 cum Gonz. Azor. et Garcia, ac Fagnan. in c. De multa, de Præb. ex Declaratione S. C. idemque dicunt Salm. probari ex locis citatis Tridentini.* Sed negat *Busemb. ut supra n. anteced. n. 115 ac Holz. t. 1 p. 431 n. 415 cum aliis*: et idem sentit *Nav. l. 3 Consil. 24 de Præb.* dicens quod, si constaret, S. C. declarasse, quod Tridentinum ita sit intelligendum, talis Declaratio à Pontifice fuisset confirmata, et tunc sic foret tenendum; sed quia id non constat, et aliàs ex verbis Concilii id non videtur efficaciter probari, non est quod ad primam sententiam nos adstringat. Reverà enim Concilium in priori loco citato, nempe *sess. 7 c. 4* loquitur quidem de præsumptionibus retinere duo Beneficia quomodocumque incompatibilia, scilicet quæ residentiam requirant, et eos dicit ipso jure privari utroque Beneficio, sed nullum facit verbum de vacatione primi ob consecutionem secundi. In posteriori autem loco, nempe *sess. 24 cap. 17*, ubi præscribit, vacare primum Beneficium, obtento secundo, loquitur tantum de Beneficiis curatis, nimirum Episcopalibus, et Parochialibus. Hoc tamen non obstante propter prælaudatam Declarationem S. C. cum ipsa à pluribus referatur, et, præsertim à *Fagnano*, qui hujusmodi Declarationum fuit diligens inquisitor,

placet nobis potius primæ sententiæ adhærere, sed secundam non improbamus. Notat *Laym. lib. 4 tom. 2 cap. 8 n. 4 in fine*, quod habens Personatum cum Cura in Ecclesia, benè possit etiã habere ibidem Canonicatum, cui Parochialis Ecclesia annexa est, et quam per vicarium administrare debet, ex *cap. Super eadem, de Præb. in 6.*

Præterea notandum cum *Salm. n. 666 et Abelly Append. de Statu Cler. p. 448 n. 2*, quod in aliquo casu evidentis necessitatis, sivè utilitatis Ecclesiæ possèt Papa dispensare, ut aliquis obtineat plura hujusmodi Beneficia incompatibilia, etiã curata, prout Gregorius Magnus fertur præfecisse Martinum, Paulinum, et alios duobus Episcopatibus. Idque patet ex *Trid. Sess. 7 c. 5. Diximus casu evidentis necessitatis, vel utilitatis*, nam aliàs habens plura hujusmodi Beneficia, etiã cum dispensatione Pontificis, non erit tutus in conscientia, ut rectè dicunt *Salm. loc. cit. cum Bellarm. Panorm. Wig. et Polet.*

Hic autem magna vertitur quæstio, an pluralitas Beneficiorum sit vetita non solum de jure canonico, sed etiã naturali? *Prima* sententia negat cum *Innoc. in cap. finali, de Cleric. non resid. n. 1 et in c. Jamdudum de Præbendis n. 2* item *Filiuc. Lugo apud. Salm. de Benef. n. 656 et Val. Led. Tusch. Rebuff. etc. ap. Croix. l. 4 n. 902*. Quia, ut dicunt, si hoc esset contrà jus naturæ, Papa non dispensaret ita frequenter in hac pluralitate, ut videmus esse in consuetudine. *Secunda* verò sententia, quam tenent *Tourn. t. 3 pag. 774 art. 2 et Azor. Panorm. ac Hostiens. ap. Salm. n. 655*, absolute affirmat tam de Beneficiis duplicibus, quam simplicibus. Ratio, tum quia nequit unus duabus Ecclesiis satis benè deservire, tum quia intentio Fundatorum talis est, ut plures sint, qui Ecclesiis inserviant; et ideò pluralitatem Beneficiorum dicunt fuisse expressè damnatam ex *Trid. Sess. 24 de Ref. cap. 17* ubi sic sancitum fuit: *Cum ecclesiasticus Ordo pervertatur, quandò unus plurius officia occupat Clericorum, sanctè sacris canonibus cautum fuit, neminem oportere in duabus*

*Ecclesiis conscribi. Verùm quoniam multi improbæ cupiditatis affectu seipsos, non Deum decipientes, ea, quæ benè constituta sunt, variis artibus illudere, et plura simul Beneficia obtinere non erubescunt, sancta Synodus debitam regendis Ecclesiis disciplinam restituere cupiens, præsentì decreto, quod in quibuscumque personis quocumque titulo, etiàm si cardinalatus honore fulgeant, mandat observari, statuit, ut in posterum unum tantum Beneficium ecclesiasticum singulis conferatur. Quod quidem, si ad vitam ejus, cui confertur, honestè sustentandam non sufficiat, liceat nihilominus aliud simplex sufficiens, dummodò utrumque personalem residentiam non requirat, eidem conferri. Hæcque non modò ad Cathedrales Ecclesias, sed etiàm ad alia omnia Beneficia, tam Sæcularia, quàm Regularia, quæcumque, etiàm commendata, pertineant, cujuscumque tituli, ac qualitatis existant. Tertia autem sententia communis, et tenenda (etsi olim primam probabilem censui) docet, pluralitatem Beneficiorum sive duplicium, sive simplicium, modò unum sufficiat ad congruam sustentationem, secundum se esse contra jus naturale ob rationes mox allatas, et alia plura inconvenientia, quæ oriuntur è pluralitate Beneficiorum, enumerata à Joanne XXII in *Extrav. Execrabilis de Præb. et Dign.* ita ut plura Beneficia nec etiàm cum dispensatione Pontificis valeant retineri sine peccato mortali; sed non taliter, ut id non possit ex aliquibus circumstantiis cohonestari. Ità *S. Thom. Quod lib. 9 a. 15* quem sequuntur *Less. l. 2 c. 34 n. 137. Laym. l. 4 tr. 2 c. 8 n. 2. Pal. tr. 13 D. 6 p. 4 n. 26. Az. 2 p. l. 6 c. 12 qu. 7. Abelly App. de Statu Cleric. art. 3 quæst. 4 n. 4. Holzm. tom. 1 p. 431 n. 417. Salm. n. 658 et n. 669*, ubi nostram sententiam ut certam habent cum aliis communiter, item *Bellarmin. (apud Tourn. l. c.)* qui ait, dispensationem Pontificis neminem tutum reddere, nisi adsit urgentissima causa, et Ecclesiæ necessaria.*

118 Causæ autem cohonestantes pluralitatem Beneficiorum, ex communi DD. sententia, sunt I. *Necessitas Ecclesiæ*, nempe si desint alii ministri idonei; ita

*P. Concin. t. 10 pag. 171 n. 7. Anacl. pag. 417 n. 16. et Salm. n. 661. et alii, ex D. Thoma, qui docet cit. art. 15. tunc posse alicui conferri plura Beneficia, si sit necessitas in pluribus Ecclesiis ejus obsequio, et ipse possit plus deservire Ecclesiae, vel tantumdem absens, quam alius praesens, verba S. Doctoris. II. Utilitas Ecclesiae, nempe si unus solus, licet absens, magis censeatur profuturus suâ auctoritate, doctrinâ, et prudentiâ, quam alter suâ praesentiâ. Itâ Holzmann. tom. 1 pag. 431 n. 418. Conc. l. cit. et Anacl. n. 17. cum Pirhing. Hinc ajunt Holz. et Anacl. hac de causa conferri aliquandò filiis principum plures Episcopatus, etiâ antè ætaten, ut Ecclesiae contra Hæreticos potentiùs defendantur. III. Evidens meritorum prærogativa, scilicet si aliquis præstaret doctrinâ, consilio, instructione, aut scriptione. Itâ Laym. l. 4 tract. 2 cap. 3 n. 2. Anacl. l. cit. n. 18 et Holzm. d. n. 418. ex c. De multa. §. fin. de Præb. ubi dicitur: Nullus plures dignitates, aut personatus habere præsumat, etiâ si Curam non habeant Animarum; circa sublimes tamen, et litteratas personas, quæ majoribus sunt beneficiis honorandæ, cum ratio postulaverit, per Sedem Apostolicam poterit dispensari. Et hoc est conforme doctrinæ Apostoli, 1 ad Tim. 5 v. 17. ubi ait: Qui bene præsumt Presbyteri, duplici honore (idest munerum largitione, ut explicat Hieronymus c. 15. Matth.) digni habeantur; maxime qui laborant in verbo, et doctrina.*

Quæritur autem circa Beneficia simplicia, an, si quis habens unum Beneficium, jam sufficiens ad suam congruam sustentationem, accipiat secundum sine causâ cohonestante, primum ipso jure vacet? Negant Holzm. tom. 1 pag. 431 n. 415 item Gonzalez, et Flaminus ap. Salm. n. 669 dicentes, hunc Beneficio non privari, sed esse cogendum per sententiam Judicis, ut alterum dimittat. Sed meliùs, et communiùs affirmant Barbos. de Pot. Ep. All. 62 n. 3. Fagnan. in c. De multa de Præb. et Salm. 669 cum Garcia, ex quadam Declar. S. D. quam iidem Fagn. et Garcias referunt, hoc enim conformius videtur verbis, aut saltèm menti Tridentini,

119 » Quæres, An, et quomodò Clerici teneantur ad  
» residentiam?

» Resp. 1. Episcopos; Parochos, eosque, qui curatum Beneficium habent, jure divino tenèri. Nec sufficit, si per alios administrent, nisi majus bonum urgeat: quia contrà rationem est, ut hic officium, et fructus, alter onus habeat. *Bon. tr. 1. D. 5 de oblig. Benef. p. 1.*

» Resp. 2. Ità tenèri ad residentiam, ut, si Episcopi intrà annum ultrà tres, et Parochi ultrà duos menses absque legitima causâ per Episcopum cognitâ, et approbatâ absint, mortaliter peccent, et fructus non faciant suos. Ità *Trid sess. 23 de reform. cap. 1 v. Bonac. l. c.* Notat autem *Dian. p. 9 tom. 7 R. 53 ex Bard.* supradicta etiàm habere locum in Superioribus, sive Prælati Regularibus; ideòque eos tenèri tempore pestis etiàm cum periculo suis assistere.

» Resp. 3. Qui in Ecclesiis Cathedralibus, vel Collegiatis obtinent dignitates, Canonicatus, præbendas, vel portiones\* (*Item omnes Mansionarii, et cæteri, qui habent in Collegiatis Beneficium perpetuum cum servitio annexo in Choro, ut dicunt Salm. tr. 28 n. 142. ex Declar. S. C. contrà Azorium, qui eos excusat, si alii sint, qui Ecclesiæ inserviant*)\*, si intrà annum ultrà 3 menses absint, primo anno mediâ parte fructuum, secundo verò anno omnibus fructibus, quos illo anno lucrati sunt, privandos. Quæ tamen poena est sententiæ ferendæ, non latæ: ut constat ex *Trident. sess. 24 cap. 12.*

» Resp. 4. Causas à residentia excusantes esse, 1. Lectionem Theologiæ, vel Juris Canonici; neque ad hoc licentiam Prælati, aut Episcopi requiri: requiri autem ad Lectiones litterarum humaniorum et Philosophiæ, nisi contrarium habeat consuetudo. 2. Studium Theologiæ, vel juris Canonici; id enim per 5 annos etiàm excusat. 3. Obsequium Papæ, vel Episcopi, ad Ecclesiæ utilitatem. 4. Licentiam legitimam ex quavis alia justa causa. 5. Honestam consuetu-

» dinem , ubi dispositio Concilii non est recepta. V.

» *Bon. l. c.*

» Resp. 5. Qui absque justa causa abest , peccat mortaliter , non tamen tenetur ad restitutionem fructuum , si officio satisfecerit , nisi ad eam condempnetur , vel nisi id aliquo jure sit expressum.

» Resp. 6. Eos , qui ex legitima causa absunt , non lucrari distributiones , juxta Trid. nisi tamen absint ad curanda negotia Ecclesiæ , ex commissione Capituli , vel omninò involuntariè , ob morbum , captivitatem , injustam excommunicationem , etc. V.

» *Less. lib. 2. cap. 34. dub. 29. »*

Plura hîc, scitu et ad praxim necessaria, sunt ad trutinam vocanda circà hanc materiam *Residentia* , ejus nomine intelligitur commoratio in loco Beneficii , ad obsequia Ecclesiastica personaliter reddenda. Undè benè infert *Sylvestr.* quod ii, qui in loco Beneficii degunt , sed debita officia non præstant , non reputentur residere , ut infrà melius explicatur. Ut certum autem sciendum , quod olim de jure communi omnia simplicia residentiam exigent , ut patet ex *cap. Clericus , Dist. 91. et cap. Ex parte 8. de Cler. non resid.* Sed hodiè ex generali totius Ecclesiæ consuetudine ipsa talem residentiam non requirunt , cùm sufficiat per Vicarium servitium præstare , nisi Fundatores aliud expresserint. Ità communiter *Continuat. Tournely tom. 3 pag. 29. Holz. de Præc. partiç. pag. 433. n. 425. Barb. in Trident. Sess. 24 c. 17 n. 18. cum Sanch. Azor. Reg. et Sporer tom. 3. de Statu Cleric. pag. 73 n. 22.* qui de hoc refert Decretum S. C. Tantùm hodiè ad residentiam obligantur omnes Pastores curam Animarum habentes , et omnes Canonici sive Præbendati , etc. Cathedralium sive Collegiatarum , de quibus infrà postea agemus.

Quæritur I. An omnes curam Animarum habentes teneantur ad residentiam de jure Divino. Negant *Am-brosius Catharinus , Valerius , etc. apud Salm tr. 28. de Ben. n. 91* qui dicunt , eos tenèri tantùm de jure Positivo. Sed omninò tenendum , ad id obligari de jure Di-

vino, ut communiter cum *Busemb* docent *Less. lib. 2 c. 34 n. 153. Tournely tom. 3 pag. 29. Petrocor. tom. 4 pag. 503. Anacl. de Benef. pag. 414. n. 68. Roncaglia eod. tit. cap. 2 quæst. 3 R. 2. Spor. l. c. pag. 73 n. 23. cum Nav. Fagnan. Garc. Barb. et Salm. l. cit. n. 94. cum aliis innumeris. Et probatur ex Concil. Trident. Sess. 23 cap. 1. de Ref. ubi, licet hoc non fuerit expressè definitum, fuit tamen tamquàm certum suppositum his verbis: *Cum præcepto Divino mandatum sit omnibus, quibus Animarum cura commissa est, oves suas agnoscere, pro his Sacrificium offerre, Verbiq; Divini prædicatione, Sacramentorum administratione, ac bonorum omnium operum exemplo pascere, pauperum, aliarumque miserabilium personarum curam paternam gerere, in cætera munia pastoralia incumbere; quæ omnia nequaquam ab iis præstari, et impleri possunt, qui gregi suo non invigilant, nequè assistunt, sed mercenariorum more deserunt, etc. Decl. S. Synodus, omnes... Cathedralibus Ecclesiis... Præfectos, etià si S. Rom. Ecclesiæ Cardinales sint, obligari ad personalem in sua Ecclesia vel Diœcesi residentiam, ubi injuncto sibi officio defungi teneantur etc.* Si ergò de jure Divino est, ut Pastores oves agnoscant, et pascant exemplo, de jure etià Divino est consequenter, ut resideant ubi oves morantur; aliàs ea nequaquam ab iis præstari et impleri possunt, qui gregi suo non invigilant, neque assistunt, sed mercenariorum more deserunt. Idque clarè declaravit Benedictus XIV. in sua Bulla, *Ubi primum* §. 4. edita 3. Dec. 1740. (Vide in *Bullar. Tom. I. p. 4.*) postquàm enim dixit ibi, tenèri Pastores de jure Divino suis ovibus assistere, ut eas pascant verbo, et exemplo innox subdit: *Itaque in statione vestra maneatis oportet, et personalem in Ecclesia vestra vel Diœcesi servetis Residentiam, ad quam ex vi muneris vestri (nota) obligati estis.* Hinc benè ajunt *Tournely pag. 31. et Croix l. 4 n. 865. cum Lugo*, non posse Pontificem in hoc dispensare, sed tantum posse aliquo casu declarare, quod jus Divinum non obliget, justis intervenientibus causis, de quibus vide infra n. 123.*

Hic autem notandum I. ab eodem Concilio *dict. cap.* 122  
 1. concessum esse Episcopis, ut per duos vel tres menses  
 absint à suis Ecclesiis, his verbis: *Quoniam .. qui ali-*  
*quantisper tantum absunt, ex veterum Canonum sen-*  
*tentia non videntur abesse, quia statim reversuri sunt;*  
*Sacrosancta Synodus vult illud absentiae spatium singulis*  
*annis, sive continuum, sive interruptum, extra praedictas*  
*causas, nullo pacto debere duos aut ad summum tres*  
*menses excedere.* Undè opinantur Roncaglia c. 2 q. 3  
*R. 2. Elbel p. 526 n. 360. et Anacl. p. 415 n. 73.*  
*cum Barbos. et Sot. et aliis*, sufficere pro tali absen-  
 tia excusanda causam etià relaxandi animum, vel  
 consanguineos aut amicos invisendi. Attamen Pa-  
 laus D. 5 p. 4 n. 1. Vasq. Op. de Benef. cap. 4 §. 2 n. 147.  
 et Mazzot. t. 2 pag. 441 n. 2 cum aliis, dicunt, prae-  
 fatas causas non sufficere, nisi fortè ad mensem, qui  
 reverà benè satis est ad animum relaxandum; dum è  
 converso Concilium iudicium pro sufficientia causae  
 aequae (id est proportionatae ad talem absentiam) re-  
 mittit conscientiis Episcoporum, et sedulò monet, ne  
 salutis periculo ob hoc se committant: sic enim in  
 eodem cap. 1. Trident. immediatè ad relata verba sub-  
 dicitur: *Et haberi rationem, ut id aequa ex causa fiat,*  
*et absque ullo gregis detrimento; quod an ita sit, abs-*  
*cedentium conscientiae relinquit, quam sperat religiosam*  
*et timoratam fore, cum Deo corda pateant, cujus opus*  
*non fraudulentur agere, suo periculo tenentur.* Notan-  
 dum autem, quod Concilium *ibidem* moneat Episco-  
 pos, ne absint à suis Ecclesiis Cathedralibus tempore  
 Adventus, Quadragesimae, Nativitatis, ac Resurrectio-  
 nis Domini, necnon Pentecostes, et festi Corporis  
 Christi. An verò causae suprà allatae sufficiant ad excu-  
 sandam absentiam Episcoporum pro tribus mensibus  
 à Tridentino concessis, vel causae majores his requi-  
 rantur? Perpende id, quod in duplici loco de hoc  
 puncto dixit noster SS. P. Benedict. XIV, Nam in uno  
 videtur causam absolutè gravem requirere ad excu-  
 sandum; in altero verò solas causas fuitiles excludit. En  
 verba Pontificis in Bulla, quae incipit *Grave* etc. edita die



21. August. 1741. (in Bullar. t. 1 pag. 63.) scribens ibi ad Episcopos Hibernos, et conquerens, quod aliqui ipsorum vix per mensem in suis Diocesisibus residerent, sic ait; *Episcopi sanè residendi debito satis numquàm faciunt, qui per alium à se substitutum seu Vicarium Ecclesiam regunt, nisi fortè ad breve tempus, et gravi de causa id fieret.* In alia autem Bulla, quæ incipit *Ad universæ*, edita die 3. Septembris 1746. (in Bullar. tom. 2. pag. 28.) declarans, qualis sit causa æqua requisita à Tridentin. pro trimestri absentia Episcoporum, dicit: *Animi levitas, oblectationum cupiditas, aliæquæ fuitiles causæ excluduntur.*

Insuper quodam hanc Episcoporum Residentiam plura alia hic sedulò oportet annotare, quæ habentur in Bulla *Ad Universæ*, mox suprà citatâ. In ea antè omnia confirmantur, et præcipiuntur servari in virtute sanctæ Obedientiæ Decreta hac de re edita per Pium IV. Gregor. XIII. et Clem. VIII. Et præsertim innovantur Decreta Urbani VIII. quibus præscriptum fuerat 1. Quod in curia possint Episcopi manere Romæ per mensem (qui tamen ex concessione Benedict. XIII. prorogari potest per alios 40 dies à Vicario Pontificis). 2. Quod Episcopi accedentes ad limina Apostolorum juxtà tempora statuta abesse possint per quatuor menses, et per septem, si ipsorum Ecclesiæ sint ultrà mare vel montes positæ. 3. Quod, si Episcopi occupari debeant in Conciliis Provincialibus, aut Congregationibus Ecclesiasticorum, vel in Officiis Reipublicæ, quæ suis Episcopatibus sint adjuncta, possint abesse pro tempore ad ea necessario. 4. Quod Episcopi non possint trimestrem absentiam à Tridentino concessam conjungere cum eo tempore, quo ipsi commorari debent: sive cum eo, quod ipsis conceditur ad sacra limina visitanda; sive cum eo, quo propter aëris insalubritatem ipsis extrà Diocesiin degere permittitur; nec possint trimestre unius anni conjungere cum trimestre anni sequentis.

Deindè idem Benedict. XIV. in præfata Bulla renovat pœnas Episcopis non residentibus impositas à Tri-

dentin. *Sess. 6 cap. 1 et Sess. 23 cap. 1.* Item innovat poenam amissionis facultatis testandi, et disponendi, si quæ transgressoribus ejusmodi competat, à Pio IV. impositam, necnon poenam inhabilitatis ad majores Dignitates, et Ecclesias obtinendas indictam à Clem. VIII. quibus addit privationem omnium Privilegiorum; quæ transgressoribus tamquàm Pontificio Solio assistentibus concessa fuerint. Præterea declarat, quinam comprehendantur nomine *Transgressorum*, his verbis: *Decernentes sub Transgressorum nomine comprehendendi non solum eos, qui præter tres menses à Concilio toleratos, absque legitima causa, et expressa Roman. Pontificis licentia extrâ proprias Diœceses commorantur, sed eos etiàm, qui hujusmodi licentiam falsis simulatisve causis dolosè extorquere non dubitaverint, vel, eâ semel ritè rectèque obtentâ, præscriptos in eadem limites ac præfinitum tempus prætergressi fuerint.* Vide alia infra; quæ in hac Bulla sanciantur.

Notandum II. Quod sic pariter non excusentur à <sup>23</sup> gravi culpa, et à restitutione fructuum Parochi non residentes, ut declaravit idem Tridentinum *dict. Ses. 23 cap. 1.* Et hi tenentur residere, quantumcumque modicum sit Beneficium, ut dicunt *Salmant. tract. 28 n. 109 cum Barbos. et Reg. ex cap. Conquerente de Cler. non res.* Statuit autem idem Tridentin. *loc. cit.* Parochos non posse discedere à suis Ecclesiis ultra bimestre, nisi ex gravi causa, et cum licentia Episcopi in scriptis; nec infra bimestre, nisi idem ipsorum Episcopus causam, et Vicarium substitutum approbaverit. Verba Concilii: *Eadem omnino. etiàm quodâ culpam, amissionem fructuum, et pœnas de Curatis inferioribus...* Sacrosancta Synodus declarat et decernit: ita tamen ut quandocumque eos, causâ prius per Episcopum cognitâ et probatâ, abesse contigerit, Vicarium idoneum, ab ipso ordinario approbandum, cum debita mercedis assignatione relinquunt. Discedendi autem licentiam, in scriptis gratisque concedendam, ultra bimestre tempus, nisi ex gravi causa, non obtineant.

Hic autem dubitatur 1. an præfata licentia in scrip-

tis omninò requiratur, ità ut non valeat, si oretenùs habeatur? Negant *Less. l. 2 cap. 34 num. 158 et alii ap. Bonac. de Benef. D. 5 p. 5 num. 17* dicentes, Scripturam requiri tantum pro foro externo, non autem ad valorem concessionis, affirmant verò *Sanch. Dec. l. 6 cap. 16 n. 31. Palaus tract. 13 D. 5 p. 5 n. 8 et Nav. apud Bonac. loc. cit.* nam, esto de jure naturæ Scriptura non sit necessaria ad valorem concessionis, hic tamen est necessaria, cùm à Tridentino licentia in scriptis pro forma expostuletur. At, cùm hoc non constet, non puto improbabilem opinionem *Lassii*, quam tenet etià *Viva Opusc. 3 q. 3 art. 3 n. 7 in fine*, et probabilem censet *Croix lib. 3 p. 1 n. 739* imò *Coninchius, et Reg. ibid.* dicunt, sufficere licentiam tacitam, saltèm si talia concurrant signa, ut constet Episcopum actu consentire. Dicit autem *Mazzota tom. 2 pag. 412*, sufficere etià licentiam præsumptam; sed ait *Croix l. c.* hanc licentiam præsumptam sivè interpretativam à nullo admitti. Vide dicta *n. 18 v. Secunda*. Imò S. C. Concilii (ut notat *P. Zacharia ap. Croix d. num. 739*) declaravit tamen licentiam oportere esse expressam.

Dubitatur 2. an Parochus, habens justam discedendi causam, possit per dictos duos menses abesse sine licentia Episcopi? *Prima* sententia affirmat, eamque tenent *Nav. Man. c. 25 num. 121. Cabass. T. J. l. 5 c. 1 num. 4* item *Bon. Rodr. Lop. etc. apud Salm. num. 117.* probabilemque putant *Less. l. 2 c. 34 nu. 159. Croix l. 3 p. 1 num. 142. Azor. p. 2 l. 7 cap. 4 q. 10 et Pal. tr. 13 D. 5. n. 3 cum Sa, Zerol. etc.* Ratio, quia (ut dicunt) hoc jam permissum erat antè Concilium, ut patet ex *cap. Præsentium quæst. 1* ubi præcipitur, ut Sacerdos, qui causâ infirmitatis aberat à sua Ecclesia per bimestre, ultrà tamen tempus ei ab Episcopo præfixum, et ideò fuerat à suo Episcopo remotus. à Pontifice in locum suum restituatur. Ad absentiam autem duorum mensium quælibet causa honesta sufficit, ut patet ex verbis Tridentini suprà relatis; ergò licentia et probatio Episcopi non requiritur pro tali absentia, sed tantum pro absentia, ultrà bimes-

tre, pro qua Episcopus debet causæ gravitatem approbare. *Secunda* tamen sententia, quam sequimur, negat, eamque tenent *Barbos. de Potest Episc. Alleg. 53 num. 96. Elbel. to. 2 pag. 527 num. 362* qui oppositam vocat vix probabilem, *Roncag. de Benefic. c. 2. q. 4. R. 2. Holzm. tom. 1 p. 433 num. 428 et Salm. l. c. cum Vasq. Garc. Gom. Fill. etc.* ex quadam declaratione S. C. apud *Garciam*. Ratio, quia, licet ex Concilio non exigatur gravis causa ad discedendum per bimestre, absolute tamen requiritur, ut causa ab Episcopo agnoscatur, et probetur, ex illis verbis, *quandocumque eos abesse contigerit, causâ prius per Episcopum cognita et probata*. Tantò magis, quòd Parochus à Concilio prohibeatur discedere, nisi prius ab Episcopo approbetur Vicarius, qui relinquitur. Dicit tamen *Anacl. p. 416 n. 77*, in hoc servandum esse usum Diocesium; et an rigor iste sit usu receptus, ait *Less. d. n. 159? Credo. . . . non esse usu receptum*. Si autem Episcopus jam causam, et Vicarium approbaverit, nulla alia licentia requiritur ad discedendum, ut patet ex verbis Concilii suprâ relatis *num. 123*.

Cæterum licitè potuit Parochus abesse per breve tempus sine licentia, si aliqua occurrat necessitas, quæ moram non patiatur Episcopum adeundi, modò idoneum Vicarium relinquat, ut rectè ajunt *Sporer tom. 3 p. 74 n. 30 Elbel p. 534 n. 379 cum communi, et Anacl. p. 416. n. 78* qui hoc ut certum habet, et approbavit S. C. Concil. ut notat *P. Zachar. ap. Croix l. 3 p. 1 ad n. 740*. Debet verò Episcopum certiore reddere de suo discessu et causa, ut ille causam agnoscat, et licentiam saltèm postea præbeat, nisi brevi fiat reditus, *Elbel. cum Garcia, Sporer II, cc. cum Fag. Abb. Anacl. etc.*

Item ex parvitate materiæ poterit Parochus excusari saltèm à mortali si discedat per modicum tempus, ut communiter dicunt DD. modò non relinquat infirmos in articulo mortis. Quantum autem sit hoc modicum tempus? S. C. Concilii apud *Garciam*, ut referunt *Salm. num. 113* sic declaravit: *Parochum non posse*

*abesse absque licentia per hebdomadam, etiam relicto Vicario idoneo ab Ordinario approbato.* Verumtamen communiter admittunt *Holz. p. 433 num. 427. Ronc. quæst. 3 R. 2 et Sporer num. 31 pag. 74 cum Pal. Barbosa et Anacl.* non peccare graviter Parochum, qui absit sine licentia per sex vel septem dies, relicto tamen Vicario idoneo; Imò *Tourn. pag. 34 n. 5. Cabas. lib. 5 cap. 1 n. 4. Sanch. de Matr. lib. 7 D. 71 n. 11 et Reg. Valer. apud Salm. n. 113* id extendunt usque ad 15 et 30 dies. Verum per Synodum Romanam sub Benedicto XIII *tit. 15 c. 6* vetitum fuit Parochis, ne discederent à Cura ultra biduum sine Episcopi vel Vicarii Generalis licentia in scriptis: sed per aliquos viros probos tamquam certum mihi fuit affirmatum, præfatam Synodum non fuisse in nostro Regno receptam. Cæterum non acquiesco opinioni, quam tenet *La Croix l. 3 p. 1 n. 741* ubi ait, non peccare graviter Parochum, si absit per bimestre sine licentia, sed cum causa, et sine gravi damno ovium: quia (ut ait) id non est per se malum, alioquin Concilium numquam admisisset absentiam per bimestre etiam præviâ licentiâ: quod autem non petatur eo casu licentia, censeat non esse materiam gravem. Imò affert *ibid. Nav. Garz. Bonac. Barb. et alios*, qui excusant Parochum à mortali, etiamsi abesset sine causa, quia talis absentia per se censetur modica; Undè *Navar. Azor. Castrop. Bonac. et alii ap. Croix n. 743* eum tali casu non obligant ad restitutionem fructuum. Quidquid tamen sit de his, benè poterit Episcopus prohibere Parochos, ne omnino discedant à suis Ecclesiis, esto nequeat eos obstringere per excommunicationem, ne per biduum quidem absint, ut dicunt *Salm. n. 103. Ronc. q. 4 R. 2. Bonac. D. 5 p. 3 n. 8 Decreto S. C. ap. Garc. et Barb.*

- <sup>124</sup> Quæritur II. Quo in loco Beneficarii teneantur residere? Papa tenetur residere Romæ, prout etiam Cardinales; ita *Ronc. de Benef. c. 2 q. 3 R. 2. Salm. tr. 28 n. 97.* Episcopos autem, alii dicunt tenèri ad residendum in sua Cathedrali; nec satis esse si resideant in Diocesi, ut *Salm. n. 98. Fag. in c. 34 de Clar. non resid.*

*Roncag. l. c. cum Barb. et Sporei pag. 73 n. 25 ex c. Placuit. ut nemini q. 1 ubi ex Concilio Carthag. c. 5 sic statutum fuit: Placuit, ut nemini sit facultas, relicta principali Cathedrâ, ad aliquam Ecclesiam in Diœcesi constitutam se conferre, vel in re propria diutius, quàm oporteat constitutam curam vel frequentationem propriæ Cathedræ negligere.* Si verò Episcopus habeat duas Cathedralles, potest ubi mavult residere, ut *Salm. l. c. ex Bulla Urbani VIII.* Alii tamen verius, ut *Hol. tom. 1 p. 433 n. 426, Cabass. T. J. lib. 5 c. 1 n. 2* eisque adhæret *Bon. t. 1 D. 5 p. 3 n. 5*, dicunt, posse residere Episcopum in quocumque loco suæ Diœcesis; et de hoc videtur non posse dubitari, cum in Tridentino expressè dicantur Episcopi *obligari ad personalem in sua Ecclesia. vel Diœcesi residentiam.* Idemque declaravit N. P. in Bulla, quæ incipit, *Ubi primum*, editâ 3 Decemb. 1740 §. 4 dicens: *Personalem in Ecclesia vestra, vel Diœcesi servetis residentiam.*

Parochi autem debent habitare in domo suæ Ecclesiæ, si ibi adest; si verò non adest, debent residere in alia domo, quæ sit intrâ limites Parochiæ, saltèm moraliter, nempè quæ sit itâ Propinqua Ecclesiæ Parochiali, ut commodè possit ei inservire: et quò Parochiani facilè queant ad ipsum recurrere pro Sacramentis suscipiendis; itâ *Palaeus tract. 13 D. 5 part. 2 n. 1. Bon. de Benef. D. 5 p. 5 n. 4 et Salm. tr. 28 n. 110 cum Nav. Bard. Hurt. et Garcia*; Hinc rectè dicunt *Bon. et Salm. ll. cc.* nequaquam residentem censeri Parochum, qui habitaret procùl à sua Ecclesia per tria, aut quatuor milliaria; imò etiàm per duo, ut non irrationabiliter sentit *Croix. lib. 3 p. 2 n. 745.* Imò *ibid.* addit cum *Luc., Leur. Lot. etc.* non satis residere Parochum, etiamsi habitet intra fines Parochiæ, si oves non facilè eum accedere possint. Parochus verò, qui haberet duas Parochias perpetuò unitas, quarum nulla sit dignior, aut frequentior, aut existens in Civitate, poterit habitare in ea, in qua velit: ut *Salm. ibid. cum Nav. Pal. Hurt. Bard. et Garcia*, qui refert, hæc fuisse decisa ex variis Declarationibus S. C. . .

125 Quæritur III. Quæ sint causæ excusantes Episcopos, et Parochos à residentia? Quatuor ex Trident. sess. 23 cap. 1 assignantur causæ, nempe *christiana charitas, urgens necessitas, debita obedientia, et evidens Ecclesiæ, aut Reip. utilitas*. Has tamen causas discernit Concilium, quoad Episcopos excusandos pertinet, approbandas esse in scriptis vel à Pontifice vel à Metropolitano, vel eo absente à suffraganeo Episcopo antiquiore residente, qui Metropolitanam absentiam probare debet. Sed nunc semper ad Papam recurrendum, ut n. 222 in fn. Quoad Parochos verò, causæ approbari debent à suis Ordinariis, ut jam suprâ diximus. Sed de præfatis causis sigillatim agendum.

Et I. Ratione *Christianæ charitatis* excusantur Pastores Animarum, si abesse debeant ad componendas inimicitias, præsertim personarum potentium; ut *Ronc. cap. 2 qu. 4. Barbos. Ail. 53. Holzm. pag. 434 n. 428. Elbel tom. 1 pag. 527 n. 363. Tourn. tom. 3 pag. 33. Saln. n. 102 cum Sot. Vasq. etc.* Vel ad opitulandum alteri Ecclesiæ, quæ indigeat eorum prædicatione, ut liberetur ab hæresi, vel aliis gravibus flagitiis; *Palaus tr. 13 D. 5 p. 4 n. 4* item *Ronc. Holzm. et Elbel. ll. cc.* Modò, advertit *Palaus cum Tol. et Barb.* hoc non fiat cum notabili detrimento propriæ Ecclesiæ.

II. Ratione *Urgentis Necessitatis* excusantur Pastores, quando eis imminet periculum extrinsecum mortis ab inimicis (vel gravis damni in bonis, ut ait *Petrocorans. l. c.*) dummodò præsentia Pastoris non sit necessaria ad salutem subditorum, nempe ad confirmandos eos in fide, vel ad Sacramenta eis ministranda, et aliàs sufficienter ipsis per Vicarios provideatur, ut docent communiter DD. cum *S. Thom. 2. 2 q. 185 art. 5* cujus verba retulimus *lib. 3 n. 361 v. Dub. III pag. 129*. Dicit autem *Ronc. c. 2 q. 4 cum Fagn. in c. Clericos de Cler. non resid. n. 25 et 26* ex Decr. S. G. quod, si aliquis Parochus gravem haberet inimicitiam, posset discedere per sex menses, constituto idoneo Vicario, et licentiâ obtentâ; quæ posset prorogari, si inimicitia perduraret; sed transacto anno debet

Parochus induci omninò ad resignandam vel permittandam Ecclesiam. Insuper animadvertendum, quod talis absentia tum tantum permittatur, cum periculum sit particulare ipsius Pastoris, non verò quando est commune totius Populi, prout accidit tempore pestis, ut docent communiter *Fagn. l. c. n. 38. Tourn. t. 3 p. 33. Ronc. c. 2 Quæst. 4. Sporer p. 74 n. 32 et Elbel t. 1 p. 529 n. 170* et sic referunt *Fag. et Sporer* declarasse S. C. an. 1576 die 11 Octobris, instante S. Carolo Borromæo. Et idem dicendum ait *Spor.* de tempore incurSIONIS hostium.

Sic pariter excusantur Pastores à residentia ob periculum intrinsecum infirmitatis, puta si eos oporteat abesse à suis Ecclesiis propter insalubritatem aëris, ut communiter docent *Cajet. 2. 2 q. 185 art. 5. Petr. de Benef. t. 4 p. 505. Tourn. pag. 33. Holzm. pag. 433 n. 428. Salmantic. n. 102 et Laymann. l. 4 tit. 2 c. 6 n. 5 ex c. Præsentium 7 Q. 1 etc. Ad audientiam de Cler. non res.* Modò tamen, ut benè advertunt *Tourn., et Salmantic. II. cc. cum Bellarmin. Vasq. Hurtado*, infirmitas non sit perpetua, et absentia non sit ovibus graviter nocitura, nam tunc deberet Pastor vel residere, vel Curam resignare. Hic autem advertendæ sunt Regulæ, quas super hac causa infirmitatis præscripsit Bened. XIV in Bulla, *Ad universam*, suprà relata; et quas mandavit servari ab iis, ad quos spectat; in ea sic loquitur: *Qui verò licentiam absendi petierint ratione infirmitatis extrà Diocesim contractæ, dum vacatione à Concilio inductâ uterentur, asserentes ea de causa regressum ad propriam Diocesim sibi prohiberi, exponere debebunt contractæ infirmitatis qualitatem, et super ea testimonium Medici iuramento firmatum exhibere. Atque ubi petita licentia ipsis indulgeatur, ea semper ad certum ac definitum tempus concedi debebit, adjectâ quoque clausulâ, si tamdiù infirmitas duraverit.*

*Ab iis autem, qui huiusmodi licentiam postulaverint, eò quod aëris mutatione opus sibi esse dicant ad convalescendum ex morbis, quos in suis Ecclesiis residen-*



do contraxerunt, exprimendum erit in precibus, quæ morbi genere, quàm graviter laborant, ac proferendum testimonium Medici, qui jure jurando testetur, utile ac necessarium Oratori esse, ut in aliam Regionem atque aërem per aliquod tempus se transferat. Nec illud silentio prætereundum, an scilicet Orator, antequàm morbo corripere, trimestri licentiâ à Concilio permissâ usus fuerit: Si enim id nondùm fecerit, et tempus à Concilio indultum sufficiens ipsi non reputatur, poterit eidem concedi, ut per quatuor menses, in quibus tamen Conciliares menses comprehendantur, à Residentia absens permaneat: At si prædictos Conciliares menses, remoto omni dolo et fraude, jam extrâ Diæcesim transegerit, tantùm temporis ipsi indulgeatur, quantum ad confirmandam ipsius valetudinem verè necessarium esse prudenter judicabitur.

Qui tandem licentiâ commorandi extrâ Diæcesim postulabit propter malignitatem aëris, quem in sua Diæcesi aliquo anni tempore insalubrem esse affirmet; is videat etiâ atque etiâ, quid agat: Et quid pro veritate exponat, quibus anni mensibus perniciosus sit Regionis aër: Item, an eadem cæli temperies totam comprehendat Diæcesim, itâ ut nullus intrâ ejus tractum locus existat, in quo suspectum illud tempus absque salutis detrimento transigere valeat; postremò, an Conciliaribus mensibus usus fuerit: Etenim, si nondùm eos sibi sumpserit, non ægrè obtinebit Indultum abessendi per quatuor menses (quatenus periculum ab aëre tamdiù durare censeatur); in quibus tamen tres illi à Concilio permissi numerandi erunt: Si autem hujusmodi Concilii indulgentiâ jam usus fuerit, frustra novum Indultum prædicta de causa ab Apostolica Sede postulabit: sibi quæ imputare debet, quod, cum sciret certo anni tempore in sua Diæcesi aërem insalubrem fore, concessos vacationis menses in tempus illud non reservaverit. In omnibus autem absentiae Indultis, quæ ratione aëris insalubris imposterum concedentur, hanc clausulam adjici volumus: Dummodò intrâ Diæcesim aliquis locus non adsit, in qua aër salubris sit, et in quo Episcopus commorari possit.

III. Ratione *Debite Obedientiæ* excusantur Episcopi vel Parochi, si absunt, ut obediant Pontifici vel suis Ordinariis ob bonam Ecclesiæ, vel Reipublicæ, ut dicunt *Elbel p. 527 n. 363. Salm. n. 103. et Holzm. pag. 433 n. 428.* vel ob quamcumque aliam gravem causam, ut ait *Tournely. pag. 34.* Dummodò absentia sit ad breve tempus, nam aliàs requiritur absoluta necessitas boni communis, ut *Salm. n. 103. cum Caj. Gonzal. Soto, Vasq. etc.*

An autem Episcopus possit retinere Parochum, ut sit suus Vicarius, Visitator, aut Secretarius? Affirmant *Nav. Sylv. Oxeda, et alii apud Salm. n. 121.* Sed melius id negant *Bonac. D. 5 q. 2 n. 4. Tournely pag. 34. Ronc. c. 2 q. 4. Salm. n. 122 cum Gonsal. Garcia, etc. ac Viva Opus. 3. q. 3 ar. 2 n. 8.* qui refert, S. Congregationem sic declarasse: *Episcopus non potest uti operâ Parochi in Visitatione, vel in alio servitio suæ Diocesis, nisi pro tempore illi permissio duorum mensium.* Excipit *Palau D. 5 p. 4 n. 9. cum Vasq. Azor. et Barbos.* si talis sit indigentia, ut non sit alius, qui huiusmodi legitimè præstare possit...

IV. Ratione *Evidentis Ecclesiæ, aut Reip. Utilitatis* excusantur Pastores, si absunt causâ assistendi Synodis Provincialibus vel Diocesanis; Vel ut defendant se, vel suos, aut Ecclesiam apud Curiam Regiam in gravi negotio, ut dicunt *Salm. n. 102. cum Soto, et Vasq. Rencagl. c. 2 q. 4 et Bonac. D. 5 p. 5 n. 12.* (contra *Nav.*) cum quadam Decisione Rotæ Rom. ex c. *Ex parte 13 de Cler. non res.* ubi dicitur: *Quod si, non absentando in fraudem, Præposituræ tuæ iurâ fideliter prosequeris, ex hoc censeri debeas residens.* Hoc tamen intelligendum (benè advertit *Ronc. l. c.*), modò non sit alius, qui æquè utiliter id implere possit. Insuper præscribit *Bened. XIV.* in Bulla suprâ cit. quod in huiusmodi litibus pro Ecclesia vel Clero tuendo Episcopus exponere debeat gravitatem litis et causas, per quas necessaria creditur ejus assistentia; et an mensibus conciliaribus usus fuerit: nam si nondum usus sit, rescribere debet, ut is ad hunc ef-

fectum utatur : si verò usus fuerit, concedatur illi licentia, ut absit non usque ad exitum causæ, sed quamdiù necesse erit ad Advocatos et Judices intruendos. Si autem lis pertineat ad suam familiam, alia licentia ipsi non concedetur, nisi pro mensibus conciliaribus.

Nullo autem modo poterunt abesse, etià cum licentia Pontificis, ad fungendum Officio Proregis, Consilarii, etc. nisi id exigat bonum commune, ut dicunt *Azor. Solus, Bardi, Diana, etc. apud Salm. n. 105.* Sed melius id intelligendum, ut docent *Vasq. Barb. Garcia, et Mosses. apud Bonac. D. 5 p. n. 9.* si non sint alii, qui æquè utiliter, et fideliter talia Officia exercere valeant.

- 126 - Quæritur IV. Quandò et quomodò Episcopi, ac Parochi teneantur ad restitutionem fructuum suorum Beneficiorum? Antè omnia advertere oportet, quæ super hoc puncto statuit Tridentinum, nam in *Sess. 6c. 1. de Ref.* sic præscripsit: *Si quis à Patriarchali, Primatiali, Metropolitana, seu Cathedrali sibi quacumque titulo.... commissa.... rationabilibus causis cessantibus, sex mensibus continuis extra suam Diocesim morando abfuerit, quartæ partis fructuum unius anni fabricæ Ecclesiæ, et pauperibus loci per Superiorem Ecclesiasticum applicandum pœnam ipso jure incurrat. Quod si per alios sex menses in hujusmodi absentia perseveraverit, aliam quartam partem fructuum similiter applicandam eo ipso amittat.* Deindè in *Sess. 23c. 1. de Ref.* declaravit, Episcopum ultra tres menses, et sine justa causa absentem à sua Ecclesia: *Præter alias pœnas adversus non residentes sub Paulo III. impositas et innovatas, ac peccati mortalis reatum....., eum pro rata temporis absentia fructus suos non facere, alià etià declaratione non secuti....., sed tñeri..... per Superiorem Ecclesiasticum illos fabricæ Ecclesiarum, aut pauperibus loci erogare, prohibid quacumque conventione.* Deindè respectu Parochorum hæc subdit: *Eadem omnino, etià quædam culpam, omissionem fructuum, et pœnas, de Curatis inferioribus etc. auctoritate Synodus declarat et decernit.*

Sed dubitatur 1 an Pastores Animarum teneantur<sup>127</sup> ad restitutionem fructuum, si absint sine licentia, sed cum justa causa? Negat *Viva Op. 3 q. 3 art. 3 n. 7.* et dicit quod, si causa absentiae sit evidenter justa, non teneantur restituere fructus, nisi post sententiam Judicis, modò per alios ovibus sufficienter providerint. Ratio, quia talis restitutio non debetur, nisi quando violatur jus naturale contractus, quod hic non violatur; non verò quando læditur solum jus positivum, tunc enim requiritur sententia, ut poena incurratur. Sed quòd Episcopos aliter hodiè dicendum ex Bulla suprà relata N. SS. P. Bened. XIV. *Ad universæ*, ubi sancitur, quod, si Episcopus ultrà menses Conciliares absit *sine licentia expressa Romani Pontificis*, habeatur ut transgressor, et fructus non faciat suos, et alias incurrat poenas transgressoribus impositas. Vide *n. 122 in fin.*

Dubitatur 2 an restituendi sint fructus, si absentia sit inculpabilis, quia scilicet facta fuit bonà fide, et cum existimatione causæ excusantis à residentia? Negant *Viva dict. art. 3 n. 9. et Garcia apud Bonac. D. 5 p. 4 n. 10.* Ratio, quia obligatio restitutionis vel est de jure positivo tamquam poena, et hæc non debetur nisi post sententiam; vel est de jure naturali, et ex benignitate Ecclesiæ præsumitur, nolle ipsam damnare ad talem restitutionem Beneficiarium, qui inculpabiliter suæ obligationi non satisfacit; prout Beneficiarius inculpabiliter omittens recitationem Officii probabilius non tenetur restituere fructus Beneficii, ut communissimè docent DD. vide dicta *l. 3 n. 665.* esto plures Auctores sentiant, Beneficiarios de jure naturali ad Officium tenèri; Sed huic opinioni minimè acquiesco, nam ut certum habendum puto, quod hæc obligatio non sit de jure positivo, sed de jure naturali et Divino, cum de jure naturali Divino teneantur Pastores residere, ut ex Tridentino probavimus suprà *n. 121.* Posito igitur, quod Pastores teneantur de jure naturali ad residentiam, ad eam quidem non alià ratione teneantur, quam contractus initi inter

ipsos et Ecclesiam, ex quo dantur eis fructus Beneficiorum sub conditione residentiae; quâ non impletâ, etiâ sine culpa, nullo modo Pastores tales fructus acquirunt. Præsumptio autem illa, quod Ecclesia fructus remittat illis, qui sine culpa non resident, valdè dubia est; imò potius præsumitur Ecclesia oppositum velle, ne pateat via ad eludendam hanc residentiam tam rigorosè ab ipsa Ecclesia requisitam: Tantò magis, quod N. P. Benedict. XIV. in citata Bulla *Ad universæ*, expressè declaraverit, haberi tamquàm transgressores, et fructus non facere suos, Episcopos qui *sine legitima causa* à suis Ecclesiis absunt. Nec obstat paritas allata Beneficiorum inculpabiliter omittentium Officium, nam (ut diximus l. 3 d. n. 665 et dicemus infra n. 145 Q. I.) communiter DD. docent, prout fatetur *Covarr.* contrariæ sententiæ fautor, quod Beneficarii non jam teneantur ad restitutionem fructuum de jure naturali, sed positivo ex Concilio Lateran. et ex Bulla S. Pii V. ubi talis restitutio omittentibus præcipitur.

Dubitatur 3 an teneantur restituere fructus Pastores, qui inutiliter in suis Ecclesiis resident? Negant *Garc.*, et *Led. apud Viva cit. Opusc. 3 q. 3 art. 3 n. 8*; quia (ut dicunt) absentia est rigorosè explicanda, undè semper ac non absint, possunt fructus lucrari, satisfaciendo per alios suis obligationibus. Sed verius affirmat *Viva loc. cit.* tum quia restitutio fructuum reverà, ut diximus, ab his non tantum debetur de jure positivo ratione poenæ, sed etiâ de jure naturali ratione contractûs, sive conditionis residentiae in contractu appositæ non impletæ, quæ conditio quidem non potest intelligi de sola residentia corporali: Tum quia, etiâ si restitutio fructuum non deberetur de jure naturali, sed ex sola lege poenali Tridentini, adhuc Pastores inutiliter residentes tenerentur fructus restituere; dum Concilium in *cit. ses. 23. c. 1 de Ref.* postquàm declaravit ipsos obligari ad personalem residentiam, addidit: *Ubi injuncto sibi officio defungi teneantur.* Atque in Bulla *Grave*, Bened. XIV. declaratur residentia non esse vera, nisi sit formalis.

Hinc communiter dicunt DD. ut *Salm. t. 28 n. 114 cum Vasq. Barbos et Garc.* ex Declarat. S. C. quod Parochus non reputetur residere, si per ipsum non exerceat principaliora munera, nempe administrationem Verbi Divini, Sacramentorum, etc. Et quoad Episcopos, ut ait *Sporer tom. 3 p. 73 n. 27.* quod, licet ipsi regulariter, juxta consuetudinem non teneantur per se prædicare, et Sacramenta ministrare, debeant tamen personaliter invigilare, ut per alios id præstent, et insuper gregem bono exemplo instruere, ac pauperibus subvenire. Dictum est *regularitur*, nam puto, saltèm aliquandò Episcopos tenèri ad concionandum, dum ipsi (ut declarat Tridentinum *d. c. 1 sess. 23.*) de jure Divino tenentur oves suas Verbi Divini prædicatione pascere. Hocque per idem Concilium *Sess. 5. c. 2* declaratur: *Omnes Episcopos... et Prælatos tenèri per seipsos, si legitime impediti non fuerint, ad prædicandum... Si quis autem hoc adimplere contempserit districtæ subiaceat ultioni.* Circà obligationem autem Parochorum concionandi, et Sacramenta ministrandi, vide dicta *l. 3 n. 267. v. Hic obiter, et n. 358.*

Sentit autem *Hurtadus l. 3 de Resid. Paroch. Resp. 9 contra Sancium*, non esse tutum in conscientia Parochum, qui degens in Parochia per duos menses, Sacramenta per seipsum non ministraret, nisi in Beneficio constitutus esset alius Vicarius perpetuus, ut dicunt *Salm. num. 114 cum Gonzal. Barb. et Garc.* Censet tamen *Viva cit. art. 3 n. 9 cum Sancio*, esse valdè probabile, quod Episcopus vel Parochus absens cum justa causa, et tantò magis inutiliter residens in sua Ecclesia per tres menses, vel duos, ipsis respectivè à Trid. concessos, non teneatur ad restitutionem fructuum. Idque non omninò improbabile videtur, cum ex Concilio *dict. cap. 1* præfatum spatium non reputetur gravis materia; nam pro trimestri Episcoporum absentia utitur verbo illo *aliquantisper*; et pro bimestri Parochorum gravem non requirit causam. Dicunt verò *Bon. et Barb. ap. Croix l. 3 p. 1 n. 752*, quod Pa-

rochi, qui tantum habitu sunt Curati, possint totam Curam Sacellanis committere. Curati autem etiam actu peccant mortaliter, si semper per alios ministrent, cum ipsi commodè possint; Secus, si aliquandò ministrent, per se præsertim Sacramentum Pœnitentiæ; et aliàs per Sacellanos.

Dubitatur 4. an Episcopus vel Parochus non residens teneatur ad integram restitutionem fructuum, tempori absentiae respondentium (Affirmat *Nav. apud Bonac. de Benef. D. 5. p. 4 n. 5* quia (ut ait) Tridentinum indefinite absentes privat eos fructibus; propositio enim indefinita æquivalet universali. Negant verò probabiliter *Bon. loc. cit. Barbos. de Pot. Ep. pag. 3. Alleg. 43 n. 10. Croix l. 3 n. 737 et Viva Opusc. 3. q. 3 art. 3 n. 3 et 4 cum Vasq.* et communi, ut asserit; idemque ait *Viva.* et de omnibus aliis Beneficiariis ad residentiam obstrictis. Ac ejusdem sententiæ, ait *Bon.* debere esse omnes DD. qui excusant ab integra restitutione fructuum Beneficiatos omittentes recitationem Horarum, ut retulimus *lib. 3 num. 672. Quæst. 10* Ratio, quia fructus non solum dantur Pastoribus pro oneribus residentiae, sed etiam pro recitatione Divini Officii, et aliis muneribus; unde Concilium Tridentinum, cum oppositum non expresserit, benignè interpretandum velle, quod præfati Pastores teneantur restituere fructus tantum residentiae respondentes, juxta rationem naturalem, quæ dictat, quod, si quis duplici onere gravatur, non sit privandus integrâ mercede, cum unum adimpleat.

158 Quæritur V. Quibus restitui debeant fructus à non Residentibus? Hic notanda est differentia inter rationem faciendam à Beneficiario ob omissionem Horarum; et ob omissionem residentiae. Illa enim potest fieri quibusque pauperibus, et in fabricam domus Beneficii, sive in emendis, aut meliorandis agris Beneficii; quia omnia hæc veniunt nomine *Fabricæ Beneficii*, ut dicitur in Bulla S. Pii V. vide *dicta lib. 3 n. 672*. Ob omissionem autem residentiae, restitutio debet omnino erogari vel in *fabricam Ecclesiæ*, vel in *pauperes illius*

*loci*, ut sancitur in Trid. Sess. 23 c. 1. Vide *Bon. q. 5 p. 4. et Viva Opusc. 3 q. 3. art. 4 n. 1.* Nec satisfacit Pastor non residens, applicando restitutionem in Missis vel aliis suffragiis pro Animabus Purgatorii illius loci; quia revera Animæ defunctorum non possunt amplius dici pauperes loci illius.

Dicit autem *Viva loc. cit. cum Less.* et communi, ut asserit, quod benè posset Beneficiarius sibi restitutionem applicare, casu, quo ipse verè esset pauper; cum non debeat inferioris esse conditionis, quàm alii pauperes; modò id non faciat in fraudem, nempe si non resideat eo animo, ut postea applicet deinde sibi fructus ratione paupertatis; fraus enim nulli debet patrocinari, ut diximus *lib. 3 n. 672*; et sic dicit *Viva n. 4*, qui tamen excipit, si fortè Beneficiarius in gravem necessitatem postea incideret, et poenitentia ductus proponeret se emendare in futurum. Insuper *Viva n. 5 et Bon. de Hor. Can. D. 1 q. 5 p. 4 n. 10 cum Suar. Nav. Az. Men. etc.* communiter docent, quod, si pauperes donarent Beneficiario fructus restituendos post ipsorum traditionem, tunc benè posset ille hos retinere; secus verò, si donarent antè traditionem; quia tunc donatio est nulla; pauperes enim nullum jus certum et firmum habent ad illos fructus, sed tantum vagum et incertum, cum sit in potestate Beneficarii eligere pauperes, quos velit.

Hic ultimò plura annotare oportet circa residentiam Canonice in loco Beneficii. Antè omnia animadvertenda sunt verba Tridentini, quæ circa id habentur in Sess. 24 c. 12 de Ref. ibi: *Prætered, obtinentibus in eisdem Cathedralibus, aut Collegiatis Dignitates, Canonicatus, etc. non liceat vigore cujuslibet statuti, aut consuetudinis ultra tres menses... quolibet anno abesse, salvo nihilominus earum Ecclesiarum Constitutionibus, quæ longius servitii tempus requirunt. Alioquin primo anno privetur unusquisque dimidia parte fructuum, quos ratione etiàm Præbendæ ac residentia fecit suos. Quod si iterùm eodè fuerit usus negligentia, privetur omnibus fructibus, quos eodem anno lucretus fuerit. Crescente*



verò contumaciâ, contrà eos juxtà sacrorum Canonum Constitutiones procedatur. Insuper ex Diplomate N. SS. P. Benedicti XIV. (quod retulimus l. 3 n. 675 v. *Dubitatur* 3) habetur, quod Canonici Choro non interessentes, sivè non canentes, psallentesve, non solum amittant Distributiones, ut jam statutum erat in eod. can. 12. Concilii (cujus verba retulimus eod. l. c.), sed etiâ fructus omnes Præbendarum, cum eos non faciant suos. Si ergò non faciunt fructus suos non canentes, tantò magis non faciunt non residentes. Præterquàm quod id clarè eruatur ex eodem Tridentini loco mox suprâ citato (quidquid dicat *Bon. t. 1 D. 5 de Onere Benef. ad Resid. p. 4 n. 16.*, dum ibi dicitur, quod Canonicus non residens ultrà tres menses, *privetur dimidiâ parte fructuum, quos ratione etiâ Præbendæ; ac residentie* (nota) *fecit suos.* Ergò si Canonicus *ratione residentie* facit fructus suos, non residendo suos non facit. Dicit autem *Bonacina*, (et hoc valdè probabile est) *l. c. cum Gar. Macigna*, ex quadam Declar. S. C. Canonicos non privari fructibus, si tantum per paucos dies ultrà tres menses absint; hujusmodi enim transgressio non videtur talis, ut prædictam gravem pœnam privationis medietatis fructuum mereatur.

Canonici autem tribus mensibus, quibus absunt, non lucentur Distributiones, sed benè lucentur fructus Præbendæ: Modò (ut benè ait *Concina tom. 2 p. 535 n. 32 cum Garcia*) reliquo tempore anni resederint, et Chorum frequentaverint, contrà *Palaum tr. 7 D. 3 p. 9 n. 10 et Bon. de Hor. Can. D. 2 q. 5 p. 4 n. 22 et 25* qui dicunt, Canonicos absentes majori anni parte non idèò carere privilegio trium mensium ipsis concesso, quia privilegium non datum est residentibus, sed obligatis ad residendum; aliàs Canonici non possent eo privilegio frui, nisi prius per novem menses jam resedissent, quod certè non esset juxtà usum receptum, dum in qualibet anni parte tres menses privilegii accipere solent. Sed huic opinioni non acquiesco, quia Concilium præbendatos ultrà tres menses

absentes absolutè privat fructibus Præbendæ; atque etiã eos damnat ad restituendam medietatem fructuum, quos ratione residentie fecerant suos; quapropter ipsi ex Concilio post absentiam trium mensium privantur omninò præfato privilegio. An autem Canonicus, qui inutiliter prodigit tres menses à Trid. concessos, teneatur restituere fructus Beneficii; affirmant *Palud. et Nav. apud Conc. pag. 535 n. 32.* Sed probabilius negant *ibid. Sanch. Pelliz., et Leand.* Ratio, quia Concilium absolutè concedit Canonicis, ut per tres menses absint, nullà speciali causâ requisitâ. Bene autem possunt Canonici conjungere tempus trimestre concessum cum trimestri anni sequentis, ut dicunt *Pell. et Leand.* Nisi (excipit *Concina pag. 535 n. 33*) scandalum obveniat, aut cultus Divinus minuat. Præterea refert *ibid. Concina*, sacram C. apud *Leand.* declarasse, quod non possint confici præfati tres menses ex horis, quibus Canonici residentes absunt à Choro; item declarasse, non posse Canonicos computare punctaturas pro tribus mensibus sibi concessis, ita ut nihil teneantur restituere, si omnes punctaturæ anni non excedant quartam partem integræ residentie. Cæterum, regulariter absentes à Choro ex justa causa lucrantur et fructus, et Distributiones: ita communiter *Bonacina Dist. 2 q. 7 pag. 1. Salm. tr. 16 c. 4 n. 11. Concina t. 5 pag. 522 n. 2 etc.* Quidquid sit, ut alii negant, de Distributionibus, quæ ex absentia reliquorum Canoniconum ipsis deberentur. Adversatur huic, quod ex Decr. S. C. Conc. apud *Jord. Pax* (*Jord. Pax Elucubr. lib. 10 tom. 40 n. 73*), Canonici nequeant in mensibus conciliariis abesse dicecesi, nisi de licentia Episcopi.

Causæ autem excusantes Canonicos ab assistentia 130 Chori tres sunt, ut constituit Bonifacius VIII. in cap. unic. de Cler. non resid. in 6. nempe: *Infirmas, Rationabilis corporis Necessitas, et Evidens Ecclesiæ Utilitas.* Et hæc expedit prænotare, quod ille, qui non residet propter has tres causas in præfato textu expressas, non privetur neque fructibus Præbendæ, neque

Distributionibus, ut patet ex eodem *cap.* citato. Quibus addenda est quarta causa (ut censet *Pichler in Candid. ab brev.* l. 3 t. 4 n. 8) nempe consuetudo introducta post Tridentinum: nam Concilium antegressas abolevit. Qui autem non residet propter causas diversas à tribus prædictis, sed etiam justas, puta ob studium, visitationem, et alias, de quibus infra fiet sermo (ubi semper requiritur licentia Episcopi, vel Prælati), is lucratur quidem fructus, sed non Distributiones, ut *Anacl.* l. 3. tit. 4 n. 134 et 163 *ac Holzm.* to. 1 p. 434 cum aliis communiter. I. igitur excusat *Infirmus*, non quidem levis, sed tantum gravis, vel quæ gravis fieri potest per accessum ad Ecclesiam, ut communiter dicunt *Palaeus D.* 3 p. 9 § 1 n. 2. *Bon.* q. 5 p. 1 n. 13. *Concina tom.* 2 pag. 522 n. 2 et *Salm.* tr. 16 c. 4 n. 15 cum *Pell.* etc. Excusantur autem etiam ii, qui propriâ culpâ infirmitatem contraxerint, ut pariter cum communi docent *Pal.* n. 3. *Bon.* n. 7. *Conc.* n. 3 cum *Nav.* *Sanch.* et *Salm.* n. 16 cum *Garc. Covar.* et *Pell.* quia jus indistinctè excusat infirmos. Et hoc, etiamsi quis datâ operâ in morbum se conjecerit, ut absit à Choro, prout probabiliter dicunt *Palaeus*, *Sal.* l. cc. et probabilem putat *Concina* n. 4 cum *Bon.* Ratio, quia lex ad infirmitatem, non autem ad intensiorem respicit; et hoc etiamsi iste antè infirmitatem consuevisset abesse à Choro, ut probabile putant *Nav.* l. 2 de *Rest. c.* 11 n. 238. item *Conc.* l. c. n. 5 et *Salm.* cum *P. nav.* et *Pal.* qui id vocat satis probabile (contrà *Bon.* p. 1 n. 10 cum *Covar. Az.* etc.), et meritò, quia infirmitas hîc et nunc de se excusat. Nec officit, quod ille nec vellet assistere, si esset sanus; nam leges non puniunt nisi culpabilem absentiam. Secùs verò, ajunt *Sanch.* *Cons.* l. 2 c. 2 *Dub.* 90 n. 5. *Pal.* n. 6. *Salm.* n. 18 et *Concina* pag. 526 n. 6, cum communi, ut asserit, si Canonicus sinè legitima causa absit, et infirmetur, quia tunc pro toto tempore absentiae reputatur culpabiliter absens. Contrà hanc sententiam, quam audio vocari communem, nolo iudicium ferre; sed durum mihi videtur, ut, si quis, licet sine causa,

aliò accedat, et ibi contrahat perpetuum morbum, perpetuò debeat distributionibus, et fructibus Præbendæ privari.

Dubitatur, an excusentur absolutè septuagenarii ab assistentia Chori? affirmant *Leander, et alii*; sed verius negat *P. Conc. t. 2 p. 526 n. 8*, si ipsi robusti sint; et ad alia peragenda negotia ordinariè egrediantur; Secùs si sint debiles, et minùs apti ad longum iter faciendum, ità ut commodè interesse nequeant, ut ait *Bon. p. 2 n. 6 cum Azor. Men. et aliis*. undè probabiliter dicunt *Salm. c. 4 n. 19*, quod hujusmodi senes regulariter non teneantur ad Chorum, non autem, quod numquam.

Dubitatur 2. an excusentur cæci et surdi, et lucrentur Distributiones, si absint Choro? Affirmant *Barb. Pelliz. Diana, etc. apud Salm. c. 4 n. 18*. Idque inferunt, ex *l. 1. C. qui morb. etc.* ubi dicitur: *Qui utriusque oculi actum amisit, levamen sentit munus personarum*. Sed meliùs negat *Sanch. Cons. l. 2. c. 2. dub. 90. et Salm. ibidem cum Suar. P. Nav. et Cov.* quia Chorus istis non nocet, et ipsi assistendo saltèm auctoritatem præbent. Excusarem autem cæcum, qui sinè notabili incommodo non posset ad Ecclesiam accedere.

II. Excusat *rationabilis corporis necessitas*, sub qua intelligitur timor cujuscumque gravis damni in vita, honore, aut bonis. Undè non privantur distributionibus, qui domi morantur ad medicinam sumendam, ut vena scindatur, vel proficiscuntur ad balnea, aut locum salubrioris aëris: item qui ab hostibus capiuntur, aut qui patiuntur injustum exilium, aut detinentur per vim, aut ob timorem gravis nocimenti ab inimicis; ità *Bon. q. 5 p. 2 ex n. 7. Salm. tr. 16 c. 4 n. 19. et Conc. t. 2 pag. 526 n. 9 cum commun.* Idem probabiliùs dicendum de absente ob metum belli, vel pestis grassantis in loco Beneficii, ut tenent *Bon. n. 7. et 8. Pal. tr. 7 D. 3 p. 9 §. 2 n. 2. et Salm. cum Vasq. Pell. Covarr. Garc. etc. contra Conc. l. c. Barb. etc.* qui concedunt, posse quidem talem percipere fructus Præbendæ, non verò distributiones.

Cùm autem quis abest à Choro ob excommunicationem, amittit distributiones; si justè sit excommunicatus; secùs si injustè, et curet, ut ab excommunicatione absolvatur, *Concina p. 527 n. 10. et Salm. n. 21*. Idem de Canonico suspenso probabiliùs esse censet *Concina n. 12*. Si verò quis sit justè excommunicatus, etiàmsi Choro assistat, putat *P. Concin. n. 11. cum Abb. Pal. Innoc. Nav. Suar. Tolet. Fill. Sylv. et communi*, ut asserit; hunc amittere tam distributiones, quàm fructus Beneficii; sed probabiliter id negant *Sanch. de Mat. l. 3 D. 51 n. 12. Bon. p. 2 §. 2. Pal. p. 9 §. 2 n. 4. cum Cònninck. Vasq. et Gloss. in c. Pastoralì, §. Verùm de Appell. ac Salm. c. 4 n. 21. cum P. Nav. Pelliz etc.* et dicunt, quod, licet iste peccaret assistendo, et meritò deberet privari à Judice distributionibus, et fructibus; nullibi tamen constat, hanc privationem ipso jure impositam esse. Qui autem esset excommunicatus, et respiscens absolutionem peteret, non amitteret distributiones; si injustè absolutio ei negaretur, cum tunc per ipsum non fiat, quominùs assistat. Ità *Palaeus p. 9 §. 2 n. 4. cum Suar. Vasq. Sylvest. Armill. Sa, Henr. Sayr. Lop. etc. communiter*.

Quandò autem Ecclesia est interdicta, Canonici non assistentes non ideò amittunt distributiones, dummodò non dederint causam Interdicto, *Concina l. c. n. 12*. Secùs est in Cessatione Divinorum Officiorum, tunc enim etiàmsi non dantes causam Cessationi privantur distributionibus, ut *Concina. l. c. Pal. n. 11. et Bonac. p. 1 §. 5. cum Suar. et Sayr. ex cap. Canon. §. Sciscitari de Off. Ordin. in 6. ubi statuitur*, quod ii, qui causam dederint Cessationi, debeant restituere Canoniciis omne interesse; quod ipsi amittunt omitendo assistere Divinis Officiis. Sic pariter quandò Ecclesia est polluta, non privantur distributionibus illi, qui causam pollutioni non dederunt. Ità *Palaeus p. 9 §. 2 n. 10. Conc. d. n. 12. cum Suar. Bon. Sayr. Trull. Henr. et Communi*.

Quæritur autem hîc, an Canonici irregulares assistentes amittant distributiones, et fructus Præbendæ?

Si irregularitatem incurrerint post collationem Beneficii, certum est et commune, quod neutrum amittant: Ità *Concina t. 2. pag. 527. n. 12.* Sed dubium fit, quando irregularitatem incurrerunt antè collationem. Hæc quæstio omninò pendet ab alia, an collatio Præbendæ facta Clerico irregulari sit per se invalida? Negant *Palaut. de Censur. tr. 29. D. 6. p. 5 n. 7. Elbel t. 2. pag. 457 n. 158. Ronc. de Censur. c. 1 qu. 5 R. 1 et Salm. tr. 10. c. 7 n. 34. cum Sylv; Felkn. Leand. Laym. Less. Suar. Conc. Hurt. etc.* hanc sententiam probabilem putant. Hi dicunt, collationem istam illicitam quidem esse, et nullam in foro externo, sed validam in conscientia. Ratio, quia cum nulla irregularitas incurratur, nisi in jure sit expressa, tantò minùs incurritur ejus effectus, qualis est inhabilitas ad Beneficia; hic autem effectus nullibi in jure reperitur expressus. Affirmant verò probabilius *Concina l. c. Contin. Tourn. de Irrèg t. 2 p. 12. Holz. t. 1 p. 411 n. 320. Bonaç. de Irreg. D. 5. p. 4 n. 6. cum aliis:* et hanc sententiam ipsi *Salm.* fatentur esse communem. Probatur 1. *ex c. 2. de Cler. pugn. in duello*, ubi dicitur, dispensari posse cum Clerico irregulari, ut Beneficium possideat; ergò sinè dispensatione ipse est inhabilis ad recipienda Beneficia. Probatur 2. et fortiùs ex *Trid. Sess. 22. c. 4. de Ref.* ubi Concilium loquens de Præbendatis, sic ait: *Ne aliis imposterùm fiat provisio, nisi iis, qui jam ætatem, et cæteras habilitates integrè habere dignoscantur, aliter irrita sit provisio.* Respondent *Salm. et Ronc.* ad præfatum textum (cujus ipsi *Salm.* fatentur difficilem esse solutionem), et dicunt, To *cæteras habilitates* intelligi de habilitatibus ex jure naturali, non autem positivo: sed hæc responsio non satisfacit; nam Concilium, cum indistinctè et integrè habilitates requirat, sanè intelligendum est de omnibus habilitatibus, tam de jure naturali, quàm positivo necessariis; idque videtur expressè ibidem declarari, cum dicatur, *qui jam ætatem etc.* idest ætatem requisitam ad Ordines recipiendos, ut Concilium præceperat, quæ quidem habilitas certè est de jure positivo. Hinc probabilius *P. Conc.*

*l. c.* sentit, Clericos, qui post irregularitatem Præbendas recipiunt, privari ipso jure etiã in conscientia distributionibus, et fructibus Beneficii.

III. Excusat *Ecclesiæ Utilitas*, modò utilitas sit gravis judicio Episcopi, vel Capituli, et sit Ecclesiæ propriæ, vel universalis, aut totius Diœcesis, non verò alterius Ecclesiæ vel particularis, ut *Conc. t. 2 p. 528 n. 14. et Salm. tr. 16 c. 4 n. 23.* An autem, qui propter utilitatem Ecclesiæ abest à loco Beneficii, lucretur distributiones: Negant aliqui ex *cap. Cum non deceat, de Cler. non resid. in 6.* ubi Clerici ad Sedem Apostolicam accedentes ob negotium suarum Ecclesiarum distributionibus privantur. Sed probabiliùs affirmant *Salman. l. c. num. 24. cum Palud. Pelliz. etc.* idque satis probabile putat *Concina num. 15. ex cap. un de Cler. non resid. in 6.* ubi absolutè conceditur privilegium absentibus in utilitatem evidentem Ecclesiæ. Alter autem textus intelligitur de solo casu, quo Præbendatus accedit ad Sedem Apostolicam ob instructionem electionis.

Item ex hac ratione excusatur Canonicus, qui mittitur (nam unus tantum mitti potest) ab Episcopo ad visitanda Limina Apostolorum, ut communiter omnes cum *Concina num. 16.* Idem dicitur de Canonico comitante suum Episcopum ad eadem Limina, ex Decreto Sixti V. apud *Concina*, qui *ibid.* ait, Episcopum Limina visitantem posse etiã duos Canonicos secum ducere. Idem dicitur de Canonico misso ad Concilium Provinciale tamquam Theologo, Canonista, aut Procuratore, ut probabiliùs sentiunt *Concina pag. 529. num. 17. et Salmanticens. cap. 4 num. 24. cum Palud. Pelliz. etc.* Idem si mittatur Canonicus à Capitulo ad Pontificem, aut Principem tamquam Legatus pro agendis negotiis Ecclesiæ, *Concina ibid.* Idem, si eligatur Vicarius Capitularis Sede Vacante, ut communiter docent DD. quia hic incumbit totius Diœcesis utilitati. Secus, si eligatur Vicarius Episcopi, quia tunc Episcopo, non ecclesiæ inservit. Is enim lucratur quidem fructus Præ-

bendæ, sed non distributiones. *Pal. p. 9 §. 7 n. 2. Sal-*  
*mant. c. 3 n. 34. Conc. p. 529 n. 18 et 24.*

Minimè autem privatur distributionibus Canonicus<sup>131</sup>  
Pœnitentiarius, qui tempore officii Confessiones ex-  
cipit, ex *Trid. Ses. 24 c. 8 de Ref.* ubi dicitur: *Pœniten-*  
*tarius aliquis, cum unione Præbendæ proximè vacaturæ*  
*ab Episcopo instituatur, qui Magister sit, vel Doctor,*  
*aut Licentius in Theologia, vel jure Canonico, et an-*  
*norum 40 seu alias qui aptior pro loci qualitate reperia-*  
*tur, qui dum Confessiones in Ecclesia audit, interim,*  
*præsens in Choro censeatur.* Sed hîc dubitatur, an lu-  
cretur distributiones Pœnitentiarius, qui tempore offi-  
cii manet in confessionali expectans pœnitentes acces-  
suros? Negat *Barbosa de Pot. Ep. Alleg. 65 n. 30*  
*cum Garcia, Ugolin. Sal. et Moneta*, qui referunt de-  
cisum, non habendum esse pro præsentem in Choro  
Pœnitentiarium, qui residet in confessionali pro  
tempore, quo non audit Confessiones, etiâ ut op-  
portuniùs Confessiones audiat. Sed veriùs *Salm. c. 4*  
*n. 31 cum Barb. Bon. Pell. Ronc. tr. 6 c. 2 qu. 9 R. 1-*  
*et Con. cum Pal. et Leand.* affirmant, si pœnitentes  
soleant accedere, et Pœnitentiarius eo animo se deti-  
neat, ut promptiorem illis se exhibeat, ex *Decl. S. C.*  
relatâ à *Barbosa in Con. Trid. sess. 24 c. 8* pro Eccle-  
sia Abulensi, quâ mandatur Pœnitentiario, ut se sistat  
in Confessionali, ne pœnitentes perquirere eum cogan-  
tur, et ob verecundiam ejus inquisitionis Confessiones  
omittant. Et idem dicitur de Canonico subrogato Pœni-  
tentiario, modò subrogatio non fiat in fraudem; et de  
aliis, qui Pœnitentiarium adjuvant de mandato Super-  
ioris in magno concursu, *Con. ibid. et Castropal. l. c.,*  
*n. 3 c. 4.* Præterea addunt *Barb. in Trid. Sess. 24 c. 8,*  
*n. 29. Cast. n. 2 et Bon. t. 1 de Hor. Canonic. D. 2 qu.*  
*5 p. 3 §. 5 n. 3 cum Sal. et Garcia* ex alia *Declarat. S. C.*  
in una *Gienen. 4. Sept. 1591.* Pœnitentiarium censi  
præsentem etiâ processionibus, orationibus, et  
exequiis Defunctorum, quæ fiunt tempore, quo ipse  
Confessiones audit. Quod autem dicunt de Pœniten-  
tario, dicunt etiâ de Canonico curato, qui tempore



Officii opera sui muneris exercet, *Pal. p. 9 §. 3. n. 8. Salm. cap. 4 n. 26 cum Barbos. Garc. Gutt. et Concina p. 532. n. 22.* Qui sentit, idem procedere, etiãmsi Ecclesia, de qua is Curam habet, sit diversa ab Ecclesia, ubi est Canonicus; dummodò illa sit intrã propriam Diocesim; sed huic contradicit *Bonac. D. 1. qu. 5. p. 3 §. 6 n. 5.* Non amittit autem distributiones is, qui abest ad tuenda jura sui Beneficii: secùs verò si defendat jus suum ad Beneficium adversùs alterum *Concina ibid.*

-Sic pariter lucratur distributiones Canonicus Theologalis, qui tempore Officii legit, aut concionatur, ut communiter docent omnes; et etiãmsi in aliis Horis ipsius Diei (non verò præcedentis) se pararet ad legendum, vel concionandum, ut *Roncag. c. 2 q. 6 R. 2 cum communi, ex Concessione Greg. XIII. et Concina p. 531 n. 21 cum communi ex Decl. S. C. apud Garciam, qui contradicit.*

Sentiunt autem *Concina pag. 532 n. 22. Pal. p. 9 §. 7 n. 1. Roncag. R. 3 et Salman. c. 4 n. 34 cum Garc. Pell. etc.* contra *Barbos. et Zechium apud Pal.* quod Canonici Examinatores, dum absunt à Choro (nisi alia sit alicubi consuetudo), non lucrentur distributiones. Idem ajunt de Canonicis destinatis ab Episcopo ad visitanda Hospitalia et Ecclesias Diocesis, quia hi non occupantur in servitio propriæ Ecclesiæ. Episcopus autem potest duos Canonicos in suo servitio occupare ex *cap. De cætero, etc. Ad audientiam, de Cler. non res.* qui lucrentur fructus Præbendæ, sed non distributiones; ut *Ronc. l. c. et Salm. n. 125 ex Decl. S. C. Dicit tamen P. Conc. n. 23* quod Canonici assistentes Episcopo solemniter celebranti lucrentur etiã distributiones. Canonici autem absentes à Choro tempore Officii, ut Capitula celebrent, amittunt tam distributiones, quàm fructus Præbendæ, quia tempore Officii vel Missæ Choralis ipsis vetitum est Capitula celebrare, nisi urgeat grave negotium, quod moram non patiat; *Conc. ibid.*

132 Ultimo notandum, quod Præbendati docentes in

Scholis publicis (non autem privatis), sacram Scripturam, licet non lucrentur distributiones, acquirant tamen fructus suorum Beneficiorum, ex Trid. Sess. 5 c. 1 in fin. Idem dicitur in cap. fin. de Magistris, de docentibus Theologiam. Idque communiter extendunt DD. ad docentes Jus Canonicum, ut Palus. p. 9 § 9 n. 1. Roncag. de Benef. c. 2 q. 6 R. 3. Concina t. 2 pag. 533 n. 24 et Salm. tract. 28 n. 129 et 130 cum Sanch. Filliuc. Garcia, qui de hoc affert declarationem S. C. Idem dicunt de docentibus Grammaticam Palud. n. 3. Concina n. 26. Roncag. loc. cit. et Salm. tr. 16 c. 4 n. 37. Necnon Salmanticenses idem sentiunt de docentibus Logicam, et Philosophiam, quia (ut ajunt) omnia hæc sunt necessariò præmitenda ad Theologiam addiscendam.

An autem Parochi docentes sacram Scripturam, Theologiam, aut jus Canonicum eodem privilegio gaudeant? Negat P. Concina num. 25 quia in Tridentino Parochus absolutè vetatur abesse ultra duos menses. Sed probabiliter admittunt Palus n. 4. Salm. diot. n. 37 et Ronc. l. cit. cum Gonzal. Barbos. etc. Ratio, quia in cit. cap. fin. de Magistris indistinctè omnibus facultatem Theologicam docentibus conceditur privilegium, sive exemptio à residentia: hocque privilegium non habetur in Tridentino, quod ibi clarè (ut oportebat) sit revocatum: verba autem textus præfati hæc sunt: *Docentes verò in theologicâ facultate, dum in scholis docuerint, et studentes in ipsa integrè per annos quinque, percipiant de licentia* (nempè generali, concessa auctoritate hujus Constitutionis, ubi explicat Glossa) *Sedis Apostolicæ proventus præbendarum, et beneficiorum suorum, non obstante alia aliqua consuetudine, aut Statuto; cum denario fraudari non debeant in vinea Domini operantes.* Ratio, quia id redundat in bonum totius Diocesis, imò universalis Ecclesiæ.

Idem privilegium sanè conceditur Præbendis studentibus in universitate ex Trident. l. c. et ex cit. cap. fin. de Mag. et cap. 11. de Privil. in 6. ac cap. Tunc de Cler. non resid. modò ipsi studiis operam dent sal-

tèm per maiorem anni partem, ut ait *Conc. n. 27 et Pal. n. 5 cum Bonac. Barbos, etc.* et modo habeant de hoc licentiam (quæ verò non requiritur pro docentibus, ut dicunt *Palaus part. 9 § 9 n. 7. Ronc. qu. 6 R. 3. Conc. n. 28 ex Salm. tr. 28 n. 130 cum Barb. et Garc. Ex Bulla Pii IV. Ad aures*, edita 24 Novemb. 1564. Hæc autem licentia illis suffragatur pro quinquennio, si audiant sacros Canones; pro septennio verò, si audiant Sacram Scripturam, seu Theologiam, *Salm. l. c. cum Garc. et Barb.* An autem Parochi studentes Theologiæ excusentur à residentia post duos menses ipsis à Trid. concessos? Affirmant *Nav. Tolet. Less. etc. apud Palaum n. 9.* Idque probabile putant *Palaus ibid. et Salm. tr. 16 c. 4 n. 39.* Quia in *cit. cap. fin. de Magistris* eodem privilegio gaudent docentes, quo studentes. Sed probabilius negant *Conc. pag. 534 n. 29. Ronc. qu. 6 R. 3. Palaus n. 9. Salm. l. cit. cum Gonzal. Barb. Garcia, etc.* Ratio, tum quia Tridentinum declaravit, non posse Parochos ultra duos menses abesse, nisi ex gravi causa; et S. C. *apud Garciam* declaravit, huiusmodi causam studiorum nequaquam esse gravem; tum quia privilegium præfatum concessum est tantum addiscentibus, unde non concedendum Parochis, qui jam edocti supponuntur. Dicunt verò *Salm. n. 128 ex Decl. S. C.* quod, si à Papa detur alicui licentia, ut absit causâ studiorum, hæc non valeat, nisi consensus Ordinarii accedat. Et sic pariter referunt declarasse Pium IV. de his, qui studiis in Curia Romana assistunt. Hic autem obiter notandum, quod in *c. fin. de Cler. vel Mon.* prohibeantur *Archidiaconi, Decani, Plebani, Præpositi, Cantores, et alii Clerici Personatus habentes, necnon Presbyteri* studere Juri Civili, vel medicinæ sub pœna excommunicationis latæ, si infrâ duos menses à tali studio non destiterint. (Dicit tamen *Bonac. de Censur. D. 2 q. 4 p. 7 n. 4.* cum communi, hoc non intelligi de studio privato; nec si audiatur lector domi, ut probabile putat cum *Tol. Calder. etc.* Neque intelligi de docentibus, ut sentiunt *Sanch. l. 6 cap. 8 n. 9.* et idem *Bon. cum Tab. et aliis*). Unde

tales studentes privantur fructibus suarum Præbendarum, ut dicunt *Pal. l. c. p. 9 n. 6. Salm. c. 4 n. 38. cum Bonac et Barbosa.*

Diximus autem, præfatos Magistros aut Scholares excusatos, lucrari quidem fructus Beneficiorum, non verò distributiones: si tamen Beneficium constaret ex solis distributionibus, has etià eos lucrari dicit *Conc. pag. 533 n. 27.* cum communi ex Decl. S. C. apud *Garciam* (contrà *Bon.*) quia tunc distributiones succedunt loco fructuum. Et idem ait *Conc. pag. 536 n. 35.* de dispensatis à Choro, quandò Beneficium tantum ex distributionibus conflatur. Excipit tamen *Conc.* contrà alios, si sint distributiones minutæ pro Anniversariis, quia Testatores nolunt has dari nisi assistentibus.

#### ARTICULUS V.

### Quibus modis Beneficia amittuntur?

- 133 *Quibus modis amittuntur Beneficia?*  
 134 *Quid, et quotuplex est Resignatio?*  
 155 *Quid requiritur, ut valeat Resignatio conditionata?*  
 136 *Quid de Permutatione Beneficiorum?*

• **RESP. I.** Beneficia quatuor modis amittuntur. 1. 133  
 » Per mortem Beneficiati. 2 Ex dispositione juris,  
 » idque vel propter alterius Beneficii impossibilis  
 » consecutionem, vel per professionem religiosam,  
 » vel per contractum matrimonii, vel per commissio-  
 » nem criminis (v. gr. hæresis, schismatis, sodomiae  
 » sæpius exercitæ), cui amissio Beneficii ipso facto  
 » est annexa, ut v. apud *Less. l. 2 cap. 34 d. 34. 3.*  
 » Per sententiam judicis. 4 Per liberam resignatio-  
 » nem, de qua.

• **Resp. 2** Resignatio est spontanea proprii Benefi- 134  
 » cii dimissio, facta coram legitimo Superiore id ac-  
 » ceptante. Estque duplex, scilicet tacita quæ fit ex  
 » juris dispositione; ut dum quis Religionem pro-

- fitetur : et expressa , quæ rursus est duplex , scilicet  
 » pura , quæ fit sine conditione et pacto apposito , coram  
 » Ordinario , qui Beneficium cuilibet alteri conferri  
 » potest : et conditionata , seu in favorem : eaque vel  
 » est simplex in favorem , ut quandò fit absque reser-  
 » vatione ; vel est qualificata , quandò scilicet fit re-  
 » servato sibi jure regressûs , vel pensione , vel fruc-  
 » tibus aliquibus , quæ ob simoniam juris humani ,  
 » non nisi in Pontificis manibus fieri potest. Et quam-  
 » vis veriùs sit , etiàm resignationem simplicem in  
 » Pontificis manibus faciendam , cum alioqui peri-  
 » culum sit , ne Beneficiorum resignationes speciem  
 » quamdam hereditariæ successionis acquirant , quod  
 » jura Canonica detestantur : probabile tamen est ,  
 » in manu Ordinarii fieri posse , eò quod permutatio  
 » in ejus manibus fieri possit. \* ( *Sed omninò con-*  
 » *tradiciunt Salm. de Simon. c. 3 n. 52. cum communi.*  
 » *Vide dicta de Simon l. 3 n. 81.* ) \* Idque à fortiori  
 » verum est , si fiat sinè modo obligatorio , quàmvis  
 » additâ deprecatione , ut personæ certæ conferatur.  
 » Idque observari potest , ubi non est recepta Bulla  
 » Pii V. quamlibet personæ successuræ designatio-  
 » nem prohibens , quam citat *Laym. l. 4 t. 2 cap. 17.*  
 135 » Porro , ut resignatio conditionata valida sit ;  
 » requiritur 1. Ut Beneficium sit resignantis , cum  
 » resignatio sit juris sui dimissio. 2. Ut fiat libere. 3.  
 » Ut fiat in manibus ejus , qui potest admittere , scili-  
 » cet Pontificis , Ordinarii , Collatoris , vel Institu-  
 » toris , juxtà dicta. 4. Ut acceptetur à Prælato , in  
 » cujus manibus fit , quia sine acceptatione jus suum  
 » resignans non perdit. 5. Ut conferatur illi , in  
 » cujus favorem , cum clausula consueta , *non aliter* ,  
 » *nec aliàs* , est resignatum. 6. Ut is , cui confertur ,  
 » acceptet ; aliàs enim resignans non perdit Benefi-  
 » cium , propter clausulam , *non aliter*. 7. Requiritur  
 » consensus Patroni , vel Electorum , prout Beneficium  
 » est patronatum , vel electivum. 8. Si resignans sit  
 » infirmus , ut à resignatione supervivat 20. dies ,  
 » aliàs enim per obitum vacare censebitur. 9. Ut , si

» resignatio fiat in Curia Romana, intra 6. menses à  
 » supplicatione oblata computandos, in loco Beneficii  
 » publicetur: sin autem extrà Curiam, intra men-  
 » sem: alioqui, si contingat resignantem mori, ante-  
 » quàm resignatarius ceperit possessionem, Bene-  
 » ficiu vacare censebitur. *Less. et Laym. c. 17.*

» Resp. 3 Permutatio Beneficiorum, quæ est quæ-<sup>336</sup>  
 » dam species conditionalis resignationis, fit, cum  
 » duo Beneficiati unum, vel plura sua Beneficia Pon-  
 » tifici non reservata, in manus Ordinarii, alteriusve  
 » Episcopali auctoritate præditi resignant, cum con-  
 » ditione, ut postea vicissim alteri alterius Benefi-  
 » cium conferat. Quod quandoque Episcopus insti-  
 » tuere potest, si necessitas ità exigat; vocatis tamen  
 » iis, quorum interest, scilicet Patrono, et Collatore  
 » inferiore. Ad hanc autem omnia requiruntur, quæ  
 » ad resignationem in favorem. V. *Less. c. 31 d. 35*  
 » *et 36. Laym. cap. 17. Bon. de Sim. d. 1 qu. 4 § 12.*  
 » \* (*Vide l. 3 n. 72.*) \*

» Quæres 1. An licitæ sint permutationes coram  
 » Ordinariis, in mensibus reservatis per Concordata  
 » Germaniæ? Resp. affirmativè, quia per reservatio-  
 » nem Concordatorum non censetur Pontifex voluisse  
 » conditionem Ordinariorum Germaniæ deteriore  
 » facere, quàm Episcoporum extrà Germaniam, co-  
 » ram quibus id simpliciter licet.

» Quæres 2. An licitum sit permutare Beneficia,  
 » compensatâ fructuum æqualitate.

» Resp. 1. non licere, si Beneficiu copiosus, non  
 » separatis proventibus à titulo, permutetur cum te-  
 » nu. Ratio est, quia excessus ille, eo ipso, quo  
 » manet annexus titulo, est debitus titulo, ideòque  
 » pro eò nihil exigi potest, quin etiàm exigatur pro  
 » titulo.

» Resp. 2. posse peti compensationem ob hujus-  
 » modi permutationem à Pontifice, pro incommodo  
 » temporali, quod alter subit, spoliando se proven-  
 » tibus sui Beneficii, ideòque talis compensatio non  
 » est pretium Beneficii, aut proventuum annexorum,

» sed conditio , ut se indemnem servet , sinè qua conditione nollet se spoliare.

• Resp. 3. Jura proventuum posse separari à titulis, et primò nudos titulos ; deindè alio contractu jura proventuum , utpotè temporalia , permutari , compensato excessu opulentioris ; idque auctoritate solius Papæ. V. *Less. l. c. Bon. l. c.* § 12 n. 11 \* (*Vide l. 3 n. 75 et 76.*) \*

» Quæres 3. An licitè permutetur Beneficium hac lege , ut expensæ litis, vel Bullarum refundantur per recipientem ? Resp. Videri permutationem simoniacam , si impensæ sint causa impulsiva permutationis , sine qua actus non fuerit futurus. Idem de simili resignatione affirmarem. *Less. l. c. Bon. l. c. n. 9.* »

#### ARTICULUS VI.

### Quid , et quotuplex sit Pensio ?

137 *Quid et quotuplex Pensio ?*

138 *A quo et quanta possit Pensio designari ?*

139 *An Pensionarius possit de illa libere disporre ?*

137 • **R**ESP. Pensio est jus percipiendi fructus ex alieno Beneficio. Estque triplex : 1. *Temporalis* , quæ datur propter ministerium temporale , v. gr. Cantori, Aedituo , Patrono , et Defensori Ecclesiæ. 2. *Spiritualis* , quæ fundatur in titulo merè spirituali , ut quæ datur Concionatori , Coadjutori Episcopi , Parocho , etc. 3. *Media* , quæ fundatur in statu spirituali , non tamen officio spirituali : ut quæ datur Clerico pauperi , vel Parocho seni ad sustentationem , vel quæ datur causâ resignationis , et litis componendæ. Duæ posteriores dicantur Clericales , quia Clericis ; prima Laicalis , quia Laicis tantum datur.

• Porro circa pensiones *Ley. c. 18 et Les. c. 35* docent

» hæc : I. Etsi eam designare proprium sit Papæ , id  
 » tamen etiã Episcopum posse in causis speciali-  
 » bus, et necessariis : v. gr. propter paupertatem, et se-  
 » nium resignantis, vel litis compositionem, vel prop-  
 » ter adæquandos fructus, in permutatione Beneficio-  
 » rum. \* (*Vide l. 3. n. 73.*) \* II. Debere esse modera-  
 » tam, ità ut Beneficiato relinquatur sufficiens sus-  
 » tentatio ; talis autem plerumque censetur tertia pars  
 » fructuum. \* (*Cum Salm. de Benef. cap. unic. n. 46.*) \*  
 » III. Ad pensionem non requiri consensum patroni ,  
 » ùt quidam volunt, quia id nullo jure statutum est.  
 » Nequè ullum fit præjudicium per impositionem pen-  
 » sionis, cum is fructus non percipiat ex Beneficio ,  
 » sed tantum habeat jus instituendi, et præsentandi,  
 » quod ei non adimitur. IV. Pensionarius post consti-  
 » tutionem Pii V. ubi ea est recepta, tenetur recitare  
 » Officium B. V. nec facit fructus suos, si omittat. \*  
 » (*Intelligitur de pensione, quam quis ùt Clericus perci-*  
 » *pit. Vide Salm. de Benef. n. 64. Item ad tale onus*  
 » *non obligantur, qui dicunt Officium Majus, vel qui*  
 » *sunt Equites Ordinis Militaris, cum satisfaciant reci-*  
 » *tando preces à Religione præceptas. Ità Azor. Pal.*  
 » *Bonac. Led. cum Salm. l. c. et de Hor. Can. c. 2*  
 » *n. 28.*) \* V. Pensionem extinguì morte Pensionarii,  
 » sicut ususfructus morte usufructuarii. Posset tamen  
 » Papa facere perpetuam, ex plenitudine potestatis.  
 » De venditione et redemptione pensionis v. *Láym.*  
 » *c. 18. et Less. l. 2 c. 25 d. 22. Bon. l. c. §. 13.* »

Quæritur, an pensionarius possit de redditibus pen-  
 sionis prohibito disponere? Affirmant *Vasq. Covarr etc.* <sup>139</sup>  
 apud *Salm. de Benef. cap. un. n. 63.* Quia pensio, ùt  
 dicunt, est portio jam extracta ex fructibus Beneficii.  
 Et pro hac sententia adest Decisio Rotæ Romanæ,  
 quam affert *Azor. p. 2 l. 7 c. 9 q. 12.* in qua definitum  
 fuit, *pensiones decursas et non solutas non computari*  
*inter spolia* (sicùt computantur fructus Beneficiorum),  
*sed transire ad hæredes; quia pensio non est Beneficium,*  
*sed consistit in mera temporalitate.* Negat verò *Nav.*  
*Mol. Garcia,* quia pensio eisdem regulis Beneficiorum



510      Lib. IV. De Præc. particularibus, etc.  
metiri debet, cum illis æquiparetur. Verùm *Salm. ibid.*,  
distinguunt, et affirmant de pensione laicali, negant  
de Ecclesiastica. Hæ tres sententiæ omnes sunt proba-  
biles. *Vide l. 3 n. 491. Qu. VI.*

FINIS TOMI TERTII.

---

# INDEX

## TRACTATUUM ET CAPITUM TOMI III.

### LIBER III.

#### TRACTATUS V. DE SEPTIMO PRÆCEPTO DECALOGI.

Capita.	Pagina.
3 De Contractibus .....	3
4 De Tutela et Testamentis .....	197

#### TRACTATUS VI. — *De Præcepto Octavo, Nono, Decimo, et Præceptis Ecclesiæ.*

1 De Præcepto Octavo .....	244
2 De Præcepto Nono et Decimo .....	283
3 De Præceptis Ecclesiæ .....	285

### LIBER IV.

#### DE PRÆCEPTIS PARTICULARIBUS CERTO HOMINUM STATUI PROPRIIS.

1 De Statu Religioso .....	351
2 De Statu Clericorum .....	440

---

## MONITUM.

---

Hic Tomus jam diù subscriptoribus fuisset distributus, nisi Correctori advertenti, plurimos textus, tum ex scriptura sacra, tum ex Concilio Tridentino, Doctore Angelico, Salmanticensibus, Lessio, Layman, La Croix, aliisque Authoribus incorrectè citatos, multaque loca malè allegata, sæpiùs ad fontes fuisset recurrendum. Hæc omnia correcta reperiuntur N.<sup>is</sup> 907. 931. 966. 968. 973. 981. 985. 992. 1000. 1011. 1022. 1030. 1041. 1042. 1046. 1047. Ex Tomo 2. Ed. Bassan : N.<sup>is</sup> 2. 10. 15. 17. 49. 66. 67. 68. 71. 73. 74. 78. 91. 97. 104. 110. 117. 121. 126. 127. etc. nimis enim longum esset omnia, quæ fuêre correcta, hic allegare.

Digitized by Google







This book should be returned to  
the Library on or before the last date  
stamped below.

A fine of five cents a day is incurred  
by retaining it beyond the specified  
time.

Please return promptly.

~~FEB - 8 '55 H~~





This book should be returned to  
the Library on or before the last date  
stamped below.

A fine of five cents a day is incurred  
by retaining it beyond the specified  
time.

Please return promptly.

~~FEB - 5 '55 H~~

